

Namo tassa bhagavato arahato sammāsambuddhassa

Khuddakanikāye

Apadāna-aṭṭhakathā

(Paṭhamo bhāgo)

Ganthārambhakathā

Vanditvā sirasā seṭṭhaṃ, buddhamappaṭipuggalaṃ;
Ñeyyasāgaramuttiṇṇaṃ, tiṇṇaṃ saṃsārasāgaraṃ.

Tatheva paramaṃ santaṃ, gambhīraṃ duddasaṃ aṇuṃ;
Bhavābhavakaraṃ suddhaṃ, dhammaṃ sambuddhapūjitaṃ.

Tatheva anaghaṃ saṅghaṃ, asaṅgaṃ saṅghamuttamaṃ;
Uttamaṃ dakkhiṇeyyānaṃ, santindriyamaṇāsavaṃ.

Katena tassa etassa, paṇāmena visesato;
Ratanattaye visesena, visesassādarena me.

Therehi dhīradhīrehi, āgamaññūhi viññubhi;
“Apadānaṭṭhakathā bhante, kātabbā”ti visesato.
Punappunādareneva, yācitoḥaṃ yasassibhi;
Tasmāhaṃ sāpadānassa, apadānassasesato.

Visesanayadīpassa, dīpissaṃ piṭakattaye;
Yathā pāḷinayeneva, atthasaṃvaṇṇanaṃ subhaṃ.

Kena kattha kadā cetāṃ, bhāsitaṃ dhammamuttamaṃ;
Kimatthaṃ bhāsitañcetaṃ, etaṃ vatvā vidhiṃ tato.

Nidānesu kosallatthaṃ, sukhuḅgahaṇadhāraṇaṃ;
Tasmā taṃ taṃ vidhiṃ vatvā, pubbāparavisesitaṃ.

Purā sīhaḷabhāsāya, porāṇaṭṭhakathāya ca;
Ṭhapitaṃ taṃ na sādheti, sādḥūnaṃ icchiticchitaṃ.

Tasmā tamupanissāya, porāṇaṭṭhakathānayaṃ;
Vivajjetvā viruddhatthaṃ, visesatthaṃ pakāsayaṃ;
Visesavaṇṇanaṃ seṭṭhaṃ, karissāmatthavaṇṇananti.

Nidānakathā

“Kena kattha kadā cetāṃ, bhāsitaṃ dhammamuttama”nti ca, “karissāmatthavaṇṇana”nti ca paṭiññātattā sā panāyaṃ apadānassatthavaṇṇanā dūrenidānaṃ, avidūrenidānaṃ, santikenidānanti imāni tīṇi nidānāni dassetvā vaṇṇiyamānā ye naṃ suṇanti, tehi samudāgamato paṭṭhāya viññātattā yasmā suṭṭhu viññātā nāma hoti, tasmā naṃ tāni nidānāni dassetvā vaṇṇayissāma.

Tattha ādito tāva tesam nidānānaṃ paricchedo veditabbo. Dīpaṅkarapādamūlasmiñhi katābhinihārassa mahāsattassa yāva vessantarattabhāvā cavitvā tusitapure nibbatti, tāva pavatto kathāmaggo **dūrenidānaṃ** nāma. Tusitabhavanato pana cavitvā yāva bodhimaṇḍe sabbaññutappatti, tāva pavatto kathāmaggo **avidūrenidānaṃ** nāma. **Santikenidānaṃ** pana tesu tesu ṭhānesu viharato tasmim̐ tasmim̐yeva ṭhāne labbhatīti.

1. Dūrenidānakathā

Tatridaṃ **dūrenidānaṃ** nāma – ito kira kappasatasahassādhikānaṃ catunnaṃ asaṅkhyeyyānaṃ matthake **amaravatī** nāma nagaraṃ ahoṣi. Tattha **sumedho** nāma brāhmaṇo paṭivasati, ubhato sujāto mātito ca pitito ca, saṃsuddhagahaṇiko yāva sattamā kulaparivaṭṭā, akkhitto anupakuṭṭho jātivādena, abhirūpo dassanīyo pāsādiko paramāya vaṇṇapokkharatāya samannāgato. So aññaṃ kammaṃ akatvā brāhmaṇasippameva uggaṇhi. Tassa daharakāleyeva mātāpitaro kālamakaṃsu. Athassa rāsivaḍḍhako amacco āyapotthakaṃ āharitvā suvaṇṇarajatamaṇimuttādibharite gabbhe vivaritvā “ettakaṃ te, kumāra, mātu santakaṃ, ettakaṃ pitu santakaṃ, ettakaṃ ayyakapayyakāna”nti yāva sattamā kulaparivaṭṭā dhanam̐ ācikkhitvā “etaṃ paṭipajjāhi”ti āha. **Sumedhapaṇḍito** cintesi – “imaṃ dhanam̐ saṃharitvā mayhaṃ pitupitāmahādayo paralokaṃ gacchantā ekakahāpaṇampi gahetvā na gatā, mayā pana gahetvā gamanakāraṇam̐ kātuṃ vaṭṭatī”ti, so rañño ārocetvā nagare bherim̐ carāpetvā mahājanassa dānam̐ datvā tāpasapabbajjaṃ pabbajī. Imassa panatthassa āvibhāvatham̐ imasmim̐ ṭhāne sumedhakathā kathetabbā. Sā panesā kiñcāpi buddhavaṃse nirantaram̐ āgatāyeva, gāthābandhena pana āgatattā na suṭṭhu pākāṭā, tasmā tam̐ antarantarā gāthāsambandhadīpakehi vacanehi saddhim̐ kathessāma.

Sumedhakathā

Kappasatasahassādhikānañhi catunnaṃ asaṅkhyeyyānaṃ matthake dasahi saddehi avivittaṃ “amaravatī”ti ca “amara”nti ca laddhanāmaṃ nagaraṃ ahoṣi, yaṃ sandhāya **buddhavaṃse** vuttaṃ –

“Kappe ca satasahassee, caturo ca asaṅkhiye;
Amaram̐ nāma nagaraṃ, dassaneyyam̐ manoramaṃ;
Dasahi saddehi avivittaṃ, annapānasamāyuta”nti. (bu. vaṃ. 2.1-2);

Tattha **dasahi saddehi avivittanti** hatthisaddena assasaddena rathasaddena bherisaddena mudīngasaddena vīṇāsaddena gītasaddena saṅkhasaddena sammasaddena tālasaddena “asnātha pivatha khādathā”ti dasamena saddenāti imehi dasahi saddehi avivittaṃ ahoṣi. Tesam̐ pana saddānaṃ ekadesameva gahetvā –

“Hatthisaddam̐ assasaddam̐, bherisaṅkharathāni ca;
Khādatha pivatha ceva, annapānena ghosita”nti. –

Buddhavaṃse (bu. vaṃ. 2.3-5) imaṃ gātham̐ vatvā –

“Nagaraṃ sabbaṅgasampannam̐, sabbakammamupāgataṃ;
Sattaratanasampannam̐, nānājanasamākulaṃ;
Samiddham̐ devanagaraṃva, āvāsam̐ puññakammaṇam̐.

“Nagare amaravatiyā, sumedho nāma brāhmaṇo;
Anekakoṭṭisannicayo, pahūtadhanadhaññavā.

“Ajjhāyako mantadharo, tiṇṇam̐ vedāna pāragū;
Lakkhaṇe itihāse ca, sadhamme pāramim̐ gato”ti. – vuttaṃ;

Athekadivasam̐ so sumedhapaṇḍito uparipāsādaratāle rahogato hutvā pallaṅkam̐ ābhujitvā nisinnō

evaṃ cintesi – “punabbhave, paṇḍita, paṭisandhiggahaṇaṃ nāma dukkhaṃ, tathā nibbattanibbattaṭṭhāne sarīrassa bhedaṇaṃ, ahañca jātidhammo, jarādhammo, byādhidhammo, maraṇadhammo, evaṃbhūtena mayā ajātiṃ ajaraṃ abyādhiṃ amaraṇaṃ adukkhaṃ sukhaṃ sītaṃ amatamahānibbānaṃ pariyesituṃ vaṭṭati. Avassaṃ bhavato mucchivā nibbānagāminā ekena maggena bhavitabba”nti. Tena vuttaṃ –

“Rahogato nisīditvā, evaṃ cintesaṃ tadā;
Dukkho punabbhavo nāma, sarīrassa ca bhedaṇaṃ.

“Jātidhammo jarādhammo, byādhidhammo saṃ tadā;
Ajaraṃ amaraṃ khemaṃ, pariyesissāmi nibbutiṃ.

“Yaṃnūnimaṃ pūtikāyaṃ, nānākuṇapapūritaṃ;
Chaḍḍayitvāna gaccheyyaṃ, anapekkho anattiko.

“Atthi hehiti so maggo, na so sakkā na hetuye;
Pariyesissāmi taṃ maggaṃ, bhavato parimuttiyā”ti.

Tato uttaripe evaṃ cintesi – “yathā hi loke dukkhassa paṭipakkhabhūtaṃ sukhaṃ nāma atthi, evaṃ bhava sati tappaṭipakkhena vibhavenāpi bhavitabbaṃ. Yathā ca uṇhe sati tassa vūpasamabhūtaṃ sītalampi atthi, evaṃ rāgaggiādīnaṃ vūpasamena nibbānenāpi bhavitabbaṃ. Yathā nāma pāpassa lāmakassa dhammassa paṭipakkhabhūto kalyāṇo anavajjabhūto dhammopi atthiyeva, evameva pāpikāya jātiyā sati sabbajātikhepanato ajātiśaṅkhātena nibbānenāpi bhavitabbamevā”ti. Tena vuttaṃ –

“Yathāpi dukkhe vijjante, sukhaṃ nāmapi vijjati;
Evaṃ bhava vijjamāne, vibhavopicchitabbako.

“Yathāpi uṇhe vijjante, aparaṃ vijjati sītaṃ;
Evaṃ tividhaggi vijjante, nibbānampicchitabbakaṃ.

“Yathāpi pāpe vijjante, kalyāṇamapi vijjati;
Evameva jāti vijjante, ajātipicchitabbaka”nti.

Aparampi cintesi – “yathā nāma gūtharāsīmhi nimuggena purisena dūratova pañcavaṇṇapadumasañchannaṃ mahātaḷākaṃ disvā ‘katarena nu kho maggena ettha gantabba’nti taṃ taḷākaṃ gavesituṃ yuttaṃ. Yaṃ tassa agavesanaṃ, na so taḷākassa doso, purisasseva doso. Evaṃ kilesamaladhovane amatamahānibbānataḷāke vijjante yaṃ tassa agavesanaṃ, na so amatamahānibbānataḷākassa doso, purisasseva doso. Yathā ca corehi samparivārito puriso palāyanamagge vijjamānēpi sace na palāyati, na so maggassa doso, purisasseva doso. Evameva kilesehi parivāretvā gahitassa purisassa vijjamāneyeva nibbānagāminimhi sive magge maggassa agavesanaṃ nāma na maggassa doso, purisasseva doso. Yathā ca byādhipīḷito puriso vijjamāne byādhitikicchake vejje sace taṃ vejjaṃ gavesitvā byādhiṃ na tikicchāpeti, na so vejjaṃ doso, purisasseva doso. Evameva yo kilesabyādhipīḷito kilesavūpasamamaggakovidāṃ vijjamānameva ācariyaṃ na gavesati, tasseva doso, na kilesavināsakassa ācariyassa doso”ti. Tena vuttaṃ –

“Yathā gūthagato puriso, taḷākaṃ disvāna pūritaṃ;
Na gavesati taṃ taḷākaṃ, na doso taḷākassa so.

“Evaṃ kilesamaladhove, vijjante amatantaḷe;
Na gavesati taṃ taḷākaṃ, na doso amatantaḷe.

“Yathā rīhi pariruddho, vijjante gamanampathe;

Na palāyati so puriso, na doso añjasassa so.

“Evaṃ kilesapariruddho, vijjamāne sive pathe;
Na gavesati taṃ maggaṃ, na doso sivamañjase.

“Yathāpi byādhito puriso, vijjamāne tikicchake;
Na tikicchāpeti taṃ byādhiṃ, na doso so tikicchake.

“Evaṃ kilesabyādhīhi, dukkhito paripīlito;
Na gavesati taṃ ācariyaṃ, na doso so vināyake”ti.

Aparampi cintesi – “yathā maṇḍanakajātiko puriso kaṇṭhe āsattaṃ kuṇapaṃ chaḍḍetvā sukhaṃ gaccheyya, evaṃ mayāpi imaṃ pūtikāyaṃ chaḍḍetvā anapekkhena nibbānanagaraṃ pavisitabbaṃ. Yathā ca naranāriyo ukkārabhūmiyaṃ uccārapassāvaṃ katvā na taṃ ucchaṅgena vā ādāya, dussantena vā veṭhetvā gacchanti, jigucchamānā pana anapekkhāva, chaḍḍetvā gacchanti, evaṃ mayāpi imaṃ pūtikāyaṃ anapekkhena chaḍḍetvā amatanibbānanagaraṃ pavisituṃ vaṭṭati. Yathā ca nāvika nāma jajjaraṃ nāvaṃ anapekkhāva chaḍḍetvā gacchanti, evaṃ ahampi imaṃ navahi vaṇamukhehi paggharantaṃ kāyaṃ chaḍḍetvā anapekkho nibbānapuraṃ pavisissāmi. Yathā ca puriso nānāratanaṃ ādāya corehi saddhiṃ maggaṃ gacchanta attano ratanaṃ ābhayaṃ te chaḍḍetvā khemaṃ maggaṃ gaṇhāti, evaṃ ayampi karajakāyo ratanavilopakacorasadiso. Sacāhaṃ ettha taṇhaṃ karissāmi, ariyamaggakusaladhammaratanaṃ me nassissati, tasmā mayā imaṃ corasadiṃ kāyaṃ chaḍḍetvā amatamahānibbānanagaraṃ pavisituṃ vaṭṭati”ti. Tena vuttaṃ –

“Yathāpi kuṇapaṃ puriso, kaṇṭhe baddhaṃ jigucchiya;
Mocayitvāna gaccheyya, sukhī serī sayamvasī.

“Tathevimaṃ pūtikāyaṃ, nānakuṇapasañcayaṃ;
Chaḍḍayitvāna gaccheyyaṃ, anapekkho anattiko.

“Yathā uccāraṭṭhānamhi, karīsaṃ naranāriyo;
Chaḍḍayitvāna gacchanti, anapekkhā anattikā.

“Evamevāhaṃ imaṃ kāyaṃ, nānakuṇapapūritaṃ;
Chaḍḍayitvāna gacchissaṃ, vaccaṃ katvā yathā kuṭiṃ.

“Yathāpi jajjaraṃ nāvaṃ, paluggaṃ udagāhinaṃ;
Sāmī chaḍḍetvā gacchanti, anapekkhā anattikā.

“Evamevāhaṃ imaṃ kāyaṃ, navacchiddaṃ dhuvassavaṃ;
Chaḍḍayitvāna gacchissaṃ, jiṇṇanāvamaṃva sāmikā.

“Yathāpi puriso corehi, gacchanta bhaṇḍamādiya;
Bhaṇḍacchedabhayaṃ disvā, chaḍḍayitvāna gacchati.

“Evameva ayaṃ kāyo, mahācorasamo viya;
Pahāyimaṃ gamissāmi, kusalacchedanā bhayā”ti.

Evaṃ sumedhapaṇḍito nānāvīdhāhi upamāhi imaṃ nekkhammūpasamhitam atthaṃ cintetvā sakanivesane aparimitabhogakkhandhaṃ heṭṭhā vuttanayena kapaṇaddhikādīnaṃ vissajjetvā mahādānaṃ datvā vatthukāme ca kilesakāme ca pahāya amaranagaraṃ nikkhamitvā ekakova himavante **dhammikaṃ** nāma pabbataṃ nissāya assamaṃ katvā tattha paṇṇasālaṅca caṅkamaṅca māpetvā pañcahi nīvaraṇadosehi vajjitaṃ “evaṃ samāhite citte”tiādīnā nayena vuttehi aṭṭhahi kāraṇaguṇehi samupetaṃ abhiññāsāṅkhātāṃ

balam āharitum tasmim assamapade navadosasamannāgataṃ sātakaṃ pajahitvā,
dvādasaguṇasamannāgataṃ vākacīraṃ nivāsetvā, isipabbajjam pabbaji. Evaṃ pabbajito
aṭṭhadosasamākiṇṇaṃ taṃ paṇṇasālaṃ pahāya dasaguṇasamannāgataṃ rukkhamūlaṃ upagantvā sabbaṃ
dhañṇavikatiṃ pahāya pavattaphalabhojano hutvā nisajjaṭṭhānacaṅkamanavaseneva padhānaṃ padahanto
sattāhabbhantareyeva aṭṭhannaṃ samāpattīnaṃ pañcannañca abhiññānaṃ lābhī ahoṣi. Evaṃ taṃ
yathāpatthitaṃ abhiññābalaṃ pāpuṇi. Tena vuttaṃ –

“Evāhaṃ cintayitvāna, nekaḷoṭisataṃ dhaṇaṃ;
Nāthānāthānaṃ datvāna, himavantamupāgamiṃ.

“Himavantassāvidūre, dhammiko nāma pabbato;
Assamo sukato mayhaṃ, paṇṇasālā sumāpitā.

“Caṅkamaṃ tattha māpesiṃ, pañcadosavivajjitaṃ;
Aṭṭhaguṇasamupetaṃ, abhiññābalaṃ māharim.

“Sātakaṃ pajahiṃ tattha, navadosamupāgataṃ;
Vākacīraṃ nivāsesiṃ, dvādasaguṇamupāgataṃ.

“Aṭṭhadosasamākiṇṇaṃ, pajahiṃ paṇṇasālakaṃ;
Upāgamiṃ rukkhamūlaṃ, guṇe dasahupāgataṃ.

“Vāpitaṃ ropitaṃ dhañṇaṃ, pajahiṃ niravasesato;
Anekaguṇasampannaṃ, pavattaphalamādiyim.

“Tatthappadhānaṃ padahiṃ, nisajjaṭṭhānacaṅkame;
Abbhantaramhi sattāhe, abhiññābala pāpuṇi”nti.

Tattha “**assamo sukato mayhaṃ, paṇṇasālā sumāpitā**”ti imāya pana pāliyaṃ sumedhapaṇḍitena
assamaṃ paṇṇasālacaṅkamā sahatthā māpitā viya vuttā. Ayaṃ panettha attho – mahāsattañhi “himavantaṃ
ajjhogāhetvā ajja dhammikapabbataṃ pavisissatī”ti disvā sakko vissakammadevaputtaṃ āmantesi – “tāta,
ayaṃ sumedhapaṇḍito ‘pabbajissāmi’ti nikkhanto, etassa vasanaṭṭhānaṃ māpehi”ti. So tassa vacanaṃ
sampaṭicchitvā ramaṇīyaṃ assamaṃ, suguttaṃ paṇṇasālaṃ, manoramaṃ caṅkamañca māpesi. Bhagavā
pana tadā attano puññānubhāvena nipphannaṃ taṃ assamapadaṃ sandhāya “sāriputta, tasmim
dhammikapabbate –

“Assamo sukato mayhaṃ, paṇṇasālā sumāpitā;
Caṅkamaṃ tattha māpesiṃ, pañcadosavivajjita”nti. –

Āha. Tattha **sukato mayhanti** suṭṭhu kato mayā. **Paṇṇasālā sumāpitā**ti paṇṇacchadanasālāpi me sumāpitā
ahoṣi.

Pañcadosavivajjanti pañcime caṅkamadosā nāma thaddhavisamatā, antorukkhatā, gahanacchannatā,
atisambādhatā, ativisālatāti. Thaddhavisamabhūmibhāgasmiñhi caṅkame caṅkamantassa pādā rujjanti,
phoṭā utṭhahanti, cittaṃ ekaggataṃ na labhati, kammaṭṭhānaṃ vipajjati. Mudusamatale pana phāsuvihāraṃ
āgamma kammaṭṭhānaṃ sampajjati. Tasmā thaddhavisamabhūmibhāgatā eko dosoti veditabbo.
Caṅkamassa anto vā majjhe vā koṭiyaṃ vā rukkhe sati pamādamāgamma caṅkamantassa nalāṭaṃ vā sīsaṃ
vā paṭihaññatīti antorukkhatā dutiyo doso. Tiṇalatādigahanacchanne caṅkame caṅkamanto
andhakāraṇelāyaṃ uragādiḷe pāṇe akkamitvā vā māreti, tehi vā daṭṭho dukkhaṃ āpajjati gahanacchannatā
tatiyo doso. Atisambādhe caṅkame vitthārato ratanike vā aḍḍharatanike vā caṅkamantassa paricchede
pakkhalitvā nakhāpi āṅgulyopi bhijjantīti atisambādhatā catuttho doso. Ativisāle caṅkame caṅkamantassa
cittaṃ vidhāvati, ekaggataṃ na labhatīti ativisālatā pañcamaṃ doso. Puthulato pana diyaḍḍharatanaṃ dvīsu

passesu ratanamattam anucaṅkamaṃ dīghato satṭhihattham mudutalam samavippakiṇṇavālukam caṅkamaṃ vaṭṭati **cetiyagirimhi** dīpappasādakamahā**mahindattherassa** caṅkamaṃ viya, tādisaṃ taṃ ahoṣi. Tenāha – “caṅkamaṃ tattha māpesiṃ, pañcadosavivajjita” nti.

Aṭṭhaguṇasamupetanti aṭṭhahi samaṇasukhehi upetaṃ. Aṭṭhimāni samaṇasukhāni nāma dhanadhañṇapariggahābhāvo, anavajjapiṇḍapātapariyesanabhāvo, nibbutapiṇḍapātabhuñjanabhāvo, raṭṭham pīḷetvā dhanasāraṃ vā sīsakahāpaṇādīni vā gaṇhantesu rājakulesu raṭṭhapīḷanakilesābhāvo, upakaraṇesu nicchandarāgabhāvo, coravilope nibbhayabhāvo, rājarājamahāmattehi asaṃsaṭṭhabhāvo, catūsu disāsu appaṭihatabhāvoti. Idaṃ vuttam hoti – “yathā tasmim assame vasantena sakkā honti imāni aṭṭha sukhāni vinditum, evaṃ aṭṭhaguṇasamupetaṃ taṃ assamaṃ māpesi” nti.

Abhiññābalaṃmāharinti pacchā tasmim assame vasanto kaṣiṇaparikkammaṃ katvā abhiññānañca samāpattīnañca uppādanatthāya aniccato ca dukkhato ca vipassanaṃ ārabhitvā thāmappattam vipassanābalaṃ āharim. Yathā tasmim vasanto taṃ balaṃ āharitum sakkomi, evaṃ taṃ assamaṃ abhiññatthāya vipassanābalassa anucchavikaṃ katvā māpesinti attho.

Sātakam pajahim tattha, navadosamupāgatanti etthāyaṃ anupubbikathā. Tadā kira kuṭiḷeṇacaṅkamādīpaṭimaṇḍitaṃ pupphūpagaphalūpagarukkhasañchannaṃ ramaṇīyaṃ madhurasalilāsayaṃ apagatavāḷamigabhimsanakasakuṇaṃ pavivekakkhamaṃ assamaṃ māpetvā alaṅkatacaṅkamassa ubhosu antesu ālambanaphalakaṃ saṃvidhāya nisīdanatthāya caṅkamavemajjhe samatalaṃ muggavaṇṇasilaṃ māpetvā anto paṇṇasālāya jaṭāmaṇḍalavākacīratidaṇḍakuṇḍikādike tāpasaparikkhāre maṇḍape pānīyaghaṭapānīyasaṅkhaṇāpānīyasarāvāni, aggisālāyaṃ aṅgārakapalladāruādīnīti evaṃ yaṃ yaṃ pabbajitānaṃ upakārya saṃvattati, taṃ sabbam māpetvā paṇṇasālāya bhittiyam – “ye keci pabbajitukāmā ime parikkhāre gahetvā pabbajantū” ti akkharāni chinditvā devalokameva gate vissakammadevaputte sumedhapaṇḍito himavantapāde girikandarānusārena attano nivāsānurūpaṃ phāsukaṭṭhānaṃ olokeno nadīnivattane vissakammanimitam sakkadattiyam ramaṇīyaṃ assamaṃ disvā caṅkamanakoṭim gantvā padavaḷaṅṇam apassanto “dhuvaṃ pabbajitā dhuragāme bhikkham pariyesitvā kilantarūpā āgantvā paṇṇasālam pavisitvā nisinnā bhavissanti” ti cintetvā thokaṃ āgametvā “atīviya cirāyanti, jānissāmī” ti paṇṇasāladvāraṃ vivaritvā anto pavisitvā ito cito ca olokeno mahābhittiyam akkharāni vācetvā “mayham kappiyaparikkhārā ete, ime gahetvā pabbajissāmī” ti attanā nivatthapārutaṃ sātakayugaṃ pajahi. Tenāha “sātakam pajahim tatthā” ti. Evaṃ pavittho aham, sāriputta, tassaṃ paṇṇasālāyaṃ sātakam pajahim.

Navadosamupāgatanti sātakam pajahanto nava dose disvā pajahinti dīpeti. Tāpasapabbajjam pabbajitānañhi sātakasmim nava dosā upaṭṭhahanti. Mahagghabhāvo eko doso, parapaṭibaddhatāya uppajjanabhāvo eko, paribhogena lahuṃ kilissanabhāvo eko, kilīṭṭho hi dhovitabbo ca rajitabbo ca hoti, paribhogena jīraṇabhāvo eko, jinṇassa hi tunnaṃ vā aggaḷadānaṃ vā kātabbam hoti, puna pariyesanāya durabhisambhavabhāvo eko, tāpasapabbajjāya asārūpabhāvo eko, paccatthikānaṃ sādharāṇabhāvo eko, yathā hi naṃ paccatthikā na gaṇhanti, evaṃ gopetabbo hoti, paribhuñjantassa vibhūsanatṭhānabhāvo eko, gahetvā vicarantassa khandhabhāramahicchabhāvo ekoti.

Vākacīram nivāsesinti tadāham, sāriputta, ime nava dose disvā sātakam pahāya vākacīram nivāsesiṃ, muñjatiṇaṃ hīraṃ hīraṃ katvā ganthetvā kataṃ vākacīram nivāsanapārūpanatthāya ādiyinti attho.

Dvādasa guṇamupāgatanti dvādasahi ānisaṃsehi samannāgataṃ. Vākacīrasmiñhi dvādasa ānisaṃsā – appaggham sundaram kappiyanti ayaṃ tāva eko ānisaṃso, sahatthā kātum sakkāti ayaṃ dutiyo, paribhogena saṅikaṃ kilissati, dhoviyamānepi papañco natthīti ayaṃ tatiyo, paribhogena jinṇepi sibbitabbābhāvo catuttho, puna pariyesantassa sukkena karaṇabhāvo pañcama, tāpasapabbajjāya sārūpabhāvo chaṭṭho, paccatthikānaṃ nirupabhogabhāvo sattamo, paribhuñjantassa vibhūsanatṭhānābhāvo aṭṭhamo, dhāraṇe sallahukabhāvo navamo, cīvarapaccaye appicchabhāvo dasamo, vākupattiyā dhammikaanavajjabhāvo ekādasamo, vākacīre natṭhepi anapekkhabhāvo dvādasamoti.

Aṭṭhadosaṃmākiṇṇam, pajahim paṇṇasālakanti katham pajahim? So kira varasātakayugaṃ omuñcanto cīvaravaṃse laggitaṃ anojapupphadāmasadisam rattam vākacīram gahetvā nivāsetvā tassūpari

aparam suvaṇṇavaṇṇaṃ vācacīraṃ paridahitvā punnāgapupphasantharasadisamaṃ sakhuraṃ
 ajinacammaṃ ekaṃsaṃ katvā jaṭamaṇḍalaṃ paṭimuñcitvā cūlāya saddhiṃ niccalabhāvakaṇḍakam
 sārasūciṃ pavevetvā muttājālasadisāya sikkāya pavāḷavaṇṇaṃ kuṇḍikaṃ odahitvā tīsu ṭhānesu vaṅkaṃ
 kājaṃ ādāya ekissā kājakoṭṭiyā kuṇḍikaṃ, ekissā ankusapacchitidaṇḍakādīni olaggetvā khārikājaṃ aṃse
 katvā dakkhiṇena hatthena kattaradaṇḍaṃ gahetvā paṇṇasālato nikkhamitvā saṭṭhihatthe mahācaṅkame
 aparāparaṃ caṅkamanto attano vesamaṃ oloketvā – “mayhaṃ manoratho matthakaṃ patto, sobhati vata me
 pabbajjā, buddhapaccekaḍḍhādīhi sabbehi dhīrapurisehi vaṇṇitā thomitā ayaṃ pabbajjā nāma, pahīnaṃ
 me gihibandhanaṃ, nikkhantosi nekkhammaṃ, laddhā me uttamapabbajjā, karissāmi samaṇadhammaṃ,
 labhissāmi maggaphalasukha”nti ussāhajāto khārikājaṃ otāretvā caṅkamavemajjhe muggavaṇṇasilāpatṭe
 suvaṇṇapaṭimā viya nisinno divasabhāgaṃ vītināmetvā sāyanhasamayamaṃ paṇṇasālaṃ pavisitvā
 bidalamañcakapasse kaṭṭhattharikāya nipanno sarīraṃ utuṃ gāhāpetvā balavapaccūse pabujjhitvā attano
 āgamaṃ āvajjesi – “ahaṃ gharāvāse ādīnaṃ disvā amitabhogaṃ anantayasaṃ pahāya araññaṃ
 pavisitvā nekkhammagavesako hutvā pabbajito. Ito dāni paṭṭhāya pamādacāraṃ carituṃ na vaṭṭati,
 pavivekañhi pahāya vicarantaṃ micchāvitakkamakkhikā khādanti, idāni mayā vivekamanubrūhetuṃ vaṭṭati,
 ahañhi gharāvāsaṃ palibodhato disvā nikkhanto, ayañca manāpā paṇṇasālā, beluvapakkavaṇṇā
 paribhaṇḍakatā bhūmi, rajatavaṇṇā setabhittiyo, kapotapādavaṇṇaṃ paṇṇacchadanamaṃ, vicittattharaṇavaṇṇo
 bidalamañcako, nivāsaphāsukaṃ vasanaṭṭhānaṃ, na etto atirekatarā viya me gehasampadā paññāyatī”ti
 paṇṇasālāya dose vicinanto aṭṭha dose passi.

Paṇṇasālaparibhogasmiñhi aṭṭha ādīnavā – mahāsamārambhena dabbasambhāre samodhānetvā
 karaṇapariyesanabhāvo eko ādīnavo, tiṇapaṇṇamattikāsu patitāsu tāsamaṃ punappunaṃ ṭhapetabbatāya
 nibaddhajaggaṇabhāvo dutiyo, senāsaṇaṃ nāma mahallakassa pāpuṇāti, avelāya vuṭṭhāpiyamānassa
 cittekkaggatā na hotīti uṭṭhāpanīyabhāvo tatiyo, sītuṇhādipaṭiṅghātena kāyassa sukhumālakaraṇabhāvo
 catuttho, gehamaṃ pavitṭhena yaṃkiñci pāpaṃ sakkā kātunti garahāpaṭicchādanabhāvo pañcama, “mayha”nti
 pariggahakaraṇabhāvo chaṭṭho, gehassa atthibhāvo nāmesa sadutiyaṃ kavāso viyāti sattamo,
 ūkāmaṅgulagharagoḷikādīnaṃ sādharāṇatāya bahusādharāṇabhāvo aṭṭhama. Iti ime aṭṭha ādīnave disvā
 mahāsatto paṇṇasālaṃ pajahi. Tenāha – “aṭṭhadosaṃ mākiṇṇamaṃ, pajahiṃ paṇṇasālaka”nti.

Upāgamaṃ rukkhamaṃ, guṇe dasahupāgataṃ channaṃ paṭikkhipitvā dasahi guṇehi upetaṃ
 rukkhamaṃ upagatosmīti vadati. Tatrime dasa guṇā – appasamārambhataṃ eko guṇo,
 upagamaṇamattakameva hi tattha hotīti. Appaṭijaggaṇatā dutiyo, tañhi sammatṭhampi asammattṭhampi
 paribhogaphāsukaṃ hotiyeva. Anuṭṭhāpanīyabhāvo tatiyo. Garahaṃ nappaṭicchādeti, tattha hi pāpaṃ
 karonto lajjatīti garahāya appaṭicchannabhāvo catuttho. Abbhokāsavāso viya kāyamaṃ na santhambhetīti
 kāyassa asanthambhanabhāvo pañcama, pariggahakaraṇabhāvo chaṭṭho, gehālayapaṭikkhepo sattamo.
 Bahusādharāṇe gehe viya “paṭijaggissāmi naṃ, nikkhamathā”ti nīharaṇakābhāvo aṭṭhama, vasantassa
 sappītikabhāvo navama, rukkhamaṃ lasenāsaṇassa gatagataṭṭhāne sulabhatāya anapekkhabhāvo dasamoti ime
 dasaguṇe disvā rukkhamaṃ upagatosmīti vadati.

Imāni hi ettakāni kāraṇāni sallakkhetvā mahāsatto punadivase bhikkhāya gāmaṃ pāvisi. Athassa
 sampattagāme manussā mahantena ussāhena bhikkhamaṃ adaṃsu. So bhattakiccaṃ niṭṭhāpetvā assamaṃ
 āgamma nisīditvā cintesi – “nāhaṃ ‘āhāraṃ labhāmi”ti pabbajito, siniddhāhāro nāmesa
 mānamadapurisamade vaḍḍheti, āhāraṃ mālakassa ca dukkhassa anto natthi, yaṃnūnaṃ
 vāpitaropitadhaññānibbattakaṃ āhāraṃ pajahitvā pavattaphalabhojano bhavēyya”nti. So tato paṭṭhāya tathā
 katvā ghaṭento vāyamanto sattāhabbhantareyeva aṭṭha samāpattiyo pañca ca abhiññāyo nibbatesi. Tena
 vuttaṃ –

“Vāpitaṃ ropitaṃ dhaññaṃ, pajahiṃ niravasesato;
 Anekaguṇasampannaṃ, pavattaphalamādiyimaṃ.

“Tatthappadhānaṃ padahiṃ, nisajjaṭṭhānacaṅkame;
 Abbhantaramhi sattāhe, abhiññābala pāpuṇi”nti.

Dīpaṅkaro buddho

Evaṃ abhiññābalaṃ patvā sumedhatāpase samāpattisukhena vītināmente **dīpaṅkaro** nāma satthā loke udapādi. Tassa paṭisandhijātibodhi dhammacakkappavattanesu sakalāpi dasasahasilokadhātu saṅkampi sampakampi sampavedhi, mahāviraṃ ravi, dvattiṃsa pubbanimittāni pāturaheṣu. Sumedhatāpaso samāpattisukhena vītināmento neva taṃ saddamassosi, na ca tāni nimittāni addasa. Tena vuttaṃ –

“Evaṃ me siddhipattassa, vasībhūtassa sāsane;
Dīpaṅkaro nāma jino, uppajji lokanāyako.

“Uppajjante ca jāyante, bujjhante dhammadesane;
Caturo nimitte nāddasaṃ, jhānaratisamappito”ti.

Tasmiṃ kāle **dīpaṅkaradasabalo** catūhi khīṇāsavasatasahashehi parivuto anupubbena cārikaṃ caramāno **rammaṃ** nāma nagaraṃ patvā **sudassanamahāvihāre** paṭivasati. Rammanagaravāsino “dīpaṅkaro kira samañissaro paramābhisambodhiṃ patvā pavattavaradhammacakko anupubbena cārikaṃ caramāno amhākaṃ rammanagaraṃ patvā sudassanamahāvihāre paṭivasatī”ti sutvā sappinavanītādīni ceva bhesajjāni vatthacchādanāni ca gāhāpetvā gandhamālādihattā yena buddho, yena dhammo, yena saṅgho, tanninnā tappoṇā tappabbhārā hutvā satthāraṃ upasaṅkamitvā vanditvā gandhamālādīhi pūjetvā ekamantaṃ nisinnā dhammadesanaṃ sutvā svātanāya nimantetvā utthāyāsanaṃ pakkamīṃsu.

Te punadivase mahādānaṃ sajjetvā nagaraṃ alaṅkaritvā dasabalassa āgamanamaggaṃ alaṅkarontā udakabhinnatthānesu paṃsuṃ pakkhipitvā samaṃ bhūmitalaṃ katvā rajatapattavaṇṇaṃ vālukaṃ ākiranti, lāje ceva pupphāni ca vikiranti, nānāviraṅgehi vatthehi dhajapaṭāke ussāpentī, kadaliyo ceva puṇṇaghaṭapantiyo ca paṭiṭṭhāpentī. Tasmiṃ kāle sumedhatāpaso attano assamapadā ākāsaṃ uggantvā, tesāṃ manussānaṃ uparibhāgena ākāseṇa gacchanto te haṭṭhatuṭṭhe manusse disvā “kiṃ nu kho kāraṇa”nti ākāsaṭo oruyha ekamantaṃ ṭhito manusse pucchi – “ambho, kassa tumhe idha visamaṃ maggaṃ alaṅkarothā”ti? Tena vuttaṃ –

“Paccantadesavisaye, nimantetvā tathāgataṃ;
Tassa āgamaṃ maggaṃ, sodhenti tuṭṭhamānasā.

“Ahaṃ tena samayena, nikkhamitvā sakassamā;
Dhunanto vākacīrāni, gacchāmi ambare tadā.

“Vedajātaṃ janaṃ disvā, tuṭṭhahaṭṭhaṃ pamoditaṃ;
Orohitvāna gaganā, manusse pucchi tāvade.

“Tuṭṭhahaṭṭho pamudito, vedajāto mahājano;
Kassa sodhīyati maggo, añjasaṃ vaṭumāyana”nti.

Manussā āhaṃsu – “bhante sumedha, na tvaṃ jānāsi, dīpaṅkaro dasabalo sammāsambuddho sambodhiṃ patvā pavattavaradhammacakko cārikaṃ caramāno amhākaṃ nagaraṃ patvā sudassanamahāvihāre paṭivasati. Mayaṃ taṃ bhagavantaṃ nimantayimha, tassetāṃ buddhassa bhagavato āgamanamaggaṃ alaṅkaromā”ti. Atha sumedhatāpaso cintesi – “buddhoti kho ghosamattakampi loke dullabhaṃ, pageva buddhuppādo, mayāpi imehi manussehi saddhiṃ dasabalassa maggaṃ alaṅkaritūṃ vaṭṭatī”ti. So te manusse āha – “sace, bho, tumhe etaṃ maggaṃ buddhassa alaṅkarotha, mayhampi ekaṃ okāsaṃ detha, ahampi tumhehi saddhiṃ maggaṃ alaṅkarissāmī”ti. Te “sādhū”ti sampañcchitvā “sumedhatāpaso iddhiṃ”ti jānantā udakabhinnokāsaṃ sallakkhetvā – “tvaṃ imaṃ ṭhānaṃ alaṅkarohī”ti adāṃsu. Sumedho buddhārammaṇaṃ pītiṃ gahetvā cintesi – “ahaṃ imaṃ okāsaṃ iddhiyā alaṅkaritūṃ pahomi, evaṃ alaṅkato na maṃ paritosessati, ajja mayā kāyaveyyāvaccāṃ kātuṃ vaṭṭatī”ti paṃsuṃ āharitvā tasmiṃ padese pakkhipi.

Tassa tasmiṃ padese anīṭṭhiteyeva dīpaṅkaradasabalo mahānubhāvānaṃ chaḷabhiññānaṃ

khīṇāsavānaṃ catūhi satasahasseehi parivuto devatāsu dibbagandhamālādīhi pūjayantāsu dibbaturiyehi vajjantāsu dibbasaṅgītesu pavattentesu manussesu mānusekehi gandhamālādīhi ceva turiyehi ca pūjayantesu anopamāya buddhalīlāya manosilātale vijambhamāno siho viya taṃ alaṅkatapaṭiyattaṃ maggaṃ paṭipajji. Sumedhatāpaso akkhīni ummīletvā alaṅkatamaggena āgacchantassa dasabalassa dvattiṃsamahāpurisalakkhaṇapaṭimaṇḍitaṃ asītiyā anubyañjanehi anurañjitaṃ byāmapabhāya samparivāritaṃ maṇivaṇṇagaganatale nānappakārā vijjulātā viya āveḷāveḷabhūtā ceva yugaḷayugaḷabhūtā ca chabbaṇṇaghanabuddharasmiyo vissajjentaṃ rūpasobhaggappattaṃ attabhāvaṃ oloketvā – “ajja mayā dasabalassa jīvītapariccāgaṃ kātuṃ vaṭṭati, mā bhagavā kalalaṃ akkami, maṇiphalakasetuṃ pana akkamanto viya saddhiṃ catūhi khīṇāsavasatasahasseehi mama piṭṭhiṃ maddamāno gacchatu, taṃ me bhavissati dīgharattaṃ hitāya sukhāya”’ti kese mocetvā ajinacammajaṭāmaṇḍalavākacīrāni kāḷavaṇṇe kalale pattharivā maṇiphalakasetu viya kalalapiṭṭhe nipajji. Tena vuttaṃ –

“Te me puṭṭhā viyākaṃsu, ‘buddho loke anuttaro;
Dīpaṅkaro nāma jīno, uppajji lokanāyako;
Tassa sodhīyati maggo, añjasaṃ vaṭṭumāyanaṃ’.

“Buddhotivacanaṃ sutvāna, pīti uppajji tāvade;
Buddho buddhoti kathayanto, somanassaṃ pavedayiṃ.

“Tattha ṭhatvā vicintesiṃ, tuṭṭho saṃviggamānaso;
‘Idha bījāni ropissaṃ, khaṇo ve mā upaccagā’.

“Yadi buddhassa sodhetha, eko kāsaṃ dadātha me;
Ahampi sodhayissāmi, añjasaṃ vaṭṭumāyanaṃ.

“Adaṃsu te mamokāsaṃ, sodhetuṃ añjasaṃ tadā;
Buddho buddhoti cintento, maggaṃ sodhemahaṃ tadā.

“Aniṭṭhite mamokāse, dīpaṅkaro mahāmuni;
Catūhi satasahasseehi, chaḷabhiññehi tādihi;
Khīṇāsavehi vimalehi, paṭipajji añjasaṃ jīno.

“Paccuggamaṇā vattanti, vajjanti bheriyo bahū;
Āmoditā naramarū, sādhu kāraṃ pavattayuṃ.

“Devā manusse passanti, manussāpi ca devatā;
Ubhopi te pañjalikā, anuyanti tathāgataṃ.

“Devā dibbehi turiyehi, manussā mānusehi ca;
Ubhopi te vajjayaṇṭā, anuyanti tathāgataṃ.

“Dibbaṃ mandāraṃ pupphaṃ, padumaṃ pārichattakaṃ;
Disodisaṃ okiranti, ākāsanabhagatā marū.

“Dibbaṃ candanacuṇṇaṅca, varagandhaṅca kevalaṃ;
Disodisaṃ okiranti, ākāsanabhagatā marū.

“Campakaṃ salalaṃ nīpaṃ, nāgapunnāgaketakaṃ;
Disodisaṃ ukkhipanti, bhūmitalagatā narā.

“Kese muñcitvāhaṃ tattha, vākacīraṅca cammakaṃ;
Kalale pattharivāna, avakujjo nipajjahaṃ.

“Akkamitvāna maṃ buddho, saha sissehi gacchatu;
Mā naṃ kalale akkamittha, hitāya me bhavissatī”ti.

So pana kalalapiṭṭhe nipannakova puna akkhīni ummīletvā dīpaṅkaradasabalassa buddhasiriṃ sampassamāno evaṃ cintesi – “sace ahaṃ iccheyyaṃ, sabbakilese jhāpetvā saṅghanavako hutvā rammanagaraṃ paviseyyaṃ, aññātakavesena pana me kilese jhāpetvā nibbānappattiyā kiccaṃ natthi, yaṃnūnāhaṃ dīpaṅkaradasabalo viya paramābhisambodhiṃ patvā dhammanāvaṃ āropetvā mahājanaṃ saṃsārasāgarā uttāretvā pacchā parinibbāyeyyaṃ, idaṃ mayhaṃ patirūpa”nti. Tato aṭṭha dhamme samodhānetvā buddhabhāvāya abhinīhāraṃ katvā nipajji. Tena vuttaṃ –

“Pathaviyaṃ nipannassa, evaṃ me āsi cetaso;
‘Icchamāno ahaṃ ajja, kilese jhāpaye mama.

““Kiṃ me aññātaveseṇa, dhammaṃ sacchikatenidha;
Sabbaññutaṃ pāpuṇitvā, buddho hessaṃ sadevake.

““Kiṃ me ekena tiṇṇena, purisena thāmadassinā;
Sabbaññutaṃ pāpuṇitvā, santāressaṃ sadevakaṃ.

““Iminā me adhikāreṇa, katena purisuttame;
Sabbaññutaṃ pāpuṇitvā, tāremi janataṃ bahuṃ.

““Saṃsārasotaṃ chinditvā, viddhaṃsetvā tayo bhava;
Dhammanāvaṃ samāruyha, santāressaṃ sadevaka””nti.

Yasmā pana buddhattaṃ patthentassa –

“Manussattaṃ liṅgasampatti, hetu satthāradassanaṃ;
Pabbajjā guṇasampatti, adhikāro ca chandatā;
Aṭṭhadhammasamodhānā, abhinīhāro samijjhātī”ti.

Manussattabhāvasmiṃyeva hi ṭhatvā buddhattaṃ patthentassa patthanā samijjhāti, nāgassa vā supaṇṇassa vā devatāya vā sakkassa vā patthanā no samijjhāti. Manussattabhāvepi purisalīṅge ṭhitasseva patthanā samijjhāti, itthiyā vā paṇḍakanapuṃsakaubhatobyañjanakānaṃ vā no samijjhāti. Purissappi tasmīṃ attabhāve arahattappattiyā hetusampannasseva patthanā samijjhāti, no itarassa. Hetusampannassāpi jīvamānabuddhasseva santike patthentasseva patthanā samijjhāti, parinibbute buddhe cetiyasantike vā bodhimūle vā patthentassa na samijjhāti. Buddhānaṃ santike patthentassapi pabbajjālīṅge ṭhitasseva samijjhāti, no gihilīṅge ṭhitassa. Pabbajitassapi pañcābhiññāṭṭhasamāpattilābhino yeva samijjhāti, na imāya guṇasampattiyā virahitassa. Guṇasampannenapi yena attano jīvitaṃ buddhānaṃ pariccattaṃ hoti, tasseva iminā adhikāreṇa adhikārasampannassa samijjhāti, na itarassa. Adhikārasampannassāpi yassa buddhakāradhammānaṃ atthāya mahanto chando ca ussāho ca vāyāmo ca pariyeṭṭhi ca, tasseva samijjhāti, na itarassa.

Tatridaṃ chandamahantatāya opammaṃ – sace hi evamassa yo sakalacakkavāḷagabbhaṃ ekodakībhūtaṃ attano bāhubalena uttaritvā pāraṃ gantaṃ samattho, so buddhattaṃ pāpuṇāti. Yo vā pana sakalacakkavāḷagabbhaṃ veḷugumbasañchannaṃ viyūhitvā madditvā padasā gacchanto pāraṃ gantaṃ samattho, so buddhattaṃ pāpuṇāti. Yo vā pana sakalacakkavāḷagabbhaṃ sattiyō ākoṭetvā niraṅgamaṃ satti phalasaṃkiṇṇaṃ padasā akkamamāno pāraṃ gantaṃ samattho, so buddhattaṃ pāpuṇāti. Yo vā pana sakalacakkavāḷagabbhaṃ vītaccitaṅgārabharitaṃ pādehi maddamāno pāraṃ gantaṃ samattho, so buddhattaṃ pāpuṇātīti. Yo etesu ekampi attano dukkaraṃ na maññāti, “ahaṃ etampi taritvā vā gantvā vā pāraṃ gamissāmī”ti evaṃ mahantena chandena ca ussāhena ca vāyāmena ca pariyeṭṭhiyā ca samannāgato hoti, etasseva patthanā samijjhāti, na itarassa. Tasmā sumedhatāpaso ime aṭṭha dhamme samodhānetvā

buddhabhāvāya abhinīhāraṃ katvā nipajji.

Dīpaṅkaropi bhagavā āgantvā sumedhatāpasassa sīsabhāge ṭhatvā maṇisīhapañjaraṃ ugghāṭento viya pañcavaṇṇapasādasampannāni akkhīni ummīletvā kalalapiṭṭhe nipannaṃ sumedhatāpasam̐ dīsvā “ayaṃ tāpaso buddhattāya abhinīhāraṃ katvā nipanno, samijjhissati nu kho etassa patthanā, udāhu no”ti anāgataṃsaññaṃ pesetvā upadhārento – “ito kappasatasahassādhikāni cattāri asaṅkhyeyyāni atikkamitvā ayaṃ gotamo nāma buddho bhavissati”ti ñatvā ṭhitakova parisamajjhe byākāsi – “passatha no tumhe imaṃ uggatapaṃ tāpasam̐ kalalapiṭṭhe nipanna”nti? “Evaṃ, bhante”ti. Ayaṃ buddhattāya abhinīhāraṃ katvā nipanno, samijjhissati imassa patthanā. Ayañhi ito kappasatasahassādhikānaṃ catunnaṃ asaṅkhyeyyānaṃ matthake gotamo nāma buddho bhavissati. Tasmaṃ panassa attabhāve kapilavatthu nāma nagaraṃ nivāso bhavissati, māyā nāma devī mātā, suddhodano nāma rājā pitā, aggasāvako upatisso nāma thero, dutiyasāvako kolito nāma, buddhupaṭṭhāko ānando nāma, aggasāvika khemā nāma therī, dutiyasāvika uppalavaṇṇā nāma therī bhavissati. Ayaṃ paripakkañño mahābhinikkhamaṃ katvā mahāpadhānaṃ padahitvā nigrodharukkhamūle pāyāsaṃ paṭiggahetvā nerañjarāya tīre paribhuñjitvā bodhimaṇḍaṃ āruyha assattharukkhamūle abhisambujjhissatīti. Tena vuttaṃ –

“Dīpaṅkaro lokavidū, āhutīnaṃ paṭiggaho;
Ussisake maṃ ṭhatvāna, idaṃ vacanamabravi.

“Passatha imaṃ tāpasam̐, jaṭilaṃ uggatāpanaṃ;
Aparimeyye ito kappe, buddho loke bhavissati.

“Ahu kapilavhayā rammā, nikkhamitvā tathāgato;
Padhānaṃ padahitvāna, katvā dukkarakārikaṃ.

“Ajapālarukkhamūle, nisīditvā tathāgato;
Tattha pāyāsaṃ paggayha, nerañjaramupehiti.

“Nerañjarāya tīramhi, pāyāsaṃ ada so jino;
Paṭiyattavaramaggena, bodhimūlamupehiti.

“Tato padakkhiṇaṃ katvā, bodhimaṇḍaṃ anuttaro;
Assattharukkhamūlamhi, bujjhissati mahāyaso.

“Imassa janikā mātā, māyā nāma bhavissati;
Pitā suddhodano nāma, ayaṃ hessati gotamo.

“Anāsavā vītarāgā, santacittā samāhitā;
Kolito upatisso ca, aggā hessanti sāvakā;
Ānando nāmupaṭṭhāko, upaṭṭhissati taṃ jinaṃ.

“Khemā uppalavaṇṇā ca, aggā hessanti sāvika;
Anāsavā vītarāgā, santacittā samāhitā;
Bodhi tassa bhagavato, assatthoti pavuccatī”ti. (bu. vaṃ. 2.60-68);

Taṃ sutvā sumedhatāpaso – “mayhaṃ kira patthanā samijjhissatī”ti somanassappatto ahoṣi. Mahājano dīpaṅkaradasabalassa vacanaṃ sutvā “sumedhatāpaso kira buddhabījaṃ buddhānkuro”ti haṭṭhatuṭṭho ahoṣi. Evañcassa ahoṣi – “yathā nāma manussā nadiṃ tarantā ujukena titthena uttarituṃ asakkontā heṭṭhātithena uttaranti, evameva mayampi dīpaṅkaradasabalassa sāsane maggaphalaṃ alabhamānā anāgate yadā tvaṃ buddho bhavissasi, tadā tava sammukhā maggaphalaṃ sacchikātuṃ samatthā bhaveyyāmā”ti patthanam̐ ṭhapayimsu. Dīpaṅkaradasabalopi bodhisattaṃ pasamsitvā aṭṭhapupphamuṭṭhīhi pūjetvā padakkhiṇaṃ katvā pakkāmi. Tepi catusatasahassasaṅkhā khīṇāsavā

bodhisattaṃ gandhehi ca mālāhi ca pūjetvā padakkhiṇaṃ katvā pakkamiṃsu. Devamanussā pana tatheva pūjetvā vanditvā pakkantā.

Bodhisatto sabbesaṃ paṭikkantakāle sayanā vuṭṭhāya “pāramiyo vicinissāmī”ti puppharāsimatthake pallaṅkaṃ ābhujitvā nisīdi. Evaṃ nisinne bodhisatte sakaladasasahassacakkavāḷe devatā sādhuḷkāraṃ datvā “ayya sumedhatāpasa, porāṇakabodhisattānaṃ pallaṅkaṃ ābhujitvā ‘pāramiyo vicinissāmā’ti nisinnakāle yāni pubbanimittāni nāma paññāyanti, tāni sabbāni pi ajja pātubhūtāni, nissaṃsayena tvaṃ buddho bhavissasi. Mayametam jānāma ‘yassetāni nimittāni paññāyanti, ekantena so buddho hoti’, tvaṃ attano vīriyaṃ daḷhaṃ katvā paggaṇhā”ti bodhisattaṃ nānappakārāhi thutīhi abhitthaviṃsu. Tena vuttaṃ –

“Idaṃ sutvāna vacanaṃ, asamassa mahesino;
Āmoditā naramarū, buddhabījaṃ kira ayaṃ.

“Ukkuṭṭhisaddā vattanti, apphoṭenti hasanti ca;
Katañjalī namassanti, dasasahassī sadevakā.

“Yadimassa lokanāthassa, virajjhissāma sāsanaṃ;
Anāgatamhi addhāne, hessāma sammukhā imaṃ.

“Yathā manussā nadiṃ tarantā, paṭittham virajjhiya;
Hetṭhā titthe gahetvāna, uttaranti mahānadiṃ.

“Evameva mayaṃ sabbe, yadī muñcāmiṃ jinaṃ;
Anāgatamhi addhāne, hessāma sammukhā imaṃ.

“Dīpaṅkaro lokavidū, āhutīnaṃ paṭiggaho;
Mama kammaṃ pakittetvā, dakkhiṇaṃ pādammudhari.

“Ye tatthāsuṃ jinaputtā, sabbe padakkhiṇamakāṃsu maṃ;
Narā nāgā ca gandhabbā, abhivādetvāna pakkamuṃ.

“Dassanaṃ me atikkante, sasaṅghe lokanāyake;
Haṭṭhatuṭṭhena cittena, āsanā vuṭṭhahiṃ tadā.

“Sukhena sukhito homi, pāmojjena pamodito;
Pītiyā ca abhissanno, pallaṅkaṃ ābhujim tadā.

“Pallaṅkena nisīditvā, evaṃ cintesaṃ tadā;
‘Vasībhūto ahaṃ jhāne, abhiññāpāramiṃ gato.

“‘Dasasahassilokamhi, isayo natthi me samā;
Asamo iddhidhammesu, alabhiṃ īdisaṃ sukhaṃ’.

“Pallaṅkābhujane mayhaṃ, dasasahassādhivāsino;
Mahānādaṃ pavattesaṃ, dhavaṃ buddho bhavissasi.

“Yā pubbe bodhisattānaṃ, pallaṅkavaramābhujē;
Nimittāni padissanti, tāni ajja padissare.

“Sītaṃ byāpagataṃ hoti, uṇhañca upasammati;
Tāni ajja padissanti, dhavaṃ buddho bhavissasi.

“Dasasahassī lokadhātū, nissaddā honti nirākulā;
Tāni ajja padissanti, dhuvaṃ buddho bhavissasi.

“Mahāvātā na vāyanti, na sandanti savantiyo;
Tāni ajja padissanti, dhuvaṃ buddho bhavissasi.

“Thalajā dakajā pupphā, sabbe pupphanti tāvade;
Tepajja pupphitā sabbe, dhuvaṃ buddho bhavissasi.

“Latā vā yadi vā rukkhā, phalabhārā honti tāvade;
Tepajja phalitā sabbe, dhuvaṃ buddho bhavissasi.

“Ākāsaṭṭhā ca bhūmaṭṭhā, ratanā jotanti tāvade;
Tepajja ratanā jotanti, dhuvaṃ buddho bhavissasi.

“Mānusakā ca dibbā ca, turiyā vajjanti tāvade;
Tepajjubho abhiravanti, dhuvaṃ buddho bhavissasi.

“Vicittapupphā gaganā, abhivassanti tāvade;
Tepi ajja pavassanti, dhuvaṃ buddho bhavissasi.

“Mahāsamuddo ābhujati, dasasahassī pakampati;
Tepajjubho abhiravanti, dhuvaṃ buddho bhavissasi.

“Nirayepi dasasahasse, aggī nibbanti tāvade;
Tepajja nibbutā aggī, dhuvaṃ buddho bhavissasi.

“Vimalo hoti sūriyo, sabbā dissanti tārakā;
Tepi ajja padissanti, dhuvaṃ buddho bhavissasi.

“Anovaṭṭhena udakaṃ, mahiyā ubbhijji tāvade;
Tampajjubbhijjate mahiyā, dhuvaṃ buddho bhavissasi.

“Tārāgaṇā virocanti, nakkhattā gaganamaṇḍale;
Visākhā candimāyuttā, dhuvaṃ buddho bhavissasi.

“Bilāsayā darīsayā, nikkhamanti sakāsayā;
Tepajja āsayā chuddhā, dhuvaṃ buddho bhavissasi.

“Na hoti arati sattānaṃ, santuṭṭhā honti tāvade;
Tepajja sabbe santuṭṭhā, dhuvaṃ buddho bhavissasi.

“Rogā tadupasammanti, jighacchā ca vinassati;
Tānipajja padissanti, dhuvaṃ buddho bhavissasi.

“Rāgo tadā tanu hoti, doso moho vinassati;
Tepajja vigatā sabbe, dhuvaṃ buddho bhavissasi.

“Bhayaṃ tadā na bhavati, ajjapetaṃ padissati;
Tena līngena jānāma, dhuvaṃ buddho bhavissasi.

“Rajo nuddhaṃsati uddhaṃ, ajjapetaṃ padissati;

Tena liṅgena jānāma, dhuvaṃ buddho bhavissasi.

“Aniṭṭhagandho pakkamati, dibbagandho pavāyati;
Sopajja vāyati gandho, dhuvaṃ buddho bhavissasi.

“Sabbe devā padissanti, ṭhapayitvā arūpino;
Tepajja sabbe dissanti, dhuvaṃ buddho bhavissasi.

“Yāvataṃ nirayā nāma, sabbe dissanti tāvade;
Tepajja sabbe dissanti, dhuvaṃ buddho bhavissasi.

“Kuṭṭhā kavāṭā selā ca, na hontāvaraṇā tadā;
Ākāśabhūtā tepajja, dhuvaṃ buddho bhavissasi.

“Cutī ca upapatti ca, khaṇe tasmim na vijjati;
Tānipajja padissanti, dhuvaṃ buddho bhavissasi.

“Daḷhaṃ paggaṇha vīriyaṃ, mā nivatta abhikkama;
Mayampetaṃ vijānāma, dhuvaṃ buddho bhavissasi”’ti. (bu. vaṃ. 2.70-107);

Bodhisatto dīpaṅkaradasabalassa ca dasasahassacakkavāḷadevatānaṅca vacanaṃ sutvā bhīyosomattāya sañjātussāho hutvā cintesi – “buddhā nāma amoghavacanā, natthi buddhānaṃ kathāya aññathattaṃ. Yathā hi ākāse khittaleḍḍussa patanaṃ dhuvaṃ, jātassa maraṇaṃ, rattikkhaye sūriyuggamanaṃ, āsayā nikkhantasīhassa sīhanādananaṃ, garugabbhāya itthiyā bhāramoropanaṃ dhuvaṃ avassambhāvī, evameva buddhānaṃ vacanaṃ nāma dhuvaṃ amoghaṃ, addhā ahaṃ buddho bhavissāmi”’ti. Tena vuttaṃ –

“Buddhassa vacanaṃ sutvā, dasasahassīna cūbhayaṃ;
Tuṭṭhahaṭṭho pamodito, evaṃ cintesahaṃ tadā.

“Advejjhavacanā buddhā, amoghavacanā jinā;
Vitathaṃ natthi buddhānaṃ, dhuvaṃ buddho bhavāmahaṃ.

“Yathā khittaṃ nabhe leḍḍu, dhuvaṃ patati bhūmiyaṃ;
Tatheva buddhaseṭṭhānaṃ, vacanaṃ dhuvasassataṃ;
Vitathaṃ natthi buddhānaṃ, dhuvaṃ buddho bhavāmahaṃ.

“Yathāpi sabbasattānaṃ, maraṇaṃ dhuvasassataṃ;
Tatheva buddhaseṭṭhānaṃ, vacanaṃ dhuvasassataṃ.

“Yathā rattikkhaye patte, sūriyuggamanaṃ dhuvaṃ;
Tatheva buddhaseṭṭhānaṃ, vacanaṃ dhuvasassataṃ.

“Yathā nikkhantasayanassa, sīhassa nadanaṃ dhuvaṃ;
Tatheva buddhaseṭṭhānaṃ, vacanaṃ dhuvasassataṃ.

“Yathā āpannasattānaṃ, bhāramoropanaṃ dhuvaṃ;
Tatheva buddhaseṭṭhānaṃ, vacanaṃ dhuvasassata”’nti. (bu. vaṃ. 2.108-114);

So “dhuvāhaṃ buddho bhavissāmi”’ti evaṃ katasanniṭṭhāno buddhakārake dhamme upadhāretuṃ – “kahaṃ nu kho buddhakāraḷā dhammā, kiṃ uddhaṃ, udāhu adho, disāvidisāsū”’ti anukkamena sakalaṃ dhammadhātuṃ vicinanto porāṇakabodhisattehi āsevitanisevitaṃ paṭhamaṃ dānapāramiṃ disvā evaṃ

attānaṃ ovadi – “sumedhapaṇḍita, tvaṃ ito paṭṭhāya paṭhamam dānapāramiṃ pūreyyāsi. Yathā hi nikkujjito udakakumbho nissesam katvā udakaṃ vamatīyeva, na paccāharati, evameva dhanam vā yasaṃ vā puttadāram vā āṅgapaccaṅgam vā anoloketvā sampattayācakānaṃ sabbaṃ icchiticchitam nissesam katvā dadamāno bodhimūle nisīditvā buddho bhavissasī”ti paṭhamam dānapāramiṃ daḷham katvā adhiṭṭhāsi. Tena vuttaṃ –

“Handa buddhakare dhamme, vicināmi ito cito;
Uddham adho dasa disā, yāvatā dhammadhātuyā.

“Vicinanto tadā dakkhiṃ, paṭhamam dānapāramiṃ;
Pubbakehi mahesīhi, anuciṇṇam mahāpatham.

“Imam tvaṃ paṭhamam tāva, daḷham katvā samādiya;
Dānapāramitam gaccha, yadi bodhiṃ pattumicchasi.

“Yathāpi kumbho sampuṇṇo, yassa kassaci adhokato;
Vamatevudakaṃ nissesam, na tattha parirakkhati.

“Tattheva yācake disvā, hīnamukkaṭṭhamajjhime;
Dadāhi dānam nissesam, kumbho viya adhokato”ti. (bu. vaṃ. 2.115-119);

Athassa “na ettakeheva buddhakāradhammehi bhavitabba”nti uttarimpi upadhārayato dutiyam sīlapāramiṃ disvā etadahosi – “sumedhapaṇḍita, tvaṃ ito paṭṭhāya sīlapāramimpi pūreyyāsi. Yathā hi camarī migo nāma jīvitam anoloketvā attano vārameva rakkhati, evam tvampi ito paṭṭhāya jīvitampi anoloketvā sīlameva rakkhamāno buddho bhavissasī”ti dutiyam sīlapāramiṃ daḷham katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinanto tadā dakkhiṃ, dutiyam sīlapāramiṃ;
Pubbakehi mahesīhi, āsevitānisevitam.

“Imam tvaṃ dutiyam tāva, daḷham katvā samādiya;
Sīlapāramitam gaccha, yadi bodhiṃ pattumicchasi.

“Yathāpi camarī vālam, kismiñci paṭilaggitam;
Upeti maraṇam tattha, na vikopeti vāladhiṃ.

“Tattheva catūsu bhūmīsu, sīlāni paripūraya;
Parirakkha sadā sīlam, camarī viya vāladhi”nti. (bu. vaṃ. 2.120-124);

Athassa “na ettakeheva buddhakāradhammehi bhavitabba”nti uttarimpi upadhārayato tatiyam nekkhammapāramiṃ disvā etadahosi – “sumedhapaṇḍita, tvaṃ ito paṭṭhāya nekkhammapāramimpi pūreyyāsi. Yathā hi ciraṃ bandhanāgāre vasamāno puriso na tattha sineham karoti, atha kho ukkaṇṭhatīyeva, avasitukāmo hoti, evameva tvampi sabbabhava bandhanāgārasadise katvā sabbabhavahi ukkaṇṭhito muccitukāmo hutvā nekkhammābhīmukhova hohi. Evam buddho bhavissasī”ti tatiyam nekkhammapāramiṃ daḷham katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinato tadā dakkhiṃ, tatiyaṃ nekkhammapāramiṃ;
Pubbakehi mahesīhi, āsevanisevitaṃ.

“Imaṃ tvaṃ tatiyaṃ tāva, daḷhaṃ katvā samādiya;
Nekkhammapāramitaṃ gaccha, yadi bodhiṃ pattumicchasi.

“Yathā andughare puriso, ciravuttho dukhaṭṭito;
Na tattha rāgaṃ janeti, muttimeva gavesati.

“Tatheva tvaṃ sabbabhava, passa andugharaṃ viya;
Nekkhammābhimukho hohi, bhavato parimuttiyā”ti. (bu. vaṃ. 2.125-129);

Athassa “na ettakeheva buddhakāradhammehi bhavitabba”nti uttarimpi upadhārayato catutthaṃ paññāpāramiṃ disvā etadahosi – “sumedhapaṇḍita, tvaṃ ito paṭṭhāya paññāpāramimpi pūreyyāsi. Hīnamajjhimukkaṭṭhesu kañci avajjetvā sabbepi paṇḍite upasaṅkamitvā pañhaṃ puccheyyāsi. Yathā hi piṇḍapātiko bhikkhu hīnādibhedeṣu kulesu kiñci avajjetvā paṭipāṭiyā piṇḍāya caranto khippaṃ yāpanaṃ labhati, evaṃ tvampi sabbapaṇḍite upasaṅkamitvā pañhaṃ pucchanto buddho bhavissasī”ti catutthaṃ paññāpāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinato tadā dakkhiṃ, catutthaṃ paññāpāramiṃ;
Pubbakehi mahesīhi, āsevanisevitaṃ.

“Imaṃ tvaṃ catutthaṃ tāva, daḷhaṃ katvā samādiya;
Paññāpāramitaṃ gaccha, yadi bodhiṃ pattumicchasi.

“Yathāpi bhikkhu bhikkhanto, hīnamukkaṭṭhamajjhime;
Kulāni na vivajjento, evaṃ labhati yāpanaṃ.

“Tatheva tvaṃ sabbakālaṃ, paripucchaṃ budhaṃ janam;
Paññāpāramitaṃ gantvā, sambodhiṃ pāpuṇissasī”ti. (bu. vaṃ. 2.130-134);

Athassa “na ettakeheva buddhakāradhammehi bhavitabba”nti uttarimpi upadhārayato pañcamaṃ vīriyapāramiṃ disvā etadahosi – “sumedhapaṇḍita, tvaṃ ito paṭṭhāya vīriyapāramimpi pūreyyāsi, yathā hi sīho migarājā sabbiriyāpathesu daḷhavīriyo hoti, evaṃ tvampi sabbabhavesu sabbiriyāpathesu daḷhavīriyo anolīnavīriyo samāno buddho bhavissasī”ti pañcamaṃ vīriyapāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinato tadā dakkhiṃ, pañcamaṃ vīriyapāramiṃ;
Pubbakehi mahesīhi, āsevanisevitaṃ.

“Imaṃ tvaṃ pañcamaṃ tāva, daḷhaṃ katvā samādiya;
Vīriyapāramitaṃ gaccha, yadi bodhiṃ pattumicchasi.

“Yathāpi sīho migarājā, nisajjaṭṭhānacānkame;
Alīnavīriyo hoti, paggaḥitamano sadā.

“Tattheva tvam sabbabhava, paggaṇha vīriyaṃ daḷhaṃ;
Vīriyapāramitaṃ gantvā, sambodhiṃ pāpuṇissasī”ti. (bu. vaṃ. 2.135-139);

Athassa “na ettakeheva buddhakāradhammehi bhavitabba”nti uttarimpi upadhārayato chaṭṭhaṃ khantipāramiṃ disvā etadahosi – “sumedhapaṇḍita, tvam ito paṭṭhāya khantipāramimpi pūreyyāsi, sammānanepi avamānanepi khamova bhavēyyāsi. Yathā hi pathaviyaṃ nāma sucimpi nikkhipanti asucimpi, na tena pathavī sinehaṃ paṭiḅhaṃ karoti, khamati sahati adhivāsetiyeva, evameva tvampi sammānanepi avamānanepi khamova samāno buddho bhavissasī”ti chaṭṭhaṃ khantipāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinanto tadā dakkhiṃ, chaṭṭhamaṃ khantipāramiṃ;
Pubbakehi mahesīhi, āsevitānisevitaṃ.

“Imaṃ tvam chaṭṭhamaṃ tāva, daḷhaṃ katvā samādiya;
Tattha advejjhamānaso, sambodhiṃ pāpuṇissasi.

“Yathāpi pathavī nāma, sucimpi asucimpi ca;
Sabbam sahati nikkhepaṃ, na karoti paṭiḅhaṃ tayā.

“Tattheva tvampi sabbesaṃ, sammānāvamānakkhama;
Khantipāramitaṃ gantvā, sambodhiṃ pāpuṇissasī”ti. (bu. vaṃ. 2.140-144);

Athassa “na ettakeheva buddhakāradhammehi bhavitabba”nti uttarimpi upadhārayato sattamaṃ saccapāramiṃ disvā etadahosi – “sumedhapaṇḍita, tvam ito paṭṭhāya saccapāramimpi pūreyyāsi, asaniyā matthake patamānāyapi dhanādīnaṃ atthāya chandādīnaṃ vasena sampajānamusāvādaṃ nāma mā bhāsi. Yathā hi osadhī tārakā nāma sabbautūsu attano gamanavīthiṃ jahitvā aññāya vīthiyā na gacchati, sakavīthiyāva gacchati, evameva tvampi saccaṃ pahāya musāvādaṃ nāma avadantoyeva buddho bhavissasī”ti sattamaṃ saccapāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinanto tadā dakkhiṃ, sattamaṃ saccapāramiṃ;
Pubbakehi mahesīhi, āsevitānisevitaṃ.

“Imaṃ tvam sattamaṃ tāva, daḷhaṃ katvā samādiya;
Tattha advejjhavacano, sambodhiṃ pāpuṇissasi.

“Yathāpi osadhī nāma, tulābhūtā sadevake;
Samaye utuvasse vā, na vokkamati vīthito.

“Tattheva tvampi saccesu, mā vokkamasi vīthito;
Saccapāramitaṃ gantvā, sambodhiṃ pāpuṇissasī”ti. (bu. vaṃ. 2.145-149);

Athassa “na ettakeheva buddhakāradhammehi bhavitabba”nti uttarimpi upadhārayato aṭṭhamaṃ adhiṭṭhānapāramiṃ disvā etadahosi – “sumedhapaṇḍita, tvam ito paṭṭhāya adhiṭṭhānapāramimpi pūreyyāsi, yaṃ adhiṭṭhāsi, tasmim adhiṭṭhāne niccalova bhavēyyāsi. Yathā hi pabbato nāma sabbāsu disāsu vātehi pahaṇo na kampati na calati, attano ṭhāneyeva tiṭṭhati, evameva tvampi attano adhiṭṭhāne niccalo hontova buddho bhavissasī”ti aṭṭhamaṃ adhiṭṭhānapāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinanto tadā dakkhiṃ, aṭṭhamaṃ adhiṭṭhānapāramiṃ;
Pubbakehi mahesīhi, āsevanisevitaṃ.

“Imaṃ tvaṃ aṭṭhamaṃ tāva, daḷhaṃ katvā samādiya;
Tattha tvaṃ acalo hutvā, sambodhiṃ pāpuṇissasi.

“Yathāpi pabbato selo, acalo suppatiṭṭhito;
Na kampati bhusavātehi, sakaṭṭhāneva tiṭṭhati.

“Tattheva tvampi adhiṭṭhāne, sabbadā acalo bhava;
Adhiṭṭhānapāramitaṃ gantvā, sambodhiṃ pāpuṇissasī”ti. (bu. vaṃ. 2.150-154);

Athassa “na ettakeheva buddhakāradhammehi bhavitabba”nti uttarimpi upadhārayato navamaṃ mettāpāramiṃ disvā etadahosi – “sumedhapaṇḍita, tvaṃ ito paṭṭhāya mettāpāramimpi pūreyyāsi, hitesupi ahitesupi ekacitto bhaveyyāsi. Yathā hi udakaṃ nāma pāpajanassapi kalyāṇajanassapi sītabhāvaṃ ekasadisamaṃ katvā pharati, evameva tvampi sabbesu sattesu mettacittena ekacittova honto buddho bhavissasī”ti navamaṃ mettāpāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinanto tadā dakkhiṃ, navamaṃ mettāpāramiṃ;
Pubbakehi mahesīhi, āsevanisevitaṃ.

“Imaṃ tvaṃ navamaṃ tāva, daḷhaṃ katvā samādiya;
Mettāya asamo hohi, yadi bodhiṃ pattumicchasi.

“Yathāpi udakaṃ nāma, kalyāṇe pāpake jane;
Samaṃ pharati sītena, pavāheti rajomalaṃ.

“Tattheva tvampi hitāhite, samaṃ mettāya bhāvaya;
Mettāpāramitaṃ gantvā, sambodhiṃ pāpuṇissasī”ti. (bu. vaṃ. 2.155-159);

Athassa “na ettakeheva buddhakāradhammehi bhavitabba”nti uttarimpi upadhārayato dasamaṃ upekkhāpāramiṃ disvā etadahosi – “sumedhapaṇḍita, tvaṃ ito paṭṭhāya upekkhāpāramimpi pūreyyāsi, sukhepi dukkhepi majjhattova bhaveyyāsi. Yathā hi pathavī nāma sucimpi asucimpi pakkhipamāne majjhattāva hoti, evameva tvampi sukhadukkhesu majjhattova honto buddho bhavissasī”ti dasamaṃ upekkhāpāramiṃ daḷhaṃ katvā adhiṭṭhāsi. Tena vuttaṃ –

“Na hete ettakāyeva, buddhadhammā bhavissare;
Aññepi vicinissāmi, ye dhammā bodhipācanā.

“Vicinanto tadā dakkhiṃ, dasamaṃ upekkhāpāramiṃ;
Pubbakehi mahesīhi, āsevanisevitaṃ.

“Imaṃ tvaṃ dasamaṃ tāva, daḷhaṃ katvā samādiya;
Tulābhūto daḷho hutvā, sambodhiṃ pāpuṇissasi.

“Yathāpi pathavī nāma, nikkhittaṃ asuciṃ sucim;

Upekkhati ubhopete, kopānunayavajjitā.

“Tatveva tvampi sukhadukkhe, tulābhūto sadā bhava;
Upekkhāpāramitaṃ gantvā, sambodhiṃ pāpuṇissasi”’ti. (bu. vaṃ. 2.160-164);

Tato cintesi – “imasmiṃ loke bodhisattehi pūretabbā bodhiparipācanā buddhakāradhammā ettakāyeva, dasa pāramiyo ṭhapetvā aññe natthi. Imāpi dasa pāramiyo uddhaṃ ākāsepi natthi, heṭṭhā pathaviyampi, puratthimādīsu disāsupi natthi, mayhaṃyeva pana hadayabbhantare patiṭṭhitā”’ti. Evaṃ tāsāṃ hadaye patiṭṭhitabhāvaṃ disvā sabbāpi tā dalhaṃ katvā adhiṭṭhāya punappunaṃ sammasanto anulomapaṭilomaṃ sammasati, pariyante gahetvā ādiṃ pāpeti, ādimhi gahetvā pariyantaṃ pāpeti, majjhe gahetvā ubhato koṭiṃ pāpetvā osāpeti, ubhato koṭīsu gahetvā majjhaṃ pāpetvā osāpeti. Bāhīrakabhaṇḍapariccāgo **dānapāramī** nāma, aṅgapariccāgo **dānaupapāramī** nāma, jīvitapariccāgo **dānaparamatthapāramī** nāmāti dasa pāramiyo dasa upapāramiyo dasa paramatthapāramiyoti samattiṃsa pāramiyo telayantaṃ vinivaṭṭento viya mahāmeruṃ matthaṃ katvā cakkavālamahāsamuddaṃ āluṭento viya ca sammasati. Tassevaṃ dasa pāramiyo sammasantassa dhammatejena catunahutādhikadvijojanasatasahasabahalā ayaṃ mahāpathavī hatthinā akkantanaḷakalāpo viya, pīḷiyamānaṃ ucchuyantaṃ viya ca mahāviraṃ viravamānā saṅkampi sampakampi sampavedhi. Kulālacakkaṃ viya telayantacakkaṃ viya ca paribbhami. Tena vuttaṃ –

“Ettakāyeva te loke, ye dhammā bodhipācanā;
Taduddhaṃ natthi aññātra, dalhaṃ tattha patiṭṭhaha.

“Ime dhamme sammasato, sabhāvarasalakkaṇe;
Dhammatejena vasudhā, dasasahassī pakampatha.

“Calati ravati pathavī, ucchuyantaṃva pīḷitaṃ;
Telayante yathā cakkaṃ, evaṃ kampati medanī”’ti. (bu. vaṃ. 2.165-167);

Mahāpathaviyā kampamānāya rammanagaravāsino saṅghātuṃ asakkontā yugantavātabbhāhatā mahāsālā viya mucchitā papatiṃsu. Ghaṭādīni kulālabhājanāni pavaṭṭantāni aññamaññaṃ paharantāni cuṇṇavicuṇṇāni ahesuṃ. Mahājano bhīttasito satthāraṃ upasaṅkamitvā “kiṃ nu kho bhagavā nāgavaṭṭo ayaṃ, bhūtayakkhadevatāsu aññatarāvaṭṭo vāti na hi mayaṃ etaṃ jānāma, apica kho sabbopi ayaṃ mahājano upadduto, kiṃ nu kho imassa lokassa pāpakaṃ bhavissati, udāhu kalyāṇaṃ, kathetha no etaṃ kāraṇa”’nti āha. Atha satthā tesāṃ kathaṃ sutvā “tumhe mā bhāyatha, mā cintayittha, natthi vo itonidānaṃ bhayaṃ. Yo so mayā ajja ‘sumedhapaṇḍito anāgate gotamo nāma buddho bhavissati’’ti byākato, so idāni dasa pāramiyo sammasati, tassa sammasantassa vilōlentassa dhammatejena sakaladasasahassī lokadhātu ekappahārena kampati ceva ravati cā”’ti āha. Tena vuttaṃ –

“Yāvatā parisā āsi, buddhassa parivesane;
Pavedhamānā sā tattha, mucchitā sesi bhūmiyā.

“Ghaṭānekasahassāni, kumbhīnañca satā bahū;
Saṅcuṇṇamathitā tattha, aññamaññaṃ paghaṭṭitā.

“Ubbiggā tasitā bhītā, bhantā byathitamānasā;
Mahājanā samāgamma, dīpaṅkaramupāgammaṃ.

“Kiṃ bhavissati lokassa, kalyāṇamatha pāpakaṃ;
Sabbo upadduto loko, taṃ vinodehi cakkhuma.

“Tesaṃ tadā saññāpesi, dīpaṅkaro mahāmuni;
Vissatthā hotha mā bhātha, imasmiṃ pathavikampane.

“Yamahaṃ ajja byākāsiṃ, ‘buddho loke bhavissati’;
Eso sammasati dhammaṃ, pubbakaṃ jinasevitaṃ.

“Tassa sammasato dhammaṃ, buddhabhūmiṃ asesato;
Tenāyaṃ kampaṭṭhā pathavī, dasasahassī sadevake”ti. (bu. vaṃ. 2.168-174);

Mahājano tathāgatassa vacanaṃ sutvā haṭṭhatuṭṭho mālāgandhavilepanaṃ ādāya rammanagarā nikkhamitvā bodhisattaṃ upasaṅkamtivā mālāgandhādīhi pūjetvā vanditvā padakkhiṇaṃ katvā rammanagarameva pāvīsi. Bodhisattopi dasa pāramiyo sammasitvā vīriyaṃ daḷhaṃ katvā adhiṭṭhāya nisinnāsanaṃ vuṭṭhāsi. Tena vuttaṃ –

“Buddhassa vacanaṃ sutvā, mano nibbāyi tāvade;
Sabbe maṃ upasaṅkamma, punāpi abhivandisuṃ.

“Samādiyitvā buddhaguṇaṃ, daḷhaṃ katvāna mānasaṃ;
Dīpaṅkaraṃ namassitvā, āsanaṃ vuṭṭhahiṃ tadā”ti. (bu. vaṃ. 2.175-176);

Atha bodhisattaṃ āsanaṃ vuṭṭhantaṃ sakaladasasahassacakkavāḷadevatā sannipatitvā dibbehi mālāgandhehi pūjetvā vanditvā “ayya sumedhatāpasa, tayā ajja dīpaṅkaradasabalassa pādamūle mahatī patthanā patthitā, sā te anantarāyena samijjhatu, mā te bhayaṃ vā chambhitattaṃ vā ahosi, sarīre appamattakopi rogo mā uppajjatu, khippaṃ pāramiyo pūretvā sammāsambodhiṃ paṭivijjha. Yathā pupphūpagaphalūpagarukkā samaye pupphanti ceva phalanti ca, tatheva tvampi taṃ samayaṃ anatikkamtivā khippaṃ sambodhimuttamaṃ phusassu”tiādīni thutimaṅgalāni payirudāhaṃsu. Evañca payirudāhitvā attano attano devaṭṭhānameva agamaṃsu. Bodhisattopi devatāhi abhitthavito – “ahaṃ dasa pāramiyo pūretvā kappasatasahassādhikānaṃ catunnaṃ asaṅkhyeyyānaṃ matthake buddho bhavissāmi”ti vīriyaṃ daḷhaṃ katvā adhiṭṭhāya nabhaṃ abhuggantvā himavantameva agamaṃsi. Tena vuttaṃ –

“Dibbaṃ mānusaṃ pupphaṃ, devā mānusakā ubho;
Samokiranti pupphehi, vuṭṭhahantassa āsanaṃ.

“Vedayanti ca te sotthiṃ, devā mānusakā ubho;
Mahantaṃ patthitaṃ tuyhaṃ, taṃ labhassu yathicchitaṃ.

“Sabbītiyo vivajjantu, soko rogo vinassatu;
Mā te bhavantvantarāyā, phusa khippaṃ bodhimuttamaṃ.

“Yathāpi samaye patte, pupphanti pupphino dumā;
Tatheva tvaṃ mahāvīra, buddhaññena pupphasu.

“Yathā ye keci sambuddhā, pūrayuṃ dasa pāramī;
Tatheva tvaṃ mahāvīra, pūraya dasa pāramī.

“Yathā ye keci sambuddhā, bodhimaṇḍamhi bujjhare;
Tatheva tvaṃ mahāvīra, bujjhassu jinabodhiyaṃ.

“Yathā ye keci sambuddhā, dhammacakkaṃ pavattayuṃ;
Tatheva tvaṃ mahāvīra, dhammacakkaṃ pavattaya.

“Puṇṇamāye yathā cando, parisuddho virocāti;
Tatheva tvaṃ puṇṇamano, viroca dasasahassiyaṃ.

“Rāhumutto yathā sūriyo, tāpena atirocāti;

Tatheva lokā muccitvā, viroca siriya tuvaṃ.

“Yathā yā kāci nadiyo, osaranti mahodadhiṃ;
Evaṃ sadevakā lokā, osarantu tavantike.

“Tehi thutappasattho so, dasa dhamme samādiya;
Te dhamme paripūrento, pavanaṃ pāvisī tadā’’ti. (bu. vaṃ. 2.177-187);

Sumedhakathā niṭṭhitā.

Rammanagaravāsinopi kho nagaraṃ pavisitvā buddhappamukhassa bhikkhusaṅghassa mahādānaṃ adāṃsu. Satthā tesāṃ dhammaṃ desetvā mahājanaṃ saraṇādīsu paṭiṭṭhapetvā rammanagarā nikkhami. Tato uddhampi yāvātāyukaṃ tiṭṭhanto sabbaṃ buddhakkiccam katvā anukkamena anupādisesāya nibbānadhātuyā parinibbāyi. Tattha yaṃ vattabbaṃ, taṃ sabbaṃ buddhavaṃse vuttanayeneva vitthāretabbaṃ. Vuttañhi tattha –

“Tadā te bhojayitvāna, sasaṅghaṃ lokanāyakaṃ;
Upagacchuṃ saraṇaṃ tassa, **dīpaṅkarassa** satthuno.

“Saraṇagamane kañci, nivesesi tathāgato;
Kañci pañcasu sīlesu, sīle dasavidhe paraṃ.

“Kassaci deti sāmāññaṃ, caturo phalamuttame;
Kassaci asame dhamme, deti so paṭisambhidā.

“Kassaci varasamāpattiyo, aṭṭha deti narāsabho;
Tisso kassaci vijjāyo, chaḷabhiññā pavecchati.

“Tena yogena janakāyaṃ, odati mahāmuni;
Tena vitthārikaṃ āsi, lokanāthassa sāsaṇaṃ.

“Mahāhanūsabhakkhandho, dīpaṅkarasanāmako;
Bahū jane tārayati, parimoceti duggatiṃ.

“Bodhaneyyaṃ janaṃ disvā, satahassepi yojane;
Khaṇena upagantvāna, bodheti taṃ mahāmuni.

“Paṭhamābhisamaye buddho, koṭisatamabodhayi;
Dutiyaabhisamaye nātho, navutikoṭimabodhayi.

“Yadā ca devabhavanamhi, buddho dhammadesayī;
Navutikoṭisahasānaṃ, tatiyaabhisamayo ahu.

“Sannipātā tayo āsuṃ, dīpaṅkarassa satthuno;
Koṭisatasahasānaṃ, paṭhamo āsi samāgamo.

“Puna nāradakūṭamhi, pavivekagate jine;
Khīṇāsavā vītamaḷā, samiṃsu satakoṭiyo.

“Yamhi kāle mahāvīro, sudassanasiluccaye;
Navutikoṭisahashehi, pavāresi mahāmuni.

“Ahaṃ tena samayena, jaṭilo uggatāpano;
Antalikkhamhi caraṇo, pañcābhiññāsu pāragū.

“Dasavāsasahassānaṃ, dhammābhisamayo ahu;
Ekadvinnaṃ abhisamayā, gaṇanato asaṅkhiyā.

“Vitthārikaṃ bāhujaññaṃ, iddhaṃ phītaṃ ahū tadā;
Dīpaṅkarassa bhagavato, sāsaraṃ suvisodhitam.

“Cattāri satasahassāni, chaḷabhiññā mahiddhikā;
Dīpaṅkaraṃ lokaviduṃ parivārenti sabbadā.

“Ye keci tena samayena, jahanti mānusaṃ bhavaṃ;
Appattamānasā sekhā, garahitā bhavanti te.

“Supupphitaṃ pāvacaṇaṃ, arahantehi tādibhi;
Khīṇāsavehi vimalehi, upasobhati sabbadā.

“Nagaraṃ rammavatī nāma, sudevo nāma khattiyo;
Sumedhā nāma janikā, dīpaṅkarassa satthuno.

“Dasavassasahassāni, agāraṃ ajjha so vasi;
Haṃsā koñcā mayūrā ca, tayo pāsādamuttamā.

“Tīṇi satasahassāni, nāriyo samalaṅkatā;
Padumā nāma sā nārī, usabhakkhandho atrajo.

“Nimitte caturo disvā, hatthiyānena nikkhami;
Anūnadasamāsāni, padhāne padahī jino.

“Padhānacāraṃ caritvāna, abujjhi mānasaṃ muni;
Brahmunā yācito santo, dīpaṅkaro mahāmuni.

“Vatti cakkaṃ mahāvīro, nandārāme sirīghare;
Nisino sirīsamūlamhi, akāsi titthiyamaddanaṃ.

“Sumaṅgalo ca tisso ca, ahesuṃ aggasāvakā;
Sāgato nāmuṇḍhāko, dīpaṅkarassa satthuno.

Sunandā ca “nandā ceva sunandā ca, ahesuṃ aggasāvikā;
Bodhi tassa bhagavato, pipphalīti pavuccati.

“Tapussabhallikā nāma, ahesuṃ aggupaṭṭhakā;
Sirimā koṇā upaṭṭhikā, dīpaṅkarassa satthuno.

“Asīhatthamubbedho, dīpaṅkaro mahāmuni;
Sobhati dīparukkhova, sālārājāva phullito.

“Pabhā vidhāvati tassa, samantā dvādasa yojane;
Satasahassavassāni, āyu tassa mahesīno;
Tāvataṃ tiṭṭhamāno so, tāresi janataṃ bahuṃ.

“Jotayitvāna saddhammaṃ, santāretvā mahājanam;
Jalivā aggikhandhova, nibbuto so sasāvako.

“Sā ca iddhi so ca yaso, tāni ca pādesu cakkaranāni;
Sabbam tamantarāhitam, nanu rittā sabbasaṅkhārāti.

“Dīpaṅkaro jino satthā, nandārāmamhi nibbuto;
Tatthetassa jinathūpo, chattimsubbedhayojano”’ti. (bu. vaṃ. 3.1-31);

Koṇḍañño buddho

Dīpaṅkarassa pana bhagavato aparabhāge ekaṃ asaṅkhyeyyaṃ atikkamitvā **koṇḍañño** nāma satthā udapādi. Tassāpi tayo sāvakasannipātā ahesuṃ. Paṭhamasannipāte koṭisatasahassaṃ, dutiye koṭisahasassaṃ, tatiye navutikoṭiyo. Tadā bodhisatto vijitāvī nāma cakkavattī hutvā koṭisatasahassassa buddhappamukhassa bhikkhusaṅghassa mahādānaṃ adāsi. Satthā bodhisattaṃ “buddho bhavissati”’ti byākaritvā dhammaṃ desesi. So satthu dhammakathaṃ sutvā rajjaṃ niyyādetvā pabbajī. So tīṇi piṭakāni uggahetvā aṭṭha samāpattiyo ca pañca abhiññāyo ca uppādetvā aparihīnājjhāno brahmaloke nibbatti. Koṇḍaññabuddhassa pana rammavati nāma nagaraṃ, sunando nāma khattiyo pitā, sujātā nāma devī mātā, bhaddo ca subhaddo ca dve aggasāvakā, anuruddho nāmupaṭṭhāko, tissā ca upatissā ca dve aggasāvikā, sālakalyāṇirukkho bodhi, aṭṭhāsītihatthubbedham sarīraṃ, vassasatasahassaṃ āyuppamāṇaṃ ahoṣi.

“Dīpaṅkarassa aparena, koṇḍañño nāma nāyako;
Anantatejo amitayaso, appameyyo durāsado”’.

Tassa aparabhāge ekaṃ asaṅkhyeyyaṃ atikkamitvā ekasmiṃ kappeyeva cattāro buddhā nibbattiṃsu – **maṅgalo, sumano, revato, sobhitoti. Maṅgalassa** bhagavato tīsu sāvakasannipātesu paṭhamasannipāte koṭisatasahassaṃ bhikkhū ahesuṃ, dutiye koṭisatasahassaṃ, tatiye navutikoṭiyo. Vemātikabhātā kirassa ānandakumāro nāma navutikoṭisaṅkhāya parisāya saddhiṃ dhammassavanatthāya satthu santikaṃ agamāsi. Satthā tassa anupubbikathaṃ kathesi. So saddhiṃ parisāya saha paṭisambhidāhi arahattaṃ pāpuṇi. Satthā tesam kulaputtānaṃ pubbacaritaṃ olovento iddhi mayapattacīvarassa upanissayaṃ disvā dakkhiṇahattaṃ pasāretvā “etha bhikkhavo”’ti āha. Sabbe taṅkhaṇaññeva iddhi mayapattacīvaradharā satthivassikatherā viya ākappasampannā hutvā satthāraṃ vanditvā parivārayiṃsu. Ayamassa tatiyo sāvakasannipāto ahoṣi.

Yathā pana aññesaṃ buddhānaṃ samantā asītihatthappamāṇāyeva sarīrappabhā ahoṣi, na evaṃ tassa. Tassa pana bhagavato sarīrappabhā niccakālaṃ dasasahassilokadhātuṃ pharivā aṭṭhāsi. Rukkhapathavīpabbatasamuddādayo antamaso ukkhaliyādīni upādāya suvaṇṇapaṭṭapariyonaddhā viya ahesuṃ. Āyuppamāṇaṃ panassa navutivassasahassāni ahoṣi. Ettakaṃ kālaṃ candimasūriyādayo attano pabhāya virocitūṃ nāsakkhiṃsu, rattindivaparicchedo na paññāyittha. Divā sūriyālokena viya sattā niccaṃ buddhālokena vicariṃsu. Sāyaṃ pupphitakusumānaṃ pāto ca ravanakasakuṇādīnaṃ vasena loko rattindivaparicchedaṃ sallakkhesi.

Kiṃ pana aññesaṃ buddhānaṃ ayamānubhāvo natthīti? No natthi. Tepi hi ākaṅkhamānā dasasahassilokadhātuṃ vā tato vā bhiyyo ābhāya phareyyuṃ. Maṅgalassa pana bhagavato pubbapatthanāvasena aññesaṃ byāmapabhā viya sarīrappabhā niccameva dasasahassilokadhātuṃ pharivā aṭṭhāsi. So kira bodhisattacariyacaraṇakāle vessantarasadise attabhāveṭhito saputtadāro vaṅkapabbatasadise pabbate vasi. Atheko kharadāṭhiko nāma yakkho mahāpurisassa dānājjhāsayaṃ sutvā brāhmaṇavaṇṇena upasaṅkamitvā mahāsattaṃ dve dārake yāci. Mahāsatto “dadāmi, brāhmaṇa, puttake”’ti vatvā haṭṭhapahaṭṭho udakapariyantaṃ mahāpathaviṃ kamento dvepi dārake adāsi. Yakkho caṅkamanakoṭiyaṃ ālambanaphalakaṃ nissāya ṭhatvā passantasseva mahāsattassa mulālakalāpaṃ viya dārake khādi. Mahāpurisassa yakkhaṃ oloketvā mukhe vivaṭamatte aggijālaṃ viya lohitadhāraṃ uggiramānaṃ tassa mukhaṃ disvāpi kesaggamattampi domanassaṃ na uppajji. “Sudinnaṃ vata me dāna”’nti cintayato panassa sarīre mahantaṃ pītisomanassaṃ udapādi. So “imassa me dānassa nissandena anāgate imināva nīharena sarīrato rasmīyo nikkhamantū”’ti patthanaṃ akāsi. Tassa taṃ patthanaṃ nissāya buddhabhūtassa sarīrato

rasmiyo nikkhamitvā ettakaṃ ṭhānaṃ phariṃsu.

Aparampissa pubbacariyaṃ atthi. So kira bodhisattakāle ekassa buddhassa cetiyaṃ disvā “imassa buddhassa mayā jīvitaṃ paricajitaṃ vaṭṭati”ti daṇḍakadīpikaveṭhananiyāmena sakalasarāṃ veṭhāpetvā ratanamattamaḷaṃ sataśahassagghaṇikaṃ suvaṇṇapāṭiṃ sappissa pūrāpetvā tattha sahaśsavatṭiyo jāletvā taṃ sīsenādāya sakalasarāṃ jālāpetvā cetiyaṃ padakkhiṇaṃ karonto sakalarattiṃ vītināmeti. Evaṃ yāva aruṇuggamaṇā vāyamantassāpissa lomakūpamattampi usumaṃ na gaṇhi. Padumagabbhaṃ pavīṭṭhakālo viya ahoṣi. Dhammo hi nāmesa attānaṃ rakkhantaṃ rakkhati. Tenāha bhagavā –

“Dhammo have rakkhati dhammacāriṃ, dhammo suciṇṇo sukhamāvahāti;
Eśāniśaṃso dhamme suciṇṇe, na duggatiṃ gacchati dhammacārī”ti. (theragā. 303; jā. 1.10.102) –

Imassapi kammaṃ nissandena tassa bhagavato sarīrobhāso dasaśahassilokadhātuṃ pharivā aṭṭhāsi.

Tadā ambhākaṃ bodhisatto suruci nāma brāhmaṇo hutvā “sathāraṃ nimantessāmi”ti upasānkamitvā madhuradhammakathaṃ sutvā “sve mayhaṃ bhikkhaṃ gaṇhatha, bhante”ti āha. “Brāhmaṇa, kittakehi te bhikkhūhi attho”ti? “Kittakā pana vo, bhante, parivārabhikkhū”ti āha. Tadā satthu paṭhamasannipātoyeva hoti, tasmā “koṭisatasahassa”nti āha. “Bhante, sabbehiṃ saddhiṃ mayhaṃ bhikkhaṃ gaṇhathā”ti. Satthā adhivāsesi. Brāhmaṇo svātanāya nimantetvā gehaṃ gacchanto cintesi – “ahaṃ ettakānaṃ bhikkhūnaṃ yāgubhattavattadhāni dātuṃ sakkomi, nisīdanaṭṭhānaṃ pana kathaṃ bhavissati”ti?

Tassa sā cintā caturāsītiyojanasahasamatthake ṭhitassa devaraṇṇo paṇḍukambalasilāsanassa uṇhabhāvaṃ janesi. Sakko “ko nu kho maṃ imahā ṭhānā cāvetukāmo”ti dibbacakkhunā olokeno mahāpurisaṃ disvā “suruci nāma brāhmaṇo buddhappamukhaṃ bhikkhusaṅghaṃ nimantetvā nisīdanaṭṭhānaṭṭhāya cintesi, mayāpi tattha gantvā puññakoṭṭhāsaṃ gahetuṃ vaṭṭati”ti vaḍḍhakivaṇṇaṃ nimminivā vāsipharasuhatto mahāpurisassa purato pāturaḥosi. “Atthi nu kho kassaci bhatiyā kattabbakicca”nti āha. Mahāpuriso taṃ disvā “kiṃ kammaṃ karissasī”ti āha. “Mama ajānanasippaṃ nāma natthi, gehaṃ vā maṇḍapaṃ vā yo yaṃ kāreti, tassa taṃ kātuṃ jānāmi”ti. “Tena hi mayhaṃ kammaṃ atthi”ti. “Kiṃ, ayyā”ti? “Svātanāya me koṭisatasahasabhikkhū nimantitā. Tesāṃ nisīdanaṃ maṇḍapaṃ karissasī”ti? “Ahaṃ nāma kareyyaṃ sace me bhatim dātuṃ sakkhissathā”ti. “Sakkhissāmi, tātā”ti. “Sādhu karissāmi”ti gantvā ekaṃ padesaṃ olokesi. Dvādasaterasayojanappamaṇo padeso kaṣiṇamaṇḍalaṃ viya samatalo ahoṣi. So “ettake ṭhāne sattaratanamayo maṇḍapo uṭṭhahatū”ti cintetvā olokesi. Tāvadeva pathaviṃ bhinditvā maṇḍapo uṭṭhahi. Tassa sovaṇṇamayesu thambhesu rajatamayā ghaṭakā ahesuṃ, rajatamayesu sovaṇṇamayā, maṇimayesu thambhesu pavālamayā, pavālamayesu maṇimayā, sattaratanamayesu thambhesu sattaratanamayā ghaṭakā ahesuṃ. Tato “maṇḍapassa antarantare kiṅkaṇikajālaṃ olambatū”ti olokesi. Saha olokaneneva jālaṃ olambi. Yassa mandavāteritassa pañcaṅgikasēva tūriyassa madhurasaddo niccharati. Dibbasāṅgīvattanakālo viya ahoṣi. “Antarantarā gandhadāmamālādāmāni olambantū”ti cintentassa mālādāmāni olambiṃsu. “Koṭisatasahasasaṅkhānaṃ bhikkhūnaṃ āsanāni ca ādhārakāni ca pathaviṃ bhinditvā uṭṭhahantū”ti cintesi, tāvadeva uṭṭhahiṃsu. “Koṇe koṇe ekekā udakacāṭiyo uṭṭhahantū”ti cintesi, udakacāṭiyo uṭṭhahiṃsu.

So ettakaṃ māpetvā brāhmaṇassa santikaṃ gantvā “ehi, ayya, tava maṇḍapaṃ oloketvā mayhaṃ bhatim dehi”ti āha. Mahāpuriso gantvā maṇḍapaṃ olokesi. Oloketasseva ca sakalasarāṃ pañcavaṇṇāya pīṭiyā nirantaraṃ puṭaṃ ahoṣi. Athassa maṇḍapaṃ oloketvā etadahosi – “nāyaṃ maṇḍapo manussabhūtena kato, mayhaṃ pana ajjhāsayaṃ mayhaṃ guṇaṃ āgamma addhā sakkabhavanaṃ uṇhaṃ bhavissati. Tato sakkena devaraṇṇā ayaṃ maṇḍapo kārito bhavissati”ti. “Na kho pana me yuttaṃ evarūpe maṇḍape ekadivasaṃyeva dānaṃ dātuṃ, sattāhaṃ dassāmi”ti cintesi. Bāhirakadānaṃhi tattakampi samānaṃ bodhisattānaṃ tuṭṭhiṃ kātuṃ na sakkoti, alaṅkatasīsaṃ pana chinditvā añjitaakkhīni uppāṭetvā hadayamaṃsaṃ vā ubbaṭṭetvā dinnakāle bodhisattānaṃ cāgaṃ nissāya tuṭṭhi nāma hoti. Amhākampi hi bodhisattassa sivrājajātake devasikaṃ pañcakahāpaṇasatasahasāni vissajjetvā catūsu dvāresu nagaramajjhe ca dānaṃ dentassa taṃ dānaṃ cāgatutuṭṭhiṃ uppādetuṃ nāsakkhi. Yadā panassa brāhmaṇavaṇṇena āgantvā sakko devarājā akkhīni yāci, tadā tāni uppāṭetvā dadamānasēva hāso uppajji,

kesaggamattampi cittam aññathattam nāhosi. Evaṃ dinnadānaṃ nissāya bodhisattānaṃ titti nāma natthi. Tasmā sopi mahāpuriso “sattāhaṃ mayā koṭisatasahassasaṅkhānaṃ bhikkhūnaṃ dānaṃ dātuṃ vaṭṭatī”ti cintetvā tasmim maṇḍape nisīdāpetvā sattāhaṃ gavapānaṃ nāma adāsi. **Gavapānanti** mahante mahante kolambe khīrassa pūretvā uddhanesu āropetvā ghanapākapakke khīre thoke taṇḍule pakkhipitvā pakkamadhusakkaracuṇṇasappīhi abhisaṅkhatabhojanaṃ vuccati. Manussāyeva pana parivisitūṃ nāsakkhiṃsu. Devāpi ekantarikā hutvā parivisiṃsu. Dvādasaterasayojanappamāṇaṃ ṭhānampi bhikkhū gaṇhitūṃ nappahosiyeva, te pana bhikkhū attano ānubhāvena nisīdiṃsu. Pariyosānadivase pana sabbabhikkhūnaṃ pattāni dhovāpetvā bhesajjathāya sappinavanītatelamadhuphāṇitānaṃ pūretvā ticīvarehi saddhiṃ adāsi, saṅghanavakabhikkhunā laddhacīvarasāṭakā satasahassagghanikā ahesuṃ.

Satthā anumodanaṃ karonto – “ayaṃ puriso evarūpaṃ mahādānaṃ adāsi, ko nu kho bhavissatī”ti upadhārento – “anāgate kappasatasahassādhikānaṃ dvīnaṃ asaṅkhyeyyānaṃ matthake gotamo nāma buddho bhavissatī”ti disvā mahāpurisaṃ āmantetvā “tvam ettakaṃ nāma kālaṃ atikkamitvā gotamo nāma buddho bhavissasi”ti byākāsi. Mahāpuriso byākaraṇaṃ sutvā “ahaṃ kira buddho bhavissāmi, ko me gharāvāsena attho, pabbajissāmi”ti cintetvā tathārūpaṃ sampattiṃ kheḷapiṇḍaṃ viya pahāya satthu santike pabbajitvā buddhavacanaṃ uggaṇhitvā abhiññāyo ca samāpattiyo ca nibbattetvā āyupariyosāne brahmaloke nibbatti.

Maṅgalo buddho

Maṅgalassa pana bhagavato nagaraṃ uttaraṃ nāma ahosi, pitāpi uttaro nāma khattiyo, mātāpi uttarā nāma devī, sudevo ca dhammaseno ca dve aggasāvakā, pālito nāmupaṭṭhāko, sīvalī ca asokā ca dve aggasāvikā, nāgarukkho bodhi, aṭṭhāsītihatthubbedhaṃ sarīraṃ ahosi. Navuti vassasahassāni ṭhatvā parinibbute pana tasmim ekappahāreneva dasa cakkavāḷasahassāni ekandhakārāni ahesuṃ. Sabbacakkavāḷesu manussānaṃ mahantaṃ ārodanaparidevanaṃ ahosi.

“Koṇḍaññaṃsā aparena, maṅgalo nāma nāyako;
Tamaṃ loke nihantvāna, dhammakkamabhīdhārayī”ti. (bu. vaṃ. 5.1);

Sumano buddho

Evaṃ dasasahassilokadhātuṃ andhakāraṃ katvā parinibbutassa tassa bhagavato aparabhāge **sumano** nāma satthā loke udapādi. Tassāpi tayo sāvakasannipātā. Paṭhamasannipāte koṭisatasahassabhikkhū ahesuṃ. Dutiye kañcanapabbatamhi navutikoṭisahasāni, tatiye asītikōṭisahasāni. Tadā mahāsatto atulo nāma nāgarājā ahosi mahiddhiko mahānubhāvo. So “buddho uppanno”ti sutvā ñātisaṅghaparivuto nāgabhanā nikkhamitvā koṭisatasahassabhikkhuparivārassa tassa bhagavato dibbatūriyehi upahāraṃ kāretvā mahādānaṃ pavattetvā paccekaṃ dussayugāni datvā saraṇesu patiṭṭhāsi. Sopi naṃ satthā “anāgate buddho bhavissatī”ti byākāsi. Tassa bhagavato nagaraṃ mekhalaṃ nāma ahosi, sudatto nāma rājā pitā, sirimā nāma mātā devī, saraṇo ca bhāvītatto ca dve aggasāvakā, udeno nāmupaṭṭhāko, soṇā ca upasoṇā ca dve aggasāvikā, nāgarukkho bodhi, navutihatthubbedhaṃ sarīraṃ ahosi, navutiyeva vassasahassāni āyuppamāṇaṃ ahosi.

“Maṅgalassa aparena, sumano nāma nāyako;
Sabbadhammehi asamo, sabbasattānamuttamo”ti. (bu. vaṃ. 6.1);

Revato buddho

Tassa aparabhāge **revato** nāma satthā udapādi. Tassāpi tayo sāvakasannipātā. Paṭhamasannipāte gaṇanā natthi, dutiye koṭisatasahassabhikkhū ahesuṃ, tathā tatiye. Tadā bodhisatto atidevo nāma brāhmaṇo hutvā satthu dhammasanaṃ sutvā saraṇesu patiṭṭhāya sirasi añjalim ṭhapetvā tassa satthuno kilesappahāne vaṇṇaṃ sutvā uttarāsaṅgena pūjaṃ akāsi. Sopi naṃ “buddho bhavissatī”ti byākāsi. Tassa pana bhagavato nagaraṃ sudhaññavatī nāma ahosi, pitā vipulo nāma khattiyo, mātā vipulā nāma, varuṇo ca brahmadevo ca

dve aggasāvākā, sambhavo nāmupaṭṭhāko, bhaddā ca subhaddā ca dve aggasāvikā, nāgarukkho bodhi, sarīraṃ asītihatthubbedhaṃ ahoṣi, āyu saṭṭhi vassasahassānīti.

“Sumanassa aparena, revato nāma nāyako;
Anūpamo asadiso, atulo uttamo jino”ti. (bu. vaṃ. 7.1);

Sobhito buddho

Tassa aparabhāge **sobhito** nāma satthā udapādi. Tassāpi tayo sāvakasannipātā. Paṭhamasannipāte koṭṭisatāṃ bhikkhū ahesuṃ, dutiye navutikoṭṭiyo, tatiye asītikotiyo. Tadā bodhisatto ajīto nāma brāhmaṇo hutvā satthu dhammadesanaṃ sutvā saraṇesu paṭiṭṭhāya buddhappamukhassa bhikkhusaṅghassa mahādānaṃ adāsi. Sopi naṃ “buddho bhavissati”ti byākāsi. Tassa pana bhagavato nagaraṃ sudhammaṃ nāma ahoṣi, pitā sudhammo nāma rājā, mātāpi sudhammā nāma devī, asamo ca sunetto ca dve aggasāvākā, anomo nāmupaṭṭhāko, nakulā ca sujātā ca dve aggasāvikā, nāgarukkho bodhi, aṭṭhapaṇṇāsahatthubbedhaṃ sarīraṃ ahoṣi, navuti vassasahassāni āyuppamāṇanti.

“Revatassa aparena, sobhito nāma nāyako;
Samāhito santacitto, asamo appaṭipuggalo”ti. (bu. vaṃ. 8.1);

Anomadassī buddho

Tassa aparabhāge ekaṃ asaṅkhayeyyaṃ atikkamitvā ekasmiṃ kappe tayo buddhā nibbattiṃsu **anomadassī, padumo, nāradoti**. **Anomadassissa** bhagavato tayo sāvakasannipātā. Paṭhame aṭṭha bhikkhusatasahassāni ahesuṃ, dutiye satta, tatiye cha. Tadā bodhisatto eko yakkhasenāpati ahoṣi mahiddhiko mahānubhāvo, anekakoṭṭisatasahassānaṃ yakkhānaṃ adhipati. So “buddho uppanno”ti sutvā āgantvā buddhappamukhassa bhikkhusaṅghassa mahādānaṃ adāsi. Sopi naṃ satthā “anāgate buddho bhavissati”ti byākāsi. Anomadassissa pana bhagavato candavatī nāma nagaraṃ ahoṣi, yasavā nāma rājā pitā, yasodharā nāma mātā devī, nisabho ca anomo ca dve aggasāvākā, varuṇo nāmupaṭṭhāko, sundarī ca sumanā ca dve aggasāvikā, ajjunarukkho bodhi, aṭṭhapaṇṇāsahatthubbedhaṃ sarīraṃ ahoṣi, vassasatasahassaṃ āyuppamāṇanti.

“Sobhitassa aparena, sambuddho dvīpaduttamo;
Anomadassī amitayaso, tejassī duratikkamo”ti. (bu. vaṃ. 9.1);

Padumo buddho

Tassa aparabhāge **padumo** nāma satthā udapādi. Tassāpi tayo sāvakasannipātā. Paṭhamasannipāte koṭṭisatasahassaṃ bhikkhū ahesuṃ, dutiye tīṇi satasahassāni, tatiye agāmake araṇṇe mahāvanasaṅḍavāsīnaṃ bhikkhūnaṃ dve satasahassāni. Tadā bodhisatto sīho hutvā satthāraṃ nirodhasamāpattiṃ samāpannaṃ disvā pasannacitto vanditvā padakkhiṇaṃ katvā pītisomanassajāto tikkhattuṃ sīhanādaṃ naditvā sattāhaṃ buddhārammaṇaṃ pītiṃ avijahitvā pītisukheneva gocarāya apakkamitvā jīvitapariccāgaṃ katvā bhagavantaṃ payirupāsamaṇo aṭṭhāsi. Satthā sattāhaccayena nirodhā vuṭṭhito sīhaṃ oloketvā “bhikkhusaṅghepi cittaṃ pasādetvā saṅghaṃ vandissati”ti “bhikkhusaṅgho āgacchatū”ti cintesi. Bhikkhū tāvadeva āgamiṃsu. Sīhopi bhikkhusaṅghe cittaṃ pasādeti. Satthā tassa manaṃ oloketvā “anāgate buddho bhavissati”ti byākāsi. Padumassa pana bhagavato campakaṃ nāma nagaraṃ ahoṣi, asamo nāma rājā pitā, mātā asamā nāma devī, sālo ca upasālo ca dve aggasāvākā, varuṇo nāmupaṭṭhāko, rāmā ca surāmā ca dve aggasāvikā, soṇarukkho nāma bodhi, aṭṭhapaṇṇāsahatthubbedhaṃ sarīraṃ ahoṣi, āyu vassasatasahassanti.

“Anomadassissa aparena, sambuddho dvīpaduttamo;
Padumo nāma nāmena, asamo appaṭipuggalo”ti. (bu. va. 10.1);

Nārado buddho

Tassa aparabhāge **nārado** nāma satthā udapādi. Tassāpi tayo sāvakasannipātā. Paṭhamasannipāte koṭisatasahassaṃ bhikkhū ahesuṃ, dutiye navutikoṭisahasāni, tatiye asītkoṭisahasāni. Tadā bodhisatto isipabbajjaṃ pabbajitvā pañcasu abhiññāsu aṭṭhasu ca samāpattīsu ciñṇavasī hutvā buddhappamukhassa bhikkhusaṅghassa mahādānaṃ datvā lohitaandanena pūjaṃ akāsi. Sopi naṃ satthā “anāgate buddho bhavissatī”ti byākāsi. Tassa pana bhagavato dhaññavatī nāma nagaraṃ ahosi, sudevo nāma khattiyo pitā, anomā nāma mātā devī, bhaddasālo ca jītamitto ca dve aggasāvakā, vāsetṭho nāmupaṭṭhāko, uttarā ca phaggunī ca dve aggasāvīkā, mahāsoṇarukkho nāma bodhi, sarīraṃ aṭṭhāsītihatthubbedhaṃ ahosi, navuti vassasahasāni āyūti.

“Padumassa aparena, sambuddho dvipaduttamo;
Nārado nāma nāmena, asamo appaṭipuggalo”ti. (bu. vaṃ. 11.1);

Padumuttaro buddho

Nāradabuddhassa pana aparabhāge ito satasahasakappamatthake ekasmiṃ kappe ekova **padumuttaro** nāma buddho udapādi. Tassāpi tayo sāvakasannipātā. Paṭhame sannipāte koṭisatasahassaṃ bhikkhū ahesuṃ, dutiye vebhārapabbate navutikoṭisahasāni, tatiye asītkoṭisahasāni. Tadā bodhisatto jaṭilo nāma mahāraṭṭhiyo hutvā buddhappamukhassa bhikkhusaṅghassa sacīvaraṃ dānaṃ adāsi. Sopi naṃ satthā “anāgate buddho bhavissatī”ti byākāsi. Padumuttarassa pana bhagavato kāle tithiyā nāma nāhesuṃ. Sabbadevamanussā buddhameva saraṇaṃ agamaṃsu. Tassa nagaraṃ haṃsavatī nāma ahosi, pitā ānando nāma khattiyo, mātā sujātā nāma devī, devalo ca sujāto ca dve aggasāvakā, sumano nāmupaṭṭhāko, amitā ca asamā ca dve aggasāvīkā, sālārukkho bodhi, sarīraṃ aṭṭhapaṇṇāsahatthubbedhaṃ ahosi, sarīrapabhā samantato dvādasayojanāni gaṇhi, vassasahasassaṃ āyūti.

“Nāradassa aparena, sambuddho dvipaduttamo;
Padumuttaro nāma jino, akkhobho sāgarūpamo”ti. (bu. vaṃ. 12.1);

Sumedho buddho

Tassa aparabhāge tiṃsa kappasahasāni atikkamitvā **sumedho** ca **sujāto** cāti ekasmiṃ kappe dve buddhā nibbattiṃsu. **Sumedhassāpi** tayo sāvakasannipātā. Paṭhamasannipāte sudassananagare koṭisataṃ khīṇāsavā ahesuṃ, dutiye navutikoṭiyo, tatiye asītkoṭiyo. Tadā bodhisatto uttaro nāma māṇavo hutvā nidahitvā ṭhapitaṃyeva asītkoṭidhanaṃ vissajjetvā buddhappamukhassa bhikkhusaṅghassa mahādānaṃ datvā dhammaṃ sutvā saraṇesu patiṭṭhāya nikkhamitvā pabbaji. Sopi naṃ “anāgate buddho bhavissatī”ti byākāsi. Sumedhassa bhagavato sudassanaṃ nāma nagaraṃ ahosi, sudatto nāma rājā pitā, mātāpi sudattā nāma devī, saraṇo ca sabbakāmo ca dve aggasāvakā, sāgaro nāmupaṭṭhāko, rāmā ca surāmā ca dve aggasāvīkā, mahānīparukkho bodhi, sarīraṃ aṭṭhāsītihatthubbedhaṃ ahosi, āyu navuti vassasahasanti.

“Padumuttarassa aparena, sumedho nāma nāyako;
Durāsado uggatejo, sabbalokuttamo munī”ti. (bu. vaṃ. 13.1);

Sujāto buddho

Tassa aparabhāge **sujāto** nāma satthā udapādi. Tassāpi tayo sāvakasannipātā. Paṭhamasannipāte saṭṭhi bhikkhusatasahasāni ahesuṃ, dutiye paññāsaṃ, tatiye cattālīsaṃ. Tadā bodhisatto cakkavattirājā hutvā “buddho uppanno”ti sutvā upasaṅkamitvā dhammaṃ sutvā buddhappamukhassa bhikkhusaṅghassa saddhiṃ sattahi ratanehi catumahādīparajjaṃ datvā satthu santike pabbaji. Sakalaraṭṭhavāsino raṭṭhuppādaṃ gahetvā ārāmīkakkiccaṃ sādhetā buddhappamukhassa bhikkhusaṅghassa niccaṃ mahādānaṃ adāsu. Sopi naṃ satthā “anāgate buddho bhavissatī”ti byākāsi. Tassa bhagavato nagaraṃ sumaṅgalaṃ nāma ahosi, uggato nāma rājā pitā, pabhāvatī nāma mātā, sudassano ca sudevo ca dve aggasāvakā, nārado nāmupaṭṭhāko, nāgā ca nāgasamālā ca dve aggasāvīkā, mahāveḷurukkho bodhi. So kira mandacchiddo ghanakkhandho upari niggatāhi mahāsākhāhi morapiñchakalāpo viya virocittha. Tassa bhagavato sarīraṃ

paṇṇāsahatthubbedhaṃ ahoṣi, āyu navuti vassasahassanti.

“Tattheva maṇḍakappamhi, sujāto nāma nāyako;
Sīhahanūsabhakkhandho, appameyyo durāsado”ti. (bu. vaṃ. 14.1);

Piyadassī buddho

Tassa aparabhāge ito aṭṭhārasakappasatamatthake ekasmiṃ kappe **piyadassī, atthadassī, dhammadassī**ti tayo buddhā nibbattiṃsu. **Piyadassissapi** bhagavato tayo sāvakasannipātā. Paṭhame koṭṭisatasahassaṃ bhikkhū ahesuṃ, dutiye navutikoṭṭiyo, tatiye asīṭikoṭṭiyo. Tadā bodhisatto kassapo nāma māṇavo tiṇṇaṃ vedānaṃ pāraṅgato hutvā satthu dhammadesanaṃ sutvā koṭṭisatasahassadhanapariccāgena saṅghārāmaṃ kāretvā saraṇesu ca sīlesu ca patiṭṭhāsi. Atha naṃ satthā “aṭṭhārasakappasataccayena buddho bhavissati”ti byākāsi. Tassa bhagavato anomaṃ nāma nagaraṃ ahoṣi, pitā sudinno nāma rājā, mātā candā nāma, pālito ca sabbadassī ca dve aggasāvakā, sobhito nāmupaṭṭhāko, sujātā ca dhammadinnā ca dve aggasāvikā, kakudharukkho bodhi, sarīraṃ asīṭihatthubbedhaṃ ahoṣi, navuti vassasahassaṃ āyūti.

“Sujātassa aparena, sayambhū lokanāyako;
Durāsado asamasamo, piyadassī mahāyaso”ti. (bu. vaṃ. 15.1);

Atthadassī buddho

Tassa aparabhāge **atthadassī** nāma bhagavā udapādi. Tassāpi tayo sāvakasannipātā. Paṭhame aṭṭhanavuti bhikkhusatasahassāni ahesuṃ, dutiye aṭṭhāsītisatasahassāni, tathā tatiye. Tadā bodhisatto susīmo nāma mahiddhiko tāpaso hutvā devalokato mandāravapupphacchattaṃ āharitvā satthāraṃ pūjesi, sopi naṃ “anāgate buddho bhavissati”ti byākāsi. Tassa bhagavato sobhanaṃ nāma nagaraṃ ahoṣi, sāgaro nāma rājā pitā, sudassanā nāma mātā, santo ca upasanto ca dve aggasāvakā, abhayo nāmupaṭṭhāko, dhammā ca sudhammā ca dve aggasāvikā, campakarukkho bodhi, sarīraṃ asīṭihatthubbedhaṃ ahoṣi, sarīrappabhā samantato sabbakālaṃ yojanamattaṃ pharitvā aṭṭhāsi, āyu vassasatasahassanti.

“Tattheva maṇḍakappamhi, atthadassī narāsabho;
Mahātamaṃ nihantvāna, patto sambodhimuttama”nti. (bu. vaṃ. 16.1);

Dhammadassī buddho

Tassa aparabhāge **dhammadassī** nāma satthā udapādi. Tassāpi tayo sāvakasannipātā. Paṭhame koṭṭisataṃ bhikkhū ahesuṃ, dutiye navutikoṭṭiyo, tatiye asīṭikoṭṭiyo. Tadā bodhisatto sakko devarājā hutvā dibbagandhapupphehi ca dibbatūriyehi ca pūjaṃ akāsi, sopi naṃ satthā “anāgate buddho bhavissati”ti byākāsi. Tassa bhagavato saraṇaṃ nāma nagaraṃ ahoṣi, pitā saraṇo nāma rājā, mātā sunandā nāma devī, padumo ca phussadevo ca dve aggasāvakā, sunetto nāmupaṭṭhāko, khemā ca sabbanāmā ca dve aggasāvikā, rattañkurarukkho bodhi, “bimbijālo”tipi vuccati, sarīraṃ panassa asīṭihatthubbedhaṃ ahoṣi, vassasatasahassaṃ āyūti.

“Tattheva maṇḍakappamhi, dhammadassī mahāyaso;
Tamandhakāraṃ vidhamitvā, atirocati sadevake”ti. (bu. vaṃ. 17.1);

Siddhattho buddho

Tassa aparabhāge ito catunavutikappamatthake ekasmiṃ kappe ekova **siddhattho** nāma sammāsambuddho udapādi. Tassāpi tayo sāvakasannipātā. Paṭhamasannipāte koṭṭisataṃ bhikkhū ahesuṃ, dutiye navutikoṭṭiyo, tatiye asīṭikoṭṭiyo. Tadā bodhisatto uggatejo abhiññābalasampanno maṅgalo nāma tāpaso hutvā mahājambuphalaṃ āharitvā tathāgatassa adāsi. Satthā taṃ phalaṃ paribhuñjitvā “catunavutikappamatthake buddho bhavissati”ti byākāsi. Tassa bhagavato nagaraṃ vebhāraṃ nāma ahoṣi,

pitā jayaseno nāma rājā, mātā suphassā nāma devī, sambalo ca sumitto ca dve aggasāvakā, revato nāmupaṭṭhāko, sīvalā ca surāmā ca dve aggasāvikā, kaṇikāraruḅkko bodhi, sarīraṃ saṭṭhihatthubbedhaṃ ahosi, vassasatasahassaṃ āyūti.

“Dhammadassissa aparena, siddhattho lokanāyako;
Nihanitvā tamaṃ sabbaṃ, sūriyo abbhuggato yathā”ti. (bu. vaṃ. 18.1);

Tisso buddho

Tassa aparabhāge ito dvānavutikappamatthake **tisso phussoti** ekasmiṃ kappe dve buddhā nibbattiṃsu. **Tissassa** bhagavato tayo sāvakasannipātā. Paṭhamasannipāte bhikkhūnaṃ koṭisataṃ ahosi, dutiye navutikoṭiyo, tatiye asītikoṭiyo. Tadā bodhisatto mahābhogo mahāyaso sujāto nāma khattiyo hutvā isipabbajjaṃ pabbajitvā mahiddhikabhāvaṃ patvā “buddho uppanno”ti sutvā dibbamandāravapadumapāricchattakapupphāni ādāya catuparisamajjhe gacchantam tathāgataṃ pūjesi, ākāse pupphavitānaṃ akāsi. Sopi naṃ satthā “ito dvenavutikappamatthake buddho bhavissati”ti byākāsi. Tassa bhagavato khemaṃ nāma nagaraṃ ahosi, pitā janasandho nāma khattiyo, mātā padumā nāma devī, brahmadevo ca udayo ca dve aggasāvakā, sumano nāmupaṭṭhāko, phussā ca sudattā ca dve aggasāvikā, asanaruḅkko bodhi, sarīraṃ saṭṭhihatthubbedhaṃ ahosi, vassasatasahassaṃ āyūti.

“Siddhatthassa aparena, asamo appaṭipuggalo;
Anantatejo amitayaso, tisso lokagganāyako”ti. (bu. vaṃ. 19.1);

Phusso buddho

Tassa aparabhāge **phusso** nāma satthā udapādi. Tassāpi tayo sāvakasannipātā. Paṭhamasannipāte saṭṭhi bhikkhusatasahassāni ahesuṃ, dutiye paṇṇāsa, tatiye dvattiṃsa. Tadā bodhisatto vijitāvī nāma khattiyo hutvā mahārajjam pahāya satthu santike pabbajitvā tīṇi piṭakāni uggahetvā mahājanassa dhammakatham katesi, sīlapāramiṇca pūresi. Sopi naṃ “buddho bhavissati”ti byākāsi. Tassa bhagavato kāsi nāma nagaraṃ ahosi, jayaseno nāma rājā pitā, sirimā nāma mātā, surakkhito ca dhammaseno ca dve aggasāvakā, sabhiyo nāmupaṭṭhāko, cālā ca upacālā ca dve aggasāvikā, āmalakarukko bodhi, sarīraṃ aṭṭhapaṇṇāsahatthubbedhaṃ ahosi, navuti vassasahassāni āyūti.

“Tattheva maṇḍakappamhi, ahu satthā anuttaro;
Anūpamo asamasamo, phusso lokagganāyako”ti. (bu. vaṃ. 20.1);

Vipassī buddho

Tassa aparabhāge ito ekanavutikappe **vipassī** nāma bhagavā udapādi. Tassāpi tayo sāvakasannipātā. Paṭhamasannipāte aṭṭhasaṭṭhi bhikkhusatasahassaṃ ahosi, dutiye ekasatasahassaṃ, tatiye asītisahassāni. Tadā bodhisatto mahiddhiko mahānubhāvo atulo nāma nāgarājā hutvā sattaratanakhacitaṃ sovaṇṇamayam mahāpīṭhaṃ bhagavato adāsi. Sopi naṃ “ito ekanavutikappe buddho bhavissati”ti byākāsi. Tassa bhagavato bandhumatī nāma nagaraṃ ahosi, bandhumā nāma rājā pitā, bandhumatī nāma mātā, khaṇḍo ca tisso ca dve aggasāvakā, asoko nāmupaṭṭhāko, candā ca candamittā ca dve aggasāvikā, pāṭalirukko bodhi, sarīraṃ asītihatthubbedhaṃ ahosi, sarīrappabhā sadā satta yojanāni pharivā aṭṭhāsi, asīti vassasahassāni āyūti.

“Phussassa ca aparena, sambuddho dvipaduttamo;
Vipassī nāma nāmena, loke uppajji cakkhumā”ti. (bu. vaṃ. 21.1);

Sikhī buddho

Tassa aparabhāge ito ekattiṃsakappe **sikhī ca vessabhūcāti** dve buddhā ahesuṃ. **Sikhissāpi** bhagavato

tayo sāvakasannipātā. Paṭhamasannipāte bhikkhusatasahassaṃ ahosi, dutiye asītisahassāni, tatiye sattatisahassāni. Tadā bodhisatto arindamo nāma rājā hutvā buddhappamukhassa bhikkhusaṅghassa sacīvaraṃ mahādānaṃ pavattetvā sattaratanaṇḍitaṃ hatthiratanam datvā hatthippamaṇaṃ katvā kappiyabhaṇḍaṃ adāsi. Sopi naṃ satthā ‘‘ito ekattiṃsakappe buddho bhavissatī’’ti byākāsi. Tassa pana bhagavato aruṇavatī nāma nagaraṃ ahosi, aruṇo nāma khattiyo pitā, pabhāvatī nāma mātā, abhibhū ca sambhavo ca dve aggasāvaka, khemaṅkaro nāmupaṭṭhāko, sakhilā ca padumā ca dve aggasāvika, puṇḍarīkarukkho bodhi, sarīraṃ sattatihatthubbedhaṃ ahosi, sarīrappabhā yojanattayaṃ pharitvā aṭṭhāsi, sattati vassasahassāni āyūti.

‘‘Vipassissa aparena, sambuddho dvipaduttamo;
Sikhivhayo āsi jino, asamo appaṭipuggalo’’ti. (bu. vaṃ. 22.1);

Vessabhū buddho

Tassa aparabhāge **vessabhū** nāma satthā udapādi. Tassāpi tayo sāvakasannipātā. Paṭhamasannipāte asīti bhikkhusahassāni ahesuṃ, dutiye sattati, tatiye saṭṭhi. Tadā bodhisatto sudassano nāma rājā hutvā buddhappamukhassa bhikkhusaṅghassa sacīvaraṃ mahādānaṃ datvā tassa santike pabbajitvā ācāraguṇasampanno buddharatane cittikārapītibahulo ahosi. Sopi naṃ bhagavā ‘‘ito ekattiṃsakappe buddho bhavissatī’’ti byākāsi. Tassa pana bhagavato anomam nāma nagaraṃ ahosi, suppatīto nāma rājā pitā, yasavatī nāma mātā, soṇo ca uttaro ca dve aggasāvaka, upasanto nāmupaṭṭhāyo, rāmā ca surāmā ca dve aggasāvika, sālārukkho bodhi, sarīraṃ saṭṭhihatthubbedhaṃ ahosi, saṭṭhi vassasahassāni āyūti.

‘‘Tattheva maṇḍakappamhi, asamo appaṭipuggalo;
Vessabhū nāma nāmena, loke uppajji so jino’’ti. (bu. vaṃ. 23.1);

Kakusandho buddho

Tassa aparabhāge imasmiṃ kappe cattāro buddhā nibbattā **kakusandho, koṇāgamano, kassapo, ambhakaṃ bhagavāti. Kakusandhassa** bhagavato ekova sāvakasannipāto, tattha cattālīsa bhikkhusahassāni ahesuṃ. Tadā bodhisatto khemo nāma rājā hutvā buddhappamukhassa bhikkhusaṅghassa sapattacīvaraṃ mahādānaṇceva añjanādibhesajjāni ca datvā satthu dhammadesanaṃ sutvā pabbaji. Sopi naṃ satthā ‘‘buddho bhavissatī’’ti byākāsi. Kakusandhassa pana bhagavato khemaṃ nāma nagaraṃ ahosi, aggidatto nāma brāhmaṇo pitā, visākhā nāma brāhmaṇī mātā, vidhuro ca saṅgiṇo ca dve aggasāvaka, buddhijo nāmupaṭṭhāko, sāmā ca campā ca dve aggasāvika, mahāsirīsarukkho bodhi, sarīraṃ cattālīsahatthubbedhaṃ ahosi, cattālīsa vassasahassāni āyūti.

‘‘Vessabhussa aparena, sambuddho dvipaduttamo;
Kakusandho nāma nāmena, appameyyo durāsado’’ti. (bu. vaṃ. 24.1);

Koṇāgamano buddho

Tassa aparabhāge **koṇāgamano** nāma satthā udapādi. Tassāpi ekova sāvakasannipāto, tattha tiṃsa bhikkhusahassāni ahesuṃ. Tadā bodhisatto pabbato nāma rājā hutvā amaccagaṇaparivuto satthu santikaṃ gantvā dhammadesanaṃ sutvā buddhappamukhaṃ bhikkhusaṅghaṃ nimantetvā mahādānaṃ pavattetvā pattuṇṇacīnapaṭakoseyyakambaladukūlāni ceva suvaṇṇapaṭikaṇca datvā satthu santike pabbaji. Sopi naṃ satthā ‘‘buddho bhavissatī’’ti byākāsi. Tassa bhagavato sobhavatī nāma nagaraṃ ahosi, yaññadatto nāma brāhmaṇo pitā, uttarā nāma brāhmaṇī mātā, bhiiyyaso ca uttaro ca dve aggasāvaka, sotthijo nāmupaṭṭhāko, samuddā ca uttarā ca dve aggasāvika, udumbararukkho bodhi, sarīraṃ tiṃsahatthubbedhaṃ ahosi, tiṃsa vassasahassāni āyūti.

‘‘Kakusandhassa aparena, sambuddho dvipaduttamo;
Koṇāgamano nāma jino, lokajetṭho narāsabho’’ti. (bu. vaṃ. 25.1);

Kassapo buddho

Tassa aparabhāge **kassapo** nāma satthā udapādi. Tassāpi ekova sāvakasannipāto, tattha vīsati bhikkhusahassāni ahesum. Tadā bodhisatto jotipālo nāma māṇavo hutvā tiṇṇaṃ vedānaṃ pāragū bhūmiyañceva antalikkhe ca pākaṭo ghaṭikārassa kumbhakārassa mitto ahosi. So tena saddhiṃ satthāraṃ upasaṅkamitvā dhammakathaṃ sutvā pabbajitvā āradhaviṛiyo tīṇi piṭakāni uggahetvā vattāvattasampattiyā buddhasāsanam sobhesi. Sopi naṃ satthā “buddho bhavissati”ti byākāsi. Tassa bhagavato jātanagaraṃ bārāṇasī nāma ahosi, brahmadatto nāma brāhmaṇo pitā, dhanavatī nāma brāhmaṇī mātā, tisso ca bhāradvājo ca dve aggasāvaka, sabbamitto nāmupaṭṭhako, anuḷa ca uruveḷa ca dve aggasāvika, nigrodharukkho bodhi, sarīraṃ vīsatihatthubbedhaṃ ahosi, vīsati vassasahassāni āyūti.

“Koṇāgamanassa aparena, sambuddho dvipaduttamo;
Kassapo nāma gottena, dhammarājā pabhaṅkaro”ti. (bu. vaṃ. 26.1);

Yasmiṃ pana kappe dīpaṅkaradasabalo udapādi, tasmīṃ aññepi tayo buddhā ahesum. Tesam santike bodhisattassa byākaraṇaṃ natthi, tasmā te idha na dassitā. Aṭṭhakathāyaṃ pana taṅhaṅkarato paṭṭhāya sabbepi buddhe dassetuṃ idaṃ vuttaṃ –

“Taṅhaṅkaro medhaṅkaro, athopi saraṅaṅkaro;
Dīpaṅkaro ca sambuddho, koṇḍañño dvipaduttamo.

“Maṅgalo ca sumano ca, revato sobhito muni;
Anomadassī padumo, nārado padumuttaro.

“Sumedho ca sujāto ca, piyadassī mahāyaso;
Atthadassī dhammadassī, siddhattho lokanāyako.

“Tisso phusso ca sambuddho, vipassī sikhī vessabhū;
Kakusandho koṇāgamano, kassapo cāpi nāyako.

“Ete ahesum sambuddhā, vītarāgā samāhitā;
Sataraṃsīva uppannā, mahātamavinodanā;
Jalivā aggikhandhāva, nibbutā te sasāvaka”ti.

Gotamo buddho

Tattha amhākaṃ bodhisatto dīpaṅkarādīnaṃ catuvīsatiyā buddhānaṃ santike adhikāraṃ karonto kappasatasahassādhikāni cattāri asaṅkhyeyyāni āgato. Kassapassa pana bhagavato orabhāge ṭhapetvā imaṃ sammāsambuddhaṃ añño buddho nāma natthi. Iti **dīpaṅkarādīnaṃ catuvīsatiyā buddhānaṃ** santike laddhabyākaraṇo pana bodhisatto yenena –

“Manussattaṃ liṅgasampatti, hetu satthāradassanaṃ;
Pabbajjā guṇasampatti, adhikāro ca chandatā;
Aṭṭhadhammasamodhānā, abhinīhāro samijjhatī”ti. (bu. vaṃ. 2.59) –

Ime aṭṭha dhamme samodhānetvā dīpaṅkarapādamūle katābhinihārena “handa buddhakare dhamme, vicināmi ito cito”ti ussāhaṃ katvā “vicinanto tadā dakkhiṃ, paṭhamaṃ dānapārami”nti dānapāramitādayo buddhakāradhammā diṭṭhā, pūrentoyeva yāva vessantarattabhāvo āgami. Āgacchanto ca ye te katābhinihārānaṃ bodhisattānaṃ ānisamsā samvaṇṇitā –

“Evaṃ sabbaṅgasampannā, bodhiyā niyatā narā;
Saṃsaraṃ dīghamaddhānaṃ, kappakoṭisatehipi.

“Avīcimhi nuppajjanti, tathā lokantaresu ca;
Nijjhāmatanṇhā khuppipāsā, na honti kālakañjikā.

“Na honti khuddakā pāṇā, uppajjantāpi duggatim;
Jāyamānā manussesu, jaccandhā na bhavanti te.

“Sotavekallatā natthi, na bhavanti mūgapakkhikā;
Itthibhāvaṃ na gacchanti, ubhatobyañjanapaṇḍakā.

“Na bhavanti pariyāpannā, bodhiyā niyatā narā;
Muttā ānantarikehi, sabbattha suddhagocarā.

“Micchādiṭṭhim na sevanti, kammakiriyadassanā;
Vasamānāpi saggesu, asaññaṃ nupapajjare.

“Suddhāvāsesu devesu, hetu nāma na vijjati;
Nekkhammaninnā sappurisā, viṣaṃyuttā bhavābhavā;
Caranti lokatthacariyāyo, pūrenti sabbapāramī’ ti.

Te ānisaṃse adhigantvāva āgato. Pāramiyo pūrentassa cassa akittibrāhmaṇakāle, saṅkhabrāhmaṇakāle, dhanañcayarājakāle, mahāsudassanarājakāle, mahāgovindakāle, nimimahārājakāle, candakumārakāle, visayhaseṭṭhikāle, sivrājakāle, vessantararājakāleti dānapāramitāya pūritatbhāvānaṃ parimāṇaṃ nāma natthi. Ekantena panassa sasapaṇḍitajātaka –

“Bhikkhāya upagataṃ disvā, sakattānaṃ pariccajim;
Dānena me samo natthi, esā me dānapāramī’ ti. (cariyā. 1.tassuddāna) –

Evaṃ attapariccāgaṃ karontassa **dānapāramitā** paramatthapāramī nāma jātā. Tathā sīlavanāgarājakāle, campeyyanāgarājakāle, bhūridattanāgarājakāle, chaddantanāgarājakāle, jayaddisarājaputtakāle, alīnasattukumārakāleti sīlapāramitāya pūritatbhāvānaṃ parimāṇaṃ nāma natthi. Ekantena panassa saṅkhapālajātaka –

“Sūlehi vijjhayantopi, koṭṭiyantopi sattibhi;
Bhojaputte na kuppāmi, esā me sīlapāramī’ ti. (cariyā. 2.91) –

Evaṃ attapariccāgaṃ karontassa **sīlapāramitā** paramatthapāramī nāma jātā. Tathā somanassakumārakāle, hatthipālakumārakāle, ayogharapaṇḍitakāleti mahārajjaṃ pahāya nekkhammapāramitāya pūritatbhāvānaṃ parimāṇaṃ nāma natthi. Ekantena panassa cūlasutasomajātaka –

“Mahārajjaṃ hatthagataṃ, kheḷapiṇḍaṃva chaḍḍayim;
Cajato na hoti lagganaṃ, esā me nekkhammapāramī’ ti. –

Evaṃ nissāgatāya rajjaṃ chaḍḍetvā nikkhamantassa **nekkhammapāramitā** paramatthapāramī nāma jātā. Tathā vidhuraṇḍitakāle, mahāgovindaṇḍitakāle, kuddālaṇḍitakāle, arakaṇḍitakāle, bodhiparibbājakakāle, mahosadhapaṇḍitakāleti paññāpāramitāya pūritatbhāvānaṃ parimāṇaṃ nāma natthi. Ekantena panassa sattubhastajātaka senakapaṇḍitakāle –

“Paññāya vicinantohaṃ, brāhmaṇaṃ mocayim dukhā;
Paññāya me samo natthi, esā me paññāpāramī’ ti. –

Antobhastagataṃ sappaṃ dassentassa **paññāpāramitā** paramatthapāramī nāma jātā. Tathā vīriyapāramitādīnampi pūritatbhāvānaṃ parimāṇaṃ nāma natthi. Ekantena panassa mahājanakajātaka –

“Atīradassī jalamajjhe, hatā sabbeva mānūsā;
Cittassa aññathā natthi, esā me vīriyapāramī”’ti. –

Evaṃ mahāsamuddaṃ tarantassa **vīriyapāramitā** paramatthapāramī nāma jātā. Khantivādi jātake –

“Acetanamva koṭṭente, tiṇhena pharasunā mamaṃ;
Kāsīrāje na kuppāmi, esā me khantipāramī”’ti. –

Evaṃ acetanabhāvena viya mahādukkhaṃ adhvāsantassa **khantipāramitā** paramatthapāramī nāma jātā. Mahāsutasomajātāke –

“Saccavācaṃ anurakkhanto, cajitvā mama jīvitam;
Mocesim ekasatam khattiye, esā me saccapāramī”’ti. –

Evaṃ jīvitam cajitvā saccamanurakkhantassa **saccapāramitā** paramatthapāramī nāma jātā. Mūgapakkhajātāke –

“Mātāpitā na me dessā, napi dessam mahāyasaṃ;
Sabbaññutaṃ piyaṃ mayham, tasmā vatamadhiṭṭhahi”’nti. (cariyā. 3.65) –

Evaṃ jīvitampi cajitvā vataṃ adhiṭṭhahantassa **adhiṭṭhānapāramitā** paramatthapāramī nāma jātā. Suvaṇṇasāmājātāke –

“Na maṃ koci uttasati, napiham bhāyāmi kassaci;
Mettābalenupatthaddho, ramāmi pavane tadā”’ti. (cariyā. 3.113) –

Evaṃ jīvitampi anoloketvā mettāyantassa **mettāpāramitā** paramatthapāramī nāma jātā. Lomahaṃsajātāke –

“Susāne seyyaṃ kappemi, chavaṭṭhikaṃ upanidhāyaṃ;
Gāmaṇḍalā upāgantvā, rūpaṃ dassentinappaka”’nti. (cariyā. 3.119) –

Evaṃ gāmadārakesu niṭṭhubhanādīhi ceva mālāgandhūpahārādīhi ca sukhadukkhāṃ uppādentēsupi upekkhāṃ anativattentassa **upekkhāpāramitā** paramatthapāramī nāma jātā. Ayamettha saṅkhepo. Vitthārato panesa attho cariyāpiṭakato gahetabboti. Evaṃ pāramiyo pūretvā vessantarattabhāve ṭhito –

“Acetanāyaṃ pathavī, aviññāya sukhaṃ dukhaṃ;
Sāpi dānabalā mayham, sattakkhattuṃ pakampathā”’ti. (cariyā. 1.124) –

Evaṃ mahāpathavikampanādīni mahāpuññāni karitvā āyupariyosāne tato cuto tusitabhavane nibbatti. Iti dīpaṅkarapādāmūlato paṭṭhāya yāva ayaṃ tusitapure nibbatti, ettaṃ ṭhānaṃ **dūrenidānaṃ** nāmāti veditabbaṃ.

Dūrenidānakathā niṭṭhitā.

2. Avidūrenidānakathā

Tusitapure vasanteyeva pana bodhisatte buddhakolāhalaṃ nāma udapādi. Lokasmiñhi **tīṇi kolāhalāni** mahantāni uppajjanti kappakolāhalaṃ, buddhakolāhalaṃ, cakkavattikolāhalanti. Tattha “vassasatasahassaccayena kappuṭṭhānaṃ bhavissati”’ti lokabyūhā nāma kāmāvacaradevā muttasirā vikiṇṇakesā rudamukhā assūni hatthehi puñchamānā rattavatthanivatthā ativiya virūpavesadhārino hutvā manussapathe vicarantā evaṃ ārocenti – “mārisā, ito vassasatasahassaccayena kappuṭṭhānaṃ bhavissati,

ayaṃ loko vinassissati, mahāsamuddopi sussissati, ayañca mahāpathavī sineru ca pabbatarājā uḍḍayhissanti vinassissanti, yāva brahmalokā lokavināso bhavissati, mettaṃ mārisā, bhāvettha, karuṇaṃ, muditaṃ, upekkhaṃ mārisā, bhāvettha, mātaraṃ upaṭṭhahatha, pitaraṃ upaṭṭhahatha, kule jeṭṭhāpacāyino hothā”ti. Idaṃ **kappakolāhalaṃ** nāma. “Vassasahassaccayena pana sabbaññubuddho loka uppajjissati”ti lokapāladevatā “ito, mārisā, vassasahassaccayena sabbaññubuddho loka uppajjissati”ti ugghosentiyo āhiṇḍanti. Idaṃ **buddhakolāhalaṃ** nāma. “Vassasatassaccayena cakkavattirājā uppajjissati”ti devatāyo “ito mārisā vassasatassaccayena cakkavattirājā loka uppajjissati”ti ugghosentiyo āhiṇḍanti. Idaṃ **cakkavattikolāhalaṃ** nāma. Imāni tīṇi kolāhalāni mahantāni honti.

Tesu buddhakolāhalasaddaṃ sutvā sakaladasasahassacakkavāḷadevatā ekato sannipativā “asuko nāma satto buddho bhavissati”ti ṇivā taṃ upasaṅkamitvā āyācanti. Āyācamānā ca pubbanimittesu uppannesu āyācanti. Tadā pana sabbāpi tā ekekacakkavāḷe cātumahārājasakkasuyāmasantusitasunimmitvasavattimahābrahmehi saddhiṃ ekacakkavāḷe sannipativā tusitabhavane bodhisattassa santikaṃ gantvā “mārisa, tumhehi dasa pāramiyo pūrentehi na sakkasampattiṃ, na mārabrahmacakkavattisampattiṃ patthentehi pūritā, lokanittaraṇatthāya pana sabbaññutaṃ patthentehi pūritā, so vo dāni kālo, mārisa, buddhattāya, samayo, mārisa, buddhattāyā”ti yācimsu.

Atha mahāsatto devatānaṃ paṭiññaṃ adatvāva kāladīpadesakulajanettiāyuparicchedavasena **pañcamahāvilocanaṃ** nāma vilokesi. Tattha “kālo nu kho, akālo nu kho”ti paṭhamaṃ kālaṃ vilokesi. Tattha vassasatasahassato uddhaṃ vaḍḍhitaāyukālo kālo nāma na hoti. Kasmā? Tadā hi sattānaṃ jātijarāmaraṇāni na paññāyanti. Buddhānañca dhammadesanā tilakkhaṇamuttā nāma natthi. Tesam “aniccaṃ dukkhaṃ anattā”ti kathentānaṃ “kiṃ nāmetaṃ kathenti”ti neva sotabbaṃ na saddhātappaṃ maññanti, tato abhisamayo na hoti, tasmiṃ asati aniyyānikaṃ sāsanaṃ hoti. Tasmā so akālo. Vassasatato ūnaāyukālopi kālo nāma na hoti. Kasmā? Tadā hi sattā ussannañilesā honti, ussannañilesānañca dinno ovādo ovādatthāne na tiṭṭhati, uduke daṇḍarāji viya khippaṃ vigacchati. Tasmā sopi akālo. Vassasatasahassato pana paṭṭhāya heṭṭhā, vassasatato paṭṭhāya uddhaṃ āyukālo kālo nāma. Tadā ca vassasatāyukālo, atha mahāsatto “nibbattitabbakālo”ti kālaṃ passi.

Tato dīpaṃ vilokento saporivāre cattāro dīpe oloketvā “tīsu dīpesu buddhā na nibbattanti, jambudīpeyeva nibbattanti”ti dīpaṃ passi.

Tato “jambudīpo nāma mahā, dasayojanasahassaparimāṇo, katarasmim nu kho padese buddhā nibbattanti”ti okāsaṃ vilokento majjhimadesaṃ passi. Majjhimadeso nāma “puratthimāya disāya gajaṅgalaṃ nāma nigamo, tassa parena mahāsālā, tato parā paccantimā janapadā, orato majjhe. Puratthimadakkhiṇāya disāya sallavatī nāma nadī, tato parā paccantimā janapadā, orato majjhe. Dakkhiṇāya disāya setakaṇṇikaṃ nāma nigamo, tato parā paccantimā janapadā, orato majjhe. Pacchimāya disāya thūṇaṃ nāma brāhmaṇagāmo, tato parā paccantimā janapadā, orato majjhe. Uttarāya disāya usīraddhajo nāma pabbato, tato parā paccantimā janapadā, orato majjhe”ti evaṃ vinaye (mahāva. 259) vutto padeso. So āyāmato tīṇi yojanasatāni, vitthārato aḍḍhateyyāni, parikkhepato nava yojanasatānīti etasmiṃ padese buddhā, paccekabuddhā, aggasāvaka, asīti mahāsāvaka, cakkavattirājāno, aññe ca mahesakkhā khattiyabrāhmaṇagahapatimahāsālā uppajjanti. Idañcetha kapilavatthu nāma nagaraṃ, tattha mayā nibbattitabbanti niṭṭhaṃ agamāsi.

Tato kulaṃ vilokento “buddhā nāma vessakule vā suddakule vā na nibbattanti. Lokasammate pana khattiyakule vā brāhmaṇakule vāti dvīsuyeva kulesu nibbattanti. Idāni ca khattiyakulaṃ lokasammataṃ, tattha nibbattissāmi. Suddhodano nāma rājā me pitā bhavissati”ti kulaṃ passi.

Tato mātaraṃ vilokento “buddhamātā nāma lolā surādhuttā na hoti, kappasatasahassaṃ pana pūritapāramī jātito paṭṭhāya akhaṇḍapañcasīlayeva hoti. Ayañca mahāmāyā nāma devī edisī, ayaṃ me mātā bhavissati. Kittakaṃ panassā āyūti dasannaṃ māsānaṃ upari satta divasāni”ti passi.

Iti imaṃ pañcamahāvilocanaṃ viloketvā “kālo me, mārisā, buddhabhāvāyā”ti devatānaṃ saṅghaṃ

karonto paṭiññaṃ datvā ‘‘gacchatha, tumhe’’ti tā devatā uyyojetvā tusitadevatāhi parivuto tusitapure nandanavanam pāvīsi. Sabbadevalokesu hi nandanavanam atthiyeva. Tattha nam devatā ‘‘ito cuto sugatiṃ gaccha, ito cuto sugatiṃ gacchā’’ti pubbe katakusalakammokāsam sārāyamānā vicaranti. So evaṃ devatāhi kusalam sārāyamānāhi parivuto tattha vicarantoyeva cavitvā mahāmāyā deviyā kucchismiṃ paṭisandhiṃ gaṇhi.

Tassa āvibhāvattham ayaṃ anupubbikathā – tadā kira kapilavatthunagare āsāḷhinakkhattam saṅghuṭṭham ahoṣi, mahājano nakkhattam kīḷati. Mahāmāyāpi devī pure puṇṇamāya sattamadivasato paṭṭhāya vigatasurāpānam mālāgandhavibhūṭisampannaṃ nakkhattakīḷam anubhavamānā sattame divase pātova utṭhāya gandhodakena nhāyitvā cattāri satasahassāni vissajjetvā mahādānam datvā sabbālankāravibhūṣitā varabhojanam bhuñjitvā uposathaṅgāni adhiṭṭhāya alaṅkatapaṭiyattam sirigabbham pavisitvā sirisayane nipannā niddam okkamamānā imaṃ supinaṃ addasa – cattāro kira nam mahārājāno sayaneneva saddhiṃ ukkhipitvā himavantaṃ netvā saṭṭhiyojanike manosilātale sattayojanikassa mahāsālarukkhasa heṭṭhā ṭhapetvā ekamantaṃ aṭṭhamṣu. Atha nesaṃ deviyo āgantvā deviṃ anotattadahaṃ netvā manussamalaharaṇattham nhāpetvā dibbavattham nivāsāpetvā gandhehi vilimpāpetvā dibbapupphāni piḷandhāpetvā tato avidūre eko rajatapabbato atthi, tassa anto kanakavimānam atthi, tattha pācīnasāsakam dibbasayanam paññāpetvā nipajjāpesuṃ. Atha bodhisatto setavaravāraṇo hutvā tato avidūre eko suvaṇṇapabbato atthi, tattha vicarivā tato oruyha rajatapabbatam abhiruhitvā uttaradisato āgamma rajatadāmavaṇṇāya soḍḍāya setapadumaṃ gahetvā koṭṭānādam naditvā kanakavimānam pavisitvā māṭusayanam tikkhattam padakkhiṇam katvā dakkhiṇapassam phāletvā kucchiṃ pavitṭhasadiso ahoṣīti. Evaṃ uttarāsāḷhanakkhattena paṭisandhiṃ gaṇhi.

Punadivase pabuddhā devī tam supinaṃ rañño ārocesi. Rājā catusaṭṭhimatte brāhmaṇapāmokkhe pakkosāpetvā gomayaharītūpalittāya lājādīhi katamaṅgalasakkārāya bhūmiyā mahārahāni āsanāni paññāpetvā tattha nisinnānam brāhmaṇānam sappimadhusakkharābhisaṅkhatassa varapāyāsassa suvaṇṇarajatapātiyo pūretvā suvaṇṇarajatapātīhiyeva paṭikujjitvā adāsi, aññehi ca ahatavatthakapilagāvidānādīhi te santappesi. Atha nesaṃ sabbakāmehi santappitānam brāhmaṇānam supinaṃ ārocāpetvā ‘‘kiṃ bhavissati’’ti pucchi. Brāhmaṇā āhamṣu – ‘‘mā cintayī, mahārāja, deviyā te kucchimhi gabbho paṭiṭṭhito, so ca kho purisagabbho, na itthigabbho, putto te bhavissati, so sace agāram ajjhāvasissati, rājā bhavissati cakkavattī. Sace agārā nikkamma pabbajissati, buddho bhavissati loke vivaṭacchado’’ti.

Bodhisattassa pana mātukucchimhi paṭisandhiggahaṇakkhaṇeyeva ekappahāreneva sakaladasasahassī lokadhātu saṅkampi sampakampi sampavedhi. **Dvattiṃsa pubbanimittāni** pāturaheṣuṃ – dasasu cakkavāḷasahasṣesu appamaṇo obhāso phari. Tassa tam sirim daṭṭhukāmā viya andhā cakkhūni paṭilabhiṃsu, badhirā saddaṃ suṇiṃsu, mūgā samālapimṣu, khujjā ujugattā aheṣuṃ, paṅgulā padasā gamanaṃ paṭilabhiṃsu, bandhanagatā sabbasattā andubandhanādīhi mucciṃsu, sabbanirayesu aggī nibbāyimṣu, pettivisayesu khuppipāsā vūpasamimṣu, tiracchānānam bhayaṃ nāhoṣi, sabbasattānam rogo vūpasami, sabbasattā piyaṃvadā aheṣuṃ, madhurenākārena assā hasimṣu, vāraṇā gajjimṣu, sabbatūriyāni sakaṃ sakaṃ ninnādam muñciṃsu, aghaṭṭitāniyeva manussānam hatthūpagādīni ābharaṇāni viravimṣu, sabbā disā vipasannā aheṣuṃ, sattānam sukhaṃ uppādayamāno mudusītaḷo vāto vāyi, akālamegho vassi, pathavitopi udakaṃ ubbhijjitvā vissandī, pakkhino ākāsagamaṇam vijahimṣu, nadiyo asandamānā aṭṭhamṣu, mahāsamuddo madhurodako ahoṣi, sabbatthakameva pañcavaṇṇehi padumehi sañchannatalo ahoṣi, thalajajalājādīni sabbapupphāni pupphimṣu, rukkhānam khandhesu khandhapadumāni, sākḥāsu sākḥāpadumāni, latāsu latāpadumāni pupphimṣu, ghanasilātālāni bhinditvā uparūpari satapattāni hutvā daṇḍapadumāni nāma nikkhamimṣu, ākāse olambakapadumāni nāma nibbattimṣu, samantato pupphavassāni vassimṣu. Ākāse dibbatūriyāni vajjimṣu, sakaladasasahassī lokadhātu vaṭṭetvā vissatṭhamālāguḷo viya, uppīletvā baddhamālākālo viya, alaṅkatapaṭiyattamālāsanam viya ca ekamālāmālinī vipphurantavāḷabjāni pupphadhūpagandhaparivāsītā paramasobhaggappattā ahoṣi.

Evaṃ gahitapaṭisandhikassa bodhisattassa paṭisandhiggahaṇakālato paṭṭhāya bodhisattassa ceva bodhisattamātuyā ca upaddavanivāraṇattham khaggahatthā cattāro devaputtā ārakkham gaṇhimṣu. Bodhisattassa mātuyā purisesu rāgacittam nuppajji, lābhaggayasaggappattā ca ahoṣi sukhiṇī akilantakāyā.

Bodhisattañca antokucchigataṃ vipassanne mañiratane āvutapaṇḍusuttaṃ viya passatī. Yasmā ca bodhisattena vasitakucchi nāma cetiyagabbhasadisā hotī, na sakkā aññena sattena āvasituṃ vā paribhuñjituṃ vā, tasmā bodhisattamātā sattāhajāte bodhisatte kālaṃ katvā tusitapure nibbatti. Yathā ca aññā itthiyo dasamāse appatvāpi atikkamitvāpi nisinnāpi nipannāpi vijāyanti, na evaṃ bodhisattamātā. Sā pana bodhisattaṃ dasamāse kucchinā pariharitvā tñitāva vijāyati. Ayaṃ **bodhisattamātudhammatā**.

Mahāmāyāpi devī pattena telaṃ viya dasamāse kucchinā bodhisattaṃ pariharitvā paripuṇṇagabbhā ñātigharaṃ gantukāmā suddhodanamahārājassa ārocesi – “icchāmaham, deva, kulasantakam devadahanagaraṃ gantu”nti. Rājā “sādhū”ti sampañcchitvā kapilavatthuto yāva devadahanagarā maggaṃ samaṃ kāretvā kadalipuṇṇaghaṭadhajapaṭākādīhi alaṅkārehi alaṅkārapetvā devim sovaṇṇasivikāya nisīdāpetvā amaccasahassena ukkhipāpetvā mahantena parivārena pesesi. Dvinnaṃ pana nagarānaṃ antare ubhayanagaravāsīnampi lumbinīvanaṃ nāma maṅgalasālavanaṃ atthi. Tasmim samaye mūlato paṭṭhāya yāva aggasākhā sabbam ekapāliphullaṃ ahoṣi, sākhandarehi ceva pupphantarehi ca pañcavaṇṇā bhamaragaṇā nānappakārā ca sakuṇasaṅghā madhurassarena vikūjantā vicaranti. Sakalaṃ lumbinīvanaṃ cittalatāvanasadisaṃ, mahānubhāvassa rañño susajjitaāpānamaṅdalaṃ viya ahoṣi. Deviyā taṃ disvā sālavane kīḷitukāmātā udapādi. Amaccā devim gahetvā sālavanaṃ pavisiṃsu. Sā maṅgalasālamūlaṃ upagantvā sālāsākhāṃ gaṇhitukāmā ahoṣi, sālāsākhā suseditavettaḅgaṃ viya oṇamitvā deviyā hatthasamīpaṃ upagañchi. Sā hatthaṃ pasāretvā sākhaṃ aggaḅhesi. Tāvadeva ca deviyā kammajavātā caliṃsu, athassā sāñim parikkhipāpetvā mahājano paṭikkami, sālāsākhāṃ gahetvā tiṭṭhamānāya eva cassā gabbhavuṭṭhānaṃ ahoṣi. Taṅkhaṇaṅñeva cattāro visuddhacittā mahābrahmāno suvaṇṇajālaṃ ādāya sampattā. Te tena suvaṇṇajālena bodhisattaṃ sampañcchitvā mātu purato tñatvā “attamaṇā, devī, hohi, mahesakkho te putto uppanno”ti āhaṃsu.

Yathā pana aññe sattā mātukucchito nikkhamantā paṭikūlena asucinā makkhitā nikkhamanti, na evaṃ bodhisatto. So pana dhammāsanato otaranto dhammakathiko viya, nisseṇito otaranto puriso viya ca dve hatthe dve ca pāde pasāretvā tñitakova mātukucchisambhavana kenaci asucinā amakkhito suddho visado kāsikavatte nikkhittamañiratanaṃ viya jotento mātukucchito nikkhami. Evaṃ santepi bodhisattassa ca bodhisattamātuyā ca sakkāratthaṃ ākāsato dve udakadhārā nikkhamitvā bodhisattassa ca bodhisattamātuyā ca sarīre utuṃ gāhāpesuṃ.

Atha naṃ suvaṇṇajālena paṭiggahetvā tñitānaṃ brahmānaṃ hatthato cattāro mahārājāno maṅgalasammatāya sukhasamphassāya ajinappaveṇiyā gaṇhiṃsu, tesam hatthato manussā dukūlacumbaṭakena gaṇhiṃsu, manussānaṃ hatthato muccitvā pathaviyaṃ patiṭṭhāya puratthimadisam olokesi, anekāni cakkavāḷasahassāni ekaṅgaṇāni ahesuṃ. Tattha devamanussā gandhamālādīhi pūjayamānā “mahāpurisa, idha tumhehi sadiso añño natthi, kutettha uttaritaro”ti āhaṃsu. Evaṃ catasso disā, catasso anudisā ca heṭṭhā, uparīti dasapi disā anuviloketvā attanā sadisaṃ kañci adisvā “ayaṃ uttarādisā”ti sattapadavītiḅarena agamāsi mahābrahmunā setacchattaṃ dhārayamānena, suyāmena vāḷabjaniṃ, aññāhi ca devatāhi sesarājakudhabhaṇḅahatthāhi anugammamāno. Tato sattamapade tñito “aggohamasmi lokassā”tiādikam āsabhim vācam nicchārento sīhanādaṃ nadi.

Bodhisatto hi tīsu attabhāvesu mātukucchito nikkhamantattova vācam nicchāresi mahosadhatabhāve, vessantaratabhāve, imasmim attabhāve cāti. Mahosadhatabhāve kirassa mātukucchito nikkhamantasseva sakko devarājā āgantvā candanasāraṃ hatthe tñapetvā gato. So taṃ muṭṭhiyaṃ katvāva nikkhanto. Atha naṃ mātā “tāta, kiṃ gahetvā āgatosī”ti pucchi. “Osadham, ammā”ti. Iti osadham gahetvā āgatattā “osadhadārako”tvevassa nāmaṃ akaṃsu. Taṃ osadham gahetvā cāṭiyaṃ pakkipiṃsu, āgatāgatānaṃ andhabadhirādīnaṃ tadeva sabbarogavūpasamāya bhesajjaṃ ahoṣi. Tato “mahantaṃ idaṃ osadham, mahantaṃ idaṃ osadha”nti uppannavacanaṃ upādāya “mahosadho”tvevassa nāmaṃ jātaṃ. Vessantaratabhāve pana mātukucchito nikkhamanto dakkhiṇhatthaṃ pasāretvāva “atthi nu kho, amma, kiñci geḅhāmiṃ, dānaṃ dassāmī”ti vadanto nikkhami. Athassa mātā “sadhane kule nibbattosi, tātā”ti puttassa hatthaṃ attano hatthatale katvā sahassatthavikaṃ tñapāpesi. Imasmim pana attabhāve imaṃ sīhanādaṃ nadīti evaṃ bodhisatto tīsu attabhāvesu mātukucchito nikkhamantattova vācam nicchāresi. Yathā ca paṭisandhiggahaṅakkhaṇe tathā jātikhaṅepissa dvattimṃsa pubbanimittāni pāturaḅhesuṃ. Yasmim pana samaye amhākaṃ bodhisatto lumbinīvane jāto, tasmimyeva samaye **rāhulamātā**devī,

ānandatthero, channo amacco, **kāḷudāyī** amacco, **kaṇḍako** assarājā, **mahābodhirukkho**, catasso **nidhikumbhiyo** ca jātā. Tattha ekā nidhikumbhī gāvutappamāṇā, ekā aḍḍhayojanappamāṇā, ekā tigāvutappamāṇā, ekā yojanappamāṇā. Gambhīrato pathavīpariyantā eva ahoṣīti. Ime **satta sahajātā** nāma.

Ubhayanagaravāsino bodhisattaṃ gahetvā kapilavatthunagameva agamaṃsu. Taṃ divasaṃyeva ca “kapilavatthunagare suddhodanamahārājassa putto jāto, ayaṃ kumāro bodhimūle nisīditvā buddho bhavissatī”ti tāvatimsabhavane haṭṭhatuṭṭhā devasaṅghā celukkhepādīni pavattentā kīḷimsu. Tasmim samaye suddhodanamahārājassa kulūpako aṭṭhasamāpattilābhī **kāladevalo** nāma tāpaso bhattakiccaṃ katvā divāvihāratthāya tāvatimsabhavanam gantvā tattha divāvihāram nisinno tā devatā tathā kīḷamānā disvā “kiṃ kāraṇā tumhe evaṃ tuṭṭhamānasā kīḷatha, mayhampetam kāraṇam kathethā”ti pucchi. Devatā āhaṃsu – “mārisa, suddhodanamahārājassa putto jāto, so bodhimaṇḍe nisīditvā buddho hutvā dhammacakkaṃ pavattessatī, tassa anantaṃ buddhalīlam daṭṭhum, dhammañca sotum lacchāmā”ti iminā kāraṇena tuṭṭhāmā”ti. Tāpaso tāsam vacanam sutvā khippam devalokato oruyha rājanivesanam pavisitvā paññattāsane nisinno “putto kira te, mahārāja, jāto, passissāmi na”nti āha. Rājā alankatapaṭiyattam kumāram āharāpetvā tāpasam vandāpetum abhahari. Bodhisattassa pādā parivattitvā tāpasassa jaṭāsu paṭiṭṭhahimsu. Bodhisattassa hi tenattabhāvena vanditabbayuttako nāma añño natthi. Sace hi ajānantā bodhisattassa sīsam tāpasassa pādāmūle ṭhapeyyum, sattadhā tassa muddhā phaleyya. Tāpaso “na me attānam nāsetum yutta”nti uṭṭhāyāsānā bodhisattassa añjalim paggahehi. Rājā taṃ acchariyam disvā attano puttam vandi.

Tāpaso atīte cattālīsa kappe, anāgate cattālīsati asīti kappe anussarati. Bodhisattassa lakkhaṇasampattiṃ disvā “bhavissati nu kho buddho, udāhu no”ti āvajjetvā upadhārento “nissamsayena buddho bhavissatī”ti ṇatvā “acchariyapuriso aya”nti sitam akāsi. Tato “ahaṃ imam acchariyapurisam buddhabhūtam daṭṭhum labhissāmi nu kho, no”ti upadhārento “na labhissāmi, antarāyeva kālam katvā buddhasatenapi buddhasahassenapi gantvā bodhetum asakkuṇeyye arūpabhava nibbattissāmī”ti disvā “evarūpaṃ nāma acchariyapurisam buddhabhūtam daṭṭhum na labhissāmi, mahatī vata me jāni bhavissatī”ti parodi.

Manussā disvā “amhākaṃ ayyo idāneva hasitvā puna paroditvā paṭiṭṭhito, kiṃ nu kho, bhante, amhākaṃ ayyaputtassa koci antarāyo bhavissatī”ti taṃ pucchimsu. “Natthetassa antarāyo, nissamsayena buddho bhavissatī”ti. “Atha kasmā, bhante, paroditthā”ti? “Evarūpaṃ purisam buddhabhūtam daṭṭhum na labhissāmi, mahatī vata me jāni bhavissatī”ti attānam anusocanto rodāmī”ti āha. Tato so “kiṃ nu kho me ṇātakesu koci ekaṃ buddhabhūtam daṭṭhum labhissatī”ti upadhārento attano bhāgineyyam nālakadāraṃ addasa. So bhāginiyā geḥam gantvā “kahaṃ te putto nālako”ti? “Atthi gehe, ayyā”ti. “Pakkosāhi na”nti pakkosāpetvā attano santikaṃ āgataṃ kumāram āha – “tāta, suddhodanamahārājassa kule putto jāto, buddhankuro eso, pañcatimsa vassāni atikkamitvā buddho bhavissati, tvam etaṃ daṭṭhum labhissasi, ajjeva pabbajjhī”ti. Sattāsītikotiḍhane kule nibbattadāraṃ kopī “na maṃ mātulo anatthe niyojessatī”ti cintetvā tāvadeva antarāpaṇato kāsāyāni ceva mattikāpattañca āharāpetvā kesamassum ohāretvā kāsāyāni vatthāni acchādetvā “yo loke uttamapuggalo, taṃ uddissa mayham pabbajjā”ti bodhisattābhimukham añjalim paggayha pañcapaṭiṭṭhitena vanditvā pattaṃ thavikāya pakkhipitvā aṃsakūṭe olaggetvā himavantaṃ pavisitvā samaṇadhammaṃ akāsi. So paramābhisambodhipattaṃ tathāgataṃ upasaṅkamitvā nālakaṭṭhapaṭipadam kathāpetvā puna himavantaṃ pavisitvā arahattaṃ patvā ukkaṭṭhapaṭipadam paṭipanno satteva māse āyum pāletvā ekaṃ suvaṇṇapabbataṃ nissāya ṭhitakova anupādisesāya nibbānadhātuyā parinibbāyi.

Bodhisattampi kho pañcamadivase sīsam nhāpetvā “nāmaggaṇam gaṇhissāmā”ti rājabhavanam catujjātiyagandhehi vilimpetvā lājapañcamakāni pupphāni vikiritvā asambhinnaṃpāyāsam sampādetvā tiṇṇam vedānam pāraṅgate aṭṭhasataṃ brāhmaṇe nimantetvā rājabhavanane nisīdāpetvā subhojanam bhojāpetvā mahāsakkāram katvā “kiṃ nu kho bhavissatī”ti lakkhaṇāni pariggahāpesum. Tesu –

“Rāmo dhajo lakkhaṇo cāpi mantī, yañño subhojo suyāmo sudatto;

Ete tadā aṭṭha ahesum brāhmaṇā, chaḷaṅgavā mantam viyākarimsū”ti. (ma. ni. aṭṭha. 1.284) –

Ime aṭṭheva brāhmaṇā **lakkhaṇapariggāhakā** ahesuṃ. Paṭisandhiggahaṇadivase supinopi eteheva pariggahito. Tesu satta janā dve aṅguliyo ukkhipitvā dvidhā naṃ byākariṃsu – “imehi lakkhaṇehi samannāgato sace agāraṃ ajjhāvasissati, rājā bhavissati cakkavattī, sace pabbajissati, buddho bhavissati”ti sabbam cakkavattirañño sirivibhavaṃ ācikkhiṃsu. Tesam pana sabbadaharo gottato koṇḍañño nāma māṇavo bodhisattassa varalakkhaṇasampattiṃ oloketvā “imassa agāramajjhe ṭhānakāraṇaṃ natthi, ekantenesa vivaṭacchaddo buddho bhavissati”ti ekameva aṅguliṃ ukkhipitvā ekaṃsabyākaraṇaṃ byākāsi. Ayañhi katādhikāro pacchimabhavikasatto paññāya itare satta jane abhibhavitvā imehi lakkhaṇehi samannāgatassa bodhisattassa ekantabuddhabhāvasaṅkhātaṃ ekameva gahiṃ addasa, tasmā ekaṃ aṅguliṃ ukkhipitvā evaṃ byākāsi. Athassa nāmaṃ gaṇhantā sabbalokassa atthasiddhikarattā “**siddhattho**”ti nāmaṃ akaṃsu.

Atha kho te brāhmaṇā attano attano gharāni gantvā putte āmantayiṃsu – “tātā, amhe mahallakā, suddhodanamahārājassa puttaṃ sabbaññutaṃ pattaṃ mayaṃ sambhāveyyāma vā no vā, tumhe tasmīṃ kumāre sabbaññutaṃ patte tassa sāsane pabbajeyyāthā”ti. Te sattapi janā yāvatāyukaṃ ṭhatvā yathākammaṃ gatā, koṇḍaññamāṇavoyeva pana arogo ahoṣi. So mahāsatte vuddhimanvāya mahābhinnikkhamaṇaṃ nikkhamitvā pabbajitvā anakkamena uruvelaṃ gantvā “ramaṇīyo vata ayaṃ bhūmibhāgo, alaṃ vatidaṃ padhānatthikassa kulaputtassa padhānāyā”ti cittaṃ uppādetvā tattha vāsaṃ upagate “mahāpuriso pabbajito”ti sutvā tesam brāhmaṇānaṃ putte upasaṅkamitvā evamāha – “siddhatthakumāro kira pabbajito, so nissaṃsayena buddho bhavissati. Sace tumhākaṃ pitaro arogā assu, ajja nikkhamitvā pabbajeyyūṃ. Sace tumhepi iccheyyātha, etha, mayaṃ taṃ mahāpurisaṃ anupabbajissāmā”ti. Te sabbe ekacchandā bhavitūṃ nāsakkhiṃsu, tesu tayo janā na pabbajiṃsu, koṇḍaññabrāhmaṇaṃ jeṭṭhakaṃ katvā itare cattāro pabbajiṃsu. Te pañcapi janā **pañcavaggiyattherā** nāma jātā.

Tadā pana suddhodanarājā – “kiṃ disvā mayhaṃ putto pabbajissati”ti pucchi. “Cattāri pubbanimittāni”ti. “Katarāñca katarāñcā”ti? “Jarājiṇṇaṃ, byādhitaṃ, mataṃ, pabbajita”nti. Rājā “ito paṭṭhāya evarūpānaṃ mama puttassa santikaṃ upasaṅkamitūṃ mā adattha, mayhaṃ puttassa buddhabhāvena kammaṃ natthi, ahaṃ mama puttaṃ dvisahassadīparivārānaṃ, catunnaṃ mahādīpānaṃ, issariyādhīpaccaṃ cakkavattirajjaṃ karontaṃ chattiṃsayo janaparimaṇḍalāya parisāya parivutaṃ gaganatale vicaramānaṃ passitukāmo”ti. Evañca pana vatvā imesaṃ catuppakārānaṃ nimittānaṃ kumārassa cakkhupathe āgamanānīvarāṇatthaṃ catūsu disāsu gāvute gāvute ārakkhaṃ ṭhapesi. Taṃ divasañca maṅgalatṭhāne sannipatitesu asītiyā nītikulasahassesu ekameko ekamekaṃ puttaṃ paṭijāni – “ayaṃ buddho vā hotu rājā vā, mayaṃ ekametaṃ puttaṃ dassāma. Sacepi buddho bhavissati, khattiyasamaṇagaṇeheva parivārīto vicarissati. Sacepi rājā bhavissati, khattiyakumāreheva purakkhataparivārīto vicarissati”ti. Rājāpi bodhisattassa uttamarūpasampannā vīgatasabbadosā dhātiyo paccupaṭṭhāpesi. Bodhisatto mahantena parivārena mahantena sirisobhaggena vaḍḍhati.

Athekadivasaṃ rañño **vappamaṅgalaṃ** nāma ahoṣi. Taṃ divasaṃ sakalanagaraṃ devanagaraṃ viya alaṅkaronti, sabbe dāsakammakarādayo ahatavathanivatthā gandhamālādīpaṭimaṇḍitā rājakule sannipatanti, rañño kammante naṅgalasahassaṃ yojayanti, tasmīṃ pana divase ekenūnaatṭhasatanaṅgalāni saddhiṃ balibaddarasmiyottehi rajataparikkhatāni honti. Rañño ālambananaṅgalaṃ pana rattasuvanṇaparikkhataṃ hoti. Balibaddānaṃ siṅgarasmipatodāpi suvaṇṇaparikkhataṃ honti. Rājā mahāparivārena nikkhamanto puttaṃ gahetvāva agamāsi. Kammantaṭṭhāne eko jamburukkho bahalapaḷāso sandacchāyo ahoṣi. Tassa heṭṭhā kumārassa sayanaṃ paññāpetvā upari suvaṇṇatāraḥkacchitavītaṃ bandhāpetvā sāṇipākārena parikkhipāpetvā ārakkhaṃ ṭhapetvā rājā sabbālaṅkāraṃ alaṅkaritvā amaccagaṇaparivuto naṅgalakaraṇatṭhānaṃ agamāsi. Tattha rājā suvaṇṇanaṅgalaṃ gaṇhāti, amaccā ekenūnaatṭhasatarajatanāṅgalāni, kassakā sesanaṅgalāni. Te tāni gahetvā ito cito ca kasanti. Rājā pana orato vā pāraṃ gacchati, pārato vā oraṃ āgacchati.

Etasmīṃ ṭhāne mahāsampatti ahoṣi. Bodhisattaṃ parivāretvā nisinnā dhātiyo “rañño sampattiṃ passāmā”ti antosāṇito bahi nikkhantā. Bodhisatto ito cito ca olokento kañci adisvāva vegena uṭṭhāya pallaṅkaṃ ābhujitvā ānāpāne pariggahetvā paṭhamajjhānaṃ nibbatesi. Dhātiyo khajjabhojjantare vicaramānā thokaṃ cirāyiṃsu. Sesarukkhānaṃ chāyā vītivattā, tassa pana jamburukkhassa chāyā

parimaṇḍalā hutvā aṭṭhāsi. Dhātiyo “ayyaputto ekako”ti vegena sāṇiṃ ukkhipitvā anto pavisaṃmānā bodhisattaṃ sayane pallaṅkena nisinnaṃ tañca paṭihāriyaṃ disvā gantvā rañño ārocesuṃ – “deva, kumāro evaṃ nisinno, aññesaṃ rukkhānaṃ chāyā vītivattā, jamburukkhassa pana chāyā parimaṇḍalā ṭhitā”ti. Rājā vegeṇāgantvā paṭihāriyaṃ disvā “ayaṃ te, tāta, dutiyavandanā”ti puttāṃ vandi.

Atha anukkamena bodhisatto soḷasavassuddesiko jāto. Rājā bodhisattassa tiṇṇaṃ utūnaṃ anucchavike tayo pāsāde kāresi – ekaṃ navabhūmikaṃ, ekaṃ sattabhūmikaṃ, ekaṃ pañcabhūmikaṃ, cattālīsasahassā ca nāṭakitthiyo upaṭṭhāpesi. Bodhisatto devo viya accharāsaṅghaparivuto alaṅkatanāṭakitthi parivuto nippurisehi tūriyehi paricāriyamāno mahāsampattiṃ anubhavanto utuvārena tīsu pāsādesu vihāsi. Rāhulamātā panassa devī aggamaheṣī ahoṣi.

Tassevaṃ mahāsampattiṃ anubhavantassa ekadivasaṃ ṇātisaṅghassa abbhantare ayaṃ kathā udapādi – “siddhattho kīlāpasutova vicarati, na kiñci sippaṃ sikkhati, saṅgāme paccupaṭṭhite kiṃ karissatī”ti? Rājā bodhisattaṃ pakkosāpetvā “tāta, tava ṇātakā ‘siddhattho kiñci sippaṃ asikkhitvā kīlāpasutova vicarati’ti vadanti, ettha kiṃ sattu pattakāle maññasi”ti? “Deva, mama sippaṃ sikkhanakiccaṃ natthi, nagare mama sippadassanattaṃ bheriṃ carāpetha ‘ito sattame divase ṇātakānaṃ sippaṃ dassessāmi’”ti. Rājā tathā akāsi. Bodhisatto akkhaṇavedhivā vedhidhanuggahe sannipātāpetvā mahājanassa majjhe aññehi dhanuggahehi asādhāraṇaṃ ṇātakānaṃ dvādasavidhaṃ sippaṃ dassesi. Taṃ **sarabhaṅgajātaka** āgatanayeneva veditabbaṃ. Tadā tassa ṇātisaṅgho nikkāṅkho ahoṣi.

Athekadivasaṃ bodhisatto uyyānabhūmiṃ gantukāmo sārathiṃ āmantetvā “rathaṃ yojehi”ti āha. So “sādhū”ti paṭissuṇitvā mahārahaṃ uttamarathaṃ sabbālaṅkārena alaṅkaritvā kumudapattavaṇṇe cattāro maṅgalasindhava yojetvā bodhisattassa paṭivedesi. Bodhisatto devavimānasadisaṃ rathaṃ abhiruhitvā uyyānābhimukho agamāsi. Devatā “siddhatthakumārassa abhisambujjhanakālo āsanno, pubbanimittaṃ dassessāmā”ti ekaṃ devaputtaṃ jarājiṇṇaṃ khaṇḍadantaṃ palitakesaṃ vaṅkaṃ obhaggasarīraṃ daṇḍahattaṃ pavedhamānaṃ katvā dassesuṃ. Taṃ bodhisatto ceva sārathi ca passanti. Tato bodhisatto, “samma, ko nāmesa puriso, kesāpissa na yathā aññesa”nti mahāpadāne (dī. ni. 2.45) āgatanayena sārathiṃ pucchitvā tassa vacanaṃ sutvā “dhiratthu vata, bho, jāti, yatra hi nāma jātassa jarā paññāyissatī”ti saṃviggahadayo tatova paṭinivattitvā pāsādameva abhiruhi. Rājā “kiṃ kāraṇā mama putto khippaṃ paṭinivattī”ti pucchi. “Jiṇṇapurisaṃ disvā, devā”ti. “Jiṇṇakaṃ disvā pabbajissatīti āhaṃsu, kasmā maṃ nāsetha, sīghaṃ puttassa nāṭakāni sajjetha, sampattiṃ anubhavanto pabbajjāya satim na karissatī”ti vatvā ārakkhaṃ vaḍḍhetvā sabbadisāsu addhayojane addhayojane ārakkhaṃ ṭhapesi.

Punekadivasaṃ bodhisatto tatheva uyyānaṃ gacchanto devatābhiniṃmitaṃ byādhitāṃ purisaṃ disvā purimanayeneva pucchitvā saṃviggahadayo nivattitvā pāsādaṃ abhiruhi. Rājāpi pucchitvā heṭṭhā vuttanayeneva saṃvidahitvā puna vaḍḍhetvā samantā tigāvutappamāṇe padese ārakkhaṃ ṭhapesi. Aparampi ekadivasaṃ bodhisatto tatheva uyyānaṃ gacchanto devatābhiniṃmitaṃ kālaṅkataṃ disvā purimanayeneva pucchitvā saṃviggahadayo puna nivattitvā pāsādaṃ abhiruhi. Rājāpi pucchitvā heṭṭhā vuttanayeneva saṃvidahitvā puna vaḍḍhetvā samantato yojanappamāṇe padese ārakkhaṃ ṭhapesi. Aparam panekadivasaṃ uyyānaṃ gacchanto tatheva devatābhiniṃmitaṃ sunivatthaṃ supārutaṃ pabbajitaṃ disvā “ko nāmeso sammā”hi sārathiṃ pucchi. Sārathi kiñcāpi buddhuppādassa abhāvā pabbajitaṃ vā pabbajitaguṇe vā na jānāti, devatānubhāvena pana “pabbajito nāmāyaṃ, devā”ti vatvā pabbajjāya guṇe vaṇṇesi. Bodhisatto pabbajjāya ruciṃ uppādetvā taṃ divasaṃ uyyānaṃ agamāsi. Dīghabhāṅakā panāhu – “cattāripi nimittāni ekadivaseneva disvā agamāsi”ti.

So tattha divasabhāgaṃ kīlitvā maṅgalapokkharāṇiyaṃ nhāyitvā atthaṅgate sūriye maṅgalasilāpaṭṭe nisīdi attānaṃ alaṅkārapetukāmo, athassa paricārakapurisā nānāvāṇṇāni dussāni nānappakārā ābharaṇavikatiyo mālāgandhavilepanāni ca ādāya samantā parivāretvā aṭṭhaṃsu. Tasmim khaṇe sakkassa nisinnāsaṃ uṇhaṃ ahoṣi. So “ko nu kho maṃ imamhā ṭhānā cāvetukāmosī”ti upadhārento bodhisattassa alaṅkāretukāmataṃ ṇatvā vissakammaṃ āmantesi – “samma vissakamma, siddhatthakumāro ajja aḍḍharattasamaye mahābhiniṃkhamanaṃ nikkhamissati, ayamassa pacchimo alaṅkāro, tvaṃ uyyānaṃ gantvā mahāpurisaṃ dibbālaṅkārehi alaṅkarohī”ti. So “sādhū”ti paṭissuṇitvā devānubhāvena taṅkhaṇaññeva bodhisattaṃ upasaṅkamitvā tasseva kappakasadiso hutvā dibbadussena bodhisattassa sīsaṃ

veṭhesi. Bodhisatto hatthasamphasseneva “nāmaṃ manusso, devaputto aya”nti aññāsi. Veṭhanena veṭhitamatte sīse molīyaṃ maṇiratanākārena dussasahassaṃ abbhuggaṅchi, puna veṭhentassa dussasahassanti dasakkhattuṃ veṭhentassa dasa dussasahassāni abbhuggacchiṃsu. “Sīsaṃ khuddakaṃ, dussāni bahūni, kathaṃ abbhuggatāni”ti na cintetabbaṃ. Tesu hi sabbamahantaṃ āmalakapupphappamāṇaṃ, avasesāni kadambakapupphappamāṇāni ahesuṃ. Bodhisattassa sīsaṃ kiṅjakkhagavacchitaṃ viya kuyyakapupphaṃ ahoṣi.

Athassa sabbālaṅkārapaṭimaṇḍitassa sabbatālāvacaṃsu sakāni sakāni paṭibhānāni dassayantesu, brāhmaṇesu “jayanandā”tiādivacanehi, sutamaṅgalikādīsu ca nānappakārehi maṅgalavacanathutighosehi sambhāventesu sabbālaṅkārapaṭimaṇḍitaṃ taṃ rathavaraṃ abhiruhi. Tasmīṃ samaye “rāhulamātā puttāṃ vijātā”ti sutvā suddhodanamahārājā “puttassa me tuṭṭhiṃ nivedethā”ti sāsanaṃ paṇiṇi. Bodhisatto taṃ sutvā “rāhu jāto, bandhanaṃ jāta”nti āha. Rājā “kiṃ me putto avacā”ti pucchitvā taṃ vacanaṃ sutvā “ito paṭṭhāya me nattā ‘rāhulakumāro’ tveva nāma hotū”ti āha.

Bodhisattopi kho rathavaraṃ āruya atimahantena yasena atimanoramena sirisobhaggena nagaraṃ pāvīsi. Tasmīṃ samaye **kisāgotamī** nāma khattiyakaññā uparipāsādaratalagatā nagaraṃ padakkhiṇaṃ kurumānassa bodhisattassa rūpasiriṃ disvā pītisomanassajātā imaṃ udānaṃ udānesi –

“Nibbutā nūna sā mātā, nibbuto nūna so pitā;
Nibbutā nūna sā nārī, yassāyaṃ īdiso patī”ti. (dha. sa. aṭṭha. nidānakathā); –

Bodhisatto taṃ sutvā cintesi – “ayaṃ evamāha – ‘evarūpaṃ attabhāvaṃ passantiyā mātu hadayaṃ nibbāyati, pitu hadayaṃ nibbāyati, pajāpatiyā hadayaṃ nibbāyati”ti. Kismiṃ nu kho nibbuta hadayaṃ nibbutaṃ nāma hotī”ti. Athassa kilesesu virattamanassa etadahosi – “rāgaggimhi nibbuta nibbutaṃ nāma hoti, dosaggimhi nibbuta nibbutaṃ nāma hoti, mohaggimhi nibbuta nibbutaṃ nāma hoti, mānadiṭṭhiādīsu sabbakilesadarathesu nibbutesu nibbutaṃ nāma hotī”ti. “Ayaṃ me sūssavanaṃ sāveti, ahañhi nibbānaṃ gavesanto vicarāmi, ajjeva mayā gharāvāsaṃ chaḍḍetvā nikkhamma pabbajitvā nibbānaṃ gavesituṃ vaṭṭati, ayaṃ imissā ācariyabhāgo hotū”ti kaṅṭhato omuñcitvā kisāgotamiyā satasahassagghanakaṃ muttāhāraṃ pesesi. Sā “siddhatthakumāro mayi paṭibaddhacitto hutvā paṇṇākāraṃ peseti”ti somanassajātā ahoṣi.

Bodhisattopi mahantena sirisobhaggena attano pāsādaṃ abhiruhitvā sirisayane nipajji. Tāvadeva ca naṃ sabbālaṅkārapaṭimaṇḍitā naccagītādīsu susikkhitā devakaññā viya rūpasobhaggappattā nāṭakitthiyo nānātūriyāni gahetvā samparivāretvā abhiramāpentiyō naccagītavādītāni payojayīṃsu. Bodhisatto kilesesu virattacittatāya naccādīsu anabhirato muhuttaṃ niddaṃ okkami. Tāpi itthiyo “yassatthāya mayaṃ naccādīni payojema, so niddaṃ upagato, idāni kimatthaṃ kilamissāmā”ti gahitagahitāni tūriyāni ajjhottharivā nipajjīṃsu, gandhatelappadīpā jhāyanti. Bodhisatto pabujjhitvā sayanapitṭhe pallaṅkena nisinna addasa tā itthiyo tūriyabhaṇḍāni avattharivā niddāyantiyo – ekaccā paggharitaḥelā, kilinnagattā, ekaccā dante khādantiyo, ekaccā kākacchantiyo, ekaccā vippalapantiyo, ekaccā vivaṭamukhī, ekaccā apagatavattā pākāṭabībhacchasambādhaṭṭhānā. So tāsāṃ taṃ vippakāraṃ disvā bhiyyosomattāya kāmesu virattacitto ahoṣi. Tassa alaṅkatapaṭiyattaṃ sakkabhavanasadisampi taṃ mahātalaṃ vividhanānākuṇapabharitaṃ āmakasusānaṃ viya upaṭṭhāsi, tayo bhavā ādittagehasadisā khādīṃsu – “upaddutaṃ vata, bho, upassaṭṭhaṃ vata, bho”ti udānaṃ pavattesi, ativiyaṃ pabbajjāya cittaṃ nami.

So “ajjeva mayā mahābhinnikkhamaṃ nikkhamituṃ vaṭṭati”ti sayanā vuṭṭhāya dvārasamīpaṃ gantvā “ko etthā”ti āha. Ummāre sīsaṃ katvā nipanno channo – “ahaṃ, ayyaputta, channo”ti āha. “Ajjaṃ mahābhinnikkhamaṃ nikkhamitukāmo, ekaṃ me assaṃ kappehī”ti āha. So “sādhu, devā”ti assabhaṇḍakaṃ gahetvā assasālaṃ gantvā gandhatelappadīpesu jalantesu sumanapaṭṭavitānassa heṭṭhā ramaṇīye bhūmibhāge ṭhitaṃ kaṇḍakaṃ assarājānaṃ disvā “ajja mayā imameva kappetuṃ vaṭṭati”ti kaṇḍakaṃ kappesi. So kappiyamānova aññāsi “ayaṃ kappanā ativiya gāḷhā, aññesu divasesu uyyānakīḷadigamanakāle kappanā viya na hoti, mayhaṃ ayyaputto ajja mahābhinnikkhamaṃ nikkhamitukāmo bhavissati”ti. Tato tuṭṭhamānaso mahāhasitaṃ hasi, so saddo sakalanagaraṃ pattharivā gaccheyya. Devatā pana naṃ sannirumbhitvā na kassaci sotuṃ adāṃsu.

Bodhisatto pi kho channaṃ pesetvāva “puttaṃ tava passissāmi”ti cintetvā nisinnapallaṅkato utthāya rāhulamātuyā vasanaṭṭhānaṃ gantvā gabbhadvāraṃ vivari. Tasmīṃ khaṇe antogabbhe gandhatelappadīpo jhāyati, rāhulamātā sumanamallikādīnaṃ pupphānaṃ ambaṇamattena abhippakīṇṇe sayane puttassa matthake hatthaṃ ṭhapetvā niddāyati. Bodhisatto ummāre pādaṃ ṭhapetvā ṭhitakova oloketvā “sacāhaṃ deviyā hatthaṃ apanetvā mama puttaṃ gaṇhissāmi, devī pabujjhissati, evaṃ me gamanantarāyo bhavissati, buddho hutvāva āgantvā puttaṃ passissāmi”ti pāsādatalato otari. Yaṃ pana jātakatṭhakathāyaṃ “tadā sattāhajāto rāhulakumāro hotī”ti vuttaṃ, taṃ sesatṭhakathāsu natthi, tasmā idameva gahetabbaṃ.

Evaṃ bodhisatto pāsādatalā otarivā assasamīpaṃ gantvā evamāha – “tāta kaṇḍaka, tvaṃ ajja ekarattīṃ maṃ tārāya, ahaṃ taṃ nissāya buddho hutvā sadevakaṃ lokaṃ tārāyissāmi”ti. Tato ullānghitvā kaṇḍakassa piṭṭhiṃ abhiruhi. Kaṇḍako gīvato paṭṭhāya āyāmena aṭṭhārasahattho hoti, tadanucchavikena ubbedhena samannāgato thāmajavasampanno sabbaseto dhotasankhasadiso. So sace haseyya vā padasaddaṃ vā kareyya, saddo sakalanagaraṃ avatthareyya, tasmā devatā attano ānubhāvena tassa yathā na koci suṇāti, evaṃ hasitasaddaṃ sannirumbhitvā akkamaṇaakkamanapadavāre hatthatalāni upanāmesuṃ. Bodhisatto assavarassa piṭṭhivemajjhagato channaṃ assassa vāladhiṃ gāhāpetvā aḍḍharattasamāye mahādvārasamīpaṃ patto. Tadā pana rājā “evaṃ mama putto yāya kāyaci velāya nagaradvāraṃ vivarivā nikkhamituṃ na sakkhissati”ti dvīsu dvārakavāṇesu ekekaṃ purisasahassena vivaritabbaṃ kāresi. Bodhisatto pana thāmabalasampanno hatthigaṇānāya koṭisahasahatthīnaṃ balaṃ dhāresi, purisagaṇānāya dasakoṭisahasapurisānaṃ balaṃ dhāresi. So cintesi – “sace dvāraṃ na vivariyyati, ajja kaṇḍakassa piṭṭhe nisinnova vāladhiṃ gahetvā ṭhitena channena saddhiṃyeva kaṇḍakaṃ ūruhi nippīletvā aṭṭhārasahatthubbedhaṃ pākāraṃ uppativā atikkamissāmi”ti. Channopi cintesi – “sace dvāraṃ na vivariyyati, ahaṃ attano sāmikaṃ ayyaputtaṃ khandhe nisīdāpetvā kaṇḍakaṃ dakkhiṇena hatthena kucchiyaṃ parikkhipanto upakacchantare katvā pākāraṃ uppativā atikkamissāmi”ti. Kaṇḍakopi cintesi – “sace dvāraṃ na vivariyyati, ahaṃ attano sāmikaṃ piṭṭhe yathānisinnaeva channena vāladhiṃ gahetvā ṭhitena saddhiṃyeva ukkhipivā pākāraṃ uppativā atikkamissāmi”ti. Sace dvāraṃ na vivareyya, yathācintitameva tesu tīsu janesu aññataro sampādeyya. Dvāre pana adhivatthā devatā dvāraṃ vivari.

Tasmīṃyeva khaṇe māro pāpimā “bodhisattaṃ nivattessāmi”ti āgantvā ākāse ṭhito āha – “mārisa, mā nikkhami, ito te sattame divase cakkaratanaṃ pātubhavissati, dvisahasaparittadīpaparivārānaṃ catunnaṃ mahādīpānaṃ rajjaṃ kāressasi, nivatta, mārisā”ti. “Kosi tva”nti? “Ahaṃ vasavattī”ti. “Māra, jānāmahaṃ mayhaṃ cakkaratanaṃ pātubhāvaṃ, anattikohaṃ rajjena, dasahasasilokadhātuṃ unnādetvā buddho bhavissāmi”ti āha. Māro “ito dāni te paṭṭhāya kāmavitakkaṃ vā byāpādavitakkaṃ vā vihiṃsāvitakkaṃ vā cintitakāle jānissāmi”ti otārāpekkho chāyā viya anugacchanto anubandhi.

Bodhisatto pi hatthagataṃ cakkavattirajjaṃ khelaṇḍaṃ viya anapekkho chaḍḍetvā mahantena sakkārena nagarā nikkhami. Āsāḷhipuṇṇamāya uttarāsāḷhanakkhatte vattamāne, nikkhamitvā ca puna nagaraṃ apaloketukāmo jāto. Evañca panassa citte uppannamattheyeva – “mahāpurisa, na tayā nivattetvā olokanakammaṃ kata”nti vadamānā viya mahāpathavī kulālacakkaṃ viya chijjivā parivatti. Bodhisatto nagarābhimukho ṭhatvā nagaraṃ oloketvā tasmīṃ pathavippadesa kaṇḍakanivattanacetiyatṭhānaṃ dassetvā gantabbamaggābhimukhaṃ kaṇḍakaṃ katvā pāyāsi mahantena sakkārena uḷārena sirisobhaggena. Tadā kirassa devatā purato saṭṭhi ukkāsaḥassāni dhārayiṃsu, pacchato saṭṭhi, dakkhiṇapassato saṭṭhi, vāmapassato saṭṭhīti. Aparā devatā cakkavāḷamukhavaṭṭhiyaṃ aparimāṇā ukkā dhārayiṃsu. Aparā devatā ca nāgasupaṇṇādayo ca dibbehi gandhehi mālāhi cuṇṇehi dhūpehi pūjayamānā gacchanti, pāricchattakapupphehi ceva mandāravapupphehi ca ghanameghavutthikāle dhārāhi viya nabhaṃ nirantaraṃ ahoṣi, dibbāni saṃgītāni pavattiṃsu, samantato aṭṭha tūriyāni, saṭṭhi tūriyānīti aṭṭhasaṭṭhi tūriyasatasahasāni pavattayīṃsu. Tesam saddo samuddakucchiyaṃ meghadhanitakālo viya, yugandharakucchiyaṃ sāgaranigghosakālo viya ca vattati.

Iminā sirisobhaggena gacchanto bodhisatto ekaratteneva tīṇi rajjāni atikkamma tiṃsayojanamatthake anomānadītīraṃ pāpuṇi. Kiṃ pana asso tato paraṃ gantuṃ na sakkotīti? No na sakkoti. So hi ekaṃ cakkavāḷagabbhaṃ nābhiyā ṭhitacakkassa nemivaṭṭiṃ maddanto viya antantena caritvā purepātarāsameva āgantvā attano sampāditaṃ bhattaṃ bhujjituṃ samattho. Tadā pana devanāgasupaṇṇādīhi ākāse ṭhatvā ossaṭṭhehi gandhamālādīhi yāva ūruppadesā sañchannasarīraṃ ākaḍḍhitvā gandhamālājaṭṭhaṃ chindantassa

atipapañco ahosi, tasmā tiṃsayojanamattameva agamāsi. Atha bodhisatto nadītīre t̥hatvā channaṃ pucchi – “kā nāma ayaṃ nadī”ti? “Anomā nāma, devā”ti. “Amhākampi pabbajjā anomā bhavissatī”ti pañhiyā ghaṭṭento assassa saññaṃ adāsi. Asso ca uppatitvā aṭṭhusabhavitthārāya nadiyā pārimatīre aṭṭhāsi.

Bodhisatto assapit̥ṭhito oruyha rajatapaṭṭasadiṣe vāḷukāpuline t̥hatvā channaṃ āmantesi – “samma channa, tvaṃ mayhaṃ ābharaṇāni ceva kaṇḍakañca ādāya gaccha, ahaṃ pabbajissāmī”ti. “Ahampi, deva, pabbajissāmī”ti. Bodhisatto “na labbhā tayā pabbajitūṃ, gaccheva tva”nti tikkhattūṃ paṭibāhitvā ābharaṇāni ceva kaṇḍakañca paṭicchāpetvā cintesi – “ime mayhaṃ kesā samaṇasārūppā na honti, añño bodhisattassa kese chinditūṃ yuttarūpo natthī”ti. Tato “sayameva khaggena chindissāmī”ti dakkhiṇena hatthena asiṃ gahetvā vāmahatthena moḷiyā saddhiṃ cūḷaṃ gahetvā chindi. Kesā dvaṅgulamatā hutvā dakkhiṇato āvaṭṭamānā sīsaṃ allīyimsu. Tesā yāvajīvaṃ tadeva pamāṇaṃ ahosi, massu ca tadanurūpaṃ, puna kesamassuohāraṇakiccaṃ nāma nāhosi. Bodhisatto saha moḷiyā cūḷaṃ gahetvā “sacāhaṃ sambuddho bhavissāmi, ākāse tiṭṭhatu. No ce, bhūmiyaṃ patatū”ti antalikkhe khiṇi. Sā cūḷā yojanappamāṇaṃ t̥hānaṃ abhuggantvā ākāse aṭṭhāsi. Sakko devarājā dibbacakkhunā oloketvā yojaniyaratana caṅkoṭakena sampāṭicchitvā tāvatimsabhavane **cūḷamaṇicetiyaṃ** nāma patiṭṭhāpesi.

“Chetvāna moḷiṃ varagandhavāsitaṃ, vehāyasaṃ ukkhipi sakyapuṅgavo;
Sahassanetto siraṣā paṭiggahi, ratanacaṅkoṭavarena vāsavo”ti. (ma. ni. aṭṭha. 1.222);

Puna bodhisatto cintesi – “imāni kāsikavatthāni mayhaṃ na samaṇasārūppānī”ti. Athassa kassapabuddhakāle purāṇasahāyako ghaṭikāramahābrahmā ekaṃ buddhantaraṃ jaraṃ appattena mittabhāvena cintesi – “ajja me sahāyako mahābhinnikkhamaṇaṃ nikkhanto, samaṇaparikkhāramassa gahetvā gacchissāmī”ti.

“Ticīvarañca patto ca, vāsī sūci ca bandhanaṃ;
Parissāvanena aṭṭhete, yuttayogassa bhikkhūno”ti. –

Ime aṭṭha parikkhāre āharitvā adāsi. Bodhisatto arahaddhajaṃ nivāsetvā uttamaṃ pabbajitavesaṃ gaṇhitvā “channa, tvaṃ mama vacanena mātāpitūnaṃ ārogyaṃ vadehī”ti vatvā uyyojesi. Channo bodhisattaṃ vanditvā padakkhiṇaṃ katvā pakkāmi. Kaṇḍako pana channaṃ saddhiṃ mantayamānassa bodhisattassa vacanaṃ suṇantova “natthi dāni mayhaṃ puna sāmīno dassana”nti cintetvā cakkhupathaṃ vijahanto sokaṃ adhvāsetūṃ asakkonto hadayena phalitena kālaṃ katvā tāvatimsabhavane kaṇḍako nāma devaputto hutvā nibbatti. Channassa paṭhamaṃ ekova soka ahosi, kaṇḍakassa pana kālakiriyāya dutiyena sokena pīḷito rodanto paridevanto nagaraṃ agamāsi.

Bodhisatto pabbajitvā tasmimyeva padese **anupiyaṃ** nāma ambavanaṃ atthi, tattha sattāhaṃ pabbajjāsukhena vītināmetvā ekadivaseneva tiṃsayojanaṃ ggaṃ padasā gantvā rājagahaṃ pāvisi. Pavisitvā ca sapadānaṃ piṇḍāya cari. Sakalanagaraṃ bodhisattassa rūpadassaneneva dhanapālake pavit̥ṭhe rājagahaṃ viya ca, asurinde pavit̥ṭhe devanagaraṃ viya ca saṅkhobhaṃ agamāsi. Rājapurisā gantvā “deva, evarūpo nāma satto nagare piṇḍāya carati, ‘devo vā manusso vā nāgo vā supaṇṇo vā asuko nāma eso’ti na jānāmā”ti ārocesuṃ. Rājā pāsādāle t̥hatvā mahāpurisaṃ disvā acchariyabbhutatitto purise āṇāpesi – “gacchatha, bhaṇe, vīmaṃsatha, sace amanusso bhavissati, nagarā nikkhamitvā antaradhāyissati, sace devatā bhavissati, ākāse gacchissati, sace nāgo bhavissati, pathaviyaṃ nimujjitvā gamissati, sace manusso bhavissati, yathāḷaddhaṃ bhikkhaṃ paribhuñjissatī”ti.

Mahāpurisopi kho missakabhattaṃ saṃharitvā “alaṃ me ettakaṃ yāpanāyā”ti ñatvā pavit̥ṭhadvāreṇeva nagarā nikkhamitvā **paṇḍavapabbatacchāyāyaṃ** puratthimābhimukho nisīditvā āhāraṃ paribhuñjitūṃ āradhō. Athassa antāni parivattitvā mukhena nikkhamaṇākarappattāni ahesuṃ. Tato so tena attabhāvena evarūpassa āhārassa cakkhunāpi adiṭṭhapubbatāya tena paṭikūlāhāreṇa aṭṭiyamānopi evaṃ attanā eva attānaṃ ovadi – “siddhattha, tvaṃ sulabhaannaṃ pāne kule tivassikagandhasālibhojanaṃ nānaggarasehi bhuñjanaṭṭhāne nibbattitvāpi ekaṃ paṃsukūlikaṃ disvā ‘kadā nu kho ahampi evarūpo hutvā piṇḍāya caritvā bhuñjissāmi, bhavissati nu kho me so kālo’ti cintetvā nikkhanto, idāni kinnāmetāṃ karosī”ti evaṃ attānaṃ ovaditvā nibbikāro hutvā āhāraṃ paribhuñji.

Rājapurisā taṃ pavattiṃ disvā gantvā rañño ārocesuṃ. Rājā dūtavacanaṃ sutvā vegena nagarā nikkhamitvā bodhisattassa santikaṃ gantvā iriyāpathasmiṃyeva pasīditvā bodhisattassa sabbaṃ issariyaṃ niyyātesi. Bodhisatto “mayhaṃ, mahārāja, vatthukāmehi vā kilesakāmehi vā attho natthi, ahaṃ paramābhisambodhiṃ patthayanto nikkhanto”ti āha. Rājā anekappakāraṃ yācantopi tassa cittaṃ alabhitvā “addhā tvaṃ buddho bhavissasi, buddhabhūtena pana tayā paṭhamaṃ mama vijitaṃ āgantabba”nti paṭiññaṃ gaṇhi. Ayamettha saṅkhepo, vitthāro pana “pabbajjaṃ kittayissāmi, yathā pabbaji cakkhumā”ti imaṃ **pabbajjāsuttaṃ** (su. ni. 407) saddhiṃ aṭṭhakathāya oloketvā veditabbo.

Bodhisattopi kho rañño paṭiññaṃ datvā anupubbena cārikaṃ caramāno ālārañca kālāmaṃ udakañca rāmaputtaṃ upasaṅkamitvā samāpattiyo nibbattetvā “nāyaṃ maggo bodhāyā”ti tampi samāpattibhāvanāṃ analaṅkaritvā sadevakassa lokassa attano thānavīriyasandassanattaṃ mahāpadhānaṃ padahitukāmo uruvelāṃ gantvā “ramaṇīyo vatāyaṃ bhūmibhāgo”ti tattheva vāsaṃ upagantvā mahāpadhānaṃ padahi. Tepi kho koṇḍaññaṃpamukhā pañcavaggiyā gāmanigamarājadhānīsu bhikkhāya carantā tattha bodhisattaṃ sampāpuṇṇesu. Atha naṃ chabbassāni mahāpadhānaṃ padahantaṃ “idāni buddho bhavissati, idāni buddho bhavissati”ti pariveṇasammajjanādikāya vattapaṭipattiyaṃ upaṭṭhahamānā santikāvacaṛā ahesuṃ. Bodhisattopi kho “koṭṭipattaṃ dukkarakārikaṃ karissāmi”ti ekatilaṇḍulādīhipi vītināmesi, sabbasopi āhārupacchedanaṃ akāsi. Devatāpi lomakūpehi ojaṃ upasaṃharamānā pakkhipiṃsu.

Athassa tāya nirāhāratāya paramakasirappattatāya suvaṇṇavaṇṇopi kāyo kālavaṇṇo ahoṣi, dvattiṃsamahāpurisalakkhaṇāni paṭicchannāni ahesuṃ. Appekadā ānāpānakajjhānaṃ jhāyanto mahāvedanābhūtinno visaññibhūto caṅkamanakoṭiyaṃ patati. Atha naṃ ekaccā devatā “kālaṅkato samaṇo gotamo”ti vadanti. Ekaccā “vihārotveveso arahata”nti ca āhaṃsu. Tattha yāsaṃ “kālaṅkato”ti sañña ahoṣi, tā gantvā suddhodanamahārājassa ārocesuṃ – “tumhākaṃ putto kālaṅkato”ti. “Mama putto buddho hutvā kālaṅkato, ahutvā”ti? “Buddho bhavituṃ nāsakkhi, padhānabhūmiyaṃyeva patitvā kālaṅkato”ti. Idaṃ sutvā rājā – “nāhaṃ saddahāmi, mama puttassa bodhiṃ appatvā kālakiriyā nāma natthi”ti paṭikkhipi. “Kasmā pana rājā na saddahati”ti? Kāladevalatāpasavandāpanadivase jamburukkhamūle ca paṭihāriyānaṃ diṭṭhattā.

Puna bodhisatte saññaṃ paṭilabhitvā uṭṭhite tā devatā gantvā “arogo te, mahārāja, putto”ti ārocesuṃ. Rājā “jānāmaṃ mama puttassa amaraṇabhāva”nti vadati. Mahāsattassa chabbassāni dukkarakārikaṃ karontasseva ākāse gaṇṭhikaraṇakālo viya ahoṣi. So “ayaṃ dukkarakārikā nāma bodhāya maggo na hoti”ti oḷārikaṃ āhāraṃ āhāretuṃ gāmanigamesu piṇḍāya caritvā āhāraṃ āhari. Athassa dvattiṃsamahāpurisalakkhaṇāni pākatikāni ahesuṃ, kāyopi suvaṇṇavaṇṇo ahoṣi. Pañcavaggiyā bhikkhū “ayaṃ chabbassāni dukkarakārikaṃ karontopi sabbaññutaṃ paṭivijjhituṃ nāsakkhi, idāni gāmanigamādīsu piṇḍāya caritvā oḷārikaṃ āhāraṃ āharamāno kiṃ sakkhissati, bāhuliko esa padhānavibbhanto, sīsaṃ nhāyitukāmassa ussāvabindutakkaṇaṃ viya amhākaṃ etassa santikā visesatakkanaṃ, kiṃ no iminā”ti mahāpurisaṃ pahāya attano attano pattacīvaraṃ gahetvā aṭṭhārasayojanamaggaṃ gantvā **isipatanam** pavisīṃsu.

Tena kho pana samayena uruvelāyaṃ senānigame senānikuṭumbikassa gehe nibbattā **sujātā** nāma dārikā vayappattā ekasmiṃ nigrodharukkhe patthanaṃ akāsi – “sacāhaṃ samajātikaṃ kulagharaṃ gantvā paṭhamagabbhe puttaṃ labhissāmi, anusaṃvaccharaṃ te satasahassapariccāgena balikammaṃ karissāmi”ti. Tassā sā patthanā samijjhi. Sā mahāsattassa dukkarakārikaṃ karontassa chaṭṭhe vasse paripuṇṇe visākhāpuṇṇamāyaṃ balikammaṃ kātukāmā hutvā puretaraṃyeva dhenusahassaṃ laṭṭhimadhukavane carāpetvā, tāsāṃ khīraṃ pañca dhenusatāni pāyevā, tāsāṃ khīraṃ aḍḍhatiyāni ca satānīti evaṃ yāva soḷasannaṃ dhenūnaṃ khīraṃ aṭṭha dhenuyo pivanti, tāva khīrassa bahalatañca madhuratañca ojavantatañca patthayamānā khīraparivattanaṃ nāma akāsi. Sā visākhāpuṇṇamadivase “pātova balikammaṃ karissāmi”ti rattiyaṃ paccūsasamayaṃ paccuṭṭhāya tā aṭṭha dhenuyo duhāpesi. Vacchakā dhenūnaṃ thanamūlaṃ na āgamaṃsu, thanamūle pana navabhājanesu upanītamattesu attano dhammatāya khīradhārā pagghariṃsu. Taṃ acchariyaṃ disvā sujātā sahattheneva khīraṃ gahetvā navabhājane pakkhipitvā sahattheneva aggiṃ katvā pacituṃ ārabhi.

Tasmiṃ pāyāse paccamāne mahantā mahantā pubbuḷā uṭṭhahitvā dakkhiṇāvattā hutvā sañcaranti.

Ekaphusitampi bahi na uppatati, uddhanato appamattakopi dhūmo na uṭṭhahati. Tasmim samaye cattāro lokapālā āgantvā uddhane ārakkham gaṇhiṃsu, mahābrahmā chattam dhāresi, sakko alātāni samānento aggim jālesi. Devatā dvisahassadīpararivāresu catūsu mahādīpesu devamanussānam upakappanaojam attano devānubhāvena daṇḍakabaddham madhupaṭalam pīletvā madhum gaṇhamānā viya samharitvā tattha pakkhipiṃsu. Aññesu hi kālesu devatā kabaḷe kabaḷe ojam pakkhipiṃsu, sambodhippattadivase ca parinibbānadivase ca ukkhaliyāmyeva pakkhipiṃsu. Sujātā ekadivaseyeva tattha attano pākāṭāni anekāni acchariyāni disvā **puṇṇam** nāma dāsim āmantesi – “amma puṇṇe, ajja amhākam devatā ativiya pasannā, mayā hi ettake kāle evarūpam acchariyam nāma na diṭṭhapubbam, vegena gantvā devaṭṭhānam paṭijaggāhī”ti. Sā “sādhu, ayye”ti tassā vacanam sampaṭicchitvā turitaturitā rukkhamūlam agamāsi.

Bodhisattopi kho tasmim rattibhāge pañca mahāsupine (a. ni. 5.196) disvā pariggaṇhanto “nissamsayam ajjāham buddho bhavissāmī”ti katasanniṭṭhāno tassā rattiyā accayena katasarīrapaṭijaggano bhikkhācārakālam āgamayamāno pātova āgantvā tasmim rukkhamūle nisīdi, attano pabhāya sakalam rukkhamūlam obhāsāyamāno. Atha kho sā puṇṇā āgantvā addasa bodhisattam rukkhamūle pācīnalokadhātum olokayamānam nisinnam, sarīrato cassa nikkhantāhi pabhāhi sakalarukkham suvaṇṇavaṇṇam. Disvānassā etadahosi – “ajja amhākam devatā rukkhatto oruyha sahattheneva balikammam sampaṭicchitum nisinnā maññe”ti ubbegappattā hutvā vegena āgantvā sujātāya etamattham ārocesi.

Sujātā tassā vacanam sutvā tuṭṭhamānasā hutvā “ajja dāni paṭṭhāya mama jeṭṭhadhītuṭṭhāne tiṭṭhāhī”ti dhītu anucchavikam sabbālaṅkāram adāsi. Yasmā pana buddhabhāvam pāpuṇanadivase satahassagghanikā ekā suvaṇṇapāti laddhum vaṭṭati, tasmā sā “suvaṇṇapātiyam pāyāsam pakkhipissāmī”ti cittam uppādetvā satahassagghanikam suvaṇṇapātiṃ nīharāpetvā tattha pāyāsam pakkhipitukāmā pakkabhājanam āvajjesi. Sabbo pāyāso padumapattato udakam viya vattitvā pātiyam paṭiṭṭhāsi, ekapātipūramattova ahosi. Sā tam pātiṃ aññāya pātiyā paṭikujjitvā odātavatthena veṭhetvā sayam sabbālaṅkārehi atabhāvam alaṅkaritvā tam pātiṃ attano sise ṭhapetvā mahantena ānubhāvena nigrodharukkhamūlam gantvā bodhisattam disvā balavasomanassajātā “rukkhadevatā”ti saññāya diṭṭhaṭṭhānato paṭṭhāya onatonatā gantvā sīsato pātiṃ otāretvā vīvaritvā suvaṇṇabhīṅgārena gandhapupphavāsitam udakam gahetvā bodhisattam upagantvā aṭṭhāsi. Ghaṭikāramahābrahmunā dinno mattikāpattato ettakam kālam bodhisattam avijahitvā tasmim khaṇe adassanam gato, bodhisatto pattam apassanto dakkhiṇahattham pasāretvā udakam sampaṭicchi. Sujātā saheva pātiyā pāyāsam mahāpurisassa hatthe ṭhapesi, mahāpuriso sujātam olokesi. Sā ākāram sallakkhetvā “ayya, mayā tumhākam pariccattā, tam gaṇhitvā yathārucci karoṭhā”ti vanditvā “yathā mayham manoratho nipphanno, evam tumhākampi nipphajjatū”ti vatvā satahassagghanikampi suvaṇṇapātiṃ purāṇakapaṇṇam viya pariccajitvā anapekkhāva pakkāmi.

Bodhisattopi kho nisinnaṭṭhānā vuṭṭhāya rukkham padakkhiṇam katvā pātiṃ ādāya nerañjarāya tīram gantvā anekesam bodhisattasatasahassānam abhisambujjanadivase otarivā nhānaṭṭhānam **supatiṭṭhitam** nāma atthi, tassā tīre pātiṃ ṭhapetvā supatiṭṭhitatitthe otarivā nhatvā anekabuddhasatasahassānam nivāsanam arahaddham nivāsetvā puratthābhimukho nisīditvā ekaṭṭhitālapakkappamāṇe ekūnapaṇṇāsapiṇḍe katvā sabbam appodakamadhupāyāsam paribhuñji. Soevassa buddhabhūtasasattasattāham bodhimaṇḍe vasantassa ekūnapaṇṇāsādivasāni āhāro ahosi. Ettakam kālam añño āhāro natthi, na nhānam, na mukhadhovanam, na sarīravaḷaṅjo, jhānasukhena phalasaṃpattisukhena ca vītināmesi. Tam pana pāyāsam bhuñjitvā suvaṇṇapātiṃ gahetvā “sacāham ajja buddho bhavissāmi, ayam pāti paṭisotam gacchatu, no ce bhavissāmi, anusotam gacchatū”ti vatvā nadīsote pakkhipi. Sā sotam chindamānā nadīmajjham gantvā majjhaṭṭhāneneva javasampanno asso viya asīthattamattaṭṭhānam paṭisotam gantvā ekasmim āvatte nimujjitvā **kālanāgarājabhavanam** gantvā tiṇṇam buddhānam paribhogapātiyo “kili kili”ti ravam kārayamānā paharivā tāsam sabbahetthimā hutvā aṭṭhāsi. Kāḷo nāgarājā ta saddam sutvā “hiyyo eko buddho nibbatti, puna ajja eko nibbatto”ti vatvā anekehi padasatehi thutiyo vadamāno uṭṭhāsi. Tassa kira mahāpathaviyā ekayojanatigāvutappamāṇam nabham pūretvā ārohanakālo ajja vā hiyyo vā sadiso ahosi.

Bodhisattopi nadītīramhi supupphitasālavane divāvihāram katvā sāyanhasamayam pupphānam vaṇṭato mucchanakāle devatāhi alaṅkatena aṭṭhūsabhavitthārena maggena sīho viya vijambhamāno

bodhirukkhābhimukho pāyāsi. Nāgayakkhasupaṇṇādayo dibbehi gandhapupphādīhi pūjayiṃsu, dibbasamgītādīni pavattayimṃsu, dasasahassī lokadhātu ekagandhā ekamālā ekasādhukārā ahoṣi. Tasmim samaye **sothtiyo** nāma tiṇahārako tiṇaṃ ādāya paṭipathe āgacchanto mahāpurisassa ākāraṃ ñatvā aṭṭha tiṇamuṭṭhiyo adāsi. Bodhisatto tiṇaṃ gahetvā bodhimaṇḍaṃ āruya dakkhiṇadisābhāge uttarābhimukho aṭṭhāsi. Tasmim khaṇe dakkhiṇacakkavāḷaṃ osīditvā heṭṭhā avīcisampattaṃ viya ahoṣi. Uttaracakkavāḷaṃ ullaṅghitvā upari bhavaggappattaṃ viya ahoṣi. Bodhisatto “idaṃ sambodhipāpuṇanaṭṭhānaṃ na bhavissati maññe”ti padakkhiṇaṃ karonto pacchimadisābhāgaṃ gantvā puratthimābhimukho aṭṭhāsi, tato pacchimakakkavāḷaṃ osīditvā heṭṭhā avīcisampattaṃ viya ahoṣi, puratthimakakkavāḷaṃ ullaṅghitvā upari bhavaggappattaṃ viya ahoṣi. Thitaṭṭhitatṭhāne kirassa nemivaṭṭipariyante akkantaṃ nābhiyā patitṭhitamahāsakaṭacakkam viya mahāpathavī onatunnatā ahoṣi. Bodhisatto “idampi sambodhipāpuṇanaṭṭhānaṃ na bhavissati maññe”ti padakkhiṇaṃ karonto uttaradisābhāgaṃ gantvā dakkhiṇābhimukho aṭṭhāsi. Tato uttaracakkavāḷaṃ osīditvā heṭṭhā avīcisampattaṃ viya ahoṣi, dakkhiṇacakkavāḷaṃ ullaṅghitvā upari bhavaggappattaṃ viya ahoṣi. Bodhisatto “idampi sambodhipāpuṇanaṭṭhānaṃ na bhavissati maññe”ti padakkhiṇaṃ karonto puratthimadisābhāgaṃ gantvā pacchimābhimukho aṭṭhāsi. Puratthimadisābhāge pana sabbabuddhānaṃ pallaṅkaṭṭhānaṃ ahoṣi, taṃ neva chambhati, na kampaṭi. Bodhisatto “idaṃ sabbabuddhānaṃ avijahitaṃ acalaṭṭhānaṃ kilesapañjaraviddhamṣanaṭṭhāna”nti ñatvā tāni tiṇāni agge gahetvā cālesi, tāvadeva cuddasahattho pallaṅko ahoṣi. Tānipi kho tiṇāni tathārūpena saṅṭhānena saṅṭhahimṃsu, yathārūpaṃ sukusalo cittaṅkāro vā potthakāro vā ālikhitumpi samattho natthi. Bodhisatto bodhikkhandhaṃ piṭṭhito katvā puratthābhimukho daḷhamānaso hutvā –

“Kāmaṃ taco ca nhāru ca, aṭṭhi ca avasissatu;

Upasussatu nissesam, sarīre maṃsalohitaṃ. (a. ni. 2.5; ma. ni. 2.184) –

‘Na tvevāhaṃ sammāsambodhiṃ appatvā imaṃ pallaṅkaṃ bhindissāmī’”ti asanisatasannipātenapi abhejjarūpaṃ aparājitapallaṅkaṃ ābhujitvā nisīdi.

Tasmim samaye māro pāpimā – “siddhatthakumāro mayhaṃ vasaṃ atikkamitukāmo, na dānissa atikkamituṃ dassāmī”ti mārabalassa santikaṃ gantvā etamatthaṃ ārocetvā māraghosanaṃ nāma ghoṣāpetvā mārabalaṃ ādāya nikkhami. Sā mārasenā mārasa purato dvādasayojanā hoti, dakkhiṇato ca vāmato ca dvādasayojanā, pacchato cakkavāḷapariyantaṃ katvā thitā, uddhaṃ navayojanubbedhā hoti, yassā unnadantiyā unnādasaddo yojanasahassato paṭṭhāya pathaviundriyanasaddoviya sūyati. Atha māro devaputto diyaḍḍhayaṃjanasatikaṃ **girimekkhalaṃ** nāma hatthim abhiruhitvā bāhusahassaṃ māpetvā nānāvudhāni aggahesi. Avasesāyapi māraparisāya dve janā ekasadisā ekasadisam āvudhaṃ gaṇhantā nāhesuṃ. Nānāvaṇṇā nānappakāramukhā hutvā nānāvudhāni gaṇhantā bodhisattaṃ ajjhottharamānā āgamamṃsu.

Dasasahassacakkavāḷadevatā pana mahāsattassa thutiyo vadamānā aṭṭhamṃsu. Sakko devarājā vijayuttarasankhaṃ dhamamāno aṭṭhāsi. So kira saṅkho vīśatthasatikko hoti, sakiṃ vātaṃ gāhāpetvā dhāmiyamāno cattāro māse saddaṃ karitvā nissaddo hoti. Mahākāḷānāgarājā atirekapadasatena vaṇṇaṃ vaṇṇentova aṭṭhāsi, mahābrahmā setacchattaṃ dhārayamāno aṭṭhāsi. Mārabale pana bodhimaṇḍaṃ upasaṅkamante tesam ekopi thātum nāsakkhi, sammukhasammukhaṭṭhāneneva palāyimṃsu. Kāḷo nāma nāgarājāpi pathaviyaṃ nimujjitvā pañcayojanasatikaṃ mañjērikanāgabhavanaṃ gantvā ubhoḥi hatthehi mukhaṃ pidahitvā nipanno. Sakko devarājāpi vijayuttarasankhaṃ piṭṭhiyaṃ katvā cakkavāḷamukhavatṭhiyaṃ aṭṭhāsi, mahābrahmā setacchattaṃ koṭiyaṃ gahetvā brahmalokameva agamāsi. Ekadevatāpi thātum samatthā nāma nāhoṣi. Mahāpuriso pana ekakova nisīdi.

Māropi attano parisam āha – “tātā, suddhodanaputtēna siddhatthena sadiso añño puriso nāma natthi, mayam sammukhā yuddhaṃ dātum na sakkhissāma, pacchābhāgena dassāmā”ti. Mahāpurisopi tīni passāni oloketvā sabbadevatānaṃ palātattā suññāni addasa. Puna uttarapassena mārabalaṃ ajjhottharamānaṃ disvā “ayaṃ ettako jano maṃ ekakaṃ sandhāya mahantaṃ vāyāmaṃ karoti, imasmim thāne mayhaṃ mātā vā pitā vā bhātā vā añño vā koci ñātako natthi, imā pana dasa pāramiyova mayhaṃ dīgharattaṃ puṭṭhāparijanasadisā. Tasmā mayā pāramiyova balaggaṃ katvā pāramisattheneva paharivā imaṃ

balakāyaṃ viddhamsetuṃ vaṭṭatī”ti dasa pāramiyo āvajjamāno nisīdi.

Atha kho māro devaputto – “vāteneva siddhatthaṃ palāpessāmī”ti **vātamaṇḍalaṃ** samuṭṭhāpesi. Taṅkhaṇaṅñeva puratthimādibhedāvātā samuṭṭhahitvā addhayanayanoyanadvijoyanatiyojanappamāṇāni pabbatakūṭāni padāletvā vanagaccharukkhādīni uddhammūlāni katvā samantā gāmanigame cuṇṇavicuṇṇe kātum samatthāpi mahāpurisassa puññatejena vihatānubhāvā bodhisattaṃ patvā bodhisattassa cīvarakaṇṇamattampi cāletuṃ nāsakkhiṃsu. Tato – “udakena naṃ ajjhottharivā māressāmī”ti **mahāvassam** samuṭṭhāpesi. Tassānubhāvena uparūpari satapaṭalasaḥassapaṭalādibhedā valāhakā uṭṭhahitvā vassimṃsu. Vuṭṭhidhārāvegena pathavī chiddāvachiddā ahoṣi. Vanarukkhādīnaṃ uparibhāgena mahāmegho āgantvā mahāsattassa cīvare ussāvabindugahaṇamattampi temetuṃ nāsakkhi. Tato **pāsānavassam** samuṭṭhāpesi. Mahantāni mahantāni pabbatakūṭāni dhūmāyantāni pajjalantāni ākāsenāgantvā bodhisattaṃ patvā dibbamālāguḷabhāvaṃ āpajjimṃsu. Tato **paharaṇavassam** samuṭṭhāpesi. Ekatothārā ubhatothārā asisattikhurappādayo dhūmāyantā pajjalantā ākāsenāgantvā bodhisattaṃ patvā dibbapupphāni ahesuṃ. Tato **aṅgāravassam** samuṭṭhāpesi. Kiṃsukavaṇṇā aṅgārā ākāsenāgantvā bodhisattassa pādāmūle dibbapupphāni hutvā vikiriṃsu. Tato **kukkuḷavassam** samuṭṭhāpesi. Accuṇho aggivaṇṇo kukkuḷo ākāsenāgantvā bodhisattassa pādāmūle candanacuṇṇaṃ hutvā nipatati. Tato **vālukāvassam** samuṭṭhāpesi. Atisukhumā vālukā dhūmāyantā pajjalantā ākāsenāgantvā mahāsattassa pādāmūle dibbapupphāni hutvā nipatiṃsu. Tato **kalāvassam** samuṭṭhāpesi, taṃ kalalaṃ dhūmāyantaṃ pajjalantaṃ ākāsenāgantvā bodhisattassa pādāmūle dibbavilepanaṃ hutvā nipatati. Tato “iminā bhimsetvā siddhatthaṃ palāpessāmī”ti **andhakāram** samuṭṭhāpesi. Taṃ caturaṅgasamannāgataṃ andhakāraṃ viya mahātamaṃ hutvā bodhisattaṃ patvā sūriyappabhāvihataṃ viya andhakāraṃ antaradhāyi.

Evaṃ so māro imāhi navahi vātavassapāsānapaharaṇaṅgārakukkuḷavālukākālalandhakāravuṭṭhīhi bodhisattaṃ palāpetuṃ asakko – “kiṃ, bhāṇe, tiṭṭhatha, imaṃ siddhatthakumāraṃ gaṇhatha hanatha palāpethā”ti attano parisam āṇāpetvā sayampi girimekhalassa hatthino khandhe nisino cakkāvudhaṃ ādāya bodhisattaṃ upasaṅkamitvā “siddhattha, uṭṭhehi etasmā pallaṅkā, nāyaṃ tuyhaṃ pāpuṇāti, mayhaṃ esa pāpuṇāti”ti āha. Mahāsatto tassa vacanaṃ sutvā avoca – “māra, neva tayā dasa pāramiyo pūritā, na upapāramiyo, na paramatthapāramiyo, nāpi pañca mahāpariccāgā pariccattā, na ñātathacariyā, na lokatthacariyā, na buddhatthacariyā pūritā, sabbā tā mayāyeva pūritā, tasmā nāyaṃ pallaṅko tuyhaṃ pāpuṇāti, mayheveso pāpuṇāti”ti.

Māro kuddho kodhavegaṃ asahanto mahāpurisassa cakkāvudhaṃ vissajjesi. Taṃ tassa dasa pāramiyo āvajjentesseva uparibhāge mālāvitānaṃ hutvā aṭṭhāsi. Taṃ kira khuradhāraṃ cakkāvudhaṃ aññadā kuddhena vassatthaṃ ekagghanapāsānatthambhe vaṃsakalīre viya chindantaṃ gacchati. Idāni pana tasmim mālāvitānaṃ hutvā ṭhite avasesā māraparisā “idāni siddhattho pallaṅkato vuṭṭhāya palāyissatī”ti mahantamahantāni selakūṭāni vissajjesuṃ, tānipi mahāpurisassa dasa pāramiyo āvajjentesseva mālāguḷabhāvaṃ āpajjitvā bhūmiyaṃ patiṃsu. Devatā cakkavāḷamukhavaṭṭiyaṃ ṭhitā gīvaṃ pasāretvā sīsam ukkhipitvā “naṭṭho vata, bho, siddhatthakumārassa rūpaggappatto attabhāvo, kiṃ nu kho so karissatī”ti olokenti.

Tato bodhisatto “pūritapāramīnaṃ bodhisattānaṃ sambujjhanadvise pattapallaṅko mayhaṃ pāpuṇāti”ti vatvā ṭhitaṃ māraṃ āha – “māra, tuyhaṃ dānassa dinnabhāve ko sakkhī”ti. Māro “ime ettakāva janā sakkhino”ti mārabalābhimukhaṃ hatthaṃ pasāresi. Tasmim khaṇe māraparisāya “ahaṃ sakkhi, ahaṃ sakkhī”ti pavattasaddo pathaviundriyanasaddasaddiso ahoṣi. Atha māro mahāpurisaṃ āha – “siddhattha, tuyhaṃ dānassa dinnabhāve ko sakkhī”ti. Mahāpuriso “tuyhaṃ tāva dānassa dinnabhāve sacetanā sakkhino, mayhaṃ pana imasmim ṭhāne sacetano koci sakkhi nāma natthi, tiṭṭhatu tāva me avasesaattabhāvesu dinnadānaṃ, vessantarattabhāve pana ṭhatvā mayhaṃ sattasatakamahādānassa tāva dinnabhāve acetanāpi ayaṃ ghanamahāpathavī sakkhī”ti cīvaragabbhantarato dakkhiṇahatthaṃ abhinīharitvā “vessantarattabhāve ṭhatvā mayhaṃ sattasatakamahādānassa dinnabhāve tvam sakkhi, na sakkhī”ti mahāpathaviyābhimukhaṃ hatthaṃ pasāresi. Mahāpathavī “ahaṃ te tadā sakkhī”ti viravasatena viravasahassena viravasatasahassena mārabalaṃ avattharamānā viya unnadī.

Tato mahāpurise “dinnaṃ te, siddhattha, mahādānaṃ uttamadāna”nti vessantaradānaṃ sammāsante

diyadḍhajojanasatiko girimekhalahatthī jaṇṇukehi pathaviyaṃ paṭiṭṭhāsi, māraparisā disāvidisā palāyimsu, dve ekamaggena gatā nāma natthi, sīsābharaṇāni ceva nivatthavasanāni ca chaḍḍetvā sammukhasammukhadisāhiyeva palāyimsu. Tato devasaṅghā palāyamānaṃ mārabalaṃ disvā “mārassa parājayo jāto, siddhatthakumārassa jayo jāto, jayapūjaṃ karissāma”ti devatā devatānaṃ, nāgā nāgānaṃ, supaṇṇā supaṇṇānaṃ, brahmāno brahmānaṃ ghoṣetvā gandhamālādihattā mahāpurisassa santikaṃ bodhipallaṅkaṃ āgamaṃsu.

Evam gatesu pana tesu –

“Jayo hi buddhassa sirīmato ayaṃ, mārassa ca pāpimato parājayo;
Ugghosayum bodhimaṇḍe pamoditā, jayaṃ tadā devagaṇā mahesino.

“Jayo hi buddhassa sirīmato ayaṃ, mārassa ca pāpimato parājayo;
Ugghosayum bodhimaṇḍe pamoditā, jayaṃ tadā nāgagaṇā mahesino.

“Jayo hi buddhassa sirīmato ayaṃ, mārassa ca pāpimato parājayo;
Ugghosayum bodhimaṇḍe pamoditā, jayaṃ tadā supaṇṇasaṅghāpi mahesino.

“Jayo hi buddhassa sirīmato ayaṃ, mārassa ca pāpimato parājayo;
Ugghosayum bodhimaṇḍe pamoditā, jayaṃ tadā brahmagaṇā mahesino”ti. –

Avasesā dasasu cakkavāḷasahassesu devatā mālāgandhavilepanehi pūjayamānā nānappakārā ca thutiyo vadamānā aṭṭhaṃsu. Evaṃ dharamāneyeva sūriye mahāpuriso mārabalaṃ vidhamitvā cīvarūpari patamānehi bodhirukkhaṅkurehi rattapavāḷadalehi viya pūjyamāno paṭhamayāme pubbenivāsaṃ anussarivā majjhimayāme dibbacakkhum visodhetvā pacchamayāme paṭiccasamuppāde ñāṇaṃ otāresi. Athassa dvādasapadikaṃ paccayākāraṃ vaṭṭavivaṭṭavasena anulomapaṭilomato sammasantassa dasasahassī lokadhātu udakapariyantaṃ katvā dvādasakkhattum saṅkampi.

Mahāpurise pana dasasahassilokadhātuṃ unnādetvā aruṇuggamanavelāya sabbaññutaññāṇaṃ paṭivijjhante sakalā dasasahassī lokadhātu alaṅkatapaṭiyattā ahoṣi. Pācīnacakkavāḷamukhavaṭṭiyaṃ ussāpitānaṃ dhajānaṃ paṭākā pacchimacakkavāḷamukhavaṭṭiṃ paharanti, tathā pacchimacakkavāḷamukhavaṭṭiyaṃ ussāpitānaṃ dhajānaṃ paṭākā pācīnacakkavāḷamukhavaṭṭiṃ paharanti, dakkhiṇacakkavāḷamukhavaṭṭiyaṃ ussāpitānaṃ dhajānaṃ paṭākā uttaracakkavāḷamukhavaṭṭiṃ paharanti, uttaracakkavāḷamukhavaṭṭiyaṃ ussāpitānaṃ dhajānaṃ paṭākā dakkhiṇacakkavāḷamukhavaṭṭiṃ paharanti, pathavitale ussāpitānaṃ dhajānaṃ paṭākā brahmalokaṃ āhacca aṭṭhaṃsu, brahmaloke baddhānaṃ dhajānaṃ paṭākā pathavitale paṭiṭṭhahimsu, dasasahassesu cakkavāḷesu pupphūpagā rukkhā pupphaṃ gaṇhimsu, phalūpagā rukkhā phalapiṇḍibhārasahitā ahesum. Khandhesu khandhapadumāni pupphimsu, sākhasu sākhapadumāni, latāsu latāpadumāni, ākāse olambakapadumāni, ghanasilātalāni bhinditvā uparūpari satapattāni hutvā daṇḍakapadumāni utṭhahimsu. Dasasahassī lokadhātu vaṭṭetvā vissatṭhamālāguḷā viya susanthatapupphasanthāro viya ca pupphābhikiṇṇā ahoṣi. Cakkavāḷantaresu aṭṭhajojanasahassā lokantarikanirayā sattasūriyappabhāhipianobhāsitaṃpubbā tadā ekobhāsā ahesum. Caturāsītiyojanasahassagambhīro mahāsamuddo madhurodako ahoṣi, nadiyo na pavattiṃsu, jaccandhā rūpāni passiṃsu, jātibadhiraṃ saddaṃ suṇiṃsu, jātipiṭṭhasappino padaṣā gacchiṃsu, andubandhanādīni chijjivā paṭiṃsu.

Evam aparimāṇena sirivibhavena pūjyamāno mahāpuriso anekappakāresu acchariyadhammesu pātubhūtesu sabbaññutaṃ paṭivijjhivā sabbabuddhehi avijahitaṃ udānaṃ udānesi –

“Anekajātisaṃsāraṃ, sandhāvissaṃ anibbisam;
Gahakāraṃ gavesanto, dukkhā jāti punappunaṃ.

“Gahakāraka diṭṭhosi, puna gehaṃ na kāhasi;

Sabbā te phāsukā bhaggā, gahakūṭaṃ visaṅkhatam;
Visaṅkhāragataṃ cittaṃ, taṇhānaṃ khayamajjhagā”ti. (dha. pa. 153-154);

Iti tusitabhavanato paṭṭhāya yāva ayaṃ bodhimaṇḍe sabbaññutappatti, ettakaṃ ṭhānaṃ
avidūrenidānaṃ nāmāti veditabbaṃ.

Avidūrenidānakathā niṭṭhitā.

3. Santikenidānakathā

“**Santikenidānaṃ** pana ‘ekaṃ samayaṃ bhagavā sāvattiyaṃ viharati jetavane anāthapiṇḍikassa ārāme’. ‘Vesāliyaṃ viharati mahāvane kūṭāgārasālāya’nti ca evaṃ tasmim tasmim ṭhāneyeva labbhatī”ti vuttaṃ. Kiñcāpi evaṃ vuttaṃ, atha kho pana tampi ādito paṭṭhāya evaṃ veditabbaṃ – udānañhi udānetvā jayapallaṅke nisinnassa bhagavato etadahosi – ‘ahaṃ kappasatasahassādhikāni cattāri asaṅkhyeyyāni imassa pallaṅkassa kāraṇā sandhāviṃ, ettakaṃ me kālaṃ imasseva pallaṅkassa kāraṇā alaṅkatasisaṃ gīvāya chinditvā dinnaṃ, suañjitāni akkhīni hadayamaṃsaṅca uppātevā dinnaṃ, jālikumārasadisā puttā, kaṇhājīnakumārisadisā dhītaro, maddīdevisadisā bhariyāyo ca paresaṃ dāsathāya dinnā. Ayaṃ me pallaṅko jayapallaṅko thirapallaṅko, ettha me nisinnassa saṅkappā paripuṇṇā, na tāva ito vuṭṭhahissāmī”ti anekakoṭṭisatasahassasamāpattiyo samāpajjanto sattāhaṃ tattheva nisīdi. Yaṃ sandhāya vuttaṃ – ‘atha kho bhagavā sattāhaṃ ekapallaṅkena nisīdi vimuttisukhapaṭisaṃvedī”ti (mahāva. 1; udā. 1).

Atha ekaccānaṃ devatānaṃ ‘ajjāpi nūna siddhatthassa kattabbakiccaṃ atthi, pallaṅkasmiñhi ālayaṃ na vijahatī”ti parivittakko udapādi. Sathā devatānaṃ parivittakkaṃ ñatvā tāsāṃ vitakkavūpasamattaṃ vehāsaṃ abbhuggantvā yamakapāṭihāriyaṃ dassesi. Mahābodhimaṇḍe hi katapāṭihāriyaṅca ñātisamāgame katapāṭihāriyaṅca pāthikaputtasamāgame katapāṭihāriyaṅca sabbāṃ kaṇḍambarukkhamūle katayamakapāṭihāriyasadisāṃ ahosi.

Evaṃ sathā iminā pāṭihāriyena devatānaṃ vitakkaṃ vūpasametvā pallaṅkato īsakaṃ pācīnanissite uttaradisābhāge ṭhatvā ‘imasmiṃ vata me pallaṅke sabbaññutaṃ paṭividdha”nti cattāri asaṅkhyeyyāni kappasatasahassaṅca pūritānaṃ pāramīnaṃ balādhigamaṭṭhānaṃ pallaṅkaṃ bodhirukkhaṅca animisehi akkhīhi olokayamāno sattāhaṃ vītināmesi, taṃ ṭhānaṃ **animisacetiyaṃ** nāma jātaṃ. Atha sathā pallaṅkassa ca ṭhitatṭhānassa ca antarā caṅkamaṃ māpetvā puratthimapacchimoto āyate ratanacaṅkame caṅkamanto sattāhaṃ vītināmesi. Taṃ ṭhānaṃ **ratanacaṅkamacetiyaṃ** nāma jātaṃ.

Catutthe pana sattāhe bodhito pacchimuttaradisābhāge devatā ratanagharaṃ māpayiṃsu. Tattha bhagavā pallaṅkena nisīditvā abhidhammapīṭakaṃ visesato cettha anantanayasamantapaṭṭhānaṃ vicinanto sattāhaṃ vītināmesi. Abhidhammikā panāhu – ‘ratanagharaṃ nāma na sattaratanamayaṃ gehaṃ, sattannaṃ pana pakaraṇānaṃ sammāsitaṭṭhānaṃ ‘ratanaghara’nti vuccatī”ti. Yasmā panettha ubhopete pariāyena yujjanti, tasmā ubhayampetaṃ gahetabbameva. Tato paṭṭhāya pana taṃ ṭhānaṃ **ratanagharacetiyaṃ** nāma jātaṃ. Evaṃ sathā bodhisamīpeyeva cattāri sattāhāni vītināmetvā pañcame sattāhe bodhirukkhamūlā yena ajapālanigrodho tenupasaṅkami. Tatrāpi dhammaṃ vicinanto vimuttisukhaṅca paṭisaṃvedento nisīdi.

Tasmim samaye māro pāpimā ‘ettakaṃ kālaṃ anubandhanto otārāpekkhopi imassa na kiñci khalitaṃ addasaṃ, atikkantodāni esa mama vasa”nti domanassappatto mahāmagge nisīditvā soḷasa kāraṇāni cintento bhūmiyaṃ soḷasa lekha ākaḍḍhi – ‘ahaṃ eso viya dānapāramiṃ na pūresiṃ, tenamhi iminā sadiso na jāto”ti ekaṃ lekhaṃ ākaḍḍhi. Tathā ‘ahaṃ eso viya sīlapāramiṃ...pe... nekkhammapāramiṃ, paññāpāramiṃ, vīriyapāramiṃ, khantipāramiṃ, saccapāramiṃ, adhiṭṭhānapāramiṃ, mettāpāramiṃ, upekkhāpāramiṃ na pūresiṃ, tenamhi iminā sadiso na jāto”ti dasamaṃ lekhaṃ ākaḍḍhi. Tathā ‘ahaṃ eso viya asādhāraṇassa indriyaparopariyattañāṇassa paṭivedhāya upanissayabhūtā dasa pāramiyo na pūresiṃ, tenamhi iminā sadiso na jāto”ti ekādasamaṃ lekhaṃ ākaḍḍhi. Tathā ‘ahaṃ eso viya asādhāraṇassa āsayānusayañāṇassa...pe... mahākaruṇāsamāpattiñāṇassa, yamakapāṭihāriyañāṇassa, anāvarenañāṇassa, sabbaññutañāṇassa paṭivedhāya upanissayabhūtā dasa pāramiyo na pūresiṃ, tenamhi iminā sadiso na

jāto”ti soḷasamaṃ lekhaṃ ākaḍḍhi. Evaṃ māro imehi kāraṇehi mahāmagge soḷasa lekha ākaḍḍhitvā nisīdi.

Tasmiṃca samaye taṇhā, arati, ragā cāti tisso māradhītarō (saṃ. ni. 1.161) “pitā no na paññāyati, kahaṃ nu kho etarahī”ti olokayamānā taṃ domanassappattaṃ bhūmiṃ lekhamānaṃ nisinnaṃ disvā pitu santikaṃ gantvā “kasmā, tāta, tvaṃ dukkhī dummano”ti pucchimsu. “Ammā, ayaṃ mahāsamaṇo mayhaṃ vasaṃ atikkanto, ettakaṃ kālaṃ olokento otāramassa daṭṭhuṃ nāsakkhiṃ, tenaṃhi dukkhī dummano”ti. “Yadi evaṃ mā cintayittha, mayametaṃ attano vase katvā ādāya āgamissāma”ti āhaṃsu. “Na sakkā, amma, esa kenaci vase kātuṃ, acalāya saddhāya patiṭṭhito esa puriso”ti. “Tāta, mayaṃ itthiyo nāma, idāneva naṃ rāgapāsādīhi bandhitvā ānessāma, tumhe mā cintayitthā”ti vatvā bhagavantaṃ upasaṅkamitvā “pāde te, samaṇa, paricāremā”ti āhaṃsu. Bhagavā neva tāsāṃ vacanaṃ manasi akāsi, na akkhīni ummīletvā olokesi, anuttare upadhisaṅkhaye vimuttiyā vivekasukhaññeva anubhavanto nisīdi.

Puna māradhītarō “uccāvacā kho purisānaṃ adhippāyā, kesañci kumārikāsu pemaṃ hoti, kesañci paṭhamavaye ṭhitāsu, kesañci majjhimavaye ṭhitāsu, kesañci pacchimavaye ṭhitāsu, yaṃnūna mayaṃ nānappakārehi rūpehi palobhetvā gaṇheyyāma”ti ekamekā kumārikavaṇṇādivasena sakaṃ sakaṃ atabhāvaṃ abhinimmitvā kumārikā, avijātā, sakiṃvijātā, duvijātā, majjhimitthiyo, mahitthiyo ca hutvā chakkhattuṃ bhagavantaṃ upasaṅkamitvā “pāde te, samaṇa, paricārema”ti āhaṃsu. Tampi bhagavā na manasākāsi, yathā taṃ anuttare upadhisaṅkhaye vimutto. Keci pañcariyā vadanti – “tā mahitthibhāvena upagatā disvā bhagavā – ‘etā khaṇḍadantā palitakesā hontū”ti adhiṭṭhāsī”ti. Taṃ na gahettabbaṃ. Na hi bhagavā evarūpaṃ adhiṭṭhānaṃ akāsi. Bhagavā pana “apetha tumhe, kiṃ disvā evaṃ vāyamatha, evarūpaṃ nāma avītarāgādīnaṃ purato kātuṃ vaṭṭati. Tathāgatassa pana rāgo pahīno, doso pahīno, moho pahīno”ti attano kilesappahānaṃ ārabha –

“Yassa jitaṃ nāvajīyati, jitamassa noyāti koci loke;
Taṃ buddhamanantagocaraṃ, apadaṃ kena padena nessatha.

“Yassa jālinī visattikā, taṇhā natthi kuliñci netave;
Taṃ buddhamanantagocaraṃ, apadaṃ kena padena nessathā”ti. (dha. pa. 179-180) –

Imā dhammapade buddhavagge dve gāthā vadanto dhammaṃ desesi. Tā “saccaṃ kira no pitā avoca, ‘arahaṃ sugato loke, na rāgena suvānayo””tiādīni (saṃ. ni. 1.161) vatvā pitu santikaṃ āgamiṃsu.

Bhagavāpi tattheva sattāhaṃ vītināmetvā tato **mucalindamūlaṃ** āgamāsi. Tattha sattāhavaddalikāya uppannāya sītādiṭṭhānaṃ taṃ mucalindena nāma nāgarājena sattakkhattuṃ bhogehi parikkhitto asambādhāya gandhakuṭiyāṃ viharanto viya vimuttisukhaṃ paṭisaṃvediyamāno sattāhaṃ vītināmetvā rājāyatanaṃ upasaṅkamitvā tatthapi vimuttisukhaṃ paṭisaṃvediyamānoyeva sattāhaṃ vītināmesi. Ettāvata satta sattāhāni paripuṇṇāni. Etthantare neva mukhadhovaṇaṃ, na sarīrapaṭijagganaṃ, na āhāraṅgamaṃ ahoṣi, jhānasukhaphalasukheneva ca vītināmesi.

Athassa tasmiṃ sattaṃ sattāhamatthake ekūnapaññāsatiṃ divase tattha nisinnassa “mukhaṃ dhovissāmi”ti cittaṃ udapādi. Sakko devānamindo agadaharītakāṃ āharitvā adāsi, sathā taṃ paribhuñji, tenassa sarīraṅgamaṃ ahoṣi. Athassa sakkoyeva nāgalatādantakaṭṭhañceva mukhadhovanodakañca adāsi. Sathā taṃ dantakaṭṭhaṃ khādītva anotattadahodakena mukhaṃ dhovitvā tattheva rājāyatanaṃ nisīdi.

Tasmiṃ samaye **tapussa bhallikā** nāma dve vāñijā pañcahi sakaṭasatehi **ukkalā** janapadā majjhimadesaṃ gacchantā pubbe attano nātisālohitāya devatāya sakaṭāni sannirumbhitvā satthu āhārasampādane ussāhitā manthañca madhupiṇḍikañca ādāya – “paṭiggaṇhātu no, bhante, bhagavā imaṃ āhāraṃ anukampaṃ upādāya”ti sathāraṃ upanāmetvā aṭṭhaṃsu. Bhagavā pāyāsapaṭiggahaṇadivaseyeva pattassa antarahitattā “na kho tathāgatā hatthesu paṭiggaṇhanti, kimhi nu kho ahaṃ paṭiggaṇheyya”nti cintesi. Athassa cittaṃ nītvā catūhi disāhi cattāro mahārājāno indaṇḍīlāmaṇimaye patte upanāmesuṃ, bhagavā te paṭikkhipi. Puna muggavaṇṇaselaṃ patte upanāmesuṃ. Bhagavā catunnampi mahārājānaṃ saddhānurakkhaṇatthāya cattāropi patte paṭiggahetvā uparūpari ṭhapetvā “eko hotū”ti

adhiṭṭhāsi. Cattāropi mukhavatṭiyam paññāyamānalekhā hutvā majjhimappamāṇena ekattam upagamimsu. Bhagavā tasmim paccagghe selamaye patte āhāram paṭiggahetvā paribhuñjitvā anumodanam akāsi. Te dve bhātaro vāñijā buddhañca dhammañca saraṇam gantvā dvevācikā upāsakā ahesum. Atha nesam “ekam no, bhante, paricaritabbaṭṭhānam dethā”ti vadantānam dakkhiṇahatthena attano sīsam parāmasitvā kesadhātuyo adāsi. Te attano nagare tā dhātuyo suvaṇṇasamuggassa anto pakkhipitvā cetiyam paṭiṭṭhapesum.

Sammāsambuddho pana tato vuṭṭhāya puna ajapālanigrodhameva gantvā nigrodhamūle nisīdi. Athassa tattha nisinnamattasseva attanā adhigatadhammassa gambhīratam paccavekkhantassa sabbabuddhānam āciṇṇo – “kicchena adhigato kho myāyam dhammo”ti paresam adesetukāmatākārappatto vitakko udapādi. Atha kho **brahmā sahapati** “nassati vata bho loko, vinassati vata bho loko”ti dasahi cakkavāḷasahashehi sakkasuyāmasantusitanimmānarativasavattimahābrahmāno ādāya satthu santikam āgantvā “desetu, bhante, bhagavā dhamma”ntiādīnā nayena dhammadesanam āyāci.

Satthā tassa paṭiññam datvā “kassa nu kho aham paṭhamam dhammam deseyya”nti cintento “āḷāro paṇḍito, so imam dhammam khippam ājānissatī”ti cittam uppādetvā puna olokento tassa sattāhakālaṅkatabhāvam ṅatvā udakam āvajjesi. Tassāpi abhidosakālaṅkatabhāvam ṅatvā “bahūpakārā kho me pañcavaggiyā bhikkhū”ti pañcavaggiye ārabba manasi katvā “kham nu kho te etarahi viharantī”ti āvajjento “bārānasiyam isipatane migadāye”ti ṅatvā katipāham bodhimaṇḍasāmantāyeva piṇḍāya caranto viharitvā “āsāḷhipuṇṇamāyam bārānasm gantvā dhammacakkaṃ pavattessāmī”ti pakkhassa cātuddasiyam paccūsasamaye paccuṭṭhāya pabhātāya rattiyā kālasseva pattacivaramādāya aṭṭhārasayojanamaggaṃ paṭipanno antarāmagge **upakam** nāma ājīvakaṃ disvā tassa attano buddhabhāvam ācikkhitvā tam divasameva sāyanhasamaye isipatanam sampāpuṇi.

Pañcavaggiyā tathāgataṃ dūratova āgacchantam disvā “ayam āvuso, samaṇo gotamo paccayabāhullāya āvattitvā paripuṇṇakāyo piṇḍriyo suvaṇṇavaṇṇo hutvā āgacchatī. Imassa vandanādīni na karissāma, mahākulappasuto kho panesa āsanābhīhāram arahatī, tenassa āsanamattam paññāpessāmā”ti katikam akamsu. Bhagavā sadevakassa lokassa cittācārājānanasamatthena ṅāṇena “kiṃ nu kho ime cintayimsū”ti āvajjetvā cittam aññāsi. Atha tesu sabbadevamanussesu anodissakavasena pharaṇasamattham mettacittam saṅkhipitvā odissakavasena mettacittena phari. Te bhagavatā mettacittena samphuṭṭhā tathāgate upasaṅkamante sakāya katikāya saṅṭhātum asakkontā paccuggantvā abhivādanādīni sabbakiccāni akamsu. Sammāsambuddhabhāvam panassa ajānantā kevalam nāmena ca āvusovādena ca samudācarimsu.

Atha ne bhagavā – “mā, bhikkhave, tathāgataṃ nāmena ca āvusovādena ca samudācaratha. Araham, bhikkhave, tathāgato sammāsambuddho”ti attano buddhabhāvam ṅāpetvā paññattavarabuddhāsane nisinno uttarāsāḷhanakkhattayoge vattamāne aṭṭhārasahi brahmakotīhi parivuto pañcavaggiyatthere āmantetvā tiparivatṭam dvādasākāram chaññānavijambhanam anuttaram **dhammacakkappavattanasuttantam** (mahāva. 13 ādayo; sam. ni. 5.1081) desesi. Tesu koṇḍaññatthero desanānusārena ṅānam pesento suttpariyosāne aṭṭhārasahi brahmakotīhi saddhim sotāpattiphale paṭiṭṭhāsi. Satthā tattheva vassam upagantvā punadivase vappattheram ovdanto vihareyeva nisīdi, sesā cattāropi piṇḍāya carimsu. Vappatthero pubbaṇḍeyeva sotāpattiphalaṃ pāpuṇi. Etenevupāyena punadivase bhaddiyattheram, punadivase mahānāmattheram, punadivase assajittheranti sabbe sotāpattiphale paṭiṭṭhāpetvā pañcamiyam pakkhassa pañcapi there sannipātetvā **anattalakkhaṇasuttantam** (mahāva. 20 ādayo; sam. ni. 3.59) desesi. Desanāpariyosāne pañcapi therā arahatte paṭiṭṭhahimsu. Atha satthā **yasassa** kulaputtassa upanissayam disvā tam rattibhāge nibbijitvā geham pahāya nikkhantaṃ “ehi yasā”ti pakkositvā tasmimyeva rattibhāge sotāpattiphale, punadivase arahatte paṭiṭṭhāpetvā, aparepi tassa sahāyake **catupaññāsajane** ehibhikkhupabbajjāya pabbājetvā arahattam pāpesi.

Evam loka ekasatṭhiyā arahantesu jātesu satthā vuṭṭhavasso pavāretvā “caratha bhikkhave cārika”nti satṭhibhikkhū disāsu pesetvā sayam uruvelam gacchanto antarāmagge kappāsikavanasaṇḍe **tiṃsabhaddavaggiyakumāre** vinesi. Tesu sabbapacchimako sotāpanno, sabbuttamo anāgāmī ahosi. Tepi sabbe ehibhikkhubhāveneva pabbājetvā disāsu pesetvā uruvelam gantvā aḍḍhuḍḍhapāṭihāriyasahassāni dassetvā uruvelakassapādayo sahasajāṭilaparivāre **tebhātikajaṭile** vinetvā ehibhikkhubhāvena pabbājetvā

gayāsīse nisīdāpetvā **ādittapariyāyadesanāya** (mahāva. 54) arahatte patiṭṭhāpetvā tena arahantasahassena parivuto “bimbisārarañño dinnapaṭiññaṃ mocessāmī”ti rājagahanagarūpacāre laṭṭhivanuyyānaṃ agamāsi. Rājā uyyānapālassa santikā “sathā āgato”ti sutvā dvādasanahutehi brāhmaṇagahapatikehi parivuto sathāraṃ upasaṅkamtivā cakkavicittatalesu suvaṇṇapaṭṭavītānaṃ viya pabhāsamudayaṃ vissajjentesu tathāgatassa pādesu sirasā nipatitvā ekamantaṃ nisīdi saddhiṃ parisāya.

Atha kho tesam brāhmaṇagahapatikānaṃ etadahosi – “kiṃ nu kho mahāsamaṇo uruvelakassape brahmacariyaṃ carati, udāhu uruvelakassapo mahāsamaṇe”ti. Bhagavā tesam cetassā cetoparivitakkamaññāya uruvelakassapaṃ gāthāya ajjhabhāsi –

“Kimeva disvā uruvelavāsi, pahāsi aggiṃ kisakovadāno;
Pucchāmi taṃ kassapa etamatthaṃ, kathaṃ pahīnaṃ tava aggihutta”nti. –

Theropi bhagavato adhippāyaṃ viditvā –

“Rūpe ca sadde ca atho rase ca, kāmitthiyo cābhivadanti yaññā;
Etaṃ malantī upadhīsu ñatvā, tasmā na yitthe na hute arañji”nti. (mahāva. 55) –

Imaṃ gāthaṃ vatvā attano sāvakahāvappakāsanatthaṃ tathāgatassa pādapiṭṭhe sīsaṃ ṭhapetvā “sathā me, bhante bhagavā, sāvakoḥamasmī”ti vatvā ekatālaṃ dvitālaṃ titālanti yāva sattatālappanānaṃ sattakkhattuṃ vehāsaṃ abbhuggantvā oruyha tathāgataṃ vanditvā ekamantaṃ nisīdi. Taṃ pāṭihāriyaṃ disvā mahājano “aho mahānubhāvā buddhā, evañhi thāmagatadiṭṭhiko nāma ‘arahā’ti maññamāno uruvelakassapopi diṭṭhijālaṃ bhinditvā tathāgatena damito”ti satthu guṇakathaṃyeva kathesi. Bhagavā “nāhaṃ idāniyeva uruvelakassapaṃ damemi, atītepi esa mayā damito”ti vatvā imissā aṭṭhuppattiyā **mahānāradakassapajātakaṃ** (jā. 2.22.1153 ādayo) kathetvā cattāri saccāni pakāsesi. Rājā ekādasahi nahutehi saddhiṃ sotāpattiphale patiṭṭhāsi, ekanahutaṃ upāsakattaṃ paṭivedesi. Rājā satthu santike nisinnoyeva pañca assāsake pavedetvā saraṇaṃ gantvā svātanāya nimantetvā uṭṭhāyāsanaṃ bhagavantaṃ padakkhiṇaṃ katvā pakkamī.

Punadivase yehi ca bhagavā hiyyo diṭṭho, yehi ca adiṭṭho, te sabbepi rājagahavāsino aṭṭhārasakoṭisaṅkhā manussā tathāgataṃ daṭṭhukāmā pātova rājagahato laṭṭhivanuyyānaṃ agamaṃsu. Tigāvuto maggo nappahosi, sakalalaṭṭhivanuyyānaṃ nirantaraṃ phuṭaṃ ahosi. Mahājano dasabalassa rūpasobhaggappattaṃ attabhāvaṃ passantopi tittim kātuṃ nāsakkhi. Vaṇṇabhūmi nāmesā. Evarūpesu hi ṭhānesu bhagavato lakkhaṇānubyañjanādippabhedā sabbāpi rūpakāyasirī vaṇṇetabbā. Evaṃ rūpasobhaggappattaṃ dasabalassa sarīraṃ passamānena mahājanena nirantaraṃ phuṭe uyyāne ca gamanamagge ca ekabhikkhussapi nikkhamaṇokāso nāhosi. Taṃ divasaṃ kira bhagavato bhattaṃ chinnaṃ bhaveyya, tasmā “taṃ mā ahoṣī”ti sakkassa nisinnāsaṇaṃ uṇhākāraṃ dassesi. So āvajjamāno taṃ kāraṇaṃ ñatvā māṇavakavaṇṇaṃ abhinimminivā buddhadhammasaṅghapaṭisaṃyuttā thutiyo vadamāno dasabalassa purato otarivā devānubhāvena okāsaṃ katvā –

“Danto dantehi saha purāṇajaṭilehi, vipparamutto vipparamuttehi;
Siṅgīnikkhasavaṇṇo, rājagahaṃ pāvīsi bhagavā.

“Mutto muttehi...pe....

“Tiṇṇo tiṇṇehi...pe....

“Santo santehi...pe... rājagahaṃ pāvīsi bhagavā.

“Dasavāso dasabalo, dasadhammavidū dasabhi cupeto;
So dasasataparivāro, rājagahaṃ pāvīsi bhagavā”ti. (mahāva. 58) –

Imāhi gāthāhi satthu vaṇṇaṃ vadamāno purato pāyāsi. Tadā mahājano māṇavakassa rūpasiriṃ disvā “ativiya abhirūpo vatāyaṃ māṇavako, na kho pana amhehi diṭṭhapubbo”ti cintetvā “kuto ayaṃ māṇavako, kassa vā aya”nti āha. Taṃ sutvā māṇavo –

“Yo dhīro sabbadhi danto, suddho appaṭipuggalo;
Arahaṃ sugato loke, tassāhaṃ paricārako”ti. – gāthamāha;

Satthā sakkena katokāsaṃ maggaṃ paṭipajjitvā bhikkhusahassaparivuto rājagahaṃ pāvīsi. Rājā buddhappamukhassa saṅghassa mahādānaṃ datvā “ahaṃ, bhante, tīṇi ratanāni vinā vasitum na sakkhissāmi, velāya vā avelāya vā bhagavato santikaṃ āgamissāmi, laṭṭhivanuyyānañca nāma atidūre, idaṃ pana amhākaṃ veḷuvanuyyānaṃ nātidūraṃ naccāsannaṃ gamanāgamanasampannaṃ buddhārahaṃ senāsanaṃ. Idaṃ me, bhante, bhagavā paṭiggaṇhātū”ti suvaṇṇabhiṅgārena pupphagandhavāsitaṃ maṇivaṇṇaṃ udakamādāya veḷuvanuyyānaṃ pariccajanto dasabalassa hatthe udakaṃ pātesi. Tasmim ārame paṭiggahiteyeva “buddhasāsanaṃ mūlāni otiṇṇāni”ti mahāpathavī kampi. Jambudīpatalasmiñhi ṭhapetvā veḷuanaṃ aññaṃ mahāpathaviṃ kampetvā gahitasenāsanaṃ nāma natthi. Tambapaṇṇidīpepi ṭhapetvā mahāvihāraṃ aññaṃ pathaviṃ kampetvā gahitasenāsanaṃ nāma natthi. Satthā veḷuvanārāmaṃ paṭiggahetvā rañño anumodanaṃ katvā utṭhāyāsanaṃ bhikkhusaṅghaparivuto veḷuanaṃ agamāsi.

Tasmim kho pana samaye sārīputto ca moggallāno cāti dve paribbājakā rājagahaṃ upanissāya viharanti amataṃ pariyesamānā. Tesu sārīputto assajittheraṃ piṇḍāya pavitṭhaṃ disvā pasannacitto payirupāsītva “ye dhammā hetuppabhavā”tiādigāthaṃ (mahāva. 60; apa. thera 1.1.286) sutvā sotāpattiphale paṭiṭṭhāya attano sahāyakassa moggallānassapi tameva gāthaṃ abhāsi. Sopi sotāpattiphale paṭiṭṭhahi. Te ubhopi **sañcayam** oloketvā attano parisāya saddhiṃ bhagavato santike pabbajimsu. Tesu moggallāno sattāhena arahattaṃ pāpuṇi, sārīputto aḍḍhamāsenā. Ubhopi te satthā aggasāvakaṭṭhāne ṭhapesi. Sārīputtattherena ca arahattaṃ pattadivaseyeva sannipātaṃ akāsi.

Tathāgate pana tasmiññeva veḷuvanuyyāne viharante suddhodanamahārājā “putto kira me chabbassāni dukkarakārikaṃ caritvā paramābhisambodhiṃ patvā pavattavaradhammacakko rājagahaṃ upanissāya veḷuvane viharatī”ti sutvā aññataraṃ amaccaṃ āmantesi – “ehi bhāṇe, tvaṃ purisasahassaparivāro rājagahaṃ gantvā mama vacanena ‘pitā te suddhodanamahārājā daṭṭhukāmo’ti vatvā mama puttaṃ gaṇhitvā ehi”ti āha. So “evaṃ, devā”ti rañño vacanaṃ sirasā sampaṭicchitvā purisasahassaparivāro khippameva saṭṭhiyojanamaggaṃ gantvā dasabalassa catuparisamajjhe nisīditvā dhammadesanāvelāyaṃ vihāraṃ pāvīsi. So “tiṭṭhatu tāva raññaṃ pahitasāsana”nti parisapariyante ṭhito satthu dhammadesanaṃ sutvā yathāṭhitova saddhiṃ purisasahassena arahattaṃ patvā pabbajjaṃ yāci. Bhagavā “etha bhikkhavo”ti hatthaṃ pasāresi. Sabbe taṅkhaṇaṇñeva iddhimayapattacīvaradharā saṭṭhivassikattherā viya ahesuṃ. Arahattaṃ pattakālato paṭṭhāya pana ariyā nāma majjhātāva hontīti, so raññaṃ pahitasāsanaṃ dasabalassa na kathesi. Rājā – “neva gato āgacchati, na sāsanaṃ suyyatī”ti “ehi bhāṇe, tvaṃ gacchā”ti eteneva niyāmena aññaṃ amaccaṃ pesesi. Sopi gantvā purimanayeneva saddhiṃ parisāya arahattaṃ patvā tuṅhī ahoṣi. Puna rājā “ehi bhāṇe, tvaṃ gaccha, tvaṃ gacchā”ti eteneva niyāmena aparepi satta amacce pesesi. Te sabbe nava purisasahassaparivārā nava amaccā attano kiccaṃ niṭṭhāpetvā tuṅhībhūtā tattheva vihariṃsu.

Rājā sāsanaṃ attampi āharitvā ācikkhantaṃ alabhivā cintesi – “ettakāpi janā mayi sinehābhāvena sāsanaṃ attampi na paccāhariṃsu, ko nu kho me sāsanaṃ karissatī”ti sabbaṃ rājabalaṃ olokeno **kāḷudāyim** addasa. So kira rañño sabbatthasādhako abbhantariko ativiya vissāsiko amacco bodhisattena saddhiṃ ekadivase jāto sahapaṃsukīlako sahāyo. Atha naṃ rājā āmantesi – “tāta kāḷudāyi, ahaṃ mama puttaṃ daṭṭhukāmo navapurisasahassaparivārena nava amacce pesesiṃ, tesu ekopi āgantvā sāsanaṃ attamaṃ ārocento nāma natthi. Dujjāno kho pana me jīvitantarāyo, jīvamānoyevāhaṃ puttaṃ daṭṭhukāmo. Sakkhissasi nu kho me puttaṃ dassetu”nti? “Sakkhissāmi, deva, sace pabbajitum labhissāmi”ti. “Tāta, tvaṃ pabbajito vā apabbajito vā mayhaṃ puttaṃ dassehī”ti. So “sādhu, devā”ti rañño sāsanaṃ ādāya rājagahaṃ gantvā satthu dhammadesanāvelāya parisapariyante ṭhito dhammaṃ sutvā saparivāro arahattaṃ patvā ehibhikkhubhāvena pabbajitvā vihāsi.

Satthā buddho hutvā paṭhamaṃ antovassaṃ isipatane vasitvā vuṭṭhavasso pavāretvā uruvelaṃ gantvā

tattha tayo māse vasanto tebhātikajaṭile vinetvā bhikkhusahassaparivāro phussamāsapuṇṇamāyaṃ rājagahaṃ gantvā dve māse vasi. Ettāvataṃ bārāṇasito nikkhantassa pañca māsā jātā, sakalo hemanto atikkanto. Kāḷudāyittherassa āgatadivasato sattaṭṭhadivasā vītivattā. Thero phagguṇamāsapuṇṇamāyaṃ cintesi – “atikkanto dāni hemanto, vasantasamayo anuppatto, manussehi sassādīni uddharitvā sammukhasammukhaṭṭhānehi maggā dinnā, haritatiṇasañchannā pathavī, supupphitā vanasaṇḍā, paṭipajjanakkhamā maggā, kālo dasabalassa ñātisaṅgahaṃ kātu”nti. Atha bhagavantam upasaṅkamitvā –

“Aṅgārino dāni dumā bhadante, phalesino chadanaṃ vippahāya;
Te accimantova pabhāsanti, samayo mahāvīra bhāgī rasānaṃ...pe.... (theragā. 527);

“Nātisītam nātiuṇham, nātidubbhikkhachātakaṃ;
Saddalā haritā bhūmi, esa kālo mahāmuni”ti. –

Saṭṭhimattāhi gāthāhi dasabalassa kulanagaragamanavaṇṇaṃ vaṇṇesi. Atha naṃ satthā – “kiṃ nu kho, udāyi, madhurassarena gamanavaṇṇaṃ vaṇṇesī”ti āha. “Tumhākaṃ, bhante, pitā suddhodanamahārājā tumhe passitukāmo, karotha ñātakānaṃ saṅgaha”nti. “Sādhu, udāyi, karissāmi ñātakānaṃ saṅgahaṃ, bhikkhusaṅghassa ārocehi, gamiyavattaṃ paripūressanti”ti. “Sādhu, bhante”ti thero tesam ārocesi.

Bhagavā aṅgamagadhavāsīnaṃ kulaputtānaṃ dasahi sahassehi, kapilavatthuvāsīnaṃ dasahi sahassehī sabbeheva vīsatisahasseehi khīṇāsavabhikkhūhi parivuto rājagahā nikkhamitvā divase divase yojanaṃ gacchati. “Rājagahato saṭṭhiyojanaṃ kapilavatthum dvīhi māsehi pāpuṇissāmī”ti aturitaṅgārikam pakkāmi. Theropi “bhagavato nikkhantabhāvaṃ rañño ārocessāmī”ti vehāsaṃ abbhuggantvā rañño nivesane pāturahosi. Rājā theram disvā tuṭṭhacitto mahārahe pallanke nisīdāpetvā attano paṭiyāditassa nānaggarasabhojanaṃ pattaṃ pūretvā adāsi. Thero uṭṭhāya gamanākāraṃ dassesi. “Nisīditvā bhuñja, tāta”ti. “Satthu santikaṃ gantvā bhuñjissāmi, mahārājā”ti. “Kahaṃ pana, tāta, satthā”ti? “Vīsatisahasabhikkhuparivāro tumhākaṃ dassanattāya cārikaṃ nikkhanto, mahārājā”ti. Rājā tuṭṭhamānaṃ āha – “tumhe imaṃ paribhuñjitvā yāva mama putto imaṃ nagaraṃ pāpuṇāti, tāvassa itova piṇḍapātaṃ pariharathā”ti. Thero adhivāsesi. Rājā theram parivisitvā pattaṃ gandhacūṇṇena ubbaṭṭetvā uttamassa bhojanaṃ pūretvā “tathāgatassa dethā”ti therassa hatthe paṭiṭṭhāpesi. Thero sabbesaṃ passantānaṃyeva pattaṃ ākāse khipitvā sayampi vehāsaṃ abbhuggantvā piṇḍapātaṃ āharitvā satthu hatthe ṭhapesi. Satthā taṃ paribhuñji. Eteneva upāyena thero divase divase piṇḍapātaṃ āhari. Satthāpi antarāmagge rañño yeva piṇḍapātaṃ paribhuñji. Theropi bhattakiccāvasāne divase divase “ajja bhagavā ettakaṃ āgato, ajja ettaka”nti buddhaguṇapaṭisaṃyuttāya ca kathāya sakalaṃ rājakulaṃ satthudassanaṃ vināyeva satthari sañjātapasādaṃ akāsi. Teneva naṃ bhagavā “etadaggaṃ, bhikkhave, mama sāvakaṇaṃ bhikkhūnaṃ kulappasādaṃ yadidaṃ kāḷudāyī”ti (a. ni. 1.219, 225) etadagge ṭhapesi.

Sākiyāpi kho anuppatte bhagavati “amhākaṃ ñātisetṭhaṃ passissāmā”ti sannipatitvā bhagavato vasaṇṭṭhānaṃ vīmaṃsamānā “nigrodhasakkassa ārāmo ramaṇīyo”ti sallakkhetvā tattha sabbaṃ paṭijaggaṇavidhiṃ kāretvā gandhapupphahatthā paccuggamaṃ karontā sabbalaṅkārapaṭimaṇḍite daharadahare nāgaradārake ca nāgaradārikāyo ca paṭhamam paṇiṇṇesu, tato rājakumāre ca rājakumārikāyo ca, tesam anantarā sāmam gandhapupphādīhi pūjayamānā bhagavantam gahetvā nigrodhārāmameva agamaṃsu. Tattha bhagavā vīsatisahasakhīṇāsavaparivuto paññattavarabuddhāsane nisīdi. Sākiyā nāma mānājātikā mānatthaddhā, te “siddhatthakumāro amhehi daharataro, amhākaṃ kaniṭṭho, bhāgineyyo, putto, nattā”ti cintetvā daharadahare rājakumāre āhaṃsu – “tumhe vandatha, mayaṃ tumhākaṃ piṭṭhito nisīdissāmā”ti.

Tesu evam avanditvā nisīnesu bhagavā tesam ajjhāsayaṃ oloketvā “na maṃ ñātayo vandanti, handa dāni te vandāpessāmī”ti abhiññāpādaṃ catuttham jhānaṃ samāpajjitvā tato vuṭṭhāya ākāsaṃ abbhuggantvā tesam sīse pādapaṃsum okiramāno viya kaṇḍambarukkhamaṇḍile yamakapāṭihāriyasadisam pāṭihāriyam akāsi. Rājā taṃ acchariyam disvā āha – “bhante, tumhākaṃ jātadivase kāladevalassa vandanaṭṭhaṃ upanītānaṃ vopāde parivattetvā brāhmaṇassa matthake paṭiṭṭhite disvāpi aham tumhākaṃ pāde vandim, ayaṃ me paṭhamavandanā. Vappamaṅgaladivase ca jambucchāyāya sirisayane nipannānaṃ vojambucchāyāya aparivattanaṃ disvāpi pāde vandim, ayaṃ me dutiyavandanā. Idāni pana imaṃ

aditthapubbaṃ pāṭihāriyaṃ disvāpi ahaṃ tumhākaṃ pāde vandāmi, ayaṃ me tatiyavandanā’’ti. Rañña pana vandite bhagavantam avanditvā tthātuṃ samattho nāma ekasākiyopi nāhosi, sabbe vandimsuyeva.

Iti bhagavā nātayo vandāpetvā ākāso otarivā paññattāsane nisīdi. Nisinne bhagavati sikhāpatto nātisamāgamo ahoṣi, sabbe ekaggacittā hutvā nisīdīmsu. Tato mahāmegho pokkharavassaṃ vassī. Tambavaṇṇaṃ udakaṃ heṭṭhā viravantaṃ gacchati, temitukāmo va temeti, atemitukāmassa sarīre ekabindumattampi na patati. Taṃ disvā sabbe acchariyabbhūtacittā jātā ‘‘aho acchariyaṃ, aho abbhuta’’nti kathaṃ samuṭṭhāpesuṃ. Sathā ‘‘na idāneva mayhaṃ nātisamāgame pokkharavassaṃ vassati, atītepi vassī’’ti imissā aṭṭhuppattiyā **vessantarajātakaṃ** (jā. 2.22.1655 ādayo) kathesi. Dhammakathaṃ sutvā sabbe utthāya vanditvā pakkamiṃsu. Ekopi rājā vā rājamahāmatto vā ‘‘sve amhākaṃ bhikkhaṃ gaṇhathā’’ti vatvā gato nāma natthi.

Sathā punadivase vīsati bhikkhusahassaparivuto kapilavatthuṃ piṇḍāya pāvīsi. Taṃ na koci gantvā nimantesi, na pattaṃ vā aggahesi. Bhagavā indakhīle tthitova āvajjesi – ‘‘kathaṃ nu kho pubbabuddhā kulanagare piṇḍāya carīmsu, kiṃ uppaṭipāṭiyā issarajanānaṃ gharāni agamaṃsu, udāhu sapadānacārikaṃ carīmsū’’ti? Tato ekabuddhassapi uppaṭipāṭiyā gamanaṃ adisvā ‘‘mayāpi dāni ayameva tesāṃ vaṃso paggahetabbo, āyatiṅca mama sāvakā mamaññeva anusikkhantā piṇḍacārikavattaṃ paripūressanti’’ti koṭiyaṃ nivīṭṭhagehato paṭṭhāya sapadānaṃ piṇḍāya cari. ‘‘Ayyo kira siddhatthakumāro piṇḍāya carati’’ti dvibhūmikatibhūmikādīsu pāsādesu sīhapañjaraṃ vivarivā mahājano dassanabyāvaṭo ahoṣi.

Rāhulamātāpi devī – ‘‘ayyaputto kira imasmimyeva nagare mahantena rājānubhāvena suvaṇṇasivikādīhi vicarivā idāni kesamassaṃ ohāretvā kāsāyavatthanivāsano kapālahattho piṇḍāya carati, sobhati nu kho’’ti sīhapañjaraṃ vivarivā olokayamānā bhagavantaṃ nānavirāgasamujjalāya sarīrappabhāya nagaravīthiyo obhāsetvā byāmapabhāparikkhepasamupabyūḷhāya asītānubyañjanappabhāsītāya dvattiṃsamahāpurisalakkhaṇapaṭimaṇḍitāya anopamāya buddhasiriyā virocamaṇaṃ disvā uṇhīsato paṭṭhāya yāva pādatalā –

‘‘Siniddhanīlamudukuñcitakeso, sūriyanimmalatalābhinalāto;
Yuttatuṅgamudukāyatanāso, raṃsijālavikasito narasīho’’ti. –

Evamādikāhi dasahi **narasīhagāthāhi** abhitthavitvā ‘‘tumhākaṃ putto piṇḍāya carati’’ti rañño ārocesi. Rājā saṃviggahadayo hatthena sātakaṃ saṇḍapento turitaturito nikkhamitvā vegena gantvā bhagavato purato tthitvā āha – ‘‘kinnu kho, bhante, amhe lajjāpetha, kimatthaṃ piṇḍāya caratha, kiṃ ‘ettakānaṃ bhikkhūnaṃ na sakkā bhattaṃ laddhu’’nti saññaṃ karitthā’’ti? ‘‘Vaṃsacārittametaṃ, mahārāja, amhāka’’nti. ‘‘Nanu, bhante, amhākaṃ vaṃso nāma mahāsammatakhattiyavaṃso, ettha ca ekakhattiyopi bhikkhācarako nāma natthi’’ti. ‘‘Ayaṃ, mahārāja, khattiyavaṃso nāma tava vaṃso. Amhākaṃ pana ‘dīpaṅkaro koṇḍañño... pe... kassapo’’ti ayaṃ buddhavaṃso nāma. Ete ca aññe ca anekasahassasaṅkhā buddhā bhikkhācārenea jīvikaṃ kappesu’’nti antaravīthiyaṃ tthitova –

‘‘Uttiṭṭhe nappamajjeyya, dhammaṃ sucariṭaṃ care;
Dhammacārī sukhaṃ seti, asmiṃ loke paramhi cā’’ti. (dha. pa. 168) –

Imaṃ gāthamāha. Gāthāpariyosāne rājā sotāpattiphale patiṭṭhāsi.

‘‘Dhammañcare sucariṭaṃ, na naṃ ducariṭaṃ care;
Dhammacārī sukhaṃ seti, asmiṃ loke paramhi cā’’ti. (dha. pa. 169) –

Imaṃ gāthaṃ sutvā sakadāgāmiphale patiṭṭhāsi, **mahādhammapālajātakaṃ** (jā. 1.10.92 ādayo) sutvā anāgāmiphale patiṭṭhāsi, maraṇasamaye setacchattassa heṭṭhā sirisayane nipannoyeva arahattaṃ pāpuṇi. Araññavāsena padhānānuyogakiccaṃ rañño nāhosi. So sotāpattiphalaṃ sacchikatvāyeva pana bhagavato pattaṃ gahetvā sapariṣaṃ bhagavantaṃ mahāpāsādaṃ āropetvā pañitena khādanīyena bhojanīyena parivisi. Bhattakiccapariyosāne sabbaṃ itthāgāraṃ āgantvā bhagavantaṃ vandi tthapetvā rāhulamātaraṃ. Sā pana

“gaccha, ayyaputtaṃ vandāhī”ti parijanena vuccamānāpi “sace mayhaṃ guṇo atthi, sayameva mama santikaṃ ayyaputto āgamissati, āgatameva naṃ vandissāmī”ti vatvā na agamāsi.

Bhagavā rājānaṃ pattaṃ gāhāpetvā dvīhi aggasāvakehi saddhiṃ rājadhītāya sirigabbhaṃ gantvā “rājadhītā yathārucci vandamānā na kiñci vattabbā”ti vatvā paññattāsane nisīdi. Sā vegeṇāgantvā gopphakesu gahetvā pādapiṭṭhiyaṃ sīsaṃ parivattetvā yathājjhāsayaṃ vandi. Rājā rājadhītāya bhagavati sinehabahumānādiguṇasampattiṃ kathesi – “bhante, mama dhītā ‘tumhehi kāsāyāni vatthāni nivāsītāni’ti sutvā tato paṭṭhāya kāsāyavatthanivatthā jātā, tumhākaṃ ekabhattikabhāvaṃ sutvā ekabhattikāva jātā, tumhehi mahāsayanassa chaḍḍitabhāvaṃ sutvā paṭṭikāmañcākeyeva nipannā, tumhākaṃ mālāgandhādīhi viratabhāvaṃ ñatvā viratamālāgandhāva jātā, attano ñātakehi ‘mayhaṃ paṭijaggissāmā’ti sāsane pesitepi tesu ekaññatakampi na olokesi, evaṃ guṇasampannā me, bhante, dhītā”ti. “Anacchariyaṃ, mahārāja, ayaṃ idāni tayā rakkhiyamānā rājadhītā paripakke ñāṇe attānaṃ rakkheyya, eṣā pubbe anārakkhā pabbatapāde vicaramānā aparipakkepi ñāṇe attānaṃ rakkhī”ti vatvā **candakinnarijātakam** (jā. 1.14.18 ādayo) kathetvā uṭṭhāyāsanaṃ pakkāmi.

Punadivase pana **nandassa** rājakumārassa abhisekagehappavesanavivāhamāṅgalesu vattamānesu tassa gehaṃ gantvā kumāraṃ pattaṃ gāhāpetvā pabbājetukāmo maṅgalaṃ vatvā uṭṭhāyāsanaṃ pakkāmi. **Janapadakalyāṇī** kumāraṃ gacchantam disvā “tuvaṃ kho, ayyaputta, āgaccheyyāsi”ti vatvā gīvaṃ pasāretvā olokesi. So bhagavantaṃ “pattaṃ gaṇhathā”ti vattum avisahamāno vihāraṃyeva agamāsi. Taṃ anicchamaṇaṃyeva bhagavā pabbājesi. Iti bhagavā kapilavatthum gantvā tatiyadivase nandaṃ pabbājesi.

Sattame divase rāhulamātāpi kumāraṃ alaṅkaritvā bhagavato santikaṃ pesesi – “passa, tāta, etaṃ vīsatisahassasamaṇaparivutaṃ suvaṇṇavaṇṇaṃ brahmarūpaṇṇaṃ samaṇaṃ, ayaṃ te pitā, etassa mahantā nidhaya ohesuṃ tyassa nikkhamaṇakālato paṭṭhāya na passāma, gaccha, naṃ dāyajjaṃ yācāhi – ‘ahaṃ, tāta, kumāro abhisekaṃ patvā cakkavattī bhavissāmi, dhanena me attho, dhanam me dehi. Sāmiko hi putto pitusantakassā”ti. Kumāro ca bhagavato santikaṃ gantvāva pitusinehaṃ labhitvā haṭṭhacitto “sukhā te, samaṇa, chāyā”ti vatvā aññañca bahuṃ attano anurūpaṃ vadanto aṭṭhāsī. Bhagavā katabhattakicco anumodanaṃ vatvā uṭṭhāyāsanaṃ pakkāmi. Kumārōpi “dāyajjaṃ me, samaṇa, dehi, dāyajjaṃ me, samaṇa, dehi”ti bhagavantaṃ anubandhi. Na bhagavā kumāraṃ nivattāpesi, parijanopi bhagavatā saddhiṃ gacchantam nivattetuṃ nāsakkhi. Iti so bhagavatā saddhiṃ ārāmaṃyeva agamāsi.

Tato bhagavā cintesi – “yaṃ ayaṃ pitusantakaṃ dhanam icchati, taṃ vaṭṭānugataṃ savighātaṃ, handassa me bodhimaṇḍe paṭiladdhaṃ sattavidhaṃ ariyadhanaṃ demī, lokuttarādāyajjassa naṃ sāmikaṃ karomī”ti āyasmantaṃ sārīputtaṃ āmantesi – “tena hi, sārīputta, rāhulaṃ pabbājehī”ti. Thero taṃ pabbājesi. Pabbajite ca pana kumāre rañño adhimattaṃ dukkhaṃ uppajji, taṃ adhivāsetuṃ asakkonto bhagavantaṃ upasaṅkamitvā “sādhu, bhante, ayyā mātāpitūhi ananuññātaṃ puttaṃ na pabbājeyyū”nti varaṃ yāci. Bhagavā ca tassa varaṃ datvā punekadivase rājanivesane katabhattakicco ekamantaṃ nisinnena raññā “bhante, tumhākaṃ dukkarakārikakāle ekā devatā maṃ upasaṅkamitvā ‘putto te kālaṅkato’ti āha, tassā vacanaṃ asaddahanto ‘na mayhaṃ putto sambodhiṃ appatvā kālaṃ karotī’ti taṃ paṭikkhipi”nti vutte “tumhe idāni kiṃ saddahissatha, ye tumhe pubbepi aṭṭhikāni dassetvā ‘putto te mato’ti vutte na saddahitthā”ti imissā aṭṭhuppattiyā **mahādhammapālajātakam** kathesi. Kathāpariyosāne rājā anāgāmiṃphale patiṭṭhahi.

Iti bhagavā pitaraṃ tīsu phalesu patiṭṭhāpetvā bhikkhusaṅghaparivuto punadeva rājagahaṃ gantvā sītavane vihāsi. Tasmīṃ samaye anāthapiṇḍiko gahapati pañcahi sakaṭasatehi bhaṇḍaṃ ādāya rājagahaṃ gantvā attano piyasaṅghāyakaṃ seṭṭhino gehaṃ gantvā tattha buddhassa bhagavato uppannabhāvaṃ sutvā balavapaccūse devatānubhāvena vivaṭṭena dvārena satthāraṃ upasaṅkamitvā dhammaṃ sutvā sotāpattiṃphale patiṭṭhāya, dutiye divase buddhappamukhassa saṅghassa mahādānaṃ datvā sāvatthiṃ āgamanatthāya satthu paṭiññaṃ gahetvā antarāmagge pañcaccattālīsayaojanaṭṭhāne sataṣaṣaṣaṃ datvā yojanike yojanike vihāraṃ kāretvā jetavanaṃ koṭisanthārena aṭṭhārasahi hiraññakoṭīhi kiṇitvā navakammaṃ paṭṭhapesi. So majjhe dasabalassa gandhakuṭiṃ kāresi, taṃ parivāretvā asītiyā mahātherānaṃ pāṭiyekkaṃ ekasannivesane āvāse ekakuṭikadvikuṭikahaṃsavaṭṭakadīgharassasālāmaṇḍapādivasena sesasenāsanāni pokkharāṇicāṅkamanarattiṭṭhānadivāṭṭhānāni cāti aṭṭhārasakoṭipariccāgena ramaṇīye bhūmibhāge

manoramaṃ vihāraṃ kāretvā dasabalassa āgamanatthāya dūtaṃ pāhesi. Satthā tassa vacanaṃ sutvā mahābhikkhusaṅghaparivāro rājagahā nikkhamitvā anupubbena sāvatthinagaraṃ pāpuṇi.

Mahāseṭṭhipi kho vihāramahaṃ sajjetvā tathāgatassa jetavanaṃ pavisanadivase puttaṃ sabbālaṅkārapaṭimaṇḍitaṃ katvā alaṅkatapaṭiyatteheva pañcahi kumārasatehi saddhiṃ pesesi. So saparivāro pañcavaṇṇavatthasamujjalāni pañca dhajasatāni gahetvā dasabalassa purato ahosi, tesam pacchato mahāsubhaddā cūlasubhaddāti dve seṭṭhidhītaro pañcahi kumārikāsatehi saddhiṃ puṇṇaghaṭe gahetvā nikkhamiṃsu, tāsam pacchato seṭṭhibhāriyā sabbālaṅkārapaṭimaṇḍitā pañcahi mātugāmasatehi saddhiṃ puṇṇapātiyo gahetvā nikkhami, sabbesam pacchato mahāseṭṭhi ahatavatthanivattho ahatavatthanivattheheva pañcahi seṭṭhisatehi saddhiṃ bhagavantaṃ abbhuggaṇchi. Bhagavā imaṃ upāsakapariṣaṃ purato katvā mahābhikkhusaṅghaparivuto attano sarīrappabhāya suvaṇṇarasasekasiñcaṇāni viya vanantarāni kurumāno anantāya buddhalīlaya aparimāṇāya buddhasiriyā jetavanavihāraṃ pāvīsi.

Atha naṃ anāthapiṇḍiko āpucchi – “kathāhaṃ, bhante, imasmim vihare paṭipajjāmī”ti? “Tena hi, gahapati, imaṃ vihāraṃ āgatānāgatassa cātuddisassa bhikkhusaṅghassa paṭiṭṭhāpehi”ti. “Sādhu, bhante”ti mahāseṭṭhi suvaṇṇabhiṅgāraṃ ādāya dasabalassa hatthe udakaṃ pātetvā “imaṃ jetavanavihāraṃ āgatānāgatassa cātuddisassa buddhappamukhassa bhikkhusaṅghassa dammī”ti adāsi. Satthā vihāraṃ paṭiggahetvā anumodanaṃ karonto –

“Sītaṃ uṇhaṃ paṭihanti, tato vālamigāni ca;
Sarīsape ca makase, sisire cāpi vuṭṭhiyo.

“Tato vātātapo ghorō, sañjāto paṭihaññati;
Leṇatthañca sukhatthañca, jhāyituñca vipassitum.

“Vihāradānaṃ saṅghassa, aggaṃ buddhena vaṇṇitaṃ;
Tasmā hi paṇḍito poso, sampassaṃ atthamattano.

“Vihāre kāraye ramme, vāsayettha bahussute;
Tesaṃ annaṇca pānañca, vatthasenāsanāni ca.

“Dadeyya ujubhūtesu, vippasannena cetasā;
Te tassa dhammaṃ desenti, sabbadukkhāpanūdanaṃ;
Yaṃ so dhammaṃ idhaññāya, parinibbāti anāsavo”ti. (cūḷava. 295) –

Vihārānisamsaṃ katesi. Anāthapiṇḍiko dutiyadivasato paṭṭhāya vihāramahaṃ ārabhi. Visākhāya vihāramaho catūhi māsehi niṭṭhito, anāthapiṇḍikassa pana vihāramaho navahi māsehi niṭṭhāsi. Vihāramahepi aṭṭhāraseva koṭṭiyo pariccāgaṃ agamaṃsu. Iti ekasmimyeva vihare catupaṇṇāsakoṭṭisaṅkhaṃ dhanam pariccaji.

Atīte pana vipassissa bhagavato kāle punabbasumitto nāma seṭṭhi suvaṇṇiṭṭhakāsanthārena kiṇitvā tasmimyeva ṭhāne yojanappamāṇaṃ saṅghārāmaṃ kāresi. Sikhissa pana bhagavato kāle sirivaḍḍho nāma seṭṭhi suvaṇṇaphālasanthārena kiṇitvā tasmimyeva ṭhāne tigāvutappamāṇaṃ saṅghārāmaṃ kāresi. Vessabhussa bhagavato kāle sotthiyo nāma seṭṭhi suvaṇṇahatthipadasanthārena kiṇitvā tasmimyeva ṭhāne aḍḍhayanappamāṇaṃ saṅghārāmaṃ kāresi. Kakusandhassa bhagavato kāle accuto nāma seṭṭhi suvaṇṇiṭṭhakāsanthārena kiṇitvā tasmimyeva ṭhāne gāvutappamāṇaṃ saṅghārāmaṃ kāresi. Koṇāgamanassa bhagavato kāle uggo nāma seṭṭhi suvaṇṇakacchapasanthārena kiṇitvā tasmimyeva ṭhāne aḍḍhagāvutappamāṇaṃ saṅghārāmaṃ kāresi. Kassapassa bhagavato kāle sumaṅgalo nāma seṭṭhi suvaṇṇayaṭṭhisanthārena kiṇitvā tasmimyeva ṭhāne soḷasakarīsappamāṇaṃ saṅghārāmaṃ kāresi. Amhākaṃ pana bhagavato kāle anāthapiṇḍiko nāma seṭṭhi kahāpaṇakoṭṭisanthārena kiṇitvā tasmimyeva ṭhāne aṭṭhakarīsappamāṇaṃ saṅghārāmaṃ kāresi. Imaṃ kira ṭhānaṃ sabbabuddhānaṃ avijahitaṭṭhānameva.

Iti mahābodhimaṇḍe sabbaññutappattito yāva mahāparinibbānamañcā yasmim̐ yasmim̐ ṭhāne bhagavā vihāsi, idaṃ **santikenidānaṃ** nāmāti veditabbaṃ.

Santikenidānakathā niṭṭhitā.

Nidānakathā niṭṭhitā.

Therāpadānaṃ

1. Buddhavaggo

Abbhantaranidānavañṇanā

5. “Atha buddhāpadānāni, suṇātha suddhamānasā;
Tiṃsapāramisampuṇṇā, dhammarājā asaṅkhiyā”ti. –

Ettha **athā**ti adhikārantarūpadassanathe nipātapadaṃ, vibhattiyuttāyuttanipātavayesu vibhattiyuttanipātapadaṃ. Atha vā –

“Adhikāre maṅgale ceva, nipphannatthevadhāraṇe;
Anantarepagamane, atha-saddo pavattati”.

Tathā hi –

“Adhikiccam̐ adhiṭṭhānaṃ, adhiatthaṃ vibhāsati;
Seṭṭhajeṭṭhakabhāvena, adhikāro vidhīyate”ti. –

Vuttatā buddhānaṃ samattiṃsapāramidhammānaṃ adhikiccato, seṭṭhajeṭṭhato adhikāraṭṭhena atha-saddena yuttamapadānānīti. Tividhabodhisattānaṃ pūjamaṅgalasabhāvato “pūjā ca pūjaneyyānaṃ, etaṃ maṅgalamuttama”nti vacanato (khu. pā. 5.3; su. ni. 262) maṅgalaṭṭhena atha-saddena yuttamapadānānīti. Buddhādīnaṃ bhagavantānaṃ sampattikiccasa arahattamaggena nipphannato nipphannaṭṭhena atha-saddena yuttamapadānānīti. Buddhādīnaṃ arahattamaggādikusalato aññakusalānaṃ abhāvato avadhāraṇaṭṭhena nivāraṇaṭṭhena atha-saddena yuttamapadānānīti. Khuddakapāṭhasaṅgahānantaraṃ saṅgahitanti anantaraṭṭhena atha-saddena yuttamapadānānīti. Ito khuddakapāṭhato paṭṭhāyāti apagamaṇaṭṭhena atha-saddena yuttamapadānānīti.

Buddhoti ettha bujjiṭhā saccānīti buddho, bodhetā pajāyāti buddho, sabbaññutāya buddho, sabbadassavīṭāya buddho, anaññaneyyatāya buddho, visavitāya buddho, khīṇāsavaṣaṅkhātena buddho, nirupakkilesasaṅkhātena buddho, pabbajjāsaṅkhātena buddho, adutiyaṭṭhena buddho, taṇhāpahānaṭṭhena buddho, ekāyanamaggaṃ gatoti buddho, eko anuttaraṃ sammāsambodhiṃ abhisambuddhoti buddho, abuddhivihataṭṭā buddhipaṭilābhā buddho, buddhi buddhaṃ bodhoti anattantarametaṃ. Yathā nīlādivañṇayogato paṭo “nīlo paṭo, ratto paṭo”ti vuccati, evaṃ buddhaguṇayogato buddho. Atha vā “bodhi”vuccati catūsu maggesu ñāṇaṃ, tena ñāṇena sakaladiyaḍḍhasahassakilesārigaṇe khepetvā nibbānādhigamanato ñāṇaṃ “bodhi”ti vuccati. Tena sampayutto samaṅgīpuggalo buddho. Teneva ñāṇena paccekabuddhopi sabbakilese khepetvā nibbānamadhigacchati. Buddhānaṃ pana catūsu asaṅkhyeyyesu kappasatasahassesu ca pāramiyo pūretvā bodhiñāṇassādhigatattā ca indriyaparopariyattañāṇamahākaruṇāsamāpattiñāṇayamakapāṭihīrañāṇasabbaññutaññāṇa-anāvaraṇaāsayaṇusayādiāsādhāraṇañāṇaṃ samadhigatattā ca ekāyapi dhammadesanāya asaṅkhyeyyāsattanikāye dhammāmatāṃ pāyetvā nibbānassa pāpanato ca tadeva ñāṇaṃ buddhānamevādhikabhāvato tesameva sambuddhānaṃ apadānaṃ kāraṇaṃ **buddhāpadānaṃ**. Tañhi duvidhaṃ kusalākusalavasena. Paccekabuddhā pana na tathā kātuṃ samatthā, annāḍipaccayādayakānaṃ saṅgahaṃ karontāpi –

“Icchitaṃ patthitaṃ tuyhaṃ, khippameva samijjhatu;
Pūrentu cittaśaṅkappā, cando pannaraso yathā.

“Icchitaṃ patthitaṃ tuyhaṃ, khippameva samijjhatu;
Pūrentu cittaśaṅkappā, maṇi jotiraso yathā”ti. (dī. ni. aṭṭha. 2.95 pubbūpanissayasampattikathā; a. ni. aṭṭha. 1.1.192; dha. pa. aṭṭha. 1.sāmāvatīvattu) –

Imāhi dvīhiyeva gāthāhi dhammaṃ desenti. Desentāpi asaṅkhyeyyasattanikāye bodhetuṃ na sakkuṇanti, tasmā na sabbaññubuddhasadisā hutvā paṭiekkamaṃ visuṃ buddhāti paccekabuddhā. Tesamaṃ apadānaṃ kāraṇaṃ **paccekabuddhāpadānaṃ**.

Ciraṃ ṭhitāti therā. Atha vā thiratarasīlacāramaddavādiguṇehi yuttāti therā. Atha vā thiravarasīlasamādhipaṇṇāvimuttivimuttiñānadassanaguṇehi yuttāti therā. Atha vā thiratarasaṅkhātapaṇṇitānuttarasantinibbānamadhigatāti therā, therānaṃ apadānāni **therāpadānāni**. Tathā tādiguṇehi yuttāti therī, therīnaṃ apadānāni **therīpadānāni**. Tesu buddhāpadāne pañceva apadānāni, pañceva suttantā. Tenāhu porāṇā –

“Pañceva apadānāni, pañca suttāni yassa ca;
Idaṃ buddhāpadānanti, paṭhamaṃ anulomato”ti.

Paccekabuddhāpadānepi pañceva apadānāni, pañceva suttantā. Tenāhu porāṇā –

“Pañceva apadānāni, pañca suttāni yassa ca;
Idaṃ paccekabuddhāpadānanti, dutiyaṃ anulomato”ti.

Therāpadānesu dasādhikapañcasatāpadānāni, vaggato ekapaṇṇāsa vaggā. Tenāhu porāṇā –

“Pañcasatadasapadānāni, ekapaṇṇāsa vaggato;
Idaṃ therāpadānanti, tatiyaṃ anulomato”ti.

Therīpadānesu cattālīsaṃ apadānāni, vaggato caturo vaggā. Tenāhu porāṇā –

“Cattālīsaṃpadānāni, catuvaggāni yassa ca;
Idaṃ therīpadānanti, catutthaṃ anulomato”ti.

Apadānanti ettha apadāna-saddo kāraṇagahaṇāapagamanapaṭipāṭiakkosānādīsu dissati. Tathā hi esa “khattiyānaṃ apadānaṃ, brāhmaṇānaṃ apadāna”ntiādīsu kāraṇe dissati, khattiyānaṃ kāraṇaṃ brāhmaṇānaṃ kāraṇanti attho. “Upāsakānaṃ apadāna”ntiādīsu gahaṇe dissati, saṃsuṭṭhu gahaṇanti attho. “Vāṇijānaṃ apadānaṃ, suddānaṃ apadāna”ntiādīsu apagamane dissati, tato tato tesamaṃ apagamananti attho. “Piṇḍapātiko bhikkhu sapadānacāravasena piṇḍāya caratī”tiādīsu paṭipāṭiyā dissati, gharapaṭipāṭiyā caratīti attho. “Apagatā ime sāmāñṇā, apagatā ime brahmañṇāti apadānetī”tiādīsu akkosane dissati, akkosati paribhāsati attho. Idha pana kāraṇe dissati. Tasmā buddhānaṃ apadānāni buddhāpadāni, buddhakāraṇānīti attho. Gaṅgāvālukūpamānaṃ anekesaṃ buddhānaṃ dānapāramitādisamattiṃsapāramitā kāraṇanti daṭṭhabbaṃ. Atha adhikāradīsu yuttaapadānāni suddhamānasā suṇāthāti sambandho.

Tattha **suddhamānasāti** arahattamaggañāṇena diyaḍḍhakilesasahassaṃ khepetvā ṭhitattā suddhamānasā parisuddhacittā suddhadaya pañcasatā khīṇāsavā imasmiṃ dhammasabhāye sannisinnā suṇātha, ohitasotā manasi karoṭhāti attho.

Ettha pana “apadānāni”ti avatvā paccekabuddhāpadānatherāpadānatherīpadānesu vijjamānesupi “atha buddhāpadānāni”ti vacanaṃ khandhayama kāyatanadhātusaccasaṅkhāraanusayayamakesu vijjamānesupi padhānavasena ādivasena ca “mūlayamaka”nti vacanaṃ viya,

terasasaṅghādīsesadveaniyatatiṃsanissaggiyesu vijjamānesupi padhānavasena ādivasena ca “pārājikakaṇḍo”ti vacanaṃ viya ca idhāpi padhānavasena ādivasena ca vuttanti daṭṭhabbaṃ.

“Sammāsambuddhāpadānānī”ti vattabbe “vaṇṇāgamo...pe... pañcavidhaṃ nirutta”nti niruttinayena vā “tesu vuddhilopāgamavikāraviparītādesā cā”ti suttana vā tatiyatthavācākassa **sammā**tinipātapadassa, sayamsaddatthavācākassa **sa**-ntiupasaggapadassa ca lopaṃ katvā kitantavācībuddhasaddameva gahetvā gāthābandhasukhatthaṃ “buddhāpadānānī”ti vuttaṃ. Tasmā sammāsambuddhāpadānānīti attho.

Iti visuddhajanavilāsiniyā apadāna-aṭṭhakathāya

Abbhantaranidānavañṇanā niṭṭhitā.

1. Buddhaapadānavañṇanā

Idāni abbhantaranidānanantaraṃ apadānaṭṭhakathaṃ kathetukāmo –

“Sapadānaṃ apadānaṃ, vicitranayadesanaṃ;
Yaṃ khuddakanikāyasmim, saṅgāyimsu mahesayo;
Tassa dāni anupatto, atthasaṃvaṇṇanākkamo”ti.

Tattha yaṃ apadānaṃ tāva “sakalaṃ buddhavacanaṃ ekavimuttirasa”nti vuttatā ekarase saṅghaṃ gacchati, dhammavinayavasena dvidhāsaṅgahe dhamme saṅghaṃ gacchati, paṭhamamajjhimaṃ pacchimabuddhavacanesu majjhimaṃ buddhavacane saṅghaṃ gacchati, vinayābhidhammasuttantaṭṭhakesu suttantaṭṭhake saṅghaṃ gacchati, dīghanikāyamajjhimaṃ samyuttaṅguttarakhuddakanikāyesu pañcasu khuddakanikāye saṅghaṃ gacchati, suttāṃ geyyaṃ veyyākaraṇaṃ gāthā udānaṃ itivuttakaṃ jātakāṃ abbhutadhammaṃ vedallanti navasu sāsanaṅgesu gāthāya saṅghaṃ hitaṃ.

“Dvāsīti buddhato gaṇhiṃ, dvesahassāni bhikkhuto;
Caturāsītisahassāni, yeme dhammā pavattino”ti. –

Evaṃ vuttacaturāsītisahassadhammakhandhesu katipayadhammakhandhasaṅghaṃ hitaṃ hotīti.

Idāni taṃ apadānaṃ dassento “**tiṃsapāramisampuṇṇā, dhammarājā asaṅkhiyā**”ti āha. Tattha dasapāramitāva pacchimamajjhimukkaṭṭhavasena dasapāramīdasaupapāramīdasaparamatthapāramīnaṃ vasena samattiṃsapāramī. Tāhi saṃsuṭṭhu puṇṇā sampuṇṇā samannāgatā samaṅgībhūtā ajjhāpanā samyuttatīti **tiṃsapāramisampuṇṇā**. Sakalalokattayavāsine sattānikāye mettākaraṇamudītāupekkhāsāṅkhātāhi catūhi brahmavīhārasamāpattīhi vā phalasaṃpattivīhārena vā ekacittabhāvena attano ca kāye rañjenti allīyāpentīti rājāno, dhammena rājāno **dhammarājā**, itthambhūtā buddhā. Dasasataṃ sahasaṃ dasasahasāṃ satasahasāṃ dasasatasahasāṃ koṭī pakoṭī koṭippakoṭī nahutaṃ ninnahutaṃ akkhobhiṇi bindu abbudaṃ nirabbudaṃ ahahaṃ ababaṃ aṭaṭaṃ sogandhikaṃ uppalaṃ kumudaṃ puṇḍarikaṃ padumaṃ kathānaṃ mahākathānaṃ asaṅkhiyeyyānaṃ vasena **asaṅkhiyā** saṅkhārahitā dhammarājāno atītā vigatā niruddhā abbhataṃ gatāti adhippāyo.

6. Tesu atītabuddhesu katādhikāraṇca attanā bodhisattabhūtena cakkavattirañṇā hutvā katasambhāraṇca ānandattherena puṭṭho bhagavā “**sambodhiṃ buddhaseṭṭhāna**”ntiādīmāha. Bho ānanda, mama apadānaṃ suṇohīti adhippāyo. Ānanda, ahaṃ pubbe bodhisambhārapūraṇakāle cakkavattirājā hutvā seṭṭhānaṃ pasaṭṭhānaṃ paṭividdhacatusaccānaṃ buddhānaṃ sambodhiṃ catusaccamaggaññaṃ sabbaññutaññaṃ vā siraṣā abhivādayeti sambandho. **Sasaṅghe** sāvakaṃ saṅghasahite **lokanāyake** lokajeṭṭhe buddhe dasahi aṅgulīhi ubhoḥi hatthapuṭeḥi **namassitvā** vanditvā **siraṣā** sīsena **abhivādaye** ādarena thomaṃ katvā paṇāmaṃ karomīti attho.

7. **Yāvata buddhakhettesūti** dasasahassacakkavālesu buddhakhettesu, **ākāsaṭṭhā** ākāśagatā, **bhūmaṭṭhā** bhūmitalagatā, veḷuriyādayo satta **ratanā asankhiyā** sankhārahitā, **yāvata** yattakā, **vijjanti**. Tāni sabbāni **manasā** cittena **samāhare**, saṃ suṭṭhu cittena adhiṭṭhahitvā āharissāmīti attho, mama pāsādassa sāmantaṃ rāsiṃ karomīti attho.

8. **Tattha rūpiyabhūmiyanti** tasmim̐ anekabhūmimhi pāsāde rūpiyamayaṃ rajatamayaṃ bhūmim̐ nimmitanti attho. **Ahaṃ ratanamayaṃ** sattahi ratanehi nimmitaṃ anekasatabhūmikaṃ **pāsādaṃ ubbidhaṃ** uggataṃ **nabhamuggataṃ** ākāse jotamānaṃ **māpayinti** attho.

9. Tameva pāsādaṃ vaṇṇento “**vicittathambha**”ntyādimāha. Vicittehi anekehi masāragallādivaṇṇehi thambhehi ussāpitaṃ **sukataṃ** suṭṭhu kataṃ lakkhaṇayuttaṃ ārohapariṇāhasena suṭṭhu **vibhattaṃ** anekakoṭṭisatagghanatoraṇanimmitattā **mahārahaṃ**. Punapi kiṃ viṣiṭṭhaṃ? **Kanakamayasaṅghāṭaṃ** suvaṇṇehi katatulāsaṅghāṭavalayehi yuttaṃ, tattha ussāpitakontehi ca chattehi ca **maṇḍitaṃ** sobhitaṃ pāsādanti sambandho.

10. Punapi pāsādasseva sobhaṃ vaṇṇento “**paṭhamā veḷuriyā bhūmī**”tyādimāha. Tassa anekasatabhūmipāsādassa **subhā** iṭṭhā kantā manāpā **abbhasamā** valāhakapaṭalasadisā **vimalā** nimmalā veḷuriyamaṇimayā nīlavaṇṇā **paṭhamā bhūmi** ahoṣīti attho. Jalajanaḷinapadumehi **ākiṇṇā** samaṅgībhūtā varāya uttamāya **kañcanabhūmiyā** suvaṇṇabhūmiyāva sobhatīti attho.

11. Tasseva pāsādassa **kāci bhūmi pavāḷamsā** pavāḷakoṭṭhāsā **pavāḷavaṇṇā**, kāci bhūmi **lohitakā** lohitavaṇṇā, kāci bhūmi **subhā** manoharā **indagopakavaṇṇābhā** rasmiyo niccharamānā, kāci bhūmi dasa **disā obhāsati** attho.

12. Tasmim̐yeva pāsāde **niyyūhā** niggatapamukhasālā ca **suvihattā** suṭṭhu vihattā koṭṭhāsato visuṃ visuṃ katā **sīhapañjarā** sīhadvārā ca. **Caturo vedikāti** catūhi vedikāvalayehi jālakavāṭehi ca **manoramā** manaallīyanakā **gandhāveḷā** gandhadāmā ca olambantīti attho.

13. Tasmim̐yeva pāsāde **sattaratanaḥūsitā** sattaratanehi sobhitā kūṭāgārā. Kiṃ bhūtā? **Nīlā** nīlavaṇṇā, **pītā** pītavaṇṇā suvaṇṇavaṇṇā, **lohitakā** lohitavaṇṇā rattavaṇṇā, **odātā** odātavaṇṇā setavaṇṇā, **suddhakāḷakā** amissakāḷavaṇṇā, **kūṭāgāravaruṭpetā** kūṭāgāravarehi kaṇṇikakūṭāgāravarehi upeto samannāgato so pāsādoti attho.

14. Tasmim̐yeva pāsāde **olokamayā** uddhammukhā **padumā** supupphitā padumā sobhanti, sīhabyagghādīhi vāḷamigagaṇehi ca haṃsakoṅcamayūrādiṭṭhapaṅkhisamūhehi ca **sobhito** so pāsādoti attho. Atiucco hutvā nabhamuggatattā nakkhattatārakāhi ākiṇṇo **candasūrehi** candasūriyarūpehi ca **maṇḍito** so pāsādoti attho.

15. So eva cakkavattissa pāsādo **hemajālena** suvaṇṇajālena **sañchannā**, **soṇṇakiṅkaṇikāyuto** suvaṇṇakiṅkaṇikajālehi yuto samannāgatoti attho. **Manoramā** manallīyanakā **soṇṇamālā** suvaṇṇapupphapantiyo **vātavegena** vātappahārena **kūjanti** saddaṃ karontīti attho.

16. **Mañjetṭhakaṃ** mañjīṭṭhavaṇṇaṃ, **lohitakaṃ** lohitavaṇṇaṃ, **pītakaṃ** pītavaṇṇaṃ, **haripiñjaraṃ** jambonadasuvaṇṇavaṇṇaṃ pañjaravaṇṇaṇca dhajaṃ **nānāraṅgehi** anekehi vaṇṇehi, **sampītaṃ** rañjitaṃ dhajaṃ, **ussitaṃ** tasmim̐ pāsāde ussāpitaṃ. **Dhajaṃālīnīti** līngavipallāsavasena vuttaṃ, dhajaṃālāyutto so pāsādoti attho.

17. Tasmim̐ pāsāde attharaṇādayo vaṇṇento “**na naṃ bahū**”tyādimāha. Tattha naṃ pāsādaṃ bahūhi avijjamānaṃ nāma natthīti attho, **nānāsayanaviccitā** anekehi attharaṇehi vicittā sobhitā mañcapīṭhādisayanā **anekasatā** anekasatasankhyā, kiṃ bhūtā? **Phalikā** phalikamaṇimayā phalikāhi katā, **rajatāmāyā** rajatehi katā, **maṇimayā** nīlamaṇīhi katā, **lohitaṅgā** rattajātimaṇīhi katā, **masāragallamayā** kabaraṇṇamaṇīhi katā, **saṅhakāsikasanthatā** saṅhehi sukhumehi kāsikavatthehi atthatā.

18. **Pāvurāti** pāvuraṇā. Kīdisā? **Kambalā** lomasuttehi katā, **dukūlā** dukūlapaṭehi katā, **cīnā** cīnapaṭehi katā, **pattuṇṇā** pattuṇṇadesa jātaṭehi katā, **paṇḍu** paṇḍuvaṇṇā, **vicittattharaṇaṃ** anekehi attharaṇehi pāvuraṇehi ca vicittaṃ, **sabbaṃ** sayanaṃ, **manasā** cittena, **ahaṃ paññapesinti** attho.

19. Tadeva pāsādaṃ vaṇṇento “**tāsu tāsveva bhūmīsū**”tiādimāha. Tattha **ratanakūṭalaṅkatanti** ratanamayaḷūtehi ratanaḷaṅḷikāhi alaṅkatam sobhitanti attho. **Maṇiverocanā ukkāti** verocanamaṇiḷhi rattamaṇiḷhi katā, **ukkā** daṇḍapadīpā. **Dhārayantā sutiṭṭhareti** ākāse suṭṭhu dhārayantā gaṇhantā anekasatajanā suṭṭhu tiṭṭhantīti attho.

20. Puna tadeva pāsādaṃ vaṇṇento “**sobhanti esikāthambhā**”tiādimāha. Tattha **esikāthambhā** nāma nagaradvāre sobhanatthāya nikhātā thambhā, **subhā** iṭṭhā, **kañcanatoraṇā** suvaṇṇamayā, **jambonadā** jambonadasuvaṇṇamayā ca, **sāramayā** khadirarukkhasāramayā ca **rajatamayā** ca toraṇā sobhanti, esikā ca toraṇā ca tam pāsādaṃ sobhayantīti attho.

21. Tasmim pāsāde **suvibhattā anekā sandhī** kavāṭehi ca aggaḷehi ca **cittitā** sobhitā sandhiparikkhepā sobhayantīti attho, **ubhatoti** tassa pāsādassa ubhosu passesu, **puṇṇaghaṭā** anekehi padumehi anekehi ca uppalehi, **saṃyutā** puṇṇā tam pāsādaṃ sobhayantīti attho.

22-23. Evaṃ pāsādassa sobham vaṇṇetvā ratanamayaṃ pāsādaṅca sakkārasammānaṅca pakāsentto “**atīte sabbabuddhe cā**”tiādimāha. Tattha **atīte** atikkante vigate kāle jāte bhūte, **sasaṅghe** sāvakasamūhasahite, **sabbe lokanāyake** buddhe sabhāvena pakativaṇṇena **rūpena** saṅṭhānena ca, **sasāvake** sāvakasahite, **buddhe nimminivā** yena dvārena pāsādo pavisitabbo hoti, **tena dvārena pavisitvā sasāvakā sabbe buddhā sabbasoṇṇamaye** sakalasuvaṇṇamaye, **pīṭhe nisinnā ariyamaṇḍalā** ariyasamūhā ahesunti attho.

24-25. **Etarahi** vattamāne kāle **anuttarā** uttaravirahitā **ye** ca **buddhā atthi** saṃvijjanti, te ca **paccekabuddhe anekasate sayambhū** sayameva bhūte aññācariyarahite, **aparājite** khandhakilesābhisaṅkhāramaccudevaputtamārehi aparājite, jayamāpanne santappesinti attho. **Bhavanam** mayham pāsādaṃ atītakāle ca vattamānakāle ca, **sabbe buddhā samāruhum** saṃ suṭṭhu āruhiṃsūti attho.

26. **Ye dibbā** divi bhavā dibbā devaloke jātā, **ye** ca **bahū kapparukkhā atthi**. **Ye** ca **mānusa** manusse jātā **ye** ca **bahū kapparukkhā atthi**, tato **sabbaṃ dussaṃ samāhantvā** saṃ suṭṭhu āharitvā te cīvarāni kāretvā te paccekabuddhe ticīvarehi **acchādemīti** sambandho.

27. Evaṃ ticīvarehi acchādetvā pārupāpetvā tesam nisinnānaṃ paccekabuddhānaṃ **sampannaṃ** madhuraṃ **khajjaṃ** khāditabbaṃ pūvādi kiñci, madhuraṃ **bhojjaṃ** bhujjitabbaṃ āhāraṅca, madhuraṃ **sāyanīyaṃ** lehanīyaṅca, **sampannaṃ** madhuraṃ pivitabbaṃ atṭhapānaṅca, **bhojanaṃ** bhujjitabbaṃ āhāraṅca, **subhe** sundare **maṇimaye** selamaye **patte saṃ** suṭṭhu **pūretvā adāsīm** paṭiggahāpesinti attho.

28. **Sabbe te ariyamaṇḍalā** sabbe te ariyasamūhā, **dibbacakkhu samā hutvā maṭṭhāti** dibbacakkhusamaṅgino hutvā maṭṭhā kilesehi rahitattā siliṭṭhā sobhamānā **cīvarasaṃyutā** ticīvarehi samaṅgībhūtā madhurasakkharāhi ca telena ca madhuphāṇitehi ca **paramannena** uttamena annena ca mayā **tappitā** appitā paripūritā ahesunti attho.

29. Te evaṃ santappitā ariyamaṇḍalā **ratanagabbhaṃ** sattahi ratanehi nimmitagabbhaṃ geḷaṃ, **pavitvā guhāsaya** guhāyaṃ sayamānā, **kesarīva** kesarasīhā iva, **mahārahamhi sayane** anagge mañce, **sīhaseyyamakappayum** yathā sīho migarājā dakkhiṇapassena sayanto pāde pādaṃ accādhāya dakkhiṇahatthaṃ sīsūpadhānaṃ katvā vāmahatthaṃ ujukaṃ ṭhapetvā vāladhiṃ antarasatthiyaṃ katvā niccalo sayati, evaṃ seyyaṃ kappayum karimṃsūti attho.

30. Te evaṃ sīhaseyyaṃ kappetvā **sampajānā** satisampajāññasampannā. **Samuṭṭhāya** saṃ suṭṭhu utṭhahitvā **sayane pallaṅkamābhujum** ūrubaddhāsaṃ karimṃsūti attho.

31. Gocaraṃ sabbabuddhānanti sabbesaṃ atītānāgatānaṃ buddhānaṃ gocaraṃ ārammaṇabhūtaṃ **jhānaratisamappitā** jhānaratiyā saṃ suṭṭhu appitā samaṅgībhūtā ahesunti attho, **aññe dhammāni desentīti** tesu paccekabuddhesu aññe ekacce dhamme desenti, **aññe** ekacce **iddhiyā** paṭhamādijjhānakīḷāya **kīḷanti** ramanti.

32. Aññe ekacce **abhiññā** pañca abhiññāyo **vasibhāvitā** vasīkarimṣu, pañcasu abhiññāsu āvajjanasamāpajjanavutṭhānaadhittānapaccavekkhaṇasaṅkhātāhi pañcavasitāhi vasībhāvaṃ itā gatā pattā abhiññāyo, **appenti** samāpajjanti. **Aññe** ekacce **anekasahassīyo vikubbanāni** ekopi hutvā bahudhā hoti, bahudhāpi hutvā eko hotīti evamādīni iddhivikubbanāni **vikubbanti** karontīti attho.

33. Buddhāpi buddheti evaṃ sannipatītesu paccekabuddhesu sabbaññūtaññāṇassa **visayaṃ** ārammaṇabhūtaṃ pañhaṃ buddhā buddhe **pucchantīti** attho. Te buddhā atthagambhīratāya **gambhīraṃ nipuṇaṃ** sukhumaṃ, **ṭhānaṃ** kāraṇaṃ, **paññāya vinibujjhare** visesena niravasesato bujjhanti.

34. Tadā mama pāsāde sannipatitā **sāvakaṃpi buddhe** pañhaṃ **pucchanti**, **buddhā sāvake** sisse pañhaṃ **pucchanti**, **te** buddhā ca sāvakaṃ ca **aññamaññaṃ** pañhaṃ **pucchitvā** aññamaññaṃ **byākarontī** vissajjenti.

35. Puna te sabbe ekato dassento “**buddhā paccekabuddhā cā**”tiādimāha. Tattha **buddhā** sammāsambuddhā, **paccekabuddhā** ca **sāvakaṃ** ca sissā **paricārakā** nissitakā ete sabbe, **sakāya sakāya ratiyā** ramamānā sallīnā mama pāsāde **abhiramantīti** attho.

36. Evaṃ tasmim̄ vejayantapāsāde paccekabuddhānaṃ ācārasampattiṃ dassetvā idāni attano ānubhāvaṃ dassento so tilokavijayo cakkavattirājā “**chattā tiṭṭhantu ratanā**”tiādimāha. Tattha **ratanā** sattaratanamayā, **chattā kañcanāvelāpantikā** suvaṇṇajālehi olambitā **tiṭṭhantu**. **Muttājālaparikkhittā** muttājālehi parivāritā, **sabbe** chattā mama **matthake** muddhani, **dhārentūti** cintitamatteyeva chattā pātubhūtā hontīti attho.

37. Soṇṇatāarakacittitā suvaṇṇatāarakāhi daddallamānā **celavitānā bhavantu** nibbattantu. **Vicittā** anekavaṇṇā, **malyavitatā** pupphapatthaṭṭā, **sabbe** anekavitānā, **matthake** nisīdanaṭṭhānassa uparibhāge **dhārentūti** attho.

38-40. Malyadāmehi anekasugandhapupphadāmehi **vitatā** parikiṇṇā, **gandhadāmehi** candanakuṅkumatagarādisugandhadāmehi, **sobhitā** pokkharāṇīti sambandho. **Dussadāmehi** pattuṇṇacīnādiānagghadussadāmehi, **parikiṇṇā** sattaratanadāmehi bhūsitā alaṅkatā pokkharāṇī, **pupphābhikiṇṇā** campakasaḷasogandhikādisugandhapupphehi **abhikiṇṇā** suṭṭhu vicittā sobhitā. Punarapi kiṃ bhūtā pokkharāṇī? Surabhiḡandhasugandhehi bhūsitā vāsītā. Samantato **gandhapañcaṅgulalaṅkatā** pañcahi āṅgulehi limpitagandhehi alaṅkatā, **hemacchadanachādītā** suvaṇṇachadanehi suvaṇṇavitānehi chādītā, pāsādassa **cātuddisā** pokkharāṇīyo padumehi ca uppalehi ca suṭṭhu santhatā patthaṭṭā suvaṇṇarūpe suvaṇṇavaṇṇā, **khāyantu**, **padmareṇurajuggatā** padumareṇūhi dhūlīhi ca ākiṇṇā pokkharāṇīyo sobhantūti attho.

41. Mama vejayantapāsādassa samantato **pādapā** campakādayo rukkhā **sabbe pupphantu** ete puppharukkhā. **Sayameva pupphā muñcitvā** vigaḷitvā **gantvā bhavanaṃ okirum̄**, okiṇṇā pāsādassa upari karontūti attho.

42. Tattha tasmim̄ mama vejayantapāsāde **sikhino** mayūrā **naccantū**, **dibbaḡamsā** devatāḡamsā, **pakūjare** saddaṃ karontu, **karavīkā ca** madhurasaddā kokilā **gāyantu** gītavākyāṃ karontu, apare anuttā ca **dijasaṅghā** pakkhino samūhā pāsādassa **samantato** madhuraravaṃ ravantūti attho.

43. Pāsādassa samantako sabbā ātatavitatādayo **bherīyo vajjantu** haññantu, **sabbā tā** anekatantiyo **vīṇā rasantu** saddaṃ karontu, **sabbā** anekappakārā **saṅgītiyo** pāsādassa samantato **vattantu** pavattantu

gāyantūti attho.

44-5. Yāvata yattake ṭhāne **buddhakhettamhi** dasasahassicakkavāle **tato pare cakkavāle**, **jotisampannā** pabhāsampannā **acchinnā mahantā** samantato **ratanāmayā** sattahi ratanehi katā khacitā **soṇṇapallaṅkā** suvaṇṇapallaṅkā **tiṭṭhantu**, pāsādassa samantato **dīparukkhā** padīpadhāraṇā telarukkhā **jalantu**, padīpehi pajjalantu, **dasasahassiparamparā** dasasahassīnaṃ paramparā dasasahassīyo **ekapajjotā** ekapadīpā viya **bhavantu** ujjotantūti attho.

46. Naccagītesu chekā **gaṇikā** naccitthiyo ca **lāsikā** mukhena saddakārikā ca **pāsādassa samantato naccantu**, **accharāgaṇā** devitthisamūhā naccantu, **nānāraṅgā** anekavaṇṇā nānāraṅgamaṇḍalā pāsādassa samantato naccantu, **padissantu** pākaṭā hontūti attho.

47. Tadā ahaṃ tilokavijayo nāma cakkavattirājā hutvā sakalacakkavāle **dumagge** rukkhagge **pabbatagge** himavantacakkavālapabbatādīnaṃ agge sinerūpabbatamuddhani ca sabbaṭṭhānesu **vicittam** anekavaṇṇavicittam **pañcavaṇṇikam** nīlapītādīpañcavaṇṇam **sabbaṃ dhajam ussāpemīti** attho.

48. Narā lokantarā narā ca nāgalokato **nāgā ca** devalokato **gandhabbā** ca **devā** ca **sabbe upentu** upagacchantu, **te** narādayo **namassantā** mama namakkāraṃ karontā **pañjalikā** katahatthapuṭā mama vejayantaṃ **pāsādam parivārayunti** attho.

49. Evaṃ so tilokavijayo cakkavattirājā pāsādassa ca attano ca ānubhāvaṃ vaṇṇetvā idāni attanā sampattikatapuññaphalaṃ samādapento “**yaṃ kiñci kusalaṃ kamma**”ntiādīmāha. **Yaṃ kiñci kusalakammasaṅkhātāṃ kiriyam kattabbaṃ** atthi, taṃ sabbaṃ **mama** mayā **kāyena** vā **vācāya** vā **manasā** vā tīhi dvārehi **katam tidase sukataṃ** suṭṭhu katam, tāvatimsabhavane uppajjanārahaṃ katanti attho.

50. Puna samādapento “**ye sattā saññino**”ntiādīmāha. Tattha **ye sattā** manussā vā devā vā brahmāno vā **saññino** saññāsahitā **atthi**, **ye ca sattā asaññino** saññārahitā asaññā **sattā santi**, **te sabbe sattā mayhaṃ** mayā **katam puññaphalaṃ**, **bhāgī bhavantu** puññavantaṃ hontūti attho.

51. Punapi samādapento bodhisatto “**yesam kata**”ntiādīmāha. Mayā **katam** puññaṃ yehi naranāgagandhabbadevehi **suviditam** ñātāṃ, tesam **mayā dinnam puññaphalaṃ**, tasmim mayā kate puññe dinnabhāvaṃ **ye** narādayo **na jānanti**, **devā gantvā** tesam taṃ **nivedayum** ārocayunti attho.

52. Sabbalokamhi ye sattā āhāranissitā **jīvanti**, te sabbe sattā **manuññaṃ bhojanaṃ sabbaṃ mama cetasā** mama cittena **labhantu**, mama puññiddhiyā labhantūti attho.

53. Manasā pasannena cittena yaṃ **dānam mayā dinnam** tasmim dāne cittena **pasādam āvaḥim** uppādesim. **Sabbasambuddhā** ca **paccekā** paṭiekkā **jinasāvaka** ca mayā cakkavattiraññā **pūjitā**.

54. Sukatena tena kamma saddahitvā katena kusalakamma, **cetanāpaṇidhīhi** ca cittena katapatthanāhi ca, **mānusaṃ dehaṃ** manussasarīraṃ, **jahitvā** chaḍḍetvā, **ahaṃ tāvatimsam** devalokaṃ **agacchim** agamāsīm, suttappabuddho viya tattha uppajjinti attho.

55. Tato tilokavijayo cakkavattirājā kālaṅkato, tato paṭṭhāya āgate **duve bhava** dve jātiyo **pajānāmi devatte** devattabhāve **mānuse** manussattabhāve ca, tato jātidvayato **aññaṃ gatim** aññaṃ upapattim **na jānāmi** na passāmi, **manasā** cittena **patthanāphalaṃ** patthitapatthanāphalanti attho.

56. Devānaṃ adhiko homīti yadi devesu jāto, āyuvaṇṇabalatejehi devānaṃ adhiko jeṭṭho seṭṭho ahosinti attho. Yadi manussesu jāto, **manujādhīpo** manussānaṃ adhipati issaro **bhavāmi**, tathā rājabhūto abhirūpena rūpasampattiyā ca lakkhaṇena ārohapariṇāhādilakkhaṇena ca **sampanno** sampuṇṇo uppānuppānabhava **paññāya** paramatthajānanapaññāya **asamo** samarahito, mayā sadiso koci natthīti

attho.

57. Mayā katapuññasambhārena puññaphalena uppannuppannabhavē **seṭṭham** pasaṭṭham madhuraṃ **vividham** anekappakāraṃ **bhojanañca anappakaṃ** bahusattaratanañca **vividhāni**, anekappakārāni pattuñṇakoseyyādivatthāni ca **nabhā** ākāśato **maṃ** mama santikaṃ **khippaṃ** sīghaṃ **upenti** upagacchanti.

58-66. **Pathabyā** pathaviyā **pabbate** ca **ākāse** ca **udake** ca **vane** ca **yaṃ yaṃ** yattha yattha **hattham pasāremi** nikkhipāmi, tato tato **dibbā bhakkhā** dibbā āhārā **maṃ** mama santikaṃ **upenti** upagacchanti, pātubhavantīti attho. Tathā yathākkamaṃ **sabbe ratanā. Sabbe** candanādayo **gandhā**. Sabbe **yānā** vāhanā. **Sabbe** campakanāgapunnāgādayo **mālā** pupphā. Sabbe **alaṅkāra** ābharaṇā. **Sabbā** dibbakaññā. Sabbe **madhusakkharā. Sabbe** pūpādayo **khajjā** khāditabbā **maṃ** mama santikaṃ **upenti** upagacchanti.

67-68. **Sambodhivarapattiyāti** uttamacatumaggañāpattiyā pāpuṇanattāya. Mayā yaṃ uttamadānaṃ kataṃ pūritaṃ, tena uttamadānena selasaṅkhātāṃ **pabbataṃ** sakalaṃ ekaninnādaṃ karonto **bahalaṃ giram** puthulaṃ ghosaṃ **gajjento, sadevakaṃ** lokaṃ sakalaṃ manussadevalokaṃ **hāsayanto** somanassappattaṃ karonto **loke** sakalalokattāye vivaṭṭacchado **buddho ahaṃ bhavāmi**ti attho.

69. **Disā dasavidhā** loketi cakkavāḷaloke dasavidhā dasakoṭṭhāsā disā honti, tattha koṭṭhāse **yāyato** yāyantassa gacchantassa **antakaṃ natthīti** attho, cakkavattikāle **tasmiṃ** mayā gatagataṭṭhāne disābhāge vā **buddhakkhetā** buddhavisayā **asaṅkhiyā** saṅkhārahitā.

70. **Pabhā pakittitāti** tadā cakkavattirājakāle **mayhaṃ** pabhā cakkaratanamañiratanādīnaṃ pabhā ālokā **yamakā** yugaḷayugaḷā hutvā **raṃsivāhanā** raṃsiṃ muñcamānā pakittitā pākaṭā, **etthantare** dasasahassicakkavāḷantare **raṃsijālam** raṃsisamūhaṃ, **āloko vipulo** bahutaro **bhave** ahoṣīti attho.

71. **Ettake lokadhātumhīti** dasasahassicakkavāḷesu **sabbe janā maṃ passantu** dakkhantūti attho. **Sabbe** devā yāva **brahmanivesanā** yāva brahmalokā **maṃ anuvattantu** anukūlā bhavantu.

72. **Visiṭṭhamadhunādenāti** visatṭhena madhurena nādena, **amatabherimāhaninti** amatabheriṃ devadundubhiṃ pahariṃ, **etthantare** etasmiṃ dasasahassicakkavāḷabbhantare **sabbe janā** mana **madhuraṃ giram** saddaṃ **suṇantu** manasi karontu.

73. **Dhammameghena vassante** dhammadesanāmayena nādena tabbohāraparamatthagambhīramadhurasukhumatthavasse vassante vassamāne sammāsambuddhānubhāvena **sabbe** bhikkhubhikkhunīdayo **anāsavā** nikkilesā **hontu** bhavantu. **Yettha pacchimakā sattāti** ettha etesu rāsibhūtesu catūsu parisasattesu ye sattā pacchimakā guṇavasena hetṭhimakā, **te sabbe sotāpannā bhavantūti** adhippāyo.

74. Tadā tilokavijayacakkavattirājakāle **dātabbakaṃ** dātabbayuttakaṃ, **dānaṃ** katvā, **asesato** nissesena, **sīlam** sīlapāramiṃ, **pūretvā nekkhamme** nekkhammapāramitāya, **pāramiṃ** koṭiṃ patvā, **uttamaṃ sambodhiṃ** catumaggañāṇaṃ, **patto** bhavāmi bhaveyyaṃ.

75. **Paṇḍite** paññavante medhāvino **paripucchitvā** “kiṃ, bhante, kattabbaṃ? Kiṃ na kattabbaṃ? Kiṃ kusalaṃ? Kiṃ akusalaṃ? Kiṃ katvā saggamokkhadvayassa bhāgī hotī”ti pucchitvā, evaṃ paññāpāramiṃ pūretvāti attho. **Katvā vīriyamuttamanti** uttamaṃ seṭṭham ṭhānanisajjādīsu avicchinnaṃ vīriyaṃ katvā, vīriyapāramiṃ pūretvāti attho. Sakalaviruddhajanehi kataanādarādhivāsanā**khantiyā** **pāramiṃ** koṭiṃ **gantvā** khantipāramiṃ pūretvā **uttamaṃ sambodhiṃ** uttamaṃ sambuddhattaṃ **patto** bhavāmi bhaveyyaṃ.

76. **Katvā dalhamadhiṭṭhānanti** “mama sarīrajīvītesu vinassantesupī puññakammato na viraṃsāmi”ti acalavasena dalhaṃ adhiṭṭhānapāramiṃ katvā “sīse chijjamānēpi musāvādaṃ na kathessāmi”ti saccapāramitāya koṭiṃ **pūriya** pūretvā “sabbe sattā sukhī averā”tiadinā mettāpāramitāya

koṭiṃ patvā **uttamaṃ sambodhiṃ pattoti** attho.

77. Sajjivakājjivakavatthūnaṃ **lābhe** ca tesam **alābhe** ca kāyikacetasikasukhe ceva tathā **dukkhe** ca sādaraṇehi kate, **sammāne** ceva omāne, **ca sabbattha samako** samānamānaso upekkhāpāramiṃ pūretvā **uttamaṃ sambodhiṃ patto** pāpuṇeyanti attho.

78. **Kosajjaṃ** kusītabhāvaṃ, **bhayato** bhayavasena “apāyadukkhabhāgi”ti **disvā** ñatvā akosajjaṃ akusītabhāvaṃ alīnavuttiṃ, **vīriyaṃ khemato** khemavasena “nibbānagāmi”ti **disvā** ñatvā **āraddhavīriyā hotha** bhavatha. **Esā buddhānusāsani** esā buddhānaṃ anusīṭṭhi.

79. **Vivādaṃ bhayato disvāti** vivādaṃ kalahaṃ bhayato disvā “apāyabhāgi”ti disvā ñatvā **avivādaṃ** vivādato viramaṇaṃ “nibbānappatti”ti, **khemato disvā** ñatvā **samaggā** ekaggacittā **sakhilā** siliṭṭhā mettāya dhuragatāya sobhamānā **hothāti** attho. **Esā** kathā mantanā udīraṇā buddhānaṃ **anusāsani** ovādadānaṃ.

80. **Pamādaṃ** ṭhānanisajjādīsu sativippavāseṇa vihaṇaṃ **bhayato** “nibbattanibbattaṭṭhānesu dukkhitadurūpaappannapānatādīsaṃvattanakaṃ apāyādigamanañcā”ti **disvā** ñatvā, **appamādaṃ** sabbakiriyaṃ satiyā vihaṇaṃ, **khemato** vaḍḍhito “nibbānasampāpuṇa”nti **disvā** paccakkhato ñatvā **aṭṭhaṅgikaṃ maggaṃ** sammādiṭṭhi sammāsankappo sammāvācā sammākammanto sammājjīvo sammāvāyāmo sammāsati sammāsamādhīti aṭṭhaavayaṃ sammāsambodhiyā maggaṃ adhigamūpāyaṃ **bhāvettha** vaḍḍhetha manasi karoṭha, **esā** kathā bhāsanā udīraṇā **buddhānusāsani** buddhānaṃ anusīṭṭhīti attho.

81. **Samāgatā bahū buddhāti** anekasatasahassasaṅkhyā paccekabuddhā samāgatā rāsibhūtā, **sabbaso** sabbappakāreṇa **arahantā** ca khīṇāsavā anekasatasahassā samāgatā rāsibhūtā. Tasmā te buddhe ca **arahante** ca **vandamāne** vandanārahe **namassatha** aṅgapaccaṅganamakkāreṇa namassatha vandatha.

82. **Evam** iminā mayā vuttappakāreṇa **acintiyā** cintetum asakkuṇeyyā, **buddhā**, **buddhadhammāti** buddhehi desitā cattāro satipaṭṭhānā...pe... aṭṭhaṅgiko maggo, pañcakkhandhā, hetupaccayo ārammaṇapaccayotiādayo dhammā, buddhānaṃ vā sabhāvā acintiyā cintetum asakkuṇeyyā, **acintiyē** cintāvisayātikkante **pasannānaṃ** devamanussānaṃ **vipāko** devamanussasampattinibbānasampattisankhāto cintetum asakkuṇeyyo saṅkhyātikkanto **hoti** bhavati.

Iti ettāvata ca yathā addhānagāmino “maggaṃ no ācikkhā”ti puṭṭhena “vāmaṃ muñcivā dakkhiṇaṃ gaṇhathā”ti vutte tena maggena gāmanigamarājadhānīsu kattabbakiccaṃ niṭṭhāpetvā puna muñcītena aparena vāmamaggena gatāpi gāmanigamādīsu kattabbakiccaṃ niṭṭhāpentī, evameva buddhāpadānaṃ kusālāpadānavasena niṭṭhāpetvā tadeva akusalāpadānavasena vitthāretum idaṃ pañhakammaṃ –

“Dukkaraṇca abbhakkhānaṃ, abbhakkhānaṃ punāparaṃ;
Abbhakkhānaṃ silāvedho, sakalikāpi ca vedanā.

“Nāḷāgiri sattacchedo, sīsadukkhaṃ yavakhādanam;
Piṭṭhidukkhamatīsāro, ime akusalakāraṇā”ti.

Attha paṭhamapañhe – **dukkaranti** chabbassāni dukkarakārikā. Atīte kassapasammāsambuddhakāle bodhisatto jotipālo nāma brāhmaṇamaṇavo hutvā nibbato brāhmaṇajātivaseṇa sāsane appasanno tassa bhagavato pilotikakammanissandena “kassapo bhagavā”ti sutvā “kuto muṇḍakassa samaṇassa bodhi, bodhi paramadullabhā”ti āha. So tena kammanissandena anekajātisatesu narakādidukkhamanubhavitvā tasseva bhagavato anantaraṃ teneva laddhabyākaraṇena kammena jātisamaṇānaṃ khepetvā pariyoṣāne vessantaratabhāvaṃ patvā tato cuto tusitabhavane nibbato. Devatāyācanena tato cavitvā sakyakule nibbato ñāṇassa paripākattā sakalajambudīparajjaṃ pahāya anomānadītīre sunisitenāsīnā samakuṭakesakalāpaṃ chinditvā brahmunā ānīte iddhimaye kappassa saṅṭhānakāle padumagabbhe nibbatte

aṭṭha parikkhāre paṭiggahetvā pabbajitvā bodhiñāṇadassanassa tāva aparipakkattā buddhabhāvāya maggāmaggaṃ ajānitvā chabbassāni uruvelajanapade ekāhāraekālopaekapuggalaekamaggaekāsanabhojanavasena aṭṭhicammanahārusesaṃ nimmaṃsarudhirapetarūpasadisasarīro **padhānasutte** (su. ni. 427 ādayo) vuttanayeneva padhānaṃ mahāvīriyaṃ dukkarakārikaṃ akāsi. So imaṃ dukkarakārikaṃ “sambodhiyā maggaṃ na hotī”ti cintetvā gāmanigamarājadhānisu paṇītāhāraṃ paribhuñjitvā piṇḍriyo paripuṇṇadvattiṃsamahāpurisalakkhaṇo kamena bodhimaṇḍamupagantvā pañca māre jinitvā buddho jātoti.

“Avacāhaṃ jotipālo, sugataṃ kassapaṃ tadā;
Kuto nu bodhi muṇḍassa, bodhi paramadullabhā.

“Tena kammavipākena, acariṃ dukkaraṃ bahuṃ;
Chabbassānuruvelāyaṃ, tato bodhimapāpuṇiṃ.

“Nāhaṃ etena maggena, pāpuṇiṃ bodhimuttamaṃ;
Kummaggena gavesissaṃ, pubbakamma vārito.

“Puññapāparikkhīṇo, sabbasantāpavajjito;
Asoko anupāyāso, nibbāyissamanāsavo”ti. (apa. therā 1.39.92-95);

Dutiya pañhe – **abbhakkhānanti** abhi akkhānaṃ paribhāsaṃ. Atīte kira bodhisatto suddakule jāto apākaṭo appasiddho munāli nāma dhutto hutvā paṭivasati. Tadā mahiddhiko mahānubhāvo surabhi nāma paccekabuddho kenaci karaṇīyena tassa samīpaṭṭhānaṃ pāpuṇi. So taṃ disvāva “dussīlo pāpadhammo ayaṃ samaṇo”tiādinā abbhācikkhi. So tena akusalanissandena narakādīsu anekavassasahassāni dukkhamanubhavitvā imasmiṃ pacchimattabhāve yadā titthiyā paṭhamataraṃ bhagavato tusitabhavane vasanasamaye ca pākaṭā hutvā sakalajanaṃ vañcetvā dvāsattḥiditthiyo dīpetvā vicaranti, tadā tusitapurā cavitvā sakyarājakule nibbattitvā kamena buddho jāto. Titthiyā sūriyuggamane khajjopanakā viya vihatalābhasakkārā bhagavati āghātaṃ bandhitvā vicaranti. Tasmīṃ samaye rājagahasetthi gaṅgāya jālaṃ bandhitvā kīlanto rattacandanaghaṭikaṃ disvā amhākaṃ gehe candanāni bahūni, imaṃ bhamaṃ āropetvā tena bhamakārehi pattamaṃ likhāpetvā veḷuparamparāya laggetvā “ye imaṃ pattamaṃ iddhiyā āgantvā gaṇhanti, tesamaṃ bhattiko bhavissāmi”ti bheriṃ carāpesi.

Tadā titthiyā “naṭṭhamhā dāni naṭṭhamhā dāni”ti mantetvā nigaṇṭho nāṭaputto sakaparisaṃ evamāha – “ahaṃ veḷusamīpaṃ gantvā ākāse ullaṅganākāraṃ karomi, ‘tumhe chavadārumayaṃ pattamaṃ paṭicca mā iddhiṃ karothā’ti maṃ khandhe gahetvā vārethā”ti, te tathā gantvā tathā akaṃsu.

Tadā piṇḍolabhāradvājo ca moggallāno ca tigāvute selapabbatamatthake ṭhatvā piṇḍapātagaṇhanatthāya cīvaraṃ pārupantā taṃ kolāhalaṃ suṇiṃsu. Tesu moggallāno piṇḍolabhāradvājaṃ “tvamaṃ ākāse gantvā taṃ pattamaṃ gaṇhāhi”ti āha. So “bhante, tumheveva bhagavatā iddhimantānaṃ aggaṭṭhāne ṭhapitā, tumheva gaṇhathā”ti āha. Tathāpi “mayā āṇatto tvameva gaṇhāhi”ti āṇatto attanā ṭhitamaṃ tigāvutaṃ selapabbatamaṃ pādātaṃ laggetvā ukkhaliyā pidhānaṃ viya sakalarājaganagaraṃ chādesi, tadā nagaravāsino phalīkapabbate āvutaṃ rattasuttamiva taṃ theramaṃ passitvā “bhante bhāradvāja, amhe rakkhathā”ti ugghosayiṃsu, bhītā suppādini sīse akaṃsu. Tadā thero taṃ pabbatamaṃ ṭhitatṭhāne vissajjetvā iddhiyā gantvā taṃ pattamaṃ aggaṃhesi, tadā nagaravāsino mahākolāhalamakaṃsu.

Bhagavā veḷuvanārāme nisinna taṃ saddamaṃ sutvā “kiṃ eso saddo”ti ānandaṃ pucchi. “Bhāradvāja, bhante, pattassa gahitattā santuṭṭhā nagaravāsino ukkuṭṭhisaddamakamsū”ti āha. Tadā bhagavā āyatimaṃ parūpavādamocanattamaṃ taṃ pattamaṃ āharāpetvā bhedāpetvā añjanupapisaṃ katvā bhikkhūnaṃ dāpesi, dāpetvā ca pana “na, bhikkhave, iddhivikubbanā kātabbā, yo kareyya, āpatti dukkaṭassā”ti (cūḷava. 252 thokaṃ visadisaṃ) sikkhāpadaṃ paññāpesi.

Tato titthiyā “samaṇena kira gotamena sāvakānaṃ sikkhāpadaṃ paññattaṃ, te jīvītaṃhetupi taṃ nātikkamanti, mayaṃ iddhipāṭihāriyaṃ karissāma”ti tattha tattha rāsibhūtā kolāhalamakaṃsu. Atha rājā

bimbisāro taṃ sutvā bhagavato santikaṃ gantvā vanditvā ekamantaṃ nisinno bhagavantamevamāha – “titthiyā, bhante, ‘iddhipāṭihāriyaṃ karissāmā’ ti ugghosenti” ti. “Ahampi, mahārāja, karissāmī” ti. “Nanu, bhante, bhagavatā sāvakaṇaṃ sikkhāpadaṃ paññatta” nti. “Tameva, mahārāja, pucchissāmi, tavuyyāne ambaphalādīni khādantānaṃ ‘ettako daṇḍo’ ti daṇḍaṃ ṭhapento tavāpi ekato katvā ṭhapesī” ti. “Na mayhaṃ, bhante, daṇḍo” ti. “Evaṃ, mahārāja, na mayhaṃ sikkhāpadaṃ paññattaṃ atthī” ti. “Kattha, bhante, pāṭihāriyaṃ bhavissatī” ti? “Sāvattiyā samīpe kaṇḍambarukkhamūle, mahārāja” ti. “Sādhu, bhante, taṃ passissāmā” ti. Tato titthiyā “kaṇḍambarukkhamūle kira pāṭihāriyaṃ bhavissatī” ti sutvā nagarassa sāmantā ambarukkhe chedāpesuṃ, nāgarā mahāaṅgaṇaṭṭhāne mañcātimañcaṃ aṭṭādayo bandhiṃsu, sakalajambudīpavāsino rāsibhūtā puratthimadisāyameva dvādasayojanāni pharitvā aṭṭhaṃsu. Sesadisāsupi tadanurūpenākārena sannipatiṃsu.

Bhagavāpi kāle sampatte āsālhipuṇṇamāsiyaṃ pātova kattabbakiccaṃ niṭṭhāpetvā taṃ ṭhānaṃ gantvā nisīdi. Tasmīṃ khaṇe kaṇḍo nāma uyyānapālo kipillikapuṭe supakkaṃ ambaphalaṃ disvā “sacāhaṃ imaṃ rañño dadeyyaṃ, kahāpaṇādisāraṃ labheyyaṃ, bhagavato upanāmite pana idhalokaparalokesu sampatti bhavissatī” ti bhagavato upanāmesi. Bhagavā taṃ paṭiggahetvā ānandattheraṃ āṇāpesi – “imaṃ phalaṃ madditvā pānaṃ dehi” ti. Thero tathā akāsi. Bhagavā ambarasaṃ pivitvā ambaṭṭhiṃ uyyānapālassa datvā “imaṃ ropehi” ti āha. So vālukaṃ viyūhitvā taṃ ropesi, ānandatthero kuṇḍikāya udakaṃ āsiñci. Tasmīṃ khaṇe ambaṅkuro uṭṭahitvā mahājanassa passantasseva sākḥavīṭapapupphaphalalavabharito paññāyittha. Patitaṃ ambaphalaṃ khādantā sakalajambudīpavāsino khayāṃ pāpetuṃ nāsakkhiṃsu.

Atha bhagavā puratthimacakkavāḷato yāva pacchimacakkavāḷaṃ, tāva imasmīṃ cakkavāḷe mahāmerumuddhani ratanacaṅkamaṃ māpetvā anekaparisāhi sīhanādaṃ nadāpento **dhammapadaṭṭhakathāyaṃ** vuttanayena mahāiddhipāṭihāriyaṃ katvā titthiye madditvā te vippakāraṃ pāpetvā pāṭihīrāvasāne purimabuddhāciṇṇavasena tāvatimsabhavanaṃ gantvā tattha vassaṃvuṭṭho nirantaraṃ temāsaṃ abhidhammaṃ desetvā mātuppamukhānaṃ anekadevatānaṃ sotāpattimaggādhiḡamaṇaṃ katvā, vuṭṭhavasso devorohanaṃ katvā anekadevabrahmaṇaparivuto saṅkassapuradvāraṃ oruyha lokānuggahaṃ akāsi. Tadā bhagavato lābhasakkāro jambudīpamajjhotttharamāno pañcamahāgaṅgā viya ahoṣi.

Atha titthiyā parihīnalābhasakkārā dukkhī dummanā pattakkhandhā adhomukhā nisīdiṃsu. Tadā tesāṃ upāsikā ciṅcamānavikā nāma ativiya rūpaggappattā te tathā nisinne disvā “kiṃ, bhante, evaṃdukkhī dummanā nisinnā” ti pucchi. “Kiṃ pana tvaṃ, bhagini, appossukkāsī” ti? “Kiṃ, bhante” ti? “Bhagini, samaṇassa gotamassa uppādakālato paṭṭhāya mayā hataḷābhasakkārā, nagaravāsino amhe na kiñci maññanti” ti. “Mayā ettha kiṃ kātabba” nti? “Tayā samaṇassa gotamassa avaṇṇaṃ uppādetuṃ vaṭṭatī” ti. Sā “na mayhaṃ bhāro” ti vatvā tattha ussāhaṃ karontī vikāle jetavanavihāraṃ gantvā titthiyānaṃ upassaye vasitvā pāto nagaravāsīnaṃ gandhādīni gahetvā bhagavantaṃ vandanaṭṭhāya gamanasamaye jetavanā viya nikkhantā, “kattha sayitā” ti puṭṭhā “kiṃ tumhākaṃ mama sayitaṭṭhānenā” ti vatvā pakkāmi. Sā kamena gacchante kāle pucchitā “samaṇenāhaṃ gotamena ekagandhakuṭiyaṃ sayitvā nikkhantā” ti āha. Taṃ bālaphuthujjanā saddahiṃsu, paṇḍitā sotāpannādayo na saddahiṃsu. Ekadivasaṃ sā dāruṃḡalaṃ udare bandhitvā upari rattapaṭaṃ paridahitvā gantvā sarājikāya parisāya dhammadesanaṭṭhāya nisinnaṃ bhagavantaṃ evamāha – “bho samaṇa, tvaṃ dhammaṃ desesi, tuyhaṃ paṭicca uppannadāragabbhiniyā mayhaṃ lasuṇamaricādīni na vicāresi” ti? “Tathābhavaṃ, bhagini, tvañceva pajānāsi, ahañcā” ti. Sā “evameva methunasāṃsaggasamayaṃ dveveva jānanti, na aññe” ti āha.

Tasmīṃ khaṇe sakkassa paṇḍukambalasilāsaṇaṃ uṇhākāraṃ dassesi. Sakko āvajjento taṃ kāraṇaṃ ṇatvā dve devaputte āṇāpesi – “tumhesu eko mūsikavaṇṇaṃ māpetvā tassā dāruṃḡalassa bandhanaṃ chindatu, eko vātamaṇḡalaṃ samuṭṭhāpetvā pārutapaṭaṃ uddhaṃ khipatū” ti. Te gantvā tathā akāṃsu. Dāruṃḡalaṃ patamānaṃ tassā pādapiṭṭhiṃ bhindi. Dhammasabhāyaṃ sannipatiṭā puthujjanā sabbe “are, duṭṭhacori, tvaṃ evarūpassa lokattayasāmīno evarūpaṃ abbhakkhānaṃ akāsī” ti uṭṭahitvā ekekamuṭṭhipahāraṃ datvā sabhāya nīharīṃsu, dassanāṭikkantāya pathavī vivaramadāsi. Tasmīṃ khaṇe avīcīto jālā uṭṭahitvā kuladattikena rattakambaleneva taṃ acchādetvā avīcimhi pakkhipi, bhagavato lābhasakkāro atirekatāro ahoṣi. Tena vuttaṃ –

“Sabbābhībhussa buddhassa, nando nāmāsi sāvako;
Taṃ abbhakkhāya niraye, ciraṃ saṃsaritaṃ mayā.

“Dasavassasahassāni, niraye saṃsariṃ ciraṃ;
Manussabhāvaṃ laddhāhaṃ, abbhakkhānaṃ bahuṃ labhiṃ.

“Tena kammāvasesena, ciñcamāṇavikā mamaṃ;
Abbhācikkhi abhūtena, janakāyassa aggato”ti. (apa. thera 1.39.70-72);

Tatiyapañhe – **abbhakkhānanti** abhi akkhānaṃ akkosanaṃ. Atīte kira bodhisatto apākaṭajātiyaṃ uppanno munāli nāma dhutto hutvā dujjanasamaṃsaggabalena surabhiṃ nāma paccekabuddhaṃ “dussīlo pāpadhammo ayaṃ bhikkhū”ti akkosi. So tena akusalena vacīkammaena bahūni vassasahassāni niraye paccitvā imasmiṃ pacchimattabhāve dasapāramitāsamaṃsiddhibalena buddho jāto lābhagayasaṃgappatto ahoṣi. Puna tithiyā ussāhajātā – “kathaṃ nu kho samaṇassa gotamassa ayaṃ uppādessāmā”ti dukkhī dummanā nisīdiṃsu. Tadā sundarī nāmekā paribbājikā te upasaṅkamtivā vanditvā tīṭhā tuṅhībhūte kiñci avadante disvā “kiṃ mayhaṃ doso”ti pucchi. “Samaṇena gotamena amhe viheṭṭhiyamāne tvaṃ apposukkā viharissasi, idaṃ tava doso”ti. “Evamaṃ tattha kiṃ karissāmī”ti? “Tvaṃ samaṇassa gotamassa avaṇṇaṃ uppādetuṃ sakkhissasī”ti? “Sakkhissāmi, ayyā”ti vatvā tato paṭṭhāya vuttanayena diṭṭhadiṭṭhānaṃ “samaṇena gotamena ekagandhakuṭiyaṃ sayitvā nikkhantā”ti vatvā akkosati paribhāsati. Tithiyāpi “passatha, bho, samaṇassa gotamassa kamma”nti akkosanti paribhāsanti. Vuttañhetam –

“Munāli nāmahaṃ dhutto, pubbe aññāsu jātisu;
Paccekabuddhaṃ surabhiṃ, abbhācikkhi adūsakaṃ.

“Tena kammavipākena, niraye saṃsariṃ ciraṃ;
Bahū vassasahassāni, dukkhaṃ vedesi vedanaṃ.

“Tena kammāvasesena, idha pacchimake bhava;
Abbhakkhānaṃ mayā laddhaṃ, sundarikāya kāraṇā”ti. (apa. thera 1.39.67-69);

Catutthapañhe – **abbhakkhānaṃ** abhi vīsesena akkosanaṃ paribhāsanaṃ. Atīte kira bodhisatto brāhmaṇakule uppanno bahussuto bahūhi sakkato pūjito tāpasapabbajjaṃ pabbajitvā himavante vanamūlaphalāhāro bahumāṇave mante vācento vāsaṃ kappesi. Eko pañcābhīññāaṭṭhasamāpattilābhī tāpaso tassa santikaṃ agamāsi. So taṃ disvāva issāpakato taṃ adūsakaṃ isiṃ “kāmaḥogī kuhako ayaṃ isi”ti abbhācikkhi, attano sisse ca āha – “ayaṃ isi evarūpo anācārako”ti. Tepi tatheva akkosīsu paribhāsīsu. So tena akusalakammavipākena vassasahassāni niraye dukkhamanubhavitvā imasmiṃ pacchimattabhāve buddho hutvā lābhagayasaṃgappatto ākāse puñṇacando viya pākaṭo jāto. Tatheva tithiyā abbhakkhānenapi asantuṭṭhā punapī sundariyā abbhakkhānaṃ kāretvā surādhitte pakkosāpetvā lañjaṃ datvā “tumhe sundariṃ māretvā jetavanadvārasamīpe mālākacavarena chādethā”ti āṇāpesuṃ. Te tathā kariṃsu. Tato tithiyā “sundariṃ na passāmā”ti rañño ārocesuṃ. Rājā “pariyesathā”ti āha. Te attanā pātitaṭṭhānato gahetvā mañcakaṃ āropetvā rañño dassetvā “passatha, bho, samaṇassa gotamassa sāvakānaṃ kamma”nti bhagavato bhikkhusaṅghassa ca sakalanagare avaṇṇaṃ ugghosentā vicariṃsu. Sundariṃ āmakasusāne aṭṭake ṭhapesuṃ. Rājā “sundarimāraṇe pariyesathā”ti āṇāpesi. Tadā dhuttā suraṃ pivitvā “tvaṃ sundariṃ māresi, tvaṃ māresī”ti kalahaṃ kariṃsu. Rājapurisā te dhutte gahetvā rañño dassesuṃ. Rājā “kiṃ, bhāṇe, tumhehi sundarī mārītā”ti? “Āma, devā”ti. “Kehi āṇattā”ti? “Tithiyehi, devā”ti. Rājā tithiye āharāpetvā bandhāpetvā “gacchatha, bhāṇe, ‘buddhassa avaṇṇatthāya amhehi sayameva sundarī mārāpitā, bhagavā tassa sāvakā ca akārakā’ti ugghosathā”ti āha. Te tathā akaṃsu. Sakalanagaravāsino nikkāṅkhā ahesuṃ. Rājā tithiye ca dhutte ca mārāpetvā chaḍḍāpeti. Tato bhagavato bhīyosomattāya lābhasakkāro vaḍḍhi. Tena vuttaṃ –

“Brāhmaṇo sutavā āsiṃ, ahaṃ sakkatapūjito;
Mahāvane pañcasate, mante vācemi māṇave.

“Tatthāgato isi bhīmo, pañcābhiñño mahiddhiko;
Tañcāhaṃ āgataṃ disvā, abbhācikkhiṃ adūsakaṃ.

“Tatohaṃ avacaṃ sisse, kāmabhogī ayaṃ isi;
Mayhampi bhāsamānassa, anumodimsu māṇavā.

“Tato māṇavakā sabbe, bhikkhamānaṃ kule kule;
Mahājanassa āhaṃsu, kāmabhogī ayaṃ isi.

“Tena kammavipākena, pañcabhikkhusatā ime;
Abbhakkhānaṃ labhuṃ sabbe, sundarikāya kāraṇā”ti. (apa. therā 1.39.73-77);

Pañcame pañhe – **silāvedhoti** āhatacitto silaṃ pavijjhi. Atīte kira bodhisatto ca kaniṭṭhabhātā ca ekapituputtā ahesuṃ. Te pitu accayena dāse paṭicca kalahaṃ karontā aññamaññaṃ viruddhā ahesuṃ. Bodhisatto attano balavabhāvena kaniṭṭhabhātaraṃ ajjhottharivā tassupari pāsāṇaṃ pavijjesi. So tena kammavipākena narakādīsu anekavassasahassāni dukkhamanubhavitvā imasmim pacchimattabhāve buddho jāto. Devadatto rāhulakumārassa mātulo pubbe serivāṇijakāle bodhisattena saddhim vāṇijo ahoṣi, te ekaṃ paṭṭanagāmaṃ patvā “tvam ekavīthiṃ gaṇhāhi, ahampi ekavīthiṃ gaṇhāmī”ti dvepi pavitṭhā. Tesu devadattassa pavitṭhavīthiyaṃ jīṇasetṭhibhāriyā ca nattā ca dveveva ahesuṃ, tesam mahantaṃ suvaṇṇathālakaṃ malaggahitaṃ bhājanantare ṭhapitaṃ hoti, taṃ suvaṇṇathālakabhāvaṃ ajānantī “imaṃ thālakaṃ gahetvā piṇḍhanaṃ dethā”ti āha. So taṃ gahetvā sūciyā lekhaṃ kaḍḍhitvā suvaṇṇathālakabhāvaṃ ṇatvā “thokaṃ datvā gaṇhissāmī”ti cintetvā gato. Atha bodhisattaṃ dvārasamīpaṃ āgataṃ disvā “nattā, ayye, mayhaṃ kacchapuṭaṃ piṇḍhanaṃ dethā”ti. Sā taṃ pakkosāpetvā nisīdāpetvā taṃ thālakaṃ datvā “imaṃ gahetvā mayhaṃ nattāya kacchapuṭaṃ piṇḍhanaṃ dethā”ti. Bodhisatto taṃ gahetvā suvaṇṇathālakabhāvaṃ ṇatvā “tena vañcitā”ti ṇatvā attano pasibbakāya ṭhapitaṭṭhakahāpaṇe avasesabhaṇḍaṇca datvā kacchapuṭaṃ piṇḍhanaṃ kumārikāya hatthe piṇḍhāpetvā agamāsi. So vāṇijo punāgantvā pucchi. “Tāta, tvaṃ na gaṇhittha, mayhaṃ putto idaṇcidaṇca datvā taṃ gahetvā gato”ti. So taṃ sutvāva hadayena phālitenā viya dhāvitvā anubandhi. Bodhisatto nāvaṃ āruya pakkhandi. So “tiṭṭha, mā palāyi mā palāyi”ti vatvā “nibbattanibbattabhava taṃ nāsetuṃ samattho bhaveyya”nti patthanaṃ akāsi.

So patthanāvasena anekesu jātisatasahassesu aññamaññaṃ viheṭhetvā imasmim attabhāve sakyakule nibbattitvā kamena bhagavati sabbaññutaṃ patvā rājagahe viharante anuruddhādīhi saddhim bhagavato santikaṃ gantvā pabbajitvā jhānalābhī hutvā pākaṭo bhagavantaṃ varaṃ yāci – “bhante, sabbo bhikkhusaṅho piṇḍapātikādīni terasa dhutaṅgāni samādiyatu, sakalo bhikkhusaṅho mama bhāro hotū”ti. Bhagavā na anujāni. Devadatto veraṃ bandhitvā parihīnājjhāno bhagavantaṃ māretukāmo ekadivasam vebhārapabbatapāde ṭhitassa bhagavato upari ṭhito pabbatakūṭaṃ paviddhesi. Bhagavato ānubhāvena aparo pabbatakūṭo taṃ patamānaṃ sampaṭicchī. Tesam ghaṭṭanena uṭṭhitā papaṭikā āgantvā bhagavato pādapiṭṭhiyaṃ pahari. Tena vuttaṃ –

“Vemātubhātaraṃ pubbe, dhanahetu haniṃ ahaṃ;
Pakkhipiṃ giriduggasmim, silāya ca apimsayim.

“Tena kammavipākena, devadatto silaṃ khipi;
Aṅguṭṭhaṃ pimsayī pāde, mama pāsāṇasakkharā”ti. (apa. therā 1.39.78-79);

Chaṭṭhapañhe – **sakalikāvedhoti** sakalikāya ghaṭṭanaṃ. Atīte kira bodhisatto ekasmim kule nibbatto daharakāle mahāvīthiyaṃ kīlamāno vīthiyaṃ piṇḍāya caramānaṃ paccekabuddhaṃ disvā “ayaṃ muṇḍako samaṇo kuhiṃ gacchatī”ti pāsāṇasakalikaṃ gahetvā tassa pādapiṭṭhiyaṃ khipi. Pādapiṭṭhicammaṃ chinditvā ruhiraṃ nikkhamī. So tena pāpakammaṃ anekavassasahassāni niraye mahādukkhaṃ anubhavitvā buddhabhūtopi kammapiṭṭikavasena pādapiṭṭhiyaṃ pāsāṇasakalikaghaṭṭanena ruhiruppādaṃ labhi. Tena vuttaṃ –

“Purehaṃ dārako hutvā, kīlamāno mahāpathe;
Paccekabuddhaṃ disvāna, magge sakalikaṃ khipiṃ.

“Tena kammavipākena, idha pacchimake bhava;
Vadhatthaṃ maṃ devadatto, abhimāre payyojayī”ti. (apa. thera 1.39.80-81);

Sattamapañhe – **nāḷāgirī**ti dhanapālako hatthī māraṇatthāya pesito. Atīte kira bodhisatto hatthigopako hutvā nibbato hatthiṃ āruyha vicaramāno mahāpathe paccekabuddhaṃ disvā “kuto āgacchati ayaṃ muṇḍako”ti āhatacitto khilajāto hatthinā āsādesi. So tena kamma apāyesu anekavassasahassāni dukkhaṃ anubhavitvā pacchimatthāve buddho jāto. Devadatto ajātasatturājānaṃ sahāyaṃ katvā “tvam, mahārāja, pitaraṃ ghātetvā rājā hohi, ahaṃ buddhaṃ māretvā buddho bhavissāmī”ti saññāpetvā ekadivasaṃ rañño anuññātāya hatthisālaṃ gantvā – “sve tumhe nāḷāgiriṃ soḷasasurāghaṭe pāyetvā bhagavato piṇḍāya caraṇavelāyaṃ pesethā”ti hatthigopake āṇāpesi. Sakalanagaraṃ mahākolāhalaṃ ahoṣi, “buddhanāgena hatthināgassa yuddhaṃ passissāmā”ti ubhato rājavīthiyaṃ mañcātimañcaṃ bandhitvā pātova sannipatiṃsu. Bhagavāpi katasarīrapaṭijaggano bhikkhusaṅghaparivuto rājagahaṃ piṇḍāya pāvīsi. Tasmīṃ khaṇe vuttaniyāmeneva nāḷāgiriṃ vissajjesuṃ. So vīthicaccarādayo vidhamento āgacchati. Tadā ekā itthī dārakaṃ gahetvā vīthito vīthiṃ gacchati, hatthī taṃ itthiṃ disvā anubandhi. Bhagavā “nāḷāgiri, na taṃ hanatthāya pesito, idhāgacchāhī”ti āha. So taṃ saddaṃ sutvā bhagavantābhimukho dhāvi. Bhagavā aparimāṇesu cakkavāḷesu anantasattesu pharaṇārahaṃ mettaṃ ekasmiṃyeva nāḷāgiriṃhi phari. So bhagavato mettāya phuṭo nibbhayo hutvā bhagavato pādāmūle nipati. Bhagavā tassa matthake hatthaṃ ṭhapesi. Tadā devabrahmādayo acchariyabbhutaajātacittā pupphaparāgādīhi pūjesuṃ. Sakalanagare jaṇṇukamattā dhanarāsayo ahesuṃ. Rājā “pacchimadvāre dhanāni nagaravāsīnaṃ hontu, puratthimadvāre dhanāni rājabhāṇḍāgāre hontū”ti bheriṃ carāpesi. Sabbe tathā kariṃsu. Tadā nāḷāgiri dhanapālo nāma ahoṣi. Bhagavā veḷuvanārāmaṃ agamāsi. Tena vuttaṃ –

“Hatthāroho pure āsiṃ, paccekamunimuttamaṃ;
Piṇḍāya vicarantaṃ taṃ, āsādesiṃ gajenahaṃ.

“Tena kammavipākena, bhanto nāḷāgirī gajo;
Giribbaje puravare, dāruṇo samupāgamī”ti. (apa. thera 1.39.82-83);

Aṭṭhamapañhe – **sattacchedoti** satthena gaṇḍaphālaṃ kuṭhārāya satthena chedo. Atīte kira bodhisatto paccantadese rājā ahoṣi. So dujjanasamaṃsaggavasena paccantadese vāsavasena ca dhutto sāhasiko ekadivasaṃ khaggahatto pattikova nagare vicaranto nirāparādhe jane khaggena phārento agamāsi. So tena pāpakammavipākena bahūni vassasahassāni nirāye paccitvā tiracchānādīsu dukkhamanubhavitvā pakkāvasesena pacchimatthāve buddhabhūtopi heṭṭhā vuttanayena devadattena khittapāsānasakkhalikapahārena uṭṭhitagaṇḍo ahoṣi. Jīvako mettacittena taṃ gaṇḍaṃ phālesi. Vericittassa devadattassa ruhiruppādakammaṃ anantarikaṃ ahoṣi, mettacittassa jīvakassa gaṇḍaphālaṃ puññameva ahoṣi. Tena vuttaṃ –

“Rājāhaṃ pattiko āsiṃ, sattiyaṃ purise haniṃ;
Tena kammavipākena, nirāye paccisaṃ bhusaṃ.

“Kammuno tassa sesena, idāni sakalaṃ mama;
Pāde chaviṃ pakappesi, na hi kammaṃ vinassatī”ti. (apa. thera 1.39.84-85);

Navame pañhe – “**sīsadukkhanti** sīsābādho sīsavedanā. Atīte kira bodhisatto kevaṭṭagāme kevaṭṭo hutvā nibbatti. So ekadivasaṃ kevaṭṭapurisehi saddhiṃ macchamāraṇatthānaṃ gantvā macche mārente disvā tattha somanassaṃ uppādesi, sahagatāpi tatheva somanassaṃ uppādayiṃsu. So tena akusalakamma caturāpāye dukkhamanubhavitvā imasmīṃ pacchimatthāve tehi purisehi saddhiṃ sakyarājakule nibbattitvā kamena buddhattaṃ pattopi sayāṃ sīsābādhaṃ paccanubhosi. Te ca sakyarājāno **dhammapadaṭṭhakathāyaṃ** (dha. pa. aṭṭha. 1. viḍaḍḍubhavatthu) vuttanayena viḍaḍḍubhasaṅgāme sabbe vināsaṃ pāpuṇiṃsu. Tena vuttaṃ –

“Ahaṃ kevaṭṭagāmasmiṃ, ahuṃ kevaṭṭadārako;
Macchake ghātite disvā, janayiṃ somanassakaṃ.

“Tena kammavipākena, sīsadukkhā ahū mama;
Sabbe sakkā ca haññiṃsu, yadā hani viṭaṭṭubho”ti. (apa. therā 1.39.86-87);

Dasamapañhe – **yavakhādananti** verañjāyaṃ yavataṇḍulakhādanāṃ. Atīte kira bodhisatto aññatarasmiṃ kule nibbatta jātivāsena ca andhabālabhāvena ca phussassa bhagavato sāvake madhurannapāne sālībhojanādayo ca bhuñjamāne disvā “are muṇḍakasamaṇā, yavaṃ khādatha, mā sālībhojanaṃ bhuñjathā”ti akkosi. So tena akusalakammavipākena anekavassasahasāni caturāpāye dukkhamanubhavitvā imasmiṃ pacchimattabhāve kamena buddhattaṃ patvā lokasaṅgahaṃ karonto gāmanīgamarājadhānīsu caritvā ekasmiṃ samaye verañjabrāhmaṇagāmasamīpe sākhaṃvīṭapasampannaṃ pucimandarukkhamūlaṃ pāpuṇi. Verañjabrāhmaṇo bhagavantaṃ upasaṅkamitvā anekapariyāyena bhagavantaṃ jinituṃ asakko sotāpanno hutvā “bhante, idheva vassaṃ upagantuṃ vaṭṭatī”ti ārocesi. Bhagavā tuñhībhāvena adhvāsēsi. Atha punadivasato paṭṭhāya māro pāpimā sakalaverañjabrāhmaṇagāmasānāṃ mārāvattanaṃ akāsi. Piṇḍāya pavitṭhassa bhagavato mārāvattanavasena ekopi kaṭacchubhikkhāmatṭaṃ dātā nāhosi. Bhagavā tucchapattova bhikkhusaṅghaparivuto punāgañchi. Tasmīṃ evaṃ āgate tattheva nivuṭṭhā assavāñijā taṃ divasaṃ dānaṃ datvā tato paṭṭhāya bhagavantaṃ pañcasatābhikkhuparivāraṃ nimantetvā pañcannaṃ assasatānaṃ bhattato vibhāgaṃ katvā yavaṃ koṭṭetvā bhikkhūnaṃ pattesu pakkhipiṃsu. Sakalassa sahasacakkavāḷadevatā sujātāya pāyāsapacanadivase viya dibbojaṃ pakkhipiṃsu. Bhagavā paribhuñji, evaṃ temāsaṃ yavaṃ paribhuñji. Temāsaccayena mārāvattane vigate pavāraṇādivase verañjo brāhmaṇo saritvā mahāsaṃvegappatto buddhappamukhassa bhikkhusaṅghassa mahādānaṃ datvā vanditvā khamāpesi. Tena vuttaṃ –

“Phussassāhaṃ pāvācane, sāvake paribhāsayiṃ;
Yavaṃ khādatha bhuñjatha, mā ca bhuñjatha sālāyo.

“Tena kammavipākena, temāsaṃ khāditaṃ yavaṃ;
Nimantito brāhmaṇena, verañjāyaṃ vasiṃ tadā”ti. (apa. therā 1.39.88-89);

Ekādasamapañhe – **piṭṭhidukkanti** piṭṭhiābādho. Atīte kira bodhisatto gahapatikule nibbatta thāmasampanno kiñci rassadhātuko ahoṣi. Tena samayena eko mallayuddhayodho sakalajambudīpe gāmanīgamarājadhānīsu mallayuddhe vattamāne purise pātetvā jayappatto kamena bodhisattassa vasananagaraṃ patvā tasmīpi jane pātetvā gantumāraddho. Tadā bodhisatto “mayhaṃ vasanaṭṭhāne esa jayaṃ patvā gacchati”ti tattha nagaramaṇḍalamāgama appoṭetvā āgaccha mayā saddhiṃ yujjhitvā gacchāti. So hasitvā “ahaṃ mahante purise pātesīṃ, ayaṃ rassadhātuko vāmanako mama ekahatthasāpi nappahoti”ti appoṭetvā naditvā āgacchi. Te ubhopi aññamaññaṃ hatthaṃ parāmasiṃsu, bodhisatto taṃ ukkhipitvā ākāse bhamitvā bhūmiyaṃ pātentō khandhaṭṭhiṃ bhinditvā pātesī. Sakalanagaravāsino ukkuṭṭhiṃ karontā appoṭetvā vatthābharaṇādīhi bodhisattaṃ pūjesuṃ. Bodhisatto taṃ mallayodhaṃ ujjuṃ sayāpetvā khandhaṭṭhiṃ ujukaṃ katvā “gaccha ito paṭṭhāya evarūpaṃ mā karosī”ti vatvā uyyojesi. So tena kammavipākena nibbattanibbattabhāve sarīrasīsādi dukkhamanubhavitvā imasmiṃ pacchimattabhāve buddhabhūtopi piṭṭhirūjādīdukkhamanubhosi. Tasmā kadāci piṭṭhidukkhe uppanne sarīputtamoggallāne “ito paṭṭhāya dhammaṃ desethā”ti vatvā sayāṃ sugatacīvaraṃ paññāpetvā sayati, kammāpilotikaṃ nāma buddhamāpi na muñcati. Vuttañhetam –

“Nibbuddhe vattamānamhi, mallaputtaṃ niheṭhayiṃ;
Tena kammavipākena, piṭṭhidukkhā ahū mamā”ti. (apa. therā 1.39.90);

Dvādasamapañhe – **atisāroti** lohītapakkhandikāvirecanaṃ. Atīte kira bodhisatto gahapatikule nibbatta vejjakammaṃ jīvikaṃ kappesi. So ekaṃ seṭṭhiputtaṃ rogena vicchitaṃ tikicchanta bhesajjaṃ katvā tikicchitvā tassa deyyadhammāne pamādamāgama aparāṃ osadhaṃ datvā vamanavirecanaṃ akāsi. Seṭṭhi bahudhanaṃ adāsi. So tena kammavipākena nibbattanibbattabhāve lohītapakkhandikābādhena

vicchito ahoṣi. Imasmimpi pacchimattabhāve parinibbānasamaye cundena kammāraputtana pacitasūkaramaddavassa sakalacakkavāḷadevatāhi pakkhittadibbojena āhārena saha bhuttakkhaṇe lohitapakkhandikāvirecanaṃ ahoṣi. Koṭisatasahassānaṃ hatthīnaṃ balaṃ khayamagamāsi. Bhagavā visākhapuṇṇamāyaṃ kusinārāyaṃ parinibbānatthāya gacchanto anekesu ṭhānesu nisīdanto pipāsito pānīyaṃ pivitvā mahādukkhena kusināraṃ patvā paccūsasamaye parinibbāyi. Kammapilotikaṃ evarūpaṃ lokattayasāmimpi na vijahati. Tena vuttaṃ –

“Tikicchako ahaṃ āsiṃ, seṭṭhiputtaṃ virecayim;
Tena kammavipākena, hoti pakkhandikā mamāti.

“Evaṃ jino viyākāsi, bhikkhusaṅghassa aggato;
Sabbābhiññābalappatto, anotatte mahāsare”ti. (apa. therā 1.39.91, 96);

Evaṃ paṭiññātapañhānaṃ, mātikāṭhapanavasena akusalāpadānaṃ samattaṃ nāma hotīti vuttaṃ **itthaṃ sudanti** itthaṃ iminā pakārena heṭṭhā vuttanayena. Sudanti nipāto padapūraṇatthe āgato. **Bhagavā** bhāgyasampanno pūritapāramimahāsatto –

“Bhāgyavā bhaggavā yutto, bhagehi ca vibhattavā;
Bhattavā vantaḡamano, bhavesu bhagavā tato”ti. –

Evamādiguṇayutto devātidevo sakkātisakko brahmātibrahmā buddhātibuddho so mahākāruṇiko bhagavā **attano buddhacariyaṃ** buddhakāraṇaṃ **sambhāvayaṃ māno** pākāṭaṃ kurumāno **buddhāpadāniyaṃ nāma** buddhakāraṇapakāsakaṃ nāma **dhammapariyāyaṃ** dhammadeśanaṃ suttaṃ **abhāsittha** kathesīti.

Iti visuddhajanavilāsiniyā apadāna-aṭṭhakathāya

Buddhaapadānaṃvaṇṇanā samattā.

2. Paccekabuddhaapadānavāṇṇanā

Tato anantaraṃ apadānaṃ saṅgāyanto “paccekabuddhāpadānaṃ, āvuso ānanda, bhagavatā kattha paññatta”nti puṭṭho “**atha paccekabuddhāpadānaṃ suṇāthā**”ti āha. Tesāṃ apadānattho heṭṭhā vuttoyeva.

83. “Suṇāthā”ti vuttapadaṃ uppattinibbattivasena pakāśento “**tathāgataṃ jetavane vasanta**”ntiādimāha. Tattha jetakumārassa nāmasena tathāsaññīte vihāre catūhi iriyāpathavihārehi dibbabrahmaariyavihārehi vā **vasantaṃ** viharantaṃ yathā purimakā vipassīādayo buddhā samattiṃsapāramiyo pūretvā āgatā, tathā amhākampi bhagavā āgatoti tathāgato. Taṃ **tathāgataṃ** jetavane vasantanti sambandho. **Vedehamunī**ti vedeharatthe jātā vedehī, vedehiyā putto vedehiputto. Monaṃ vuccati ñāṇaṃ, tena ito gato pavattoti muni. Vedehiputto ca so muni ceti “vedehiputtamunī”ti vattabbe “vaṇṇāgamo”tiādinā niruttinayena i-kārassa attāṃ putta-saddassa ca lopaṃ katvā “vedehamunī”ti vuttaṃ. “Etadaggaṃ, bhikkhave, mama sāvakaṇaṃ bhikkhūnaṃ satimantānaṃ dhitimantānaṃ gatimantānaṃ bahussutānaṃ upaṭṭhākānaṃ yadidaṃ ānando”ti (a. ni. 1.219-223) etadagge ṭhapito āyasmā ānando **nataṅgo** namanakāyaṅgo añjaliko hutvā “bhante, **paccekabuddhā nāma** kīdisā **honti**”ti **apucchīti** sambandho. **Te** paccekabuddhā **kehi hetubhi** kehi kāraṇehi **bhavanti** uppajjanti. **Vīrāti** bhagavantaṃ ālapati.

84-85. Tato paraṃ vissajjitākāraṃ dassento “**tadāha sabbaññuvaro mahesi**”tiādimāha. Sabbaṃ atītādibhedāṃ hatthāmalakaṃ viya jānātīti sabbaññū, sabbaññū ca so varo uttamo ceti **sabbaññuvaro**. Mahantaṃ sīlakkhandhaṃ, samādhikkhandhaṃ, paññākkhandhaṃ, vimuttikkhandhaṃ, mahantaṃ vimuttiñāṇadassanakhandhaṃ esati gavesatīti **mahesi**. **Ānandabhaddaṃ** madhurena sarena **tadā** tasmim puccitakāle **āha** kathesīti sambandho. Bho ānanda, **ye** paccekabuddhā **pubbabuddhesu** pubbesu

atītabuddhesu **katādhikārā** katapuññasambhārā **jinasāsanesu aladdhamokkhā** appattanibbānā. Te sabbe paccakabuddhā **dhīrā idha** imasmim loke **saṃvegamukhena** ekapuggalaṃ padhānaṃ katvā paccakabuddhā jātāti attho. **Sutikkhapaññā** suṭṭhu tikkhapaññā. **Vināpi buddhehi** buddhānaṃ ovādānusāsānīhi rahitā api. **Parittakenapi** appamattakenapi **ārammaṇena paccakabodhiṃ** paṭiekkam bodhiṃ sammāsambuddhānantaraṃ bodhiṃ **anupāpuṇanti** paṭivijjhanti.

86. Sabbamhi lokamhi sakalasmim lokattaye **mamaṃ ṭhapetvā** maṃ vihāya **pacekabuddhehi samova** sadiso eva **natthi, tesam mahāmunīnaṃ** paccakabuddhānaṃ **imaṃ vaṇṇaṃ** imaṃ guṇaṃ **padesamattaṃ** saṅkhepamattaṃ **ahaṃ** tumhākaṃ **sādhū** sādhukaṃ **vakkhāmi** kathessāmīti attho.

87. Anācariyakā hutvā **sayameva buddhānaṃ** attanāva paṭividdhānaṃ isīnaṃ antare **mahāisīnaṃ madhūvakhuddaṃ** khuddakamadhupaṭalaṃ iva **sādhūni** madhurāni **vākyāni** udānavacanāni **anuttaraṃ** uttaravirahitaṃ **bhesajaṃ** osadhaṃ nibbānaṃ **patthayantā** icchantā **sabbe** tumhe **supasannacittā** uppasannamanā **suṇātha** manasi karoṭhāti attho.

88-89. Paccakabuddhānaṃ samāgatānanti rāsibhūtānaṃ uppannānaṃ paccakabuddhānaṃ. Ariṭṭho, upariṭṭho, tagarasikhi, yasassī, sudassano, piyadassī, gandhāro, piṇḍolo, upāsabho, nitho, tatho, sutavā, bhāvitatto, sumbho, subho, methulo, aṭṭhamo, sumedho, anīgho, sudāṭho, hiṅgu, hiṅgo, dvejalino, aṭṭhako, kosalo, subāhu, upanemiso, nemiso, santacitto, sacco, tatho, virajo, paṇḍito, kālo, upakālo, vijito, jito, aṅgo, paṅgo, guttījito, passī, jahī, upadhiṃ, dukkhamūlaṃ, aparājito, sarabhaṅgo, lomahaṃso, uccaṅgamāyo, asito, anāsavo, manomayo, mānacchido, bandhumā, tadādhimutto, vimalo, ketumā, kotumbaraṅgo, mātaṅgo, ariyo, accuto, accutaḡāmi, byāmako, sumaṅgalo, dibbilo cātiādīnaṃ paccakabuddhasatānaṃ **yāni** apadānāni **paramparaṃ** paccakaṃ **byākaraṇāni** yo ca **ādīnavo yaṅca virāgavatthum** anallīyanakāraṇaṃ **yathā ca** yena kāraṇena **bodhiṃ anupāpuṇiṃsu** catumaggañānaṃ paccakkhaṃ kariṃsu. **Sarāgavatthusūti** suṭṭhu allīyitabbavatthūsu vatthukāmakilesakāmesu **virāgasaññī** virattasaññavanto **rattamhi lokamhi** allīyanasabhāvaloke **viratacittā** anallīyanamanā **hitvā papañceti** rāgo papañcaṃ doso papañcaṃ sabbakilesā papañcāti papañcasankhāte kilese hitvā **jiya phanditānīti** phanditāni dvāsattihi diṭṭhigatāni jinitvā **tatheva** tena kāraṇena evaṃ **bodhiṃ anupāpuṇiṃsu** paccakabodhiñānaṃ paccakkhaṃ kariṃsūti attho.

90-91. Sabbesu bhūtesu nidhāya daṇḍanti tajjanaphālanavadhabandhanaṃ nidhāya ṭhapetvā **tesam** sabbasattānaṃ antare **aññataraṃ** kañci ekampi sattaṃ **aviheṭṭhayaṃ** aviheṭṭhayanto adukkhāpento **mettena cittena** “sabbe sattā sukhitā hontū”ti mettāsahagatena cetasā **hitānukampī** hitena anukampanasabhāvo. Atha vā **sabbesu bhūtesu nidhāya daṇḍanti** **sabbesūti** sabbena sabbaṃ sabbathā sabbaṃ asesam nissesam pariādiyanavacanametam. **Bhūtesūti** bhūtā vuccanti tasā ca thāvarā ca. Yesam tasiṇā taṅhā appahīnā, yesañca bhayabheravā appahīnā, te tasā. Kiṃ kāraṇā vuccanti tasā? Tasanti uttasanti paritasanti bhāyanti santāsam āpajjanti, tam kāraṇā vuccanti tasā. Yesam tasiṇā taṅhā pahīnā, yesañca bhayabheravā pahīnā, te thāvarā. Kiṃ kāraṇā vuccanti thāvarā? Thiranti na tasanti na uttasanti na paritasanti na bhāyanti na santāsam āpajjanti, tam kāraṇā vuccanti thāvarā.

Tayo daṇḍā – kāyadaṇḍo, vacīdaṇḍo, manodaṇḍoti. Tividham kāyaduccaritaṃ kāyadaṇḍo, catubbidham vacīduccaritaṃ vacīdaṇḍo, tividham manoduccaritaṃ manodaṇḍo. Sabbesu sakalesu bhūtesu sattesu tam tividham daṇḍam nidhāya nidahitvā oropayitvā samoropayitvā nikkhipitvā paṭippassambhetvā hiṃsanattham agahetvāti sabbesu bhūtesu nidhāya daṇḍam. **Aviheṭṭhayaṃ aññatarampi tesanti** ekamekampi sattaṃ paṇinā vā leḍḍunā vā daṇḍena vā satthena vā anduyā vā rajjuyā vā aviheṭṭhayanto, sabbepi satte paṇinā vā leḍḍunā vā daṇḍena vā satthena vā anduyā vā rajjuyā vā aviheṭṭhayaṃ aviheṭṭhayanto aññatarampi tesam. **Na puttamiccheyya kuto sahāyanti nāti** paṭikkhepo. **Puttanti** cattāro puttā atrajo putto, khattajo, dinnako, antevāsiko putto. **Sahāyanti** sahāyo vuccati yena saha āgamaṃ phāsu, gamaṃ phāsu, ṭhānaṃ phāsu, nisajjā phāsu, ālapanam phāsu, sallapanam phāsu, samullapanam phāsu. Na puttamiccheyya kuto sahāyanti puttampi na iccheyya na sādiyeyya na pattheyya na pihayeyya nābhijappeyya, kuto mittam vā sandiṭṭham vā sambhattam vā sahāyam vā iccheyya sādiyeyya pattheyya pihayeyya abhijappeyyāti na puttamiccheyya kuto sahāyam. **Eko care khaggavisāṇakappoti** so

paccekasambuddho pabbajjāsāṅkhātena eko, adutiyaṭṭhena eko, taṇhāya pahānaṭṭhena eko, ekantavītarāgoti eko, ekantavītadosoti eko, ekantavītamohoti eko, ekantanikkilesoti eko, ekāyanamaggaṃ gatoti eko, eko anuttaraṃ paccekasambodhiṃ abhisambuddhoti eko.

Kathaṃ so paccekasambuddho pabbajjāsāṅkhātena eko? So hi paccekasambuddho sabbaṃ gharāvāsapalibodhaṃ chinditvā, puttadārapalibodhaṃ chinditvā, ñātipalibodhaṃ, mittāmaccapalibodhaṃ, sannidhipalibodhaṃ chinditvā kesamassaṃ ohāretvā kāsāyāni vatthāni acchādetvā agārasmā nikkhama anagāriyaṃ pabbajitvā akiñcanabhāvaṃ upagantvā ekova carati viharati iriyati vattati pāleti yapeti yāpetīti evaṃ so paccekasambuddho pabbajjāsāṅkhātena eko.

Kathaṃ so paccekasambuddho adutiyaṭṭhena eko? So evaṃ pabbajito samāno eko araññavanapatthāni pantāni senāsānāni paṭisevati appasaddāni appanigghosāni vijanavātāni manussarāhasseyyakāni paṭisallānasārūppāni. So eko tiṭṭhati, eko gacchati, eko nisīdati, eko seyyaṃ kappeti, eko gāmaṃ piṇḍāya pavisati, eko paṭikkamati, eko raho nisīdati, eko caṅkamati, eko carati viharati iriyati vattati pāleti yapeti yāpetīti evaṃ so adutiyaṭṭhena eko.

Kathaṃ so paccekasambuddho taṇhāya pahānaṭṭhena eko? So eko adutiyo appamatto ātāpī pahitto viharanto mahāpadhānaṃ padahanto māraṃ sasenakaṃ namuciṃ kaṇhaṃ pamattabandhuṃ vidhametvā ca taṇhājāliniṃ visaritaṃ visattikaṃ pajahi vinodesi byantiṃ akāsi anabhāvaṃ gamesi.

“Taṇhādutiyo puriso, dīghamaddhāna saṃsaraṃ;
Itthabhāvaññathābhāvaṃ, saṃsāraṃ nātivattati.

“Etamādīnavaṃ ñatvā, taṇhaṃ dukkhassa sambhavaṃ;
Vītataṇho anādāno, sato bhikkhu paribbaje”ti. (itivu. 15, 105; mahāni. 191) –

Evaṃ so paccekasambuddho taṇhāya pahānaṭṭhena eko.

Kathaṃ so paccekasambuddho ekantavītarāgoti eko? Rāgassa pahīnattā ekantavītarāgoti eko, dosassa pahīnattā ekantavītadosoti eko, mohassa pahīnattā ekantavītamohoti eko, kilesānaṃ pahīnattā ekantanikkilesoti eko, evaṃ so paccekasambuddho ekantavītarāgoti eko.

Kathaṃ so paccekasambuddho ekāyanamaggaṃ gatoti eko? Ekāyanamaggo vuccati cattāro satipaṭṭhānā, cattāro sammappadhānā, cattāro iddhipādā, pañcindriyāni, pañca balāni, satta bojjhaṅgā, ariyo aṭṭhaṅgiko maggo.

“Ekāyanaṃ jātikhayantadassī, maggaṃ pajānāti hitānukampī;

Etena maggena tariṃsu pubbe, tarissanti ye ca taranti ogha”nti. (saṃ. ni. 5.384; mahāni. 191) –

Evaṃ so ekāyanamaggaṃ gatoti eko.

Kathaṃ so paccekasambuddho eko anuttaraṃ paccekasambodhiṃ abhisambuddhoti eko? Bodhi vuccati catūsu maggesu ñāṇaṃ (mahāni. 191; cūḷani. khaggavisāṇasuttaniddeśa 121). Paññā paññindriyaṃ paññābalaṃ dhammavicayasambojjhaṅgo vīmaṃsā vipassanā sammādiṭṭhi. So paccekasambuddho tena paccekabodhiñāṇena “sabbe saṅkhārā aniccā”ti bujjhi, “sabbe saṅkhārā dukkhā”ti bujjhi, “sabbe dhammā anattā”ti bujjhi. “Avijjāpaccayā saṅkhārā”ti bujjhi, “saṅkhārapaccayā viññāṇa”nti bujjhi, “viññāṇapaccayā nāmarūpa”nti bujjhi, “nāmarūpapaccayā saḷāyatana”nti bujjhi, “saḷāyatanapaccayā phasso”ti bujjhi, “phassapaccayā vedanā”ti bujjhi, “vedanāpaccayā taṇhā”ti bujjhi, “taṇhāpaccayā upādāna”nti bujjhi, “upādānapaccayā bhavo”ti bujjhi, “bhavapaccayā jāti”ti bujjhi, “jātipaccayā jarāmaṇa”nti bujjhi. “Avijjānirodhā saṅkhāranirodho”ti bujjhi, “saṅkhāranirodhā viññāṇanirodho”ti bujjhi...pe... “bhavanirodhā jātinirodho”ti bujjhi, “jātinirodhā jarāmaṇanirodho”ti bujjhi. “Idaṃ dukkha”nti bujjhi, “ayaṃ dukkhasamudayo”ti bujjhi, “ayaṃ dukkhanirodho”ti bujjhi, “ayaṃ

dukkhanirodhagāminipaṭipadā”ti bujjhi. “Ime āsavā”ti bujjhi, “ayaṃ āsavaśamudayo”ti bujjhi... pe... “paṭipadā”ti bujjhi, “ime dhammā abhiññeyyā”ti bujjhi, “ime dhammā pahātabbā”ti bujjhi, “ime dhammā sacchikātabbā”ti bujjhi, “ime dhammā bhāvetabbā”ti bujjhi. Channaṃ phassāyatanānaṃ samudayañca atthaṅgamañca assādañca ādīnavañca nissaraṇaṃca bujjhi, pañcannaṃ upādānakkhandhānaṃ samudayañca...pe... nissaraṇaṃca bujjhi, catunnaṃ mahābhūtānaṃ samudayañca atthaṅgamañca assādañca ādīnavañca nissaraṇaṃca bujjhi, “yaṃ kiñci samudayadhammaṃ, sabbaṃ taṃ nirodhadhamma”nti bujjhi.

Atha vā yaṃ bujjhitabbaṃ anubujjhitabbaṃ paṭibujjhitabbaṃ sambujjhitabbaṃ adhigantabbaṃ phassitabbaṃ sacchikātabbaṃ, sabbaṃ taṃ tena paccekabodhiññānaṃ bujjhi anubujjhi paṭibujjhi sambujjhi adhigañchi phassesi sacchāḥkāṣīti, evaṃ so paccekasambuddho eko anuttaraṃ paccekasambodhiṃ abhisambuddhoti eko.

Careti aṭṭha cariyāyo (cūḷani. khaggavisāṇasuttaniddesa 121) – iriyāpathacariyā, āyatanacariyā, saticariyā, samādhicariyā, ñāṇacariyā, maggacariyā, patticariyā, lokatthacariyā. Iriyāpathacariyāti catūsu iriyāpathesu, āyatanacariyāti chasu ajjhattikabāhiresu āyatanesu, saticariyāti catūsu satipaṭṭhānesu, samādhicariyāti catūsu jhānesu, ñāṇacariyāti catūsu ariyasaccesu, maggacariyāti catūsu ariyamaggesu, patticariyāti catūsu sāmāññaphalesu, lokatthacariyāti tathāgatesu arahantesu sammāsambuddhesu, padesato paccekasambuddhesu, padesato sāvakesu.

Iriyāpathacariyā ca pañidhisampannānaṃ, āyatanacariyā ca indriyesu guttadvārānaṃ, saticariyā ca appamādavahārīnaṃ, samādhicariyā ca adhicittamanuyuttānaṃ, ñāṇacariyā ca buddhisampannānaṃ, maggacariyā ca sammāpaṭipannānaṃ, patticariyā ca adhigataphalānaṃ, lokatthacariyā ca tathāgatānaṃ arahantānaṃ sammāsambuddhānaṃ, padesato paccekasambuddhānaṃ, padesato sāvakanānaṃ. Imā aṭṭha cariyāyo.

Aparāpi aṭṭha cariyāyo – adhimuccanto saddhāya carati, paggañhanto vīriyena carati, upaṭṭhapento satiyā carati, avikkhepaṃ karonto samādhinā carati, pajānanto paññāya carati, vijānanto viññāṇacariyāya carati, evaṃ paṭipannassa kusalā dhammā āyatananti āyatanacariyāya carati. Evaṃ paṭipanno visesamadhigacchatīti visesacariyāya carati. Imā aṭṭha cariyāyo.

Aparāpi aṭṭha cariyāyo – dassanacariyā ca sammādiṭṭhiyā, abhiniropanacariyā ca sammāsaṅkappassa, pariggahacariyā ca sammāvācāya, samuṭṭhānacariyā ca sammākammantassa, vodānacariyā ca sammāājīvassa, paggahacariyā ca sammāvāyāmassa, upaṭṭhānacariyā ca sammāsatiyā, avikkhepacariyā ca sammāsamādhissa. Imā aṭṭha cariyāyo.

Khaggavisāṇakappoti yathā khaggassa nāma visāṇaṃ ekameva hoti, adutiyaṃ, evameva so paccekasambuddho takkappo tassadiso tappaṭibhāgo. Yathā atiloṇaṃ vuccati loṇakappo, atitittakaṃ vuccati tittakappo, atimadhuraṃ vuccati madhurakappo, atiuṇhaṃ vuccati aggikappo, atisītaṃ vuccati himakappo, mahāudakakkhandho vuccati samuddakappo, mahābhiññābalappatto sāvako vuccati sathukappoti. Evameva so paccekasambuddho khaggavisāṇakappo, khaggavisāṇasadiso khaggavisāṇapaṭibhāgo eko adutiyo muttabandhano sammā loke carati viharati iriyati vattati pāleti yapeti yāpetīti eko care khaggavisāṇakappo. Tenāhu paccekasambuddhā –

“Sabbesu bhūtesu nidhāya daṇḍaṃ, aviheṭṭhayaṃ aññatarampi tesam;
Na puttamiccheyya kuto sahāyaṃ, eko care khaggavisāṇakappo.

“Saṃsaggajātassa bhavanti snehā, snehanvayaṃ dukkhamidaṃ pahoti;
Ādīnavaṃ snehajaṃ pekkhamāno; Eko care khaggavisāṇakappo.

“Mitte suhaje anukampamāno, hāpeti atthaṃ paṭibaddhacitto;
Etaṃ bhayaṃ santhave pekkhamāno, eko care khaggavisāṇakappo.

“Vamso visālova yathā visatto, puttesu dāresu ca yā apekkhā;
Vamse kaḷīrova asajjamāno, eko care khaggavisāṇakappo.

“Migo araṇṇamhi yathā abaddho, yenicchakaṃ gacchati gocarāya;
Viññū naro seritaṃ pekkhamāno, eko care khaggavisāṇakappo.

“Āmantanā hoti sahāyamajjhe, vāse ca ṭhāne gamane cārikāya;
Anabhijjitaṃ seritaṃ pekkhamāno, eko care khaggavisāṇakappo.

“Khidḍā ratī hoti sahāyamajjhe, puttesu pemaṃ vipulañca hoti;
Piyavippayogaṃ vijigucchamāno, eko care khaggavisāṇakappo.

“Cātuddiso appaṭigho ca hoti, santussamāno itarītarena;
Parissayānaṃ sahitaṃ achambhī, eko care khaggavisāṇakappo.

“Dussaṅghā pabbajitāpi eke, atho gahaṭṭhā gharamāvasantā;
Appossukko paraputtesu hutvā, eko care khaggavisāṇakappo.

“Oropayitvā gihibyañjanāni, sañchinnapatto yathā kovilāro;
Chetvāna vīro ghibandhanāni, eko care khaggavisāṇakappo.

“Sace labhetha nipakaṃ sahāyaṃ, saddhiṃ caraṃ sādhuvihāridhīraṃ;
Abhibhuyya sabbāni parissayāni, careyya tenattamano satīmā.

“No ce labhetha nipakaṃ sahāyaṃ, saddhiṃ caraṃ sādhuvihāridhīraṃ;
Rājāva raṭṭhaṃ vijitaṃ pahāya, eko care mātaṅgaraññeva nāgo.

“Addhā pasaṃsāma sahāyasampadaṃ, seṭṭhā samā sevitabbā sahāyā;
Ete aladdhā anavajjabhojī, eko care khaggavisāṇakappo.

“Disvā suvaṇṇassa pabhassarāni, kammāraputtana suniṭṭhitāni;
Saṅghaṭṭamānāni duve bhujasmiṃ, eko care khaggavisāṇakappo.

“Evaṃ dutīyena sahā mamassa, vācābhilāpo abhisajjanā vā;
Etaṃ bhayaṃ āyatiṃ pekkhamāno, eko care khaggavisāṇakappo.

“Kāmā hi citrā madhurā manoramā, virūparūpena mathenti cittaṃ;
Ādīnavaṃ kāmaguṇesu disvā, eko care khaggavisāṇakappo.

“Ītī ca gaṇḍo ca upaddavo ca, rogo ca sallañca bhayañca metaṃ;
Etaṃ bhayaṃ kāmaguṇesu disvā, eko care khaggavisāṇakappo.

“Sītañca uṇhañca khudaṃ pipāsaṃ, vātātape ḍaṃsasarīsape ca;
Sabbānipetāni abhibbhavitvā, eko care khaggavisāṇakappo.

“Nāgo va yūthāni vivajjayitvā, sañjātakhandho padumī ulāro;
Yathābhirantaṃ viharaṃ araṇṇe, eko care khaggavisāṇakappo.

“Aṭṭhānataṃ saṅgaṇikāratassa, yaṃ phassaye sāmayaikaṃ vimuttiṃ;
Ādiccabandhussa vaco nisamma, eko care khaggavisāṇakappo.

“Diṭṭhivīsūkāni upātivatto, patto niyāmaṃ paṭiladdhamaggo;

Uppannañāṇomhi anaññaneyyo, eko care khaggavisāṇakappo.

“Nillolupo nikkhuho nippipāso, nimmakkha niddhantakasāvamoho;
Nirāsayo sabbaloke bhavitvā, eko care khaggavisāṇakappo.

“Pāpaṃ sahāyaṃ parivajjayetha, anattadassiṃ visame nivittṭhaṃ;
Sayam na seve pasutaṃ pamattaṃ, eko care khaggavisāṇakappo.

“Bahussutaṃ dhammadharaṃ bhajetha, mittam ulāraṃ paṭibhānavantaṃ;
Aññāya atthāni vineyya kaṅkhaṃ, eko care khaggavisāṇakappo.

“Khidḍaṃ ratiṃ kāmasukhañca loke, analaṅkaritvā anapekkhamāno;
Vibhūsaṭṭhānā virato saccavādī, eko care khaggavisāṇakappo.

“Puttañca dāraṃ pitarañca mātaraṃ, dhanāni dhaññāni ca bandhavāni;
Hitvāna kāmāni yathodhikāni, eko care khaggavisāṇakappo.

“Saṅgo eso parittamettha sokhyaṃ, appassādo dukkhamevettha bhiyyo;
Gaḷo eso iti ñatvā matimā, eko care khaggavisāṇakappo.

“Sandālayitvāna saṃyojanāni, jālaṃva bhettvā salilambucārī,
Aggīva daḍḍhaṃ anivattamāno, eko care khaggavisāṇakappo.

“Okkhittacakkhū na ca pādalo, guttindriyo rakkhitamānasāno;
Anavassuto aparīdayhamāno, eko care khaggavisāṇakappo.

“Ohārayitvā gihībyañjanāni, sañchannapatto yathā pārīchatto;
Kāsāyavatto abhinikkhamitvā, eko care khaggavisāṇakappo.

“Rasesu gedhaṃ akaraṃ alolo, anaññaposī sapadānacārī;
Kule kule appaṭibaddhacitto, eko care khaggavisāṇakappo.

“Pahāya pañcāvaraṇāni cetaso, upakkilese byapanujja sabbe;
Anissito chejja sinehadosaṃ, eko care khaggavisāṇakappo.

“Vipiṭṭhikatvāna sukhañca dukkhaṃ, pubbeva somanassadomanassaṃ;
Laddhānupekkhaṃ samathaṃ visuddhaṃ, eko care khaggavisāṇakappo.

“Āraddhavīriyo paramatthapattiyā, alīnacitto akusītavutti;
Daḷhanikkamo thāmabalūpapanno, eko care khaggavisāṇakappo.

“Paṭisallānaṃ jhānamariñcamāno, dhammesu niccaṃ anudhammacārī;
Ādīnavaṃ sammasitā bhavesu, eko care khaggavisāṇakappo.

“Taṇhakkhayaṃ patthayamappamatto, aneḷamūgo sutavā satīmā;
Saṅkhātadhammo niyato padhānavā, eko care khaggavisāṇakappo.

“Sīhova saddesu asantasanto, vātova jālamhi asajjamāno;
Padumaṃva toyena alimpamāno, eko care khaggavisāṇakappo.

“Sīho yathā dāṭhabalī pasayha, rājā migānaṃ abhibhuyya cārī;
Sevetha pantāni senāsanāni, eko care khaggavisāṇakappo.

“Mettaṃ upekkhaṃ karuṇaṃ vimuttiṃ, āsevamaṇo muditaṇca kāle;
Sabbena lokena avirujjhamāno, eko care khaggavisāṇakappo.

“Rāgaṇca dosaṇca pahāya mohaṃ, sandālayitvāna saṃyojanāni;
Asantasam jīvitasāṅkhayamhi, eko care khaggavisāṇakappo.

“Bhajanti sevanti ca kāraṇatthā, nikkāraṇā dullabhā ajja mittā;
Attatthapaññā asucīmanussā, eko care khaggavisāṇakappo”’ti.

Tattha **sabbesu bhūtesūti** khaggavisāṇapaccekabuddhāpadānasuttaṃ. Kā uppatti? Sabbasuttānaṃ catubbidhā uppatti – attajjhāsayato, parajjhāsayato, aṭṭhuppattito, pucchāvasitoti. Tattha khaggavisāṇasuttassa avisesena pucchāvasito uppatti. Visesena pana yasmā ettha kāci gāthā tena tena paccekabuddhena puṭṭhena vuttā, kāci apuṭṭhena attanā adhigatamagganayānurūpaṃ udānaṃyeva udānentena, tasmā kāyaci gāthāya pucchāvasito, kāyaci attajjhāsayato uppatti. Tattha yā ayaṃ avisesena pucchāvasito uppatti, sā ādito pabhuti evaṃ veditabbā –

Ekaṃ samayaṃ bhagavā sāvatthiyaṃ viharati. Atha kho āyasmato ānandassa rahogatassa paṭisallīnassa evaṃ cetaso parivattako udapādi – “buddhānaṃ patthanā ca abhinīhāro ca dissati, tathā sāvakānaṃ, paccekabuddhānaṃ na dissati, yaṃnūnāhaṃ bhagavantaṃ upasaṅkamitvā puccheyya”’nti? So paṭisallānā vuṭṭhito bhagavantaṃ upasaṅkamitvā yathākkamena etamatthaṃ pucchi. Athassa bhagavā pubbayogāvaccarasuttaṃ abhāsi –

“Pañcime, ānanda, ānisaṃsā pubbayogāvaccare diṭṭheva dhamme paṭikacceva aññaṃ ārādheti. No ce diṭṭheva dhamme paṭikacceva aññaṃ ārādheti, atha maraṇakāle aññaṃ ārādheti. Atha devaputto samāno aññaṃ ārādheti. Atha buddhānaṃ sammukhībhāve khippābhiñño hoti. Atha pacchime kāle paccakasambuddho hoti”’ti.

Evaṃ vatvā puna āha –

“Paccakasambuddhā nāma, ānanda, abhinīhārasampannā pubbayogāvaccarā honti, tasmā paccekabuddhabuddhasāvakānaṃ sabbesaṃ patthanā ca abhinīhāro ca icchitabbo”’ti.

So āha – “buddhānaṃ, bhante, patthanā kīva ciraṃ vaṭṭati”’ti. Buddhānaṃ, ānanda, heṭṭhimaparicchedena cattāri asaṅkhyeyyāni kappasatasahassaṇca, majjhimaparicchedena aṭṭha asaṅkhyeyyāni kappasatasahassaṇca, uparimaparicchedena soḷasa asaṅkhyeyyāni kappasatasahassaṇca. Ete ca bheda paññādhikasaddhādhikavīriyādhikānaṃ vasena ñātābbā. Paññādhikānañhi saddhā mandā hoti, paññā tikkhā. Saddhādhikānaṃ paññā majjhimā hoti, saddhā tikkhā. Vīriyādhikānaṃ saddhā paññā mandā hoti, vīriyaṃ tikkhanti. Appatvā pana cattāri asaṅkhyeyyāni kappasatasahassaṇca divase divase vessantaradānasadisam dānaṃ dentopi tadanurūpe sīlādīpāramidhamme ācinantopi antarā buddho bhavissatīti netam ṭhānaṃ vijjati. Kasmā? Ñāṇaṃ gabbhaṃ na gaṇhāti, vepullaṃ nāpajjati, paripākaṃ na gacchatīti. Yathā nāma timāsacatumāsapañcamāsaccayena nipphajjanakaṃ sassaṃ taṃ taṃ kālaṃ appatvā divase divase satakkhattuṃ sahasakkhattuṃ keḷāyantopi udakena siñcantopi antarā pakkhena vā māsenā vā nipphādessatīti netam ṭhānaṃ vijjati. Kasmā? Sassaṃ gabbhaṃ na gaṇhāti, vepullaṃ nāpajjati, paripākaṃ na gacchatīti. Evamevaṃ appatvā cattāri asaṅkhyeyyāni kappasatasahassaṇca antarā buddho bhavissatīti netam ṭhānaṃ vijjati. Tasmā yathāvuttameva kālaṃ pāramipūraṇaṃ kātabbaṃ ñāṇaparipākathāya. Ettakenāpi ca kālena buddhattaṃ patthayato abhinīhāra karaṇe aṭṭha sampattiyo icchitabbā. Ayañhi –

“Manussattaṃ liṅgasampatti, hetu satthāradassanaṃ;
Pabbajjā guṇasampatti, adhikāro ca chandatā;
Aṭṭhadhammasamodhānā, abhinīhāro samijjhati”’. (bu. vaṃ. 2.59);

Abhinīhāroti mūlapañidhānassetam adhivacanaṃ. Tattha **manussattanti** manussajāti. Aññaṭṭha hi

manussajātiyā avasesajātīsu devajātiyampi t̥hitassa paṇidhi na ijjhati, tattha t̥hitena pana buddhattaṃ patthayantena dānādīni puññakammāni katvā manussattaṃyeva patthetabbaṃ, tattha t̥hatvā paṇidhi kātabbo. Evañhi samijjhati. **Liṅgasampattī** purisabhāvo. Mātugāmanapuṃsakaubhatobyañjanakānañhi manussajātiyaṃ t̥hitānampi paṇidhi na ijjhati. Tattha t̥hitena pana buddhattaṃ patthentena dānādīni puññakammāni katvā purisabhāvoyeva patthetabbo, tattha t̥hatvā paṇidhi kātabbo. Evañhi samijjhati. **Hetūti** arahattassa upanissayasampattī. Yo hi tasmim̐ attabhāve vāyamanto arahattaṃ pāpuṇiṭṭuṃ samattho, tassa paṇidhi samijjhati, no itarassa yathā sumedhapaṇḍitassa. So hi dīpaṅkarapādāmūle pabbajitvā tenattabhāvena arahattaṃ pāpuṇiṭṭuṃ samattho ahosi. **Satthāradassananti** buddhānaṃ sammukhādassanaṃ. Evañhi ijjhati, no aññathā yathā sumedhapaṇḍitassa. So hi dīpaṅkaraṃ sammukhā disvā paṇidhiṃ akāsi. **Pabbajjāti** anagāriyabhāvo. So ca kho sāsane vā kammavādikiriyavāditāpasaparibbājakanikāye vā vaṭṭati yathā sumedhapaṇḍitassa. So hi sumedho nāma tāpaso hutvā paṇidhiṃ akāsi. **Guṇasampattī** jhānādiguṇapaṭilābho. Pabbajitassapi hi guṇasampannasseva ijjhati, no itarassa yathā sumedhapaṇḍitassa. So hi pañcābhīṇṇo ca aṭṭhasamāpattilābhī ca hutvā paṇidhesi. **Adhikāroti** adhikakāro, pariccāgoti attho. Jīvitādipariccāgañhi katvā paṇidahatoyeva ijjhati, no itarassa yathā sumedhapaṇḍitassa. So hi –

“Akkamitvāna maṃ buddho, saha sissehi gacchatu;
Mā naṃ kalale akkamittha, hitāya me bhavissatī”ti. (bu. vaṃ. 2.53);

Evaṃ attapariccāgaṃ katvā paṇidhesi. **Chandatāti** kattukamyatā. Sā yassa balavatī hoti, tassa ijjhati paṇidhi. Sā ca sace koci vadeyya “ko cattāri asaṅkhyeyyāni kappasatasahassaṅca niraye paccitvā buddhattaṃ icchatī”ti. Taṃ sutvā yo “aha”nti vattuṃ ussahati, tassa balavatīti veditabbā. Tathā yadi koci vadeyya “ko sakalacakkavāḷaṃ vītaccikānaṃ aṅgārānaṃ pūraṃ akkamitvā buddhattaṃ icchati, ko sakalacakkavāḷaṃ sattisūlehi ākiṇṇaṃ akkamanto atikkamitvā buddhattaṃ icchati, ko sakalacakkavāḷaṃ samatittikaṃ udakapuṇṇaṃ uttaritvā buddhattaṃ icchati, ko sakalacakkavāḷaṃ nirantaraṃ veḷugumbasañchannaṃ maddanto atikkamitvā buddhattaṃ icchatī”ti, taṃ sutvā yo “aha”nti vattuṃ ussahati, tassa balavatīti veditabbā. Evarūpena ca kattukamyatāchandena samannāgato sumedhapaṇḍito paṇidhesīti.

Evaṃ samiddhābhinīhāro ca bodhisatto imāni aṭṭhārasa abhabbaṭṭhānāni na upeti. So hi tato pabhuti na jaccandho hoti na jaccapadhiro, na ummattako, na eḷamugo, na pīṭhasappi, na milakkhesu uppajjati, na dāsiyā kucchimhi nibbattati, na niyatamicchādīṭṭhiko hoti, nāssa liṅgaṃ parivattati, na pañcānantariyakammāni karoti, na kuṭṭhī hoti, na tiracchānayoniyaṃ vaṭṭakato pacchimattabhāvo hatthito adhikattabhāvo hoti, na khuppipāsikanijjhāmataṅhikapetesu uppajjati, na kālakañcīkāsuresu, na avīciniraye, na lokantarikesu uppajjati. Kāmāvacaresu pana na māro hoti, rūpāvacaresu na asaṅñībhave, na suddhāvāsesu uppajjati, na arūpabhavesu, na aññaṃ cakkavāḷaṃ saṅkamati.

Yā cimā ussāho ca ummaṅgo ca avatthānaṅca hitacariyā cāti catasso buddhabhūmiyo, tāhi samannāgato hoti. Tattha –

“Ussāho vīriyaṃ vuttaṃ, ummaṅgo paññā pavuccati;
Avatthānaṃ adhiṭṭhānaṃ, hitacariyā mettābhāvanā”ti. –

Veditabbā. Ye ca ime nekkhammajjhāsayo, pavivekajjhāsayo, alobhajjhāsayo, adosajjhāsayo, amohajjhāsayo, nissaraṇajjhāsayoti cha ajjhāsayā bodhiparipākāya saṃvattanti, yehi samannāgatattā nekkhammajjhāsayā ca bodhisattā kāmesu dosadassāvino, pavivekajjhāsayā ca bodhisattā saṅgaṇikāya dosadassāvino, alobhajjhāsayā ca bodhisattā lobhe dosadassāvino, adosajjhāsayā ca bodhisattā dose dosadassāvino, amohajjhāsayā ca bodhisattā mohe dosadassāvino, nissaraṇajjhāsayā ca bodhisattā sabbabhavesu dosadassāvinoti vuccanti, tehi ca samannāgato hoti.

Paccekabuddhānaṃ pana kīva ciraṃ patthanā vaṭṭatīti? Paccekabuddhānaṃ dve asaṅkhyeyyāni kappasatasahassaṅca, tato oraṃ na sakkā, pubbe vuttanayenevettha kāraṇaṃ veditabbaṃ. Ettakenāpi ca kālena paccekabuddhattaṃ patthayato abhinīhāraṅca pañca sampattiyo icchitabbā. Tesañhi –

“Manussattaṃ liṅgasampatti, vigatāsavadassanaṃ;
Adhikāro ca chandatā, ete abhinīhārakāraṇā”.

Tattha **vigatāsavadassanaṃ** buddhapaccekabuddhabuddhasāvakaṇaṃ yassa kassaci dassanaṃ attho. Sesamaṃ vuttanayameva.

Atha “sāvakaṇaṃ patthanā kittakaṃ vaṭṭati”ti? Dvinnamaṃ aggasāvakaṇaṃ ekaṃ asaṅkhyeyyaṃ kappasatasahassaṇca, asītimahāsāvakaṇaṃ kappasatasahassameva. Tathā buddhassa mātāpitūnaṃ upaṭṭhākassa puttassa cāti, tato oraṃ na sakkā, tattha kāraṇaṃ vuttanayameva. Imesaṃ pana sabbesampi adhikāro ca chandatāti dvaṅgasamannāgatoyeva abhinīhāro hoti.

Evaṃ imāya patthanāya iminā ca abhinīhārena yathāvuttappabhedamaṃ kālaṃ pāramiyo pūretvā buddhā loke uppajjantā khattiyakule vā brāhmaṇakule vā uppajjanti, paccekabuddhā khattiyabrāhmaṇagahapatikulānaṃ aññatarasmiṃ, aggasāvakaṇaṃ pana buddhā viya khattiyabrāhmaṇakulesveva. Sabbabuddhā samvaṭṭamāne kappe na uppajjanti, vivaṭṭamāne kappe uppajjanti, tathā paccekabuddhā. Te pana buddhānaṃ uppajjanakāle na uppajjanti. Buddhā sayañca bujjhanti, pare ca bodhenti. Paccekabuddhā sayameva bujjhanti, na pare bodhenti. Attharasameva paṭivijjhanti, na dhammarasaṃ. Na hi te lokuttaradhammaṃ paññattiṃ āropetvā desetumaṃ sakkonti, mūgena diṭṭhasupīno viya vanacarakena nagare sāyitabyañjanaraso viya ca nesaṃ dhammābhisamayo hoti. Sabbaṃ iddhisamāpattiapaṭisambhidāpabhedamaṃ pāpuṇanti. Guṇaviṣiṭṭhatāya buddhānaṃ heṭṭhā sāvakaṇaṃ upari honti, na aññe pabbajetvā ābhisamācārikaṃ sikkhāpenti, “cittasallekko kātabbo, vosānaṃ nāpajjitabba”nti iminā uddekena uposathaṃ karonti, ajja uposathoti vacanamattena vā, uposathaṃ karontā ca gandhamādane mañjūsakarukkhamaṃle ratanamāle sannipativā karontīti. Evaṃ bhagavā āyasmato ānandassa paccekabuddhānaṃ sabbākāraparipūraṃ patthanaṇca abhinīhāraṇca kathetvā idāni imāya patthanāya iminā ca abhinīhārena samudāgate te te paccekabuddhe kathetumaṃ “**sabbesu bhūtesu nidhāya daṇḍa**”ntiadinā nayena imaṃ khaggavisāṇasuttaṃ abhāsī. Ayaṃ tāva avisesena pucchāvasito khaggavisāṇasuttassa uppatti.

Idāni visesena vattabbā. Tattha imissā tāva gāthāya evaṃ uppatti veditabbā – ayaṃ kira paccekabuddho paccekabodhisattabhūmiṃ ogāhanto dve asaṅkhyeyyāni kappasatasahassaṇca pāramiyo pūretvā kassapassa bhagavato sāsane pabbajitvā āraññiko hutvā gatapaccāgatavattaṃ pūrento samaṇadhammaṃ akāsī. Etaṃ kira vattaṃ aparipūretvā paccekabodhiṃ pāpuṇanto nāma natthi. Kiṃ panetaṃ **gatapaccāgatavattaṃ** nāma? Haraṇapaccāharaṇanti. Taṃ yathā vibhūtaṃ hoti, tathā kathessāma.

Idha ekacco bhikkhu harati na paccāharati, ekacco paccāharati na harati, ekacco neva harati na paccāharati, ekacco harati ca paccāharati ca. Tattha yo bhikkhu pageva vuṭṭhāya cetiyaṅgaṇabodhiyaṅgaṇavattaṃ katvā bodhirukkhe udakaṃ āsiñcitvā pānīyaghaṭaṃ pūretvā pānīyamāle ṭhapetvā ācariyavattaṃ upajjhāyavattaṃ katvā dveasīti khandhakavattāni ca cuddasa mahāvattāni samādāya vattati. So sarīraparikammaṃ katvā senāsanaṃ pavisitvā yāva bhikkhācāraṇelā, tāva vivittāsane vītīnāmetvā velaṃ ṇivāsetvā kāyabandhanaṃ bandhitvā uttarāsaṅgaṃ katvā saṅghāṭiṃ khandhe karitvā pattaṃ aṃse ālaggetvā kammaṭṭhānaṃ manasi karonto cetiyaṅgaṇaṃ gantvā cetiyaṇca bodhiṇca vanditvā gāmasamīpe cīvaraṃ pārupitvā pattaṃ ādāya gāmaṃ piṇḍāya pavisati. Evaṃ pavittṭho ca lābhī bhikkhu puññavā upāsakehi sakkato garukato upaṭṭhākakule vā paṭikkamanasālāyaṃ vā paṭikkamitvā upāsakehi taṃ taṃ pañhaṃ pucchiyamāno tesamaṃ pañhavissajjanena dhammadesanāvikkhepena ca taṃ manasikāraṃ chaḍḍetvā nikkhamati. Vihāraṃ āgatopi bhikkhūhi pañhaṃ puṭṭho katheti, dhammaṃ bhaṇati, taṃ taṃ byāpāraṇca āpajjati. Pacchābhattampi purimayāmaṃpi majjhimayāmaṃpi evaṃ bhikkhūhi saddhiṃ papañcetvā kāyaduṭṭhullābhībhūto pacchimayāmepehi sayati, neva kammaṭṭhānaṃ manasi karoti. Ayaṃ vuccati “**harati na paccāharati**”ti.

Yo pana byādhibahulo hoti, bhuttāhāro paccūsasamaye na sammā pariṇamati. Pageva vuṭṭhāya yathāvuttaṃ vattaṃ kātumaṃ na sakkoti kammaṭṭhānaṃ vā manasi kātumaṃ, aññadatthu yāgumaṃ vā khajjakaṃ vā bhesajjaṃ vā bhattaṃ vā patthayamāno kālasseva pattacīvaramādāya gāmaṃ pavisati. Tattha yāgumaṃ vā khajjakaṃ vā bhesajjaṃ vā bhattaṃ vā laddhā pattaṃ nīharitvā bhattakiccaṃ niṭṭhāpetvā paññattāsane nisinna kammaṭṭhānaṃ manasi karitvā visesaṃ patvā vā apatvā vā vihāraṃ āgantvā teneva manasikārena

viharati. Ayaṃ vuccati “**paccāharati na haratī**”ti. Edisā hi bhikkhū yāguṃ pivitvā vipassanaṃ vaḍḍhetvā buddhasāsane arahattaṃ pattā gaṇanapathaṃ vītivattā, sīhaḷadīpeyeva tesu tesu gāmesu āsanasālāyaṃ taṃ āsanaṃ natthi, yattha bhikkhū nisinnā yāguṃ pivitvā arahattaṃ appattā.

Yo pana pamādavihārī hoti nikkhattadhuro, sabbavattāni bhinditvā pañcavidhacetokhilavinibandhanabaddhacitto viharanto kammaṭṭhānamanasikāramananuyutto gāmaṃ piṇḍāya pavisitvā gihīhi saddhiṃ kathāpapañcena papañcito tucchakova nikkhamati. Ayaṃ vuccati “**neva harati na paccāharatī**”ti.

Yo pana pageva vuṭṭhāya purimanayeneva sabbavattāni paripūretvā yāva bhikkhācāraṇelā, tāva pallaṅkaṃ ābhujitvā kammaṭṭhānaṃ manasi karotī. Kammaṭṭhānaṃ nāma duvidhaṃ – sabbatthakañca pārihāriyañca. Tattha sabbatthakaṃ nāma mettā ca maraṇānussati ca. Tañhi sabbattha atthayitabbaṃ icchitabbanti “sabbatthaka”nti vuccati. Mettā nāma āvāsādīsu sabbattha icchitabbā. Āvāsesu hi mettāvihārī bhikkhu sabrahmacārīnaṃ piyo hoti manāpo, tena phāsu asaṅghaṭṭho viharati. Devatāsu mettāvihārī devatāhi rakkhitagopito sukhaṃ viharati. Rājarājamahāmatādīsu mettāvihārī tehi mamāyito sukhaṃ viharati. Gāmanigamādīsu mettāvihārī sabbattha bhikkhācariyādīsu manussehi sakkato garukato sukhaṃ viharati. Maraṇānussatibhāvanāya jīvitānikantiṃ pahāya appamatto viharati.

Yaṃ pana sadā pariharitabbaṃ cariyānukūlena gahitaṃ. Taṃ dasāsubhakasiṅgānussatīsu aññataraṃ, catudhātuvavatthānameva vā, taṃ sadā pariharitabbato rakkhitabbato bhāvetabbato ca “**pārihāriya**”nti vuccati, mūlakammaṭṭhānantipi tadeva. Atthakāmā hi kulaputtā sāsane pabbajitvā dasapi vīsampi tiṃsampi cattālīsampi paññāsampi satampi ekato vasantā katikavattaṃ katvā viharanti – “āvuso, tumhe na iṇaṭṭā na bhayaṭṭā na jīvikāpakatā pabbajitā, dukkhā muccitukāmā panettha pabbajitā. Tasmā gamane uppannakilese gamaneyeva niggaṇhatha, ṭhāne, nisajjāya, sayane uppannakilese sayaneyeva niggaṇhathā”ti.

Te evaṃ katikavattaṃ katvā bhikkhācāraṃ gacchantā aḍḍhausabhausabhaaḍḍhagāvutagāvutantaressu pāsāṇā honti, tāya saññāya kammaṭṭhānaṃ manasikarontāva gacchanti. Sace kassaci gamane kileso uppajjati, so tattheva naṃ niggaṇhāti. Tathā asakkonto tiṭṭhati, athassa pacchato āgacchantopi tiṭṭhati. So “ayaṃ bhikkhu tuyhaṃ uppannaṃ vitakkaṃ jānāti, ananucchavikaṃ te eta”nti attānaṃ paṭicodetvā vipassanaṃ vaḍḍhetvā tattheva ariyabhūmiṃ okkamati. Tathā asakkonto nisīdati. Athassa pacchato āgacchantopi nisīdatīti. Soyeva nayo ariyabhūmiṃ okkamituṃ asakkontopi taṃ kilesaṃ vikkhambhetvā kammaṭṭhānaṃ manasikarontova gacchati, na kammaṭṭhānavippayuttena cittena pādaṃ uddharati. Uddharati ce, paṭinivattitvā purimapadeseyeva tiṭṭhati. **Ālindakavāsī mahāphussadevatthero** viya.

So kira ekūnavāsativassāni gatapaccāgatavattaṃ pūrento evaṃ vihāsi. Manussāpi sudaṃ antarāmagge kasantā ca vapantā ca maddantā ca kammāni karontā ca therāṃ tathā gacchantāṃ disvā “ayaṃ thero punappunaṃ nivattitvā gacchati, kiṃ nu kho maggamūlho, udāhu kiñci pamuṭṭho”ti samullapanti. So taṃ anādiyitvā kammaṭṭhānayuttana citteneva samaṇadhammaṃ karonto vīsativassabbhantare arahattaṃ pāpuṇi. Arahattapattadivaseyevassa caṅkamanakoṭiyaṃ adhivatthā devatā aṅgulīhi dīpaṃ ujjaletvā aṭṭhāsi, cattaropi mahārājāno sakko ca devānamindo brahmā ca sahampati upaṭṭhānaṃ āgamimsu. Tañca obhāsaṃ disvā vanavāsī mahātissatthero taṃ dutiyadivase pucchi – “rattibhāge āyasmato santike obhāso ahoṣi, kiṃ so”ti? Thero vikkhepaṃ karonto “obhāso nāma dīpobhāsoṃ hoti maṇiobhāsoṃ”ti evamādimāha. So “paṭicchādetha tumhe”ti nibaddho “āmā”ti paṭijānitvā ārocesi.

Kālavallimaṇḍapavāsī mahānāgatthero viya ca. Sopi kira gatapaccāgatavattaṃ pūrento “paṭhamāṃ tāva bhagavato mahāpadhānaṃ pūjessāmī”ti satta vassāni ṭhānacaṅkamameva adhiṭṭhāsi, puna soḷasa vassāni gatapaccāgatavattaṃ pūretvā arahattaṃ pāpuṇi. Evaṃ kammaṭṭhānamanuyuttacitteneva pādaṃ uddharanto vippayuttana cittena uddhaṭe paṭinivattanto gāmasamīpaṃ gantvā “gāvī nu kho pabbajito nu kho”ti āsaṅkanīyappadesa ṭhatvā saṅghātiṃ pārupitvā pattaṃ gahetvā gāmadvāraṃ patvā kacchakantarato udakaṃ gahetvā gaṇḍūsaṃ katvā gāmaṃ pavisati “bhikkhaṃ vā dātuṃ vandituṃ vā upagate manusse ‘dīghāyukā hothā’ti vacanamattenāpi mā me kammaṭṭhānavikkhepo ahoṣi”ti. Sace pana naṃ “ajja, bhante, kiṃ sattaṃ, udāhu aṭṭhamī”ti divasaṃ pucchanti, udakaṃ gilitvā āroceti. Sace divasapucchakā na honti, nikkhamanavelāyaṃ gāmadvāre niṭṭhubhitvā yāti.

Sīhaḷadīpe kalambatitthavīhāre vassūpagatā paññāsa bhikkhū viya ca. Te kira vassūpanāyikauposathadivase katikavattaṃ akamaṃsu – “arahattaṃ appatvā na aññamaññaṃ ālapissāmā”’ti. Gāmañca piṇḍāya pavisaṅtā gāmadvāre udakagaṇḍūsaṃ katvā pavisaṃsu, divase pucchite udakaṃ gilitvā ārocesuṃ, apucchite gāmadvāre niṭṭhubhitvā vihāraṃ āgamaṃsu. Tattha manussā niṭṭhubhanaṭṭhānaṃ disvā jāniṃsu – “ajja eko āgato, ajja dve”’ti. Evañca cintesuṃ – “kiṃ nu kho ete amheheva saddhiṃ na sallapanti, udāhu aññamaññaṃpi, yadi aññamaññaṃpi na sallapanti, addhā vivādajātā bhavissanti, handa nesuṃ aññamaññaṃ khamāpessāmā”’ti. Sabbe vihāraṃ āgamaṃsu. Tattha paññāsāya bhikkhūsu vassaṃ upagatesu dve bhikkhū ekokāse nāddasaṃsu. Tato tesu yo cakkhumā puriso, so evamāha – “na, bho, kalahakārakānaṃ vasanokāso īdiso hoti, susammaṭṭhaṃ cetiyaṅgaṇaṃ bodhiyaṅgaṇaṃ, sunikkhittā sammajjaniyo, sūpaṭṭhapitaṃ pānīyaparibhojanīya”’nti, te tato nivattā. Tepi bhikkhū antovasseyeva vipassanaṃ vaḍḍhetvā arahattaṃ patvā mahāpavāraṇāya visuddhipavāraṇaṃ pavāresuṃ.

Evaṃ kāḷavallimaṇḍapavāsī mahānāgattthero viya kalambatitthavīhāre vassūpagatā bhikkhū viya ca kammaṭṭhānayutteneva cittena pādaṃ uddharanto gāmasamīpaṃ gantvā udakagaṇḍūsaṃ katvā vīthiyo sallakkhetvā yattha surāsoṇḍadhuttādayo kalahakārakā caṇḍahatthiassādayo vā natthi, taṃ vīthiṃ paṭipajjati. Tattha ca piṇḍāya caranto na turitaturito javena gacchati, javanapiṇḍapātikadhutaṅgaṃ nāma natthi, visamabhūmibhāgappattaṃ pana udakabharitasakaṭamiva niccalo hutvā gacchati. Anugharaṃ pavīṭṭho ca dātukāmaṃ vā adātukāmaṃ vā sallakkhetuṃ tadanurūpaṃ kālaṃ āgamento bhikkhaṃ gahetvā patirūpe okāse nisīditvā kammaṭṭhānaṃ manasikaronto āhāre paṭikkūlasaññaṃ upaṭṭhapetvā akkhabbhañjanavaṇālepanaputtamaṃsūpamāvasena paccavekkhanto aṭṭhaṅgasamannāgataṃ āhāraṃ āhāreti neva davāya na madāya...pe... bhuttāvī ca udakakiccaṃ katvā muhuttaṃ bhattakilamathaṃ vinodetvā yathā purebhattaṃ, evaṃ pacchābhattaṃ, purimayāmaṃ pacchimayāmañca kammaṭṭhānaṃ manasi karoti. Ayaṃ vuccati “**harati ca paccāharati ca**”’ti. Evametam haraṇapaccāharaṇaṃ gatapaccāgatavattanti vuccati.

Etaṃ pūrento yadi upanissayasampanno hoti, paṭhamavaye eva arahattaṃ pāpuṇāti. No ce paṭhamavaye pāpuṇāti, atha majjhimavaye pāpuṇāti. No ce majjhimavaye pāpuṇāti, atha maraṇasamaye pāpuṇāti. No ce maraṇasamaye pāpuṇāti, atha devaputto hutvā pāpuṇāti. No ce devaputto hutvā pāpuṇāti, atha paccekasambuddho hutvā parinibbāti. No ce paccekasambuddho hutvā parinibbāti, atha buddhānaṃ sammukhībhāve khippābhīṇṇo hoti seyyathāpi thero bāhiyo, mahāpañño vā hoti seyyathāpi thero sārīputtoto.

Ayaṃ pana paccekabodhisatto kassapassa bhagavato sāsane pabbajitvā āraññiko hutvā vīsati vassasahassāni etaṃ gatapaccāgatavattaṃ pūretvā kālaṃ katvā kāmāvacaradevaloke uppajji. Tato cavitvā bārāṇasirañño aggamaheṣiyā kucchimhi paṭisaṅghaṃ aggahesi. Kusalā itthiyo tadaheva gabbhasaṅghānaṃ jānanti. Sā ca tāsāṃ aññatarā, tasmā esāpi taṃ gabbhapatiṭṭhānaṃ rañño nivedesi. Dhammatā esā, yaṃ puññavante satte gabbhe uppanne mātugāmo gabbhaparihāraṃ labhati. Tasmā rājā tassā gabbhaparihāraṃ adāsi. Sā tato pabhuti nāccuṇhaṃ kiñci ajjhoharituṃ labhati, nātisītaṃ nāccambilaṃ nātīloṇaṃ nātīkaṭukaṃ nātītittakaṃ. Accuṇhe hi mātaraṃ ajjhohaṭṭe gabbhassa lohakumbhivāso viya hoti, atisīte lokantarikavāso viya, accambilaloṇakaṭukatittakesu bhuttesu satthena phāletvā ambilādīhi sittāni viya dāraṅgassa āṅgāni tibbavedanāni honti. Aticañkamaṇaṭṭhānanisajjasayanatopi naṃ nivārenti “kucchigatassa sañcalanadukkhaṃ mā ahoṣī”’ti. Mudukattharaṇatthātāya bhūmiyā cañkamaṇādīni mattāya kātuṃ labhati, vaṇṇagandhādisampannaṃ sādum sappāyaṃ annapānaṃ bhujjituṃ labhati. Pariggahetvāva naṃ cañkamāpentī nisīdāpentī vuṭṭhāpentī.

Sā evaṃ parihariyamānā gabbhapariṭṭhānākaḷe sūtiḅharaṃ pavisitvā paccūsasamaye puttaṃ vijāyi pakkatelaṃ additamanosilāpiṇḍisadisāṃ dhaññaṃ puññaṃ lakkhaṇūpetam. Tato naṃ pañcamadivase alaṅkatapaṭiyattaṃ rañño dassesuṃ, rājā tuṭṭho chasaṭṭhiyā dhātīhi upaṭṭhāpesi. So sabbasampattīhi vaḍḍhamāno nacirasseva viññutaṃ pāpuṇi. Soḷasavassuddesikaṃ naṃ rājā rajjena abhisīnci, vividhanāṭakāhi ca upaṭṭhāpesi. Abhisitto rājavutto rajjaṃ kāresi nāmena brahmadatto, sakalajambudīpe vīsatiyā nagarasahassesu. Jambudīpe kira pubbe caturāsīti nagarasahasassāni ahesuṃ, tāni parihāyantāni saṭṭhi ahesuṃ, tato parihāyantāni cattālīsaṃ, sabbaparihāyanakāle pana vīsatisahasassāni honti. Ayañca brahmadatto sabbaparihāyanakāle uppajji, tenassa vīsati nagarasahasassāni ahesuṃ vīsati pāsādasahasassāni,

vīsati hatthisahassāni, vīsati assasahassāni, vīsati rathasahassāni, vīsati pattisahassāni, vīsati itthisahassāni orodhā ca nāṭakitthiyo ca, vīsati amaccasahassāni.

So mahārajjaṃ kārayamānoyeva kasiṇaparikkammaṃ katvā pañca abhiññāyo, aṭṭha samāpattiyo ca nibbatesi. Yasmā pana abhisittaraññā nāma avassaṃ aṭṭakaraṇe nisīditabbaṃ, tasmā ekadivasaṃ pageva pātarāsaṃ bhuñjitvā vinicchayaṭṭhāne nisīdi. Tattha uccāsaddamahāsaddaṃ akaṃsu, so “ayaṃ saddo samāpattiyā upakkilesō”ti pāsādalaṃ abhiruhitvā “samāpattiṃ appemī”ti nisinno nāsakkhi appetuṃ rajjavikkhepena samāpatti parihīnā. Tato cintesi – “kiṃ rajjaṃ varaṃ, udāhu samaṇadhammo”ti? Tato “rajjasukhaṃ parittaṃ anekādīnavaṃ, samaṇadhammasukhaṃ pana vipulaṃ anekānisaṃsaṃ uttamapurisehi sevitañcā”ti ñatvā aññataraṃ amaccaṃ āṇāpesi “imaṃ rajjaṃ dhammena samena anusāsa, mā kho adhammakāraṃ kāresi”ti sabbaṃ tassa niyyātetvā pāsādaṃ abhiruhitvā samāpattisukhena vītinaṃsesi, na koci upasaṅkamtuṃ labhati aññatra mukhadhovanadantakaṭṭhadāyakabhattanīhāradīhi.

Tato addhamāsamatte vītikkante mahesī pucchi – “rājā uyyānagamanabaladassananāṭakādīsū katthaci na dissati, kuhiṃ gato”ti? Tassā tamatthaṃ ārocesuṃ. Sā amaccassa pāhesi – “rajje paṭicchite ahampi paṭicchitā homi, etu mayā saddhiṃ saṃvāsaṃ kappetū”ti. So ubho kaṇṇe thaketvā “asavañiyameta”nti paṭikkhipi. Sā punapi dvattikkhattuṃ pesetvā anicchamaṇaṃ santajjāpesi “yadi na karosi, ṭhānāpi taṃ cāvemi. Jīvitāpi taṃ voropemī”ti. So bhīto “mātugāmo nāma daḷhanicchayo, kadāci evampi kārapeyyā”ti. Ekadivasaṃ raho gantvā tāya saddhiṃ sirisayane saṃvāsaṃ kappesi. Sā puññavātī sukhasamphassā, so tassā samphassarāgena ratto tattha abhikkhaṇaṃ saṅkitasāṅkitova agamāsī. Anukkamena attano gharasāmiko viya nibbisāṅko pavisitumāraddho.

Tato rājamanussā taṃ pavattiṃ rañño ārocesuṃ. Rājā na saddahati. Dutiyaṃpi tatiyaṃpi ārocesuṃ, tato rājā nilīno sayameva disvā sabbe amacce sannipāṭepetvā ārocesi. Te “ayaṃ rājaparādhiko hatthachedaṃ arahati, pādachedaṃ arahatī”ti yāva sūle uttāsaṇaṃ, tāva sabbakammakāraṇāni niddisiṃsu. Rājā “etassa vadhabandhanatāḷane mayhaṃ vihiṃsā uppajjeyya, jīvitā voropane pāṇātipāto bhavēyya, dhanaharaṇe adinnādānaṃ bhavēyya, alaṃ evarūpehi katehi, imaṃ mama rājā nikkadḍhathā”ti āha. Amaccā taṃ nibbisayaṃ akaṃsu. So attano dhanasārañca puttadārañca gahetvā paravisayaṃ agamāsī. Tattha rājā sutvā “kiṃ āgatō”ti pucchi. “Deva, icchāmi taṃ upaṭṭhātu”nti. So taṃ sampaṭicchī. Amacco katipāhaccayena laddhavissāso taṃ rājānaṃ etadavoca – “mahārāja, amakkhikaṃ madhuṃ passāmi, taṃ khādanto natthī”ti. Rājā “kiṃ etaṃ uppaṇḍetukāmo bhaṇatī”ti na suṇāti. So antaraṃ labhitvā punapi sutṭhutaṃ vaṇṇetvā avoca. Rājā “kiṃ eta”nti pucchi. “Bārāṇasirajjaṃ, devā”ti. Rājā “kiṃ maṃ netvā māretukāmosī”ti āha. So “mā, deva, evaṃ avaca, yadi na saddhasi, manusse pesehī”ti. So manusse pesesi. Te gantvā gopuraṃ khaṇitvā rañño sayanaghare uṭṭhahiṃsu.

Rājā disvā “kissa āgatathā”ti pucchi. “Corā mayaṃ, mahārājā”ti. Rājā tesam dhaṇaṃ dāpetvā “mā puna evaṃ akatthā”ti ovaditvā vissajjesi. Te āgantvā tassa rañño ārocesuṃ. So punapi dvattikkhattuṃ tatheva vīmaṃsitvā “silavā rājā”ti caturaṅginim senaṃ sannayhitvā sīmantare ekaṃ nagaraṃ upagamma tattha amaccassa pāhesi “nagaraṃ vā me dehi, yuddhaṃ vā”ti. So brahmadattassa rañño tamatthaṃ ārocāpesi – “āṇāpetu, deva, kiṃ yujjhāmi, udāhu nagaraṃ demī”ti. Rājā “na yujjhitaṃ, nagaraṃ datvā idhāgacchā”ti pesesi. So tathā akāsī. Paṭirājāpi taṃ nagaraṃ gahetvā avasesanagaresupi tatheva dūtaṃ pesesi. Tepi amaccā tatheva brahmadattassa ārocetvā tena “na yujjhitaṃ, idhāgantabba”nti vuttā bārāṇasiṃ āgamaṃsu.

Tato amaccā brahmadattaṃ āhaṃsu – “mahārāja, tena saha yujjhamā”ti. Rājā “mama pāṇātipāto bhavissatī”ti vāresi. Amaccā “mayaṃ, mahārāja, taṃ jīvaḅgāhaṃ gahetvā idheva ānessāmā”ti nānāupāyehi rājānaṃ saññāpetvā “ehi, mahārājā”ti gantumāraddhā. Rājā “sace sattamāraṇappaharaṇavilumpanakammaṃ na karoṭha, gacchāmī”ti bhaṇatī. Amaccā “na, deva, karoma, bhayaṃ dassetvā palāpemā”ti caturaṅginim senaṃ sannayhitvā ghaṭesu dīpe pakkhipitvā rattim gacchiṃsu. Paṭirājā taṃ divasaṃ bārāṇasisamīpe nagaraṃ gahetvā idāni kinti rattim sannāhaṃ mocāpetvā pamatto niddaṃ okkami saddhiṃ balakāyena. Tato amaccā brahmadattarājānaṃ ādāya paṭirañño khandhāvāraṃ gantvā sabbaghaṭehi dīpe nīharāpetvā ekapajjotaṃ katvā ukkuṭṭhiṃ akaṃsu. Paṭirañño amacco mahābalakāyaṃ disvā bhīto attano rājānaṃ upasaṅkamtivā “uṭṭhehi amakkhikaṃ madhuṃ khādāhī”ti

mahāsaddaṃ akāsi. Tathā dutiyopi tatiyopi. Paṭirājā tena saddena paṭibujjhivā bhayaṃ santāsaṃ āpajji. Ukkuṭṭhisatāni pavattiṃsu. So “paravacanaṃ saddahitvā amittahatthaṃ pattomhī”ti sabbarattim tam tam vippalapitvā dutiyadivase “dhammiko rājā, uparodhaṃ na kareyya gantvā khamāpemi”ti cintetvā rājānaṃ upasaṅkamitvā jaṇṇukehi patiṭṭhahitvā “khama, mahārāja, mayhaṃ aparādha”nti āha. Rājā tam ovaditvā “uṭṭhehi, khamāmi te”ti āha. So rañña evaṃ vuttamatteyeva paramassāsappatto ahoṣi. Bārāṇasirañño samīpeyeva janapade rajjaṃ labhi. Te aññaṃaññaṃ saḥāyakā ahesuṃ.

Atha brahmadatto dvepi senā sammodamānā ekato ṭhitā disvā “mamevekassa cittānurakkhaṇāya asmiṃ mahājanakāye khuddakamakakkhikāya pivanamattampi lohitabindu na uppamaṃ, aho sādhu, aho suṭṭhu, sabbe sattā sukhitā hontu, averā hontu, abyāpajjā hontu”ti mettājhānaṃ uppādetvā tadeva pādakaṃ katvā saṅkhāre sammasitvā paccekabodhiññaṃ sacchikatvā sayambhutaṃ pāpuṇi. Tam maggaphalasukhena sukhiṭaṃ hatthikkhandhe nisinnaṃ amaccā paṇipātaṃ katvā āhaṃsu – “yānakālo, mahārāja, vijjītabalakāyassa sakkāro kātabbo, parājītabalakāyassa bhattaparibbāyo dātabbo”ti. So āha – “nāhaṃ, bhaṇe, rājā, paccekabuddho nāmāha”nti. “Kiṃ devo bhaṇati, na edisā paccekabuddhā hontī”ti. “Kīdisā, bhaṇe, paccekabuddhā”ti? “Paccekabuddhā nāma dvaṅgulakesamassū aṭṭhparikkhārayuttā bhavanti”ti. So dakkhiṇahatthena sīsaṃ parāmasi, tāvadeva gihiliṅgaṃ antaradhāyi, pabbajitaveso pāturaḥosi. Dvaṅgulakesamassu aṭṭhparikkhārasamannāgato vassasatikattherasadiso ahoṣi. So catutthajjhānaṃ samāpajjitvā hatthikkhandhato vehāsaṃ abhuggantvā padumapupphe nisīdi. Amaccā vanditvā “kiṃ, bhante, kammaṭṭhānaṃ, kathaṃ adhigatosī”ti pucchimṃsu. So yato assa mettājhānakammaṭṭhānaṃ ahoṣi, tañca vipassanaṃ vipassitvā adhigato, tasmā tamatthaṃ dassento udānagāthañca byākaraṇagāthañca imaṃyeva gāthaṃ abhāsi “**sabbesu bhūtesu nidhāya daṇḍa**”nti.

Tattha **sabbesūti** anavasesesu. **Bhūtesūti** sattesu. Ayamettha saṅkhepo, vitthāraṃ pana ratanasuttavaṇṇanāyaṃ vakkhāma. **Nidhāyāti** nikkhipitvā. **Daṇḍanti** kāyavacīmanodaṇḍaṃ, kāyaduccarītādīnametaṃ adhivacanaṃ. Kāyaduccaritañhi daṇḍayātīti daṇḍaṃ, bādheti anayabyasanaṃ pāpetīti vuttaṃ hoti. Evaṃ vacīduccaritaṃ manoduccaritañca. Paharaṇadaṇḍo eva vā daṇḍo, tam nidhāyātipi vuttaṃ hoti. **Aviheṭṭhayanti** aviheṭṭhayanto. **Aññatarampīti** yaṃkiñci ekampi. **Tesanti** tesam sabbabhūtānaṃ. **Na puttamiccheyyāti** atrajo, khettajo, dinnako, antevāsikoti imesu catūsu puttesu yaṃkiñci puttaṃ na iccheyya. **Kuto saḥāyanti** saḥāyaṃ pana iccheyyāti kuto eva etaṃ.

Ekoti pabbajjāsāṅkhātena eko, adutiyaṭṭhena eko, taṇhāya pahānaṭṭhena eko, ekantavigatakilesoti eko, eko paccekasambodhiṃ abhisambuddhoti eko. Samaṇasahassasāpi hi majjhe vattamāno gihisaṃyojanassa chinnattā eko, evaṃ **pabbajjāsāṅkhātena** eko. Eko tiṭṭhati, eko gacchati, eko nisīdati, eko seyyaṃ kappeti, eko iriyati vattatīti evaṃ **adutiyaṭṭhena** eko.

“Taṇhādutiyo puriso, dīghamaddhānasamsaraṃ;
Itthabhāvaññathābhāvaṃ, saṃsāraṃ nātivattati.

“Etamādīnavaṃ ñatvā, taṇhaṃ dukkhassa sambhavaṃ;
Vītataṇho anādāno, sato bhikkhu paribbaje”ti. (itivu. 15, 105; mahāni. 191;
cūḷani.pārāyanānugīgāthāniddeṣa 107) –

Evaṃ **taṇhāpahānaṭṭhena** eko. Sabbakilesāssa pahīnā ucchinnamūlā tālavatthukatā anabhāvaṃkatā āyatim anuppādadhamaṃti evaṃ **ekantavigatakilesoti** eko. Anācariyako hutvā sayambhū sāmaṃyeva paccekasambodhiṃ abhisambuddhoti evaṃ **eko paccekasambodhiṃ abhisambuddhoti** eko.

Careti yā imā aṭṭha cariyāyo. Seyyathidaṃ – paṇidhisampannānaṃ catūsu iriyāpathesu iriyāpathacariyā, indriyesu guttadvārānaṃ chasu ajjhattikāyatanesu āyatanacariyā, appamādavihārīnaṃ catūsu satipaṭṭhānesu saticariyā, adhiccittamanuyuttānaṃ catūsu jhānesu samādhicariyā, buddhisampannānaṃ catūsu ariyasaccesu ñāṇacariyā, sammāpaṭipannānaṃ catūsu ariyasaccesu maggacariyā, adhigatapphalānaṃ catūsu sāmaññaphalesu patticariyā, tiṇṇaṃ buddhānaṃ sabbasattesu lokathacariyā, tattha padesato paccekabuddhabuddhasāvakananti. Yathāha – “cariyāti aṭṭha cariyāyo iriyāpathacariyā”ti (paṭi. ma. 1.197; 3.28) vitthāro. Tāhi cariyāhi samannāgato bhavēyyāti attho. Atha vā yā

imā adhimuccanto saddhāya carati, paggaṇhanto vīriyena carati, upaṭṭhahanto satiyā carati, avikkhitto samādhinā carati, pajānanto paññāya carati, vijānanto viññāyena carati, evaṃ paṭipannassa kusalā dhammā āyatantīti āyatanacariyāya carati, evaṃ paṭipanno visesaṃ adhigacchatīti visesacariyāya caratīti (paṭi. ma. 1.197; 3.28) evaṃ aparāpi aṭṭha cariyāyo vuttā, tāhipi samannāgato bhaveyyāti attho.

Khaggavisāṇakappoti ettha khaggavisāṇaṃ nāma khaggamigasiṅgaṃ. Kappa-saddassa atthaṃ vitthārato maṅgalasuttavaṇṇanāyaṃ pakāsayissāma, idha panāyaṃ “satthukappena vata, bho, kira sāvakena saddhiṃ mantayamānā”ti evamādisu (ma. ni. 1.260) viya paṭibhāgo veditabbo. Khaggavisāṇakappoti khaggavisāṇasadisoti vuttaṃ hoti. Ayaṃ tāvettha padato atthavaṇṇanā.

Adhippāyānusandhito pana evaṃ veditabbo – yvāyaṃ vuttappakāro daṇḍo bhūtesu pavattiyamāno ahito hoti, taṃ tesu appavattanena tappaṭipakkhabhūtāya mettāya parahitūpasamhārena ca sabbesu bhūtesu nidhāya daṇḍaṃ, nihitadaṇḍattā eva ca yathā anihitadaṇḍā sattā bhūtāni daṇḍena vā satthena vā pāṇinā vā leḍḍunā vā viheṭṭhayanti, tathā aviheṭṭhayaṃ, aññatarampi tesam imam mettākammaṭṭhānamāgama yadeva tattha vedanāgataṃ saññāsāṅkhāraviññāgataṃ tañca tadanusārenea tadaññāñca saṅkhāragataṃ vipassitvā imam paccekabodhiṃ adhigatomhīti ayaṃ tāva adhippāyo.

Ayaṃ pana anusandhi – evaṃ vutte te amaccā āhaṃsu – “idāni, bhante, kuhiṃ gacchathā”ti? Tato tena “pubbe paccekabuddhā kattha vasantī”ti āvajjetvā ñatvā “gandhamādanapabbate”ti vutte puna āhaṃsu – “amhe dāni, bhante, pajahatha na icchathā”ti. Atha paccekasambuddho āha “na puttamiccheyyā”ti sabbaṃ. Tatrādhippāyo – ahaṃ idāni atrajādisu yaṃkiñci puttampi na iccheyyaṃ, kuto pana tumhādisaṃ sahāyaṃ. Tasmā tumhesupi yo mayā saddhiṃ gantuṃ mādiso vā hotuṃ icchati, so eko care khaggavisāṇakappo. Atha vā tehi “amhe dāni, bhante, pajahatha na icchathā”ti vutte so paccekasambuddho “na puttamiccheyya kuto sahāya”nti vatvā attano yathāvuttenatthena ekacariyāya guṇaṃ disvā pamudito pītisomanassajāto imam udānaṃ udānesi – “eko care khaggavisāṇakappo”ti. Evaṃ vatvā pekkhamānasseva mahājanassa ākāse uppatitvā gandhamādanaṃ agamāsi.

Gandhamādano nāma himavati cūlakālapabbataṃ mahākālapabbataṃ nāgpaliveṭṭhanam candagabbhaṃ sūriyagabbhaṃ suvaṇṇapassaṃ himavantapabbatanti satta pabbate atikkamma hoti. Tattha nandamūlakam nāma pabbhāram paccekabuddhānam vasanokāso, tisso ca guhāyo – suvaṇṇaguhā, maṇiguhā, rajataguhāti. Tattha maṇiguhādvāre maṇjūsako nāma rukkho yojanaṃ ubbedhena, yojanaṃ vitthārena. So yattakāni uduke vā thale vā pupphāni, sabbāni tāni pupphayati, visesena paccekabuddhāgamanadivase. Tassūparito sabbaratanamālo hoti. Tattha sammajjanakavāto kacavaram chaḍḍeti, samakaraṇavāto sabbaratanamayavālukaṃ samaṃ karoti, siñcanakavāto anotattadahato ānetvā udakaṃ siñcati, sugandhakarāṇavāto himavantato sabbesam sugandharukkhānam gandhe āneti, ocinakavāto pupphāni ocinitvā pāteti, santharakavāto sabbattha santharati. Sadā supaññattāneva cettha āsanāni honti, yesu paccekabuddhuppādādivase, uposathādivase ca sabbe paccekabuddhā sannipatitvā nisīdanti. Ayaṃ tattha pakati. Ayaṃ paccekabuddho tattha gantvā paññattāsane nisīdati. Tato sace tasmim kāle aññepi paccekabuddhā samvijjanti, tepi taṅkhaṇeyeva sannipatitvā paññattāsanesu nisīdanti. Nisīditvā ca kiñciveva samāpattim samāpajjitvā vuṭṭhahanti. Tato saṅghatthero adhunāgatapaccekabuddham sabbesam anumodanattāya “kathamadhigata”nti evaṃ kammaṭṭhānaṃ pucchati, tadāpi so tameva attano udānabyākaraṇagātham bhāsati. Puna bhagavāpi āyasmatā ānandena puṭṭho tameva gātham bhāsati. Ānandopi saṅgītiyanti evaṃ ekekā gāthā paccekasambodhiabhisambuddhaṭṭhāne, maṇjūsakamāle, ānandena pucchitakāle, saṅgītiyanti catukkhattum bhāsita hotīti.

Paṭhamagāthāvaṇṇanā niṭṭhitā.

92. Saṃsaggajātassāti gāthā kā uppatti? Ayampi paccekabodhisatto kassapassa bhagavato sāsane vīsati vassasahassāni purimanayeneva samaṇadhammaṃ karonto kasiṇaparikkammaṃ katvā paṭhamaṃ jhānaṃ nibbattetvā nāmarūpaṃ vavatthapetvā lakkhaṇasammasanaṃ katvā ariyamaggaṃ anadhigamma brahmaloke nibbatti. So tato cuto bārāṇasirañño aggamaheṣiyā kucchimhi uppajjitvā purimanayeneva vaḍḍhamāno yato pabhuti “ayaṃ itthī, ayaṃ puriso”ti visesaṃ aññāsi. Tadupādāya itthīnaṃ hatthe na ramati, ucchādananāpanamaṇḍanādimmattampi na sādīyati. Taṃ purisā eva posenti. Thaṅṅāpāyanakāle dhātiyo kañcukaṃ paṭimuñcitvā purisavesena thaṅṅānaṃ pāyenti. So itthīnaṃ gandham ghāyitvā saddaṃ vā

sutvā rodati, viññutaṃ pattopi itthiyo passitum na icchati. Tena taṃ **anittigandhotveva** sañjāniṃsu.

Tasmiṃ soḷasavassuddesike jāte rājā ‘kulavaṃsaṃ sañṭhapessāmī’ ti nānākulehi tassa anurūpā kaññāyo ānetvā aññataraṃ amaccaṃ āṇāpesi ‘kumāraṃ ramāpehī’ ti. Amacco upāyena taṃ ramāpetukāmo tassa avidūre sāṇipākāraṃ parikkhipāpetvā nāṭakāni payojāpesi. Kumāro gītavādītasaddaṃ sutvā ‘kasseso saddo’ ti āha. Amacco ‘taveso, deva, nāṭakitthīnaṃ saddo, puññavantānaṃ īdisāni nāṭakāni honti. Abhirama, deva, mahāpuññosi tva’ nti āha. Kumāro amaccaṃ daṇḍena tālāpetvā nikkadḍhāpesi. So rañño ārocesi. Rājā kumārassa mātārā saha gantvā kumāraṃ khamāpetvā puna amaccaṃ āṇāpesi. Kumāro tehi atinippīliyamāno seṭṭhasuvaṇṇaṃ datvā suvaṇṇakāre āṇāpesi ‘sundaraṃ itthirūpaṃ karoṭhā’ ti. Te vissakammunā nimmitasadiṣaṃ sabbālaṅkāravibhūsitāṃ itthirūpaṃ karitvā dassesuṃ. Kumāro disvā vimhayena sīsaṃ cāletvā mātāpitūnaṃ pesesi – ‘yadi īdisiṃ itthiṃ labhissāmi, gaṇhissāmi’ ti. Mātāpituro ‘amhākaṃ putto mahāpuñño, avassaṃ tena saha katapuñña kāci dārikā loke uppannā bhavissatī’ ti taṃ suvaṇṇarūpaṃ rathaṃ āropetvā amaccānaṃ appesuṃ – ‘gacchatha, īdisiṃ dārikaṃ gavesathā’ ti. Te taṃ gahetvā soḷasamahājanapade vicarantā taṃ taṃ gāmaṃ gantvā udakatitthādīsu yattha yattha janasaṃmūhaṃ passanti, tattha tattha devataṃ viya suvaṇṇarūpaṃ ṭhapetvā nānāpupphavattālaṅkārehi pūjaṃ katvā vitānaṃ bandhitvā ekamantaṃ tiṭṭhanti ‘yadi kenaci evarūpā diṭṭhapubbā bhavissati, so kathaṃ samuṭṭhāpessatī’ ti? Etenupāyena aññatra maddaraṭṭhā sabbajanapade āhiṇḍitvā taṃ ‘khuddakaraṭṭha’ nti avamaññaṃ tatha paṭhamaṃ agantvā nivattiṃsu.

Tato nesaṃ etadahosi – ‘maddaraṭṭhampi tāva gacchāma, mā no bārāṇasiṃ pavitṭhepi rājā puna pesesī’ ti maddaraṭṭhe sāgalanagaraṃ agamaṃsu. Sāgalanagare ca maddavo nāma rājā. Tassa dhītā soḷasavassuddesikā abhirūpā ahoṣi. Tassā vaṇṇadāsiyo nhānodakattāya titthaṃ gacchanti. Tattha amaccehi ṭhapitaṃ taṃ suvaṇṇarūpaṃ dūratova disvā ‘amhe udakattāya pesetvā rājaputtī sayameva āgatā’ ti bhaṇantiyo samīpaṃ gantvā ‘nāyaṃ sāmīnī, amhākaṃ sāmīnī ito abhirūpataṛā’ ti āhaṃsu. Amaccā taṃ sutvā rājānaṃ upasaṅkamitvā anurūpena nayena dārikaṃ yāciṃsu. Sopi adāsi. Te bārāṇasirañño pāhesuṃ – ‘laddhā, deva, kumārikā, sāmaṃ āgacchatha, udāhu amheva ānemā’ ti. So ‘mayi āgacchante janapadapīḷā bhavissati, tumheva naṃ ānethā’ ti pesesi.

Amaccāpi dārikaṃ gahetvā nagarā nikkhamitvā kumārassa pāhesuṃ – ‘laddhā suvaṇṇarūpasadisā kumārikā’ ti. Kumāro sutvāva rāgena abhibhūto paṭhamajjhānā parihāyi. So dūtaparamparāya pesesi – ‘sīghaṃ ānetha, sīghaṃ ānethā’ ti. Te sabbattha ekarattivāsenā bārāṇasiṃ patvā bahinagare ṭhitā rañño pesesuṃ – ‘ajjeva pavisitabbaṃ, no’ ti. Rājā ‘seṭṭhakulā ānītā dārikā, maṅgalakiriyaṃ katvā mahāsakkārena pavesessāma, uyyānaṃ tāva naṃ nethā’ ti āha. Te tathā akaṃsu. Sā accantasukhumālā kumārikā yānuggahāṇena ubbāḷhā addhānaparissamena uppannavātarogā milātamālā viya hutvā rattibhāge kālamakāsi. Amaccā ‘sakkāraṃ paribhaṭṭhamhā’ ti parideviṃsu. Rājā ca nāgarā ca ‘kulavaṃso vinaṭṭho’ ti parideviṃsu. Sakalanagaraṃ kolāhalaṃ ahoṣi. Kumārassa sutamatteyeva mahāsoko udapādi.

Tato kumāro sokassa mūlaṃ khaṇitum āraddho. So evaṃ cintesi – ‘ayaṃ soko nāma na ajātassa hoti, jātassa pana hoti. Tasmā jātiṃ paṭicca soko. Jāti pana kiṃ paṭiccāti? Bhavaṃ paṭicca jāti’ ti. Evaṃ pubbhāvanānubhāvena yoniso manasikaronto anulomapaṭilomaṃ paṭiccasamuppādaṃ disvā puna anulomañca saṅkhāre sammasanto tattheva nisīno paccekasambodhiṃ sacchākāsi. Amaccā taṃ maggaphalasukhena sukhitaṃ santindriyaṃ santamānaṃ nisīnaṃ disvā paṇipātaṃ katvā āhaṃsu – ‘mā soci, deva, mahanto jambudīpo, aññaṃ tato sundarataṛaṃ kaññaṃ ānessāmā’ ti. So āha – ‘na socāmi, nissoko paccekabuddho aha’ nti. Ito paraṃ sabbāṃ vuttapurimagāthāsadisameva ṭhapetvā gāthāvaṇṇanaṃ.

Gāthāvaṇṇanā pana evaṃ veditabbā – **saṃsaggajātassāti** jātasamsaggassa. Tattha dassanasavanakāyasamullapanasambhogasamsaggavasena pañcavidho saṃsaggo. Tattha aññaṃaññaṃ disvā cakkhuvīññānavīthivasena uppannāro **dassanasamsaggo** nāma. Tattha sīhaḷadīpe kāḷadīghavāpī gāme piṇḍāya carantaṃ kalyāṇavihāravāsīdīghabhāṇakadahaṛabhikkhuṃ disvā paṭibaddhacittā kenaci upāyena taṃ alabhitvā kālaṅkatā kuṭumbiyadhītā ca tassā nivāsanacoḷakhaṇḍaṃ disvā ‘evarūpaṃ vatthaṃ dhārinīyā nāma saddhiṃ saṃvāsaṃ nālabhi’ nti phalitahadayo kālaṅkato. So eva daharo ca nidassanaṃ.

Parehi pana kathiyamānaṃ rūpādisampattiṃ attanā vā hasitalapitagītasaddaṃ sutvā

sotaviññānavīthivasena uppannarāgo **savanasamsaggo** nāma. Tatrāpi girigāmvāsikammāradhītāya pañcahi kumārikāhi saddhiṃ padumassaraṃ gantvā nhatvā mālaṃ āropetvā uccāsaddena gāyantiyā saddaṃ sutvā ākāsenā gacchanto kāmarāgena visesā parihāyitvā byasanaṃ patto pañcaggaḷaleṇavāsī tissadaharo nidassanaṃ.

Aññamaññaṃ aṅgaparāmasanena uppannarāgo **kāyasamsaggo** nāma. Dhammabhāsanadahasabhiṃkhu ca rājadhītā cettha nidassanaṃ. Mahāvihāre kira daharabhiṃkhu dhammaṃ bhāsati. Tattha mahājano āgato, rājāpi aggamaheṣiyā rājadhītāya ca saddhiṃ agamāsi. Tato rājadhītāya tassa rūpañca sarañca āgamma balavarāgo uppanno, tassa daharassāpi. Taṃ disvā rājā sallakkhetvā sāṇipākārena parikkhipāpesi. Te aññamaññaṃ parāmasitvā āliṅgiṃsu. Puna sāṇipākāraṃ apanetvā passantā dvepi kālaṅkateyeva addasaṃsūti.

Aññamaññaṃ ālapanasamullapanavasena uppannarāgo pana **samullapanasamsaggo** nāma. Bhikkhu bhikkhunīhi saddhiṃ paribhogakaraṇe uppannarāgo **sambhogasamsaggo** nāma. Dvīsupi etesu pārājikappatto bhikkhu ca bhikkhunī ca nidassanaṃ. Maricavaṭṭināmamahāvihāramahe kira duṭṭhagāmaṇiabhayaṛājā mahādānaṃ paṭiyādetvā ubhatoṣaṅghaṃ parivisati. Tattha uṇhayāguyā dinnāya saṅghanavakasāmaṇerī anādhārakassa saṅghanavakassa sāmaṇerassa dantavalayaṃ datvā samullapanamakāsi. Te ubhopi upasampajjitvā saṭṭhivassā hutvā paratīraṃ gatā aññamaññaṃ samullapanena pubbasaññaṃ paṭilabhivā tāvadeva sañjātasinehā sikkhāpadaṃ vītikkamitvā pārājikā ahesunti. Evaṃ pañcavidhe saṃsagge yena kenaci saṃsaggena jātasamsaggassa **bhavati sneho**, purimarāgapaccayo balavarāgo uppajjati. Tato **snehanvayaṃ dukkhamidaṃ pahoti** tameva snehaṃ anugacchantā sandiṭṭhikasamparāyikaṃ sokaparidevādinānappakāraṃ idaṃ dukkhaṃ pahoti pabhavati jāyati.

Apare “ārammaṇe cittassa vossaggo saṃsaggo”ti bhaṇanti. Tato sneho, snehadukkhamidanti. Evamatthappabhedāṃ imaṃ aḍḍhagāthaṃ vatvā so paccekabuddho āha – “svāyaṃ yamidaṃ snehanvayaṃ sokādidukkhaṃ pahoti, tameva snehaṃ anugatassa dukkhassa mūlaṃ khananto paccekabodhiṃ adhigato”ti.

Evaṃ vutte te amaccā āhaṃsu – “amhehi dāni, bhante, kiṃ kattabba”nti? Tato so āha – “tumhe vā aññataro vā imahā dukkhā mucchitukāmo, so sabbopi **ādīnavaṃ snehajaṃ pekkhamāno, eko care khaggavisāṇakappo**”ti. Ettha ca yaṃ taṃ “snehanvayaṃ dukkhamidaṃ pahoti”ti vuttaṃ, tadeva sandhāya “ādīnavaṃ snehajaṃ pekkhamāno”ti idaṃ vuttanti vedītabbaṃ. Atha vā yathāvuttana saṃsaggena ‘saṃsaggajātassa bhavati sneho, snehanvayaṃ dukkhamidaṃ pahoti’, evaṃ yathābhūtaṃ ādīnavaṃ snehajaṃ pekkhamāno ahamadhigatoti evaṃ sambandhitvā catutthapādo pubbe vuttanayeneva snehasena vuttoti vedītabbo. Tato paraṃ sabbāṃ purimagāthāya vuttasadisamevāti.

Saṃsaggagāthāvaṇṇanā niṭṭhitā.

93. Mitte suhajjeti kā uppatti? Ayaṃ paccekabodhisatto purimagāthāya vuttanayeneva uppajjitvā bārāṇasiyaṃ rajjaṃ kārento paṭhamajjhānaṃ nibbattetvā “kiṃ samaṇadhammo varo, rajjaṃ vara”nti vīmaṃsitvā amaccānaṃ rajjaṃ niyyātetvā samaṇadhammaṃ akāsi. Amaccā “dhammena samena karothā”ti vuttāpi lañjaṃ gahetvā adhammena karonti. Te lañjaṃ gahetvā sāmike parājayantā ekadā aññatarāṃ rājavallabhaṃ parājesuṃ. So rañño bhattakārakehi saddhiṃ pavisitvā sabbāṃ ārocesi. Rājā dutiyadivase sayaṃ vinicchayaṭṭhānaṃ agamāsi. Tato mahājanā – “amaccā, deva, sāmike asāmike karontī”ti uccāsaddaṃ karontā mahāyuddhaṃ viya akāṃsu. Atha rājā vinicchayaṭṭhānā vuṭṭhāya pāsādaṃ abhiruhitvā samāpattiṃ appetuṃ nisinno. Tena saddena vikkhittacitto na sakkoti appetuṃ. So “kiṃ me rajjena, samaṇadhammo vara”nti rajjasukhaṃ pahāya puna samāpattiṃ nibbattetvā pubbe vuttanayeneva vipassitvā paccekasambodhiṃ sacchākāsi. Kammatṭhānañca pucchito imaṃ gāthaṃ abhāsi.

Tattha mettāyanavasena **mittā**. Suhadayabhāvena **suhajjā**. Keci ekantahitakāmatāya mittāva honti na suhajjā. Keci gamanāgamaṇaṭṭhānanisajjāsamullāpādīsu, hadayasukhajananaṃ suhajjāva honti, na mittā. Keci tadubhayavasena suhajjā ceva mittā ca honti. Te duvidhā agāriyā ca anagāriyā ca. Tattha agāriyā

tividhā honti upakāro samānasukhadukkho anukampakoti. Anagāriyā visesena atthakkhāyino eva. Te catūhi aṅgehi samannāgatā honti. Yathāha –

“Catūhi kho, gahapatiputta, ṭhānehi upakāro mitto suhado veditabbo. Pamattaṃ rakkhati, pamattassa sāpateyyaṃ rakkhati, bhītaṃ saraṇaṃ hoti, uppannesu kiccakaraṇīyesu taddiguṇaṃ bhogaṃ anuppadeti” (dī. ni. 3.261).

Tathā –

“Catūhi kho, gahapatiputta, ṭhānehi samānasukhadukkho mitto suhado veditabbo. Guyhamassa ācikkhati, guyhamassa parigūhati, āpadāsu na vijahati, jīvitampissa atthāya pariccattaṃ hoti” (dī. ni. 3.262).

Tathā –

“Catūhi kho, gahapatiputta, ṭhānehi anukampako mitto suhado veditabbo. Abhavenassa na nandati, bhavenassa nandati, avaṇṇaṃ bhaṇamānaṃ nivāreti, vaṇṇaṃ bhaṇamānaṃ pasaṃsati” (dī. ni. 3.264).

Tathā –

“Catūhi kho, gahapatiputta, ṭhānehi atthakkhāyī mittā suhado veditabbo. Pāpā nivāreti, kalyāṇe niveseti, assutaṃ sāveti, saggassa maggaṃ ācikkhati”ti (dī. ni. 3.263).

Tesvidha agāriyā adhippetā, atthato pana sabbepi yujjanti. Te **mitte suhajje anukampamānoti** anudayamāno, tesam sukhaṃ upasaṃharitukāmo dukkhaṃ apaharitukāmo ca.

Hāpeti atthanti diṭṭhadhammikasamparāyikaparamatthavasena tividhaṃ, tathā attatthaparattaubhayatthavasenāpi tividhaṃ atthaṃ laddhavināsanena aladdhānuppādanenāti dvidhāpi hāpeti vināseti. **Paṭibaddhacittoti** “ahaṃ imaṃ vinā na jīvāmi, esa me gati, esa me parāyaṇa”nti evaṃ attānaṃ nīce ṭhāne ṭhapentopi paṭibaddhacitto hoti. “Ime maṃ vinā na jīvanti, ahaṃ tesam gati, ahaṃ tesam parāyaṇa”nti evaṃ attānaṃ ucce ṭhāne ṭhapentopi paṭibaddhacitto hoti. Idha pana evaṃ paṭibaddhacitto adhippeto. **Etaṃ bhayanti** etaṃ atthahāpanabhayaṃ, attano samāpattihāniṃ sandhāyāha. **Santhaveti** tividho santhavo taṇhādiṭṭhimittasanthavavasena. Tattha aṭṭhasatapabhedāpi taṇhā taṇhāsanthavo, dvāsaṭṭhibhedāpi diṭṭhi diṭṭhisanthavo, paṭibaddhacittatāya mittānukampanā mittasanthavo. Tesu so idha adhippeto. Tena hissa samāpatti parihīnā. Tenāha – “etaṃ bhayaṃ santhave pekkhamāno ahaṃ adhigato”ti. Sesam vuttasadisamevāti.

Mittasuhajjagāthāvaṇṇanā niṭṭhitā.

94. Vamso visāloti kā uppatti? Pubbe kira kassapassa bhagavato sāsane tayo paccekabodhisattā pabbajitvā vīsati vassasahassāni gatapaccāgatavattaṃ pūretvā devaloke uppannā. Tato cavitvā tesam jeṭṭhako bārāṇasirājakule nibbatto, itare dve paccantarājakulesu. Te ubhopi kammaṭṭhānaṃ uggahetvā rajjaṃ pahāya pabbajitvā anukkamena paccekabuddhā hutvā nandamūlakapabbhāre vasantā ekadivasam samāpattito vuṭṭhāya “mayam kiṃ kammaṃ katvā imaṃ lokuttarasukhaṃ anuppattā”ti āvajjetvā paccavekkhamānā kassapabuddhakāle attano attano cariyaṃ addasaṃsu. Tato “tatiyo kuhi”nti āvajjentā bārāṇasirajjaṃ kārentaṃ disvā tassa guṇe saritvā “so pakatiyāva appicchatādiguṇasamannāgato hoti, amhākaṃyeva ovādako vattā vacanakkhamo pāpagarahī, handa, naṃ ārammaṇaṃ dassetvā ārocemā”ti okāsaṃ gavesantā taṃ ekadivasam sabbālaṅkāravibhūsitam uyyānaṃ gacchantaṃ disvā ākāsenāgantvā uyyānavāre veḷugumbamūle aṭṭhaṃsu. Mahājano atitto rājadassanena rājānaṃ ulloketi. Tato rājā “atthi nu kho koci mama dassane byāpāraṃ na karotī”ti olokeno paccekabuddhe addakki. Saha dassaneneva cassa tesu sineho uppajji. So hatthikkhandhā oruyha santena ācārena upasaṅkamitvā “bhante, kiṃ nāma

tumhe’’ti pucchi. Te ‘‘mayam, mahārāja, asajjamānā nāmā’’ti āhaṃsu. ‘‘Bhante, asajjamānāti etassa ko attho’’ti? ‘‘Alagganattho, mahārāja’’ti. Tato veḷugumbaṃ dassetvā āhaṃsu – ‘‘seyyathāpi, mahārāja, imaṃ veḷugumbaṃ sabbaso mūlakhandhasākhānusākhāhi saṃsibbitvā ʘhitam asihattho puriso mūle chetvā āviñchanto na sakkuṇeyya uddharitum, evameva tvam anto ca bahi ca jaṭāya jaṭito āsattavisatto tattha vilaggo. Seyyathāpi vā panassa vemajjhagatopi ayam vaṃsakaḷīro asaṅjātasākhattā kenaci alaggo vā ʘhito, sakkā ca pana agge vā mūle vā chetvā uddharitum, evameva mayam katthaci asajjamānā sabbā disā gacchāmā’’ti tāvadeva catutthajjhānam samāpajjitvā passato eva rañño ākāsenā nandamūlakapabbhāram agamaṃsu. Tato rājā cintesi – ‘‘kadā nu kho ahampi evam asajjamāno bhavye’’nti tattheva ʘhito vipassanto paccekabodhim sacchākāsi. Purimanayeneva kammaṭṭhānam pucchito imaṃ gātham abhāsi.

Tattha **vaṃsoti** veḷu. **Visāloti** vitthiṇṇo. **Va-kāro** avadhāraṇattho, **eva-kāro** vā ayam, sandhivasena ettha **e-kāro** naṭṭhā. Tassa parapadena sambandho. Tam pacchā yojessāma. **Yathāti** paṭibhāge. **Visattoti** laggo jaṭito saṃsibbito. **Puttesu dāresu cāti** puttadhītubhariyāsu. **Yā apekkhāti** yā taṇhā yo sineho. **Vaṃsakkalīrova asajjamānoti** vaṃsakaḷīro viya alaggaṃ. Kim vuttam hoti? Yathā vaṃso visālo visatto eva hoti, puttesu dāresu ca yā apekkhā, sāpi evam tāni vatthūni, saṃsibbitvā ʘhitattā visattā eva. Svāham tāya apekkhāya apekkhāvā visālo vaṃso viya visattoti evam apekkhāya ādīnavam disvā tam apekkham maggañānena chindanto ayam vaṃsakaḷīrova rūpādīsu vā lābhādīsu vā kāmabhavādīsu vā diṭṭhādīsu vā taṇhāmānadiṭṭhivasena asajjamāno paccekabodhim adhigatoti. Sesam purimanayeneva veditabbam.

Vaṃsakkalīragāthāvaṇṇanā niṭṭhitā.

95. Migo araṇṇamhīti kā uppatti? Eko kira bhikkhu kassapassa bhagavato sāsane yogāvacaro kālam katvā bārāṇasiyam seṭṭhikule uppanno aḍḍhe mahaddhane mahābhoge. So subhago ahoṣi, tato paradāriko hutvā kālaṅkato niraye nibbato tattha paccitvā pakkāvasesena seṭṭhibhariyāya kucchimhi itthī hutvā paṭisandhim gaṇhi. Nirayato āgatānam sattānam gattāni uṇhāni honti. Tena seṭṭhibhariyā ḍayhamānena udarena kicchena kasirena tam gabbham dhāretvā kālena dārikam vijāyi. Sā jātaḍivasato pabhuti māṭāpitūnam sesabandhuparijanānañca dessā ahoṣi. Vayappattā ca yamhi kule dinnā, tatthāpi sāmikasassusarānam dessāva ahoṣi appiyā amanāpā. Atha nakkhatte ghoṣite seṭṭhiputto tāya saddhim kīḷitum anicchanto vesim ānetvā kīḷati. Sā tam dāsīnam santikā sutvā seṭṭhiputtam upasaṅkamitvā nānappakārehi anunayitvā ca āha – ‘‘ayyaputta, itthī nāma sacepi dasannam rājūnam kaniṭṭhā hoti, cakkavattino vā dhītā, tathāpi sāmikassa pesanakarā hoti. Sāmike anālapante sūle āropitā viya dukkham paṭisaṃvedeti. Sace aham anuggahārāhā anuggahetabbā, no ce, vissajjetabbā. Attano nātikulam gamissāmī’’ti. Seṭṭhiputto – ‘‘hotu, bhaddo, mā soci kīḷanasajjā hohi, nakkhattam kīḷissāmī’’ti āha. Seṭṭhidhītā tāvattakena sallāpamattena ussāhajātā ‘‘sve nakkhattam kīḷissāmī’’ti bahum khajjabhojjam paṭiyādeti. Seṭṭhiputto dutiyadivase anārocetvāva kīḷanaṭṭhānam gato. Sā ‘‘idāni pesessati, idāni pesessati’’ti maggam oloketi nisinnā ussūram disvā manusse pesesi. Te paccāgantvā ‘‘seṭṭhiputto gato’’ti ārocesum. Sā tam sabbam paṭiyāditam ādāya yānam abhiruhitvā uyyānam gantum āradhā.

Atha nandamūlakapabbhāre paccekasambuddho sattame divase nirodhā vuṭṭhāya nāgalatādantakaṭṭham khādītva anotattadahe mukham dhovitvā ‘‘kattha ajja bhikkham carissāmā’’ti āvajjento tam seṭṭhidhītaram disvā ‘‘mayi imissā saddhākāram kāretvā tam kammaṃ parikkhayaṃ gamissati’’ti nātva pabbhārasamīpe saṭṭhiyojanamanosilātale ʘhatvā pattacīvaramādāya abhiññāpādakam jhānam samāpajjitvā ākāsenāgantvā tassā paṭipathe oruyha bārāṇasim abhimukho agamāsi. Tam disvā dāsīyo seṭṭhidhītāya ārocesum. Sā yānā oruyha sakkaccaṃ vanditvā pattam sabbarasasampannena khādanīyena bhojanīyena pūretvā padumapupphena paṭicchādetvā heṭṭhāpi padumapuppham katvā pupphakalāpam hatthena ghetvā paccekabuddhassa hatthe pattam datvā vanditvā pupphakalāpahatthā patthanam akāsi – ‘‘bhante, yathā idaṃ puppham, evāham yattha yattha upapajjāmi, tattha tattha mahājanassa piyā bhavye’’nti. Evam patthetvā dutiyampi patthesi – ‘‘bhante, dukkho gabbhāvāso, tam anupagamma padumapupphe eva paṭisandhi bhavye’’nti. Tatiyampi patthesi – ‘‘bhante, jeguccho mātuḡāmo, cakkavattidhītāpi paravasam gacchati. Tasmā aham itthibhāvam anupagamma puriso bhavye’’nti. Catutthampi patthesi – ‘‘bhante, imaṃ saṃsāradukkham atikkamma pariyoṣāne tumhehi pattam amataṃ pāpuṇeyya’’nti. Evam caturo paṇidhī katvā tam padumapupphakalāpam pūjetvā

pañcapatiṭṭhitena vanditvā ‘‘pupphasadiso eva me gandho ceva vaṇṇo ca hotū’’ti imaṃ pañcamaṃ pañidhiṃ akāsi.

Tato paccekabuddho pattañca pupphakalāpañca gahetvā ākāse ṭhatvā –

‘‘Icchitaṃ patthitaṃ tuyhaṃ, khippameva samijjhatu;
Sabbe pūrentu saṅkappā, cando pannaraso yathā’’ti. –

Imāya gāthāya seṭṭhidhītāya anumodanaṃ katvā ‘‘seṭṭhidhītā maṃ gacchantaṃ passatū’’ti adhiṭṭhahitvā ākāse na nandamūlakapabbhāraṃ agamāsi. Seṭṭhidhītāya taṃ passantiyā mahatī pīti uppajji. Bhavantare kataṃ akusalaṃ kammaṃ anokāsatāya parikkhīṇaṃ ciñcambiladhotatambalohabhājanamiva suddhā jātā. Tāvadevassā patikule ñātikule ca sabbo jano tuṭṭho. ‘‘Kiṃ karomā’’ti piyavacanāni ca paṇṇākārāni ca pesesi. Sāmikopi manusse pesesi – ‘‘seṭṭhidhītaraṃ sīghaṃ ānetha, ahaṃ vissarivā uyyānaṃ āgato’’ti. Tato pabhuti ca naṃ ure vilittacandanaṃ viya āmuttamuttāhāraṃ viya pupphamālā viya ca piyāyanto parihari. Sā tattha yāvatāyukaṃ issariyabhogayuttasukhaṃ anubhavivā kālaṃ katvā purisabhāvena devaloke padumapupphe uppajji. So devaputto gacchantopi padumapupphagabbhe eva gacchati, tiṭṭhantopi nisīdantopi sayantopi padumapupphagabbheyaeva sayati. ‘‘Mahāpadumadevaputto’’ti ca naṃ vohariṃsu. Evaṃ so tena iddhānubhāvena anulomapaṭilomaṃ cha devaloke eva saṃsarati.

Tena ca samayena bārāṇasirañño vīsati itthisahassāni honti. Tāsu ekāpi puttaṃ na labhati. Amaccā rājānaṃ viññāpesuṃ – ‘‘deva, kulavaṃsānupālako putto icchitabbo, atraje avijjamāne khettajopi kulavaṃsadhara hotī’’ti. Atha rājā ‘‘ṭhapetvā mahesiṃ avasesā itthiyo sattāhaṃ dhammanāṭakaṃ karothā’’ti yathākāmaṃ bahi carāpesi, tathāpi puttaṃ nālattha. Puna amaccā āhaṃsu – ‘‘mahārāja, mahesī nāma puññaena ca paññāya ca sabbaitthīnaṃ aggā, appeva nāma devo mahesiyā kucchimhi puttaṃ labheyyā’’ti. Rājā mahesiyā etamatthaṃ ārocesi. Sā āha – ‘‘mahārāja, yā itthī sīlavatī saccavādinī, sā puttaṃ labheyya, hirottapparahitāya kuto putto’’ti pāsādaṃ abhiruhitvā pañca sīlāni samādiyivā punappunaṃ āvajjesi, sīlavatiyā rājadhītāya pañca sīlāni āvajjentiyaṃ puttapatthanācītte uppannamatte sakkassa āsanaṃ saṃkampi.

Atha sakko āvajjento etamatthaṃ viditvā – ‘‘sīlavatiyā rājadhītāya puttavaraṃ demī’’ti ākāsenāgantvā deviyā sammukhe ṭhito ‘‘kiṃ varesi, devī’’ti? ‘‘Puttaṃ, mahārājā’’ti. ‘‘Dammi te, devī, puttaṃ, mā cintayī’’ti vatvā devalokaṃ gantvā ‘‘atthi nu kho ettha khīṇāyuko’’ti āvajjento ‘‘ayaṃ mahāpadumo uparidevalokaṃ gantukāmo ca bhavissatī’’ti ñatvā tassa vimānaṃ gantvā ‘‘tāta mahāpaduma, manussalokaṃ gacchāhī’’ti yāci. So ‘‘mā evaṃ, mahārāja, bhaṇa, jegucchito manussaloko’’ti. ‘‘Tāta, tvam manussaloke puññaṃ katvā idhūpapanno, tattheva ṭhatvā pāramiyo pūretabbā, gaccha, tāta’’ti. ‘‘Dukkho, mahārāja, gabbhavāso, na sakkomi tattha vasitu’’nti. ‘‘Tāta, te gabbhavāso natthi, tathā hi tvam kammamakāsi, yathā padumagabbheyaeva nibbattissasi, gaccha, tāta’’ti punappunaṃ vuccamāno addivāsesi.

So devalokā cavitvā bārāṇasirañño uyyāne sīlāpaṭṭapokkharāṇiyaṃ padumagabbhe nibbatto. Tañca rattim paṇṇāsasamaye mahesī supinantena vīsatiitthisahassaparivutā uyyānaṃ gantvā sīlāpaṭṭapokkharāṇiyaṃ padumagabbhe puttaṃ laddhā viya ahoṣi. Sā pabhātāya rattiyā sīlāni rakkhamānā tattha gantvā ekaṃ padumapupphaṃ addasa, taṃ neva tīre hoti na gambhīre. Saha dassaneneva cassā tattha puttasiṃho uppajji. Sā sayam eva otarivā taṃ pupphaṃ aggahesi, pupphe gahitamatteyeva pattāni vikasiṃsu. Tattha suvaṇṇapaṭimaṃ viya dāraṃ addasa, disvāva ‘‘putto me laddho’’ti saddaṃ nicchāresi. Mahājano sādhuṅkāsahassāni pavattesi. Rañño ca pesesi. Rājā sutvā ‘‘kattha laddho’’ti pucchitvā laddhokāsaṃ sutvā ‘‘uyyānañca pokkharāṇiyaṃ padumañca amhākaṃyeva, tasmā amhākaṃ khette jātattā khettajo nāmāyaṃ putto’’ti vatvā nagaraṃ pavesetvā vīsatisahassaitthiyo dhātikiccaṃ kāresi. Yā yā kumārassa ruciṃ ñatvā patthitaṃ patthitaṃ khādanīyaṃ khādāpeti, sā sā sahaṃsaṃ labhati. Sakalabārāṇasī calitā, sabbo jano kumārassa paṇṇākārasahassāni pesesi. Kumāro taṃ taṃ atinetvā ‘‘imaṃ khāda, imaṃ bhujjā’’ti vuccamāno bhojanena ubbāḷho ukkaṇṭhito hutvā gopuradvāraṃ gantvā lākhāguḷakena kīḷati.

Tadā aññataro paccekabuddho bārāṇasiṃ nissāya isipatane vasati. So kālasseva vuṭṭhāya senāsanavattasarīraparikammamanasikārādīni sabbakiccāni katvā paṭisallānā vuṭṭhito ‘‘ajja kattha

bhikkhaṃ gahessāmi”ti āvajjento kumārassa sampattiṃ disvā “esa pubbe kiṃ kammaṃ karī”ti vīmaṃsanto “mādisassa piṇḍapātaṃ datvā catasso patthanā patthesi, tattha tisso siddhā, ekā tāva na sījjhati, tassa upāyena ārammaṇaṃ dassemi”ti bhikkhācāravasena kumārassa santikaṃ agamāsi. Kumāro taṃ disvā “samaṇa, mā idha āgacchi, ime hi tampi ‘imaṃ khāda, imaṃ bhuñjā’ti vadeyyu”nti āha. So ekavacaneneva tato nivattitvā attano senāsanāṃ agamāsi. Kumāro parijanaṃ āha – “ayaṃ samaṇo mayā vuttamattova nivatto, kuddho nu kho mamā”ti. So tehi “pabbajitā nāma na kodhaparāyaṇā hontī, parena pasannamanena yaṃ dinnāṃ, tena yāpentī”ti vuccamānēpi “duṭṭho evarūpo nāma samaṇo, khamāpessāmi na”nti mātāpitūnaṃ ārocetvā hatthiṃ abhiruhitvā mahatā rājānubhāvena isipatanaṃ gantvā migayūthaṃ disvā pucchi – “kinnāmete”ti? “Ete, sāmi, migā nāmā”ti. “Etesaṃ ‘imaṃ khādatha, imaṃ bhuñjatha, imaṃ sāyathā’ti vatvā paṭijaggantā atthī”ti? “Natthi, sāmi, yattha tiṇodakaṃ sulabhaṃ tattha vasanti”ti.

Kumāro “yathā ime arakkhiyamānāva yattha icchanti, tattha vasanti, kadā nu kho ahampi evaṃ vaseyya”nti etaṃ ārammaṇaṃ aggahesi. Paccekabuddhōpi tassa āgamaṇaṃ ṇatvā senāsanamaggañca caṅkamaṇaṃ sammajjitvā maṭṭhaṃ katvā ekadvattikkhattuṃ caṅkamitvā padanikkhepaṃ dassetvā divāvihārokāsañca paṇṇasālañca sammajjitvā maṭṭhaṃ katvā pavisanapadanikkhepaṃ dassetvā nikkhamanapadanikkhepaṃ adassetvā aññatra agamāsi. Kumāro tattha gantvā taṃ padesaṃ sammajjitvā maṭṭhakataṃ disvā “vasati maññe ettha so paccekabuddho”ti parijanena bhāsitaṃ sutvā āha – “pātopi so samaṇo dussati, idāni hatthiassādīhi attano okāsaṃ akkantaṃ disvā suṭṭhutaṃ dusseyya, idheva tumhe tiṭṭhathā”ti hatthikkhandhā oruyha ekakova senāsanāṃ pavitṭho vattasīsenā susammaṭṭhokāse padanikkhepaṃ disvā “so dānāyaṃ samaṇo ettha caṅkamanto na vaṇijjādikammaṃ cintesi, addhāyaṃ attano hitameva cintesi maññe”ti pasannamānaso caṅkamaṃ abhiruhitvā dūrīkataputhuvitakko gantvā pāsānaphalake nisīditvā sañjātaekaggo hutvā paṇṇasālaṃ pavisitvā vipassanto paccekabodhiññaṃ adhigantvā purimanayeneva purohitena kammaṭṭhānaṃ pucchito gaganatale nisinno imaṃ gāthamabhāsi.

Tattha **migoti** dve migā – eṇīmigo ca pasadamigo ca. Apica sabbesaṃ āraññikānaṃ catuppādānaṃ etaṃ adhivacanaṃ. Idha pana pasadamigo adhippetoti vadanti. **Araññamhīti** gāmañca gāmūpacārañca ṭhapetvā avasesaṃ araññaṃ, idha pana uyyānaṃ adhippettaṃ, tasmā “uyyānamhī”ti vuttaṃ hoti. **Yathāti** paṭibhāge. **Abaddhoti** rajjubandhanādīhi abaddho, etena vissatthacariyaṃ dīpeti. **Yenicchakaṃ gacchati vocarāyāti** yena yena disābhāgena gantumicchati, tena tena disābhāgena gocarāya gacchati. Vuttampi cetamaṃ bhagavatā –

“Seyyathāpi, bhikkhave, āraññaṃ migo araññaṃ pavane caramāno vissattho gacchati, vissattho tiṭṭhati, vissattho nisīdati, vissattho seyyaṃ kappeti. Taṃ kissa hetu? Anāpāthagato, bhikkhave, luddassa, evameva kho, bhikkhave, bhikkhu vivicceva kāmehi...pe... paṭhamaṃ jhānaṃ upasampajja viharati. Ayaṃ vuccati, bhikkhave, bhikkhu antamakāsi māraṃ apadaṃ, vadhitvā māracakkhuṃ adassanaṃ gato pāpimato”ti (ma. ni. 1.287; cūḷani. khaggavisāṇasuttaniddeśa 125) vitthāro.

Seritanti sacchandavuttitaṃ aparāyattataṃ vā, idaṃ vuttaṃ hoti – yathā migo araññaṃ abaddho yenicchakaṃ gacchati gocarāya, tathā kadā nu kho ahampi taṇhābandhanaṃ chinditvā evaṃ gaccheyyanti. **Viññū** paṇḍito naro seritaṃ pekkhamāno eko careti.

Migoaraññagāthāvaṇṇanā niṭṭhitā.

96. Āmantanā hotīti kā uppatti? Bārāṇasirañño kira mahāupaṭṭhānasamaye amaccā upasaṅkamimṃsu. Tesu eko amacco “deva, sotabbaṃ atthī”ti ekamantaṃ gamaṇaṃ yāci. So uṭṭhāyāsanā agamāsi. Puna eko mahāupaṭṭhāne nisinnaṃ yāci, eko hatthikkhandhe nisinnaṃ, eko assapiṭṭhiyaṃ nisinnaṃ, eko suvaṇṇarathe nisinnaṃ, eko sivikāya nisīditvā uyyānaṃ gacchantāṃ yāci. Rājā tato orohitvā agamāsi. Aparō janapadacārikaṃ gacchantāṃ yāci, tassapi vacanaṃ sutvā hatthikkhandhato oruyha ekamantaṃ agamāsi. Evaṃ so tehi nibbinno hutvā pabbaji. Amaccā issariyena vaḍḍhanti. Tesu eko gantvā rājānaṃ āha – “asukaṃ nāma, mahārāja, janapadaṃ mayhaṃ dehi”ti. Rājā taṃ “itthannāmo bhuñjati”ti bhaṇati. So rañño vacanaṃ anādiyitvā “gacchāmahaṃ taṃ janapadaṃ gahetvā bhuñjāmi”ti tattha gantvā kalahaṃ katvā puna ubhōpi rañño santikaṃ āgantvā aññamaññaṃ dosaṃ ārocetī. Rājā “na sakkā ime tosetu”nti

tesaṃ lobhe ādīnavaṃ disvā vipassanto paccekabodhiṃ sacchākāsi. So purimanayena imaṃ udānaṃ abhāsi.

Tassattho – saḥāyamajjhe ʘhitassa divāseyyasaṅkhāte **vāse** ca, mahāupaṭṭhānasāṅkhāte **ʘhāne** ca, uyyānagamanasaṅkhāte **gamane** ca, janapadacārikasaṅkhātāya **cārikāya** ca, “idaṃ me suṇa, idaṃ me dehi”’tiādīnā nayena tathā tathā āmantanā hoti, tasmā ahaṃ tattha nibbijjivā yāyaṃ ariyajanasevitā anekānisamsā ekantasukhā, evaṃ santepi lobhābhībhūtehi sabbakāpurisehi anabhipatthitā pabbajjā, taṃ **anabhijjhitam** pasesaṃ avasavattanena bhābbapuggalavasena **seritaṅca pekkhamāno** vipassanaṃ ārabhitvā anukkamena paccekabodhiṃ adhigatosmi. Sesaṃ vuttanayamevāti.

Āmantanāgāthāvaṇṇanā niṭṭhitā.

97. Khiddāratīti kā uppatti? Bārāṇasiyaṃ kira ekaputtakabrahmadatto nāma rājā ahoṣi. So tassa ekaputtako piyo ahoṣi manāpo pānasamo, rājā sabbairiyāpathesu puttakaṃ gahetvāva vattati. So ekadivasaṃ uyyānaṃ gacchanto taṃ ʘhapetvā gato. Kumāropi taṃ divasaṃyeva uppannaena byādhiṇā mato. Amaccā “puttasinehena rañño hadayampi phaleyyā”’ti anārocetvāva naṃ jhāpesuṃ. Rājā uyyāne surāmadena matto puttaṃ neva sarati, tathā dutiyadivasepi nhānabhojanavelāsu. Atha bhuttāvī nisinna saritvā “puttaṃ me ānethā”’ti āha. Tassa anurūpena vidhānena taṃ pavattiṃ ārocesuṃ. Tato sokābhībhūto nisinna evaṃ yoniso manasākāsi – “imasmim sati idaṃ hoti, imassuppādā idaṃ uppajjati”’ti. Evaṃ anukkamena anulomapaṭilomaṃ paṭiccasamuppādaṃ sammasanto paccekasambodhiṃ sacchākāsi. Sesaṃ saṃsaggagāthāvaṇṇanāyaṃ vuttasadisameva ʘhapetvā gāthāyatthavaṇṇanaṃ.

Atthavaṇṇanā pana – **khiddāti** kīlanā. Sā duvidhā hoti kāyikā ca vācasikā ca. Tattha kāyikā nāma hatthīhipi kīlanti, assehipi rathehipi dhanūhipi tharūhipīti evamādi. Vācasikā nāma gītaṃ silokabhāṇanaṃ mukhabherīālambarabherīti evamādi. **Ratīti** pañcakāmaguṇarati. **Vipulanti** yāva aṭṭhimiṇjaṃ ahacca ʘhānena sakalattabhāvabyāpakam. Sesaṃ pākāṭameva. Anusandhiyojanāpi cettha saṃsaggagāthāya vuttanayeneva veditabbā, tato paraṅca sabbam.

Khiddāratigāthāvaṇṇanā niṭṭhitā.

98. Cātuddisoti kā uppatti? Pubbe kira kassapassa bhāgavato sāsane pañca paccekabodhisattā pabbajjivā vīsati vassasahassāni gatapaccāgatavattaṃ pūretvā devaloke nibbattā. Tato cavitvā tesaṃ jeṭṭhako bārāṇasirājā ahoṣi, sesā pākatarājāno. Te cattāropi kammaṭṭhānaṃ uggaṇhitvā rajjaṃ pahāya pabbajjivā anukkamena paccekabuddhā hutvā nandamūlakapabbhāre vasantā ekadivasaṃ samāpattito vuṭṭhāya vaṃsakkaḷīragāthāyaṃ vuttanayeneva attano kammaṅca saḥāyaṅca āvajjetvā ṇatvā bārāṇasirañño upāyena ārammaṇaṃ dassetuṃ okāsaṃ gavesanti. So ca rājā tikkhattuṃ rattiyā ubbijjati, bhīto vissaraṃ karoti, mahātale dhāvati. Purohitena kālasseva vuṭṭhāya sukhasēyyaṃ pucchitopi “kuto me, ācariya, sukha”’nti sabbam taṃ pavattiṃ ārocesi. Purohitopi “ayaṃ rogo na sakkā yena kenaci uddham virecanādinā bhesajjakammaena vinetuṃ, mayham pana khādanūpāyo uppanno”’ti cintetvā “rajjahānijivitarāyādīnaṃ pubbanimittaṃ etaṃ, mahārājā”’ti rājānaṃ suṭṭhutaṃ ubbejetvā “tassa vūpasamanatthaṃ ettake ca ettake ca hatthiassarathādayo hiraññasuvaṇṇaṅca dakkhiṇaṃ datvā yañño yajitabbo”’ti yaññayajane samādapesi.

Tato paccekabuddhā anekāni pānasahassāni yaññatthāya sampiṇḍiyamānāni disvā “etasmim kamme kate dubbodhanēyyo bhavissati, handa naṃ paṭikacceva gantvā pekkhāmā”’ti vaṃsakkaḷīragāthāyaṃ vuttanayena āgantvā piṇḍāya caramānā rājaṅgaṇe paṭipāṭiyā agamaṃsu. Rājā sīhapaṅjare ʘhito rājaṅgaṇaṃ olokayamāno te addakkhi, saha dassaneneva cassa sineho uppajji. Tato te pakkosāpetvā ākāsatale paññattāsane nisidāpetvā sakkaccaṃ bhojetvā katabhattakicce “ke tumhe”’ti pucchi. “Mayaṃ, mahārāja, cātuddisā nāmā”’ti. “Bhante, cātuddisāti imassa ko attho”’ti? “Cātūsu disāsu katthaci kutoci bhayaṃ vā cittutrāso vā amhākaṃ natthi, mahārāja”’ti. “Bhante, tumhākaṃ taṃ bhayaṃ kiṃ kāraṇā na hoti”’ti? “Mayaṃ, mahārāja, mettaṃ bhāvema, karuṇaṃ bhāvema, muditaṃ bhāvema, upekkhaṃ bhāvema. Tena no taṃ bhayaṃ na hoti”’ti vatvā uṭṭhāyāsanaṃ attano vasanaṭṭhānaṃ agamaṃsu.

Tato rājā cintesi – “ime samaṇā ‘mettādibhāvanāya bhayaṃ na hotī’ti bhaṇanti, brāhmaṇā pana anekasahassapaṇavadhaṃ vaṇṇayanti, kesaṃ nu kho vacanaṃ sacca’nti? Athassa etadahosi – “samaṇā suddhena asuddhaṃ dhovanti, brāhmaṇā pana asuddhena asuddhaṃ. Na sakkā kho pana asuddhena asuddhaṃ dhovituṃ, pabbajitānaṃ eva vacanaṃ sacca’nti. So “sabbe sattā sukhitā hontū”tiādinā nayena mettādayo cattāropi brahmavihāre bhāvetvā hitapharaṇena cittaena amacce āṇāpesi – “sabbe paṇe muñcatha, sītāni pāṇiyāni pivantu, haritāni tiṇāni khādantu, sīto ca vāto tesam upavāyatū”ti. Te tathā akaṃsu.

Tato rājā “kalyāṇamittānaṃ vacanena pāpakammato muttomhī”ti tattheva nisinno vipassitvā paccekabodhiṃ sacchākāsi. Amaccehi ca bhojanavelāyaṃ “bhuñja, mahārāja, kālo”ti vutte “nāhaṃ rājā”ti purimanayeneva sabbaṃ vatvā imaṃ udānabyākaraṇagāthaṃ abhāsi.

Tattha **cātuddisoti** catūsu disāsu yathāsukhavihārī, “ekaṃ disaṃ pharitvā viharatī”tiādinā vā nayena brahmavihārabhāvanāya pharitā catasso disā assa santīti cātuddiso. Tāsu catūsu disāsu katthaci satte vā saṅkhāre vā bhayena na paṭihanatīti **appaṭigho**. **Santussamānoti** dvādasavidhassa santosassa vasena santussako ca. **Itarītarenāti** uccāvacena paccayena. **Parissayānaṃ sahitā achambhīti** ettha parissayanti kāyacittāni, parihāpentī vā tesam sampattiṃ, tāni vā paṭicca sayantīti parissayā, bāhirānaṃ sīhabyagghādīnaṃ abhantarānañca kāmaccchandādīnaṃ kāyacittupaddavānaṃ etaṃ adhivacanaṃ. Te parissaye adhivāsanakantiyā ca vīriyādīhi dhammehi ca sahatīti parissayānaṃ sahitā. Thaddhabhāvakarabhayaḥbhāvena achambhī. Kiṃ vuttaṃ hoti? Yathā te cattāro samaṇā, evaṃ itarītarena paccayena santussamāno ettha paṭipattipadaṭṭhāne santose ṭhito catūsu disāsu mettādibhāvanāya cātuddiso, sattasaṅkhāresu paṭihanānabhayaḥbhāvena appaṭigho ca hoti. So cātuddisattā vuttappakārānaṃ parissayānaṃ sahitā, appaṭighattā achambhī ca hotīti evaṃ paṭipattiguṇaṃ disvā yoniso paṭipajjitvā paccekabodhiṃ adhigatomhīti. Atha vā te samaṇā viya santussamāno itarītarena vuttanayena cātuddiso hotīti ṇatvā evaṃ cātuddisabhāvaṃ patthayanto yoniso paṭipajjitvā adhigatomhi. Tasmā aññopi īdisaṃ ṭhānaṃ patthayanto cātuddisatāya parissayānaṃ sahitā appaṭighatāya ca achambhī hutvā eko care khaggavisāṇakappoti. Sesam vuttanayamevāti.

Cātuddisagāthāvaṇṇanā niṭṭhitā.

99. Dussaṅgahāti kā uppatti? Bārāṇasirañño kira aggamahesī kālamakāsi. Tato vītivattesu sokadivasesu ekadivasaṃ amaccā “rājūnaṃ nāma tesu tesu kiccesu aggamahesī avassaṃ icchitabbā, sādhu devo aññampi devīṃ ānetū”ti yāciṃsu. Rājā “tena hi, bhaṇe, jānāthā”ti āha. Te pariyesantā sāmantarajje rājā mato, tassa devī rajjaṃ anusāsati, sā ca gabbhinī ahosi, amaccā “ayaṃ rañño anurūpā”ti ṇatvā taṃ yāciṃsu. Sā “gabbhinī nāma manussānaṃ amanāpā hoti. Sace āgametha, yāva vijāyāmi, evaṃ sādhu. No ce, aññaṃ pariyesathā”ti āha. Te raññopi etamatthaṃ ārocesuṃ. Rājā “gabbhinīpi hotu, ānethā”ti āha. Te ānesuṃ. Rājā taṃ abhisiñcitvā sabbaṃ mahesiyā bhogaṃ adāsi, tassā parijanānañca nānāvidhehi paṇṇākārehi saṅgaṇhāti. Sā kālena puttaṃ vijāyi. Rājā taṃ attano puttaṃ viya sabbiriyāpathesu aṅke ca ure ca katvā viharati. Tadā deviyā parijanā cintesuṃ – “rājā ativiya saṅgaṇhāti, kumāre ativissāsaṃ karoti, handa, naṃ paribhindissāmā”ti.

Tato kumāraṃ āhaṃsu – “tvam, tāta, amhākaṃ rañño putto, na imassa rañño putto. Mā ettha vissāsaṃ āpajji”ti. Atha kumāro “ehi puttā”ti raññā vuccamānopi hatthena ākaḍḍhiyamānopi pubbe viya rājānaṃ na allīyati. Rājā “kiṃ kāraṇa”nti vīmaṃsanto taṃ pavattiṃ ṇatvā “ete mayā saṅgahitāpi paṭikkūlavuttino evā”ti nibbijjivā rajjaṃ pahāya pabbajito. “Rājā pabbajito”ti amaccaparijanāpi bahū pabbajīṃsu. Saparijano rājā pabbajitopi manussā paṇīte paccaye upanenti, rājā paṇīte paccaye yathāvuddhaṃ dāpesi. Tattha ye sundaraṃ labhanti, te tussanti. Itare ujjhāyanti “mayam parivenādīni sammajjantā sabbakiccāni karonti, lūkhabbattaṃ jīṇṇavatthañca labhāmā”ti. So tampi ṇatvā “ime yathāvuddhaṃ dīyamānāpi ujjhāyanti, aho dussaṅgahā parisā”ti pattacīvaramādāya ekova araññaṃ pavisitvā vipassanaṃ ārabhitvā paccekabodhiṃ sacchākāsi. Tattha āgatehi ca kammaṭṭhānaṃ pucchito imaṃ gāthamabhāsi. Sā atthato pākāṭā eva. Ayaṃ pana yojanā – dussaṅgahā pabbajitāpi eke, ye asantosābhībūtā, tathāvidhā eva ca atho gahaṭṭhā gharamāvasantā. Etāhaṃ dussaṅgahabhāvaṃ jigucchanto vipassanaṃ ārabhitvā adhigatoti. Sesam purimanayeneva veditabbanti.

Dussaṅgahagāthāvaṇṇanā niṭṭhitā.

100. Oropayitvāti kā uppatti? Bārāṇasiyaṃ kira cātumāsikabrahmadatto nāma rājā gimhānaṃ paṭhame māse uyyānaṃ gato. Tattha ramaṇīye bhūmibhāge nīlaghanapattasañchannaṃ koviḷārarukkhaṃ disvā “koviḷāramūle mama sayanaṃ paññāpethā”ti vatvā uyyāne kīḷitvā sāyanhasamayāṃ tattha seyyaṃ kappesi. Puna gimhānaṃ majjhime māse uyyānaṃ gato, tadā koviḷāro pupphito hoti, tadāpi tatheva akāsi. Punapi gimhānaṃ pacchime māse gato, tadā koviḷāro sañchinnapatto sukkharukkho viya hoti, tadāpi rājā adisvāva taṃ rukkhaṃ pubbapāricayena tattheva seyyaṃ āñāpesi. Amaccā jānantāpi rañño āñattiyā tattha sayanaṃ paññāpesuṃ. So uyyāne kīḷitvā sāyanhasamaye tattha seyyaṃ kappento taṃ rukkhaṃ disvā “are, ayaṃ pubbe sañchannapatto maṇimayo viya abhirūpadassano ahoṣi, tato maṇivaṇṇasākhantare ṭhapitapavāḷaṅkurasadisehi pupphehi sassirikadassano ahoṣi, muttajālasadisavālikākīṇṇo cassa heṭṭhābhūmibhāgo bandhanā pavuttapupphasañchanno rattakambalasanthato viya ahoṣi. So nāmajja sukkharukkho viya sākhamattāvaseso ṭhito, aho jarāya upahato koviḷāro”ti cintetvā “anupādiṇṇampi tāya jarāya haññati, kimaṅgaṃ pana upādiṇṇa”nti aniccasaññaṃ paṭilabhi. Tadanusāreneva sabbasaṅkhāre dukkhato anattato ca vipassantova “aho vatāhampi sañchinnapatto koviḷāro viya apagatagihibyañjano bhaveyya”nti patthayamāno anupubbena tasmīṃ sayanatale dakkhiṇena passena nipannoyeva vipassitvā paccekabodhiṃ sacchākāsi. Tato gamanakāle amaccehi “kālo, deva, gantu”nti vutte “nāhaṃ rājā”tiādīni vatvā purimanayeneva imaṃ gāthamabhāsi.

Tattha oropayitvāti apanetvā. **Gihibyañjanānīti**

kesamassuodātavathālanākāramālāgandhavilepanaputtadārādāsīdāsādīni. Etāni gihibhāvaṃ byañjayanti, tasmā “gihibyañjanānī”ti vuccanti. **Sañchinnapattoti** patitapatto. **Chetvānāti** maggañāṇena chinditvā. **Vīroti** maggavīriyena samannāgato. **Ghibandhanānīti** kāmabandhanāni. Kāmā hi gihīnaṃ bandhanāni. Ayaṃ tāva padattho. Ayaṃ pana adhippāyo – “aho vatāhampi oropayitvā gihibyañjanāni sañchinnapatto yathā koviḷāro bhaveyya”nti evaṃ cintayamāno vipassanaṃ ārabhitvā adhigatoti. Sesāṃ purimanayeneva veditabbanti.

Koviḷāragāthāvaṇṇanā niṭṭhitā.

Paṭhamavaggo niṭṭhito.

101-2. Sace labhethāti kā uppatti? Pubbe kira kassapassa bhagavato sāsane dve paccekabodhisattā pabbajitvā vīsati vassasahassāni gatapaccāgatavattaṃ pūretvā devaloke uppannā. Tato cavitvā tesāṃ jeṭṭhako bārāṇasirañño putto, kaniṭṭho purohitassa putto ahoṣi. Te ekadivasāmyeva paṭisandhiṃ gahetvā ekadivasameva mātu kucchito nikkhamitvā sahapāmsukīḷakā sahāyakā ahesuṃ. Purohitaputto paññāvā ahoṣi. So rājaputtaṃ āha – “samma, tvaṃ tava pituno accayena rajjaṃ labhissasi, ahaṃ purohitatṭhānaṃ, susikkhitena ca rajjaṃ anusāsituṃ sakkā, ehi sippaṃ uggaṇhissamā”ti. Tato ubhopi yaññopacitā hutvā gāmanigamādīsu bhikkhaṃ caramānā paccantajanapadagāmaṃ gatā. Tañca gāmaṃ pañca paccekabuddhā bhikkhācāraṇāya pavasiṃsu. Tattha manussā paccekabuddhe disvā ussāhajātā āsanāni paññāpetvā pañītaṃ khādanīyaṃ vā bhojanīyaṃ vā upanāmetvā pūjenti. Tesāṃ etadahosi – “amhehi sadisā uccākulikā nāma natthi, api ca panime manussā yadi icchanti, amhākaṃ bhikkhaṃ denti, yadi nicchanti, na denti, imesaṃ pana pabbajitānaṃ evarūpaṃ sakkāraṃ karonti, addhā ete kiñci sippaṃ jānanti, handa, nesaṃ santike sippaṃ uggaṇhāmā”ti. Te manussesu paṭikkantesu okāsaṃ labhitvā “yaṃ, bhante, tumhe sippaṃ jānātha, taṃ amhehi sikkhāpethā”ti yāciṃsu. Paccekabuddhā “na sakkā apabbajitena sikkhītu”nti āhaṃsu. Te pabbajjaṃ yācitvā pabbajīṃsu. Tato nesaṃ paccekabuddhā “evaṃ vo nivāsetabbaṃ, evaṃ pārupitabba”ntiādīnā nayena ābhisamācārikaṃ ācikkhitvā “imassa sippassa ekībhāvābhīrati nipphatti, tasmā ekeneva nisīditabbaṃ, ekena caṅkamitabbaṃ, ekena ṭhātabbaṃ, ekena sayitabba”nti pāṭiyekkaṃ paññasālaṃ adāṃsu, tato te attano attano paññasālaṃ pavisitvā nisīdiṃsu. Purohitaputto nisinnakālato pabhūti cittasamādhānaṃ laddhā jhānaṃ paṭilabhi. Rājaputto muhutteneva ukkaṇṭhito tassa santikaṃ āgato. So taṃ disvā “kiṃ, sammā”ti pucchi. “Ukkaṇṭhitomhī”ti āha. “Tena hi idha nisīdā”ti. So tattha muhuttaṃ nisīditvā āha – “imassa kira, samma, sippassa ekībhāvābhīrati nipphattī”ti? Purohitaputto “evaṃ, samma, tena hi tvaṃ attano nisinnokāsaṃ eva gaccha, uggaṇhissāmi imassa sippassa nipphattī”nti āha. So gantvā punapi muhuttakeneva ukkaṇṭhito purimanayeneva tikkhattuṃ āgato.

Tato naṃ purohitaputto tatheva uyyojetvā tasmim gate cintesi – “ayaṃ attano ca kammaṃ hāpeti mama ca, idhābhikkhaṇaṃ āgacchati”ti. So paṇṇasālato nikkhamma araṇṇaṃ pavittḥo. Itaro attano paṇṇasālāyeva nisinnō punapi muhuttakeneva ukkaṇṭhito tassa santikaṃ āgantvā ito cito ca maggantopi taṃ adisvā cintesi – “yo gahaṭṭhakāle paṇṇākāraṃ ādāya āgatopi maṃ datṭhuṃ na labhati, so dāni mayi āgate dassanampi adātukāmo apakkami. Aho are, citta, na lajjasi, yaṃ maṃ catukkhattum idhānesi, na so dāni te vase vattissāmi, aññadatthu taṃyeva mama vase vattāpessāmi”ti attano senāsaṇaṃ pavisitvā vipassanaṃ ārabhitvā paccekabodhiṃ sacchikatvā ākāseṇa nandamūlakapabbhāraṃ agamāsi. Itaropi araṇṇaṃ pavisitvā vipassanaṃ ārabhitvā paccekabodhiṃ sacchikatvā tattheva agamāsi. Te ubhopi manosilātale nisīditvā pāṭiyekkaṃ pāṭiyekkaṃ imā udānagāthāyo abhāsiṃsu.

Tattha **nipakanti** pakatinipakaṃ paṇḍitaṃ kasiṇaparikkammādikusalaṃ. **Sādhuvihārinti** appanāvihārena vā upacārena vā samannāgataṃ. **Dhīranti** dhitisampannaṃ. Tattha nipakattena dhitisampadā vuttā. Idha pana dhitisampannamevāti attho. Dhīti nāma asithilaparakkamatā, “kāmaṃ taco ca nhāru cā”ti (ma. ni. 2.184; a. ni. 2.5; mahāni. 196) evaṃ pavattavīriyasetaṃ adhivacanaṃ. Apica dhikkatapāpotipi dhīro. **Rājāva ratṭhaṃ vijitaṃ pahāyāti** yathā pakatirājā “vijitaṃ ratṭhaṃ anattāhāva”nti ṇatvā rajjaṃ pahāya eko carati, evaṃ bālasahāyaṃ pahāya eko care. Atha vā **rājāva ratṭhanti** yathā sutasomo rājā ratṭhaṃ vijitaṃ pahāya eko cari, yathā ca mahājanako rājā, evaṃ eko carīti ayampi tassa attho. Sesam vuttānusārena sakkā jānitunti na vitthāritanti.

Sahāyagāthāvaṇṇanā niṭṭhitā.

103. Addhā pasamsāmāti imissā gāthāya yāva ākāsatāle paññattāsane paccekabuddhānaṃ nisajjā, tāva cātuddisagāthāya uppattisadisā eva uppatti. Ayaṃ pana viseso – yathā so rājā rattiyā tikkhattum ubbijji, na tathā ayaṃ, nevassa yañño paccupaṭṭhito ahoṣi. So ākāsatāle paññattesu āsanesu paccekabuddhe nisīdāpetvā “ke tumhe”ti pucchi. “Mayaṃ, mahārāja, anavajjabhojino nāmā”ti. “Bhante, anavajjabhojinoṭi imassa ko attho”ti? “Sundaraṃ vā asundaraṃ vā laddhā nibbikārā bhuñjāma, mahārājā”ti. Taṃ sutvā rañño etadahosi – “yaṃnūnaṃ ime upaparikkheyyaṃ ‘edisā vā no vā’”ti? Taṃ divasaṃ kaṇḍajakena bilaṅgadutiyaena parivisi. Taṃ paccekabuddhā amataṃ viya nibbikārā bhuñjiṃsu. Rājā “ime paṭiññātattā ekadivasaṃ nibbikārā honti, puna sve jānissāmi”ti svātanāya nimantesi. Dutiyadivasepi tathevākāsi. Tepi tatheva paribhuñjiṃsu. Atha rājā “sundaraṃ datvā vīmaṃsissāmi”ti punapi nimantetvā dve divase mahāsakkāraṃ katvā paṇṭena ativicitrena khādanīyena bhojanīyena parivisi. Tepi tatheva nibbikārā paribhuñjitvā rañño maṅgalaṃ vatvā pakkamiṃsu. Rājā acirapakkantesu tesu “anavajjabhojino ete, aho vatāhampi anavajjabhojī bhavye”nti cintetvā mahārājaṃ pahāya pabbajjaṃ samādāya vipassanaṃ ārabhitvā paccekabuddho hutvā mañjūsakarukkhamaṇe paccekabuddhānaṃ majjhe attano ārammaṇaṃ vibhāvento imaṃ gāthamabhāsi. Sā padatthato uttānameva. Kevalaṃ pana **sahāyasampadanti** ettha asekkhehi sīlādikkhandhehi sampannā sahāyā eva sahāyasampadāti veditabbā.

Ayaṃ panettha yojanā – yā ayaṃ vuttā sahāyasampadā, taṃ sahāyasampadaṃ **addhā pasamsāma**, ekaṃseneva thomemāti vuttaṃ hoti. Kathaṃ? **Seṭṭhā samā sevitaṃ sahāyāti**. Kasmā? Attano sīlādīhi seṭṭhe sevamānassa sīlādayo dhammā anuppannā uppajjanti, uppannā ca vuddhiṃ virūḷhiṃ vepullaṃ pāpuṇanti. Same sevamānassa aññamaññaṃ sādharmaṇena kukkucassa vinodanena ca laddhā na parihāyanti. Ete pana sahāyake seṭṭhe ca same ca aladdhā kuhanādīmicchājīvaṃ pahāya dhammena samena uppannaṃ bhojanaṃ bhuñjanto tattha ca paṭighānūnaṃ anuppādentō anavajjabhojī hutvā atthakāmo kulaputto eko care khaggavisāṇakappo. Ahampi evaṃ caranto imaṃ sampattiṃ adhiyatōmhi.

Addhāpasamsāgāthāvaṇṇanā niṭṭhitā.

104. Disvā suvaṇṇassāti kā uppatti? Aññatāro kira bārāṇasiyaṃ rājā gimhasamaye divāseyyaṃ upagato ahoṣi, santike cassa vaṇṇadāsī gosītacandanaṃ pisati. Tassā ekabāhāya ekaṃ suvaṇṇavalayaṃ, ekabāhāya dve. Tāni saṅghaṭṭenti, itaraṃ na saṅghaṭṭati. Rājā taṃ disvā “evameva gaṇavāse saṅghaṭṭanā, ekavāse asaṅghaṭṭanā”ti cintetvā punappunaṃ dāsiṃ olokesi. Tena ca samayena sabbālankāravibhūsitā devī taṃ bījayanti ṭhitā hoti. Sā “vaṇṇadāsīyā paṭibaddhacitto maññe rājā”ti cintetvā taṃ dāsiṃ utṭhāpetvā sayameva pīsītumāraddhā. Athassā ca ubhosu bāhāsu aneke suvaṇṇavalayā, te saṅghaṭṭayantā mahāsaddaṃ

janayiṃsu. Rājā atisuṭṭhutarāṃ nibbindo dakkhiṇapassena nipannoyeva vipassanaṃ ārabhitvā paccakabodhiṃ sacchākāsi. Taṃ anuttarasukhena sukhitaṃ nipannaṃ candanahatthā devī upasaṅkamitvā “ālimpāmi, mahārājā”ti āha. So “apehi, mā ālimpāhi”ti āha. Sā “kissa, mahārājā”ti? So “nāhaṃ, rājā”ti. Evametesāṃ kathāsallāpaṃ sutvā amaccā upasaṅkamayṃsu, tehīpi mahārājavadena ālapito “nāhaṃ, bhāṇe, rājā”ti āha. Sesāṃ paṭhamagāthāya vuttasadisameva.

Ayaṃ pana gāthāvaṇṇanā – tattha **disvāti** oloketvā. **Suvaṇṇassāti** kañcanassa. “Valayānī”ti pāṭhaseso. Sāvasesapadattho hi ayaṃ attho. **Pabhassarānīti** pabhāsanasilāni, jutimantānīti vuttaṃ hoti. Sesāṃ uttānapadatthameva. Ayaṃ pana yojanā – disvā bhujasmim suvaṇṇassa valayāni “gaṇavāse sati saṅghaṭṭanā, ekavāse asaṅghaṭṭanā”ti evaṃ cintetvā vipassanaṃ ārabhitvā adhigatomhīti. Sesāṃ suviññeyyamevāti.

Suvaṇṇavalayaḡāthāvaṇṇanā niṭṭhitā.

105. Evaṃ dutiyenāti kā uppatti? Aññataro kira bārāṇasirājā daharova pabbajitukāmo amacce āṇāpesi – “deviṃ gahetvā rajjāṃ pariharatha, ahaṃ pabbajissāmi”ti. Amaccā – “mahārāja, arājakaṃ rajjāṃ amhehi na sakkā rakkhituṃ sāmantarājāno āgamma vilumpissanti, yāva ekopi putto uppajjati, tāva āgamehi”ti saññāpesuṃ. Muducitto rājā adhvāsesi. Atha devī gabbhaṃ gaṇhi. Rājā puna te āṇāpesi – “devī gabbhinī, puttaṃ jātaṃ rajje abhisiñcitvā rajjāṃ pariharatha, ahaṃ pabbajissāmi”ti. Amaccā “dujjānaṃ, mahārāja, etaṃ, yaṃ devī puttaṃ vā vijāyissati, dhītarāṃ vāti, tāva vijāyanakālaṃ āgamehi”ti punapi rājānaṃ saññāpesuṃ. Atha sā puttaṃ vijāyati. Tadāpi rājā tatheva amacce āṇāpesi. Amaccā punapi rājānaṃ – “āgamehi, mahārāja, yāva paṭibalo hoti”ti bahūhi kāraṇehi saññāpesuṃ. Tato kumāre paṭibale jāte amacce sannipātāpetvā “paṭibalo dāni ayaṃ, taṃ rajje abhisiñcitvā paṭipajjathā”ti amaccānaṃ okāsaṃ adatvā antarāpaṇato kāsāyavattahādayo sabbaparikkhāre āharāpetvā antepure eva pabbajitvā mahājanako viya nikkhamitvā gato. Sabbaparijano nānappakāraṃ paridevamāno rājānaṃ anubandhi. So rājā yāva attano rajjasīmā, tāva gantvā kattaradaṇḍena lekhaṃ ākaḍḍhitvā – “ayaṃ lekhaṃ nātikkamitabbā”ti āha. Mahājano lekhaṃ sīsaṃ katvā bhūmiyaṃ nipanno paridevamāno “tuyhaṃ dāni, tāta, rañño āṇā, kiṃ karissati”ti kumāraṃ lekhaṃ atikkamāpesi. Kumāro “tāta, tāta”ti dhāvītvā rājānaṃ sampāpuṇi. Rājā kumāraṃ disvā “etaṃ mahājānaṃ pariharanto rajjāṃ kāresiṃ, kiṃ dāni ekaṃ dāraṃ pariharitūṃ na sakkhissa”nti kumāraṃ gahetvā araññaṃ pavīṭṭho, tattha pubbapaccakabuddhehi vasitapaṇṇasālaṃ disvā vāsaṃ kappesi saddhiṃ puttena.

Tato kumāro varasayanādīsū kataparicayo tiṇasanthāraḡe vā rajjumañcake vā sayamāno rodāti. Sītavātādīhi phuṭṭho samāno – “sītaṃ tāta uṇhaṃ tāta makasā tāta ḡaṃsanti. Chātomhi tāta, pipāsītomhi tāta”ti vadati. Rājā taṃ saññāpentoyeva rattim vītināmesi. Divāpissa piṇḡāya caritvā bhattaṃ upanāmesi, kumāro missakabhattaṃ kaṅguvarakamuggātibahulaṃ acchādentampi taṃ jighacchāvasena bhūñjamaṃ katipāhaccayena uṇhe ṭhapitapadumaṃ viya milāyati. Rājā pana paṭisaṅkhānabalena nibbikāro bhūñjati. Tato so kumāraṃ saññāpento āha – “nagare, tāta, paṇṭihāro labbhati, tattha gacchāma”ti. Kumāro “āma, tāta”ti. Tato naṃ purakkhatvā āgatamaggeneva nivatti. Kumāramātāpi devī “na dāni rājā kumāraṃ gaṇhitvā araññe cīraṃ vasissati, katipāheneva nivattissati”ti cintetvā raññā kattaradaṇḡena likhitatṭhāneyeva vatim kārapetvā vāsaṃ kappesi. Rājā tassā vatiyā avidūre ṭhatvā “ettha te, tāta, mātā nisinnā, gacchāhi”ti pesesi. Yāva so taṃ ṭhānaṃ pāpuṇāti, tāva udikkhanto atṭhāsi – “mā heva naṃ koci vihetṭheyyā”ti. Kumāro mātu santikaṃ dhāvanto agamāsi.

Ārakkhapurisā kumāraṃ āgacchantāṃ disvā deviyā ārocesi. Devī vīsatināṭakitthisahassaparivutā paccuggantvā paṭiggahesi. Rañño ca pavattim pucchi. “Pacchato āgacchati”ti sutvā manusse pesesi. Rājāpi tāvadeva sakavasanaṭṭhānaṃ agamāsi. Manussā rājānaṃ adisvā nivattimṃsu. Tato devī nirāsāva hutvā puttaṃ gahetvā nagaraṃ gantvā rajje abhisiñci. Rājāpi attano vasanaṭṭhāne nisinnā vipassitvā paccakabodhiṃ patvā mañjūsakarukkhamaṃle paccakabuddhānaṃ majjhe imaṃ udānagāthaṃ abhāsi. Sā atthato uttānā eva.

Ayaṃ panetṭhādhīppāyo – yvāyaṃ ekena dutiyena kumārena sītūṇhādīhi nivedentena saḡavāsena taṃ saññāpentassa mama **vācābhilāpo** tasmim sinehavasena **abhisajjanā vā** jātā. Sacāhaṃ imaṃ na paricajāmi, tato āyatimpi tatheva hessati, yathā idāni, **evaṃ dutiyena saḡa mamassa vācābhilāpo**

abhisajjanā vā. “Ubhayampetaṃ antarāyakaraṃ viśesādhigamassā”ti **etaṃ bhayaṃ āyatim pekkhamāno** taṃ chaḍḍetvā yoniso paṭipajjitvā paccekabodhimadhighatomhīti. Sesam vuttanayamevāti.

Āyatibhayagāthāvaṇṇanā niṭṭhitā.

106. Kāmā hi citrāti kā uppatti? Bārāṇasiyaṃ kira seṭṭhiputto daharova seṭṭhiṭṭhānaṃ labhi. Tassa tiṇṇaṃ utūnaṃ anucchavikā tayo pāsādā ahesuṃ. So sabbasampattīhi devakumāro viya paricāreti. Atha so daharova samāno “pabbajissāmī”ti mātāpitaro āpucchi, te naṃ nivārenti. So tatheva nibandhati. Punapi naṃ mātāpitaro “tvam, tāta, sukhumālo, dukkarā pabbajjā, khuradhārāya upari caṅkamanasadisā”ti nānappakārehi nivārenti. So tatheva nibandhati. Te cintesuṃ – “sacāyaṃ pabbajati, amhākaṃ domanassaṃ hoti. Sace naṃ nivārema, etassa domanassaṃ hoti. Apica amhākaṃ domanassaṃ hotu, mā ca etassā”ti anujāniṃsu. Tato so sabbaṃ parijanaṃ paridevamānaṃ anādiyitvā isipatanaṃ gantvā paccekabuddhānaṃ santike pabbaji. Tassa uḷārasenāsaṇaṃ na pāpuṇāti, mañcake taṭṭikaṃ attharivā sayi. So varasayane kataparicayo sabbarattim atidukkhito ahoṣi. Pabhāte sarīraparikammaṃ katvā pattacīvaramādāya paccekabuddhehi saddhim piṇḍāya pāvisi. Tattha vuḍḍhā aggāsanañca aggapiṇḍaṇca labhanti, navakā yaṃkiñcideva āsanalūkhaṃ bhojanañca. So tena lūkhabhajanāpi atidukkhito ahoṣi. So katipāhaṃyeva kiso dubbaṇṇo hutvā nibbijji, yathā taṃ aparipakkagata samaṇadhamme. Tato mātāpitūnaṃ dūtaṃ pesetvā uppabbaji. So katipāhaṃyeva balaṃ gahetvā punapi pabbajitukāmo ahoṣi, tato dutiyampi pabbajitvā punapi uppabbaji. Tatiyavāre pana pabbajitvā sammā paṭipanno vipassitvā paccekabodhim sacchikatvā imaṃ udānagāthaṃ vatvā puna paccekabuddhānaṃ majjhe imameva byākaraṇagāthampi abhāsi.

Tattha **kāmāti** dve kāmā vatthukāmo ca kilesakāmo ca. Tattha vatthukāmo nāma piyarūpādīraṃmaṇadhammo, kilesakāmo nāma sabbo rāgappabhedo. Idha pana vatthukāmo adhippeto. Rūpādianekappakāravasena **citrā**. Lokassādasena **madhurā**. Bālaputhujjanānaṃ manam ramāpentīti **manoramā**. **Virūparūpenāti** vividhena rūpena, anekavidhena sabhāvenāti vuttaṃ hoti. Te hi rūpādivasena citrā, rūpādīsupi nīlādivasena vividharūpā. Evaṃ tena tena virūparūpena tathā tathā assādaṃ dassetvā **mathenti cittaṃ**, pabbajjāya abhiramituṃ na dentīti. Sesamettha pākāṭameva. Nigamanampi dvīhi tīhi vā padehi yojetvā purimagāthāsu vuttanayeneva veditabbanti.

Kāmagāthāvaṇṇanā niṭṭhitā.

107. Īti cāti kā uppatti? Bārāṇasiyaṃ kira rañño gaṇḍo udapādi, bālā vedanā vadḍhanti. Vejjā “satthakammaṃ vinā phāsu na hotī”ti bhaṇanti. Rājā tesam abhayaṃ datvā satthakammaṃ kārāpesi. Te taṃ phāletvā pubbalohitaṃ nīharitvā nivedanaṃ katvā vaṇaṃ pilotikena bandhiṃsu. Lūkhamaṃsāhāresu ca naṃ sammā ovadiṃsu. Rājā lūkhabhajanena kisasaṇīro ahoṣi, gaṇḍo cassa milāyi. So phāsukasāññī hutvā siniddhāhāraṃ bhuñji, tena sañjātabalo visayeyeva paṭisevi, tassa gaṇḍo purimasabhāvameva sampāpuṇi. Evaṃ yāva tikkhattuṃ satthakammaṃ kārāpetvā vejjehi parivajjito nibbinditvā mahārajjam pahāya pabbajitvā araññaṃ pavisitvā vipassanaṃ ārabhitvā sattahi vassehi paccekabodhim sacchikatvā imaṃ udānagāthaṃ bhāsītva nandamūlakapabbhāraṃ agamāsi.

Tattha etīti **īti**, āgantukānaṃ akusalabhāgīnaṃ byasanahetūnaṃ etaṃ adhivacanaṃ. Tasmā kāmagaṇṇāpi ete anekabyasanaṇvahaṭṭhena anattānaṃ sannipātāṭṭhena ca īti. Gaṇḍopi asuciṃ paggharati, uddhumātāparipakkaparibhinno hoti. Tasmā ete kilesāsucipaggharaṇato uppādarābhāṅgehi uddhumātāparipakkaparibhinnabhāvato ca **gaṇḍo**. Upaddavatīti **upaddavo**, anattam janento abhibhavati ajjhottharatīti attho, rāgagaṇḍādīnametamadhivacanaṃ. Tasmā kāmagaṇṇāpete aviditānibbānatthāvahahetutāya sabbupaddavakammaparivatthutāya ca upaddavo. Yasmā panete kilesāturabhāvaṃ janentā silasaṅkhātaṃ ārogyaṃ loluppaṃ vā uppādentā pākāṭikameva ārogyaṃ vilumpanti, tasmā iminā ārogyavilumpanaṭṭhena **rogo**. Abbhantaramanupaviṭṭhaṭṭhena pana antotudanaṭṭhena ca dunnīharaṇīyaṭṭhena ca **sallam**. Diṭṭhadhammikasamparāyikabhayāvahanato **bhayaṃ**. Me etanti **metam**. Sesamettha pākāṭameva. Nigamanampi vuttanayeneva veditabbanti.

Ītigāthāvaṇṇanā niṭṭhitā.

108. Sītañcāti kā uppatti? Bārāṇasiyaṃ kira sītālukabrahmadatto nāma rājā ahoṣi. So pabbajitvā araṇṇe tiṇakuṭikāya viharati. Tasmīṅca padese sīte sītaṃ, uṇhe daṇhameva hoti abbhokāsattā padessa. Gocaragāme bhikkhā yāvadatthaṃ na labbhati, pāṇiyampi dullabhaṃ, vātātaḍaḍasasarīsapāpi bādheti. Tassa etadahosi – ‘‘ito aḍḍhajojanamatte sampanno padeso, tattha sabbepe ete parissayā natthi, yaṃnūnāhaṃ tattha gaccheyyaṃ, phāsukaṃ viharantena sakkā sukhamadhigantu’’nti? Tassa puna ahoṣi – ‘‘pabbajitā nāma na paccayagiddhā honti, evarūpaṅca cittaṃ attano vase vattāpentī, na cittassa vase vattanti, nāhaṃ gamissāmī’’ti evaṃ paccavekkhitvā na agamāsi. Evaṃ yāvatatiyakaṃ uppannacittaṃ paccavekkhitvā nivattesi. Tato tattheva satta vassāni vasitvā sammā paṭipajjamāno paccekabodhiṃ sacchikatvā imaṃ udānagāthaṃ bhāsivā nandamūlakapabbhāraṃ agamāsi.

Tattha **sītañcāti** sītaṃ duvidhaṃ abhantaradhātukkhobhapaccayaṅca bāhiradhātukkhobhapaccayaṅca, tathā uṇhampi. **Ḍaṃsāti** piṅgalamakkhikā. **Sarīsapāti** ye keci dīghajātikā sarantā gacchanti. Sesam pākaṭameva. Nigamanampi vuttanayeneva veditabbanti.

Sītālukagāthāvaṇṇanā niṭṭhitā.

109. Nāgovāti kā uppatti? Bārāṇasiyaṃ kira aññataro rājā vīsati vassāni rajjaṃ kāretvā kālaṅkato niraye vīsati vassāni eva paccitvā, himavantappadese hatthiyoniyaṃ uppajjitvā sañjātakkhando padumavaṇṇasakalarāro uḷāro yūthapati mahānāgo ahoṣi. Tassa obhaggobhaggasākhābhaṅgāni hatthichāpāva khādanti, ogāhepi naṃ hatthiniyo kaddamena vilimpimsu, sabbaṃ pālileyyakanāgasseva ahoṣi. So yūthā nibbijitvā pakkāmi. Tato naṃ padānusārena yūthā anubandhanti, evaṃ yāvatatiyaṃ pakkantampi anubandhimsueva. Tato cintesi ‘‘idāni mayhaṃ nattako bārāṇasiyaṃ rajjaṃ kāreti, yaṃnūnāhaṃ attano purimajātiyā uyyānaṃ gaccheyyaṃ. Tatra so maṃ rakkhissatī’’ti. Tato rattiyaṃ niddupagate yūthe yūthaṃ pahāya tameva uyyānaṃ pāvīsi. Uyyānapālo disvā raṅṅo ārocesi. Rājā ‘‘hatthiṃ gahessāmī’’ti senāya parivāresi. Hatthī rājānameva abhimukho gacchati. Rājā ‘‘maṃ abhimukho etī’’ti khurappaṃ sannayhitvā aṭṭhāsi. Tato hatthī ‘‘vijjheyāpi maṃ eso’’ti mānusikāya vācāya ‘‘brahmadatta, mā maṃ vijjha, ahaṃ te ayyako’’ti āha. Rājā ‘‘kiṃ bhaṇasī’’ti sabbaṃ pucchi. Hatthīpi rajje ca narake ca hatthiyoniyaṅca pavattiṃ sabbaṃ ārocesi. Rājā ‘‘sundaraṃ mā bhāyi, mā kañci bhimsāpehī’’ti hatthino vaṭṭaṅca ārakkhake ca hatthibhaṅde ca upaṭṭhāpesi.

Athekadivasam rājā hatthikkhandhavaragato ‘‘ayaṃ vīsati vassāni rajjaṃ kāretvā niraye paccitvā pakkāvasesena tiracchānayoniyaṃ uppanno, tatthāpi gaṇasaṃvāsasaṅghaṭṭanaṃ asahanto idhāgatosi, aho dukkhova gaṇasaṃvāso, ekībhāvo eva pana sukho’’ti cintetvā tattheva vipassanaṃ ārabhitvā paccekabodhiṃ sacchākāsi. Taṃ lokuttarasukhena sukhaṃ amaccā upasaṅkamitvā paṇipātaṃ katvā ‘‘yānakālo, mahārājā’’ti āhaṃsu. Tato ‘‘nāhaṃ, rājā’’ti vatvā purimanayeneva imaṃ gāthamabhāsi. Sā padatthato pākaṭā eva.

Ayaṃ panettha adhippāyayanā – sā ca kho yuttivaseneva, na anussavavasena. Yathā ayaṃ hatthī ariyakantesu sīlesu dantattā adantabhūmiṃ nāgacchatīti vā, sarīramahantatāya vā **nāgo**, evaṃ kudāssu nāmāhampi ariyakantesu sīlesu dantattā adantabhūmiṃ nāgamanena, āgumakaraṇena, puna itthattaṃ anāgamanena ca guṇasarīramahantatāya vā nāgo bhaveyyaṃ. Yathā cesa **yūthāni vivajjayitvā** ekacariyasukhena **yathābhirantaṃ viharaṃ araṇṇe eko care khaggavisāṇakappo**, kudāssu nāmāhampi evaṃ gaṇaṃ vivajjetvā ekavihārasukhena yathābhirantaṃ viharaṃ araṇṇe attano yathā yathā sukhaṃ, tathā tathā yattakaṃ vā icchāmi, tattakaṃ araṇṇe nivāsaṃ eko care khaggavisāṇakappo eko careyyanti attho. Yathā cesa susaṅghitakkhandhamahantatāya **sañjātakkhando**, kudāssu nāmāhampi evaṃ asekkhasīlakkhandhamahantatāya sañjātakkhando bhaveyyaṃ. Yathā cesa padumasadisagattatāya vā, padumakule uppannatāya vā **padumī**, kudāssu nāmāhampi evaṃ padumasadisaujuktatāya vā, ariyajātipadume uppannatāya vā padumī bhaveyyaṃ. Yathā cesa thāmalādīhi **uḷāro**, kudāssu nāmāhampi evaṃ parisuddhakāyasamācāratādīhi sīlasamādhinibbedhikapaññādīhi vā uḷāro bhaveyyanti. Evaṃ cinto vipassanaṃ ārabhitvā paccekabodhiṃ adhigatomhīti.

Nāgagāthāvaṇṇanā niṭṭhitā.

110. Aṭṭhānatanti kā uppatti? Bārāṇasirañño kira putto daharo eva samāno pabbajitukāmo mātāpitaro yāci. Mātāpitaro naṃ nivārenti. So nivāriyamānopi nibandhatiyeva “pabbajissāmī”ti. Tato pubbe vuttasetṭhiputtam viya sabbam vatvā anujānimsu. “Pabbajitvā ca uyyāneyeva vasitabba”nti paṭijānāpesuṃ, so tathā akāsi. Tassa mātā pātova vīsatisahassanāṭakittiparivutā uyyānaṃ gantvā puttam yāguṃ pāyevā antarā khajjakādāni ca khādāpetvā yāva majjhanhikasamayā tena saddhiṃ samullapitvā nagaram pavisati. Pitāpi majjhanhike āgantvā tam bhojetvā attanāpi bhujjivā divasaṃ tena saddhiṃ samullapitvā sāyanhasamayam paṭijagganakapurise ṭhapetvā nagaram pavisati. So evam rattindivam avivitto viharati.

Tena kho pana samayena ādiccabandhu nāma paccekabuddho nandamūlakapabbhāre viharati. So āvajjento tam addasa – “ayam kumāro pabbajitum asakkihi, jaṭam chinditum na sakkoti”ti. Tato param āvajji – “attano dhammatāya nibbijjissati nu kho, no”ti. Atha “dhammatāya nibbindanto aticiram bhavissati”ti ñatvā “tassa ārammaṇam dassessāmī”ti purimanayeneva manosilātalato āgantvā uyyāne aṭṭhāsi. Rājaparisā disvā “paccekabuddho āgato, mahārājā”ti ārocesi. Rājā “idāni me putto paccekabuddhena saddhiṃ anukkaṇṭhito vasissati”ti pamuditamano hutvā paccekabuddham sakkaccaṃ upaṭṭhahitvā tattheva vāsam yācitvā paṇṇasālādivihāracaṅkamādisabbaṃ kāretvā vāsesi. So tattha vasanto ekadivasaṃ okāsam labhitvā kumāram pucchi – “kosi tva”nti? “Aham pabbajito”ti. “Pabbajitā nāma na īdisā honti”ti. Atha “bhante, kīdisā honti, kiṃ mayham ananucchavika”nti vutte “tvam attano ananucchavikaṃ na pekkhasi, nanu te mātā vīsatisahassitthīti saddhiṃ pubbaṇhasamaye āgacchantī uyyānaṃ avivittam karoti, pitā cassa mahatā balakāyena sāyanhasamaye jagganakaparisā sakalam rattim, pabbajitā nāma tava sadisā na honti, īdisā pana honti”ti tattha ṭhitasseva iddhiyā himavante aññataram vihāram dassesi. So tattha paccekabuddhe ālambanaphalakaṃ nissāya ṭhite ca caṅkamante ca rajanakakammasūcikkammādāni karonte ca disvā āha – “tumhe idha nāgacchatha, pabbajjā ca tumhehi anuññātā”ti? “Āma, pabbajjā anuññātā, pabbajitakālato paṭṭhāya samaṇā nāma attano nissaraṇam katum, padesaṇca icchitam patthitam gantum labhanti, ettakamva vaṭṭati”ti vatvā ākāse ṭhatvā **aṭṭhāna tam saṅgaṇikāratassa, yaṃ phassaye sāmayaikam vimuttinti** imam upaḍḍhugātham vatvā dissamānoyeva ākāseṇa nandamūlakapabbhāram agamāsi. Evam gate paccekabuddhe so attano paṇṇasālam pavisitvā nipajji. Ārakkhapurisopi “sayito kumāro, idāni kuhiṃ gamissati”ti pamatto niddam okkami. So tassa pamattabhāvam ñatvā pattacīvaramādāya araṇṇam pāvīsi. Tatra ca ṭhito vipassanaṃ ārabhitvā paccekabodhiṃ sacchikatvā paccekabuddhaṭṭhānam gato. Tatra ca “kathamadhigata”nti pucchito ādiccabandhunā vuttam upaḍḍhagātham paripuṇṇam katvā abhāsi.

Tassattho – **aṭṭhāna tanti** aṭṭhānam tam, akāraṇam tanti vuttam hoti. Anunāsikalopo kato “ariyasaccāna dassana”ntiādīsu (khu. pā. 5.11; su. ni. 270) viya. **Saṅgaṇikāratassati** gaṇābhīratassa. **Yanti** kāraṇavacanametam “yam hiriyati hiriyitabbenā”tiādīsu (dha. sa. 30) viya. **Phassayeti** adhicacche. **Sāmayaikam vimuttinti** lokiyasamāpattim. Sā hi appitappitasamaye eva paccatthikehi vimuccanato “sāmayaikā vimuttī”ti vuccati. Tam sāmayaikam vimuttim. Aṭṭhānam tam, na tam kāraṇam vijjati saṅgaṇikāratassa, yena kāraṇena vimuttim phassaye iti etam ādiccabandhussa paccekabuddhassa vaco nisamma saṅgaṇikāratim pahāya yoniso paṭipajjanto adhigatomhīti āha. Sesam vuttanayamevāti.

Aṭṭhānagāthāvaṇṇanā niṭṭhitā.

Dutiyavaggo niṭṭhito.

111. Diṭṭhivīsūkānīti kā uppatti? Aññataro kira bārāṇasirājā rahogato cintesi – “yathā sītādīnam paṭighātakāni uṇhādāni atthi, atthi nu kho evam vaṭṭapaṭighātakam vivaṭṭam, no”ti? So amacce pucchi – “vivaṭṭam jānāthā”ti? Te “jānāma, mahārājā”ti āhaṃsu. Rājā “kiṃ ta”nti? Tato “antavā loko”tiādīnā nayena sassatucchedam kathesuṃ. Rājā “ime na jānanti, sabbepime diṭṭhigatikā”ti sayameva tesam vilomataṇca ayuttataṇca disvā “vaṭṭapaṭighātakam vivaṭṭam atthi, tam gavesitabba”nti cintevā rajjam pahāya pabbajitvā vipassanto paccekabodhiṃ sacchākāsi. Imaṇca udānagātham abhāsi paccekabuddhānam majjhe byākaraṇagāthaṇca.

Tassattho – **diṭṭhivīsūkānīti** dvāsattiditṭhigatāni. Tāni hi maggasammāditṭhiyā visūkatṭhena vijjhanatṭhena vilomatṭhena ca visūkāni, evam diṭṭhiyā visūkāni, diṭṭhi eva vā visūkāni diṭṭhivīsūkāni.

Upātivattoti dassanamaggena atikkanto. **Patto niyāmanti** avinipātadhammatāya sambodhiparāyaṇatāya ca niyatabhāvaṃ adhigato, sammattaniyāmasaṅkhātāṃ vā paṭhamamagganti. Ettāvataṃ paṭhamamaggakiccanipphatti ca tassa paṭilābho ca vutto. Idāni **paṭiladdhamaggoti** iminā sesamaggapaṭilābhaṃ dasseti. **Uppannañāṇomhīti** uppannapaccekabodhiñāṇo amhi. Etena phalaṃ dasseti. **Anaññaneyyoti** aññehi idaṃ saccanti na netabbo. Etena sayambhutaṃ dasseti, patte vā paccekabodhiñāṇe aññaneyyatāya abhāvā sayamvasitaṃ. Samathavipassanāya vā **diṭṭhivīsūkāni upātivatto**, ādimaggena **niyāmaṃ patto**, sesehi **paṭiladdhamaggo, phalañāṇena uppannañāṇo**, taṃ sabbaṃ attanāva adhigatoti **anaññaneyyoti**. Sesam vuttanayeneva veditabbanti.

Diṭṭhivīsūkagāthāvaṇṇanā niṭṭhitā.

112. Nillolupoti kā uppatti? Bārāṇasirañño kira sūdo antarabhataṃ pacitvā upanāmesi manuññadassanaṃ sādurasam “appeva nāma me rājā dhanamanuppādeyyā”ti. Taṃ rañño gandheneva bhottukamyataṃ janesi, mukhe khelaṃ uppādeti. Paṭhamakabaḷe pana mukhe pakkhittamatte sattarasaharaṇisahassāni amateneva phusitāni ahesuṃ. Sūdo “idāni me dassati, idāni me dassati”ti cintesi. Rājāpi “sakkārāraho sūdo”ti cintesi, “rasam sāyitvā pana sakkarontaṃ maṃ pāpako kittisaddo abhuggaccheyya ‘lolo ayam rājā rasagaruko’”ti na kiñci abhaṇi. Evaṃ yāva bhojanapariyosānaṃ, tāva sūdo “idāni dassati, idāni dassati”ti cintesi. Rājāpi avaṇṇabhayena na kiñci abhaṇi. Tato sūdo “natthi maññe imassa rañño jivhāviññāṇa”nti. Dutiyadivase asādurasam upanāmesi. Rājā bhuñjanto “niggahāraho vata, bho, ajja sūdo”ti jānantopi pubbe viya paccavekkhitvā avaṇṇabhayena na kiñci abhaṇi. Tato sūdo “rājā neva sundaram nāsundaram jānātī”ti cintetvā sabbaṃ paribbayaṃ attanāva gahetvā kiñcideva pacitvā rañño deti. Rājā “aho vata lobho, aham nāma vīsati nagarasahassāni bhuñjanto imassa lobhena bhattamattampi na labhāmī”ti nibbijjivā rajjaṃ pahāya pabbajitvā vipassanto paccekabodhiṃ sacchākāsi. Purimanayeneva imaṃ gāthaṃ abhāsi.

Tattha **nillolupoti** alolupo. Yo hi rasataṇhābhībhūto hoti, so bhusaṃ luppati punappunaṃ luppati, tena “lolupo”ti vuccati. Tasmā esa taṃ paṭikkhipanto “nillolupo”ti āha. **Nikkuhoti** ettha kiñcāpi yassa tividhaṃ kuhanavatthu natthi, so “nikkuho”ti vuccati. Imissā pana gāthāya manuññabhojanādīsū vimhayamanāpajjanato nikkuhoti ayamadhippāyo. **Nippipāsoti** ettha pātumicchā pipāsā, tassā abhāvena nippipāso, sādurasalobhena bhottukamyatāvīrahitoti attho. **Nimmakkhoti** ettha paraguṇavināsanalakkaṇho makkho, tassa abhāvena nimmakkho. Attano gihikāle sūdassa guṇamakkhanābhāvaṃ sandhāyāha. **Niddhantakasāvamohoti** ettha rāgādayo tayo kāyaduccaritādīni ca tñīti cha dhammā yathāsambhavaṃ appasannaṭṭhena sakabhāvaṃ vijahāpetvā parabhāvaṃ gaṇhāpanaṭṭhena kasaṭṭhena ca “kasāvā”ti veditabbā. Yathāha –

“Tattha katame tayo kasāvā? Rāgakasāvo, dosakasāvo, mohakasāvo. Ime tayo kasāvā. Tattha katame aparepi tayo kasāvā? Kāyakasāvo, vacīkasāvo, manokasāvo”ti (vibha. 924).

Tesu mohaṃ ṭhapetvā pañcannaṃ kasāvānaṃ tesaṅca sabbesaṃ mūlabhūtassa mohassa niddhantattā niddhantakasāvamoho. Tiṇṇaṃ eva vā kāyavacīmanokasāvānaṃ mohassa ca niddhantattā niddhantakasāvamoho. Itaresu nillolupatādīhi rāgakasāvassa, nimmakkhatāya dosakasāvassa niddhantabhāvo siddho eva. **Nirāsayoti** nittanho. **Sabbaloke bhavitvāti** sakalaloke, tīsu bhavesu dvādasasu vā āyatanesu bhavavibhavataṇhāvīrahito hutvāti attho. Sesam vuttanayeneva veditabbaṃ. Atha vā tayopi pāde vatvā **eko caretī** eko caritum sakkuṇeyyāti evampettha sambandho kātabbo.

Nillolupagāthāvaṇṇanā niṭṭhitā.

113. Pāpaṃ sahāyanti kā uppatti? Bārāṇasiyaṃ kira aññataro rājā mahaccarājānubhāvena nagaraṃ padakkhiṇaṃ karonto manusse koṭṭhāgārato purāṇadhaññādīni bahiddhā nīharante disvā “kiṃ, bhaṇe, ida”nti amacce pucchi. Amaccā “idāni, mahārāja, navadhaññādīni uppajjissanti, tesaṃ okāsaṃ kātuṃ ime manussā purāṇadhaññādīni chaḍḍentī”ti āhaṃsu. Rājā “kiṃ, bhaṇe, itthāgārabalakāyādīnaṃ vattaṃ paripuṇṇa”nti āha. “Āma, mahārāja, paripuṇṇa”nti. “Tena hi, bhaṇe, dānasālaṃ kāretha, dānaṃ dassāmi,

mā imāni dhaññāni anupakārāni vinassantū”ti. Tato naṃ aññataro diṭṭhigatiko amacco “mahārāja, natthi dinna”nti ārabba yāva “bāle ca paṇḍite ca sandhāvitvā saṃsaritvā dukkhassantaṃ karissanti”ti vatvā nivāresi. Rājā dutiyampi tatiyampi koṭṭhāgāre vilumpante disvā tatheva āṇāpesi. Sopi tatiyampi naṃ “mahārāja, dattupaññattaṃ yadidaṃ dāna”ntiādīni vatvā nivāresi. So “are, ahaṃ attano santakampi na labhāmi dātuṃ, kiṃ me imehi pāpasahāyehi”ti nibbinno rajjaṃ pahāya pabbajitvā vipassanto paccekabodhiṃ sacchākāsi. Tañca pāpasahāyaṃ garahanto imaṃ udānagāthamāha.

Tassāyaṃ saṅkhepattho – yvāyaṃ dasavatthukāya pāpadiṭṭhiyā samannāgatattā pāpo, paresampi anattaṃ passatīti anattadassī, kāyaduccaritādīmihi ca visame nivīṭṭho, taṃ atthakāmo kulaputto **pāpaṃ sahāyaṃ parivajjayetha, anattadassim visame nivīṭṭhaṃ. Sayaṃ na seveti** attano vasena taṃ na seveyya. Yadi pana parassa vaso hoti, kiṃ sakkā kātuntī vuttaṃ hoti. **Pasutanti** pasaṭaṃ, diṭṭhivasena tattha tattha lagganti attho. **Pamattanti** kāmaguṇesu vossaṭṭhacittaṃ, kusalahāvanārahitaṃ vā. Taṃ evarūpaṃ sahāyaṃ na seve na bhaje na payirupāse, aññadattu eko care khaggavisāṇakappoti.

Pāpasahāyagāthāvaṇṇanā niṭṭhitā.

114. Bahussutanti kā uppatti? Pubbe kira kassapassa bhagavato sāsane aṭṭha paccekabodhisattā pabbajitvā gatapaccāgatavattaṃ pūretvā devaloke uppannātiādī sabbaṃ anavajjabhojigāthāya vuttasadisameva. Ayaṃ pana viseso – paccekabuddhe nisīdāpetvā rājā āha – “ke tumhe”ti? Te āhaṃsu – “mayam, mahārāja, bahussutā nāmā”ti. Rājā “ahaṃ sutabrahmadatto nāma, sutena tittim na gacchāmi, handa, nesam santike vicitrāyadhammadesanaṃ sossāmī”ti attamano dakkhiṇodakaṃ datvā parivisitvā bhattakiccapariyosāne saṅghattherassa santike nisīditvā “dhammakathaṃ, bhante, kathethā”ti āha. So “sukhito hotu, mahārāja, rāgakkhaya hotū”ti vatvā uṭṭhito. Rājā “ayaṃ na bahussuto, dutiyo bahussuto bhavissati, sve tassa vicitrādharmadesanaṃ sossāmī”ti svātanāya nimantesi. Evaṃ yāva sabbesaṃ paṭipāṭi gacchati, tāva nimantesi, te sabbepi “dosakkhaya hotu, mohakkhaya, gatikkhaya, bhavakkhaya, vaṭṭakkhaya, upadhikkhaya, taṇhakkhaya hotū”ti evaṃ ekekapadaṃ visesetvā sesaṃ paṭhamasadisameva vatvā uṭṭhahimsu.

Tato rājā – “ime ‘bahussutā maya’nti bhaṇanti, na ca tesam vicitrakathā, kimeteḥi vutta”nti tesam vacanattaṃ upaparikkhitumāraddho. Atha “rāgakkhaya hotū”ti upaparikkhanto “rāge khīṇe dosopi mohopi aññataraññatarepi kilesā khīṇā hontī”ti ṇatvā attamano ahosi “nippariyāyabahussutā ime samaṇā. Yathāpi hi purisena mahāpathaviṃ vā ākāsaṃ vā aṅguliya niddisantena na aṅgulimattova padeso niddiṭṭho hoti. Api ca kho pana sakalāpathavī ākāsa eva niddiṭṭhā hontī. Evaṃ imehi ekekaṃ atthaṃ niddisanteḥi aparimāṇā atthā niddiṭṭhā hontī”ti. Tato so “kudāssu nāmāhampi evaṃ bahussuto bhavissāmī”ti tathārūpaṃ bahussutabhāvaṃ patthento rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthamabhāsi.

Tatthāyaṃ saṅkhepattho – **bahussutanti** duvidho bahussuto tīsu piṭakesu atthato nikhilo pariyattibahussuto ca, maggaphalavijjābhiññāpaṭivedhako paṭivedhabahussuto ca. Āgatāgamo **dhammadharo**. Uḷārehi pana kāyavacīmanokammehi samannāgato **uḷāro**. Yuttapaṭibhāno ca muttapaṭibhāno ca yuttamuttapaṭibhāno ca **paṭibhānavā**. Pariyattiparipucchādhigamavasena vā tividho paṭibhānavā veditabbo. Yassa hi pariyatti paṭibhāti, so pariyattipaṭibhānavā. Yassa atthañca ṇāṇaṇca lakkhaṇaṇca ṭhānāṭṭhānaṇca paripucchantassa paripucchā paṭibhāti, so paripucchāpaṭibhānavā. Yassa maggādayo paṭividdhā hontī, so adhigamapaṭibhānavā. Taṃ evarūpaṃ **bahussutaṃ dhammadharaṃ bhajetha mittam uḷaram paṭibhānavantaṃ**. Tato tassānubhāvena attatthaparattāubhayatthabhedato vā diṭṭhadhammikasamparāyikaparamatthabhedato vā anekappakārāni **aññāya atthāni**, tato “ahosiṃ nu kho ahaṃ atītamaddhāna”ntiādīsu (ma. ni. 1.18; saṃ. ni. 2.20) kaṅkhāṭṭhāniyesu **vineyya kaṅkham** vicicchaṃ vinetvā vināsetvā evaṃ katasabbakicco **eko care khaggavisāṇakappoti**.

Bahussutagāthāvaṇṇanā niṭṭhitā.

115. Khiḍḍam ratinti kā uppatti? Bārānasiyaṃ kira vibhūsakabrahmadatto nāma rājā pātova yāguṃ vā bhattaṃ vā bhuñjitvā nānāvidhavibhūsaneḥi attānaṃ vibhūsāpetvā mahāādāse sakalaṃ sarīraṃ disvā

yaṃ na icchati, taṃ apanetvā aññena vibhūsanena vibhūsāpeti. Tassa ekadivasam evaṃ karontassa bhattavelā majjhanhikā sampattā. Vipakatavibhūsitova dussapaṭṭena sīsam veṭhetvā bhuñjitvā divāseyyaṃ upagañchi. Punapi utṭhahitvā tatheva karoto sūriyo oggato. Evaṃ dutiyadivasepi tatiyadivasepi. Athassa evaṃ maṇḍanappasutassa piṭṭhirogo udapādi. Tassa etadahosi – “aho re, ahaṃ sabbathāmena vibhūsantopi imasmiṃ kappake vibhūsane asantuṭṭho lobhaṃ uppādesiṃ, lobho ca nāmesa apāyagamanīyo dhammo, handāhaṃ lobhaṃ niggaṇhāmī”ti rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthamabhāsi.

Tattha **khiḍḍā** ca **rati** ca pubbe vuttāva. **Kāmasukhanti** vatthukāmasukhaṃ. Vatthukāmāpi hi sukhasa visayādibhāvena “sukha”nti vuccanti. Yathāha – “atthi rūpaṃ sukhaṃ sukhānupatita”nti (saṃ. ni. 3.60). Evametam khiḍḍaṃ ratiṃ kāmasukhañca imasmiṃ okāsaloke **analaṅkaritvā** alanti akatvā, etaṃ tappakanti vā sārabhūtaṃ vā evaṃ aggahetvā. **Anapekkhamānoti** tena analaṅkaraṇena anapekkhaṇasīlo apihāluko nittanṇho. **Vibhūsattānā virato saccavādī** tattha vibhūtā duvidhā – agārikavibhūsā ca anagārikavibhūsā ca. Sāṭakaveṭṭhanamālāgandhādivibhūsā agārikavibhūsā nāma. Pattamaṇḍanādivibhūsā anagārikavibhūsā. Vibhūsā eva vibhūsattānaṃ, tasmā vibhūsattānā tividdhāya viratiyā virato. Avitathavacanato saccavādī evamattho daṭṭhabbo.

Vibhūsattānagāthāvaṇṇanā niṭṭhitā.

116. Puttañca dāranti kā uppatti? Bārāṇasiyaṃ kira rañño putto daharakāleyeva abhisitto rajjaṃ kāresi. So paṭhamagāthāya vuttapaccekabodhisatto viya rajjasiriṃ anubhavanto ekadivasam cintesi – “ahaṃ rajjaṃ kārento bahūnaṃ dukkhaṃ karomi, kiṃ me ekabhattatthāya iminā pāpena, handa, sukhamuppādemī”ti rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthamabhāsi.

Tattha **dhanānī** muttāmaṇiveḷuriyasaṅkhasilāpavāḷarajatajātarūpādīni ratanāni. **Dhaññānī** sālivihiyavagodhumakaṅguvarakakudrūsakappabhedāni satta sesāparaṇṇāni ca. **Bandhavānī** ñātibandhugottabandhumittabandhusippabandhuvasena catubbidhabandhave. **Yathodhikānī** sakasakaodhivasena ṭhitāniyeva. Sesam vuttanayamevāti.

Puttadāragāthāvaṇṇanā niṭṭhitā.

117. Saṅgo esoti kā uppatti? Bārāṇasiyaṃ kira pādallabrahmadatto nāma rājā ahosi. So pātova yāguṃ vā bhataṃ vā bhuñjitvā tīsu pāsādesu tividdhāni nāṭakāni passati. Tividdhā nāma nāṭakā pubbarājato āgataṃ, anantararājato āgataṃ, attano kāle utṭhanti. So ekadivasam pātova daharanāṭakapāsādaṃ gato. Tā nāṭakitthiyo “rājānaṃ ramāpessāmā”ti sakkassa devānamindassa accharāyo viya atimanoharaṃ naccagītavāditaṃ payojesuṃ. Rājā “anacchariyametaṃ daharāna”nti asantuṭṭho hutvā majjhimanāṭakapāsādaṃ gato, tāpi nāṭakitthiyo tatheva akaṃsu. So tatthapi tatheva asantuṭṭho hutvā mahallakanāṭakapāsādaṃ gato, tāpi tatheva akaṃsu. Rājā dve tayo rājaparivaṭṭe atītānaṃ tāsam mahallakabhāvena aṭṭhikīlanasadiṣaṃ naccaṃ disvā gītañca amadhuraṃ sutvā punadeva daharanāṭakapāsādaṃ, puna majjhimanāṭakapāsādanti evampi vicarivā katthaci asantuṭṭho cintesi – “imā nāṭakitthiyo sakkam devānamindaṃ accharāyo viya maṃ ramāpetukāmā sabbathāmena naccagītavāditaṃ payojesuṃ. Svāhaṃ katthaci asantuṭṭho lobhaṃ vaḍḍhemi. Lobho ca nāmesa apāyagamanīyo dhammo, handāhaṃ lobhaṃ niggaṇhāmī”ti rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthamabhāsi.

Tassattho – **saṅgo esoti** attano upabhogaṃ niddisati. So hi sajjanti tattha pāṇino kaddame pavitṭho hatthī viyāti saṅgo. **Parittamettha sokhyanti** ettha pañcakāmaguṇūpabhogakāle viparītasāññāya uppādetabbato kāmāvacaradhammapariyāpannato vā lāmakatṭhena sokhyaṃ parittaṃ, vijjupabhāya obhāsitanaccadassanasukhaṃ iva ittaraṃ, tāvakālikanti vuttaṃ hoti. **Appassādo dukkhamevettha bhiiyoti** ettha ca yvāyaṃ “yaṃ kho, bhikkhave, ime pañca kāmāguṇe paṭicca uppajjati sukhaṃ somanassaṃ, ayaṃ kāmānaṃ assādo”ti (ma. ni. 1.166) vutto, so yamidaṃ “ko ca, bhikkhave, kāmānaṃ ādīnava, idha, bhikkhave, kulaputto yena sippaṭṭhānena jīvikaṃ kappeti, yadi muddāya yadi gaṇanāyā”ti evamādinā (ma.

ni. 1.167) nāyenettha dukkhaṃ vuttaṃ, taṃ upanidhāya appo udakabindumatto hoti, atha kho dukkhameva bhīyyo bahu, catūsu samuddesu udakasadisam hoti. Tena vuttaṃ ‘‘appassādo dukkhamevettha bhīyyo’’ti. **Gaḷo esoti** assādaṃ dassetvā ākaḍḍhanavasena baḷiso viya eso, yadidaṃ pañcakāmaguṇā. **Iti ñātvā matimāti** evaṃ jānitvā buddhimā paṇḍito puriso sabbametaṃ pahāya **eko care khaggavisāṇakappoti**.

Saṅgagāthāvaṇṇanā niṭṭhitā.

118. Sandālayitvānāti kā uppatti? Bārāṇasiyaṃ kira anivattabrahmadatto nāma rājā ahosi. So saṅgāmaṃ otiṇṇo ajjivā aññaṃ vā kiccaṃ āradhho anīṭṭhapetvā na nivattati, tasmā naṃ evaṃ sañjāniṃsu. So ekadivasaṃ uyyānaṃ gacchati. Tena ca samayena dāvaḍāho utṭhāsi. So aggi sukkhāni ceva haritāni ca tiṇḍādiṇi dahanto anivattamāno eva gacchati. Rājā taṃ disvā tappaṭibhāganimittaṃ uppādesi. ‘‘Yathāyaṃ dāvaḍāho, evameva ekādasavidho aggi sabbe satte dahanto anivattamāno gacchati mahādukkhaṃ uppādentō, kudāssu nāmāhampi imassa dukkhassa nivattanattaṃ ayaṃ aggi viya ariyamaggañāṇagginā kilese dahanto anivattamāno gaccheyya’’nti? Tato muhuttaṃ gantvā kevaṭṭe addasa nadiyaṃ macche gaṇhante. Tesam jālantare pavīṭṭho eko mahāmaccho jālaṃ bhettvā palāyi. Te ‘‘maccho jālaṃ bhettvā gato’’ti saddamakāmsu. Rājā tampi vacanaṃ sutvā tappaṭibhāganimittaṃ uppādesi – ‘‘kudāssu nāmāhampi ariyamaggañāṇena taṇhādīṭṭhijālaṃ bhettvā asajjamāno gaccheyya’’nti? So rajjaṃ pahāya pabbajitvā vipassanaṃ ārabhitvā paccekabodhiṃ sacchākāsi, imaṅca udānagāthamabhāsi.

Tassā dutiyapāde **jālan**ti suttamayaṃ vuccati. **Ambūti** udakaṃ, tattha caratīti ambucārī, macchassettaṃ adhivacanaṃ. Salile ambucārī **salilambucārī**. Tasmīṃ nadīsalile **jālaṃ bhettvā** gataambucārīvāti vuttaṃ hoti. Tatiyapāde **daḍḍhanti** daḍḍhaṭṭhānaṃ vuccati. Yathā aggi daḍḍhaṭṭhānaṃ puna na nivattati, na tattha bhīyyo āgacchati, evaṃ maggañāṇagginā daḍḍhakāmaguṇaṭṭhānaṃ anivattamāno tattha bhīyyo anāgacchantoti vuttaṃ hoti. Sesam vuttanayamevāti.

Sandālagāthāvaṇṇanā niṭṭhitā.

119. Okkhittacakkhūti kā uppatti? Bārāṇasiyaṃ kira cakkhulolabrahmadatto nāma rājā pādālolabrahmadatto viya nāṭakadassanaṃ anuyutto hoti. Ayaṃ pana viseso – so asantuṭṭho tattha tattha gacchati. Ayaṃ taṃ taṃ nāṭakaṃ disvā atīva abhinanditvā nāṭakadassanaparivattanena taṇhaṃ vaḍḍhento vicarati. So kira nāṭakadassanattaṃ āgataṃ aññataraṃ kuṭumbiyabhariyaṃ disvā rāgaṃ uppādesi. Tato samvegaṃ āpajjitvā puna ‘‘are, ahaṃ imaṃ taṇhaṃ vaḍḍhento apāyaparipūrako bhavissāmi, handa, naṃ niggaṇhāmī’’ti pabbajitvā vipassanto paccekabodhiṃ sacchikatvā attano purimappaṭipattiṃ garahanto tappaṭipakkhaguṇadīpikaṃ imaṃ udānagāthaṃ abhāsi.

Tattha **okkhittacakkhūti** heṭṭhākhittacakkhu, sattaḡivaṭṭhikāni paṭipāṭiyā ṭhapetvā parivajjanagahettabadassanattaṃ yugamattaṃ pekkhamānoti vuttaṃ hoti. Na tu hanukaṭṭhinā hadayaṭṭhiṃ saṅghaṭṭento. Evañhi okkhittacakkhūtā na samaṇasārūppā hoti. **Na ca pādāloloti** ekassa dutiyo, dvinnam tatiyoti evaṃ gaṇamaṃjhaṃ pavisitukāmatāya kaṇḍūyamānapādo viya abhavanto, dīghacārikaanivattacārikavirato. **Guttindriyoti** chasu indriyesu idha manindriyassa visuṃ vuttattā vuttāvasavasena ca gopitindriyo. **Rakkhitamānasānoti** mānasaṃ eva mānasānaṃ, taṃ rakkhitamassāti rakkhitamānasāno. Yathā kilesehi na viluppati, evaṃ rakkhitacittoti vuttaṃ hoti. **Anavassutoti** imāya paṭipāṭiyā tesu tesu ārammaṇesu kilesaanvassavavirahito. **Aparīḍayhamānoti** kilesaggīhi aparīḍayhamāno. Bahiddhā vā anavassuto, ajjhattaṃ aparīḍayhamāno. Sesam vuttanayamevāti.

Okkhittacakkhugāthāvaṇṇanā niṭṭhitā.

120. Ohārayitvāti kā uppatti? Bārāṇasiyaṃ kira aññopi cātumāsikabrahmadatto nāma rājā cātumāse cātumāse uyyānakīlaṃ gacchati. So ekadivasaṃ gimhānaṃ majjhimamāse uyyānaṃ pavisanto uyyānavāre pattasañchanaṃ pupphālaṅkatasākhāviṭṭapaṃ pāricchattakakoviḷāraṃ disvā ekaṃ pupphaṃ gahetvā uyyānaṃ pāvīsi. Tato ‘‘raññā aggapupphaṃ gahita’’nti aññataropi amacco hatthikkhandhe ṭhito ekameva

puppham aggahesi. Etenevupāyena sabbo balakāyo aggahesi. Pupphehi anassādentā pattampi gaṇhimsu. So rukkho nippattapuppho khandhamattova ahosi. Rājā sāyanhasamaye uyyānā nikkhamanto taṃ disvā “kiṃ kato ayam rukkho, mamāgamanelāya maṇivaṇṇasākhantaresu pavālasadisapupphālānkato ahosi, idāni nippattapuppho jāto”ti cinto tasveva avidūre apupphitarukkham sañchannapālāsaṃ addasa. Disvā cassa etadahosi – “ayam rukkho pupphabharitasākhattā bahujanassa lobhanīyo ahosi, tena muhutteneva byasaṃ patto. Ayam panañño alobhanīyattā tatheva ṭhito. Idañcāpi rajjam pupphitarukkho viya lobhanīyaṃ, bhikkhubhāvo pana apupphitarukkho viya alobhanīyo. Tasmā yāva idampi ayam rukkho viya na viluppati, tāva ayamañño sañchannapatto yathā pārīcchattako, evaṃ kāsāvena sañchanno hutvā pabbajeyya”nti. So rajjam pahāya pabbajitvā vipassanto paccekabodhiṃ sacchikatvā imaṃ udānagātham abhāsi.

Tattha **kāsāyavatto abhinikkhamitvā**ti imassa pādassa gehā nikkhamitvā kāsāyavattanivattho hutvāti evamattho vedītabbo. Sesaṃ vuttanayeneva sakkā viññātunti na vitthāritanti.

Pārīcchattakagāthāvaṇṇanā niṭṭhitā.

Tatīyavaggo niṭṭhito.

121. Rasesūti kā uppatti? Aññataro kira bārāṇasirājā uyyāne amaccaputtehi parivuto silāpaṭṭapokkharaniyaṃ kīlati. Tassa sūdo sabbamaṃsānaṃ rasaṃ gahetvā atīva susāṅkhatam amatakappaṃ antarabhataṃ pacitvā upanāmesi. So tattha gedhamāpanno kassaci kiñci adatvā attanāva bhuñji. Udamam kīlanto ativikāle nikkhanto sīgham sīgham bhuñji. Yehi saddhiṃ pubbe bhuñjati, na tesam kañci sari. Atha pacchā paṭisaṅkhānaṃ uppādetvā “aho! Mayā pāpam kataṃ, yvāyam rasataṅhābhībhūto sabbajanaṃ vissarivā ekakova bhuñjīṃ, handa, naṃ rasataṅham niggaṇhāmī”ti rajjam pahāya pabbajitvā vipassanto paccekabodhiṃ sacchikatvā attano purimapaṭipattiṃ garahanto tappaṭipakkhaguṇadīpikaṃ imaṃ udānagātham abhāsi.

Tattha **rasesūti** ambilamadhuratittakakaṭukaloṇakhārikakasāvādibhedesu sāyanīyesu. **Gedham akaranti** giddhiṃ akaronto, taṅham anuppādentoti vuttam hoti. **Aloloti** “idaṃ sāyissāmi, idaṃ sāyissāmī”ti evaṃ rasavisesesu anākulo. **Anaññaposīti** posetabbakasaddhivihārikādivirahito. Kāyasandhāraṇamattena santuṭṭhoti vuttam hoti. Yathā vā pubbe uyyāne rasesu gedhakaraṇasīlo aññaposī āsim, evaṃ ahutvā yāva taṅhāya lolo hutvā rasesu gedham karoti, taṃ taṅham hitvā āyatim taṅhāmūlakassa aññassa atabhāvassānibattāpanena anaññaposīti vuttam hoti. Atha vā atthabhañjanakaṭṭhena kilesā “aññe”ti vuccanti, tesam aposanena anaññaposīti ayamettha attho. **Sapadānacārīti** avokkamacārī anupubbacārī, gharapaṭipāṭim ahaḍḍetvā aḍḍhakulañca daliddakulañca nirantaram piṇḍāya pavisaṃmānoti attho. **Kule kule appaṭibaddhacittoti** khattiyakulādīsu yattha katthaci kilesavasena alaggacitto, candopamo niccanavako hutvāti attho. Sesaṃ vuttanayamevāti.

Rasagedhagāthāvaṇṇanā niṭṭhitā.

122. Pahāya pañcāvaraṇānīti kā uppatti? Bārāṇasiyaṃ kira aññataro rājā paṭhamajjhānalābhī ahosi. So jhānānurakkhaṇattham rajjam pahāya pabbajitvā vipassanto paccekabodhiṃ patvā attano paṭipattisampadam dīpento imaṃ udānagātham abhāsi.

Tattha **pañcāvaraṇānīti** pañca nīvaraṇāni eva, tāni **uragasutte** (su. ni. 1 ādayo) atthato vuttāni. Tāni pana yasmā abbhādayo viya candasūriye ceto āvaranti, tasmā “āvaraṇāni cetaso”ti vuttāni. Tāni upacārena vā appanāya vā **pahāya** vijahitvāti attho. **Upakkileseti** upagamma cittam vibādhente akusaladhamme, **vattopamādīsu** (ma. ni. 1.70 ādayo) vutte abhijjhādayo vā. **Byapanujjāti** panuditvā, vipassanāmaggena pajahitvāti attho. **Sabbeti** anavasese. Evaṃ samathavipassanāsampanno paṭhamamaggena dīṭṭhinissayassa pahīnattā **anissito**, sesamaggehi chetvā tedhātukaṃ **sinehadosaṃ**, taṅhārāgantī vuttam hoti. Sineho eva hi guṇapaṭipakkhato sinehadosoti vutto. Sesaṃ vuttanayamevāti.

Āvaraṇagāthāvaṇṇanā niṭṭhitā.

123. Vipīṭṭhikatvānāti kā uppatti? Bārāṇasiyaṃ kira aññataro rājā catutthajjhānalābhī ahoṣi. Sopi jhānānurakkhaṇatthaṃ rajjaṃ pahāya pabbajitvā vipassanto paccekabodhiṃ sacchikatvā attano paṭipattisampadaṃ dīpento imaṃ udānagāthaṃ abhāsi.

Tattha **vipīṭṭhikatvānāti** piṭṭhito katvā, chaḍḍetvā vijahitvāti attho. **Sukhañca dukkhanti** kāyikaṃ sātāsātaṃ. **Somanassadomanassanti** cetasiṃ sātāsātaṃ. **Upekkhanti** catutthajjhānupekkhaṃ. **Samathanti** catutthajjhānasamādhiṃ eva. **Visuddhanti** pañcanīvaraṇavitakkavicārapītisukhasaṅkhātehi navahi paccanīkadhammehi vimuttattā atisuddhaṃ, niddhantasuvaṇṇamiva vigaṭupakkilesanti attho.

Ayaṃ pana yojanā – vipīṭṭhikatvāna sukhañca dukkhañca pubbeva, paṭhamajjhānūpacāreyeva dukkhaṃ tatiyajjhānūpacāreyeva sukhanti adhippāyo. Puna ādīto vuttaṃ **ca-kāraṃ** parato netvā “somanassaṃ domanassañca vipīṭṭhikatvāna pubbeva”ti adhiṃkāro. Tena somanassaṃ catutthajjhānūpacāre, domanassañca dutiyajjhānūpacāreyevāti dīpeti. Etāni hi etesaṃ pariyāyato pahānaṭṭhānāni. Nippariyāyato pana dukkhassa paṭhamajjhānaṃ, domanassassa dutiyajjhānaṃ, sukhassa tatiyajjhānaṃ, somanassassa catutthajjhānaṃ pahānaṭṭhānaṃ. Yathāha – “paṭhamaṃ jhānaṃ upasampajja viharati etthuppannaṃ dukkhindriyaṃ aparisesaṃ nirujjhati”tiādikaṃ (saṃ. ni. 5.510) sabbaṃ **aṭṭhasāliniyā** dhammasaṅgahaṭṭhakathāyaṃ (dha. sa. aṭṭha. 165) vuttaṃ. Yathā pubbevāti tīsu paṭhamajjhānādīsu dukkhadomanassasukhāni vipīṭṭhikatvā evamettha catutthajjhāne somanassaṃ vipīṭṭhikatvā imāya paṭipadāya laddhānupekkhaṃ samathaṃ visuddhaṃ eko careti. Sesāṃ vuttanayamevāti.

Vipīṭṭhigāthāvaṇṇanā niṭṭhitā.

124. Āraddhavīriyoti kā uppatti? Aññataro kira paccantarājā saḥassayodhabalakāyo rajjena khuddako, paññāya mahanto ahoṣi. So ekadivasaṃ “kiñcāpi ahaṃ khuddako rajjena, paññavatā pana sakkā sakalajambudīpaṃ gahetu”nti cintetvā sāmantarāñño dūtaṃ pāhesi – “sattāhabbhantare me rajjaṃ vā detu yuddhaṃ vā”ti. Tato so attano amacce sannipātapetvā āha – “mayā tumhe anāpucchāyeva sāhasaṃ kammaṃ kataṃ, amukassa rañño evaṃ pesitaṃ, kiṃ kātappa”nti? Te āhaṃsu – “sakkā, mahārāja, so dūto nivattetu”nti. “Na sakkā, gato bhavissati”ti. “Yadi evaṃ vināsitaṃ tayā, tena hi dukkhaṃ aññassa satthena maritūṃ, handa, mayaṃ aññamaññaṃ paharivā marāma, attānaṃ paharivā marāma, ubbandhāma, visaṃ khādāma”ti. Evaṃ etesu ekameko maraṇameva saṃvaṇṇeti. Tato rājā “kiṃ me imehi, atthi, bhaṇe, mayhaṃ yodhā”ti āha. Atha “ahaṃ mahārāja yodho, ahaṃ mahārāja yodho”ti yodhasahassaṃ uṭṭhahi.

Rājā “ete upaparikkhissāmi”ti mahantaṃ citakaṃ sajjāpetvā āha – “mayā, bhaṇe, idaṃ sāhasaṃ kataṃ, taṃ me amaccā paṭikkosanti, svāhaṃ citakaṃ pavisissāmi. Ko mayā saddhiṃ pavisissati, kena mayhaṃ jīvitaṃ pariccatta”nti? Evaṃ vutte pañcasatā yodhā uṭṭhahiṃsu “mayā, mahārāja, pavisissāma”ti. Tato rājā itare pañcasate āha – “tumhe dāni, tātā, kiṃ karissathā”ti? Te āhaṃsu – “nāyaṃ, mahārāja, purisaṅkāro, itthacariyā esā, apica mahārājena paṭirañño dūto pesito, te mayaṃ tena rañña saddhiṃ yujjhivā marissāma”ti. Tato rājā “pariccattaṃ tumhehi mama jīvita”nti caturaṅginim senaṃ sannayhitvā tena yodhasahassena parivuto gantvā rajjasīmāya nisīdi.

Sopi paṭirājā taṃ pavattiṃ sutvā “are, so khuddakarājā mama dāsassāpi nappahoti”ti dussitvā sabbaṃ balakāyaṃ ādāya yujjhitaṃ nikkhami. Khuddakarājā taṃ abbhuyyātaṃ disvā balakāyaṃ āha – “tātā, tumhe na bahukā, sabbe sampiṇḍitvā asicammaṃ gahetvā sīghaṃ imassa rañño purato ujukaṃ eva gacchathā”ti. Te tathā akaṃsu. Athassa sā senā dvidhā bhinditvā antaramadāsi. Te taṃ rājānaṃ jīvaggāhaṃ gahetvā attano rañño “taṃ māressāmi”ti āgacchantassa adāsu. Paṭirājā taṃ abhayaṃ yāci. Rājā tassa abhayaṃ datvā sapathaṃ kārapetvā attano vase katvā tena saha aññaṃ rājānaṃ abbhuggantvā tassa rajjasīmāya ṭhatvā pesesi – “rajjaṃ vā me detu yuddhaṃ vā”ti. So “ahaṃ ekayuddhampi na saḥāmi”ti rajjaṃ niyyādesi. Etenupāyena sabbe rājāno gahetvā ante bārāṇasirājānampi aggahesi.

So ekasatarājaparivuto sakalajambudīparajjaṃ anusāsanto cintesi – “ahaṃ pubbe khuddako ahoṣiṃ, somhi idāni attano ñānasampattiyaṃ sakalajambudīpamaṇḍalassa issaro rājā jāto. Taṃ kho pana me ñānaṃ

lokiyavīriyasampayuttaṃ, neva nibbidāya na virāgāya saṃvattati, yaṃnūnāhaṃ iminā ñāṇena lokuttaradhammaṃ gaveseyya’nti. Tato bārāṇasiraṇṇo rajjaṃ datvā puttadāraṇca sakajanapadeyeva ṭhapetvā sabbaṃ pahāya pabbajitvā vipassanaṃ ārabhitvā paccekabodhiṃ sacchikatvā attano vīriyasampattiṃ dīpento imaṃ udānagāthaṃ abhāsi.

Tattha āraddhaṃ vīriyaṃ assāti **āraddhavīriyo**. Etena attano mahāvīriyataṃ dasseti. Paramattho vuccati nibbānaṃ, paramatthassa patti paramatthapatti, tassā **paramatthapattiyā**. Etena vīriyārambhena pattabbaṃ phalaṃ dasseti. **Alīnacittoti** etena vīriyūpatthambhānaṃ cittacetasiṅkānaṃ alīnataṃ dasseti. **Akusītavuttīti** etena ṭhānacaṅkamādīsu kāyassa anavasīdanaṃ dasseti. **Dalhanikkamoti** etena “kāmaṃ taco ca nhāru cā”ti (ma. ni. 2.184; a. ni. 2.5; mahāni. 196) evaṃ pavattaṃ padahanavīriyaṃ dasseti, yaṃ taṃ anupubbasikkhādīsu padahanto “kāyena ceva paramatthasaccaṃ sacchikarotī”ti vuccati. Atha vā etena maggasampayuttaṃ vīriyaṃ dasseti. Tampi dalhaṇca bhāvanāpāripūrigatattā, nikkamo ca sabbaso paṭipakkhā nikkhantattā, tasmā taṃsamaṅgīpuggalopi dalho nikkamo assāti “dalhanikkamo”ti vuccati. **Thāmabalūpapannoti** maggakkhaṇe kāyathāmena ca ñāṇabalena ca upapanno. Atha vā thāmabhūtena balena upapanno, thirañāṇabalūpapannoti vuttaṃ hoti. Etena tassa vīriyassa vipassanāñāṇasampayogaṃ dīpento yogapadhānabhāvaṃ sādheti. Pubbabhāgamajjhimaṃkaṭṭhavīriyavasena vā tayopi pādā yojetabbā. Sesam vuttanayamevāti.

Āraddhavīriyagāthāvaṇṇanā niṭṭhitā.

125. Paṭisallānanti kā uppatti? Imissā gāthāya āvaraṇagāthāya viya uppatti, natthi koci viseso. Atthavaṇṇanāya panassā **paṭisallānanti** tehi tehi sattasaṅkhārehi paṭinivattitvā sallānaṃ, ekamantasevitā ekībhāvo kāyavivekoti attho. **Jhānanti** paccanīkajhāpanato ārammaṇalakkhaṇūpanijjhānato ca cittaviveko vuccati. Tattha aṭṭha samāpattiyo nīvaraṇādīpaccanīkajhāpanato kaṣiṇādīārammaṇūpanijjhānato ca “jhāna”nti vuccati. Vipassanāmaggaṃphalāni sattasaṅkhādīpaccanīkajhāpanato lakkhaṇūpanijjhānato ca “jhāna”ni vuccati. Idha pana ārammaṇūpanijjhānameva adhippetam. Evametaṃ paṭisallānaṇca jhānaṇca **ariñcamāno** ajahamāno anissajjamāno. **Dhammesūti** vipassanūpagesu pañcakkhandhādīdhammesu. **Niccanti** satataṃ samitaṃ abbokiṇṇam. **Anudhammacārīti** te dhamme ārabha pavattanena anugataṃ vipassanādhammaṃ caramāno. Atha vā dhammesūti ettha dhammāti navalokuttaradhammā, tesam dhammānaṃ anulomo dhammoti anudhammo, vipassanāyetaṃ adhivacanaṃ. Tattha “dhammānaṃ niccaṃ anudhammacārī”ti vattabbe gāthābandhasukhatthaṃ vibhattibiyattayena “dhammesū”ti vuttaṃ siyā. **Ādīnavam sammasitā bhavesūti** tāya anudhammacārītasaṅkhātāya vipassanāya aniccākārādīdosam tīsu bhavesu samanupassanto evaṃ imāya kāyaccittavivekasikhāpattavipassanāsaṅkhātāya paṭipadāya adhigatoti vattabbo **eko caretī** evaṃ yojanā veditabbā.

Paṭisallānagāthāvaṇṇanā niṭṭhitā.

126. Taṇhakkhayanti kā uppatti? Aññataro kira bārāṇasirājā mahaccarājānubhāvena nagaraṃ padakkhiṇaṃ karoti. Tassa sarīrasobhāya āvajjitahadaya sattā purato gacchantāpi nivattitvā tameva ullokenti, pacchato gacchantāpi, ubhoḥi passehi gacchantāpi. Pakatiyā eva hi buddhadassane puññacandasamuddarājadassane ca atitto loko. Atha aññatarā kuṭumbiyabhariyāpi uparipāsādagatā sīhapañjaraṃ vivaritvā olokayamānā aṭṭhāsi. Rājā taṃ disvā paṭibaddhacitto hutvā amaccaṃ āṇāpesi – “jānāhi tāva, bhāṇe, ‘ayaṃ itthī sasāmikā vā asāmikā vā’”ti? So ñatvā “sasāmikā, devā”ti ārocesi. Atha rājā cintesi – “imā vīsatisahassanāṭakitthiyo devaccharāyo viya maṃ eva ekaṃ abhiraṃāpentī, so dānāhaṃ etāpi atussitvā parassa itthiyā taṇhaṃ uppādesiṃ. Sā uppānā apāyameva ākaḍḍhatī”ti taṇhāya ādīnavam disvā “handā, naṃ niggaṇhāmī”ti rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi.

Tattha **taṇhakkhayanti** nibbānaṃ, evaṃ diṭṭhādīnavāya vā taṇhāya appavattiṃ. **Appamattoti** sātaccakārī, sakkaccakārī. **Anelamūgoti** alālāmukho. Atha vā aneḷo ca amūgo ca, paṇḍito byattoti vuttaṃ hoti. Hitasukhasampāpakaṃ sutamassa atthīti **sutavā**, āgamasampannoti vuttaṃ hoti. **Satīmāti** cirakatādīnaṃ anussarītā. **Saṅkhātadhammoti** dhammūpparikkhāya pariññātadhammo. **Niyatoti** ariyamaggena niyatabhāvappatto. **Padhānavāti** sammappadhānavīriyasampanno. Uppaṭipāṭiyā esa pāṭho

yojetabbo. Evameva tehi appamādādīhi samannāgato niyāmasampāpakena padhānena padhānavā, tena padhānena sampattaniyāmato niyato, tato arahattappattiyā saṅkhātadhammo. Arahā hi puna saṅkhātābbābhāvato “saṅkhātadhammo”ti vuccati. Yathāha – “ye ca saṅkhātadhammāse, ye ca sekhā puthū idhā”ti (su. ni. 1044; cūḷani. ajitamāṇavapucchānidessa 7). Sesam vuttanayamevāti.

Taṇhakkhayagāthāvaṇṇanā niṭṭhitā.

127. Sīhovāti kā uppatti? Aññatarassa kira bārāṇasirañño dūre uyyānaṃ hoti, so pageva uṭṭhāya uyyānaṃ gacchanto antarāmagge yānā oruyha udakaṭṭhānaṃ upagato “mukhaṃ dhovissāmi”ti. Tasmañca padese sīhī sīhapotakaṃ janetvā gocarāya gatā. Rājapuriso taṃ disvā “sīhapotako, devā”ti ārocesi. Rājā “sīho kira kassaci na bhāyati”ti taṃ upaparikkhituṃ bheriādīni ākoṭāpesi, sīhapotako taṃ saddaṃ sutvāpi tatheva sayi. Atha yāvatiyaṃ ākoṭāpesi. So tatiyavāre sīsaṃ ukkhipitvā sabbam paṇisaṃ oloketvā tatheva sayi. Atha rājā “yāvassa mātā nāgacchati, tāva gacchāma”ti vatvā gacchanto cintesi – “tadahuṃjātopi sīhapotako na santasati na bhāyati, kudāssu nāmāhampi taṇhādīṭṭhiparitāsaṃ chaḍḍetvā na santaseyyaṃ na bhāyeyya”nti? So taṃ ārammaṇaṃ gahetvā gacchanto puna kevaṭṭehi macche gahetvā sākḥāsu bandhitvā pasārite jāle vātaṃ asaṅgaṃyeva gacchamānaṃ disvā tasmim nimittaṃ aggahesi – “kudāssu nāmāhampi taṇhādīṭṭhimohajālaṃ phāletvā evaṃ asajjamāno gaccheyya”nti?

Atha uyyānaṃ gantvā silāpaṭṭapokkharāṇiyā tīre nisinnō vātabbhāhatāni padumāni onamitvā udakaṃ phusitvā vātavigame puna yathāthāne ṭhitāni udakena anupalittāni disvā tasmim nimittaṃ aggahesi – “kudāssu nāmāhampi yathā etāni uduke jātāni udakena anupalittāni tiṭṭhanti. Evaṃ loke jāto lokena anupalitto tiṭṭheyya”nti. So punappunaṃ “yathā sīho vāto padumāni, evaṃ asantasantena asajjamānena anupalittena bhavitabba”nti cintetvā rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi.

Tattha **sīhoti** cattāro sīhā – tiṇāsīho, paṇḍusīho, kālasīho, kesarasīhoti. Tesam kesarasīho aggamakkhāyati. So idha adhippeto. **Vāto** puratthimādivasena anekavidho. **Padumaṃ** rattasetādivasena. Tesu yo koci vāto yaṃ kiñci padumañca vaṭṭatiyeva. Tattha yasmā santāso nāma attasinehena hoti, attasineho ca nāma taṇhālepo, sopi diṭṭhisampayuttēna vā diṭṭhivippayuttēna vā lobhena hoti, sopi ca taṇhāyeva. Sajjanaṃ pana tattha upaparikkhādivirahitassa mohena hoti, moho ca avijjā. Tattha samathena taṇhāya pahānaṃ, vipassanāya avijjāya. Tasmā samathena attasinehaṃ pahāya **sīhova saddesu** aniccadukkādisu **asantasanto**, vipassanāya mohaṃ pahāya **vātova jālamhi** khandhāyatanādisu **asajjamāno**, samatheneva lobhaṃ lobhasampayuttadiṭṭhiñca pahāya, **padumaṃva toyena** sabbabhavabhogalobhena alippamāno. Ettha ca samathassa sīlaṃ padaṭṭhānaṃ, samatho samādhissa, samādhi vipassanāyāti evaṃ dvīsu dhammesu siddhesu tayo khandhā siddhāva honti. Tattha sīlakkhandhena sūro hoti. So sīhova saddesu āghātavattḥūsu kujjhitukāmatāya na santasati, paññākkhandhena paṭividdhasabhāvo vātova jālamhi khandhādīdhammabhede na sajjeti, samādhikkhandhena vītarāgo padumaṃva toyena rāgena na lippati. Evaṃ samathavipassanāhi sīlasamādhipaññākkhandhehi ca yathāsambhavaṃ taṇhāvijjānaṃ tiṇṇaṃca akusalamūlānaṃ pahānavasena asantasanto asajjamāno alippamāno ca vedītabbo. Sesam vuttanayamevāti.

Sīhādīgāthāvaṇṇanā niṭṭhitā.

128. Sīho yathāti kā uppatti? Aññataro kira bārāṇasirājā paccantaṃ kupitaṃ vūpasametum gāmānugāmimaggam chaḍḍetvā ujum aṭavimaggam gahetvā mahatiyā senāya gacchati. Tena ca samayena aññatarasmim pabbatapāde sīho bālasūriyātaṃ tappamāno nipanno hoti. Taṃ disvā rājapurisā rañño ārocesuṃ. Rājā “sīho kira na santasati”ti bheripaṇavādisaddaṃ kārāpesi, sīho tatheva nipajji. Dutiyampi kārāpesi, sīho tatheva nipajji. Tatiyampi kārāpesi, tadā “sīho mama paṭisattu atthi”ti catūhi pādehi suppatiṭṭhitam patiṭṭhahitvā sīhanādaṃ nadi. Taṃ sutvā hatthārohādayo hatthiādīhi orohitvā tiṇagahanāni pavīṭṭhā, hatthiassagaṇā disāvidisā palātā. Rañño hatthīpi rājānaṃ gahetvā vanagahanāni pothayamāno palāyi. Rājā taṃ sandhāretum asakkonto rukkhāsākhāya olambitvā pathaviṃ patitvā ekapadikamaggēna gacchanto paccekabuddhānaṃ vasanaṭṭhānaṃ pāpuṇi. Tattha paccekabuddhe pucchi – “api, bhante, saddamassutthā”ti? “Āma, mahārājā”ti. “Kassa saddaṃ, bhante”ti? “Paṭhamam bherisaṅkhādīnaṃ,

pacchā sīhassā”ti. “Na bhāyittha, bhante”ti. “Na mayam, mahārāja, kassaci saddassa bhāyāmā”ti. “Sakkā pana, bhante, mayhampi edisaṃ kātu”nti? “Sakkā, mahārāja, sace pabbajissasi”ti. “Pabbajāmi, bhante”ti. Tato naṃ pabbājetvā pubbe vuttanayeneva ābhisamācārikaṃ sikkhāpesuṃ. Sopi pubbe vuttanayeneva vipassanto paccekabodhiṃ sacchikatvā imaṃ udānagāthaṃ abhāsi.

Tattha sahanā ca hananā ca sīghajavattā ca **sīho**. Kesarasīhova idha adhippeto. Dāṭhā balamassa atthīti **dāṭhabalī**. **Pasayha abhibhuyyāti** ubhayaṃ **cārī**-saddena saha yojetabbaṃ **pasayhacārī abhibhuyyacārī**. Tattha pasayha niggahetvā caraṇena pasayhacārī, abhibhavitvā santāsetvā vasīkatvā caraṇena abhibhuyyacārī. Svāyaṃ kāyabalena pasayhacārī, tejasā abhibhuyyacārī, tattha sace koci vadeyya – “kiṃ pasayha abhibhuyya cārī”ti, tato **migānanti** sāmivacanaṃ upayogathe katvā “mige pasayha abhibhuyya cārī”ti paṭivattabbaṃ. **Pantānīti** dūrāni. **Senāsanānīti** vasanaṭṭhānāni. Sesam vuttanayeneva sakkā jānitunti na vitthāritanti.

Dāṭhabalīgāthāvaṇṇanā niṭṭhitā.

129. Mettaṃ upekkhanti kā uppatti? Aññataro kira rājā mettādiḥhānalābhī ahoṣi. So “jhānasukhantarāyo rajja”nti jhānānurakkhaṇatthaṃ rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi.

Tattha “sabbe sattā sukhitā bhavantū”tiādinā nayena hitasukhūpanayanakāmatā **mettā**. “Aho vata imamahā dukkhā mucceyyu”ntiādinā nayena ahitadukkhāpanayanakāmatā **karuṇā**. “Modanti vata bhonto sattā, modanti sādhu suṭṭhū”tiādinā nayena hitasukhāvippayogakāmatā **muditā**. “Paññāyissanti sakena kammenā”ti sukhadukkhajjupekkhanatā **upekkhā**. Gāthābandhasukhatthaṃ pana uppaṭipāṭiyā mettaṃ vatvā upekkhā vuttā, muditā ca pacchā. **Vimuttinti** catassopi etā attano paccanīkadhammehi vimuttattā vimuttiyo. Tena vuttaṃ – “mettaṃ upekkhaṃ karuṇaṃ vimuttiṃ, āsevamāno muditañca kāle”ti.

Tattha **āsevamānoti** tisso tikacatukkajjhānavasena, upekkhaṃ catutthajjhānavasena bhāvayamāno. **Kāleti** mettaṃ āsevitvā tato vuṭṭhāya karuṇaṃ, tato vuṭṭhāya muditaṃ, tato itarato vā nippītikajjhānato vuṭṭhāya upekkhaṃ āsevamāno eva “kāle āsevamāno”ti vuccati, āsevitum vā phāsukakāle. **Sabbena lokena avirujjhamānoti** dasasu disāsu sabbena sattalokena avirujjhamāno. Mettādīnañhi bhāvitattā sattā appaṭikūlā honti, sattesu ca virodhībhūto paṭigho vūpasammati. Tena vuttaṃ – “sabbena lokena avirujjhamāno”ti. Ayamettha saṅkhepo, vitthāro pana mettādikathā **aṭṭhasāliniyā** dhammasaṅghaṭṭhakathāyaṃ (dha. sa. aṭṭha. 251) vuttā. Sesam vuttasadisamevāti.

Appamaññāgāthāvaṇṇanā niṭṭhitā.

130. Rāgañca dosañcāti kā uppatti? Rājagahaṃ kira nissāya mātāṅgo nāma paccekabuddho viharati sabbapacchimo paccekabuddhānaṃ. Atha amhākaṃ bodhisatte uppanne devatāyo bodhisattassa pūjanatthāya āgacchantiyo taṃ disvā “mārisā, mārisā, buddho loke uppanno”ti bhaṇiṃsu. So nirodhā vuṭṭhahanto taṃ sutvā attano jīvitakkhayaṃ disvā himavante mahāpapāto nāma pabbato paccekabuddhānaṃ parinibbānaṭṭhānaṃ. Tattha ākāsena gantvā pubbe parinibbutapaccekabuddhassa aṭṭhisāṅghātaṃ papāte pakkhipitvā silātale nisīditvā imaṃ udānagāthaṃ abhāsi.

Tattha rāgadosamohā uragasutte vuttāva. **Samyojanānīti** dasa samyojanāni, tāni ca tena tena maggena sandālayitvā. **Asantaṃ jīvitasāṅkhayamhīti** jīvitasāṅkhayo vuccati cuticittassa paribhedo. Tasmañca jīvitasāṅkhaye jīvitānikantiyā pahīnattā asantasanti. Ettāvataṃ sopādisesaṃ nibbānadhātum attano dassetvā gāthāpariyosāne anupādisesāya nibbānadhātuyā parinibbāyīti.

Jīvitasāṅkhayagāthāvaṇṇanā niṭṭhitā.

131. Bhajantīti kā uppatti? Bārāṇasiyaṃ kira aññataro rājā ādigāthāya vuttappakārameva phītaṃ rajjaṃ samanūsasati. Tassa kharo ābādho uppajji, dukkhā vedanā pavattanti. Vīsatisahassitthiyo taṃ

parivāretvā hatthapādasambāhanādīni karonti. Amaccā “na dānāyaṃ rājā jīvissati, handa, mayāṃ attano saraṇaṃ gavesāma”ti cintetvā aññatarassa rañño santikaṃ gantvā upaṭṭhānaṃ yācimsu. Te tattha upaṭṭhahantiyeva, na kiñci labhanti. Rājā ābādhā vuṭṭhahitvā pucchi – “itthannāmo ca itthannāmo ca kuhi”nti? Tato taṃ pavattiṃ sutvāva sīsaṃ cāletvā tuṅhī ahoṣi. Tepi amaccā “rājā vuṭṭhito”ti sutvā tattha kiñci alabhamānā paramena pārijuññaena pīlitaṃ punadeva āgantvā rājānaṃ vanditvā ekamantaṃ aṭṭhaṃsu. Tena ca rañña “kuhiṃ, tātā, tumhe gatā”ti vuttā āhaṃsu – “devaṃ dubbalaṃ disvā ājīvikaḥayenamhā asukaṃ nāma janapadaṃ gatā”ti. Rājā sīsaṃ cāletvā cintesi – “yaṃnūnāhaṃ tameva ābādhaṃ dassessaṃ, kiṃ punapi evaṃ kareyyuṃ, no”ti? So pubbe rogena phuṭṭho viya bālhaṃ vedanaṃ dassento gilānālayaṃ akāsi. Itthiyo samparivāretvā pubbasadisameva sabbaṃ akaṃsu. Tepi amaccā tatheva puna bahutaraṃ janaṃ gahetvā pakkamiṃsu. Evaṃ rājā yāvatatiyaṃ sabbaṃ pubbasadisaṃ akāsi, tepi tatheva pakkamiṃsu. Tato catutthampi te āgate disvā rājā – “aho! Ime dukkaraṃ akaṃsu, ye maṃ byādhitāṃ pahāya anapekkhā pakkamiṃsu”ti nibbinno rajjaṃ pahāya pabbajitvā vipassanto paccekabodhiṃ sacchikatvā imaṃ udānagāthaṃ abhāsi.

Tattha **bhajanṭīti** sarīrena allīyantaṃ payirupāsanti. **Sevanṭīti** añjalikammādīhi kiṃkārappaṭissāvītāya ca paricaranti. Kāraṇaṃ attho etesanti **kāraṇatthā**, bhajānāya ca sevanāya ca nāññaṃ kāraṇamatthi, attho eva nesāṃ kāraṇaṃ, atthahetu sevanṭīti vuttaṃ hoti. **Nikkāraṇā dullabhā ajja mittāti** “ito kiñci lacchāmā”ti evaṃ attapaṭilābhakāraṇena nikkāraṇā, kevalaṃ –

“Upakāro ca yo mitto, yo mitto sukhadukkhaḥ;
Atthakkhāyī ca yo mitto, yo mitto anukampako”ti. (dī. ni. 3.265) –

Evaṃ vuttena ariyena mittabhāvena samannāgatā dullabhā ajja mittā. **Attatṭhapaññāti** attani ṭhitā etesaṃ paññā. Attānameva oloketi, na aññanti attho. “Attatṭhapaññā”tipi pāṭho, tassa attano athameva oloketi, na paratthanti attho. “Diṭṭhatṭhapaññā”ti ayampi kira porāṇapāṭho, tassa sampati diṭṭheyeva atthe etesaṃ paññā, na āyatinti attho. Diṭṭhadhammikathāmyeva oloketi, na samparāyikatthanti vuttaṃ hoti. **Asucīti** asucinā anariyena kāyavacīmanokammaena samannāgatā.

Khaggavisāṇakappoti khaggena rukkhādayo chindanto viya sakasiṅgena pabbatādayo cuṇṇavicuṇṇaṃ kurumāno vicarati khaggavisāṇo. Visasadisā añāti visāṇā. Khaggaṃ viyāti khaggaṃ. Khaggaṃ visāṇaṃ yassa migassa soyaṃ migo khaggavisāṇo, tassa khaggavisāṇassa kappo khaggavisāṇakappo. Khaggavisāṇasadiso paccekabuddho **eko** adutiyo asahāyo careyya vihareyya vatteyya yapeyya yāpeyyāti attho.

132. Visuddhasīlāti visesena suddhasīlā, catupārisuddhiyā suddhasīlā. **Suvisuddhapaññāti** suṭṭhu visuddhapaññā, rāgādivirahitattā parisuddhamaggaphalapaṭisambhidāpāññā. **Samāhitāti sam** suṭṭhu āhitā, santike ṭhapitacittā. **Jāgariyānuyuttāti** jāgaraṇaṃ jāgaro, niddātikkamoti attho. Jāgarassa bhāvo jāgariyaṃ, jāgariye anuyuttā jāgariyānuyuttā. **Vipassakāti** “aniccaṃ dukkhaṃ anattā”ti visesena passanasīlā, vipassanaṃ paṭṭhapetvā viharanti attho. **Dhammavisesadassīti** dasakusaladhammaṃ catusaccadhammaṃ navalokuttaradhammaṃ vā visesena passanasīlā. **Maggaṅgabojjhaṅgagateti** sammādiṭṭhādīhi maggaṅgehi satisambojjhaṅgādīhi bojjhaṅgehi gate sampayutte ariyadhamme. **Vijaññāti** visesena jaññā, jānantāti attho.

133. Suññatappaṇihitañcānimittanti anattānupassanāvasena suññatavimokkhañca dukkhānupassanāvasena appaṇihitavimokkhañca, aniccānupassanāvasena animittavimokkhañca. **Āsevayitvāti** vadhetvā. **Ye** katasambhārā **dhīrā** janā **jinasāsanamhi sāvakattaṃ** sāvakabhāvaṃ **na vajanti** na pāpuṇanti, te dhīrā katasambhārā **sayambhū** sayameva bhūtā **paccekajinā** paccekabuddhā **bhavanti**.

134. Kiṃ bhūtā? **Mahantadhammā** pūritamahāsambhārā **bahudhammakāyā** anekadhammasabhāvasarīrā. Punapi kiṃ bhūtā? **Cittissarā** cittaṅgikā jhānasampannāti attho. **Sabbadukkhoghatinṇā** sakalasaṃsāraoḥaṃ tinṇā atikkantā **udaggacittā** kodhamānādikilesavirahitattā

somanassacittā santamanāti attho. **Paramatthadassī** pañcakkhandhadvādasāyatanadvattiṃsākārasaccapaṭiccasamuppādādivasena paramattham uttamattham dassanasīlā. Acalābhītaṭṭhena **sihopamā** sihasadisāti attho. **Khaggavisāṇakappā** khaggavisāṇamigasīṅgasadisā gaṇasaṅgaṇikābhāvenāti attho.

135. Santindriyāti cakkhundriyādīnaṃ sakasakārammaṇe appavattanato santasabhāvaindriyā. **Santamanāti** santacittā, nikkilesabhāvena santasabhāvacittasaṅkappāti attho. **Samādhīti** suṭṭhu ekaggacittā. **Paccantasattesu patippacārāti** paccantajanapadesu sattesu dayākaruṇādīhi paticaraṇasīlā. **Dīpā parattha idha vijjalantāti** sakalalokānuggahakaraṇena paraloke ca idhaloke ca vijjalantā dīpā padīpasadisāti attho. **Paccekabuddhā satataṃ hitāmeti** ime paccekabuddhā satataṃ sabbakālaṃ sakalalokahitāya paṭipannāti attho.

136. Pahīnasabbāvaraṇā janindāti te paccekabuddhā janānaṃ indā uttamā kāmaccandanīvaraṇādīnaṃ sabbesaṃ pañcāvaraṇānaṃ pahīnantā pahīnasabbāvaraṇā. **Ghanakañcanābhāti** rattasuvaṇṇajambonadasuvaṇṇapabhā sadisaābhāvanti attho. **Nissamsayaṃ lokasudakkhiṇeyyāti** ekantena lokassa sudakkhiṇāya aggadānassa paṭiggahetuṃ arahā yuttā, nikkilesattā sundaradānapaṭiggahaṇārahāti attho. **Paccekabuddhā satatappitāmeti** ime paccekaññādhigamā buddhā satataṃ niccakālaṃ appitā suhitā paripuṇṇā, sattāhaṃ nirāhārāpi nirodhasamāpattiphalasamāpattivāsena paripuṇṇāti attho.

137. Patiekā visuṃ sammāsambuddhato visadisā aññe asādhāraṇabuddhā **paccekabuddhā**. Atha vā –

“Upasaggā nipātā ca, paccayā ca ime tayo;
Nekenekatthavisayā, iti neruttikābravu’nti. –

Vuttattā patisaddassa ekaupasaggaṭā pati padhāno hutvā sāmibhūto anekesaṃ dāyakānaṃ appamattakampi āhāraṃ paṭiggahetvā saggamokkhasa pāpuṇanato. Tathā hi annabhārasa bhattabhāgaṃ paṭiggahetvāpassantasseva bhuñjitvā devatāhi sādhuṅkāraṃ dāpetvā tadaheva taṃ duggataṃ seṭṭhiṭṭhānaṃ pāpetvā koṭisaṅkhadhanuppādanena ca, khadiraṅgārajātake (jā. aṭṭha. 1.1.khadiraṅgārajātakavaṇṇanā) mārena nimmitakhadiraṅgārakūpopariuṭṭhitapadumakaṇṇikaṃ madditvā bodhisattena dīnaṃ piṇḍapātaṃ paṭiggahetvā tassa passantasseva ākāsagamanena somanassuppādanena ca, padumavatīaggamahesīputtānaṃ mahājanakaraṇāno deviyā ārādhanena gandhamādanato ākāsena āgamma dānapaṭiggahaṇena mahājanakabodhisattassa ca deviyā ca somanassuppādanena ca, tathā abuddhuppāde chātakabhaye sakalajambudīpe uppanne bārāṇasiseṭṭhino chātakabhayaṃ paṭicca pūretvā rakkhite seṭṭhisahassakoṭṭhāgāre vīhaya khepetvā bhūmiyaṃ nikhātadhaññāni ca cāṭisahassesu pūritadhaññāni ca khepetvā sakalapāsādabhittīsu mattikāhi madditvā limpīdadhaññāni ca khepetvā tadā nālimattamevāvasiṭṭhaṃ “idaṃ bhuñjitvā ajja marissāmā”ti cittaṃ uppādetvā sayantassa gandhamādanato eko paccekabuddho āgantvā gehadvāre aṭṭhāsi. Seṭṭhi taṃ disvā pasādaṃ uppādetvā jīvitaṃ pariccajamāno paccekabuddhassa patte okiri. Paccekabuddho vasanaṭṭhānaṃ gantvā attano ānubhāvena passantasseva seṭṭhissa pañcapaccekabuddhasatehi saha paribhuñji. Tadā bhattapacitaukkhalīṃ, pidahitvā ṭhapesuṃ.

Niddamokkantassa seṭṭhino chātatte uppanne so vuṭṭhahitvā bhariyaṃ āha – “bhatte ācāmakabhattamattaṃ olokehi”ti. Susikkhitā sā “sabbam dīnaṃ nanū”ti avatvā ukkhaliyā pidhānaṃ vivari. Sā ukkhali taṅkhaṇeva sumanapupphamakūlasadisassa sugandhasālibhattassa pūritā ahoṣi. Sā ca seṭṭhi ca santuṭṭhā sayaṅca sakalagehāvāsino ca sakalanagaravāsino ca bhuñjiṃsu. Dabbiyā gahitagahitaṭṭhānaṃ puna pūritaṃ. Sakalaseṭṭhisahassakoṭṭhāgāresu sugandhasāliyo pūresuṃ. Sakalajambudīpavāsino seṭṭhissa gehatoyeva dhaññabījāni gahetvā sukkhitā jātā. Evamādīsu anekasattanikāyesu sukhotaraṇaparipālanasaggamokkhaṇapānesu pati sāmibhūto buddhoti paccekabuddho. **Paccekabuddhānaṃ subhāsītānīti** paccekabuddhehi ovādānusāsanaṅgasena suṭṭhu bhāsītāni kathitāni vacanāni. **Caranti lokamhi sadevakamhīti** devalokasahite sattaloke caranti pavattantīti attho. **Sutvā tathā ye na karonti bālāti** tathārūpaṃ paccekabuddhānaṃ subhāsītavacanāṃ ye bālā janā na karonti na manasi karonti, **te bālā dukkhesu** saṃsāradukkhesu **punappunaṃ** uppattivāsena **caranti** pavattanti, dhāvanti attho.

138. Paccekabuddhānaṃ subhāsītānīti suṭṭhu bhāsītāni caturāpāyato mucchanatthāya bhāsītāni vacanāni. Kiṃ bhūtāni? **Avassavantāṃ** pagghantaṃ khuddaṃ madhuṃ yathā madhuravacanānīti attho. **Ye paṭipattiyuttā** paṇḍitajanāpi paṭipattisu vuttānusārena pavattantā tathārūpaṃ madhuravacanaṃ sutvā vacanakarā bhavanti, te paṇḍitajanā **saccadasā** catusaccadassino **sapaññā** paññāsahitā bhavantīti attho.

139. Paccekabuddhehi jinehi bhāsītāti kilese jinanti jiniṃsūti jinā, tehi jinehi paccekabuddhehi vuttā bhāsītā kathitā. **Kathā ulārā** ojavantā pākaṭā santi pavattanti. **Tā**, kathā **sakyasīhena** sakyarājavaṃsasīhena gotamena tathāgatena **abhinikkhamitvā** buddhabhūtena **naruttamena** narānaṃ uttamena seṭṭhena **pakāsītā** pākaṭikatā desitāti sambandho. Kimatthanti āha “**dhammavijānanattha**”nti. Navalokuttaradhammaṃ visesena jānāpanatthanti attho.

140. Lokānukampāya imāni tesanti lokānukampatāya lokassa anukampaṃ paṭicca imāni vacanāni imā gāthāyo. Tesāṃ **paccekabuddhānaṃ vikubbitāni** visesena kubbitāni bhāsītānīti attho. **Samvegasaṅgamativaḍḍhanatthanti** paṇḍitānaṃ samvegavaḍḍhanatthañca asaṅgavaḍḍhanattham ekibhāvavaḍḍhanatthañca mativaḍḍhanattham paññāvaḍḍhanatthañca **sayambhusīhena** anācariyakena hutvā sayameva bhūtena jātena paṭividdhena sīhena abhītena gotamena sammāsambuddhena imāni vacanāni **pakāsītāni**, imā gāthāyo pakāsītā vivaritā uttānīkatātī attho. **Itīti** parisamāpanatthe nipāto.

Iti visuddhajanavilāsiniyā apadāna-aṭṭhakathāya

Paccekabuddhāpadānasamvaṇṇanā samattā.

3-1. Sāriputtattheraapadānavāṇṇanā

Tadanantaraṃ therāpadānasāṅgahagāthāyo samvaṇṇetum “**atha therāpadānaṃ suṇāthā**”ti āha. **Atha-apadāna**-saddānamattho heṭṭhā vuttova. Ettha **thera**-saddo panāyaṃ kālathirapaññattināmadheyyajēṭṭhādīsu anekesu atthesu vattati. Tathā hi “therovassikāni pūtīni cuṇṇakajātānī”tiādīsu (dī. ni. 2.379; ma. ni. 1.112) kāle, therovassikāni cirakālaṃ ovassikānīti attho. “Theropi tāva mahā”iccādīsu thire thirasīloti attho. “Therako ayamāyasmā mahallako”tiādīsu paññattiyam, lokapaññattimattoti attho. “Cundatthero phussatthero”tiādīsu nāmadheyye, evaṃ katanāmoti attho. “Thero cāyaṃ kumāro mama puttesū”tiādīsu jeṭṭhe, jeṭṭho kumāroti attho. Idha panāyaṃ kāle ca thire ca vattati. Tasmā ciraṃ kālaṃ ṭhitoti thero, thiratarasīlācāramaddavādiguṇābhuyutto vā theroti vuccati. Thero ca thero ceti therā, therānaṃ apadānaṃ kāraṇaṃ **therāpadānaṃ**, taṃ therāpadānaṃ suṇāthāti sambandho. **Himavantassa avidūre, lambako nāma pabbatoti**ādi āyasmato sāriputtattherassa apadānaṃ, tassāyasmato mahāmogallānattherassa ca vatthu evaṃ veditabbaṃ –

Atīte kira ito kappato satasahassakappādhike ekaasaṅkhyeyyamattake āyasmā sāriputto brāhmaṇamahāsālakule nibbattitvā nāmena saradamāṇavo nāma ahoṣi. Mahāmogallāno gahapatimahāsālakule nibbattitvā nāmena sirivaḍḍhanakuṭumbiko nāma ahoṣi. Te ubhopi sahapamāsukīḷānasahāyā ahesuṃ. Tesu saradamāṇavo pitu accayena kulasantakaṃ dhanam paṭipajjitvā ekadivasam rahogato cintesi – “imesam sattānaṃ maraṇam nāma ekantikam, tasmā mayā ekaṃ pabbajjam upagantvā vimokkhamaggo gavesitabbo”ti sahāyaṃ upasaṅkamitvā “samma, aham pabbajitukāmo. Kiṃ tvaṃ pabbajitum sakkhissasi”ti vatvā tena “na sakkhissāmī”ti vutte “hotu ahameva pabbajissāmī”ti ratanakoṭṭhāgārāni vivarāpetvā kapaṇaddhikādīnaṃ mahādānaṃ datvā pabbatapādaṃ gantvā isipabbajjam pabbaji. Tassa pabbajitassa anupabbajjam pabbajitā catusattisahassamattā brāhmaṇaputtā ahesuṃ. So pañca abhiññāyo aṭṭha ca samāpattiyō nibbattetvā tesampi jaṭilānaṃ kasiṇaparikkammaṃ ācikkhi. Te sabbepi pañcābhiññā aṭṭha ca samāpattiyō nibbattisuṃ.

Tena samayena anomadassī nāma sammāsambuddho loke uppajjitvā pavattitavaradhammacakko satte saṃsāramahoghato tāretvā ekadivasam saradatāpasassa ca antevāsikānañca saṅghaṃ kattukāmo eko adutiyo pattacīvaramādāya ākāsena gantvā “buddhabhāvaṃ me jānātū”ti tāpasassa passantasseva ākāsato otarivā pathaviyaṃ patitṭhāsi. Saradatāpaso satthu sarīre mahāpurisalakkhaṇāni upadhāretvā

“sabbaññubuddhoyevāya”nti niṭṭhaṃ gantvā paccuggamaṇaṃ katvā āsanaṃ paññāpetvā adāsi. Nisīdi bhagavā paññatte āsane. Saradatāpasasatthu santike ekamantaṃ nisīdi.

Tasmim̄ samaye tassa antevāsikā catusattatisahassamattā jaṭilā paṇṭapaṇṭāni ojavantāni phalāphalāni gahetvā āgatā satthāraṃ disvā sañjātapasādā attano ācariyassa satthu ca nisinnākāraṃ oloketvā “ācariya, mayaṃ pubbe ‘tumhehi mahantataro koci natthī’ti maññāma, ayaṃ pana puriso tumhehi mahantataro maññe”ti āhaṃsu. Kiṃ vadetha, tātā, sāsapena saddhim̄ aṭṭhasatthiyojanasatasahassubbedhaṃ sineruṃ samaṃ kātuṃ icchatha, sabbaññubuddhena maṃ tulaṃ mā karitthāti. Atha te tāpasā ācariyassa vacanaṃ sutvā “yāva mahā vatāyaṃ purisuttamo”ti sabbeva pādesu nipatitvā satthāraṃ vandim̄su.

Atha te ācariyo āha – “tātā, satthu anucchaviko no deyyadhammo natthi, satthā ca bhikkhācaravelāya idhāgato, handa, mayaṃ deyyadhammaṃ yathābalaṃ dassāma. Tumhehi yaṃ yaṃ paṇṭaṃ phalāphalaṃ ābhataṃ, taṃ taṃ āharathā”ti āharāpetvā hatthe dhovivā sayāṃ tathāgatassa patte patiṭṭhāpesi. Satthārā phalāphale paṭiggahitamatte devatā dibbojaṃ pakkhipim̄su. Tāpasasatthu udakampi sayameva parissāvetvā adāsi. Tato bhojanakiccaṃ niṭṭhāpetvā satthari nisinne sabbe antevāsike pakkosāpetvā satthu santike sāraṇīyaṃ kathaṃ kathento nisīdi. Satthā “dve aggasāvakā bhikkhusaṅghena saddhim̄ āgacchantū”ti cintesi. Tāvadeva satasahassakhīṇāsavaparivārā aggasāvakā āgantvā bhagavantaṃ vanditvā ekamantaṃ aṭṭhaṃsu.

Tato saradatāpasasatthu antevāsike āmantesi – “tātā, satthu bhikkhusaṅghassa ca pupphāsanena pūjā kātābba, tasmā pupphāni āharathā”ti. Te tāvadeva iddhiyā vaṇṇagandhasampannāni pupphāni āharitvā buddhassa yojanappamāṇaṃ pupphāsaṇaṃ paññāpesuṃ, ubhinnaṃ aggasāvakānaṃ tigāvutaṃ, sesabhikkhūnaṃ aḍḍhayaohanikādibhedhaṃ, saṅghanavakassa usabhamattaṃ paññāpesuṃ. Evaṃ paññātesu āsanesu saradatāpasasatthu tathāgatassa purato añjaliṃ paggayha “bhante, mayhaṃ anuggahatthāya imaṃ pupphāsaṇaṃ atiruhathā”ti āha. Nisīdi bhagavā pupphāsaṇe. Satthari nisinne dve aggasāvakā sesabhikkhū ca attano attano pattāsane nisīdim̄su. Satthā “tesaṃ mahapphalaṃ hotū”ti nirodhaṃ samāpajji. Satthu samāpanabhāvaṃ ṇatvā dve aggasāvakāpi sesabhikkhūpi nirodhaṃ samāpajjim̄su. Tāpasasatthāraṃ nirantaraṃ satthu pupphacchattaṃ dhārento aṭṭhāsi. Itare vanamūlaphalaṃ paribhuñjitvā sesakāle añjaliṃ paggayha aṭṭhaṃsu. Satthā satthāssa accayena nirodhato vuṭṭhahitvā aggasāvakaṃ nisabhattheraṃ āmantesi – “tāpasānaṃ pupphāsanānumodanaṃ karohī”ti. Thero sāvakaṃ pāramiṇāne ṭhatvā tesaṃ pupphāsanānumodanaṃ akāsi. Tassa desanāvasāne satthā dutiyaṃ aggasāvakaṃ anomattheraṃ āmantesi – “tvampi imesaṃ dhammaṃ desehi”ti. Sopi tepiṭakaṃ buddhavacanaṃ sammasitvā tesaṃ dhammaṃ kathesi. Dvinnampi desanāya dhammābhisamayo nāhosi. Atha satthā buddhavisaye ṭhatvā dhammadesanaṃ ārabhi. Desanāvasāne ṭhapetvā saradatāpasasatthu avasesā sabbepi catusattatisahassajaṭilā arahattaṃ pāpuṇim̄su. Satthā te “etha bhikkhavo”ti hatthaṃ pasāresi. Te tāvadeva antarahitāpasavesā aṭṭhaparikkhāradharā satthivassikatthero viya ahesuṃ.

Saradatāpasasatthu pana “aho vatāhampi ayaṃ nisabhatthero viya anāgate ekassa buddhassa sāvako bhaveyya”nti desanākāle uppannaparivitakkatāya aññavihito hutvā maggaphalāni paṭivijjhituṃ nāsakkhi. Atha satthāraṃ vanditvā tathā paṇḍhānaṃ akāsi. Satthā anantarāyena samijjhanabhāvaṃ disvā “ito kappasatasahassādhikaṃ ekaṃ asaṅkhyeyaṃ atikkamitvā gotamassa nāma sammāsambuddhassa aggasāvako sārīputto nāma bhavissati”ti byākaritvā dhammakathaṃ vatvā bhikkhusaṅghaparivāro ākāsaṃ pakkhandi. Saradatāpasasatthu saḥāyassa sirivaḍḍhassa santikaṃ gantvā “samma, mayā anomadassissa bhagavato pādamaṃ anāgate uppajjanakassa gotamasammāsambuddhassa aggasāvakaṭṭhānaṃ patthitaṃ, tvampi tassa dutiyasāvakaṭṭhānaṃ patthehi”ti. Sirivaḍḍho taṃ upadesaṃ sutvā attano nivesanadvāre aṭṭhakarīsamattaṃ ṭhānaṃ samatalaṃ kāretvā lājapañcamāni pupphāni vikiritvā nīluppacchadanāṃ maṇḍapaṃ kāretvā buddhāsaṇaṃ paññāpetvā bhikkhūnampi āsanāni paññāpetvā mahantaṃ sakkārasammānaṃ sajjitvā saradatāpasasatthu satthāraṃ nimantāpetvā satthāraṃ mahādānaṃ pavattitvā buddhappamukhaṃ bhikkhusaṅghaṃ mahārahehi vatthehi acchādetvā dutiyasāvakaḥāvāya paṇḍhānaṃ akāsi. Satthā tassa anantarāyena samijjhanabhāvaṃ disvā vuttanāyena byākaritvā bhāttānumodanaṃ katvā pakkāmi. Sirivaḍḍho haṭṭhapahaṭṭho yāvajivaṃ kusalakammaṃ katvā dutiyacittavāre kāmāvacaradevaloke nibbatti. Saradatāpasasatthu cattāro brahmavihāre bhāvetvā brahmaloke nibbatti.

Tato paṭṭhāya tesaṃ ubhinnaṃ antarā kammaṃ na kathitaṃ. Amhākaṃ pana bhagavato uppattito

puretarameva saradatāpaso rājagahassa avidūre upatissāgāme rūpasāriyā brāhmaṇiyā kucchimhi paṭisandhiṃ gaṇhi. Taṃdivasamevassa sahāyopi rājagahasseva avidūre kolitagāme moggaliyā brāhmaṇiyā kucchimhi paṭisandhiṃ gaṇhi. Tasmā moggallāno moggaliyā brāhmaṇiyā puttoti moggallāno. Moggaligottena jātoti vā moggallāno. Atha vā mātukumārikakāle tassā mātāpitūhi vuttaṃ – “mā uggali mā uggali”ti vacanamupādāya “muggali”ti nāmaṃ. Tassā muggaliyā puttoti moggallāno. Atha vā sotāpattimaggādimmagassa lābhe ādāne paṭivijjhane alaṃ samatthoti moggallānoti. Tāni kira dve kulāni yāva sattamā kulaparivaṭṭā ābaddhasahāyāneva. Tesam dvinnam ekadivasameva gabbhāparihāramadaṃsu. Dasamāsaccayena jātānampi tesam chasatthi dhātiyo paṭṭhapesuṃ. Nāmaggaṇadivase rūpasāribrāhmaṇiyā puttassa upatissagāme jeṭṭhakulassa puttattā **upatissoti** nāmaṃ kariṃsu. Itarassa kolitagāme jeṭṭhakulassa puttattā **kolitoti** nāmaṃ kariṃsu. Te ubhopi mahatā parivārena vaḍḍhantā vuddhimanvāya sabbasippānaṃ pāraṃ agamaṃsu.

Athekadivasam te rājagahe giraggasamajjam passantā mahājanaṃ sannipatitaṃ disvā nāṇassa paripākaṃ gatattā yoniso ummujjantā “sabbepime oraṃ vassasatāva maccumukhaṃ pavisantī”ti samvegaṃ paṭilabhivā “amhehi mokkhadhammo pariyesitabbo, tañca pariyesantehi ekā pabbajjā laddhuṃ vaṭṭatī”ti nicchayaṃ katvā pañcamāṇavakasatehi saddhiṃ sañcayassa paribbājakassa santike pabbajjīsu. Tesam pabbajitakālato paṭṭhāya sañcayo lābhagayāsaaggappatto ahoṣi. Te katipāheneva sabbam sañcayassa samayaṃ parimajjitvā tattha sāraṃ adisvā tato nibbijjitvā tattha tattha paṇḍitasammate samaṇabrāhmaṇe pañham pucchanti, te tehi puṭṭhā na sampādentī. Aññadatthu teyeva tesam pañham vissajjenti. Evaṃ te mokkham pariyesantā katikaṃ akaṃsu – “amhesu yo paṭhamaṃ amataṃ adhigacchati, so itarassa ārocetū”ti.

Tena ca samayena amhākaṃ sathari paṭhamābhisambodhiṃ patvā pavattitavaradhammacakke anupubbena uruvelakassapādike sahasajātīle dametvā rājagahe viharante ekadivasam upatisso paribbājako paribbājakārāmaṃ gacchanto āyasmantaṃ assajittheraṃ rājagahe piṇḍāya carantaṃ disvā “na mayā evarūpo ākappasampanno pabbajito diṭṭhapubbo, santadhammena nāma ettha bhavitabba”nti sañjātapasādo pañham pucchitūṃ āyasmantaṃ udikkhanto piṭṭhito piṭṭhito anubandhi. Theropi laddhapīṇḍapāto paribhuñjitūṃ patirūpaṃ okāsaṃ gato. Paribbājako attano paribbājakapīṭṭhaṃ paññāpetvā adāsi. Bhattakiccapariyosāne cassa attano kuṇḍikāya udakaṃ adāsi. Evaṃ so ācariyavattaṃ katvā katabhattakiccena therena saddhiṃ paṭisanthāraṃ katvā – “ko vā te sathā, kassa vā tvaṃ dhammaṃ rocesi”ti pucchi. Thero sammāsambuddhaṃ apadisi. Puna tena “kiṃ vādī panāyasmato sathā”ti puṭṭho “imassa sāsanaṃ gambhīrataṃ dassessāmī”ti attano navakabhāvaṃ pavedetvā saṅkhepavasena cassa sāsanaḍḍhammaṃ kathento “ye dhammā hetuppabhavā”ti (mahāva. 60; apa. thera 1.1.286) gāthamāha. Paribbājako paṭhamapadadvayameva sutvā sahasanayasampanne sotāpattimaggaphale patiṭṭhahi. Itaraṃ padadvayaṃ sotāpannakāle niṭṭhāsi. Gāthāpariyosāne pana sotāpanno hutvā uparivisesse apavattante “bhavissati ettha kāraṇa”nti sallakkhetvā theram āha – “mā, bhante, upari dhammadesanaṃ vaḍḍhayittha, ettameva alaṃ, kahaṃ amhākaṃ sathā vasatī”ti? “Veḷuvane”ti. “Bhante, tumhe purato gacchatha, ahaṃ mayhaṃ sahāyassa katapaṭiññaṃ mocetvā taṃ gahetvā āgamissāmī”ti pañcapatiṭṭhitena vanditvā padakkhiṇaṃ katvā theram uyyojetvā paribbājakārāmaṃ agamāsi.

Kolitariparibbājako taṃ dūratova āgacchantaṃ disvā “mukhavaṇṇo na aññadivasesu viya addhānena amataṃ adhigataṃ bhavissatī”ti tenevassa visesādhigamaṃ sambhāvetvā amatādhigamaṃ pucchi. Sopissa “āvuso, amatamadhiyata”nti paṭijānitvā tameva gātham abhāsi. Gāthāpariyosāne kolito sotāpattiphale patiṭṭhahitvā āha – “kahaṃ no sathā”ti? “Veḷuvane”ti. “Tena hi, āvuso, āyāma, sathāraṃ passissāmā”ti. Upatisso sabbakālampi ācariyapūjakova, tasmā sañcayassa satthu guṇe pakāsetvā tampi satthu santikaṃ netukāmo ahoṣi. So lābhāsāpakato antevāsikabhāvaṃ anicchanto “na sakkomi cāṭi hutvā udakasiñcanaṃ hotu”nti paṭikkhipi. Te anekehi kāraṇehi taṃ saññāpetuṃ asakkontā attano ovāde vattamānehi aḍḍhuteyyasatehi antevāsikehi saddhiṃ veḷuvanaṃ agamaṃsu. Sathā te dūratova āgacchante disvā “etaṃ me sāvakaṃyugaṃ bhavissati, aggaṃ bhaddayuga”nti vatvā tesam parisāya cariyavasena dhammaṃ desetvā arahatte patiṭṭhāpetvā ehibhikkhubhāvena upasampadaṃ adāsi. Yathā tesam evaṃ aggasāvakanampi iddhiṃmayapattacīvaraṃ āgatameva. Uparimaggattayakiccaṃ pana na niṭṭhāsi. Kasmā? Sāvakaṃpāramīñāṇassa mahantatāya.

Tesu āyasmā mahāmogallāno pabbajitāto sattame divase magadharatthe kallavālagāme samaṇadhammaṃ karonto thinamiddhe okkamante satthārā saṃvejito thinamiddhaṃ vinodetvā dhātukammaṭṭhānaṃ suṇanto eva uparimaggattayaṃ adhigantvā sāvakaṃpāramīñāṇassa matthakaṃ pāpuṇi. Āyasmā sārīputto pabbajjāya addhamāsaṃ atikkamitvā satthārā saddhiṃ rājagahe sūkarakhatalaṇe viharanto attano bhāgineyyassa dīghanakhaparibbājakassa vedanāpariggahasuttante (ma. ni. 2.201 ādayo) desiyamāne desanānusārena ñāṇaṃ pesetvā parassa vaḍḍhitaṃ bhattaṃ bhuñjanto viya sāvakaṃpāramīñāṇassa matthakaṃ pāpuṇi. Iti dvinnāṃ aggasāvakaṇaṃ satthu samīpe eva sāvakaṃpāramīñāṇaṃ matthakaṃ pattaṃ.

Evaṃ pattasāvakaṃpāramīñāṇo āyasmā sārīputto “kena kammena ayaṃ sampatti laddhā”ti āvajjento taṃ ñatvā pītisomanassavasena udānaṃ udānento “himavantassa avidūre”tiādīmāha. Tena vuttaṃ –

141. “Himavantassa avidūre, lambako nāma pabbato;
Assamo sukato mayhaṃ, paṇṇasālā sumāpitā”ti.

Tattha **himavantassā**ti himo assa atthīti himavā, tassa himavantassa **avidūre** samīpe, himālayapaṭṭibaddhavanehi attho. **Lambako nāma pabbato**ti evaṃnāmaṃ paṃsumissakapabbato. **Assamo sukato mayhanti** tasmīṃ lambake pabbate mayhaṃ mamatthāya kato assamo araññavāso āsamantato samoti assamo. Natthi pavīṭṭhānaṃ samo parissamo etthāti vā assamo, so itthambhūto araññavāso suṭṭhu kato, rattiṭṭhānadivāṭṭhānakuṭīmaṇḍapādivasena sundarenākārena katoti attho. **Paṇṇasālā**ti usīrapabbajādīhi paṇṇehi chādītā nivasanapaṇṇasālāti attho.

142. “Uttānakūlā nadikā, supatitthā manoramā;
Susuddhapulinākiṇṇā, avidūre mamassamaṃ”.

Tattha **uttānakūlā**ti agambhīrā nadī. **Supatitthā**ti sundarapatitthā. **Manoramā** manallīnā manāpā. **Susuddhapulinākiṇṇā**ti suṭṭhu dhavalamuttādalaśadisaṃvālukākiṇṇā gahanībhūtāti attho. Sā itthambhūtā **nadikā** kunnadī **mamassamaṃ** mayhaṃ assamassa avidūre samīpe ahoṣīti attho. “Assama”nti ca sattamyatthe upayogavacananti vedītabbaṃ.

143. “Asakkharā apabbhārā, sādu appaṭṭigandhikā;
Sandatī nadikā tattha, sobhayantā mamassamaṃ”.

Tattha **asakkharā**ti “pulinākiṇṇā”ti vuttatā asakkharā sakkharavirahitā. **Apabbhārā**ti pabbhāravirahitā, agambhīrakūlāti attho. **Sādu appaṭṭigandhikā**ti sādurasodakā duggandharahitā mayhaṃ assamapadaṃ sobhayantī **nadikā** khuddakanadī **sandati** pavattatīti attho.

144. “Kumbhīlā makarā cettha, susumārā ca kacchapā;
Sandatī nadikā tattha, sobhayantā mamassamaṃ”.

Tattha **kumbhīlamacchā** **makaramacchā** ca **susumārā** caṇḍamacchā ca **kacchapamacchā** ca **ettha** etissaṃ nadiyaṃ kīḷantā ahesunti sambandho. Mamassamaṃ sobhayantā **nadikā** khuddakanadī **sandati** pavattatīti sambandho.

145. “Pāṭhīnā pāvusā macchā, balajā muñjarohitā;
Vaggaḷā papatāyantā, sobhayanti mamassamaṃ”.

Pāṭhīnamacchā ca **pāvusā macchā** ca **balajamacchā** ca **muñjamacchā** **rohitamacchā** ca **vaggaḷamacchā** ca ete sabbe macchajātikā ito cito ca **papatāyantā** nadiyā saddhiṃ pavattantā mama assamapadaṃ sobhayantīti attho.

146. “Ubho kūlesu nadiyā, pupphino phalino dumā;
Ubhato abhilambantā, sobhayanti mamassamaṃ”.

Tattha **ubho kūlesūti** tassā nadiyā ubhosu passesu dhuvapupphino dhuvaphalino rukkā **ubhato abhilambantā** nadiyā ubho tīre heṭṭhā onamantā mama assamaṃ sobhayantīti attho.

147. “Ambā sālā ca tilakā, pāṭalī sinduvārakā;
Dibbagandhā sampavanti, pupphitā mama assame”.

Tattha **ambāti** madhupiṇḍiambā ca **sālarukkā** ca **tilakarukkā** ca **pāṭalirukkā** ca **sinduvārakarukkā** ca ete rukkā niccakālaṃ **pupphitā** pupphantā. Dibbā gandhā iva mama assame sugandhā **sampavanti** samantato pavāyantīti attho.

148. “Campakā saḷalā nīpā, nāgapunnāgaketakā;
Dibbagandhā sampavanti, pupphitā mama assame”.

Tattha **campakarukkā** ca **saḷalarukkā** ca suvaṇṇavattalasadisapupphā **nīparukkā** ca **nāgarukkā** ca **punnāgarukkā** ca sugandhayantā **ketakarukkā** ca ete sabbe rukkā dibbā gandhā iva mama assame **pupphitā** phullitā **sampavanti** sugandhaṃ suṭṭhu pavāyantīti attho.

149. Asokā ca “adhimuttā asokā ca, bhaginīmālā ca pupphitā;
Aṅkolā bimbijālā ca, pupphitā mama assame”.

Tattha pupphitā **adhimuttakarukkā** ca pupphitā **asokarukkā** ca pupphitā **bhaginīmālā** ca pupphitā **aṅkolā** ca pupphitā **bimbijālā** ca ete rukkā mama assame phullitā sobhayantīti sambandho.

150. “Ketakā kandali ceva, godhukā tiṇasūlikā;
Dibbagandhaṃ sampavantā, sobhayanti mamassamaṃ”.

Tattha **ketakāti** sugandhaketakagacchā ca. **Kandalirukkā** ca **godhukarukkā** ca **tiṇasūlikagacchā** ca ete sabbe rukkājātikā dibbagandhaṃ pavāyamānā mama assamaṃ sakalaṃ sobhayantīti attho.

151. “Kaṇikārā kaṇṇikā ca, asanā ajjunā bahū;
Dibbagandhaṃ sampavantā, sobhayanti mamassamaṃ”.

Ete kaṇikārādayo rukkā mama assamaṃ sakalaṃ sobhayantā dibbagandhaṃ sampavāyantīti sambandho.

152. “Punnāgā giripunnāgā, koviḷārā ca pupphitā;
Dibbagandhaṃ sampavantā, sobhayanti mamassamaṃ”.

Punnāgādayo rukkā dibbagandhaṃ pavāyamānā mama assamaṃ sobhayantīti attho.

153. “Uddālakā ca kuṭajā, kadambā vakulā bahū;
Dibbagandhaṃ sampavantā, sobhayanti mamassamaṃ”.

Uddālakādayo rukkā dibbagandhaṃ vāyamānā mama assamaṃ sobhayantīti sambandho.

154. “Āḷakā isimuggā ca, kadalimātuluṅgiyo;
Gandhodakena saṃvaḍḍhā, phalāni dhārayanti te”.

Tattha ete āḷakādayo gacchā candanādisugandhagandhodakena vaḍḍhitvā suvaṇṇaphalāni dhārentā mama assamaṃ sobhayantīti attho.

155. “Aññe pupphanti padumā, aññe jāyanti kesarī;
Aññe opupphā padumā, pupphitā taḷāke tadā”.

Tattha **aññe pupphanti padumā**ti mama assamassa avidūre taḷāke aññe ekacce padumā pupphanti, ekacce **kesarī** padumā **jāyanti** nibbattanti, ekacce padumā **opupphā** vīgalitapattakesarāti attho.

156. “Gabbhaṃ gaṇhanti padumā, niddhāvanti muḷāliyo;
Siṅghāṭipattamākiṇṇā, sobhanti taḷāke tadā”.

Tattha **gabbhaṃ gaṇhanti padumā**ti tadā tāpasena hutvā mama vasanasamaye ekacce padumā taḷākabbhantare makuḷapupphādayo gaṇhanti. **Muḷāliyo** padumamūlā **niddhāvanti** ito kaddamabbhantarato hatthidāṭhā viya gacchantīti attho. Pattapupphamākiṇṇā gahanībhūtā siṅghāṭiyo sobhayantīti attho.

157. “Nayitā ambagandhī ca, uttalī bandhujīvakā;
Dibbagandhā sampavanti, pupphitā taḷāke tadā”.

Tadā mama vasanasamaye taḷākassa samīpe **nayitā** ca gacchā **ambagandhī ca** gacchā **uttalī** nāma gacchā ca **bandhujīvakā** ca ete sabbe gacchā **pupphitā** pupphadhāritā sugandhavāhakā taḷākam sobhayantīti attho.

158. “Pāṭhīnā pāvusā macchā, balajā muñjarohitā;
Saṃgulā maggurā ceva, vasanti taḷāke tadā”.

Tadā mama vasanasamaye nibbhītā pāṭhīnādayo macchā **taḷāke** vasantīti sambandho.

159. “Kumbhīlā susumārā ca, tantigāhā ca rakkhasā;
Oguhā aḷagarā ca, vasanti taḷāke tadā”.

Tadā mama vasanasamaye mama assamasamīpe **taḷāke** ete kumbhīlādayo macchā nibbhītā nirūpaddavā vasantīti sambandho.

160. “Pārevatā ravihaṃsā, cakkavākā nadīcarā;
Kokilā sukaṣāḷikā, upajīvanti taṃ saraṃ”.

Tattha mama assamasamīpe saraṃ nissāya **pārevatā**pakkhī ca **ravihaṃsā**pakkhī ca **nadīcarā** **cakkavākā**pakkhī ca **kokilā**pakkhī ca **sukā**pakkhī ca **sāḷikā**pakkhī ca taṃ saraṃ upanissāya jīvantīti sambandho.

161. “Kukutthakā kuḷīrakā, vane pokkharasātakā;
Dindībhā suvapotā ca, upajīvanti taṃ saraṃ”.

Tattha **kukutthakā**ti evaṃnāmikā pakkhī ca. **Kuḷīrakā**ti evaṃnāmikā pakkhī ca. Vane **pokkharasātakā** pakkhī ca **dindībhā** pakkhī ca **suvapotā** pakkhī ca ete sabbe pakkhino taṃ mama assamasamīpe saraṃ nissāya jīvantīti sambandho.

162. “Haṃsā koñcā mayūrā ca, kokilā tambacūḷakā;
Pammakā jīvaṃjīvā ca, upajīvanti taṃ saraṃ”.

Sabbe ete haṃsādayo pakkhino taṃ saraṃ upanissāya jīvanti jīvikam pālentīti attho.

163. “Kosikā poṭṭhasīsā ca, kurarā senakā bahū;
Mahākāḷā ca sakuṇā, upajīvanti taṃ saraṃ”.

Tattha **kosikā** ca pakkhī **poṭṭhasīsā** ca pakkhī **kurarā** ca pakkhī **senakā** ca pakkhī **mahākāḷā** ca pakkhī thale **bahū** pakkhino taṃ saraṃ tassa sarassa samīpe **jīvanti** jīvikam kappentīti attho.

164. “Pasadā ca varāhā ca, camarā gaṇḍakā bahū;
Rohiccā sukapotā ca, upajīvanti taṃ saraṃ”.

Tattha pasadādayo ete migā **taṃ saraṃ** tasmiṃ sarasamīpe, bhummatthe upayogavacanāṃ, jīvitāṃ paripālentā viharantīti attho.

165. “Sīhabyagghā ca dīpī ca, acchakokataracchakā;
Tidhā pabhinnamātaṅgā, upajīvanti taṃ saraṃ”.

Ete sīhādayo catuppadā sarasamīpe upaddavarahitā jīvantīti sambandho.

166. “Kinnarā vānarā ceva, athopi vanakammikā;
Cetā ca luddakā ceva, upajīvanti taṃ saraṃ”.

Ettha ete evaṃnāmikā kinnarādayo sattā tasmiṃ sarasamīpe vasantīti attho.

167. “Tindukāni piyālāni, madhukekā sumāriyo;
Dhuvāṃ phalāni dhārenti, avidūre mamassamaṃ”.

Tattha ete tindukādayo rukkhā dhuvāṃ hemantagimhavassānasaṅkhāte kālattaye mama assamato avidūre ṭhāne madhuraphalāni dhārentīti sambandho.

168. “Kosambā saḷalā nimbā, sādupalasamāyutā;
Dhuvāṃ phalāni dhārenti, avidūre mamassamaṃ”.

Tattha ete kosambādayo rukkhā sārāphalā madhuraphalā uttamaphalā **samāyutā saṃ** suṭṭhu āyutā samaṅgībhūtā niccaṃ phaladhārino mama assamasamīpe sobhantīti attho.

169. “Harītakā āmalakā, ambajambuvibhītakā;
Kolā bhallātakā billā, phalāni dhārayanti te”.

Te harītakādayo rukkhā mama assamasamīpe jātā niccaṃ phalāni dhārayantīti sambandho.

170. “Āluvā ca kaḷambā ca, biḷālītakkaḷāni ca;
Jīvāka sutakā ceva, bahūkā mama assame”.

Ete āluvādayo mūlaphalā khuddā madhurasā mama assamasamīpe bahū santīti sambandho.

171. “Assamassāvidūramhi, taḷākāsuṃ sunimmitā;
Acchodakā sītājalā, supatitthā manoramā”.

Tattha **assamassāvidūramhi** assamassa samīpe **sunimmitā** suṭṭhu ārohanaorohanakkhamāṃ katvā nimmitā **acchodakā** vipprasannodakā **sītājalā** sītodakā **supatitthā** sundaratitthā **manoramā** somanassakarā taḷākā **āsuṃ** ahesunti attho.

172. “Padumuppalasañchannā, puṇḍarīkasamāyutā;
Mandālakehi sañchannā, dibbagandhopavāyati”.

Tattha padumehi ca uppalehi ca **sañchannā** paripuṇṇā **puṇḍarīkehi samāyutā** samaṅgībhūtā **mandālakehi** ca **sañchannā** gahanībhūtā taḷākā dibbagandhāni upavāyanti samantato vāyantīti attho.

173. “Evaṃ sabbaṅgasampanne, pupphite phalite vane;
Sukate assame ramme, viharāmi ahaṃ tadā”.

Tattha **evaṃ sabbaṅgasampanneti** abbehi nadikādiavayavehi sampanne paripuṇṇe pupphaphalarukkhehi gahanābhūte **vane sukate** ramaṇīye **assame** araṇṇāvāse **tadā** tāpasabhūtakāle ahaṃ viharāmiti attho.

Ettāvata assamasampattiṃ dassetvā idāni attano sīlādiguṇasampattiṃ dassento –

174. “Sīlavā vatasampanno, jhāyī jhānarato sadā;
Pañcābhiññābalappatto, suruci nāma tāpaso”ti. – āha;

Tattha **sīlavāti** jhānasampayuttacatupārisuddhisīlasadisehi pañcahi sīlehi sampuṇṇoti attho. **Vatasampannoti** “‘ito paṭṭhāya gharāvāsaṃ pañca kāmaguṇe vā na sevissāmī’”ti vatasamādānena sampanno. **Jhāyīti** lakkhaṇūpanijjhānārammaṇūpanijjhānehi jhāyī jhāyanasīlo. **Jhānaratoti** etesu jhānesu rato allīno **sadā** sampuṇṇo. **Pañcābhiññābalappattoti** iddhividhadibbasotaparacittavijānanapubbenivāsānussatidibbacakkhusaṅkhātāhi pañcahi abhiññāhi visesapaññāhi balasampanno, paripuṇṇoti attho. Nāmena **suruci nāma** tāpaso hutvā viharāmiti sambandho.

Ettakena attano guṇasampattiṃ dassetvā parisasampattiṃ dassento –

175. “Catuvīsasahassāni, sissā mayhaṃ upaṭṭhahum;
Sabbe maṃ brāhmaṇā ete, jātimento yasassino”ti. – ādimāha;

Tattha ete sabbe catuvīsatisahassabrāhmaṇā mayhaṃ sissā **jātimento** jātisampannā **yasassino** parivārasampannā maṃ upaṭṭhahuntī sambandho.

176. “Lakkhaṇe itihāse ca, sanighaṇḍusakeṭubhe;
Padakā veyyākaraṇā, sadhamme pāramiṃ gatā”.

Tattha **lakkhaṇeti** lakkhaṇasatthe. Sabbalokiyānaṃ itthipurisānaṃ “‘imehi lakkhaṇehi samannāgatā dukkhitā bhavanti, imehi sukhitā bhavanti’”ti lakkhaṇaṃ jānāti. Tappakāsako gantho lakkhaṇaṃ, tasmīṃ lakkhaṇe ca. **Itihāseti** “‘itiha āsa itiha āsā’”ti vuttavacanapaṭidīpake ganthe. Lakkhaṇe ca itihāse ca **pāramiṃ** pariyosānaṃ **gatāti** sambandho. Rukkhapabbatādīnaṃ nāmappakāsakaganthaṃ “‘nighaṇḍū’”ti vuccati. **Keṭubheti** kiriyākappavikappānaṃ kavīnaṃ upakārako gantho. Nighaṇḍuyā saha vattatīti sanighaṇḍu, keṭubhena saha vattatīti sakeṭubhaṃ, tasmīṃ sanighaṇḍusakeṭubhe vedattaye pāramiṃ gatāti sambandho. **Padakāti** nāmapadasamāsataddhitākyātakitakādīpadesu chekā. **Veyyākaraṇāni** candapāṇinīyakalāpādībyākaraṇe chekā. **Sadhamme pāramiṃ gatāti** attano dhamme brāhmaṇadhamme vedattaye pāramiṃ pariyosānaṃ gatā pattāti attho.

177. “Uppātesu nimittesu, lakkhaṇesu ca kovidā;
Pathavyā bhūmantalikkhe, mama sissā susikkhitā”.

Tattha ukkāpātabhūmikampādikesu **uppātesu** ca subhanimittāsubhanimittesu ca itthilakkhaṇapurisalakkaṇamahāpurisalakkaṇesu ca **kovidā** chekā. Pathaviyā ca bhūmiyā ca sakalaloke ca **antalikkhe** ākāse cāti sabbattha mama sissā susikkhitā.

178. “Appicchā nipakā ete, appāhārā alolupā;
Lābhālābhena santuṭṭhā, parivārenti maṃ sadā”.

Tattha **appicchāti** appakenāpi yāpentā. **Nipakāti** nepakkasaṅkhātāya paññāya samannāgatā. **Appāhārāti** ekāhārā ekabhattikāti attho. **Alolupāti** lolupataṇhāya appavattanakā. **Lābhālābhenāti** lābhena alābhena ca **santuṭṭhā** somanassā ete mama sissā **sadā** niccakālaṃ maṃ **parivārenti** upaṭṭhahantīti attho.

179. “Jhāyī jhānaratā dhīrā, santacittā samāhitā;

Ākiñcaññaṃ patthayantā, parivārenti maṃ sadā’.

Tattha **jhāyīti** lakkhaṇūpaniḥhānaārammaṇūpaniḥhānehi samannāgatā. Jhāyanasīlā vā. **Jhānaratāti** tesu ca jhānesu ratā allīnā. **Dhīrāti** dhitisampannā. **Santacittāti** vūpasantamanā. **Samāhitāti** ekaggacittā. **Ākiñcaññanti** nippalibodhabhāvaṃ. **Patthayantāti** icchantā. Itthambhūtā me sissā sadā maṃ parivārentīti sambandho.

180. ‘‘Abhiññāpāramippattā, pettike gocare ratā;
Antalikkhacarā dhīrā, parivārenti maṃ sadā’’.

Tattha **abhiññāpāramippattāti** pañcasu abhiññāsu pāramiṃ pariyosānaṃ pattā pūritāti attho. **Pettike gocare ratāti** buddhānuññātāya aviññattiyā laddhe āhāre ratāti attho. **Antalikkhacarāti** antalikkhena ākāseṇa gacchantā āgacchantā cāti attho. **Dhīrāti** thirabhūtā sīhabyagghādīparissaye acchambhitasabhāvāti attho. Evaṃbhūtā mama tāpasā sadā maṃ parivārentīti attho.

181. ‘‘Saṃvutā chasu dvāresu, anejā rakkhitindriyā;
Asaṃsaṭṭhā ca te dhīrā, mama sissā durāsadā’’.

Tattha cakkhādīsu chasu dvāresu rūpādīsu chasu ārammaṇesu **saṃvutā** pihitā paṭicchannā, rakkhitagopitadvārāti attho. **Anejā** nittaṇhā **rakkhitindriyā** gopitacakkhādīindriyā **asaṃsaṭṭhā** ñātīhi gahaṭṭhehi amissībhūtāti attho. **Durāsadāti** duṭṭhu āsadā, āsādetuṃ ghaṭṭetuṃ asakkuṇeyyā ayoggāti attho.

182. ‘‘Pallaṅkena nisajjāya, ṭhānacaṅkamanena ca;
Vītināmenti te rattim, mama sissā durāsadā’’.

Tattha mama sissā **pallaṅkena** ūrubaddhāsanena seyyaṃ vihāya nisajjāya ca ṭhānena ca caṅkamaṇa ca sakalaṃ rattim vīsesena **atināmenti** atikkāmentīti sambandho.

183. ‘‘Rajanīye na rajjanti, dussanīye na dussare;
Mohanīye na muyhanti, mama sissā durāsadā’’.

Te itthambhūtā mama sissā tāpasā **rajanīye** rajjitabbe vatthusmiṃ **na rajjanti** rajjaṃ na uppādentī. **Dussanīye** dussitabbe dosaṃ uppādetuṃ yutte vatthumhi **na dussare** dosaṃ na karontī. **Mohanīye** mohituṃ yutte vatthumhi **na muyhanti** mohaṃ na karontī, paññāsampayuttā bhavantīti attho.

184. ‘‘Iddhiṃ vīmaṃsamānā te, vattanti niccakālikāṃ;
Pathaviṃ te pakampenti, sārambhena durāsadā’’.

Te mama sissā ‘‘ekopi hutvā bahudhā hoti, bahudhāpi hutvā eko hotī’’tiādikaṃ (paṭi. ma. 1.102) iddhivikubbaṇaṃ niccakālikāṃ vīmaṃsamānā vattantīti sambandho. Te mama sissā ākāsepi udakepi pathaviṃ nimminivā iriyāpathaṃ pakampentīti attho. **Sārambhena** yugaggāhena kalahakaraṇena na āsādetabbāti attho.

185. ‘‘Kīlamānā ca te sissā, kīlanti jhānakīlitaṃ;
Jambuto phalamānenti, mama sissā durāsadā’’.

Te mama sissā **kīlamānā** paṭhamajjhānādīkīlaṃ kīlanti laḷanti ramantīti attho. **Jambuto phalamānenti**ti himavantamhi satayojanubbedhajamburukkhatō ghaṭṭappamāṇaṃ jambuphalaṃ iddhiyā gantvā ānentīti attho.

186. ‘‘Aññe gacchanti goyānaṃ, aññe pubbavidehakaṃ;
Aññe ca uttarakuruṃ, esanāya durāsadā’’.

Tesaṃ mama sissānaṃ antare **aññe** ekacce **goyānaṃ** aparagoyānaṃ dīpaṃ gacchanti, ekacce **pubbavidehakaṃ** dīpaṃ gacchanti, ekacce **uttarakuruṃ** dīpaṃ gacchanti, te durāsadā etesu ṭhānesu **esanāya** gavesanāya paccayapariyesanāya gacchantīti sambandho.

187. “Purato pesenti khāriṃ, pacchato ca vajanti te;
Catuvīsasahashehi, chāditaṃ hoti ambaraṃ”.

Te mama sissā ākāseṇa gacchamānā **khāriṃ** tāpasaparikkhārabharitaṃ kājaṃ purato pesenti paṭhamaṃ abhimukhañca taṃ pesetvā sayāṃ tassa pacchato gacchantīti attho. Evaṃ gacchamānehi catuvīsasahashehi tāpasehi **ambaraṃ** ākāsatālaṃ **chāditaṃ** paṭicchannaṃ hotīti sambandho.

188. “Aggipākī anaggī ca, dantodukkhalikāpi ca;
Asmena koṭṭitā keci, pavattaphalabhojanā”.

Tattha **keci** ekacce mama sissā **aggipākī** phalāphalapaṇṇādayo pacitvā khādanti, ekacce **anaggī** aggīhi apacitvā āmakameva khādanti, ekacce dantikā dantehiyeva tacamaṃ uppāṭetvā khādanti. Ekacce **udukkhalikā** udukkhalehi koṭṭetvā khādanti. Ekacce **asmena koṭṭitā** pāsāṇena koṭṭetvā khādanti. Ekacce sayampatitaphalāhārāti sambandho.

189. “Udakorohaṇā keci, sāyaṃ pāto sucīratā;
Toyābhisecanakarā, mama sissā durāsadā”.

Durāsadā mama sissā keci **sucīratā** suddhikāmā sāyaṃ pāto ca **udakorohaṇā** udakapavesakāti attho. Keci **toyābhisecanakarā** udakena attani abhisiñcanakarāti attho.

190. “Parūḷhakacchanakhalomā, paṅkadantā rajassirā;
Gandhitā silagandhena, mama sissā durāsadā”.

Tattha te durāsadā mama sissā **kacchesu** ubhayakacchesu ca hatthapādesu ca **parūḷhā** sañjātā, dīghanakhalomāti attho. Khurakamarahitattā amaṇḍitā apasādhitāti adhippāyo. **Paṅkadantāti** iṭṭhakacuṇṇakhīrapāsāṇacuṇṇādīhi dhavalamakatatā malaggahitadantāti attho. **Rajassirāti** telamakkhanādirahitattā dhūlīhi makkhitasīsāti attho. **Gandhitā silagandhenāti** jhānasamādhisamāpatīhi sampayuttasīlena samaṅgībhūtattā lokiyasilagandhena sabbattha sugandhībhūtāti attho. **Mama sissā durāsadāti** imehi vuttappakāraguṇehi samannāgatattā āsādetuṃ ghaṭṭetuṃ asakkuṇeyyā mama sissāti sambandho.

191. “Pātova sannipatitvā, jaṭilā uggatāpanā;
Lābhālābhaṃ pakittetvā, gacchanti ambare tadā”.

Tattha **pātova sannipatitvāti** sattamyatthe topaccayo, pātārāsakāleyeva mama santike rāsibhūtāti attho. **Uggatāpanā** pākaṭatapā patthaṭatapā **jaṭilā** jaṭādhārino tāpasā. **Lābhālābhaṃ pakittetvā** khuddake ca mahante ca lābhe pākaṭe katvā **tadā** tasmim kāle **ambare** ākāsatāle gacchantīti sambandho.

192. Puna tesameva guṇe pakāseṇo **etesam pakkamantānanti**ādimāha. Tattha ākāse vā thale vā **pakkamantānaṃ** gacchantānaṃ **etesam** tāpasānaṃ vācakīrajanito mahāsaddo pavattatīti attho. **Muditā honti devatāti** evaṃ mahāsaddaṃ pavattetvā gacchantānaṃ ajinacammaṣaddena santuṭṭhā “sādhu sādhu, ayyā”ti somanassajātā devatā **muditā** santuṭṭhā hontīti sambandho.

193. **Disodisanti** te isayo **antalikkhacarā** ākāsaṇīno dakkhiṇādisānudisaṃ **pakkamanti** gacchantīti sambandho. **Sake balenupatthaddhāti** attano sarīrabalena vā jhānabalena vā samannāgatā **yadicchakaṃ** yattha yattha gantukāmā, tattha tattheva gacchantīti sambandho.

194. Puna tesamevānubhāvaṃ pakāseno **pathavīkampakā** etetiādīmāha. Tadā **ete** sabbattha icchācārā **pathavīkampakā** medanīsañcalanajātikā **nabhacārino** ākāsacārino. **Uggatejāti** uggatatejā patthatejā **duppasahā** pasayha abhibhavivā pavattituṃ asakkuṇeyyāti duppasahā. **Sāgarova akhobhiyāti** aññehi akhobhiyo anāluḷito sāgaro iva samuddo viya aññehi akhobhiyā kampetuṃ asakkuṇeyyā hontīti sambandho.

195. **Ṭhānacaṅkamino kecīti** tesam mama sissānaṃ antare ekacce isayo ṭhāniriyāpathacaṅkamaniriyāpathasampannā, ekacce isayo **nesajjikā** nisajjiriyāpathasampannā, ekacce isayo **pavattabhojanā** sayampatitapaṇṇāhārā evarūpehi guṇehi yuttattā durāsadāti sambandho.

196. Te sabbe thomento **mettāvihārinoti**ādīmāha. Tattha “aparimāṇesu cakkavāḷesu aparimāṇā sattā sukhī hontū” tiādīnā sinehalakkhaṇāya mettāya pharivā viharanti, attabhāvaṃ pavattentīti **mettāvihārino** ete mama sissāti attho. Sabbe te isayo **sabbapāṇinaṃ** sabbesaṃ sattānaṃ **hitesī** hitagavesakā. **Anattukkaṃsakā** attānaṃ na ukkaṃsakā amānino **kassaci** kañci puggalaṃ **na vambhenti** nīcaṃ katvā na maññantīti attho.

197. Te mama sissā sīlasamādhisamāpattiguṇayuttattā sīharājā iva **acchambhītā** nibbhayā, **gajarājā** iva hatthirājā viya **thāmavā** sarīrabalajhānabalasampannā byaggharājā iva, **durāsadā** ghaṭṭetumasakkuṇeyyā mama santike āgacchantīti sambandho.

198. Tato attano ānubhāvassa dassanalesena pakāseno **vijjādhārāti**ādīmāha. Tattha mantasajjhāyādivijjādhārā ca rukkhapabbatādīsu vasantā bhummadevatā ca bhūmatṭhathalattā **nāgā** ca **gandhabbadevā** ca caṇḍā **rakkhasā** ca **kumbhaṇḍā** devā ca **dānavā** devā ca icchicchitanimmānasamatthā **garuḷā** ca taṃ saraṃ upajīvantīti sambandho, tasmim sare sarassa samīpe vasantīti attho.

199. Punapi tesamyeva attano sissatāpasānaṃ guṇe vaṇṇento **te jaṭā khāribharitāti**ādīmāha. Taṃ sabbaṃ uttānatthameva. **Khāribhāranti** udañcanakamaṇḍaluādikaṃ tāpasaparikkhāraṃ.

207. Punapi attano guṇe pakāseno **uppāte supine cāpīti**ādīmāha. Tattha brāhmaṇasippesu nipphattim gatattā nakkhattapāṭhe ca chekattā “imassa rājakumārassa uppannakkhattaṃ subhaṃ asubha”nti uppātalakkhaṇe ca supine ca pavattim pucchitena “idaṃ supinaṃ subhaṃ, idaṃ asubha”nti supinanipphattikathane ca sabbesaṃ itthipurisānaṃ hatthapādalakkhaṇakathane ca suṭṭhu sikkhito sakalajambudīpe pavattamānaṃ mantapadaṃ lakkhaṇamantakoṭṭhāsaṃ sabbaṃ ahaṃ tadā mama tāpasakāle dhāremīti sambandho.

208. Attano byākaraṇaṃ buddhaguṇapubbaṅgamaṃ pakāseno **anomadassīti**ādīmāha. Tattha na omakanti anomāṃ. Maṃsacakkhudibbacakkhusamantacakkhudhammacakkhubuddhacakkhūhi sabbasattānaṃ passanaṃ dassanaṃ nāma, anomāṃ dassanaṃ yassa bhagavato so bhagavā **anomadassī**. Bhāgyavantatādīhi kāraṇehi **bhagavā** lokassa jeṭṭhasēṭṭhattā **lokajēṭṭho** usabho nisabho āsabhoti tayo gavajēṭṭhakā. Tattha gavasatajēṭṭhako usabho, gavasahassajēṭṭhako nisabho, gavasatasahassajēṭṭhako āsabho, narānaṃ āsabho **narāsabho** paṭividdhasabbadhammo, **sambuddho vivekakāmo** ekībhāvaṃ icchanto **himavantam** himālayapabbataṃ upāgamīti sambandho.

209. **Ajjhogāhetvā himavantanti** himavantasamīpaṃ ogāhetvā pavisitvāti attho. Sesam uttānatthameva.

210-1. **Jalitam** jalamānaṃ indīvarapupphaṃ iva, **hutāsanaṃ** homassa āsanaṃ, **ādittam** ābhāyutaṃ aggikkhandhaṃ iva, **gagane** ākāse jotamānaṃ vijju iva, suṭṭhu phullaṃ sālarājaṃ iva, nisinnaṃ lokanāyakaṃ addasanti sambandho.

213. Devānaṃ devo devadevo, taṃ **devadevaṃ** disvāna tassa **lakkhaṇaṃ** dvattimsamahāpurisalakkhaṇasañjānanakāraṇaṃ. “Buddho nu kho na vā buddho”ti **upadhārayim**

vicāresim. **Cakkhumam** pañcahi cakkhūhi cakkhumantaṃ jinaṃ kena kāraṇena passāmīti sambandho.

214. Caraṇuttame uttamapādatale **sahassārāni** cakkalakkhaṇāni dissanti, ahaṃ tassa bhagavato tāni lakkhaṇāni disvā tathāgate **niṭṭham gacchim** sannitṭhānaṃ agamāsi, nissandeho āsinti attho. Sesam uttānatthameva.

218. Sayambhū sayameva bhūtā. **Amitodaya** amitānaṃ aparimāṇānaṃ guṇānaṃ udaya utṭhānatṭhāna, idaṃ padadvayaṃ ālapanameva. **Imaṃ lokaṃ** imaṃ sattalokaṃ **saṃ** suṭṭhu **uddharasi** saṃsārato uddharitvā nibbānathalaṃ pāpesīti attho. Te sabbe sattā tava dassanaṃ **āgamma** āgantvā **kaṅkhāsoṭam** vicikicchāmahogaṃ **taranti** atikkamantīti sambandho.

219. Bhagavantaṃ thomento tāpaso **tuvaṃ satthā**tiādīmāha. Tattha, bhante, sabbaññu tuvaṃ sadevakassa lokassa **satthā** ācariyo uttamatṭhena tvameva **ketu** ucco, sakalaloke pakāsanatṭhena tvameva **dhajo**, lokattaye uggatattā tvameva **yūpo** ussāpithambhasadiso, **pāṇinaṃ** sabbasattānaṃ tvameva **parāyaṇo** uttamagamanīyatṭhānaṃ tvameva **patiṭṭhā** patiṭṭhatṭhānaṃ lokassa mohandhakāravidhmanato tvameva **dīpo** telapadīpo viya, **dvipaduttamo** dvipadānaṃ devabrahmamanussānaṃ uttamo seṭṭhoti sambandho.

220. Puna bhagavantaṃyeva thomento **sakkā samudde udakanti**ādīmāha. Tattha caturāsītiyojanasahasagambhīre samudde udakaṃ āḷhakena **pametuṃ** minituṃ sakkā bhavēyya, bhante, sabbaññu tava ñānaṃ “ettakaṃ pamāṇa”nti **pameta**ve minituṃ na tveva sakkāti attho.

221. Tulamaṇḍale tulapañjare ṭhapetvā **pathaviṃ** medaniṃ dhāretuṃ sakkā, bhante, sabbaññu tava ñānaṃ dhāretuṃ na tu eva sakkāti sambandho.

222. Bhante, sabbaññu **ākāso** sakalantalikkhaṃ rajjuyā vā aṅgulena vā minituṃ sakkā bhavēyya, tava pana ñānaṃ ñāṇākāsaṃ na tu eva **pameta**ve minituṃ sakkāti attho.

223. Mahāsamudde udakanti caturāsītiyojanasahasagambhīre sāgare **akhilaṃ udakañca**, catunahutādhikadviyojanasahasabahalāṃ **akhilaṃ pathaviñca jahe** jaheyya atikkameyya samaṃ kareyya buddhassa ñānaṃ **upādāya** gahetvā tuleyya samaṃ kareyya. **Upamāto** upamāvasena **na yujjare** na yojeyyuṃ. Ñānameva adhikantī attho.

224. Cakkhuma pañcahi cakkhūhi cakkhumanta, ālapanametaṃ. Saha devehi pavattassa lokassa, bhummatthe sāmivacanaṃ. Sadevake lokasmiṃ antare **yesaṃ** yattakānaṃ sattānaṃ cittaṃ pavattati. **Ete** tattakā sacittakā sattā tava ñānaṃhi **antojālagatā** ñāṇajālasmiṃ anto pavitṭhāti sambandho, ñāṇajālena sabbasatte passasīti attho.

225. Bhante, **sabbaññu** sabbadhammajānanaka, tvaṃ **yena ñāṇena** catumaggasampayuttēna sakalaṃ uttamaṃ **bodhiṃ** nibbānaṃ **patto** adhigato **asi** bhavasi, tena ñāṇena **paratitthiye** aññatitthiye **maddasī** abhibhavasīti sambandho.

226. Tena tāpasena thomitākāraṃ pakāsentā dhammasaṅgāhakā therā **imā gāthā thavitvānāti** āhaṃsu. Tattha **imā gāthāti** ettakāhi gāthāhi **thavitvāna** thomanāṃ katvāna nāmena suruci nāma tāpaso **sesaṭṭhakathāsu** (a. ni. aṭṭha. 1.1.189-190; dha. pa. aṭṭha. 1.sāriputtattheravatthu) pana “saradamāṇavo”ti āgato. So aṭṭhakathānāyato pāṭhoyeva pamāṇaṃ, atha vā sundarā ruci ajjhāsayo nibbānālayo assāti **suruci**. Sarati gacchati indriyadamanāya pavattatīti sarado, iti dvayampi tasseva nāmaṃ. So surucitāpaso ajinacammaṃ pattharivāna pathaviyaṃ nisīdi, accāsannādayo cha nisajjadose vajjetvā sarado nisīdīti attho.

227. Tattha nisinna tāpaso tassa bhagavato ñānameva thomento **cullāsītisahassānī**tiādīmāha. Tattha **cullāsītisahassānī** caturāsītisahassāni, **gīrījā** merupabbatarājā, **mahaṇṇave** sāgare **ajjhogāḷho** adhiogāḷho pavitṭho, **tāvadeva** tattakāni caturāsītisahassāni **accuggato** atiuggato idāni pavuccatīti

sambandho.

228. Tāva accuggato tathā atuggato neru, so mahāneru **āyato** uccato ca vitthārato ca evaṃ mahanto nerurājā koṭisatasahassīyo saṅkhāṇubhedena **cuṇṇito** cuṇṇavicuṇṇaṃ kato asi.

229. Bhante, sabbaññu tava ñāṇaṃ lakkhe ṭhapiyamānamhi ñāṇe satamaṃ vā sahasamaṃ vā satasahasamaṃ vā ekekaṃ bindumaṃ katvā ṭhāpīte tadeva mahānerussa cuṇṇaṃ khayamaṃ gaccheyya, tava ñāṇaṃ **pametave** pamāṇaṃ kātuṃ eva na sakkāti sambandho.

230. Sukhumacchikena sukhumacchiddena jālena yo sakalamahāsamudde udakaṃ **parikkhipe** samantato parikkhamaṃ kareyya, evaṃ parikkhite ye keci pāṇā uduke jātā sabbe te antojālagatā **siyuma** bhavyeyunti attho.

231. Tamupameyyamaṃ dassento **tatheva hītiādimāha**. Tattha yathā udajā pāṇā antojālagatā honti, tatheva **mahāvīra** mahābodhiadhigamāya vīriyakara. Ye keci **puthu** anekā **titthiyā** micchā titthakara **diṭṭhigahanapakkhanda** diṭṭhisāṅkhātagahanaṃ pavīṭṭhā **parāmāse**na sabhāvato parato āmasanalakkhaṇāya diṭṭhiyā **mohitā** pihitā santi.

232. Tava **suddhena** nikkilesena ñāṇena **anāvarena** **adassinā** sabbadhammānaṃ āvaraṇarahitadassanasīlena **ete** sabbe titthiyā **antojālagatā** ñāṇajalassanto pavesitā vā tathēvāti sambandho. **Ñāṇaṃ te nātivattareti** tava ñāṇaṃ te titthiyā nātikkamantīti attho.

233. Evaṃ vuttathomanāvasāne bhagavato attano byākaraṇārabbhamaṃ dassetaṃ **bhagavā tamhi** **samayetiādimāha**. Tattha yasmiṃ samaye tāpaso bhagavantaṃ thomesi, tasmiṃ thomanāya pariyoṣānakāle saṅkhyātikkantaparivāratāya mahāyaso anomadassī bhagavā kilesamārādīnaṃ jitattā **jino**. **Samādhimhā** apittasamādhito vuṭṭhahitvā sakalajambudīpaṃ dibbacakkhunā olokesīti sambandho.

234-5. Tassa anomadassissa bhagavato **munino** monasaṅkhātena ñāṇena samannāgatassa nisabho nāma sāvako **santacittehi** vūpasantakilesamānasehi tādīhi iṭṭhāniṭṭhesu akampiyasabhāvattā, **tādibhi** khīṇāsavehi **suddehi** parisuddhakāyakammādiyuttehi chaḷabhiññehi tādīhi aṭṭhahi lokadhammehi akampanasabhāvehi satasahashehi parivuto buddhassa cittaṃ, **aññāya** jānitvā lokanāyakaṃ **upesi**, tāvadeva samīpaṃ agamāsīti sambandho.

236. Te tathā āgatā samānā **tattha** bhagavato samīpe. **Antalikkhe** ākāse ṭhitā bhagavantaṃ padakkhiṇaṃ akaṃsu. Te sabbe **pañjalikā** namassamānā ākāso buddhassa santike **otaruma** orohimsūti sambandho.

237. Puna byākaraṇadānassa pubbhāgākāraṇaṃ pakāsento **sitama** **pātukarītiādimāha**. Taṃ sabbaṃ uttānatthameva.

241. Yo maṃ pupphenāti yo tāpaso mayi cittaṃ pasādetvā anekapupphena maṃ pūjesi, ñāṇaṇca me **anu** punappunaṃ **thavi** thomesi, **tamahanti** taṃ tāpasaṃ ahaṃ **kittayissāmi** pākaṭaṃ karissāmi, **mama bhāsato** bhāsantassa vacanaṃ **suṇoṭha** savanavisayaṃ karoṭha manasi karoṭha.

250. Pacchime bhavasampatteti byākaraṇaṃ dadamāno bhagavā āha. Tattha **pacchime** pariyoṣānabhūte bhāve sampatte sati. **Manussattaṃ** manussajātiṃ **gamissati**, manussaloke uppajjissatīti attho. Rūpasāradhanasāravayasārakulasārabhogasārapuññasārādīhi sārehi sāravantaṭṭāya sārī nāma brāhmaṇī kucchinā dhārayissati.

253. Byākaraṇamūlamārabhi **aparimeyye ito kappeti**. Ettha dvinnaṃ aggasāvakaṇaṃ ekaṃ asaṅkhyeyyaṃ kappasatasahasāṇca pāramī pūritā, tathāpi gāthābandhasukhatthaṃ antarakappāni upādāya evaṃ vuttanti daṭṭhabbaṃ.

254. “Sāriputtoti nāmena, hessati aggasāvako”’ti byākaraṇamadāsi, byākaraṇaṃ datvā taṃ thomento so bhagavā **ayaṃ bhāgīrathī**tiādīmāha. Gaṅgā, yamunā, sarabhū, mahī, aciravatīti imāsaṃ pañcannaṃ gaṅgānaṃ antare ayaṃ bhāgīrathī nāma paṭhamamahāgaṅgā **himavantā pabhavitā** himavantato āgatā anotattadahato pabhavā, **mahodadhiṃ** mahāudakakkhandhaṃ **appayanti** pāpuṇanti, **mahāsamuddaṃ** mahāsāgaraṃ **appeti** upagacchati yathā, tathā eva ayaṃ sāriputto **sake tīsu visārado** attano kule pavattamānesu tīsu vedesu visārado apakkhalitañāṇo patthaṭaṇṇo. **Paññāya pāramiṃ gantvā** attano sāvakañāṇassa pariyoṣānaṃ gantvā, **pāṇine** sabbasatte **tappayissati** santappessati suhittabhāvaṃ karissatīti attho.

257. **Himavantamupādāyāti** himālayapabbataṃ ādiṃ katvā **mahodadhiṃ** mahāsamuddaṃ udakabhāraṃ **sāgaraṃ** pariyoṣānaṃ katvā **etthantare** etesaṃ dvinnaṃ pabbatasāgarānaṃ majjhe **yaṃ pulinaṃ** yattakā vālukarāsi atthi, **gaṇanāto** gaṇanavasena **asaṅkhiyaṃ** saṅkhyātikantaṃ.

258. **Tampi sakkā asesena**ti taṃ pulinampi nisesena **saṅkhātuṃ** sakkā sakkuṇeyya bhaveyya, sā gaṇanā yathā hotīti sambandho. Tathā sāriputtassa paññāya **anto** pariyoṣānaṃ na tveva bhavissatīti attho.

259. **Lakkhe...pe... bhavissatīti lakkhe** ñāṇalakkhe ñāṇassa ekasmiṃ kale **ṭhapiyamānamhi** ṭhapite sati gaṅgāya vālukā **khīye** parikkhayaṃ gaccheyyāti attho.

260. **Mahāsamuddeti** caturāsītiyojanasahassagambhīre catumahāsāgare **ūmiyo** gāvutādibhedā taraṅgarāsayo **gaṇanāto asaṅkhiyā** saṅkhyāviraḥitā yathā honti, tatheva sāriputtassa paññāya **anto** pariyoṣānaṃ **na hessati** na bhavissatīti sambandho.

261. So evaṃ paññavā sāriputto gotamagottattā **gotamaṃ** sakyakule jeṭṭhakaṃ sakyapuṅgavaṃ sambuddhaṃ **ārādhayitvā** vattapaṭipattisīlācārādīhi cittārādhanaṃ katvā **paññāya** sāvakañāṇassa **pāramiṃ** pariyoṣānaṃ gantvā tassa bhagavato aggasāvako hessatīti sambandho.

262. So evaṃ aggasāvakaṭṭhānaṃ patto sakyaputtena bhagavatā iṭṭhāniṭṭhesu akampiyasabhāvena pavattitaṃ pākāṃ kataṃ **dhammacakkaṃ** saddhammaṃ **anuvattessati** avinassamānaṃ dhāressati. **Dhammavutṭhiyo** dhammadesanāsāṅkhātā vutṭhiyo **vassento** desento pakāsento vivaranto vibhajanto uttānikaronto pavattissatīti attho.

263. Gotamo sakyapuṅgavo bhagavā etaṃ sabbaṃ **abhiññāya** visesena ñāṇena jānitvā **bhikkhusaṅghe** ariyapuggalamajjhe nisīditvā **aggaṭṭhāne** sakalapaññādiguṇagaṇābhīrame uccaṭṭhāne ṭhapessatīti sambandho.

264. Evaṃ so laddhabyākaraṇo somanassappatto pītisomanassavasena udānaṃ udānento **aho me sukataṃ kamanti**tiādīmāha. Tattha **ahoti** vimhayatthe nipāto. Anomadassissa bhagavato **satthuno** garuno **sukataṃ** suṭṭhu kataṃ saddahitvā kataṃ **kammaṃ** puññakoṭṭhāsaṃ aho vimhayaṃ acinteyyānubhāvanti attho. **Yassa** bhagavato **ahaṃ kāraṃ** puññasambhāraṃ katvā **sabbattha** sakalaguṇagaṇe **pāramiṃ** pariyoṣānaṃ **gato** paramaṃ koṭiṃ sampatto, so bhagavā aho vimhayoti sambandho.

265. **Aparimeyyeti** saṅkhyātikantakālasmiṃ kataṃ kusalakammaṃ, **me** mayhaṃ **idha** imasmiṃ pacchimattabhāve **phalaṃ** vipākāṃ dassesi. **Sumutto** suṭṭhu vimutto chekena dhanuggahena khitto saravego iva ahaṃ tena puññaphalena kilese **jhāpayiṃ** jhāpesinti attho.

266. Attano eva vīriyaṃ pakāsento **asaṅkhatanti**tiādīmāha. Tattha **asaṅkhatanti** na saṅkhatam, paccayehi samāgamaṃ na katanti attho. Taṃ asaṅkhatam nibbānaṃ kilesakālussiyābhāvena **acalaṃ** katasambhārānaṃ patiṭṭhaṭṭhena **padaṃ gavesanto** pariyesanto **sabbe titthiye** sakale titthakare diṭṭhuppādaḃke puggale **vicinaṃ** upaparikkhanto **esāhaṃ** eso ahaṃ **bhave** kāmabhavādike bhave **samsariṃ** paribbhaminti sambandho.

267-8. Attano adhippāyaṃ pakāsento **yathāpi byādhito posotiādīmāha**. Tattha **byādhito** byādhinā pīlito **poso** puriso osadhaṃ pariyeseyya yathā, tathā ahaṃ asaṅkhatam amataṃ padaṃ nibbānaṃ gavesanto **abbokiṇṇam** avicchinnam nirantaram, **pañcasatam** jātipañcasatesu attabhāvesu isipabbajjam pabbajinti sambandho.

271. Kutitthe sañcarim ahanti lāmake titthe gamanamagge ahaṃ sañcarim.

272. Sāratthiko poso sāragavesī puriso. **Kadaliṃ chetvāna phālayeti** kadalikkhandham chetvā dvedhā phāleyya. **Na tattha sāram vindeyyāti** phāletvā ca pana tattha kadalikkhandhe sāram na vindeyya na labheyya, so puriso sārena **rittako** tucchoti sambandho.

273. Yathā kadalikkhandho sārena **ritto** tuccho, **tatheva** tathā eva loke **titthiyā** nānāditthigatikā bahujanā asaṅkhatena nibbānena **rittā** tucchāti sambandho. **Seti** nipātamattam.

274. Pacchimabhava pariyosānajātiyaṃ **brahmabandhu** brāhmaṇakule jāto ahaṃ ahosinti attho. **Mahābhogaṃ chaḍḍetvānāti** mahantaṃ bhogakkhandham khelaṇḍam iva chaḍḍetvā, **anagāriyaṃ** kasivāṇijjādikkammavirahitaṃ tāpasapabbajjam **pabbajim** paṭipajjinti attho.

Paṭhamabhāṇavāraṇṇanā samattā.

275-7. Ajjhāyako...pe... muniṃ mone samāhitanti monaṃ vuccati ñāṇam, tena monena samannāgato muni, tasmim mone sammā āhitaṃ ṭhapitaṃ samāhitaṃ cittanti attho. Āgusaṅkhātam pāpaṃ na karotīti nāgo, assajitthero, tam mahānāgaṃ suṭṭhu phullaṃ vikasitapadumaṃ yathā virocāmānanti attho.

278-281. Disvā me...pe... pucchituṃ amataṃ padanti uttānatthameva.

282. Vīthintareti vīthiantare **anuppattam** sampattam upagataṃ tam theram **upagantvāna** samīpaṃ gantvā ahaṃ pucchinti sambandho.

284. Kīdisaṃ te mahāvīrāti sakaladhitiपुरिसāsane arahantānamantare paṭhamam dhammacakkapavattane, arahattappattamahāvīra, anujātaparivārabahulatāya **mahāyasa te** tava buddhassa kīdisaṃ **sāsanam dhammam** dhammadesanāsaṅkhātam sāsananti sambandho. **So** bhadrāmukha, **me** mayham **sādhū** bhaddakaṃ sāsanam **kathayassu** kathehīti attho.

285. Tato kathitākāram dassento **so me puṭṭhotiādīmāha**. Tattha **soti** assajitthero, **me** mayā **puṭṭho** “sāsanam kīdisa”nti kathito sabbam katham kathesi. Sabbam sāsanam satthagambhīratāya **gambhīram** desanādhampapaṭivedhagambhīratāya **gambhīram** paramatthasaccavibhāvitādivasena **nipuṇam padaṃ** nibbānaṃ taṇhāsallassa **hantāram** vināsakaram sabbassa saṃsāradukkhasa **apanudanam** khepanakaram dhammanti sambandho.

286. Tena kathitākāram dassento **ye dhammātiādīmāha. Hetuppabhavā** hetuto kāraṇato uppannā jātā bhūtā sañjātā nibbattā abhinibbattā, **ye dhammā** ye sappaccayā sabhāvadhammā santi saṃvijjanti upalabhanṭīti sambandho. **Tesaṃ** dhammānaṃ **hetuṃ** kāraṇam tathāgato **āha** kathesi. **Tesaṅca yo nirodhoti** tesaṃ hetudhammānaṃ yo nirodho nirujjhanasabhāvo, **evaṃvādī mahāsamaṇoti** sīlasamādhīpaññādiguṇaparivāramahantatāya samitapāpattā viddhamsitapāpattā ca mahāsamaṇo bhagavā evaṃvādī hetuvūpasamanādivadanasilō kathetāti attho.

287. Tato vuttadhammaṃ sutvā attanā paccakkhatappakāram dassento **sohantiādīmāha**. Tam uttānameva.

289. Eseva dhammo yaditāvadevāti sacepi ito uttarim natthi, ettakameva idaṃ sotāpattiphalameva pattabbaṃ. Tathā eso eva dhammoti attho. **Paccabyatha** paṭividdhatha tumhe asokaṃ **padaṃ** nibbānaṃ.

Amhehi nāma idaṃ padaṃ bahukehi kappanahutehi aditthameva abbhatītaṃ.

290. Yvāhaṃ dhammaṃ gavesantoti yo ahaṃ dhammaṃ santipadaṃ gavesanto pariyesanto **kutitthe** kucchitatitthe ninditabbatitthe **sañcarim** paribbhaminti attho. **So me attho anuppattoti** so pariyesitabbo attho mayā anupatto sampatto, idāni pana **me** mayhaṃ **nappamajjitum** appamādena bhavitum kāloti attho.

291. Ahaṃ assajinā therena **tosito** katasomanasso, **acalaṃ** niccalaṃ nibbānapadaṃ, **patvāna** pāpuṇitvā **sahāyakaṃ** kolitamāṇavaṃ **gavesanto** pariyesanto assamapadaṃ agamāsinti attho.

292. Dūratova mamaṃ disvāti assamapadato dūratova āgacchantaṃ mamaṃ disvā susikkhito **me** mama sahāyo ṭhānanisajjādiiriyāpathehi **sampanno** samaṅgībhūto **idaṃ** upari vuccamānavacanaṃ **abravi** kathesīti attho.

293. Bho sahāya, **pasannamukhanettāsi** pasanhehi sobhanehi daddallamānehi mukhanettehi samannāgato asi. Munibhāvo iva te **dissati** paññāyati. Itthambhūto tvaṃ **amatādhigato** amataṃ nibbānaṃ adhigato asi, **kacci accutaṃ** nibbānapadaṃ adhigato adhigacchīti pucchāmīti attho.

294. Subhānurūpo āyāsīti subhassa pasannaṇaṇassa anurūpo hutvā āyāsi āgacchasi. **Āneñjakārīto** viyāti tomarādīhi kārīto āneñjo hatthī viya **dantova** tīhi māsehi susikkhito iva bhāhitapāpattā, **brāhmaṇa dantadamatho** sikkhitasikkho nibbānapade upasanto asīti pucchi.

295. Tena puṭṭho **amataṃ mayāti**ādīmāha. Taṃ uttānatthameva.

299. Apariyositasānkappoti “anāgate ekassa buddhassa aggasāvako bhaveyya”nti patthitapatthanāya koṭim appattasānkappoti attho. **Kutitthe** agantabbamagge **ahaṃ sañcarim** paribbhamim. Bhante gotama, lokajettha tava dassanaṃ **āgamma** patvā, **mama saṅkappo** mayhaṃ patthanā **pūrito** arahattamaggādhigamena sāvakaṇāramāṇaṇassa pāpuṇanena pariṇaṇoti adhippāyo.

300. Pathaviyaṃ patiṭṭhāyāti pathaviyaṃ nibbattā **samaye** hemantakāle **pupphanti** vikasanti, **dibbagandhā** sugandhā suṭṭhu **pavanti** pavāyanti, **sabbapāṇinaṃ** sabbe devamanusse **tosenti** somanassayutte karontī yathā.

301. Tathevāhaṃ mahāvīrāti mahāvīriyavantasakyakulapasutamahāparivāra **te** tava sāsane **patiṭṭhāya** ahaṃ patiṭṭhahitvā **pupphitum** arahattamaggañāṇena vikasitum **samayaṃ** kālaṃ **esāmi** gavesāmi tathevāti sambandho.

302. Vimuttipupphanti sabbakilesehi vimuccanato vimocanato vā vimutti arahattaphalavimuttisaṅkhātaṃ pupphaṃ **esanto** gavesanto, tañca kho **bhavasamsāramocanaṃ** kāmabhavādibhavesu saṃsaraṇaṃ gamaṇaṃ bhavasamsāraṃ, tato mocanaṃ bhavasamsāramocanaṃ. **Vimuttipupphalābhenāti** vimuccanaṃ vimuccanti vā katasambhārā etāyāti vimutti, aggaphalaṃ. Pupphanti vikasanti veneyyā etenāti pupphaṃ. Vimutti eva pupphaṃ vimuttipupphaṃ. Labhanaṃ lābho, vimuttipupphassa lābho vimuttipupphalābho. Tena vimuttipupphalābhena adhigamanena **sabbapāṇinaṃ** sabbasatte **tosemi** somanassaṃ pāpemīti attho.

303. “Yāvataṃ buddhakhetamhī”tiādīsu **cakkhuma** pañcahi cakkhūhi cakkhumanta yattake ṭhāne ratanasuttādīnaṃ parittānaṃ āṇā ānubhāvo pavattati, tattake satasahassakoṭicakkavāḷasaṅkhāte buddhakhette **ṭhapetvāna mahāmuniṃ** sammāsambuddhaṃ vajjetvā avasesesu sattesu añño koci **tava puttassa** tuyhaṃ puttana mayā **paññāya sadiso** samo natthīti sambandho. Sesam uttānameva.

308. Paṭipannāti catumaggasamaṅgino ca **phalaṭṭhā** arahattaphale ṭhitā ca **sekhā phalasmaṅgino** heṭṭhimehi tīhi phalehi samannāgatā ca ete aṭṭha ariyabhikkhū, **uttamatthaṃ** nibbānaṃ **āsīsakā** gavesakā,

taṃ paññavantam **parivārenti sadā** sabbakālaṃ sevanti bhajanti payirupāsantīti attho.

310. Kāyavedanācittadhammānupassanāsāṅkhātānaṃ catunnaṃ satipaṭṭhānānaṃ **kusalā** chekā satisambojjhaṅgādīnaṃ sattannaṃ sambojjhaṅgānaṃ **bhāvanāyavaḍḍhanāya ratā** allīnā.

314

. **Uḷurājāva** tārakarājā iva ca sobhasi.

315. Rukkhapabbataratanasattādayo dhāretīti dharaṇī, dharaṇiyaṃ ruhā sañjātā vaḍḍhitā cāti **dharaṇīruhā** rukkḥā. Pathaviyaṃ patiṭṭhāya **ruhanti** vaḍḍhanti vuddhiṃ virūḷhiṃ āpajjanti. **Vepullataṃ** vipulabhāvaṃ paripūrabhāvaṃ **pāpuṇanti, te** rukkḥā kamena **phalaṃ dassayanti** phaladhārino honti.

317-9. Punapi bhagavantameva thomento **sindhu sarassatī**tiādīmāha. Tattha sindhuvādi nāma gaṅgā ca sarassatī nāma gaṅgā ca nandiyagaṅgā ca candabhāgāgaṅgā ca gaṅgā nāma gaṅgā ca yamunā nāma gaṅgā ca sarabhū nāma gaṅgā ca mahī nāma gaṅgā ca. **Sandamānānaṃ** gacchantīnaṃ **etāsaṃ** gaṅgānaṃ **sāgarova** samuddo eva **sampaṭicchati** paṭiggaṇhāti dhāreti. Tadā etā sabbagaṅgā **purimaṃ nāmaṃ** sindhuvādigagaṅgāyādikaṃ purimaṃ nāmapaññattivohāraṃ **jahanti** chaḍḍenti **sāgaroteva** sāgaro iti eva **ñāyati** pākaṭā bhavati yathā. **Tatheva** tathā eva **ime catubbaṇṇā** khattiyabrāhmaṇavessasuddasāṅkhātā cattāro kulā **tavantike** tava antike samīpe **pabbajitvā** pattakāsāyacīvaradhārino paricarantā **purimaṃ nāmaṃ** khattiyādināmadheyyaṃ paññattivohāraṃ **jahanti** cajanti, **buddhaputtāti** buddhassa orasāti **ñāyare** pākaṭā bhaveyyuṃ.

320-4. **Cando** candamaṇḍalo abbhā mahikā rajo dhumo rāhūti pañcahi upakkilesehi virahitattā **vimalo** vigatamalo nimmalo, **ākāsadhātuyā** ākāsaḡabbhe **gacchaṃ** gacchanto, **sabbe** tārakasamūhe ābhāya maddamāno loka **atirocanti** daddallati yathā. **Tatheva** tathā eva tvaṃ...pe....

325-7. **Udake jātā** udake saṃvaḍḍhā kumudā mandālakā ca **bahū** saṅkhātikkantā, **toyena** udakena kaddamakalalena ca **upalimpanti** allīyanti yathā, tatheva **bahukā sattā** aparimāṇā sattā loka **jātā** saṃvaḍḍhā rāgena ca dosena ca **aṭṭitā** bandhitā **virūhare** viruhanti. Kaddame kumudaṃ yathā viruhati sañjāyati. **Kesarīti** padumaṃ.

329-30. **Rammake māseti** kattikamāse “komudiyā cātumāsiniyā”ti vuttattā. **Vārijā** padumapupphādayo **bahū** pupphā **pupphanti** vikasanti, **taṃ māsaṃ** taṃ kattikamāsaṃ nātivattanti vārijāti sambandho. **Samayo pupphanāya** soti so kattikamāso pupphanāya vikasanāya samayo kāloti attho. Yathā pupphanti tatheva tvaṃ, sakyaputta, **pupphito** vikasito asi. **Pupphito te vimuttiyāti** te tuyhaṃ sissā katasambhārā bhikkhū vimuttiyā arahattaphalañāṇena pupphito vikasito. Yathā vārijaṃ padumaṃ pupphanasamayaṃ nātikkamati, tathā te sāsanaṃ ovādānusāsaniṃ **nātivattanti** nātikkamantīti attho.

333-4. **Yathāpi selo himavāti** himavā nāma selamayapabbato. **Sabbapāṇinaṃ** sabbesaṃ byādhītānaṃ sattānaṃ **osadho** osadhavanto sabbanāgānaṃ sabbaasurānaṃ sabbadevānañca **ālayo** agārabhūto yathā, tatheva tvaṃ, mahāvīra, sabbapāṇinaṃ jarābyādhimaraṇādīhi pamocanato osadho viya. Yathā so himavā nāgādīnaṃ ālayo, tathā tevijjāya ca chaḷabhiññāya ca iddhiyā ca **pāramiṃ** pariyoṣānaṃ **gatā** pattā tvaṃ nissāya vasantīti sambandho. Heṭṭhā vā upari vā upamāupameyyavasena gāthānaṃ sambandhanayā suviññeyyāva.

342. **Āsayānusayaṃ ñatvāti** ettha āsayoti ajjhāsayo cariyā, anusayoti thāmagatakilesa. “Ayaṃ rāgacarito, ayaṃ dosacarito, ayaṃ mohacarito”tiādīnā āsayāñca anusayaṃ kilesapavattīñca jānitvāti attho. **Indriyānaṃ balābalanti** saddhindriyādīnaṃ pañcannaṃ indriyānaṃ tikkhindriyo mudindriyo svākāro dvākāro suviññāpayo duviññāpayoti evaṃ balābalaṃ jānitvā. **Bhabbābhabbe viditvānāti** “mayā desitaṃ dhammaṃ paṭivijjhitaṃ ayaṃ puggalo bhabbo samattho, ayaṃ puggalo abhabbo”ti viditvā paccakkhaṃ katvā, bhante, sabbaññu tvaṃ cātuddīpikamahāmegho viya dhammadesanāsīhanādena abhītanādena **gajjasi**

sakalaṃ cakkavāḷaṃ ekaninnādaṃ karosi.

343-4. Cakkavāḷapariyantāti samantā cakkavāḷagabbhaṃ pūretvā parisā nisinnā bhaveyya. Te evaṃ nisinnā **nānādiṭṭhī** anekadassanagāhino vivadamānā dvelhakajātā vivadanti, taṃ tesam **vimaticchedanāya** dubuddhichindanathāya **sabbesam** sattānaṃ **cittamaññāya** cittācāraṃ ñatvā **opammakusalo** upamāupameyyesu dakkho tvaṃ, muni, **ekaṃ pañhaṃ kathentova** ekeneva pañhakathanena sakalacakkavāḷagabbhe nisinnānaṃ pañīnaṃ **vimatim** saṃsayam **chindasi** nikkankham karotīti attho.

345. Upadisasadisehevāti ettha udakassa upari dissanti pākaṭā hontīti upadisā, sevālā. Upadisehi sadisā upadisadisā, manussā. Yathā hi upadisā sevālā udakaṃ adissamānaṃ katvā tassupari pattharivā ṭhitā hontī, tathā **vasudhā** pathavī tehi upadisadisahi eva manussehi nirantaram pattharivā ṭhitehi pūritā bhaveyya. Te sabbeva pathaviṃ pūretvā ṭhitā manussā **pañjalikā** sirasi añjaliṃ paggaḥitā **kittayum lokanāyakam** lokanāyakassa buddhassa guṇam katheyyum.

346. Te sabbe devamanussā **kappam vā** sakalaṃ kappam **kittayantā** guṇam kathentāpi **nānāvaññehi** nānappakārehi guṇehi kittayum. Tathāpi te sabbe **parimetum** guṇapamānaṃ kathetum **na pappeyyum** na sampāpuṇeyyum na sakuṇeyyum. **Appameyyo tathāgato** sammāsambuddho aparimeyyo guṇātireko. Etena guṇamahantataṃ dīpeti.

347. Sakena thāmena attano balena heṭṭhā upamāupameyyavasena **jino** jitakilesa buddho **mayā kittito** thomito yathā ahoṣi, evameva sabbe devamanussā kappakoṭīpi kappakoṭisatepi **kittentā pakittayum** katheyyunti attho.

348. Punapi guṇānaṃ appamānataṃ dīpetum **sace hi koci devo vātiādīmāha. Pūritam parikaḍḍheyyā**ti mahāsamudde pūritaudakaṃ samantato ākaḍḍheyya. **So** puggalo **vighātam** dukkhameva labheyya pāpuṇeyyāti attho.

350. Vattemi jinasāsananti jinena bhāsitaṃ sakalaṃ piṭakattayaṃ vattemi pavattemi rakkhāmīti attho. **Dhammasenāpatī**ti dhammena paññāya bhagavato catuparisasaṅkhātāya parisāya pati padhānoti dhammasenāpati. **Sakyaputtassa** bhagavato sāsane **ajja** imasmiṃ vattamānakāle cakkavattirañño jeṭṭhaputto viya sakalaṃ buddhasāsanam pālemīti attho.

352-3. Attano saṃsāraparibbhamam dassento **yo koci manujo bhārantiādīmāha. Yo koci manujo mānuso bhāram** sīsabhāram **matthake** sīse ṭhapetvā **dhāreyya** vaheyya, **sadā** sabbakālam so manujo tena **bhārena dukkhito** pīḷito atibhūto **assa** bhaveyya. Bhāro bharitabhāro bharito atīva bhārito. **Tathā** tena pakārena aham rāgaggidosaggimohaggisaṅkhātehi tīhi aggīhi ḍayhamāno, **giriṃ uddharito yathā** mahāmerupabbataṃ uddharivā ukkipitvā sīse ṭhapito **bhavabhārena** bhavasamsāruppattibhārena, **bharito dukkhito** bhavesu **samsariṃ** paribbhaminti sambandho.

354. Oropito ca me bhāroti idāni pabbajitakālato paṭṭhāya so bhavabhāro mayā oropito nikkhitto. **Bhavā ugghāṭitā mayā**ti sabbe nava bhavā mayā viddhamsitā. **Sakyaputtassa** bhagavato sāsane yaṃ **karaṇīyam** kattabbaṃ maggaṭipāṭiyā kilesaviddhamsanakammaṃ atthi, taṃ sabbaṃ mayā katanti attho.

355. Puna attano viṣesaṃ dassento **yāvatā buddhakhettamhītiādīmāha. Tattha yāvatā** yattake dasahassacakkavāḷasaṅkhāte buddhakhette **sakyapuṅgavam** sakyakulaḥeṭṭhakaṃ bhagavantaṃ ṭhapetvā avasesasattesu kocipi paññāya **me** mayā samo natthīti dīpeti. Tenāha – “aham aggomhi paññāya, sadiso me na vijjatī”ti.

356. Puna attano ānubhāvam pakāsento **samādhimhītiādīmāha. Taṃ** suviññeyyameva.

360. Jhānavimokkhānakhippapaṭilābhīti paṭhamajjhānādīnaṃ jhānānaṃ lokato vimuccanato “vimokkha”nti saṅkham gatānaṃ aṭṭhannaṃ lokuttaravimokkhānaṃca khippalābhī sīgham pāpuṇātīti attho.

362. Evaṃ mahānubhāvassāpi attano sabrahmacārīsu gāravabahumānataṃ pakāsentō **uddhatavisovātī**ādīmāha. Tattha **uddhataviso** uppāṭitaghoraviso sappo iva **chinnavisānova** chinditasīṅgo usabho iva ahaṃ idāni **nikkhattamānadappova** chaḍḍitagottamadādīmānadappova **gaṇaṃ** saṅghassa santikaṃ **garugāravena** ādarabahumānena **upemi** upagacchāmi.

363. Idāni attano paññāya mahattataṃ pakāsentō **yadirūpinī**ādīmāha. Evarūpā me mahatī paññā arūpinī samānā yadi rūpinī bhaveyya, tadā me mama paññā **vasupatīnaṃ** pathavissarānaṃ rājūnaṃ **sameyya** samā bhaveyyāti adhippāyo. Evaṃ attano paññāya mahattabhāvaṃ dassetvā tato pubbenivāsānussatiñāṇena pubbe kammaṃ saritvā **anomadassissī**ādīmāha. Tattha anomadassissa bhagavato mayā katāya ñāṇathomanāya phalaṃ etaṃ mama paññāmahattanti attho.

364. Pavattitaṃ dhammacakkanti ettha cakka-saddo panāyaṃ “catucakkayāna”ntiādīsu vāhane vattati. “Pavattite ca pana bhagavatā dhammacakke”tiādīsu (mahāva. 17; saṃ. ni. 5.1081) desanāyaṃ. “Cakkaṃ vattaya sabbapāṇina”ntiādīsu (jā. 1.7.149) dānamayapuññakiriyāyaṃ. “Cakkaṃ vatteti ahoratta”ntiādīsu iriyāpathe. “Icchāhatassa posassa, cakkaṃ bhamati matthake”tiādīsu (jā. 1.1.104; 1.5.103) khuracakke “rājā cakkavattī cakkānubhāvena vattanako”tiādīsu (itivu. 22; dī. ni. 1.258) ratanacakke. Idha panāyaṃ desanāyaṃ. **Tādinā** tādiguṇasamannāgatena **sakyaputtēna** gotamasambuddhena **pavattitaṃ** desitaṃ piṭakattayasāṅkhātaṃ **dhammacakkaṃ** ahaṃ **sammā** aviparītena **anuvattēmi** anugantvā vattēmi, desemi desanaṃ karomi. **Idaṃ** anuvattanaṃ desitassa anugantvā pacchā desanaṃ purimabuddhānaṃ katāya ñāṇathomanāya phalanti sambandho.

365. Tato sappurisūpanissayayonisomanasikārādipuññaphalaṃ dassentō **mā me kadāci** **pāpicchoti**ādīmāha. Tattha **pāpiccho** lāmakāya icchāya samannāgato pāpacārī puggalo ca ṭhānanisajjādīsu vattapaṭivattakaraṇe **kusīto** ca jhānasamādhimaggabhāvanādīsu **hīnavīriyo** ca ganthadhuravipassanādhuravirahitattā **appassuto** ca ācariyupajjhāyādīsu ācāravirahitattā **anācāro** ca puggalo **kadāci** kāle **katthaci** ṭhāne **me** mayā saha **sameto** samāgato **mā ahu** mā bhavatūti sambandho.

366. Bahussutoti pariyattapaṭivedhavasena duvidho bahussuto ca puggalo. **Medhāvīti** medhāya paññāya samannāgato ca. **Sīlesu susamāhitoti** catupārisuddhisīlamaggasampayuttasīlaaṭṭhaṅguposathasīlādīsu suṭṭhu āhito ṭhapitacitto ca. **Cetosamathānuyuttoti** cittassa ekībhāvamanuyutto ca puggalo. **Api muddhani tiṭṭhatu** evarūpo puggalo mayhaṃ muddhani sirasi api tiṭṭhatūti attho.

367. Attano laddhaphalānisamsaṃ vatvā tatthaññe niyojento **taṃ vo vadāmi bhaddantē**tiādīmāha. Taṃ suviññeyyameva.

368-9. Yamahanti yaṃ assajittheraṃ ahaṃ **paṭhamaṃ** ādimhi disvā sotāpattimaggapaṭilābhena sakkāyadiṭṭhādīnaṃ kilesānaṃ pahīnattā **vimalo** malarahito **ahum** ahoṣi, **so** assajitthero **me** mayhaṃ **ācariyo** lokuttaradhammasikkhāpako ahum. Ahaṃ tassa savanāya anusāsanena ajja dhammasenāpati ahum. **Sabbattha** sabbesu guṇesu **pāramiṃ patto** pariyosānaṃ patto **anāsavo** nikkilesō viharāmi.

370. Attano ācariye sagāraṃ dassentō **yo me ācariyoti**ādīmāha. **Yo** assaji nāma thero satthu sāvako **me** mayhaṃ ācariyo **āsi** ahoṣi, **so** thero **yassaṃ disāyaṃ** yasmaṃ disābhāge vasati, ahaṃ taṃ disābhāgaṃ **ussīsamhi** sīsūparibhāge karomīti sambandho.

371. Tato attano ṭhānantarappattabhāvaṃ dassentō **mama kammanti**ādīmāha. **Gotamo** bhagavā **sakyapuṅgavo** sakyakulaketu sabbāññūtaññāṇena mama pubbe katakammaṃ **sarivāna** ñatvā bhikkhusaṅghamaṃjhe nisinna **aggaṭṭhāne** aggasāvakaṭṭhāne maṃ ṭhapesīti sambandho.

374. Atthapaṭisambhidā, dhammapaṭisambhidā, niruttapaṭisambhidā, paṭibhānapaṭisambhidāti imā catasso paṭisambhidā ca, tāsamaṃ bhedo **paṭisambhidāmagge** (paṭi. ma. 1.76; vibha. 718) vuttoyeva. Catumaggacatuphalavasena vā rūpārūpajhānavasena vā aṭṭha vimokkhā saṃsāravimuccanadhammā ca

iddhividhādayo cha abhiññāyo ca **sacchikatā** paccakkham katā. **Kataṃ buddhassa sāsanaṃ** buddhassa anusīṭṭhi ovādasāṅkhātaṃ sāsanaṃ kataṃ arahattamaggañāṇena nipphādanti attho.

Itthaṃ sudanti ettha **itthanti** nidassanatthe nipāto, iminā pakārenāti attho. Tena sakalasāriputtāpadānaṃ nidasseti. **Sudanti** padapūraṇe nipāto. **Āyasmāti** garugāravādhivacanaṃ. **Sāriputtoti** mātu nāmasena katanāmadheyyo therō. **Imā gāthāyoti** imā sakalā sāriputtattherāpadānagāthāyo abhāsi kathesi. **Itisaddo** parisamāpanatthe nipāto, sakalaṃ sāriputtāpadānaṃ niṭṭhanti attho.

Sāriputtattheraapadānavaṇṇanā samattā.

3-2. Mahāmogallānattheraapadānavaṇṇanā

Anomadassī bhagavātyādikaṃ āyasmato moggallānattherassa apadānaṃ. Ayañca therō purimabuddhesu katādhikāro tattha tattha bhava vivaṭṭūpanissayāni puññāni upacinanto anomadassissa bhagavato kāletiādi sāriputtattherassa dhammasenāpatino vatthumhi vuttameva. Thero hi pabbajitadivasato paṭṭhāya sattame divase magadharaṭṭhe kallavālagāmakamaṃ upanissāya samaṇadhammaṃ karonto thinamiddhe okkamante satthārā “moggallāna, mā tuccho tava vāyāmo”tiādinā saṃvejito thinamiddham vinodetvā bhagavatā vuccamānaṃ dhātukammaṭṭhānaṃ suṇanto eva vipassanāpaṭipāṭiyā uparimaggattayaṃ adhigantvā aggaphalakkhaṇe sāvakañāṇassa matthakaṃ pāpuṇi.

375. Evaṃ dutiyasāvaka bhāvaṃ patvā āyasmā mahāmogallānatthero attano pubbakammaṃ saritvā somanassavasena pubbacariyaṃ apadānaṃ pakāsento **anomadassī bhagavāti**ādīmāha. Tattha na omaṃ alāmakamaṃ dassanaṃ passanaṃ assāti anomadassī. Tassa hi dvattimsamahāpurisalakkhaṇapaṭimaṇḍitasarīrattā sakalaṃ divasaṃ sakalaṃ māsaṃ sakalaṃ saṃvaccharaṃ saṃvaccharasatasahassampi passantānaṃ devamanussānaṃ attikkamaṃ dassananti, anomaṃ alāmakamaṃ nibbānaṃ dassanasīloti vā “anomadassī”ti laddhanāmo bhāgyavantatādīhi kāraṇehi bhagavā. **Lokajetṭhoti** sakalasattalokassa jetṭho padhāno. Āsabhasadisattā āsabho, narānaṃ āsabho **narāsabho**. So lokajetṭho narāsabho anomadassī bhagavā **devasaṅghapurakkhato** devasamūhehi parivārito. Himavantamhi vihāsīti sambandho.

376. Yadā dutiyasāvaka bhāvāya dutiyavāre patthanaṃ akāsi, tadā nāmena varuṇo nāma ahaṃ nāgarājā hutvā nibbato ahosinti attho. Tena vuttaṃ – “varuṇo nāma nāmena, nāgarājā ahaṃ tadā”ti. **Kāmarūpīti** yadicchitakāmanimmānasīlo. **Vikubbāmīti** vividhaṃ iddhivikubbanāṃ karomi. **Mahodadhini vāsahanti** mañjerikā nāgā, bhūmigatā nāgā, pabbataṭṭhā nāgā, gaṅgāvaheyyā nāgā, sāmuddikā nāgāti imesaṃ nāgānaṃ antare sāmuddikanāgo ahaṃ mahodadhimhi samudde nivāsiṃ, vāsaṃ kappesinti attho.

377. **Saṅgaṇiyaṃ gaṇaṃ hitvāti** niccaparivārabhūtaṃ sakaparivāraṃ nāgasamūhaṃ hitvā vinā hutvā. **Tūriyaṃ paṭṭhapesahanti** ahaṃ tūriyaṃ paṭṭhapesiṃ, vajjāpesinti attho. **Sambuddhaṃ parivāretvāti** anomadassīsambuddhaṃ samantato sevamānā **accharā** nāgamāṇavikā **vādesuṃ** dibbavādehi gītā vākyādīhi vādesuṃ laddhānurūpato vajjesuṃ tadāti attho.

378. **Vajjamānesu tūresūti** manussanāgatūriyesu pañcaṅgikesu vajjamānesu. **Devā tūrāni vajjayanti** cātumahārājikā devā dibbatūriyāni vajjiṃsu vādesunti attho. **Ubhinnaṃ saddaṃ sutvānāti** ubhinnaṃ devamanussānaṃ bherisaddaṃ sutvā. Tilokagarusamānopi buddho **sampabujjhatha** jānāti suṇātīti attho.

379. **Nimantetvāna sambuddhanti** sasāvaka saṅghaṃ sambuddhaṃ svātanāya nimantetvā parivāretvā. **Sakabhavananti** attano nāgabhavanaṃ upāgamiṃ. Gantvā ca **āsanaṃ paññāpetvānāti** rattitṭhānavāṭṭhānakuṭimaṇḍapasayanānisīdanatṭhānāni paññāpetvā sajjetvāti attho. **Kālamārocayaṃ ahanti** evaṃ katapubbavidhāno ahaṃ “kālo, bhante, niṭṭhitaṃ bhatta”nti kālaṃ ārocayaṃ viññāpesiṃ.

380. **Khīṇāsavasahasēhīti** tadā so bhagavā arahantasahasēhi parivuto lokanāyako sabbā disā

obhāsento me bhavanaṃ **upāgami** sampattoti attho.

381. Attano bhavanaṃ pavittḥaṃ bhagavantaṃ bhojanākāraṃ dassento **upavittḥaṃ mahāvīra**ntiādīmāha. Taṃ suviññeyyameva.

386. Okkākakulasambhavoti okkākarañño paramparāgatarājakule uppanno sakalajambudīpe pākatarājakule uppanno vā **gottena** gottavasena gotamo nāma sathā manussaloke bhavissati.

388. So pacchā pabbajitvānāti so nāgarājā pacchā pacchimabhavhe **kusalamūlena** puññasambhārena **codito** uyyojito sāsane pabbajitvā gotamassa bhagavato dutiyo aggasāvako hessatīti byākaraṇamakāsi.

389. Āraddhavīriyoti tḥānanisajjādīsu iriyāpathesu vīriyavā. **Pahitattoti** nibbāne pesitacitto. **Iddhiyā pāramiṃ gatoti** “etadaggaṃ, bhikkhave, mama sāvakaṇaṃ bhikkhūnaṃ iddhimantānaṃ yadidaṃ mahāmogallāno”ti (a. ni. 1.180, 190) adhiṭṭhānidhivikubbaniddhikammavipākajiddhiādīsu pāramiṃ pariyoṣānaṃ gato patto. **Sabbāsaveti ā** samantato savanato pavattanato “āsavā”ti laddhanāme kāmabhavadiṭṭhiavijjādhamme sabbe **pariññāya** samantato aññāya jānitvā pajahitvā **anāsavo** nikkilesa. **Nibbāyissatīti** kilesakhandhaparinnibbānena nibbāyissatīti sambandho.

390. Evaṃ thero attano puññavasena laddhabyākaraṇaṃ vatvā puna pāpacariyaṃ pakāsento **pāpamittopanissāyā**ntiādīmāha. Tattha **pāpamitte** pāpake lāmake mitte **upanissāya** nissaye katvā tehi saṃsaggo hutvāti attho.

Tatrāyamanupubbī kathā – ekasmiṃ samaye titthiyā sannipatitvā mantesaṃ – “jānāthāvuso, kena kāraṇena samaṇassa gotamassa lābhasakkāro mahā hutvā nibbatta”ti? “Na jānāma”. “Tumhe pana na jānāthā”ti? “Āma, jānāma” – moggallānaṃ nāma ekaṃ bhikkhuṃ nissāya uppanno. So hi devalokaṃ gantvā devatāhi katakammaṃ pucchitvā āgantvā manussānaṃ kathesi – “idaṃ nāma katvā evarūpaṃ sampattim labhanti”ti. Niraye nibbattānampi kammaṃ pucchitvā āgantvā manussānaṃ kathesi – “idaṃ nāma katvā evarūpaṃ dukkhaṃ anubhavanti”ti. Manussā tassa kathaṃ sutvā mahantaṃ lābhasakkāraṃ abhiharanti. Sace taṃ māretuṃ sakkhissāma, so lābhasakkāro amhākaṃ nibbattissati, attheso upāyoti sabbe ekacchanda hutvā “yamkiñci katvā taṃ māressāmā”ti attano upaṭṭhāke samādapetvā kahāpaṇasahassaṃ labhitvā purisaghātake core pakkosāpetvā “mahāmogallānatthero nāma samaṇassa gotamassa sāvako kāḷasilāyaṃ vasati, tumhe tattha gantvā taṃ mārethā”ti tesam taṃ sahassaṃ adamsu. Corā dhanalābhena sampañcchitvā “theraṃ māressāmā”ti gantvā tassa vasanaṭṭhānaṃ parivāresuṃ. Thero tehi parikkhittabhāvaṃ ñatvā kuñcickacchiddena nikkhamitvā pakkāmi. Corā taṃ divasaṃ theraṃ adisvā punekadivasaṃ tassa vasanaṭṭhānaṃ parikkhipiṃsu. Thero ñatvā kaṇṇikāmaṇḍalaṃ bhinditvā ākāsaṃ pakkhandi. Evaṃ te paṭhamamāsepi, majjhimamāsepi theraṃ gahetuṃ nāsakkhiṃsu. Pacchimamāse pana sampatte thero attanā katakammaṃ ākaḍḍhanabhāvaṃ ñatvā na apagacchi. Corā taṃ paharantā taṇḍulakamattāni aṭṭhīni karontā bhindiṃsu. Atha naṃ “mato”ti saññāya ekasmiṃ gumbapiṭṭhe khipitvā pakkamiṃsu.

Thero, “sathāraṃ passitvā vanditvāva parinnibbāyissāmī”ti attabhāvaṃ jhānaveṭṭhanena veṭṭhetvā ākāseṇa sathu santikaṃ gantvā sathāraṃ vanditvā “bhante, parinnibbāyissāmī”ti āha. “Parinnibbāyissasi, moggallānā”ti? “Āma, bhante”ti. “Kattha gantvā parinnibbāyissasī”ti? “Kāḷasilāpadesaṃ, bhante”ti. “Tena hi, moggallāna, mayhaṃ dhammaṃ kathetvā yāhi. Tādisassa hi me sāvakassa na dāni dassanaṃ atthī”ti. So “evaṃ karissāmi, bhante”ti sathāraṃ vanditvā ākāsaṃ uppatitvā sārīputtatthero viya parinnibbānadivase nānappakārā iddhiyo katvā dhammaṃ kathetvā sathāraṃ vanditvā kāḷasilāpadesaṃ gantvā parinnibbāyi. “Theraṃ kira corā māresu”nti ayaṃ kathā sakalajambudīpe patthari.

Rājā ajātasattu core pariyesanattāya carapurise payojesi. Tesu coresu surāpāne suraṃ pivantesu maddesu eko ekassa piṭṭhiṃ paharitvā pātesi. So taṃ santajjento “ambho dubbīnīta tvam, kasmā me piṭṭhiṃ paharitvā pātesi, kiṃ pana, are duṭṭhacora, tayā mahāmogallānatthero paṭhamamā pahato”ti āha. “Kiṃ pana tvam mayā paṭhamamā pahatabhāvaṃ na jānāsī”ti? Evaṃ etesaṃ “mayā pahato, mayā pahato”ti

vadantānaṃ sutvā te carapurisā sabbe te core gahetvā rañño ārocesuṃ. Rājā te core pakkosāpetvā pucchi – “tumhehi thero mārīto”’ti? “Āma, devā”’ti. “Kehi tumhe uyyojitā”’ti? “Naggasamaṇehi, devā”’ti. Rājā pañcasate naggasamaṇe gāhāpetvā pañcasatehi corehi saddhiṃ rājaṅgaṇe nābhipamaṇesu āvātesu nikhaṇāpetvā palālehi paṭicchādetvā aggim dāpesi. Atha nesam jhāmabhāvaṃ jānitvā ayaṅgalehi kasāpetvā sabbe khaṇḍākhaṇḍaṃ kārāpesi. Tadā bhikkhū dhammasabhāyaṃ katham samuṭṭhāpesuṃ – “mahāmogallānatthero attano ananurūpamaṇaṃ patto”’ti. Sathā āgantvā “kāya nuttha, bhikkhave, etarahi kathāya sannisinnā”’ti pucchitvā “imāya nāma, bhante”’ti vutte “mogallānassa, bhikkhave, imasseva attabhāvasa ananurūpaṃ maraṇaṃ, pubbe pana tena katakammaṃ anurūpamevā”’ti vatvā “kiṃ panassa, bhante, pubbakamma”’nti puṭṭho taṃ vitthāretvā kathesi.

Atīte, bhikkhave, bārāṇasiyaṃ eko kulaputto sayameva koṭṭanapacanādīni karonto mātāpitaro paṭijaggi. Athassa mātāpitaro “tāta, tvaṃ ekakova gehe ca araṇṇe ca kammaṃ karonto kilamasi, ekaṃ te kumārīkaṃ ānessāmā”’ti vatvā “ammatātā, yāva tumhe jīvatha, tāva vo sahatthā upaṭṭhahissāmī”’ti tena paṭikkhittāpi punappunaṃ yācitvā kumārīkaṃ ānesuṃ. Sā katipāhameva te upaṭṭhahitvā pacchā tesam dassanamapi anicchantī – “na sakkā tava mātāpītūhi saddhiṃ ekaṭṭhāne vasitu”’nti ujjhāyitvā tasmim attano katham aggaṇhante tassa bahigatakāle makacivākakhaṇḍāni ca yāgupheṇake ca gahetvā tattha tattha ākiritvā tenāgantvā “kiṃ ida”’nti puṭṭhā “imesam mahallakaandhānaṃ etaṃ kammaṃ, sabbaṃ gehaṃ kiliṭṭhā karontā vicaranti, na sakkā etehi saddhiṃ ekaṭṭhāne vasitu”’nti evaṃ tāya punappunaṃ kathiyamānāya evarūpopi pūritapāramī satto mātāpītūhi saddhiṃ bhijji. So “hotu, jānissāmi nesam kattabbakamma”’nti te bhojetvā “ammatātā, asukaṭṭhāne nāma tumhākaṃ nātakā āgamaṇaṃ paccāsīanti, tattha gamissāmā”’ti te yānakaṃ āropetvā ādāya gacchanto aṭavimajjhaṃ pattakāle “tāta, rasmiyo gaṇhatha, goṇā daṇḍasaññāya gamissanti, imasmim ṭhāne corā vasanti, ahaṃ otarivā carāmī”’ti pitu hatthe rasmiyo datvā otarivā gacchanto saddaṃ parivattetvā corānaṃ uṭṭhitasaddamakāsi. Mātāpitaro saddaṃ sutvā “corā uṭṭhitā”’ti saññāya “tāta, corā uṭṭhitā, mahallakā mayaṃ, tvaṃ attānameva rakkhāhī”’ti āhaṃsu. So mātāpitaro viravantepi corasaddaṃ karonto koṭṭetvā māretvā aṭaviyaṃ khipitvā paccāgami.

Sathā idam tassa pubbakammaṃ kathetvā “bhikkhave, mogallāno ettakaṃ kammaṃ katvā anekavassasatasahassāni niraye paccitvā tāva pakkāvasesena attabhāvasate evameva koṭṭetvā samcuṇṇo maraṇaṃ patto, evaṃ mogallānena attano kammānurūpameva maraṇaṃ laddhaṃ. Pañcahi corasatehi saddhiṃ pañcatitthiyasatānīpi mama puttaṃ appaduṭṭhaṃ dussetvā anurūpameva maraṇaṃ labhiṃsu. Appaduṭṭhesu hi padussanto dasahi kāraṇehi anayabyasanaṃ pāpuṇātiyevā”’ti anusandhiṃ ghaṭetvā dhammaṃ desento imā gāthā abhāsi –

“Yo daṇḍena adaṇḍesu, appaduṭṭhesu dussati;
Dasannamaññataraṃ ṭhānaṃ, khippameva nigacchati.

“Vēdanaṃ pharusam jāniṃ, sarīrassa va bhēdanaṃ;
Garukaṃ vāpi ābādhaṃ, cittakkhepaṃ va pāpuṇe.

“Rājato vā upasaggaṃ, abbhakkhānaṃ va dāruṇaṃ;
Parikkhayaṃ va ñātīnaṃ, bhogaṇaṃ va pabhaṅgaṇaṃ.

“Athavassa agārāni, aggi ḍahati pāvako;
Kāyassa bhēdā duppañño, nirayaṃ sopapajjati”’ti. (dha. pa. 137-140);

393. Pavivekamanuyuttoti pakārena vivekaṃ ekībhāvaṃ anuyutto yojito yuttappayutto. **Samādhībhāvanāratoti** paṭhamajjhānādībhāvanāya rato allīno ca. **Sabbāsava** sakalakilese, **pariññāya** jānitvā pajahitvā, **anāsavo** nikkileso viharāmīti sambandho.

394. Idāni attano puññasambhāravasena pubbacaritassa phalaṃ dassento **dharāṇimpi sugambhīrantiādīmāha.**

Tatrāyamanupubbīkathā – **buddhena coditoti sammāsambuddhena codito uyyojito.**

Bhikkhusaṅghassa pekkhatoti mahato bhikkhusaṅghassa passantassa. Migāramātipāsādaṃ, pādaṅguṭṭhena kampayīti pubbārāme visākhāya mahāupāsikāya kārītaṃ sahaṣṣatthambhapaṭimaṇḍitaṃ mahāpāsādaṃ attano pādaṅguṭṭhena kampesiṃ. Ekasmiñhi samaye pubbārāme yathāvuttapāsāde bhagavati viharante sambahulā navakatarā bhikkhū uparipāsāde nisinnā satthārampi acintetvā tiracchānakathaṃ kathetumāraddhā. Taṃ sutvā bhagavā te saṃvejetvā attano dhammadesanāya bhājanabhūte kātukāmo āyasmantaṃ mahāmoggallānattheraṃ āmantesi – ‘passasi tvam, moggallāna, nave bhikkhū tiracchānakathamanuyutte’ ti taṃ sutvā therō satthu ajjhāsayaṃ ñatvā abhiññāpādaṃ āpokasiṅārammaṇaṃ catutthajjhānaṃ samāpajjitvā vuṭṭhāya ‘pāsādassa patiṭṭhitokāsaṃ udakaṃ hotū’ ti adhiṭṭhāya pāsādamatthake thupikaṃ pādaṅguṭṭhena pahari, pāsādo onamitvā ekena passena aṭṭhāsi. Punapi pahari, aparenapi passena aṭṭhāsi. Te bhikkhū bhītā saṃviggā pāsādassa patanabhayena tato nikkhamitvā bhagavato samīpe aṭṭhaṃsu. Satthā tesam ajjhāsayaṃ oloketvā dhammaṃ desesi. Taṃ sutvā tesu keci sotāpattiphale patiṭṭhahimsu, keci sakadāgāmiṃphale, keci anāgāmiṃphale, keci arahattaphale patiṭṭhahimsu. Svāyamattho pāsādakampanasuttēna dīpetabbo.

Vejayantapāsādanti so vejayantapāsādo tāvatīṃsabhavane yojanasahassubbedho anekasahassaniyyūhakūṭāgārapaṭimaṇḍito devāsurasāṅgāme asure jinitvā sakke devānaminde nagaramajjhe ṭhite uṭṭhito vijayantena nibbattatā ‘vejayanto’ ti laddhanāmo pāsādo, taṃ sandhāyāha – ‘vejayantapāsāda’ nti, tampi ayaṃ therō pādaṅguṭṭhena kampeti. Ekasmiñhi samaye bhagavantaṃ pubbārāme viharantaṃ sakko devarājā upasaṅkamitvā taṇhāsāṅkhayavimuttiṃ pucchi. Tassa bhagavā vissajjesi. So taṃ sutvā attamano pamudito abhivādetvā padakkhiṇaṃ katvā attano devalokameva gato. Athāyasmā mahāmoggallāno evaṃ cintesi – ‘ayaṃ sakko bhagavantaṃ upasaṅkamitvā evarūpaṃ gambhīranibbānapaṭisaṃyuttaṃ pañhaṃ pucchi, bhagavatā ca pañho vissajjito, kiṃ nu kho jānitvā gato, udāhu ajānitvā. Yaṃnūnāhaṃ devalokaṃ gantvā tamatthaṃ jāneyya’ nti? So tāvadeva tāvatīṃsabhavanaṃ gantvā sakkam devānamindaṃ tamatthaṃ pucchi. Sakko dibbasampattiyā pamatto hutvā vikkhepaṃ akāsi. Thero tassa saṃvegajananatthaṃ vejayantapāsādaṃ pādaṅguṭṭhena kampesi. Tena vuttaṃ –

‘Yo vejayantapāsādaṃ, pādaṅguṭṭhena kampayī;
Iddhibalenupatthaddho, saṃvejesi ca devatā’ ti. (ma. ni. 1.513);

Ayaṃ panattho – cūlatanāhāsāṅkhayavimuttisuttēna (ma. ni. 1.390 ādayo) dīpetabbo. Kampitākāro heṭṭhā vuttōyeva. ‘Sakkaṃ so paripucchati’ ti (ma. ni. 1.513) yathāvuttameva therassa taṇhāsāṅkhayavimuttipuccham sandhāya vuttaṃ. Tenāha – ‘apāvuso, jānāsi, taṇhakkhayavimuttiyo’ ti? Tassa sakko viyākāsi. Idaṃ therena pāsādakampāne kate saṃviggahadayena pamādaṃ pahāya yoniso manasi karitvā pañhassa byākatabhāvaṃ sandhāya vuttaṃ. Satthārā desitaniyāmeneva hi so tadā kathesi. Tenāha – ‘pañhaṃ puṭṭho yathātatha’ nti (ma. ni. 1.513). Tattha **sakkaṃ so paripucchati** ti sakkam devarājāṃ mahāmoggallānatthero satthārā desitāya taṇhāsāṅkhayavimuttiyā sammadeva gahitabhāvaṃ pucchi. Atītatthe hi idaṃ vattamānavacanaṃ. **Apāvuso, jānāsīti** āvuso, api jānāsi, kiṃ jānāsi? **Taṇhakkhayavimuttiyo** ti (ma. ni. 1.513) taṇhāsāṅkhayavimuttiyo satthārā tuyhaṃ desitā, tathā ‘kiṃ jānāsī’ ti pucchati. Taṇhakkhayavimuttiyo vā taṇhāsāṅkhayavimuttisuttassa desanaṃ pucchati.

Brahmānanti mahābrahmānaṃ. **Sudhammāyābhito sabhanti** (ma. ni. 1.513) sudhammāya sabhāya. Ayaṃ pana brahmaloke sudhammā sabhā, na tāvatīṃsabhavane. Sudhammāsabhāvīrahito devaloko nāma natthi. ‘Ajjāpi te, āvuso, sā diṭṭhi, yā te diṭṭhi pure ahū’ ti imaṃ brahmalokaṃ upagantaṃ samattho natthi koci samaṇo vā brāhmaṇo vā. Satthu idhāgamanato pubbe yā tuyhaṃ diṭṭhi ahosi, kiṃ ajjāpi idānipi sā diṭṭhi na vigaṭāti? **Passasi vītivattantaṃ brahmaloke pabhassaranti** brahmaloke vītipatantaṃ mahākappinamahākassapādīhi sāvakehi parivāritassa tejjodhātuṃ samāpajjitvā nisinnassa sasāvakassa bhagavato okāsaṃ passasīti attho. Ekasmiñhi samaye bhagavā brahmaloke sudhammāya sabhāya sannipatitvā sannisinnassa ‘atthi nu kho koci samaṇo vā brāhmaṇo vā evaṃmahiddhiko, so idha āgantaṃ sakkūneyyā’ ti cintentassa brahmuno cittamaññāya tattha gantvā brahmuno matthake ākāse nisinno tejjodhātuṃ samāpajjitvā obhāsaṃ muñcanto mahāmoggallānādīnaṃ āgamaṃ cintesi. Saha cintanena tepi tattha gantvā satthāraṃ vanditvā satthu ajjhāsayaṃ ñatvā tejjodhātuṃ samāpajjitvā paccakadisāsu nisīditvā obhāsaṃ vissajjesuṃ. Sakalabrahmaloko ekobhāso ahosi. Satthā brahmuno kallacittantaṃ ñatvā

catusaccapakāsanam dhammam desesi. Desanāpariyosāne anekāni brahmasahassāni maggaphalesu patitṭhahimsu. Tam sandhāya codento **ajjāpi te, āvuso, sā diṭṭhīti** gāthamāha. Ayaṃ panattho bakabrahmasuttena (saṃ. ni. 1.175) dīpetabbo. Vuttam hetam (saṃ. ni. 1.176) –

“Ekaṃ samayaṃ bhagavā sāvattiyaṃ viharati jetavane anāthapiṇḍikassa ārāme. Tena kho pana samayena aññatarassa brahmuno evarūpaṃ pāpakaṃ diṭṭhigataṃ uppannaṃ hoti – ‘natthi samaṇo vā brāhmaṇo vā yo idha āgaccheyyā’ ti. Atha kho bhagavā tassa brahmuno cetasā cetoparivitakkamaññāya seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya; evameva jetavane antarahito tasmim brahmaloke pāturahosi. Atha kho bhagavā tassa brahmuno uparivehāsaṃ pallaṅkena nisīdi tejodhātuṃ samāpajjitvā.

“Atha kho āyasmato mahāmogallānassa etadahosi ‘kahaṃ nu kho bhagavā etarahi viharatī’ ti? Addasa kho āyasmā mahāmogallāno bhagavantaṃ dibbena cakkhunā visuddhena atikkantamānusakena tassa brahmuno uparivehāsaṃ pallaṅkena nisinnaṃ tejodhātuṃ samāpannaṃ. Disvāna seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya; evameva jetavane antarahito tasmim brahmaloke pāturahosi. Atha kho āyasmā mahāmogallāno puratthimaṃ disaṃ nissāya tassa brahmuno uparivehāsaṃ pallaṅkena nisīdi tejodhātuṃ samāpajjitvā nīcataraṃ bhagavato.

“Atha kho āyasmato mahākassapassa etadahosi – ‘kahaṃ nu kho bhagavā etarahi viharatī’ ti? Addasa kho āyasmā mahākassapo bhagavantaṃ dibbena cakkhunā visuddhena atikkantamānusakena tassa brahmuno uparivehāsaṃ pallaṅkena nisinnaṃ tejodhātuṃ samāpannaṃ. Disvāna seyyathāpi nāma balavā puriso...pe... evameva jetavane antarahito tasmim brahmaloke pāturahosi. Atha kho āyasmā mahākassapo dakkhiṇaṃ disaṃ nissāya tassa brahmuno uparivehāsaṃ pallaṅkena nisīdi tejodhātuṃ samāpajjitvā nīcataraṃ bhagavato.

“Atha kho āyasmato mahākappinassa etadahosi – ‘kahaṃ nu kho bhagavā etarahi viharatī’ ti? Addasa kho āyasmā mahākappino bhagavantaṃ dibbena cakkhunā visuddhena atikkantamānusakena tassa brahmuno uparivehāsaṃ pallaṅkena nisinnaṃ tejodhātuṃ samāpannaṃ. Disvāna seyyathāpi nāma balavā puriso...pe... evameva jetavane antarahito tasmim brahmaloke pāturahosi. Atha kho āyasmā mahākappino pacchimaṃ disaṃ nissāya tassa brahmuno uparivehāsaṃ pallaṅkena nisīdi tejodhātuṃ samāpajjitvā nīcataraṃ bhagavato.

“Atha kho āyasmato anuruddhassa etadahosi – ‘kahaṃ nu kho bhagavā etarahi viharatī’ ti? Addasa kho āyasmā anuruddho bhagavantaṃ dibbena cakkhunā visuddhena atikkantamānusakena tassa brahmuno uparivehāsaṃ pallaṅkena nisinnaṃ tejodhātuṃ samāpannaṃ. Disvāna seyyathāpi nāma balavā puriso...pe... evameva jetavane antarahito tasmim brahmaloke pāturahosi. Atha kho āyasmā anuruddho uttaraṃ disaṃ nissāya tassa brahmuno uparivehāsaṃ pallaṅkena nisīdi tejodhātuṃ samāpajjitvā nīcataraṃ bhagavato’.

Atha kho āyasmā mahāmogallāno taṃ brahmānaṃ gāthāya ajjhabhāsi –

“Ajjāpi te āvuso sā diṭṭhī, yā te diṭṭhī pure ahu;
Passasi vītivattantaṃ, brahmaloke pabhassara’ nti.

“Na me mārīsa sā diṭṭhī, yā me diṭṭhī pure ahu;
Passāmi vītivattantaṃ, brahmaloke pabhassaraṃ;
Svāhaṃ ajja kathaṃ vajjaṃ, ahaṃ niccomhi sassato’ ti.

“Atha kho bhagavā taṃ brahmānaṃ saṃvejetvā seyyathāpi nāma balavā puriso...pe... evameva tasmim brahmaloke antarahito jetavane pāturahosi. Atha kho so brahmā aññataraṃ brahmapārisajjaṃ āmantesi – ‘ehi tvaṃ, mārīsa, yenāyasmā mahāmogallāno tenupasaṅkama, upasaṅkamitvā āyasmantaṃ mahāmogallānaṃ evaṃ vadehi – ‘atthi nu kho, mārīsa moggallāna,

aññepi tassa bhagavato sāvakā evaṃmahiddhikā evaṃmahānubhāvā seyyathāpi bhavaṃ moggallāno kassapo kappino anuruddho’ti? ‘Evaṃ, mārīsā’ti kho so brahmapārisajjo tassa brahmuno paṭissutvā yenāyasmā mahāmoggallāno tenupasaṅkami, upasaṅkamitvā āyasmantaṃ mahāmoggallānaṃ etadavoca – ‘atthi nu kho, mārīsa moggallāna, aññepi tassa bhagavato sāvakā evaṃmahiddhikā evaṃmahānubhāvā seyyathāpi bhavaṃ moggallāno kassapo kappino anuruddho’ti? Atha kho āyasmā mahāmoggallāno taṃ brahmapārisajjaṃ gāthāya ajjhabhāsi –

“Tevijjā iddhipattā ca, cetopariyāyakovidā;
Khīṇāsavā arahanto, bahū buddhassa sāvakā”ti.

“Atha kho so brahmapārisajjo āyasmato mahāmoggallānassa bhāsitaṃ abhinanditvā anumoditvā yena so brahmā tenupasaṅkami, upasaṅkamitvā taṃ brahmānaṃ etadavoca – ‘āyasmā mārīsa mahāmoggallāno evamāha –

““Tevijjā iddhipattā ca, cetopariyāyakovidā;
Khīṇāsavā arahanto, bahū buddhassa sāvakā””ti. –

Idamavoca so brahmapārisajjo. Attamano ca so brahmā tassa brahmapārisajjassa bhāsitaṃ abhinandīti (saṃ. ni. 1.176).

Idaṃ sandhāya vuttaṃ – “ayaṃ panattho bakabrahmasuttēna dīpetabbo”ti.

Mahāneruno kūṭanti (ma. ni. 1.513) kūṭasīsenā sakalameva sinerupabbatarājaṃ vadasi. **Vimokkhena apassayīti** (ma. ni. 1.513) jhānavimokkhena nissayena abhiññāyena passayīti adhippāyo. **Vananti** (ma. ni. 1.513) jambudīpaṃ. So hi vanabāhullatāya “vana”nti vutto. Tenāha “jambumaṇḍassa issaro”ti. **Pubbavidehānanti** (ma. ni. 1.513) pubbavidehaṭṭhānañca pubbavidehanti attho. **Ye ca bhūmisayā narāti** (ma. ni. 1.513) bhūmisayā narā nāma aparagoyānauttarakurukā ca manussā. Te hi gehābhāvato “bhūmisayā”ti vuttā. Tepi sabbe apassayīti sambandho. Ayaṃ panattho nandopanandadamanena dīpetabbo – ekasmiṃ kira samaye anāthapiṇḍiko gahapati bhagavato dhammadesanaṃ sutvā “sve, bhante, pañcahi bhikkhusatehi saddhiṃ mayhaṃ gehe bhikkhaṃ gaṇhathā”ti nimantetvā pakkāmi. Taṃdivasañca bhagavato paccūsasamaye dasasahassilokadhātuṃ olokentassa nandopanando nāma nāgarājā nānamukhe āpāthaṃ āgacchi. Bhagavā “ayaṃ nāgarājā mayhaṃ nānamukhe āpāthaṃ āgacchatī, kiṃ nu kho bhavissatī”ti āvajjento saraṇagamanassa upanissayaṃ disvā “ayaṃ micchādīṭṭhiko tīsu ratanesu appasanno, ko nu kho imaṃ micchādīṭṭhiko vimoceyyā”ti āvajjento mahāmoggallānattheraṃ addasa. Tato pabhātāya rattiyā sarīrapaṭijagganaṃ katvā āyasmantaṃ ānandaṃ āmantesi – “ānanda, pañcannaṃ bhikkhusatānaṃ ārocehi – ‘tathāgato devacārikaṃ gacchatī”ti. Taṃdivasañca nandopanandassa āpānabhūmiṃ sajjayiṃsu. So dibbaratanapallaṅke dibbena setacchattēna dhāriyamāno tividhanāṭṭakehi ceva nāgaparīsāya ca parivuto dibbabhājanesu upaṭṭhāpitaannapānaṃ olokayamāno nisinno hoti. Atha kho bhagavā yathā nāgarājā passati, tathā katvā tassa vimānamatthakeneva pañcahi bhikkhusatehi saddhiṃ tāvatīmsadevalokābhimukho pāyāsi.

Tena kho pana samayena nandopanandassa nāgarājassa evarūpaṃ pāpakaṃ dīṭṭhigataṃ uppannaṃ hoti “ime hi nāma muṇḍasamaṇakā amhākaṃ uparibhavanena devānaṃ tāvatīmsānaṃ bhavanaṃ pavisantipi nikkhamantipi, na dāni ito paṭṭhāya imesaṃ amhākaṃ matthake pādapaṃsuṃ okirantānaṃ gantaṃ dassāmī”ti utṭhāya sinerupādaṃ gantvā taṃ attabhāvaṃ vijahitvā sineruṃ sattakkhattuṃ bhogehi parikkhipitvā upari phaṇaṃ katvā tāvatīmsabhavanaṃ avakujjena phaṇena pariggahetvā adassanaṃ gamesi.

Atha kho āyasmā raṭṭhapālo bhagavantaṃ etadavoca – “pubbe, bhante, imasmiṃ padese ṭhito sineruṃ passāmi, sineruparibhaṇḍaṃ passāmi, tāvatīmsaṃ passāmi, vejayantaṃ passāmi, vejayantassa pāsādassa uparidhajaṃ passāmi. Ko nu kho, bhante, hetu ko paccayo, yaṃ etarahi neva sineruṃ passāmi...pe... na vejayantassa pāsādassa uparidhajaṃ passāmī”ti. “Ayaṃ, raṭṭhapāla, nandopanando nāma nāgarājā tumhākaṃ kupito sineruṃ sattakkhattuṃ bhogehi parikkhipitvā upari phaṇaṃ paṭicchādetvā andhakāraṃ katvā ṭhito”ti. “Damemi naṃ, bhante”ti. Na bhagavā naṃ anujāni. Atha kho āyasmā bhaddiyo, āyasmā

rāhuloti anukkamena sabbepi bhikkhū uttṭhahimsu. Bhagavā anujāni.

Avasāne mahāmoggallānatthero – “ahaṃ, bhante, damemi na”nti āha. “Damehi, moggallānā”ti bhagavā anujāni. Thero attabhāvaṃ vijahitvā mahantaṃ nāgarājavanaṃ abhinimminivā nandopanandaṃ cuddasakkhattuṃ bhogehi parikkhipitvā tassa phaṇamatthake attano phaṇaṃ tṭhapetvā sinerunā saddhiṃ abhinippīlesi. Nāgarājā dhūmāyi. Theropi “na tuyhaṃyeva sarīre dhūmo atthi, mayhampi atthi”ti dhūmāyi. Nāgarājassa dhūmo theram na bādhati, therassa pana dhūmo nāgarājaṃ bādhati. Tato nāgarājā pajjali, theropi “na tuyhaṃyeva sarīre aggi atthi, mayhampi atthi”ti pajjali. Nāgarājassa tejo theram na bādhati, therassa pana tejo nāgarājānaṃ bādhati. Nāgarājā – “ayaṃ maṃ sinerunā abhinippīletvā dhūmāyati ceva pajjalati cā”ti cintetvā “bho, tuvaṃ kosi”ti paṭipucchi. “Ahaṃ kho, nanda, moggallāno”ti. “Bhante, attano bhikkhubhāvena tiṭṭhāhi”ti.

Thero taṃ attabhāvaṃ vijahitvā tassa dakkhiṇakaṇṇasotena pavisitvā vāmakaṇṇasotena nikkhami, vāmakaṇṇasotena pavisitvā dakkhiṇakaṇṇasotena nikkhami. Tathā dakkhiṇanāsasotena pavisitvā vāmanāsasotena nikkhami, vāmanāsasotena pavisitvā dakkhiṇanāsasotena nikkhami. Tato nāgarājā mukhaṃ vivari, thero mukhena pavisitvā antokucchiyaṃ pācīnena ca pacchimena ca caṅkamati. Bhagavā – “moggallāna, manasi karohi, mahiddhiko nāgo”ti āha. Thero “mayhaṃ kho, bhante, cattāro iddhipādā bhāvitā bahulikātā yānikātā vatthukatā anuṭṭhitā paricitā susamāraddhā, tiṭṭhatu, bhante, nandopanando, ahaṃ nandopanandasadisānaṃ nāgarājānaṃ satampi sahasampi dameyya”ntiādimāha.

Nāgarājā cintesi – “pavisanto tāva me na diṭṭho, nikkhamanakāle dāni naṃ dāthantare pakkhipitvā khādisāmī”ti cintetvā “nikkhamatha, bhante, mā maṃ antokucchiyaṃ aparāparaṃ caṅkamanto bādhayitthā”ti āha. Thero nikkhamitvā bahi aṭṭhāsi. Nāgarājā “ayaṃ so”ti disvā nāsavātaṃ vissajji, thero catutthajjhānaṃ samāpajji, lomakūpampissa vāto cāletuṃ nāsakkihi. Avasesā bhikkhū kira ādito paṭṭhāya sabbapāṭihāriyāni kātuṃ sakuṇeyyūṃ, imaṃ pana tṭhānaṃ patvā evaṃ khippanisantino hutvā samāpajjituṃ na sakkhissantīti nesaṃ bhagavā nāgarājādanaṃ nānujāni.

Nāgarājā “ahaṃ imassa samaṇassa nāsavātena lomakūpampi cāletuṃ nāsakkihi, mahiddhiko so samaṇo”ti cintesi. Thero attabhāvaṃ vijahitvā supaṇṇarūpaṃ abhinimminivā supaṇṇavātaṃ dassento nāgarājānaṃ anubandhi. Nāgarājā taṃ attabhāvaṃ vijahitvā māṇavakavaṇṇaṃ abhinimminivā “bhante, tumhākaṃ saraṇaṃ gacchāmī”ti vadanto therassa pāde vandi. Thero “sathā, nanda, āgato, ehi gamissāmā”ti nāgarājānaṃ dametvā nibbisaṃ katvā gahetvā bhagavato santikaṃ agamāsi. Nāgarājā bhagavantaṃ vanditvā “bhante, tumhākaṃ saraṇaṃ gacchāmī”ti āha. Bhagavā “sukhī hohi, nāgarājā”ti vatvā bhikkhusaṅghaparivuto anāthapiṇḍikassa nivesanaṃ agamāsi.

Anāthapiṇḍiko “kiṃ, bhante, atidivā āgatathā”ti āha. “Moggallānassa ca nandopanandassa ca saṅgāmo aho”ti. “Kassa pana, bhante, jayo, kassa parājayo”ti? “Moggallānassa jayo, nandassa parājayo”ti. Anāthapiṇḍiko “adhivāsetu me, bhante, bhagavā sattāhaṃ ekapaṭipāṭiyā bhattaṃ sattāhaṃ therassa sakkāraṃ karissāmī”ti vatvā sattāhaṃ buddhappamukhānaṃ pañcannaṃ bhikkhusatānaṃ mahāsakkāraṃ akāsi. Tena vuttaṃ – “nandopanandadamaṇa dīpetabbo”ti.

Ekasmiṃhi samaye pubbārāme visākhāya mahāupāsikāya kāritasahassagabbhapaṭimaṇḍite pāsāde bhagavati viharante...pe... saṃvejesi ca devatāti. Tena vuttaṃ –

“Dharaṇimpi sugambhīraṃ, bahalaṃ duppadhaṃsiyaṃ;
Vāmaṅguṭṭhena khobheyyaṃ, iddhiyā pāramiṃ gato”ti.

Tattha **iddhiyā pāramiṃ gato**ti vikubbaniddhiādiiddhiyā pariyosānaṃ gato patto.

395. Asmimānanti ahamasmi paññāsīlasamādhisampannotiādi asmimānaṃ **na passāmi** na akkhāmīti attho. Tadeva dīpento **māno mayhaṃ na vijjatīti** āha. **Samaṇere upādāyāti** samaṇere ādiṃ katvā sakale bhikkhusaṅge **garucittaṃ** gāravacittaṃ ādarabahumānaṃ ahaṃ karomīti attho.

396. Aparimeyye ito kappeti ito amhākaṃ uppannakappato antarakappādīhi aparimeyye ekaasaṅkhyeyyassa upari sataśahassakappamattaketi attho. **Yaṃ kammamabhiniharinti** aggasāvaka bhāvaṃ padaṃ puññasampattiṃ pūresiṃ. **Tāhaṃ bhūmimanuppattoti** ahaṃ taṃ sāvaka bhūmiṃ anuppatto āsavakkhaya saṅkhātāṃ nibbānaṃ patto asmi amhīti attho.

397. Atthapaṭisambhidādayo catasso paṭisambhidā sotāpattimaggādayo aṭṭha vimokkhā iddhividhādayo cha abhiññāyo **me** mayā **sacchikatā** paccakkhaṃ katā. **Buddhassa** bhagavato ovādānusāsanāsaṅkhātāṃ **sāsaṇaṃ** mayā **katam** silapaṭipattinipphādanavasena pariyoṣāpitanti attho.

Itthanti iminā pakārena heṭṭhā vuttakkamena. Evaṃ so ekasseva anomadassībuddhassa santike dvikkhattuṃ byākaraṇaṃ labhi. Kathaṃ? Heṭṭhā vuttanayena seṭṭhi hutvā tassa bhagavato santike laddhabyākaraṇo tato cuto sāmuddike nāgabhavane nibbato tasseva bhagavato santike dīghāyukabhāvena upahāraṃ katvā nimantetvā bhojetvā mahāpūjaṃ akāsi. Tadāpi bhagavā byākaraṇaṃ kathesi. **Sudanti** padapūraṇe nipāto. **Āyasmāti** piyavacaṇaṃ garugāravādhivacaṇaṃ. Mahāmogallānatthero imā apadānagāthāyo **abhāsitta** kathesi. **Itīti** parisamāpanatthe nipāto.

Mahāmogallānatthera apadānavaṇṇanā samattā.

3-3. Mahākassapatthera apadānavaṇṇanā

Padumuttarassa bhagavatotyādikaṃ āyasmato mahākassapattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññasambhārāni upacinanto padumuttarabhagavato kāle haṃsavatīnagare vedeḥo nāma asīti koṭivibhavo kuṭumbiko ahoṣi. So buddhamāmaḥ, dhammamāmaḥ, saṅghamāmaḥ, upāsako hutvā viharanto ekasmiṃ uposathadivase pātova subhojanaṃ bhuñjitvā uposathaṅgāni adhiṭṭhāya gandhapupphādīni gahetvā vihāraṃ gantvā sathhāraṃ pūjetvā vanditvā ekamantaṃ nisīdi.

Tasmiṃca khaṇe sathhā mahānisabhattheraṃ nāma tatiyasāvakaṃ “etadaggaṃ, bhikkhave, mama sāvakaṇaṃ bhikkhūnaṃ dhutavādānaṃ yadidaṃ nisabho”ti etadagge ṭhapesi. Upāsako taṃ sutvā pasanno dhammakathāvasāne mahājane uṭṭhāya gate sathhāraṃ vanditvā “sve, bhante, mayhaṃ bhikkhaṃ adhivāsethā”ti nimantesi. “Mahā kho, upāsaka, bhikkhusaṅgho”ti. “Kittako, bhante”ti? “Aṭṭhasaṭṭhibhikkhusatasahassa”nti. “Bhante, ekaṃ sāmaṇerampi vihāre asesetvā mayhaṃ bhikkhaṃ gaṇhathā”ti. Sathhā adhivāsesi. Upāsako satthu adhivāsaṇaṃ ñatvā geḥaṃ gantvā mahādānaṃ sajjetvā punadivase satthu kālaṃ ārocāpesi. Sathhā pattacīvaramādāya bhikkhusaṅghaparivuto upāsakassa gharaṃ gantvā paññattāsane nisinnō dakkhiṇodakāvasāne yāguādīni sampaṭicchanto bhattavissaggaṃ akāsi. Upāsakopi satthu santike nisīdi.

Tasmiṃ antare **mahānisabhatthero** piṇḍāya caranto tameva vīthiṃ paṭipajji. Upāsako disvā uṭṭhāya gantvā therāṃ vanditvā “pattaṃ, bhante, dethā”ti āha. Thero pattaṃ adāsi. “Bhante, idheva pavisatha, sathhāpi geḥe nisinnō”ti. “Na vaṭṭissati, upāsaka”ti. So therassa pattaṃ gahetvā piṇḍapātassa pūretvā adāsi. Tato therāṃ anugantvā nivatto satthu santike nisīditvā evamāha – “mahānisabhatthero, bhante, ‘sathhāpi geḥe nisinnō’ti vuttepi pavisitūṃ na icchi. Atthi nu kho etassa tumhākaṃ guṇehi atirekaguṇo”ti? Buddhānaṃca vaṇṇamaccherāṃ nāma natthi, tasmā sathhā evamāha – “upāsaka, mayhaṃ bhikkhaṃ āgamayamānā geḥe nisīdāma, so bhikkhu na evaṃ nisīditvā bhikkhaṃ udikkhati. Mayaṃ gāmantasenāsane vasāma, so araññeyeva vasati. Mayaṃ channe vasāma, so abbhokāseyeva vasatī”ti bhagavā “ayaṅca ayañcetassa guṇo”ti mahāsamuddaṃ pūrayamāno viya tassa guṇaṃ kathesi.

Upāsakopi pakatiyā jalamānadīpo telena āsitto viya suṭṭhutaṃ pasanno hutvā cintesi – “kiṃ mayhaṃ aññāya sampattiyā, yaṃnūnāhaṃ anāgate ekassa buddhassa santike dhutavādānaṃ aggabhāvathāya patthanaṃ karissāmi”ti. So punapi sathhāraṃ nimantetvā teneva niyāmena satta divase mahādānaṃ datvā sattame divase buddhappamukhassa mahābhikkhusaṅghassa ticīvarāni datvā satthu pādāmūle nipajjitvā evamāha – “yaṃ me, bhante, satta divase dānaṃ dentassa mettaṃ kāyakammaṃ

mettaṃ vacīkammaṃ mettaṃ manokammaṃ paccupaṭṭhitaṃ, imināhaṃ na aññaṃ devasampattiṃ vā sakkamārabrahmasampattiṃ vā patthemī, idaṃ pana me kammaṃ anāgate ekassa buddhassa santike mahānisabhattherena pattaṭṭhānantaraṃ pāpuṇanattāya terasadhutaṅgadharaṇaṃ aggabhāvassa adhikāro hotū”ti. Satthā “mahantaṃ ṭhānaṃ iminā patthitaṃ, samijjhissati nu kho, no”ti olokeno samijjhanabhāvaṃ disvā āha – “manāpaṃ te ṭhānaṃ patthitaṃ, anāgate satahassakappāvasāne gotamo nāma buddho uppajjissati, tassa tvaṃ tatiyasāvako mahākassapatthero nāma bhavissasi”ti byākāsi. Taṃ sutvā upāsako “buddhānaṃ dve kathā nāma natthī”ti punadivase pattaṭṭhaṃ viya taṃ sampattiṃ amaññittha. So yāvātāyukaṃ dānaṃ datvā sīlaṃ samādāya rakkhivā nānappakāraṃ puññakammaṃ katvā kālaṃkatvā sagge nibbatti.

Tato paṭṭhāya devamanussesu sampattiṃ anubhavanto ito ekanavutikappe vipassisammāsambuddhe bandhumatīnagaraṃ upanissāya khome migadāye viharante devalokā cavitvā aññatarasmiṃ pariṇṇābrāhmaṇakule nibbatti. Tasmīṃca kāle vipassī bhagavā sattame saṃvacchare dhammaṃ kathesi, mahantaṃ kolāhalaṃ ahoṣi. Sakalajambudīpe devatā “satthā dhammaṃ kathessati”ti ārocesuṃ. Brāhmaṇo taṃ sāsanaṃ assosi. Tassa nivāsanasāṭako ekoyeva, tathā brāhmaṇiyā. Pārūpanaṃ pana dvinnampi ekameva. So sakalanagare “ekasātakabrāhmaṇo”ti paññāyi. So brāhmaṇo kenacideva kiccena brāhmaṇānaṃ sannipāte sati brāhmaṇiṃ gehe ṭhapetvā sayāṃ taṃ vatthaṃ pārūpitvā gacchati, brāhmaṇīnaṃ sannipāte sati sayāṃ gehe acchati, brāhmaṇī taṃ vatthaṃ pārūpitvā gacchati. Tasmīṃ pana divase so brāhmaṇiṃ āha – “bhoti, kiṃ tvaṃ rattiṃ dhammaṃ suṇissasi, udāhu divā”ti? “Sāmi, ahaṃ mātuḡāmo bhīrukajātikā rattiṃ sotuṃ na sakkomi, divā sossamī”ti taṃ brāhmaṇaṃ gehe ṭhapetvā taṃ vatthaṃ pārūpitvā upāsikāhi saddhiṃ vihāraṃ gantvā satthāraṃ vanditvā ekamantaṃ nisinnā dhammaṃ sutvā upāsikāhi saddhiṃ agamāsi. Atha brāhmaṇo taṃ gehe ṭhapetvā taṃ vatthaṃ pārūpitvā vihāraṃ gato.

Tasmīṃca samaye satthā parisamajjhe alaṅkatadhammāsane nisinno cittabṭjanīṃ gahetvā ākāsaḡaṅgaṃ otārento viya sineruṃ manthaṃ katvā sāgaraṃ nimmanthento viya ca dhammakathaṃ kathesi. Brāhmaṇassa parisapariyantena nisinnassa dhammaṃ suṇantassa paṭhamayāmeveva sakalasarīraṃ pūrayamānā pañcavaṇṇā pīti uppajji. So pārūtavatthaṃ saṅgharivā “dasabalassa dassamī”ti cintesi. Athassa ādīnavasahassaṃ dassayamānaṃ maccheraṃ uppajji. So “brāhmaṇiyā tuyhaṅca ekameva vatthaṃ, aññaṃ kiñci pārūpanaṃ nāma natthi, apārūpitvā bahi vicarituṃ na sakkomi”ti sabbathāpi adātukāmo ahoṣi. Athassa nikkhante paṭhame majjhimayāmeti tatheva pīti uppajji. So tatheva cintetvā tatheva adātukāmo ahoṣi. Athassa majjihime yāme nikkhante pacchimayāmepe tatheva pīti uppajji. Tadā so maccheraṃ jinitvā vatthaṃ saṅgharivā satthu pādāmūle ṭhapesi. Tato vāmahatthaṃ ābhujitvā dakkhiṇena hatthena apphoṭetvā “jitaṃ me, jitaṃ me”ti tikkhattuṃ nadi.

Tasmīṃ samaye bandhumā rājā dhammāsanaṃ pacchato antosāṇiyaṃ nisinno dhammaṃ suṇāti. Rañña ca nāma “jitaṃ me”ti saddo amanāpo hoti. Rājā purisaṃ āṇāpesi “gaccha, bhāṇe, etaṃ puccha – ‘kiṃ so vadatī’”ti? Brāhmaṇo tenāgantvā pucchito “avasesā hatthiyānādīni āruya asicammādīni gahetvā parasenaṃ jinanti, na taṃ acchariyaṃ. Ahaṃ pana pacchato āgacchantassa kūṭaḡoṇassa muggarena sīsaṃ bhinditvā taṃ palāpento viya maccheracittaṃ jinitvā pārūtavatthaṃ dasabalassa adāsiṃ, taṃ me jitaṃ maccheraṃ acchariya”nti āha. So āgantvā taṃ pavattiṃ rañña ārocesi. Rājā “amhe, bhāṇe, dasabalassa anurūpaṃ na jānāma, brāhmaṇo jānāti”ti tassa pasīditvā vatthayugaṃ pesesi. Taṃ disvā brāhmaṇo cintesi – “rājā mayhaṃ tuṅhī nisinnassa paṭhamāṃ kiñci adatvā satthu ḡuṇe kathentassa adāsi, satthu ḡuṇe paṭicca idaṃ uppannaṃ, satthuyeva anucchavīka”nti tampi vatthayugaṃ dasabalassa adāsi. Rājā “kiṃ brāhmaṇena kata”nti pucchitvā “tampi tena vatthayugaṃ tathāḡatasseva dinna”nti sutvā aññānīpi dve vatthayugāni pesesi, so tānīpi satthu adāsi. Puna rājā ‘aññānīpi cattārī’ti evaṃ vatvā yāva evaṃ dvattiṃsa vatthayugāni pesesi. Atha brāhmaṇo “idaṃ vaḡḡhetvā vaḡḡhetvā gahaṇaṃ viya hotī”ti attano atthāya ekaṃ, brāhmaṇiyā ekanti dve vatthayugāni gahetvā, tiṃsa yugāni tathāḡatasseva adāsi. Tato paṭṭhāya ca so satthu vissāsiko jāto.

Atha taṃ rājā ekadivasaṃ sītasamaye satthu santike dhammaṃ suṇantaṃ disvā satahassagghanaḡaṃ attano pārūtaṃ rattakambalaṃ datvā āha – “ito paṭṭhāya imaṃ pārūpitvā dhammaṃ suṇāhī”ti. So “kiṃ me iminā kambalena imasmiṃ pūtikāye upanītenā”ti cintetvā antogandhakuṭiyaṃ tathāḡatassa mañcassa uparī vitānaṃ katvā agamāsi. Athekadivasaṃ rājā pātova vihāraṃ gantvā antogandhakuṭiyaṃ satthu santike

nisīdi. Tasmim̄ khaṇe chabbannā buddharasmiyo kambale paṭihaññanti, kambalo ativiya virocittha. Rājā ullokento sañjānitvā āha – “amhākaṃ, bhante, esa kambalo, amhehi ekasāṭakabrāhmaṇassa dinno”ti. “Tumhehi, mahārāja, brāhmaṇo pūjito, brāhmaṇena mayaṃ pūjitā”ti. Rājā “brāhmaṇo yuttaṃ aññāsi, na maya”nti pasīditvā yaṃ manussānaṃ upakārabhūtaṃ, taṃ sabbaṃ aṭṭhaṭṭhakaṃ katvā sabbaṭṭhakaṃ nāma dānaṃ datvā purohitaṭṭhāne ṭhapesi. Sopi “aṭṭhaṭṭhakaṃ nāma catusaṭṭhi hotī”ti catusaṭṭhisalākabhattāni upaṭṭhapetvā yāvajivaṃ dānaṃ datvā sīlaṃ rakkhitvā tato cuto sagge nibbatti.

Puna tato cuto imasmim̄ kappe bhagavato koṇāgamanassa bhagavato kassapassa cāti dvinnaṃ antare bārāṇasiyaṃ kuṭumbiyakule nibbatta. So vaḍḍhimanvāya gharāvāsaṃ vasanto ekadivasaṃ araññe jaṅghavihāraṃ vicarati. Tasmim̄ca samaye paccekabuddho nadītīre cīvarakammaṃ karonto anuvāte appahonte saṅgharivā ṭhabetumāraddho. So taṃ disvā “kasmā, bhante, saṅgharivā ṭhaphethā”ti āha. “Anuvāto nappahotī”ti. “Iminā, bhante, karothā”ti uttarisāṭakaṃ datvā “nibbattanibbattaṭṭhāne me kaci hāni mā hotū”ti patthanaṃ akāsi.

Gharepissa bhaginiyā saddhim̄ bhariyāya kalahaṃ karontiyā paccekabuddho piṇḍāya pāvīsi. Athassa bhaginī paccekabuddhassa piṇḍapātaṃ datvā tassa bhariyaṃ sandhāya – “evarūpaṃ bālaṃ yojanasate parivajjeyya”nti patthanaṃ ṭhapesi. Sā gehaṅgaṇe ṭhitā sutvā “imāya dinnabhataṃ esa mā bhuñjatū”ti pattaṃ gahetvā bhataṃ chaḍḍetvā kalalassa pūretvā adāsi. Itarā disvā “bāle, maṃ tāva akkosa vā pahara vā, evarūpassa pana dve asaṅkhyeyyāni pūritapāramissa paccekabuddhassa pattato bhataṃ chaḍḍetvā kalalaṃ dātuṃ na yutta”nti āha. Athassa bhariyāya paṭisaṅkhānaṃ uppajji. Sā “tiṭṭhatha, bhante”ti kalalaṃ chaḍḍetvā pattaṃ dhovivā gandhacunṇena ubbaṭṭetvā paṇītabhattassa catumadhurassa ca pūretvā upari āsittena padumagabbhavaṇṇena sappinā vijjotamānaṃ pattaṃ paccekabuddhassa hatthe ṭhabetvā “yathā ayaṃ piṇḍapāto obhāsajāto, evaṃ obhāsajātaṃ me sarīraṃ hotū”ti patthanaṃ akāsi. Paccekabuddho anumoditvā ākāsaṃ pakkhandi. Tepi dve jāyampatikā yāvātāyukaṃ ṭhatvā tato cutā sagge nibbattiṃsu. Puna tato cavitvā upāsako kassapasammāsambuddhakāle bārāṇasiyaṃ asītikoṭivibhavasampanne kule nibbatti, itarāpi tādisasseva seṭṭhino dhītā hutvā nibbatti, tassa vayappattassa tameva seṭṭhidhītaraṃ ānayiṃsu. Tassā pubbe aniṭṭhaviṇṇakassa pāpakammaṃ ānubhāvena patikulaṃ pavīṭṭhamattāya ummārantarato paṭṭhāya sakalaṃ gehaṃ ugghāṭitavaccakūpo viya duggandhaṃ jātaṃ. Kumāro “kassāyaṃ gandho”ti pucchitvā “seṭṭhikaññāyā”ti sutvā “nīharatha na”nti tassāyeva kulagharaṃ pesesi. Sā teneva nīhārena sattasu ṭhānesu paṭinivatti.

Tena samayena kassapadasabalo parinibbāyi. Tassa satasahasagghanikāhi suvaṇṇiṭṭhakāhi yojanubbedhaṃ cetiyaṃ ārabhiṃsu. Tasmim̄ cetiye kariyamāne sā seṭṭhidhītā cintesi – “ahaṃ sattasu ṭhānesu paṭinivattā, kiṃ me jīvitena”ti attano ābharaṇabhaṇḍaṃ bhañjāpetvā suvaṇṇiṭṭhakaṃ kāresi ratanāyataṃ vidatthivithiṇṇaṃ caturaṅgulubbedhaṃ. Tato haritālamanosilāpiṇḍaṃ gahetvā aṭṭha uppalapupphahatthake ādāya cetiyakaraṇaṭṭhānaṃ gatā. Tasmim̄ca khaṇe ekā iṭṭhakāpanti parikkhipitvā āgacchamānā ghaṭaniṭṭhakāya ūnā hoti. Seṭṭhidhītā vaḍḍhakiṃ āha “imaṃ me iṭṭhakaṃ ettha ṭhaphethā”ti. “Amma bhaddake, kāle āgatāsi, sayameva ṭhaphethi”ti. Sā āruya telenā haritālamanosilāpiṇḍaṃ yojetvā tena bandhanena iṭṭhakaṃ patiṭṭhapetvā upari aṭṭhahi uppalapupphahatthakehi pūjaṃ katvā vanditvā “nibbattanibbattaṭṭhāne me kāyato candanagandho vāyatu, mukhato uppalaḡandho”ti patthanaṃ katvā cetiyaṃ vanditvā padakkhiṇaṃ katvā gehaṃ agamāsi.

Tasmim̄yeva khaṇe sā yassa seṭṭhiputtassa paṭhamaṃ gehaṃ nītā, tassa taṃ ārabha sati udapādi. Nagarepi nakkhattaṃ saṅghuṭṭhaṃ hoti. So upaṭṭhāke āha “idha ānītā seṭṭhidhītā kuhi”nti? “Kulagehe, sāmī”ti. “Ānetha naṃ, nakkhattaṃ kīḷissāmī”ti. Te gantvā taṃ vanditvā ṭhitā. “Kiṃ, tātā, āgatathā”ti tāya puṭṭhā tassā taṃ pavattiṃ ācikkhiṃsu. “Tātā, mayā ābharaṇabhaṇḍehi cetiyaṃ pūjitaṃ, ābharaṇaṃ me natthi”ti. Te gantvā seṭṭhiputtassa ārocesuṃ. “Ānetha naṃ, piḷandhanaṃ labhissatī”ti. Te taṃ ānayiṃsu. Tassā saha gehapavesanena sakalagehaṃ candanagandho ceva uppalaḡandho ca vāyi. Seṭṭhiputto taṃ pucchi – “bhadda, tava sarīrato paṭhamaṃ duggandho vāyi, idāni pana te sarīrato candanagandho, mukhato uppalaḡandho vāyati, kimeta”nti? Sā ādito paṭṭhāya attanā katakammaṃ ārocesi. Seṭṭhiputto “niyyānikaṃ vata buddhasāsana”nti pasīditvā yojanikaṃ suvaṇṇacetiyaṃ kambalakañcukena paṭicchādetvā tattha tattha rathacakkapamāṇehi suvaṇṇapadumehi alaṅkari. Tesā dvādasahatthā olambakā honti.

So tattha yāvatāyukam ṭhatvā tato cuto sagge nibbattitvā, puna tato cavitvā bārāṇasito yojanamatte ṭhāne aññatarasmim amaccakule nibbatti. Bhariyā panassa devalokato cavitvā rājakule jeṭṭharājadhīta hutvā nibbatti. Tesu vayappattesu kumārassa vasanagāme nakkhattam saṅghuṭṭham. So mātaram āha – “amma, sātakaṃ me dehi, nakkhattam kīḷissāmī”ti. Sā dhotavattam nīharitvā adāsi. “Amma, thūlamida”nti āha. Sā aññaṃ nīharitvā adāsi. So tampi paṭikkhipi. Atha naṃ mātā āha – “tāta, yādise gehe mayaṃ jātā, natthi no ito sukhumatarassa paṭilābhāya puñña”nti. “Tena hi labhanatṭhānaṃ gacchāmi, amma”ti. “Putta, ahaṃ ajjeva tuyhaṃ bārāṇasinagararajjapaṭilābham icchāmī”ti. So mātaram vanditvā “gacchāmi, amma”ti. “Gaccha, tāta”ti. So pana puññaniyāmena nikkhamitvā bārāṇasim gantvā uyyāne maṅgalasilāpaṭṭe sasīsam pārupitvā nipajji. So ca bārāṇasirañño kālaṅkatassa sattamo divaso hoti.

Amaccā rañño sarīrakiccaṃ katvā rājanagaṇe nisīditvā mantayimsu – “rañño ekā dhītāva atthi, putto natthi, arājakaṃ rajjaṃ nassissati, ko rājā bhavitum arahatī”ti? “Tvam hohi, tvam hohī”ti. Purohito āha – “bahuṃ oloketum na vaṭṭati, phussaratham vissajjessāmā”ti. Te kumudavaṇṇe cattāro sindhave yojetvā pañcavidharājakudhabhaṇḍam setacchattañca tasmim ṭhapetvā ratham vissajjetvā pacchato tūriyāni paggaṇhāpesum. Ratho pācīnadvārena nikkhamitvā uyyānābhimukho agamāsi. “Paricayena uyyānābhimukho gacchati, nivattemā”ti keci āhaṃsu. Purohito “mā nivattayitthā”ti āha. Ratho gantvā kumāram padakkhiṇam katvā āruhanasajjo hutvā aṭṭhāsi. Purohito pārupanakaṇṇam apanetvā pādatalāni oloketo “tiṭṭhatu ayaṃ dīpo, dvisahassaparittadīpavāresu catūsu mahādīpesu esa rajjaṃ kāretum yutto”ti vatvā “tūriyāni paggaṇhathā”ti tikkhattum tūriyāni paggaṇhāpeti.

Atha kumāro mukhaṃ vivaritvā oloketo “kena kamma āgatathā”ti āha. “Deva, tumhākaṃ rajjaṃ pāpuṇātī”ti. “Rājā vo kaha”nti? “Devattam gato, sāmī”ti. “Kati divasā atikkantā”ti? “Ajja sattamo divaso”ti. “Putto vā dhītā vā natthī”ti? “Dhītā atthi, deva, putto natthī”ti. “Tena hi karissāmi rajja”nti. Te tāvadeva abhisekamaṇḍapaṃ kāretvā rājadhītaram sabbālaṅkārehi alaṅkaritvā uyyānaṃ ānetvā kumārassa abhisekaṃ akaṃsu. Athassa katābhisekassa satahassagghanakaṃ vattham upanayimsu. So “kimidaṃ, tāta”ti āha. “Nivāsanavattam, devā”ti. “Nanu, tāta, thūla”nti? “Manussaparibhogavatthesu ito mudutaram natthi, devā”ti. “Tumhākaṃ rājā evarūpaṃ nivāsesī”ti? “Āma, devā”ti. “Na maññe puññavā tumhākaṃ rājā”ti “suvaṇṇabhiṅgāram āharatha, labhissāmi vattha”nti suvaṇṇabhiṅgāram āharāpetvā uṭṭhāya hatthe dhovitvā mukhaṃ vikkhāletvā hatthena udakaṃ gahetvā puratthimadisāyaṃ abbhukkiri. Ghanapathaviṃ bhinditvā aṭṭha kapparukkhā uṭṭhahimsu. Puna udakaṃ gahetvā dakkhiṇapacchimaṭṭaradisāyanti evaṃ catūsu disāsu abbhukkiri. Sabbadisāsu aṭṭhaaṭṭhakaṃ katvā dvattimsa kapparukkhā uṭṭhahimsu. So ekaṃ dibbadussaṃ nivāsetvā ekaṃ pārupitvā “nandarañño vijite suttakantikā itthiyo ‘mā suttam kantiṃsū’ti evaṃ bherim carāpethā”ti vatvā chattam ussāpetvā alaṅkatapaṭiyatto hatthikkhandhavaragato nagaram pavisitvā pāsādam abhiruyha mahāsampattim anubhavi.

Evaṃ gacchante kāle devī rañño sampattim disvā “aho vata tapassī”ti kāruññākāram dassesi. “Kimidaṃ, devī”ti puṭṭhā “atimahatī, deva, te sampatti, atīte buddhānaṃ saddahitvā katakalyāṇassa phalaṃ, idāni anāgatassa paccayaṃ puññaṃ na karoṭhā”ti āha. Kassa dassāma, silavanto natthīti. “Asuñño, deva, jambudīpo arahantehi; tumhe, deva, dānaṃ sajjetha, ahaṃ arahante lacchāmī”ti āha. Punadivase rājā pācīnadvāre dānaṃ sajjāpesi. Devī pātova uposathaṅgāni adhiṭṭhāya uparipāsāde puratthābhimukhā urena nipajjitvā “sace etissāya disāya arahanto atthi, sve āgantvā amhākaṃ bhikkhaṃ gaṇhantū”ti āha. Tassaṃ disāyaṃ arahanto nāhesum, taṃ sakkāram kapaṇayācakānaṃ adamsu.

Punadivase dakkhiṇadvāre sajjitvā tatheva dakkhiṇeyyaṃ nālattha, punadivasepi pacchimadvāre tatheva. Uttaradvāre sajjitadivasena pana deviyā tatheva nimantenyā himavante vasantānaṃ padumavatiyā puttānaṃ pañcasatānaṃ paccekabuddhānaṃ jeṭṭhako mahāpadumapaccekabuddho bhātike āmantesi – “mārisā, nandarājā tumhe nimanteti, adhivāsetha tassā”ti. Te adhivāsetvā punadivase anottattadahe mukhaṃ dhovitvā ākāsenaṅgantvā uttaradvāre otarimsu. Manussā disvā gantvā “pañcasatā, deva, paccekabuddhā āgatā”ti rañño ārocesum. Rājā saddhim deviyā gantvā vanditvā paccekabuddhe pāsādam āropetvā tatra nesaṃ dānaṃ datvā bhattakiccāvasāne rājā saṅghattherassa, devī saṅghanavakassa pādamaṃ nipatitvā “ayyā, bhante, paccayehi na kilamissanti, mayaṃca puññaena na parihāyissāmī, amhākaṃ yāvajjivaṃ idha nivāsāya paṭiññaṃ dethā”ti paṭiññaṃ kāretvā uyyāne pañca paṇṇasālāsātāni, pañca cankamanasātānti sabbākārena nivāsanatṭhānāni sampādetvā tattha vasāpesum.

Evam kāle gacchante rañño paccante kupite rājā “ahaṃ paccantaṃ vūpasametum gacchāmi, tvaṃ paccakabuddhesu mā pamajjā”ti deviṃ ovaditvā gato. Tasmim anāgateyeva paccakabuddhānaṃ āyusaṅkhārā khīṇā. Mahāpadumapaccakabuddho tiyāmarattim jhānakīlaṃ kīlitvā aruṇuggamanasamaye ālambanaphalakaṃ ālambitvā ṭhitakova anupādisesāya nibbānadhātuyā parinibbāyi. Etenupāyena sesāpīti sabbeva parinibbutā. Punadivase devī paccakabuddhānaṃ nisīdanaṭṭhānāni sajjitvā pupphāni vikiritvā dhūpaṃ vāsetvā tesam āgamaṇaṃ oloketī nisinnā āgamaṇaṃ adisvā purise pesesi – “gacchatha, tātā, jānātha kiṃ ayyānaṃ aphāsuka”nti? Te gantvā mahāpadumassa paṇṇasālāya dvāraṃ vivaritvā tattha taṃ apassantā caṅkamaṇaṃ gantvā ālambanaphalakaṃ nissāya ṭhitaṃ disvā vanditvā “kālo, bhante”ti āhaṃsu. Parinibbutasarīraṃ kiṃ kathessati, te “niddāyati maññe”ti vatvā piṭṭhipāde hatthena parāmasitvā pādānaṃ sītalatāya ceva thaddhatāya ca parinibbutabhāvaṃ ñatvā dutiyassa santikaṃ gantvā tatheva ñatvā puna tatiyassāti evaṃ sabbepe parinibbutabhāvaṃ ñatvā rājakulaṃ āgamiṃsu. “Kahaṃ, tātā, paccakabuddhā”ti puṭṭhā “parinibbutā, devī”ti āhaṃsu. Devī kandantī rodantī nikkhamitvā nāgarehi saddhiṃ tattha gantvā sādhuṅkītaṃ kāretvā paccakabuddhānaṃ sarīrakiccaṃ kāretvā dhātuyo gāhāpetvā cetiyaṃ patiṭṭhāpesi.

Rājā paccantaṃ vūpasametvā āgato paccuggamaṇaṃ āgataṃ deviṃ pucchi – “kiṃ, bhaddo, tvaṃ paccakabuddhesu na pamajjasi, nirogā ca ayyā”ti? “Parinibbutā, devā”ti. Taṃ sutvā rājā cintesi – “evarūpānampi paṇḍitānaṃ maraṇaṃ uppajjati, amhākaṃ kuto mokkhā”ti? So nagaraṃ apavisitvā uyyānameva gantvā jeṭṭhaputtaṃ pakkosāpetvā tassa rajjaṃ niyyātetvā sayaṃ samaṇapabbajjaṃ pabbaji. Devīpi “raññe pabbajite ahaṃ kiṃ karissāmi”ti tatheva uyyāne pabbaji. Dvepi jhānaṃ bhāvetvā tato cutā brahmaloke nibbattiṃsu.

Tesu tatheva vasantesu amhākaṃ sathā loka uppajjitvā pavattitaradhammacakko anupubbena rājagahaṃ pāpuṇi. Satthari tattha paṭivasante ayaṃ pippalimāṇavo magadharatṭhe mahātitthabrāhmaṇagāme kapilabrāhmaṇassa bhariyāya kucchimhi nibbato. Ayaṃ bhaddakāpilānī maddaratṭhe sāgalanagare kosiyagottabrāhmaṇassa bhariyāya kucchimhi nibbattā. Tesam anukkamena vaḍḍhamānānaṃ pippalimāṇavassa vīsatiṃ, bhaddāya soḷasame vaye sampatte mātāpitaro puttaṃ oloketvā “tātā, tvaṃ vayappatto, kulavaṃsaṃ patiṭṭhapetum yutto”ti ativiya nippīliyiṃsu. Māṇavo āha – “mayhaṃ sotapathe evarūpaṃ kathaṃ mā kathayittha, ahaṃ yāva tumhe dharatha, tāva paṭijaggissāmi, tumhākaṃ accayena nikkhamitvā pabbajissāmi”ti. Te katipāhaṃ atikkamitvā puna kathayiṃsu. Sopi puna paṭikkhipi. Tato paṭṭhāya mātā nirantaraṃ kathetiyeva.

Māṇavo “mātaraṃ saññāpessāmi”ti rattasuvaṇṇassa nikkhasahassaṃ datvā suvaṇṇakārehi itthirūpakaṃ kāretvā tassa majjanaghātṭanādikkammapariyosāne taṃ rattavatthaṃ nivāsetvā suvaṇṇasampannehi pupphehi ceva nānālaṅkārehi ca alaṅkārapetvā “amma, evarūpaṃ āramaṇaṃ labhanto gehe vasissāmi, alabhanto na vasissāmi”ti. Paṇḍitā brāhmaṇī cintesi – “mayhaṃ putto puññavā dinnadāno katābhinihāro pubbe puññāni karonto na ekakova akāsi, addhā etena saha katapuññā suvaṇṇarūpakaṃ paṭibhāgā bhavissati”ti. Atṭha brāhmaṇe pakkosāpetvā sabbabhogehi santappetvā suvaṇṇarūpakaṃ rathe āropetvā “gacchatha, tātā, yattha amhehi jātigottabhogādīsamānakule evarūpaṃ dārikaṃ passatha, tattha idameva suvaṇṇarūpakaṃ saccākāraṃ katvā dethā”ti uyyojesi.

Te “amhākaṃ nāma etaṃ kamma”nti nikkhamitvā “kattha labhissāma, maddaratṭhaṃ nāma itthāgāraṃ, maddaratṭhaṃ gamissāma”ti maddaratṭhe sāgalanagaraṃ āgamaṃsu. Attha taṃ suvaṇṇarūpakaṃ nhānatitthe ṭhapetvā ekamantaṃ nisīdiṃsu. Atha bhaddāya dhātī bhaddaṃ nhāpetvā alaṅkaritvā sayaṃ nhāyitum udakatitthaṃ gantvā suvaṇṇarūpakaṃ disvā “kissāyaṃ avinītā idhāgantvā ṭhitā”ti piṭṭhipasse paharivā suvaṇṇarūpakaṃ ñatvā “ayyadhītā meti saññaṃ uppādesi, ayaṃ pana ayyadhītāya nivāsanapaṭiggahitāyapi asadisā”ti āha. Atha naṃ te brāhmaṇā “evarūpā kira te sāmīdhītā”ti pucchiṃsu. Sā “imāya suvaṇṇapaṭimāya satagaṇena sahasagaṇena mayhaṃ ayyadhītā abhirūpataṛā”, tathā hi “appadīpepi dvādasahatthe gabbhe nisinnā sarīrobhāsena tamaṃ vidhamati”ti āha. “Tena hi tassā mātāpitūnaṃ santikaṃ gacchāma”ti suvaṇṇarūpakaṃ rathe āropetvā taṃ dhātīṃ anugantvā kosiyagottassa gharadvāre ṭhatvā āgamaṇaṃ ārocayiṃsu.

Brāhmaṇo paṭisanthāraṃ katvā “kuto āgatathā”ti pucchi. Te “magadharatṭhe mahātitthagāme kapilabrāhmaṇassa gharato iminā nāma kāraṇena āgatamhā”ti āhaṃsu. “Sādhu, tātā, amhehi

samajātigottavibhavo so brāhmaṇo, dassāma dārika’’nti paṇṇākāraṃ gaṇhi. Te kapilabrāhmaṇassa sāsanam paṇiṃsu – ‘‘laddhā no bhaddā nāma dārikā, kattabbaṃ jānāthā’’ti. Taṃ sāsanam sutvā pippalimāṇavassa ārocayimṃsu ‘‘laddhā dārikā’’ti. Pippalimāṇavo ‘‘ahaṃ ‘na labhissanti’’ti cintesiṃ, ime ‘laddhā’’ti pesenti, anattiko hutvā paṇṇam pesessāmi’’ti rahogato paṇṇam likhi ‘‘bhaddā attano jātigottabhogānurūpaṃ patiṃ labhatu, ahaṃ nikkhamitvā pabbajissāmi, mā pacchā vippaṭṭisārīṇi aho’’ti. Bhaddāpi ‘‘asukassa kira maṃ dātukāma’’ti sutvā rahogataṃ paṇṇam likhi – ‘‘ayyaputto attano jātigottabhogānurūpaṃ dārikaṃ labhatu, ahaṃ pabbajissāmi, mā pacchā vippaṭṭisārī bhavāhi’’ti. Dvepi paṇṇāni antarāmagge samāgacchimṃsu. ‘‘Idaṃ kassa paṇṇa’’nti? ‘‘Pippalimāṇavena bhaddāya pahita’’nti. ‘‘Idaṃ kassā’’ti? ‘‘Bhaddāya pippalimāṇavassa pahita’’nti ca vutte te dvepi vācetvā ‘‘passatha dārakānaṃ kamma’’nti phāletvā araṇṇe chaḍḍetvā aññaṃ taṃsamānaṃ paṇṇam likhitvā ito etto ca pesesum. Iti kumārassa kumārikāya ca sadisaṃ paṇṇam lokassādarahitamevāti anicchamānānampi tesam dvinnam samāgamo ahoṣi.

Taṃdivasameva pippalimāṇavopi bhaddam ekaṃ pupphadāmaṃ gaṇhāpesi. Bhaddāpi tāni sayanamajje ṭhapesi. Ubhopi bhuttasāyamāsā sayanam āruhitum ārabhimṃsu. Tesu māṇavo dakkhiṇapassena sayanam āruhi, bhaddā vāmapassena abhiruhitvā āha – ‘‘yassa passe pupphāni milāyanti, tassa rāgacittaṃ uppānanti vijānissāma, imaṃ pupphadāmaṃ na allīyitabba’’nti. Te pana aññaṃaññaṃ sarīrasamphassabhayena sakalarattiṃ niddam anokkamantāva vītināmesum. Divā pana hasitamattampi nākaṃsu. Te lokāmisena asaṃsaṭṭhā yāva mātāpitaro dharanti, tāva kuṭumbaṃ avicāretvā tesu kālaṅkatesu vicārayimṃsu. Mahatī māṇavassa sampatti. Ekadivasaṃ sarīraṃ ubbaṭṭetvā chaḍḍetabbaṃ suvaṇṇacūṇṇam eva magadhanāliyā dvādasanālimattaṃ laddhum vaṭṭati. Yantabaddhāni saṭṭhi mahātaḷākāni, kammanto dvādasayojaniko, anurādhapurappamāṇā cuddasagāmā, cuddasa hatthānīkāni, cuddasa assānīkāni, cuddasa rathānīkāni.

So ekadivasaṃ alaṅkataassaṃ āruya mahājanaparivuto kammantaṭṭhānaṃ gantvā khettakoṭiyaṃ ṭhito naṅgalehi chinnaṭṭhānato kākādayo sakūṇe gaṇḍuppadālike paṇake uddharitvā khādante disvā ‘‘tātā, ime kiṃ khādanti’’ti pucchi. ‘‘Gaṇḍuppadē, ayyā’’ti. ‘‘Etehi katapāpaṃ kassa hoti’’ti? ‘‘Tumhākaṃ, ayyā’’ti. So cintesi – ‘‘sace etehi katapāpaṃ mayhaṃ hoti, kiṃ me karissati sattaasīti koṭidhanaṃ, dvādasayojanakammanto kiṃ karissati, kiṃ yantabaddhāni taḷākāni, kiṃ cuddasa gāmāni, sabbametaṃ bhaddāya kāpilāniyā niyyātetvā nikkamma pabbajissāmi’’ti.

Bhaddā kāpilāni tasmim khāṇe antaravattusmim tayo tilakumbhe pattharitvā dhātīhi parivutā nisinnā kāke tilapāṇake khādamaṇe disvā ‘‘ammā, kiṃ ime khādanti’’ti pucchi. ‘‘Pāṇake, ayye’’ti. ‘‘Akusalaṃ kassa hoti’’ti? ‘‘Tumhākaṃ, ayye’’ti. Sā cintesi – ‘‘mayhaṃ catuhatthaṃ vatthaṃ nāḷikodanamattaṅca laddhum vaṭṭati, yadi panetaṃ etehi kataṃ akusalaṃ mayhaṃ hoti, bhavasahassenapi vaṭṭato sīsaṃ ukkhipitum na sakkā, ayyaputte āgatamatteyeva sabbam tassa niyyātetvā nikkamma pabbajissāmi’’ti.

Māṇavo āgantvā nhatvā pāsādaṃ āruya mahārahe pallaṅke nisīdi, athassa cakkavattino anucchavikabhojanaṃ upanayimṃsu. Dvepi bhuñjitvā pariyaṇe nikkhante rahogataṃ phāsukaṭṭhāne nisīdimṃsu. Tato māṇavo bhaddam āha – ‘‘bhaddē, imaṃ gharaṃ āgacchanti kittakaṃ dhanamāharasi’’ti? ‘‘Pañcapanṇāsa sakaṭṭasahassāni, ayyā’’ti. ‘‘Sabbam taṃ, yā ca imasmim ghare sattāsīti koṭiyo yantabaddhāni saṭṭhi taḷākāni evamādiḥhedā sampatti atthi, taṃ sabbam tuyheva niyyātemi’’ti. ‘‘Tumhe pana kuhiṃ gacchatha, ayyā’’ti? ‘‘Ahaṃ pabbajissāmi’’ti. ‘‘Ayya, ahampi tumhākaṃ āgamaṇam olokayamānā nisinnā, ahampi pabbajissāmi’’ti. Tesam ādittapaṇṇakuṭi viya tayo bhavā upaṭṭhahanti. Te ‘‘pabbajissāmi’’ti vatvā antarāpaṇato kāśāyarasapītāni cīvarāni mattikāpatte ca āharāpetvā aññaṃaññaṃ kese ohāretvā ‘‘ye loke arahanto atthi, te uddissa amhākaṃ pabbajjā’’ti pabbajitvā thavikāsu patte pakkhipitvā amṣe laggetvā pāsādato otarimṃsu. Gehe dāsesu ca kammakāresu ca na koci sañjāni.

Atha ne brāhmaṇagāmato nikkhamitvā dāsagāmadvārena gacchante ākappakutavasena dāsagāmaṃvāsino sañjānimṃsu. Te rodantā pādesu patitvā ‘‘kiṃ amhe anāthe karoṭha, ayyā’’ti āhaṃsu. ‘‘Mayaṃ, bhāṇe, ‘tayo bhavā ādittapaṇṇasālā viyā’’ti pabbajimha, sace tumhesu ekekaṃ bhujissaṃ karoma, vassasatampi nappahoti. Tumheva tumhākaṃ sīsaṃ dhovitvā bhujissā hutvā jīvathā’’ti vatvā tesam rodantānaṃyeva pakkamimṃsu.

Thero purato gacchanto nivattitvā olokeno cintesi – “ayaṃ bhaddā kāpilānī sakalajambudīpagghanikā itthī mayhaṃ pacchato āgacchati, ṭhānaṃ kho panetaṃ vijjati, yaṃ kocideva evaṃ cinteyya ‘ime pabbajitāpi vinā bhavituṃ na sakkonti, ananucchavikaṃ karontī’ ti. Evaṃ koci pāpakena manasā padūsetvā apāyapūraṃ bhavēyya, imaṃ pahāya mayā gantuṃ vaṭṭati” ti cittaṃ uppādetvā purato gacchanto dvedhāpathaṃ disvā tassa matthake aṭṭhāsi. Bhaddāpi āgantvā vanditvā aṭṭhāsi. Atha naṃ āha – “bhadde, tādisiṃ itthiṃ mama pacchato āgacchantiṃ disvā ‘ime pabbajitāpi vinā bhavituṃ na sakkonti’ ti amhesu paduṭṭhacitto mahājano apāyapūraṃ bhavēyya. Imasmiṃ dvedhāpathe tvaṃ etaṃ gaṇha, ahaṃ ekena gamissāmi” ti. “Āma, ayya, mātugāmo ‘pabbajitānaṃ palibodho, pabbajitāpi vinā na bhavanti’ ti amhākaṃ dosaṃ dasseyyu” nti tikkhattuṃ padakkhiṇaṃ katvā catūsu ṭhānesu pañcapatiṭṭhitena vanditvā dasanakhasamodhānasamujjalaṃ añjaliṃ paggayha “satasahassakappamāṇe addhāne kato mittasanthavo ajja bhijjati, tumheva dakkhiṇā nāma, tumhākaṃ dakkhiṇamaggo vaṭṭati, mayaṃ mātugāmā nāma vāmajātikā, amhākaṃ vāmamaggo vaṭṭati” ti vanditvā maggaṃ paṭipajji. Tesā dvedhābhūtakāle ayaṃ mahāpathavī “ahaṃ cakkavālasinerupabbatādayo dhāretuṃ sakkontīpi tumhākaṃ guṇe dhāretuṃ na sakkomi” ti vadanti viya viravamānā akampittha. Ākāse asanisaddo viya pavatti, cakkavālapabbato unnādi.

Sammāsambuddhopi veḷuvanamahāvihāre kuṭiyaṃ nisinna pathavīkampanasaddaṃ sutvā “kissa nu kho pathavī kampaṭī” ti āvajjento “pippalimāṇavo ca bhaddā ca kāpilānī maṃ uddissa appameyyaṃ sampattiṃ pahāya pabbajitā, tesā viyogaṭṭhāne ubhinnaṃ guṇabalena ayaṃ pathavīkampo jāto, mayāpi etesaṃ saṅgahaṃ kātuṃ vaṭṭati” ti gandhakuṭito nikkhamma sayameva pattacīvaramādāya asītimahātheresu kañci anāpucchā tigāvutamaggaṃ paccuggamaṇaṃ katvā rājagahassa ca nālandāya ca antare bahuputtanigrodhamūle pallaṅkaṃ ābhujitvā nisīdi. Nisīno pana aññatarapaṃsukūliko viya anisīditvā buddhavesaṃ gahetvā asītihatthā buddharaṃsiyo vissajjento nisīdi. Iti tasmīṃ khaṇe paṇṇacchattasakaṭacakkakūṭāgarādippamāṇā buddharaṃsiyo ito cito ca vippharantiyo vidhāvantiyo candasahassasūriyasahassauggamanakālaṃ viya kurumānā taṃ vanantaraṃ ekobhāsaṃ akaṃsu. Dvattiṃsamahāpurisalakkhaṇasiriyaṃ samujjalatārāgaṇena viya gaganāṃ, supupphitakamalakuvalayena viya salilaṃ vanantaraṃ virocittha. Nigrodharukkhasa khandho pakatiyā seto hoti, pattāni nīlāni pakkāni rattāni. Tasmīṃ pana divase sabbo nigrodho suvaṇṇavaṇṇova ahoṣi.

Mahākassapatthero taṃ disvā “ayaṃ amhākaṃ sathā bhavissati, imaṃ ahaṃ uddissa pabbajito” ti diṭṭhatṭhānato paṭṭhāya onato gantvā tīsu ṭhānesu vanditvā “sathā me, bhante, bhagavā, sāvakoḥamasmi, sathā me, bhante, bhagavā, sāvakoḥamasmi” ti (saṃ. ni. 2.154) āha. Atha naṃ bhagavā āha – “kassapa, sace tvaṃ imaṃ nipaccakāraṃ mahāpathaviyā kareyyāsi, sāpi dhāretuṃ na sakuṇeyya. Tathāgatassa pana evaṃ guṇamahantataṃ jānatā tayā kato nipaccakāro mayhaṃ lomampi cāletuṃ na sakkoti. Nisīda, kassapa, dāyajjaṃ te dassāmi” ti. Athassa bhagavā tīhi ovādehi upasampadaṃ adāsi. Datvā ca bahuputtanigrodhamūlato nikkhamitvā therāṃ pacchāsamaṇaṃ katvā maggaṃ paṭipajji. Satthu sarīraṃ dvattiṃsamahāpurisalakkhaṇavicittaṃ, mahākassapaṃ sattamahāpurisalakkhaṇapaṭimaṇḍitaṃ, so kañcananāvāya pacchābaddho viya satthu padānupadikaṃ anugañchi. Sathā thokaṃ maggaṃ gantvā maggā okkamma aññatarasmiṃ rukkhamaṇe nisajjākāraṃ dassesi. Thero “sathā nisīditukāmo” ti ñatvā attano paṭapilotikaṃ saṅghāṭiṃ catugguṇaṃ katvā paññapesi.

Sathā tattha nisīditvā hatthena cīvaraṃ parimajjanto “mudukā kho tyāyaṃ, kassapa, paṭapilotikā saṅghāṭī” ti āha (saṃ. ni. 2.154). So “sathā me saṅghāṭiyā mudubhāvaṃ kathesi, pārupitukāmo bhavissati” ti ñatvā “pārupatu, bhante, bhagavā saṅghāṭī” nti āha. “Kiṃ tvaṃ pārupissasi, kassapā” ti? “Tumhākaṃ nivāsaṇaṃ labhanto pārupissāmi, bhante” ti. “Kiṃ pana tvaṃ, kassapa, imaṃ paribhogajīṇaṃ paṃsukūlaṃ dhāretuṃ sakkhissasi, mayā hi imassa paṃsukūlassa gahitadivase udakapariyantaṃ katvā mahāpathavī kampi, imaṃ buddhaparibhogajīṇacīvaraṃ nāma na sakkā parittagaṇena dhāretuṃ, paṭibalenevidaṃ paṭipattipūraṇasamatthena jātipaṃsukūlikena dhāretuṃ vaṭṭati” ti vatvā therena saddhiṃ cīvaraṃ parivattesi.

Evaṃ cīvaraṃ parivattetvā therassa cīvaraṃ bhagavā pārupi, satthu cīvaraṃ thero. Tasmīṃ khaṇe acetanāpi ayaṃ mahāpathavī “dukkaraṃ, bhante, akattha, attano pārutacīvaraṃ sāvakena parivattitapubbaṃ nāma nāhoṣi, ahaṃ tumhākaṃ guṇaṃ dhāretuṃ na sakkomi” ti vadanti viya udakapariyantaṃ katvā kampi. Theropi “laddhaṃ me buddhānaṃ paribhogacīvaraṃ, kiṃ me idāni uttari

kattabba’’nti unnatiṃ akatvā satthu santikeyeva terasa dhutaguṇe samādāya sattadivasamattaṃ puthujjano ahoṣi. Aṭṭhame divase saha paṭisambhidāhi arahattaṃ pāpuṇi. Atha naṃ satthā ‘‘kassapo, bhikkhave, candūpamo kulāni upasaṅkamati, apakasseva kāyaṃ apakassa cittaṃ niccanavako kulesu appagabbho’’ti (saṃ. ni. 2.146) evamādinā paṣaṃsitvā aparabhāge ariyagaṇamajjhe nisinno ‘‘etadaggaṃ, bhikkhave, mama sāvakaṇaṃ bhikkhūnaṃ dhutavādānaṃ yadidaṃ mahākassapo’’ti (a. ni. 1.188, 191) dhutavādānaṃ aggaṭṭhāne ṭhapesi.

398. Evaṃ bhagavatā etadaggaṭṭhāne ṭhapito āyasmā mahākassapo mahāsāvakabhāvaṃ patto attano pubbakammaṃ saritvā somanassavaseṇaṃ pubbacaritāpadānaṃ pakāseno **padumuttarassa bhagavatotiādimāha**. Tattha **padumuttarassāti** tassa kira bhagavato mātukucchito nikkhamanakālato paṭṭhāya pādānaṃ nikkhepanasamaye akkantakkantapāde sataṣassapattā padumā pathaviṃ bhinditvā utṭhahimsu. Tasmāssa taṃ nāmaṃ ahoṣi. Sakalasattanikāyesu ekekena sataṣatapuñṇe kate tassa puñṇassa sataguṇapuñṇānaṃ katattā bhagavatoti attho. **Lokajetṭhassa tādinoti** sattalokassa padhānabhūtassa iṭṭhāniṭṭhesu akampiyabhāvaṃ pattattā tādino. **Nibbute lokanāthamhīti** sattalokassa paṭisaraṇabhūte bhagavati khandhapariniḃbānena pariniḃbute, adassanaṃ gateti attho. **Pūjaṃ kubbanti santhunoti** sadevakassa lokassa sāsanato ‘‘satthā’’ti laddhanāmassa bhagavato sādhuṅgaṃ kīḷantā pūjaṃ karontīti sambandho.

399. Aggiṃ cinantī janatāti janasaṃmūhā āḷahanatthāya aggiṃ cinantā rāsiṃ karontā āsamantato moditā santuṭṭhā pakārena moditā santuṭṭhā pūjaṃ karontīti sambandho. **Tesu saṃvegajātesūti** tesu janasaṃmūhesu saṃvegappattesu utrāsaṃ labhantesu **me** mayhaṃ **pīti** hāso **udapajjatha** pātubhavīti attho.

400. Nātimitte samānetvāti mama bandhusahāye samānetvā rāsiṃ katvā. **Mahāvīro** bhagavā **pariniḃbuto** adassanaṃ agamāsīti idaṃ vacanaṃ **abraviṃ** kathesintī sambandho. **Handa pūjaṃ karomaseti handāti** vossaggatthe nipāto, tena kāraṇena mayhaṃ sabbe samāgatā pūjaṃ karomāti attho. **Seti** nipāto.

401. Sādhuṅgaṃ te paṭissutvāti te mama nātimittā sādhuṅgaṃ itti sundaraṃ bhaddakaṃ itti paṭisūṇitvā mama vacanaṃ sampaṭichitvā **me** mayhaṃ **bhiyyo** atirekaṃ **hāsaṃ** pītiṃ **janimsu** uppādesunti attho.

402. Tato attano katapuñṇasaṅcayaṃ dassento **buddhasmiṃ lokanāthamhītiādimāha**. Satahatthaṃ **uggataṃ** ubbidhamaṃ diyaḍḍhahatthasataṃ vitthataṃ, **vimānaṃ nabhasi** ākāse uggataṃ agghiyaṃ, **sukataṃ** sundarākārena kataṃ, **katvā** kāretvā ca **puñṇasaṅcayaṃ** puñṇarāsiṃ **kāhāsiṃ** akāsintīti sambandho.

403. Katvāna agghiyaṃ tatthāti tasmim� cetiyapūjanaṭṭhāne **tālapantīhi** tālapālīhi **cittitaṃ** sobhitaṃ agghiyaṃ **katvāna** kāretvā ca **sakaṃ cittaṃ** attano cittaṃ pasādetvā **cetiyaṃ pūjayuttamanti** uttamaṃ buddhadhātunidhāpitaṃ cetiyaṃ pūjayinti sambandho.

404. Tassa cetiyassa mahimaṃ dassento **aggikkhandhovātiādimāha**. Tattha **aggikkhandhovāti** ākāse jalamāno aggikkhandhova aggirāsi iva taṃ cetiyaṃ sattahi ratanehi jalati **phullito** vikasitapuppho sālārukkharājā iva ākāse **indalaṭṭhīva** indadhanu iva ca **catuddisā** catūsu disāsu **obhāsati** vijjotatīti sambandho.

405. Tattha cittaṃ pasādetvāti tasmim� jotamānadhātugabbhamhi cittaṃ manam� pasādetvā somanassaṃ katvā tena cittappasādena **bahuṃ** anekappakāraṃ **kusalaṃ** puñṇaṃ **katvāna** ‘‘dhātugabbhe ca sāsane ca ettakāni puñṇāni mayā katāntī’’ti evaṃ puñṇakammaṃ **sarivāna** kālaṃkatvā **tidasaṃ** tāvatimsabhavanaṃ suttappabuddho viya ahaṃ **upapajjīmi** jātoti sambandho.

406. Attano uppannadevaloke laddhasampattiṃ dassento **sahassayuttantiādimāha**. Tattha **hayavāhiṃ** sindhavasahassayojitaṃ dibbarathaṃ adhiṭṭhito. Sattahi bhūmīhi **saṃ** suṭṭhu uggataṃ **ubbidhamaṃ** uccaṃ mayhaṃ **bhavanaṃ** vimānaṃ ahoṣīti attho.

407. Tasmim vimāne **sabbasovaṇṇamayā** sakalasoṇṇamayāni kūtāgārasahassāni **ahum** ahesunti attho. **Sakatejēna** attano ānubhāvena sabbā dasa disā **pabhāsayaṃ** obhāsenti **jalanti** vijjotantīti sambandho.

408. Tasmim mayhaṃ pātubhūtavimāne aññepi **niyyūhā** pamukhasālāyo **santi** vijjanti. Kiṃ bhūtā? **Lohitaṅgamayā** rattamaṇimayā tadā tepi niyyūhā catasso disā **ābhāya** pabhāya jotantīti sambandho.

410. Sabbe deve sakalachadevaloke deve **abhibhomi** abhibhavāmi. Kassa phalanti ce? Mayā katassa puññakammasa idaṃ phalanti attho.

411. Tato manussasampattiṃ dassento **saṭṭhikappasahassamhīti**ādīmāha. Tattha ito kappato heṭṭhā saṭṭhisahassakappamatthake **cāturato** catumahādīpavanto **vijitāvī** sabbaṃ paccatthikaṃ vijitavanto ahaṃ ubbidho nāma cakkavattī rājā hutvā **pathaviṃ āvasiṃ** rajjaṃ kāresinti sambandho.

412-4. Tattheva bhaddake kappeti pañcabuddhapaṭimaṇḍitattā bhaddake nāma kappe. **Tiṃsakkhattuṃ** tiṃsajātiyā catudīpamhi issaro padhāno cakkaranādīhi sattahi ratanehi sampanno samaṅgībhūto **sakakammābhīraddho** attano kamme dasa rājadhamme abhiraddho allīno cakkavattī rājā **amhī** ahosinti sambandho. Attano cakkavattikāle anubhūtasampattiṃ dassento “tathāpi bhavanaṃ mayha’ntiādīmāha. **Tattha** tasmim cakkavattirajjamhi **mayhaṃ bhavanaṃ** mama pāsādaṃ **indalatṭhīva uggataṃ** ākāse ṭhitavijjotamānā vijjullatā iva uggataṃ sattabhūmikādibhedehi uccaṃ **āyāmato** dīghato ca uccato ca catuvīsatiyojanaṃ vitthārato dvādasayojanaṃ ahoṣīti sambandho. Sabbesaṃ janānaṃ manāṃ allīnabhāvena rammaṇaṃ nāma nagaraṃ ahoṣīti attho. Daḷhehi dvādasahatthehi vā tiṃsahatthehi vā uccehi pākāratorañehi sampannanti dasseti.

415-20. Tadaḍḍhakaṃ tato aḍḍhakaṃ aḍḍhatiyasatayojananti attho. **Pakkhittā paṇṇavīsati**ti vīsatiāpaṇapakkhittaṃ nirantaraṃ vīthiparicchanti attho. **Brāhmaññakulasambhūtoti** brāhmaṇakule sujāto. Sesāṃ vuttanayattā suviññeyyamevāti.

Mahākassapattheraapadānavaṇṇanā samattā.

3-4. Anuruddhattheraapadānavaṇṇanā

Sumedhaṃ bhagavantāhantiādikaṃ āyasmato anuruddhattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle vibhavasampanne kuṭumbikakule nibbatti. Vayappatto ekadivasāṃ vihāraṃ gantvā satthu santike dhammaṃ suṇanto satthārā ekaṃ bhikkhuṃ dibbacakkhukānaṃ aggaṭṭhāne ṭhapentaṃ disvā sayampi taṃ dānaṃ patthetvā satahassabhikkhuparivārassa bhagavato sattāhaṃ mahādānaṃ pavattetvā sattame divase bhagavato bhikkhusaṅghassa ca uttamāni vatthāni datvā paṇidhānaṃ akāsi. Satthāpissa anantarāyena samijjhanabhāvaṃ disvā “anāgate gotamassa sammāsambuddhassa sāsane dibbacakkhukānaṃ aggo bhavissati”ti byākāsi. Sopi tattha puññāni karonto satthari parinibbuta sattayojanike kanakathūpe bahukaṃsapātiyo dīparukkhehi dīpakapallikāhi ca “dibbacakkhuññassa upanissayo hotū”ti uḷāraṃ dīpapūjaṃ akāsi. Evaṃ yāvajīvaṃ puññāni katvā devamanussesu saṃsaranto kassapassa bhagavato kāle bārāṇasiyaṃ kuṭumbikagehe nibbattitvā viññutaṃ patto satthari parinibbuta niṭṭhite yojanike kanakathūpe bahukaṃsapātiyo sappimaṇḍassa pūretvā majjhe ca ekekaṃ guḷapiṇḍaṃ ṭhapetvā mukhavaṭṭiyā mukhavaṭṭiṃ phusāpento cetiyaṃ parikkhipāpesi. Attanā gahitakaṃsapātiṃ sappimaṇḍassa pūretvā sahasavattīyo jālāpetvā sīse ṭhapetvā sabbarattiṃ cetiyaṃ anupariyāyi.

Evaṃ tasmimpi attabhāve yāvajīvaṃ kusalaṃ katvā devaloke nibbattitvā tattha yāvātāyukaṃ ṭhatvā tato cuto anuppanne buddhe bārāṇasiyaṃyeva duggatakule nibbatti, “annabhāro”tissa nāmaṃ ahoṣi. So sumanasetṭhissa nāma gehe kammaṃ karonto jīvati. Ekadivasāṃ so upariṭṭhaṃ nāma paccekabuddhaṃ nirodhasamāpattito vuṭṭhāya gandhamādanapabbatato ākāsenāgantvā bārāṇasīnagaradvāre otarivā cīvaram pārupitvā nagare piṇḍāya carantaṃ disvā pasannamānaso pattam gahetvā attano atthāya ṭhapitaṃ

bhāgabhattaṃ patte pakkhipitvā paccekabuddhassa dātukāmo ārabhi. Bhariyāpissa attano bhāgabhattaṅca tattheva pakkhipi. So taṃ netvā paccekabuddhassa hatthe ṭhapesi. Paccekabuddho taṃ gahetvā anumodanaṃ katvā pakkāmi. Taṃ divasaṃ sumanaseṭṭhissa chatte adhivatthā devatā – “aho dānaṃ, paramadānaṃ, upariṭṭhe suppatiṭṭhita”nti mahāsaddena anumodi. Taṃ sutvā sumanaseṭṭhi – “evaṃ devatāya anumoditaṃ idameva uttamadāna”nti cintetvā tattha pattim yāci. Annabhāro pana tassa pattim adāsi. Tena pasannacitto sumanaseṭṭhi tassa sahasaṃ datvā “īto paṭṭhāya tuyhaṃ sahatthena kammakaraṇakiccaṃ natthi, patirūpaṃ gehaṃ katvā niccaṃ vasāhī”ti āha.

Yasmā nirodhasamāpattito vuṭṭhitassa paccekabuddhassa dinnapiṇḍapāto taṃ divasameva uḷāravipāko hoti, tasmā sumanaseṭṭhi rañño santikaṃ gacchanto taṃ gahetvā agamāsi. Rājā pana taṃ ādaravasena olokesi. Seṭṭhi – “mahārāja, ayaṃ oloketabbayuttoyevā”ti vatvā tadā tena katakammaṃ attanāpissa sahasadinnabhāvaṅca kathesi. Taṃ sutvā rājā tassa tussitvā sahasaṃ datvā “asukasmiṃ ṭhāne gehaṃ katvā vasāhī”ti gehaṭṭhānamassa āṇāpesi. Tassa taṃ ṭhānaṃ sodhāpentassa mahantā mahantā nidhikumbhiyo uṭṭhahimsu. So tā disvā rañño ārocesi. Rājā sabbaṃ dhaṇaṃ uddharāpetvā rāsikataṃ disvā – “ettaṃ dhaṇaṃ imasmiṃ nagare kassa gehe atthī”ti pucchi. “Na kassaci, devā”ti. “Tena hi ayaṃ annabhāro imasmiṃ nagare mahādhanaseṭṭhi nāma hotū”ti taṃ divasameva tassa seṭṭhichattaṃ ussāpesi.

So seṭṭhi hutvā yāvajīvaṃ kalyāṇakammaṃ katvā devaloke nibbato, dīgharattaṃ devamanussesu saṃsaritvā amhākaṃ bhagavato uppajjanakakāle kapilavatthunagare sukkodanasakkassa gehe paṭisandhim gaṇhi. Tassa jātassa **anuruddhoti** nāmaṃ akaṃsu. So mahānāmasakkassa kaniṭṭhabhātā bhagavato cūḷapitu putto paramasukhumālo mahāpuñño ahoṣi. Suvanṇapātiyaṃyeva cassa bhattaṃ uppajji. Athassa mātā ekadivasaṃ “mama putto natthīti padaṃ na jānāti, taṃ jānāpessāmī”ti cintetvā ekaṃ suvaṇṇapātiṃ tucchakāṃyeva aññāya suvaṇṇapātiyā pidahitvā tassa pesesi, antarāmagge devatā taṃ, dibbapūvehi pūresuṃ. Evaṃ mahāpuñño tiṇṇaṃ utūnaṃ anucchavikesu tīsu pāsādesu alaṅkatanāṭakittihī parivuto devo viya mahāsampattiṃ anubhavi.

Amhākampi bodhisatto tasmim samaye tusitapurā cavitvā suddhodanamahārājassa aggamahesiyā kucchimhi nibbattitvā anukkamena vuddhippatto ekūnatimsa vassāni agāramajjhe vasitvā mahābhinnikkhamaṇaṃ nikkhamitvā anukkamena paṭividdhasabbaññutaññāno bodhimaṇḍe sattasattāhaṃ vītinaṃmetvā isipatane migadāye dhammacakkaṃ pavattetvā lokānuggahaṃ karonto rājagahaṃ gantvā veḷuvane vihāsi. Tadā suddhodanamahārājā – “putto kira me rājagahaṃ anuppatto; gacchatha, bhaṇe, mama puttaṃ ānethā”ti sahasasahassaparivāre dasa amacce pesesi. Te sabbe ehibhikkhupabbajjāya pabbajimsu. Tesu udāyittherena cārikāgamaṇaṃ āyācīto bhagavā vīsatisahassakhīṇāsavaparivuto rājagahato nikkhamitvā kapilavatthupuraṃ gantvā nātisaṃgame anekāni pāṭihāriyāni dassetvā pāṭihāriyavicittaṃ dhammadesanaṃ kathetvā mahājanaṃ amatapānaṃ pāyetvā dutiyadivase pattacīvaramādāya nagaradvāre ṭhatvā “kiṃ nu kho kulanagaraṃ āgatānaṃ sabbabuddhānaṃ āciṇṇa”nti āvajjamāno “sapaḍānaṃ piṇḍāya caraṇaṃ āciṇṇa”nti nātivā sapadānaṃ piṇḍāya carati. Rājā “putto te piṇḍāya carati”ti sutvā turitaturito āgantvā antaravīthiyaṃ dhammaṃ sutvā attano nivesanaṃ pavesetvā mahantaṃ sakkārasammānaṃ akāsi. Bhagavā tattha kattabbaṃ nātisaṅgahaṃ katvā rāhulakumāraṃ pabbājetvā nacirasseva kapilavatthunagarato mallaraṭṭhe cārikaṃ caramāno anupiyambavanaṃ pāpuṇi.

Tasmim samaye suddhodanamahārājā sākiyagaṇaṃ sannipātetvā āha – “sace mama putto agāraṃ ajjhavasissa, rājā abhāvissa cakkavattī sattaratanasampanno khattiyagaṇaparivāro, nattāpi me rāhulakumāro khattiyagaṇena saddhim taṃ parivāretvā acarissa, tumhepi etamatthaṃ jānātha. Idāni pana mama putto buddho jāto, khattiyāvāssa parivārā hontu, tumhe ekekakulato ekekaṃ dārakaṃ dethā”ti. Evaṃ vutte ekappahārenea dveasītisahassakhattiyakumārā pabbajimsu.

Tasmim samaye mahānāmo sakko kuṭumbasāmiko, so attano kaniṭṭhaṃ anuruddhaṃ sakkāṃ upasaṅkamitvā etadavoca – “etarahi, tāta anuruddha, abhiññātā abhiññātā sakyakumārā bhagavantaṃ pabbajitaṃ anupabbajanti, amhākaṅca kulā natthi koci agārasmā anagāriyaṃ pabbajito, tena hi tvaṃ vā pabbajāhi, ahaṃ vā pabbajissāmī”ti. Taṃ sutvā anuruddho gharāvāse ruciṃ akatvā attasattamo agārasmā anagāriyaṃ pabbajito. Tassa pabbajjānukkamo saṅghabhedakakkhandhake (cūḷava. 330 ādayo) āgatoyeva. Evaṃ anupiyaṃ gantvā pabbajitesu pana tesu tasmimyeva antovasse bhaddiyatthero arahattaṃ pāpuṇi,

anuruddhatthero dibbacakkhuṃ nibbatesi, devadatto aṭṭha samāpattiyo nibbatesi, ānandatthero sotāpattiphale paṭiṭṭhāsi, bhagutthero ca kimilatthero ca pacchā arahattaṃ pāpuṇṇiṃsu. Tesam sabbesampi therānaṃ attano attano āgataṭṭhānesu pubbatthanābhinihāro āvi bhavissati. Ayaṃ anuruddhatthero dhammasenāpatissa santike kammaṭṭhānaṃ gahetvā cetiyaraṭṭhe pācīnavamsadāyaṃ gantvā samaṇadhammaṃ karonto satta mahāpurisavitakke vitakkesi, aṭṭhame kilamati. Sathā “anuruddho aṭṭhame mahāpurisavitakke kilamati”ti ñatvā “tassa saṅkappaṃ pūressāmī”ti tattha gantvā paññattavarabuddhāsane nisīno aṭṭhamaṃ mahāpurisavitakkaṃ pūretvā catupaccayasantosabhāvanārāmapaṭimaṇḍitaṃ mahāariyavamsapaṭipadaṃ kathetvā ākāse uppatitvā bhesakalāvanameva gato.

Thero tathāgate gatamatteyeva tevijjo mahākhiṇāsavo hutvā “sathā mayhaṃ manāṃ jānitvā āgantvā aṭṭhamaṃ mahāpurisavitakkaṃ pūretvā adāsi, so ca me manoratho matthakaṃ patto”ti buddhānaṃ dhammadesanaṃ attano ca paṭivedhadhammaṃ ārabba imā udānagāthā abhāsi –

“Mama saṅkappamaññāya, sathā loke anuttaro;
Manomayena kāyena, iddhiyā upasaṅkami.

“Yadā me ahu saṅkappo, tato uttari desayi;
Nippapañcarato buddho, nippapañcamadesayi.

“Tassāhaṃ dhammamaññāya, vihāsiṃ sāsane rato;
Tisso vijjā anuppattā, kataṃ buddhassa sāsana”nti. (theragā. 901-903);

Atha naṃ aparabhāge sathā jetavane mahāvihāre viharanto “dibbacakkhukānaṃ bhikkhūnaṃ anuruddho aggo”ti (a. ni. 1.192) aggaṭṭhāne ṭhapesi.

421. Evaṃ so bhagavato santikā dibbacakkhukānaṃ aggaṭṭhānaṃ labhitvā attano pubbakammaṃ saritvā somanassavasena pubbacaritāpadānaṃ pakāsento **sumedhaṃ bhagavantā**hantiādimāha. Tattha sundarā upaṭṭhāpanapaññā maggaphalapaññā vipassanāpaññā catupaṭisambhidādisaṅkhātā medhā yassa bhagavato so sumedho, taṃ **sumedhaṃ** bhāgyasampannatā **bhagavantaṃ** lokassa **jetthaṃ** seṭṭhaṃ padhānabhūtaṃ saṃsārato paṭhamaṃ niggaṭaṃ narānaṃ āsabaṃ purecārikaṃ **vūpakaṭṭhaṃ** vivekabhūtaṃ gaṇasaṅgaṇikārāmato apagataṃ viharantaṃ ahaṃ addasanti sambandho.

422. Sabbadhammānaṃ sayameva buddhattā **sambuddhaṃ, upagantvāna** samīpaṃ gantvāti attho. **Añjaliṃ paggahevanā**ti dasaṅgulipuṭaṃ muddhani katvāti attho. Sesam uttānatthameva.

430. Divā rattiṅca passāmīti tadā devaloke ca manussaloke ca uppanakāle maṃsacakkhunā samantato yojanaṃ passāmīti attho.

431. Sahassalokaṃ ñāṇenāti paññācakkhunā sahasacakkavāḷaṃ passāmīti attho. **Satthu sāsane**ti idāni gotamassa bhagavato sāsane. **Dīpadānassa** dīpapūjāya idaṃ phalaṃ, iminā phalena dibbacakkhuṃ anupatto paṭiladdho uppādesinti attho.

Anuruddhattheraapadānavaṇṇanā samattā.

3-5. Puṇṇamantāṇiputtattheraapadānavaṇṇanā

Ajjhāyako mantadharotiādikam āyasmato puṇṇassa mantāṇiputtattherassa apadānaṃ. Ayampi purimabuddhesu katādhikāro tattha tattha bhava vivaṭṭupānissayāni puññāni upacinanto padumuttarassa bhagavato uppattito puretameva haṃsavatīnagare brāhmaṇamahāsālakule nibbattitvā anukkamena viññutaṃ patto. Aparabhāge padumuttare bhagavati uppajjitvā bodhaneyyānaṃ dhammaṃ desente heṭṭhā vuttanayena mahājanena saddhiṃ vihāraṃ gantvā parisapariyante nisīditvā dhammaṃ suṇanto sathāraṃ

ekam bhikkhum dhammakathikānaṃ aggaṭṭhāne ṭhapentaṃ disvā “mayāpi anāgate evarūpena bhavitum vaṭṭatī”ti cintetvā desanāvasāne uṭṭhitāya parisāya satthāraṃ upasaṅkamitvā nimantetvā heṭṭhā vuttanayena mahāsakkāraṃ katvā bhagavantaṃ evamāha – “bhante, ahaṃ iminā adhikārena na aññaṃ sampattiṃ patthemi, yathā paneso bhikkhu sattamadivasamatthake tumhehi dhammakathikānaṃ aggaṭṭhāne ṭhapito, evaṃ ahampi anāgate ekassa buddhassa sāsane dhammakathikānaṃ aggo bhaveyya”nti patthanam akāsi. Satthā anāgataṃ oloketvā tassa patthanāya samijjhanabhāvaṃ disvā “anāgate kappasatasahassamatthake gotamo nāma buddho uppajjissati, tassa sāsane pabbajitvā tvam dhammakathikānaṃ aggo bhavissasi”ti byākāsi.

So yāvatāyukaṃ kalyāṇakammaṃ katvā tato cuto kappasatasahassaṃ puññasambhāraṃ sambharanto devamanussesu saṃsaritvā amhākaṃ bhagavato kāle kapilavatthunagarassa avidūre doṇavatthunāmake brāhmaṇagāme brāhmaṇamahāsālakule aññāsikoṇḍaññatherassa bhāgineyyo hutvā nibbatti. Tassa **puṇṇoti** nāmaṃ akaṃsu. So satthari abhisambodhiṃ patvā pavattitavaradhammacakke anukkamena rājagahaṃ upanissāya viharante aññāsikoṇḍaññaṃ santike pabbajitvā laddhūpasampado padhānamanuyūñjanto sabbaṃ pabbajitakiccaṃ matthakaṃ pāpetvā “dasabalassa santikaṃ gamissāmī”ti mātulattherena saddhiṃ satthu santikaṃ āgantvā kapilavatthusāmantāyeva ohiyitvā yoniso manasikāre kammaṃ karonto nacirasseva vipassanaṃ ussukkāpetvā arahattaṃ pāpuṇi.

Tassa pana puṇṇattherassa santike pabbajitā kulaputtā pañcasatā ahesuṃ. Thero te dasakathāvatthūhi ovadi. Tepi sabbe dasakathāvatthūhi ovaditā tassa ovāde ṭhatvā arahattaṃ pāpuṇitvā attano pabbajitakiccaṃ matthakappattaṃ ṇatvā upajjhāyaṃ upasaṅkamitvā āhaṃsu – “bhante, mayaṃ pabbajitakiccassa matthakaṃ pattā, dasannaṃca kathāvatthūnaṃ lābhino, samayo dāni no dasabalaṃ passitu”nti, thero tesam vacanaṃ sutvā cintesi – “mayhaṃ dasakathāvatthulābhitam satthā jānāti. Ahaṃ dhammaṃ desento dasakathāvatthūni amuñcivāva desemi, mayi ca gacchante sabbepime bhikkhū maṃ parivāretvā gacchissanti, evaṃ me gaṇena saddhiṃ gantvā ayuttaṃ dasabalaṃ passitum, ime tāva dasabalaṃ passitum gacchantū”ti. Atha te evamāha – “āvuso, tumhe purato gantvā dasabalaṃ passatha, mama vacanena tathāgatassa pāde vandatha, ahampi tumhākaṃ gatamaggena āgacchissāmī”ti. Tepi therā sabbe dasabalassa jātibhūmiratthavāsino sabbe khīṇāsavā sabbe dasakathāvatthulābhino upajjhāyassa ovādaṃ acchinditvā theram vanditvā anupubbena cārikaṃ carantā satthiyojanamaggaṃ atikkamma rājagahe veḷuvanamahāvihāraṃ gantvā dasabalassa pāde vanditvā ekamantaṃ nisīdiṃsu. Āciṇṇaṃ kho panetaṃ buddhānaṃ bhagavantānaṃ āgantukehi bhikkhūhi saddhiṃ paṭisammoditunti bhagavā tehi saddhiṃ “kacci, bhikkhave, khamaṇīya”ntiadinā nayena madhuraṭṭhisānaṃ katvā “kuto ca tumhe, bhikkhave, āgatathā”ti pucchitvā puna tehi “jātibhūmito”ti vutte “ko nu kho, bhikkhave, jātibhūmiyaṃ jātibhūmakānaṃ bhikkhūnaṃ sabrahmacārīnaṃ evaṃ sambhāvito ‘attanā ca appiccho appicchakathānaṃ bhikkhūnaṃ kattā’”ti (ma. ni. 1.252) dasakathāvatthulābhiṃ bhikkhum pucchi. Tepi “puṇṇo nāma, bhante, āyasmā mantāṇiputto”ti ārocayīṃsu.

Tesam katham sutvā āyasmā sārīputto theram dassanakāmo ahoṣi. Atha satthā rājagahato sāvattiṃ agamāsi. Puṇṇattheropi dasabalassa tattha āgatabhāvaṃ sutvā “satthāraṃ passissāmī”ti gantvā antogandhakuṭiyāmyeva tathāgataṃ sampāpuṇi. Satthā tassa dhammaṃ desesi. Thero dhammaṃ sutvā dasabalaṃ vanditvā paṭisallānatthāya andhavanaṃ gantvā aññatarasmiṃ rukkhamūle divāvihāraṃ nisīdi. Sārīputtattheropi tassāgamaṇaṃ sutvā sīsānulokiko gantvā okāsaṃ sallakkhetvā tasmīṃ rukkhamūle nisinnakaṃ upasaṅkamitvā therena saddhiṃ sammoditvā taṃ visuddhikkamaṃ (ma. ni. 1.257) pucchi. Sopissa pucchitapucchitaṃ byākaronto rathavinītūpamāya ativiya cittaṃ ārādhesi. Te aññamaññaṃ subhāsitaṃ samanumodiṃsu.

434. Atha naṃ satthā aparabhāge bhikkhusaṅghassa majjhe nisinno theram “etadaggaṃ, bhikkhave, mama sāvakānaṃ bhikkhūnaṃ dhammakathikānaṃ yadidaṃ puṇṇo”ti (a. ni. 1.188, 196) etadagge ṭhapesi. So pubbakammaṃ saritvā somanassavasena pubbacaritāpadānaṃ vibhāvento **ajjhāyakoti**ādimāha. Tattha **ajjhāyakoti** anekabrāhmaṇānaṃ vācetaṃ sikkhāpetā. **Mantadharoti** mantānaṃ dhāretāti attho, vedasaṅkhātassa catutthavedassa sajjhāyanasavanadānānaṃ vasena dhāretāti vuttaṃ hoti. **Tiṇṇaṃ vedānanti** iruvedayajurvedasāmedasāṅkhātānaṃ tiṇṇaṃ vedānaṃ ṇāṇena dhāretabbatā “vedo”ti laddhanāmesu tīsu vedaganthesu pāraṃ pariyoṣānaṃ gatoti attho. **Purakkhatomhi** sissehīti mama

niccaparivārabhūtehi sissehi parivuto ahaṃ amhi. **Upagacchiṃ naruttamanti** narānaṃ uttamaṃ bhagavantaṃ upasaṅkamīṃ, samīpaṃ gatoti attho. Sesāṃ suviññeyyameva.

438. Abhidhammanayaññūhanti ahaṃ tadā tassa buddhassa kāle abhidhammanayakovidoti attho. **Kathāvatthuvisuddhiyāti** kathāvatthuppakaraṇe visuddhiyā cheko, appicchasantuṭṭhikathādīsū dasasu kathāvatthūsū vā cheko, tāya kathāvatthuvisuddhiyā **sabbesaṃ** yatijanānaṃ paṇḍitānaṃ **viññāpetvāna** bodhetvāna **anāsavo** nikkilesa **vihārāmi** vāsaṃ kappemi.

439. Ito pañcasate kappeti ito pañcabuddhapaṭimaṇḍitato bhaddakappato pañcasate kappe **suppakāsakā** suṭṭhu pākaṭā cakkaranādi sattaḥi ratanehi sampannā jambudīpādicatudīpamhi **issarā** padhānā **caturo** cattāro cakkavattirājāno ahesunti attho. Sesāṃ vuttanayamevāti.

Puṇṇamantāṇiputtattheraapadānavaṇṇanā samattā.

3-6. Upālittheraapadānavaṇṇanā

Nagare haṃsavatiyātiādikaṃ āyasmato upālittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare vibhavasampanne brāhmaṇakule nibbato. Ekadivasaṃ satthu santike dhammakathaṃ suṇanto sathhāraṃ ekaṃ bhikkhuṃ vinayadharānaṃ aggaṭṭhāne ṭhapentaṃ disvā satthu adhikārakammaṃ katvā taṃ ṭhānantaraṃ patthesi.

So yāvajīvaṃ kusalaṃ katvā devamanussesu saṃsaranto imasmiṃ buddhuppāde kappakagehe nibbato. **Upālītissa** nāmaṃ akaṃsu. So vayappatto anuruddhādīnaṃ channaṃ khattiyānaṃ piyasahāyo hutvā tathāgate anupiyambavane viharante pabbajjāya nikkhamantehi chahi khattiyehi saddhiṃ nikkhamitvā pabbaji. Tassa pabbajjāvidhānaṃ pāliyaṃ (cūlava. 330 ādayo) āgatameva. So pabbajitvā upasampanno hutvā satthu santike kammaṭṭhānaṃ gahetvā “mayhaṃ, bhante, araññāvāsaṃ anujānāthā”ti āha. “Bhikkhu araññe vasantassa ekameva dhuraṃ vaḍḍhissati, mayhaṃ pana santike vasantassa vipassanādhurañca ganthadhurañca paripūressati”ti. So satthu vacanaṃ sampaṭicchitvā vipassanāya kammaṃ karonto nacirasseva arahattaṃ pāpuṇi. Sathhāpi naṃ sayameva sakalaṃ vinayapiṭakaṃ uggaṇhāpesi. So aparabhāge bhārukacchavatthūṃ ajjukavatthūṃ kumārakassapavatthuntī imāni tīṇi vatthūni vinicchini. Sathhā ekekasmīṃ vinicchaye sādhuḥkāraṃ datvā tayo vinicchaye aṭṭhuppattim katvā therāṃ vinayadharānaṃ aggaṭṭhāne ṭhapesi.

441. Evaṃ so etadaggaṭṭhānaṃ patvā attano pubbakammaṃ saritvā somanassappatto taṃ pubbacaritāpadānaṃ pakāsento **nagare haṃsavatiyāti**ādīmāha. Tattha **haṃsavatiyāti** haṃsavatṭāākārena vati pākāraparikkhepo yasmīṃ nagare, taṃ nagaraṃ **haṃsavatī**. Atha vā anekasaṅkhā hamsā taḷākapokkharāṇīsarapallalādīsū nivasantā ito cito ca vidhāvamānā vasanti etthāti **haṃsavatī**, tassā haṃsavatiyā. **Sujāto nāma brāhmaṇoti** suṭṭhu jātoti sujāto, “akkhitto anupakuṭṭho”ti vacanato agarahito hutvā jātoti attho. **Asītikotiṇicayoti** asītikotiḍhanarāsiko **pahūtadhanadhaññāvā** asaṅkhyeyyadhanadhaññāvā brāhmaṇo sujāto nāma ahosinti sambandho.

442. Punapi tasseva mahantabhāvaṃ dassento **ajjhāyakoti**ādīmāha. Tattha **ajjhāyakoti** paresaṃ vedattayādiṃ vācetā. **Mantadharoti** mantā vuccati paññā, athabbanavedabyākaraṇādijjānanapaññāvāti attho. **Tiṇṇaṃ vedāna pārāgūti** iruvedayajurvedasāmedasānkhātānaṃ tiṇṇaṃ vedānaṃ pariyoṣānaṃ pattoti attho. **Lakkhaṇeti** lakkhaṇasatthe, buddhaccekabuddhaccekavattitthipurisānaṃ hatthapādādīsū dissamānalakkhaṇapakāsanakaganthe cāti attho. **Itihāseti** “itiha āsa itiha āsā”ti porāṇakathāppakāsake ganthe. **Sadhammeti** sakadhamme brāhmaṇadhamme **pāramiṃ gato** pariyoṣānaṃ koṭiṃ gato pattoti attho.

443. Paribbājāti ye nigaṇṭhasāvakā, te sabbe nānādiṭṭhikā tadā **mahiya** pathavītale carantīti sambandho.

445. Yāva yattakaṃ kālaṃ jino nuppajjati, tāva tattakaṃ kālaṃ buddhoti vacanaṃ natthīti attho.

446. **Accayena ahorattanti** aho ca ratti ca ahorattaṃ, bahūnaṃ saṃvaccharānaṃ atikkamenāti attho. Sesam suviññeyyameva.

454. **Mantāniputtoti** mantāñināmāya kappakadhītuyā putto, māsapuṇṇatāya divasapuṇṇatāya **puṇṇoti** laddhanāmoti attho. Tassa satthussa sāvako **hessati** bhavissatīti sambandho.

455. **Evaṃ kittayi so buddhoti so** padumuttaro bhagavā **evaṃ** iminā pakārena **sunandaṃ** sundarākārena somanassadāyakaṃ **kittayi** byākaraṇamadāsīti attho. **Sabbaṃ janam** sakalajanasamūhaṃ sādhuṃ **hāsayaṃto** somanassaṃ karonto **sakaṃ balaṃ** attano balaṃ **dassayaṃto** pākaṭaṃ karontoti sambandho.

456. Tato anantaraṃ attano ānubhāvaṃ aññāpadesena dassento **katañjalīti**ādīmāha. Tadā tasmim buddhuppādato purimakāle sunandaṃ tāpasam katañjalipuṭā sabbe janā namassantīti sambandho. **Budde kāraṃ karitvānāti** evaṃ so sabbajanapūjitopi samāno “pūjitomhī”ti mānaṃ akatvā buddhasāsane adhikaṃ kiccaṃ katvā attano **gatim** jātim **sodhesi** parisuddhamakāsīti attho.

457. **Sutvāna munino vacanti** tassa sammāsambuddhassa vācaṃ, gāthābandhasukhatthaṃ ā-kārassa rassaṃ katvā “vaca”nti vuttaṃ. “Anāgatamhi addhāne gotamo nāma nāmena satthā loke bhavissatī”ti imaṃ munino vacanaṃ sutvā **yathā** yena pakārena gotamaṃ bhagavantaṃ passāmi, tathā tena pakārena **kāraṃ** adhikakiccaṃ puññasambhāraṃ **kassāmi** karissāmīti **me** mayhaṃ **saṅkappo** cetanāmanasikāro **ahu** ahoṣīti sambandho.

458. **Evāhaṃ cintayitvānāti** “ahaṃ kāraṃ karissāmī”ti evaṃ cintetvā. **Kiriyaṃ cintayim mamāti** “mayā kīdisaṃ puññaṃ kattabbaṃ nu kho”ti kiriyaṃ kattabakiccaṃ cintayinti attho. **Kyāhaṃ kammaṃ ācarāmīti** ahaṃ kīdisaṃ puññaṃ kammaṃ ācarāmi pūremi nu khoti attho. **Puññakkhette anuttareti** uttaravirahite sakalapuññaṃ bhājanabhūte ratanattayeti attho.

459. **Ayañca pāṭhiko bhikkhūti** ayaṃ bhikkhu sarabhaññavasena ganthapāṭhapaṭhanato vācanato “pāṭhiko”ti laddhanāmo bhikkhu. Buddhasāsane sabbesaṃ pāṭhīnaṃ pāṭhakavācakaṇaṃ antare vinaye ca **agganikkhitto** aggo iti ṭhapito. Taṃ ṭhānaṃ tena bhikkhunā pattaṭṭhānantaraṃ ahaṃ **patthaye** patthemīti attho.

460. Tato paraṃ attano puññakaraṇūpāyaṃ dassento **idaṃ me amitaṃ bhoganti**ādīmāha. **Me** mayhaṃ **amitaṃ** pamāṇavirahitaṃ bhogaṃ **akkhobhaṃ** khobhetuṃ asakkuṇeyyaṃ **sāgarūpamaṃ** sāgarasadisam **tena bhogena** tādīsena dhanena buddhassa ārāmaṃ māpayeti sambandho. Sesam uttānatthameva.

474. Bhikkhusaṅge nisīditvā sambuddho tena suṭṭhu māpitaṃ kārītaṃ saṅghārāmaṃ paṭiggahetvā tassārāmassānisamsadīpakaṃ idaṃ vacanaṃ **abravi** kathesīti sambandho.

475. Kathaṃ? **Yo soti yo** saṅghārāmadāyako tāpaso **sumāpitaṃ** kuṭiṇamaṇḍapapāsādahammiyapākārādīnā suṭṭhu sajjitaṃ saṅghārāmaṃ buddhassa **pādāsi** pa-kārena somanassasampayuttacittena adāsi. **Tamahaṃ kittayissāmīti** taṃ tāpasam ahaṃ pākaṭaṃ karissāmi, uttānim karissāmīti attho. **Suṇātha mama bhāsototi** bhāsantassa mayhaṃ vacanaṃ suṇātha, ohitasotā avikkhattacittā manasi karoṭhāti attho.

476. Tena dinnārāmassa phalaṃ dassento **hatthī assā rathā patṭīti**ādīmāha. Taṃ suviññeyyameva.

477. **Saṅghārāmassidaṃ phalanti** idaṃ āyatim anubhavitabbasampattisaṅkhātaṃ itṭhaphalaṃ saṅghārāmadānassa phalaṃ vipākanti attho.

478. Chaḷāsītisahassānīti chasahassāni asītisahassāni **samalaṅkatā** suṭṭhu alaṅkatā sajjitā **nāriyo** itthiyo **vicittavatthābharaṇāti** vicittehi anekarūpehi vatthehi ābharaṇehi ca samannāgatā. **Āmuttamaṅkikuṇḍalāti** olambitamuttāhāramaṅkikañcitanāṇāti attho.

479. Tāsaṃ itthīnaṃ rūpasobhātisayaṃ vaṇṇento **āḷārapambhātī**ādīmāha. Tattha āḷārāni mahantāni akkhīni maṅguḷasadisāni yāsaṃ itthīnaṃ tā āḷārapambhā bhamarānamiva mandalocanāti attho. **Hasulā** hāsapakati, līlāvīlāsāti attho. **Susaññāti** sundarasaññitabbasarīravayavā. **Tanumajjhimāti** khuddakaudarapadesā. Sesam uttānameva.

484. Tassa dhammesu dāyādoti tassa gotamassa bhagavato dhammesu dāyādo dhammakotṭhāsabhāgī. **Orasoti** urasi jāto, sithiladhanitādidasavidhabyañjanabuddhisampannaṃ kaṇṭhatāluoṭṭhādipaṅcatṭhāne ghaṭṭetvā desitadhammaṃ sutvā sotāpattimaggādimaggapaṭipāṭiyā sabbakilese khepetvā arahatte tṭhitabhāvena urasi jātaputtoti attho. **Dhammanimitoti** dhammena samena adaṇḍena asatthena nimmito pākaṭo bhavissatī attho. **Upāli nāma nāmenāti** kiñcāpi so mātu nāmena mantāṇiputtanāmo, anuruddhādīhi pana saha gantvā pabbajitattā khattiyānaṃ upasamīpe allīno yutto kāyacittehi samaṅgībhūtoti upālīti nāmena satthu sāvako **hessati** bhavissatī attho.

485. Vinaye pāramim patvāti vinayaṭṭake koṭim pariyoṣānaṃ patvā pāpuṇivā. **Ṭhānāṭṭhāne ca kovidoti** kāraṇākāraṇe ca dakkho chekoti attho. **Jinasāsanam dhārentoti** jinena vuttānusāsaniṃ jinassa ṭṭakattayaṃ vācanasavanacintanadhāraṇādivasena dhārento, sallakkhentoti attho. **Viharissatināsavoti** nikkilesa catūhi iriyāpathehi aparipatantaṃ attabhāvaṃ harissati pavattessatī attho.

487. Aparimeyyupādāyāti anekasatasahasase ādiṃ katvā. **Patthemī tava sāsanaṅti** “gotamassa bhagavato sāsane vinayadharānaṃ aggo bhavēyya”nti tuyhaṃ sāsanaṃ patthemī icchāmīti attho. **So me atthoti** so etadaggaṭṭhānantarasaṅkhāto attho me mayā anuppattoti attho. **Sabbasaṃyojanakkhayoti** sabbesaṃ saṃyojanānaṃ khayō mayā anuppattoti sambandho, nibbānaṃ adhiḡatanti attho.

488. Rājadaṇḍena **tajjito** pīḷito **sulāvuto** sūle āvuto āvuṇito **poso** puriso sūle **sātaṃ** madhurasukhaṃ **avindanto** nānubhavanto **parimuttimva** parimocanameva icchati yathāti sambandho.

489-90. Mahāvīra vīrānamantare vīruttama ahaṃ **bhavaḍaṇḍena** jātidadaṇḍena, **tajjito** pīḷito **kamasulāvuto** kusalākusalakammasulasmim āvuto **santo** saṃvijjamaṇo, **pipāsāvedanāya** pipāsāturabhāvena **aṭṭito** abhibhūto dukkhāpito **bhave sātaṃ** saṃsāre madhuraṃ sukhaṃ **na vindāmi** na labhāmi. Rāgaggidosaggimohaggisaṅkhātehi, narakaggikappuṭṭhānaggidukkhaggisaṅkhātehi vā tīhi aggīhi ḍayhanto **parimuttim** parimuccanupāyaṃ **gavesāmi** pariyesāmi tathevāti sambandho. Yathā rājadaṇḍam ito gato patto parimuttim gavesati, tathā ahaṃ bhavaḍaṇḍappatto parimuttim gavesāmīti sambandho.

491-2. Puna saṃsārato mocanaṃ upamopameyyavasena dassento **yathā visādoti**ādīmāha. Tattha visena sappavisena ā samantato daṃsīyittha daṭṭho hotīti **visādo**, sappadaṭṭhoti attho. Atha vā visaṃ halāhalavisam adati gilatīti **visādo**, visakhādakoti attho. Yo puriso visādo, tena tādīsena visena paripīḷito, tassa visassa viḡhātāya vināsāya upāyanaṃ upāyabhūtaṃ **agadaṃ** osadhaṃ **gavesēyya** pariyesēyya, taṃ gavesamaṇo **visaghātakaṃ** visanāsakaṃ **agadaṃ** osadhaṃ **passeyya** dakkheyya. So taṃ attano diṭṭhaṃ osadhaṃ pivivā **visamhā** visato **parimuttiyā** parimocanakāraṇā sukhī **assa** bhavēyya yathāti sambandho.

493. Tathevāhanti yathā yena pakārena so naro visahato, savisena sappena daṭṭho visakhādako vā osadhaṃ pivivā sukhī bhavēyya, tatheva tena pakārena ahaṃ avijjāya mohena **saṃ** suṭṭhu pīḷito. **Saddhammāgadamesahanti** ahaṃ saddhammasaṅkhātaṃ osadhaṃ esaṃ pariyesantoti attho.

494-5. Dhammāgadaṃ gavesantoti saṃsāradukkhavisassa vināsāya dhammosadhaṃ gavesanto. **Addakkhim sakyasāsanaṅti** sakyavaṃsapabhavassa gotamassa sāsanaṃ saddakkhinti attho. **Aggaṃ sabbosadhānaṃ tanti** sabbesaṃ osadhānaṃ antare taṃ sakyasāsanasāṅkhātaṃ dhammosadhaṃ aggaṃ uttamanti attho. **Sabbasallavinodananti** rāgasallāḍīnaṃ sabbesaṃ sallānaṃ vinodanaṃ vūpasamakaraṃ

dhammosadham dhammasaṅkhātaṃ osadham pivitvā **sabbaṃ viṣaṃ** sakalasaṃsāradukkhaviṣaṃ **samūhaniṃ** nāsesinti sambandho. **Ajarāmaranti** taṃ dukkhaviṣaṃ samūhanitvā ajaraṃ jarāviraḥitaṃ amaraṃ maraṇaviraḥitaṃ **sītibhāvaṃ** rāgapariḷhādiviraḥitattā sītalabhūtaṃ nibbānaṃ ahaṃ **phassayiṃ** paccakkhamakāsinti sambandho.

496. Puna kilesatamassa upamaṃ dassento **yathā bhūtaṭṭitoti**ādimāha. Tattha **yathā** yena pakārena **bhūtaṭṭito** bhūtena yakkhena aṭṭito pīḷito **poso** puriso **bhūtaggāhena** yakkhaggāhena **pīḷito** dukkhito **bhūtaṣmā** yakkhaggāhato **parimuttiyā** mocanathāya bhūtavejjaṃ gaveseyya.

497. Taṃ gavesamāno ca bhūtavijjāya suṭṭhu **kovidam** chekaṃ bhūtavejjaṃ passeyya, **so** bhūtavejjo **tassa** yakkhaggahitassa purisassa āvesabhūtaṃ **vihane** vināseyya, **samūlañca** mūlena saha āyatim ānāsevakaṃ katvā **vināsaye** viddhamseyyāti sambandho.

498. **Mahāvīra** vīruttama **tamaggāhena** kilesandhakāraggāhena pīḷito ahaṃ **tatheva** tena pakāreneva **tamato** kilesandhakārato **parimuttiyā** mocanathāya **ñāṇālokaṃ** paññālokaṃ gavesāmīti sambandho.

499. Atha tadanantaraṃ **kilesatamasodhanaṃ** kilesandhakāranāsakaṃ sakyamuniṃ addasanti attho. **So** sakyamuni **me** mayhaṃ **tamaṃ** andhakāraṃ kilesatimiraṃ bhūtavejjo **bhūtaṃ** yakkhaggahitaṃ iva **vinodesi** dūrī akāsīti sambandho.

500. So ahaṃ evaṃ vimutto **saṃsārasotaṃ** saṃsārapavāhaṃ **saṃ** suṭṭhu **chindiṃ** chedesim, **taṇhāsotaṃ** taṇhāmahoghaṃ **nivārayiṃ** niravasesaṃ appavattiṃ akāsinti attho. **Bhavaṃ uggāṭayiṃ** **sabbanti** kāmabhavādikaṃ sabbaṃ navabhavaṃ uggāṭayiṃ vināsesinti attho. Mūlato vināsento bhūtavejjo iva mūlato uggāṭayinti sambandho.

501. Tato nibbānapariyesanāya upamaṃ dassento **yathāti**ādimāha. Tattha garuṃ bhāriyaṃ nāgaṃ gilattī **garuḷo**. Garuṃ vā nāgaṃ lāti ādadattī **garuḷo**, garuḷarājā. Attano bhakkhaṃ sakagocaraṃ pannagaṃ pakārena parahatthaṃ na gacchatīti **pannagoti** laddhanāmaṃ nāgaṃ gahaṇathāya **opatati** avapatati, **samantā** samantato **yojanasataṃ** satayojanappamaṇaṃ **mahāsaraṃ** mahāsamuddaṃ attano pakkhavātehi **vikkhobheti** āloḷeti yathāti sambandho.

502. **So** supaṇṇo vihaṅgamo vehāsagamanasīlo **pannagaṃ** nāmaṃ gahetvā adhosīsaṃ olambetvā **viheṭṭhayaṃ** tattha tattha vividhena heṭṭhanena heṭṭhento **ādāya** daḷhaṃ gahetvā **yena kāmaṃ** yattha gantukāmo, tattha **pakkamati** gacchatīti sambandho.

503. Bhante mahāvīra, yathā garuḷo **balī** balavā pannagaṃ gahetvā pakkamati, tathā eva ahaṃ **asaṅkhataṃ** paccayehi akataṃ nibbānaṃ **gavesanto** paṭipattipūraṇavasena pariyesanto **dose** sakaladiyaḍḍhakilesasahasase **vikkhālayiṃ** vīsesena samucchedappahānena sodhesim ahanti sambandho.

504. Yathā garuḷo pannagaṃ gahetvā bhuñjitvā viharati, tathā ahaṃ **dhammavaraṃ** uttamadhammaṃ **diṭṭho** passanto etaṃ **santipadaṃ** nibbānapadaṃ **anuttaraṃ** uttaraviraḥitaṃ maggaphalehi **ādāya** gahetvā vaḷaṅjetvā viharāmīti sambandho.

505. Idāni nibbānassa dullabhabhāvaṃ dassento **āsāvati nāma latāti**ādimāha. Tattha sabbesaṃ devānaṃ āsā icchā etissaṃ latāyaṃ atthīti **āsāvati** nāma latā, **cittalatāvane** anekavicittāhi latāhi gahanībhūte vane uyyāne **jātā** nibbattāti attho. **Tassā** latāya **vassasahassena** vassasahassaccayena **ekaṃ phalaṃ** nibbattate ekaṃ phalaṃ gaṇhāti.

506. **Taṃ devāti** taṃ āsāvatiṃ lataṃ **tāva dūraphalaṃ** tattakaṃ cirakālaṃ atikkamitvā phalaṃ gaṇhantaṃ saṃvijjamānaṃ **devā** tāvatimsadevatā **payirupāsanti** bhajanti, sā āsāvati nāma **latuttamā** latānaṃ antare uttamalatā evaṃ devānaṃ piyā ahoṣīti sambandho.

507. Satasahassupādāyāti satasahassasamvaccharaṃ ādiṃ katvā. **Tāhaṃ paricare munīti** monaṃ vuccati ñāṇaṃ, bhante, muni ñāṇavanta sabbaññu, ahaṃ taṃ bhagavantaṃ paricare payirupāsāmi. **Sāyaṃpātaṃ namassāmīti** sāyanhasamayañca pubbaṃhasamayañcāti dvikkhattuṃ namassāmi paṇāmaṃ karomi. **Yathā devā** tāvatimsā devā viya āsāvātilataṃ sāyaṃpātañca payirupāsantīti sambandho.

508. Avañjhā pāricariyāti yasmā buddhadassanahetu nibbānappatti ahoṣi, tasmā buddhapāricariyā vattapaṭipattikiriyā avañjhā atucchā **namassanā** paṇāmakiriyā ca **amoghā** atucchā. Tathā hi **dūrāgataṃ** dūrato saṃsāraddhānato āgatampi, **santaṃ** saṃvijjamānaṃ **khaṇoyaṃ** ayaṃ buddhuppādakkhaṇo **na virādhayi** nātikkami, maṃ atikkamitvā na gatoti attho.

509. Buddhadassanahetu nibbānappatto ahaṃ āyatim uppajjanakabhava mama paṭisandhim **vicinanto** upaparikkhanto na passāmīti sambandho. **Nirūpadhi** khandhūpadhikilesūpadhīhi virahito **vippamutto** sabbakilesehi vinābhūto **upasanto** kilesaparijāhābhāvena santamānaso carāmi ahanti sambandho.

510. Puna attano buddhadassanāya upamaṃ dassento **yathāpi padumaṃ nāmāti**ādīmāha. **Sūriyaraṃsena** sūriyaraṃsisamphassena yathā padumaṃ nāma apī **pupphati** vikasati **mahāvīra** vīruttama ahaṃ tathā eva **buddharaṃsena** buddhena bhagavatā desitadhammaramsippabhāvena pupphitoti attho.

511-12. Puna buddhadassanena nibbānadassanaṃ dīpento **yathā balākāti**ādīmāha. Tattha **balākayonimhi** balākajātiyaṃ **sadā** sabbasmiṃ kāle **pumā** puriso yathā na vijjati. Pume avijjamāne kathaṃ balākānaṃ gabbhaggahaṇaṃ hotīti ce? Meghesu **gajjamānesu** saddaṃ karontesu meghagajjanaṃ sutvā **tā** balākiniyo **sadā** sabbakāle **gabbhaṃ gaṇhanti** aṇḍaṃ dhārentīti attho. **Yāva** yattakaṃ kālaṃ **megho na gajjati** meghe saddaṃ na karoti, tāva tattakaṃ kālaṃ **ciraṃ** cirakālena **gabbhaṃ** aṇḍaṃ dhārenti. **Yadā** yasmiṃ kāle meghe **pavassati** pakārena gajjitvā vassati vuṭṭhidhāraṃ paggharati, tadā tasmim kāle **bhārato** gabbhadhāraṇato **parimuccanti** aṇḍaṃ pātentīti attho.

513. Tato paraṃ upameyyasampadaṃ dassento **padumuttarabuddhassāti**ādīmāha. Padumuttarassa buddhassa **dhammagehena** vohāraparamatthadesanāsaṅkhātameghena **gajjato** gajjantassa desentassa **dhammagehassa saddena** ghoṣānūsārena ahaṃ tadā **dhammagabbhaṃ** vivaṭṭūpanissayaṃ dānasīlādīpuññasambhāragabbhaṃ **agaṇhim** gahesiṃ tathāti sambandho.

514. Satasahassupādāya kappasatasahassaṃ ādiṃ katvā **puññagabbhaṃ** dānasīlādīpuññasambhāraṃ ahaṃ **dharemi** pūremi. Yāva **dhammageho** dhammadesanā **na gajjati** buddhena na desīyati, tāva ahaṃ **bhārato** saṃsāragabbhabhārato **nappamuccāmi** na mocemi na visuṃ bhavāmīti sambandho.

515. Bhante, **sakyamuni** sakyavaṃsappabhava **yadā** yasmiṃ kāle suddhodanamahārājassa tava pitu **ramme** ramaṇīye **kapilavatthave** kapilavatthunāmake nagare tuvaṃ dhammagehena **gajjati** ghoṣeti, tadā tasmim kāle ahaṃ **bhārato** saṃsāragabbhabhārato **parimuccim** mutto ahosinti sambandho.

516. Tato paraṃ attanā adhigate maggaphale dassento **suññatanti**ādīmāha. Tattha attaattaniyādīnaṃ abhāvato **suññataṃ** vimokkhañca rāgadosamohasabbakilesanimittānaṃ abhāvato, **animittaṃ** vimokkhañca taṇhāpaṇidhissa abhāvato, **appaṇihitaṃ** vimokkhañca ariyamaggaṃ adhigaṇchim bhāvesinti sambandho. **Caturo ca phale sabbeti** cattāri sāmāññaphalāni sabbāni sacchi akāsinti attho. **Dhammevaṃ vijaṭṭayaṃ** ahanti ahaṃ evaṃ sabbadhamme jaṭaṃ gahaṇaṃ vijaṭṭayaṃ viddhamsesinti attho.

Dutiya bhāṇavāravaṇṇanā samattā.

517. Tato paraṃ attanā adhigatavisesameva dassento **aparimeyyupādāyāti**ādīmāha. Tattha na parimeyyoti **aparimeyyo**, saṃvaccharagaṇanavasena pametuṃ saṅkhātuṃ asakkuṇeyyoti attho. Taṃ aparimeyyaṃ kappam **upādāya** ādiṃ katvā **tava sāsanaṃ** tuyhaṃ sāsanaṃ “anāgate gotamassa bhagavato sāsane vinayadharānaṃ aggo bhavēyya”nti evaṃ patthemī. Atītatthe vattamānavacanaṃ, patthesinti attho. **So me atthoti** so patthanāsaṅkhāto attho **me** mayā **anuppatto** nipphāditoti attho. Anuttaraṃ **santipadaṃ**

nibbānaṃ anuppattaṃ adhigatanti sambandho.

518. So ahaṃ adhigatattā **vinaye** vinayapiṭake **pāramiṃ patto** pariyosānappatto. **Yathāpi pāṭhiko isīti** yathā padumuttarassa bhagavato sāsane vinayadharānaṃ aggo isi bhikkhu pāṭhiko pākaṭo ahoṣi, tathevāhanti attho. **Na me samasamo atthīti** vinayadhāritāya me mayā samasamo samāno añño na atthīti attho. **Sāsaṇaṃ** ovādānusāsanaṃsankhātāṃ sāsanaṃ **dhāremi** pūremīti attho.

519. Punapi attano visesaṃ dassento **vinaye khandhake cāpīti**ādimāha. Tattha **vinayeti** ubhatovibhaṅge. **Khandhaketī** mahāvaggacūlavagge. **Tikacchede cāti** tikasaṅghādisesatikapācittiyādike ca. **Pañcemeti** parivāre ca. **Ettha** etasmiṃ sakale vinayapiṭake mayhaṃ **vimati** dvelhakaṃ **natthi** na saṃvijjati. **Akkharetī** vinayapiṭakapariyāpanne a-kārādike akkhare. **Byañjaneti** ka-kārādike byañjane vā me **vimati** saṃsayo natthīti sambandho.

520. **Niggahe paṭikamme cāti** pāpabhikkhūnaṃ niggahe ca sāpattikānaṃ bhikkhūnaṃ parivāsadānādike paṭikamme ca **ṭhānāṭṭhāne** ca kārāṇe ca akārāṇe ca **kovidō** chekoti attho. **Osāraṇe** ca tajjanīyādikammassa paṭippassaddhivasena osāraṇe pavesane ca. **Vuṭṭhāpane** ca āpattito vuṭṭhāpane nirāpattikaraṇe ca chekoti sambandho. **Sabbattha pāramiṃ gatoti** sabbasmiṃ vinayakamme pariyosānaṃ patto, dakkho chekoti attho.

521. **Vinaye khandhake cāpīti** vuttappakāre vinaye ca khandhake ca, **padaṃ** suttapadaṃ **nikkhipitvā** paṭṭhapetvā. **Ubhato viniveṭhetvāti** vinayato khandhakato cāti ubhayato nibbattetvā vijaṭetvā nayaṃ āharitvā. **Rasatoti** kiccato. **Osareyyaṃ** osāraṇaṃ karomīti attho.

522. **Niruttiyā ca kusaloti** “rukko paṭo kumbho mālā citta”ntiādīsu vohāresu cheko. **Atthānatthe ca kovidoti** atthe vaḍḍhiyaṃ anatthe hāniyaṅca kovidō dakkhoti attho. **Anaññātaṃ mayā natthīti** vinayapiṭake sakale vā piṭakattaye mayā anaññātaṃ aviditaṃ apākaṭaṃ kiñci natthīti attho. **Ekaggo satthu sāsāneti** buddhasāsane ahameva eko vinayadharānaṃ aggo seṭṭho uttamoti attho.

523. **Rūpadakkhe ahaṃ ajjāti** ajja etarahi kāle **sakyaputtassa** bhagavato **sāsane** pāvācane ahaṃ rūpadakkhe rūpadassane vinayavinicchayadassane **sabbaṃ kaṅkhaṃ** sakalaṃ saṃsayaṃ **vinodemi** vināsemīti sambandho. **Chindāmi sabbasaṃsayanti** “ahoṣiṃ nu kho ahamatītamaddhāna”ntiādikaṃ (ma. ni. 1.18; saṃ. ni. 2.20; mahāni. 174) kālattayaṃ ārabba uppannaṃ sabbaṃ soḷasavidhaṃ kaṅkhaṃ chindāmi vūpasamemi sabbaso viddhaṃsemīti attho.

524. **Paraṃ anupadañcāpīti** paraṃ pubbapadañca anupadaṃ parapadañca **akkharaṃ** ekekamakkharañca **byañjanaṃ** sithiladhanitādidasavidhaṃ byañjanavidhānañca. **Nidāneti** tena samayenātiādike nidāne ca. **Pariyosāneti** nigamanaṃ. **Sabbattha kovidoti** sabbesu chasu ṭhānesu chekoti attho.

525. Tato paraṃ bhagavatoyeva guṇe pakāsento **yathāpi rājā balavāti**ādimāha. Tattha yathā **balavā** thāmabalasampanno senābalasampanno vā rājā, **paraṃ** paresaṃ paṭirājūnaṃ senaṃ **niggaṇhitvā** nissesato gahetvā palāpetvā vā, **tape** tapeyya santapeyya dukkhāpeyya. **Vijinitvāna saṅgāmanti** saṅgāmaṃ parasenāya samāgamaṃ yuddhaṃ vijinitvā visesena jinitvā jayaṃ patvā. **Nagaraṃ tattha māpayeti** tattha tasmīṃ vijitaṭṭhāne nagaraṃ pāsādahammiyādivihūsitaṃ vasanaṭṭhānaṃ māpaye kārāpeyyāti attho.

526. **Pākāraṃ parikhañcāpīti** tattha māpitanagare pākāraṃ sudhādhavalaiṭṭhakāmayapākārañca kārāyati sambandho. **Parikhañcāpi** kaddamaparikhaṃ, udakaparikhaṃ, sukkhaparikhañca api kārāye. **Esikaṃ dvārakoṭṭhakanti** nagarasobhanatthaṃ ussāpitaesikāthambhañca mahantaṃ koṭṭhakañca catubhūmakādīdvārakoṭṭhakañca kārāye. **Aṭṭālake ca vividheti** catubhūmakādībhede atiuccaṭṭālake ca vividhe nānappaṅkārake bahū **kārāye** kārāpeyyāti sambandho.

527. **Siṅghāṭakaṃ caccarañcāti** na kevalaṃ pākārādayo kārāye, siṅghāṭakaṃ catumaggasandhiñca

caccaram antarāvīthiṅca kārayeti sambandho. **Suvibhattantarāpaṇanti** suṭṭhu vibhattaṃ vibhāgato koṭṭhāsavantam antarāpaṇam anekāpaṇasahassam kārāpeyyāti attho. **Kārayeyya sabham tatthāti** tasmim māpitanagare sabham dhammādhikaraṇasālam kāraye. **Atthānantaviniṅchayaṃ** vaḍḍhiṅca avaḍḍhiṅca viniṅchayaṇattham viniṅchayasālam kārayeti sambandho.

528. Nigghātattham amittānanti paṭirājūnam paṭibāhanattham. **Chiddāchiddaṅca jānitunti** dosaṅca adosaṅca jāniṭum. **Balakāyassa rakkhāyāti** hatthiassarathapattisaṅkhātassa balakāyassa senāsamūhassa ārakkhaṇatthāya so nagarasāmiko rājā, **senāpaccam** senāpatiṃ senānāyakaṃ mahāmatam **ṭhapeti** ṭhānantare patiṭṭhapeti attho.

529. Ārakkhatthāya bhaṇḍassāti jātarūparajata muttāmaṇiādirājabhaṇḍassa ārakkhaṇatthāya samantato gopantthāya **me** mayham **bhaṇḍam mā vinassīti** **nidhānakusalam** rakkhaṇe kusalam chekam **naram** purisam **bhaṇḍarakkham** bhaṇḍarakkhamtam so rājā bhaṇḍāgāre ṭhapeti sambandho.

530. Mamatto hoti yo raññoti yo paṇḍito rañño mamatto māmakko pakkhapāto hoti. **Vuddhiṃ yassa ca icchatīti** assa rañño vuddhiṅca virūḷhiṃ yo icchati kāmēti, **tassa** itthambhūṭassa paṇḍitassa rājā **adhikaraṇam** viniṅchayādhīpaccam deti **mittassa** mittabhāvassa paṭipajjitunti sambandho.

531. Uppātesūti ukkāpātadisāḍāhādiuppātesu ca. **Nimittesūti** mūsikacchinnādīsu “idaṃ nimittam subham, idaṃ nimittam asubha”nti evaṃ nimittajānanasatthesu ca. **Lakkhaṇesu cāti** itthipurisānam hatthapādalakkhaṇajānanasatthesu ca **kovidam** chekam **ajjhāyakaṃ** anekesam sissānam byākaraṇavācakaṃ **mantadharam** vedattayasāṅkhātamantadhāraṇam paṇḍitam so rājā **porohicce** purohitaṭṭhānantare ṭhapeti sambandho.

532. Etehaṅgehi sampannoti etehi vuttappakārehi aṅgehi avayavehi sampanno samaṅgībhūto so rājā “khattiyo”ti **pavuccati** kathīyatīti sambandho. **Sadā rakkhanti rājānanti** ete senāpaccādayo amaccā sadā sabbakālam tam rājānam rakkhanti gopenti. Kimiva? **Cakkavāko dukkhitam** dukkhappattam sakaṇṭhiṃ rakkhanto cakkavāko pakkhī ivāti attho.

533. Tatheva tvam mahāvīrāti vīruttaṃ, yathā so rājā senāpaccādiāṅgasampanno nagaradvāram thaketvā paṭivasati, tatheva tuvaṃ **hatāmitto** nihatapaccatthiko khattiyo iva **sadevakassa lokassa** saha devehi pavattamānassa lokassa **dhammarājā** dhammena samena rājā dasapāramitādharmaparipūraṇena rājabhūṭatā “dhammarājā”ti **pavuccati** kathīyatīti sambandho.

534. Titthiye nīharitvānāti dhammarājabhāvena paṭipakkhabhūte sakalatitthiye nīharitvā nissesena haritvā nibbisevanam katvā **sasenakam dhāraṅcāpi** senāya saha vasavattimārampi nīharitvā. **Tamandhakāram vidhamitvāti** tamsaṅkhātam mohandhakāram vidhamitvā viddhamsetvā. **Dhammanagaraṃ** sattatīmsabodhipakkhiyadhammasaṅkhātam, khandhāyanadhātupaṭiccasamuppādabalabojjhaṅgagambhīranayasamantapaṭṭhānadhammasaṅkhātam vā nagaram **amāpayi** nimmini patiṭṭhapesīti attho.

535. Sīlam pākāraṇam tatthāti tasmim patiṭṭhāpīte dhammanagare catupārisuddhisīlam pākāram. **Ñāṇam te dvārakoṭṭhakanti** te tuyham sabbaññutaññāṇāsayānusaṇṇānāgataṃsaññāṇāṇādikameva ñāṇam dvārakoṭṭhakanti attho. **Saddhā te esikā vīrāti**, bhante, asithilaparakkama te tuyham dīpaṅkarapādamūlato pabhuti sabbaññutaññāṇakāraṇā saddahanasaddhā ussāpitaalaṅkāraalaṅkatathambhoti attho. **Dvārapālo ca samvaroti** te tuyham chadvārikasamvaro rakkhāvaraṇagutti dvārapālo dvārarakkhakoti attho.

536. Satipaṭṭhānamatṭālanti te tuyham catusatipaṭṭhānaatṭālamuṇḍacchadanam. **Paññā te caccaram muneti**, bhante, mune ñāṇavanta te tuyham paṭihāriyādiānekavidhā paññā caccaram maggasamodhānam nagaravīthīti attho. **Iddhipādaṅca siṅghānti** tuyham chandavīriyacittavīmaṃsasāṅkhātā cattāro iddhipādā siṅghātam catumaggasanti. **Dhammavīthi sumāpitanti**

sattatiṃsabodhipakkhiyadhammasaṅkhātāya vīthiyā suṭṭhu māpitaṃ sajjitaṃ, taṃ dhammanagaranti attho.

537. Suttantaṃ abhidhammañcāti tava tuyhaṃ ettha dhammanagare suttantaṃ abhidhammaṃ vinayañca **kevalaṃ** sakalaṃ suttageyyādikaṃ navaṅgaṃ buddhavacanaṃ **dhammasabhā** dhammādhikaraṇasālāti attho.

538. Suññataṃ animittañcāti anattānupassanāvasena paṭiladdhaṃ suññatavihārañca, aniccānupassanāvasena paṭiladdhaṃ animittavihārañca. **Vihārañcappaṇihitanti** dukkhānupassanāvasena paṭiladdhaṃ appaṇihitavihārañca. **Āneñjañcāti** acalaṃ aphaṇḍitaṃ catusāmaññaphalasaṅkhātaṃ āneñjavihārañca. **Nirodho cāti** sabbadukkhanirodhaṃ nibbānañca. **Esā dhammakuṭi tavāti** esā sabbanavalokuttaradhammasaṅkhātā tava tuyhaṃ dhammakuṭi vasanagehanti attho.

539. Paññāya aggo nikkhittoti paññāvasena paññavantānaṃ aggo. Iti bhagavatā nikkhitto ṭhapito thero **paṭibhāne** ca paññāya kattaḃbe kicce, yuttamuttapaṭibhāne vā **kovido** cheko **nāmena sārīputtoti** pākaṭo **tava** tuyhaṃ dhammasenāpati tayā desitassa piṭakattayadhammasamūhassa dhāraṇato pati padhāno hutvā senākiccaṃ karotīti attho.

540. Cutūpapātakusaloti bhante muni, **cutūpapāte** cutiyā upapattiyā ca **kusalo** cheko. **Iddhiyā pāramiṃ gatoti** “ekopi hutvā bahudhā hoti, bahudhāpi hutvā eko hoti” tiādinā (dī. ni. 1.238; paṭi. ma. 1.102) vuttāya iddhippabhedāya pāramiṃ pariyoṣānaṃ gato patto nāmena kolito nāma moggallānatthero **porohicco** tava tuyhaṃ purohitoti sambandho.

541. Porāṇakavaṃsadharoti bhante mune, ñāṇavantaṃ porāṇassa vaṃsassa dhārako, paramparajānanako vā **uggatejo** pākaṭatejo, **durāsado** āsādetuṃ ghaṭṭetuṃ dukkho asakkuṇeyyoti attho. **Dhutavādiguṇenaggoti** tecīvarikaṅgādīni terasa dhutaṅgāni vadati ovadatīti dhutavādiguṇena dhutaṅgaguṇena aggo seṭṭho mahākassapatthero **tava** tuyhaṃ **akkhadasso** vohāra karaṇe padhānoti attho.

542. Bahussuto dhammadharoti bhante mune, bahūnaṃ caturāsītidhammakhandhasahassānaṃ sutatā bhagavatā bhikkhusaṅghato ca uggahitattā bahussuto anekesaṃ chasatasahassasaṅkhyānaṃ āgamadhammānaṃ satipaṭṭhānādīnañca paramatthadhammānaṃ dhāraṇato dhammadharo ānando. **Sabbapāṭhī ca sāsāneti** buddhasāsane sabbesaṃ pāṭhīnaṃ paṭhantānaṃ sajjhāyantānaṃ bhikkhūnaṃ aggo seṭṭhoti sabbapāṭhī nāmena ānando nāma thero. **Dhammārakkho tavāti** tava tuyhaṃ dhammassa piṭakattayadhammabhaṇḍassa ārakkho rakkhako pālako, dhammabhaṇḍāgārikoti attho.

543. Ete sabbe atikkammāti bhagavā bhagyavā sammāsambuddho ete sārīputtādayo mahānubhāvepi there atikkamma vajjetvā mamaṃyeva **pamesi** pamāṇaṃ akāsi, manasi akāsīti attho. **Vinicchayaṃ me pādāsīti** vinayaññūhi paṇḍitehi desitaṃ pakāsitaṃ vinaye vinicchayaṃ dosavicāraṇaṃ me mayhaṃ bhagavā **pādāsi** pakārena adāsi, mayhameva bhāraṃ akāsīti sambandho.

544. Yo koci vinaye pañhanti yo koci bhikkhu buddhasāvako vinayanissitaṃ pañhaṃ maṃ pucchati, **tattha** tasmīṃ pucchitapañhe **me** mayhaṃ **cintanā** vimati kaṅkhā natthi. **Tañhevattamaṃ** taṃ eva pucchitaṃ atthaṃ ahaṃ kathamīti sambandho.

545. Yāvatā buddhakkhattamhīti yāvatā yattake ṭhāne buddhassa āṇākhette taṃ mahāmunīṃ sammāsambuddhaṃ ṭhapetvā **vinaye** vinayapiṭake vinayavinicchayakaraṇe vā **mādiso** mayā sadiso natthi, ahameva aggo, **bhiyyo** mamādhiko kuto bhavissatīti sambandho.

546. Bhikkhusaṅghe nisīditvā bhikkhusaṅghamajjhe nisīno gotamo bhagavā **evaṃ gajjati** sīhanādaṃ karoti. Kathaṃ? **Vinaye** ubhatovibhaṅge, **khandhakesu** mahāvaggacūlavaggesu, ca-saddena parivāre, **upālissa** upālīnā **samo** sadiso natthīti evaṃ gajjati.

547. Yāvatāti yattakaṃ **buddhabhaṇitaṃ** buddhena desitaṃ **navañgaṃ** suttageyyādisatthusāsanaṃ satthunā pakāsitaṃ sabbaṃ **vinayogadham** taṃ vinaye antopaviṭṭhaṃ vinayamūlakaṃ iccevaṃ **passino** passantassa.

548. Mama kammaṃ saritvānāti gotamo **sakyapuṅgavo** sakyavaṃsappadhāno, **mama kammaṃ** mayhaṃ pubbatthanākammaṃ atītaṃsañāneṇa **saritvāna** paccakkhato ñatvā bhikkhusaṅghamajjhe gato “etadaggaṃ, bhikkhave, mama sāvakaṇaṃ bhikkhūnaṃ vinayadharānaṃ yadidaṃ upāli”ti (a. ni. 1.219, 228) maṃ etadagge ṭhāne ṭhapesīti sambandho.

549. Satasahassupādāyāti satasahassakappe ādiṃ katvā yaṃ imaṃ ṭhānaṃ **apatthayiṃ** patthesiṃ, so **me** attho mayā **anupatto** adhiḡato paṭiladdho vinaye **pāramiṃ gato** koṭiṃ pattoti attho.

550. Sakyānaṃ sakyavaṃsarājūnaṃ **nandijanano** somanassakārako ahaṃ **pure** pubbe kappako **āsiṃ** ahosiṃ, **taṃ jātiṃ** taṃ kulaṃ taṃ yoniṃ **vijahitvā** visesena jahitvā chaḍḍetvā **mahesino** sammāsambuddhassa **putto jāto** sakyaputtoti saṅkhyāṃ gato sāsanaadhāraṇatoti attho.

551. Tato paraṃ attano dāsakule nibbattanāpadānaṃ dassento **ito dutiyake kappeti**ādimaḡa. Tattha **ito** bhaddakappato heṭṭhā dutiye kappe nāmena añjaso nāma khattiyo eko rājā **anantatejo** saṅkhyātikantatejo **amitayaso** pamāṇātikantaparivāro **mahaddhano** anekakoṭisatasahassadhanavā **bhūmipālo** pathavīpālo rakkhako ahosīti sambandho.

552. Tassa rañṇoti tassa tādisassa rājino putto ahaṃ candano nāma **khattiyo** khattiyakumāro ahosinti sambandho. So ahaṃ jātimadena ca yasamadena ca bhogamadena ca **upatthaddho** thambhito unnatoti attho.

553. Nāgasatasahassānāti satasahassahatthino **mātaṅgā** mātaṅgakule jātā **tidhā pabhinnā** akkhikaṇṇakosasaṅkhātehi tīhi ṭhānehi pabhinnā madagaḷitā **sabbalaṅkārahūsitā** sabbehi hatthālaṅkārehi alaṅkatā **sadā** sabbakālaṃ maṃ parivārentīti sambandho.

554. Sabalehi paretohanti tadā tasmīṃ kāle ahaṃ sabalehi attano senābalehi **pareto** parivārito uyyānaṃ **gantukāma**ko icchanto sirikaṃ nāma **nāgaṃ** hatthiṃ **āruya** abhiruhitvā nagarato nikkhaminti sambandho.

555. Caraṇena ca sampannoti sīlasaṃvarādipannarasacaraṇadhammena samannāgato **guttadvāro** **pihitacakkhādhadvāro** **susaṃvuto** suṭṭhu rakkhitakāyacitto devalo nāma **sambuddho** paccakasambuddho, **mama** mayhaṃ **purato** sammukhe **āgacchi** pāpuṇīti attho.

556. Pesetvā sirikaṃ nāganti taṃ āgataṃ paccakabuddhaṃ disvā ahaṃ sirikaṃ nāma nāgaṃ abhimukhaṃ pesetvā buddhaṃ **āsādayiṃ** ghaṭṭesiṃ padussesinti attho. **Tato sañjātakopo** soti tato tasmā mayā atīva pīḷetvā pesitattā so hatthināgo mayi sañjātakopo **padam** attano pādamaṃ **nuddharate** na uddharati, niccalova hotīti attho.

557. Nāgaṃ duṭṭhamaṇaṃ disvāti duṭṭhamaṇaṃ kuddhacittaṃ nādaṃ disvā ahaṃ **buddhe** paccakabuddhe **kopaṃ akāsiṃ** dosaṃ uppādesinti attho. **Vihesayitvā sambuddhanti** devalaṃ paccakasambuddhaṃ vihesayitvā viheṭṭhetvā ahaṃ uyyānaṃ agamāsinti sambandho.

558. Sātaṃ tattha na vindāmīti tasmīṃ āsādane sātaṃ na vindāmi. Āsādananimittaṃ madhuraṃ sukhaṃ na labhāmīti attho. **Siro pajjalito yathāti** siro mama sīsaṃ pajjalito yathā pajjalamaṇaṃ viya hotīti attho. **Parilāhena ḍayhāmīti** paccakabuddhe kopassa katattā pacchānutāpapariḷāhena ḍayhāmi uṇhacitto homīti attho.

559. Sasāgarantāti teneva pāpakammabalena sasāgarantā sāgarapariyosānā sakalamahāpathavī **me**

mayhaṃ **ādittā viya** jalitā viya hoti khāyatīti attho. **Pitu santikupāgammā**ti evaṃ bhaye uppanne ahaṃ attano pitu rañño santikaṃ **upāgama** upagantvā idaṃ vacanaṃ **abraviṃ** kathesinti attho.

560. Āsīvisaṃva kupitanti āsīvisaṃ sabbaṃ kupitaṃ kuddhaṃ iva jalamānaṃ aggikkhandhaṃ iva **mattaṃ** tidhā pabhinnaṃ **dantiṃ** dantavantaṃ **kuñjaraṃ** uttamaṃ hatthiṃ iva ca āgataṃ yaṃ paccakabuddhaṃ **sayambhuṃ** sayameva buddhabhūtaṃ ahaṃ **āsādayiṃ** ghaṭṭesinti sambandho.

561. Āsādito mayā buddhoti so paccakabuddho mayā āsādito ghaṭṭito **ghoro** aññehi ghaṭṭetuṃ asakkuṇeyyattā ghero, **uggatapo** pākaṭatapo **jino** pañca māre jitavā evaṃguṇasampanno paccakabuddho mayā ghaṭṭitoti attho. **Purā sabbe vinassāmā**ti tasmīṃ paccakabuddhe kataanādarena sabbe mayaṃ vinassāma vividhenākārena nassāma, bhasmā viya bhavāmāti attho. **Khamāpessāma taṃ muninti** taṃ paccakabuddhaṃ munīṃ yāva na vinassāma, tāva khamāpessāmāti sambandho.

562. No ce taṃ nijjhāpessāmāti attadantaṃ damitacittaṃ **samāhitaṃ** ekaggacittaṃ taṃ paccakabuddhaṃ no ce nijjhāpessāma khamāpessāma. **Orena sattadivasā** sattadivasato orabhāge sattadivase anatikkamitvā sampuṇṇaṃ raṭṭhaṃ me sabbaṃ **vidhamissati** vinassissati.

563. Sumekhalo kosiyo cāti ete sumekhalādayo cattāro rājāno isayo **āsādayitvā** ghaṭṭetvā anādaraṃ katvā **saraṭṭhakā** saha raṭṭhajanapadavāsīhi duggatā vināsaṃ gatāti attho.

564. Yadā kuppanti isayoti yadā yasmiṃ kāle **saññatā** kāyasaññamādīhi saññatā santā **brahmacārino** uttamacārino seṭṭhacārino isayo **kuppanti** domanassā bhavanti, tadā sasāgaraṃ sapabbataṃ sadevakaṃ lokaṃ vināsentīti sambandho.

565. Tiyojanasahassamhīti tesam isīnaṃ ānubhāvaṃ ñatvā te khamāpetuṃ **accayaṃ** aparādhaṃ **desanattāya** pakāsanattāya tiyojanasahassappamāṇe padese purise sannipāyinti sambandho. **Sayambhuṃ upasaṅkaminti** sayambhuṃ paccakabuddhaṃ upasaṅkamīṃ samīpaṃ agamāsinti attho.

566. Allavatthāti mayā saddhiṃ rāsibhūtā sabbe janā allavatthā udakena tintavatthauttarāsaṅgā **allasirā** tintakesā **pañjalikatā** muddhani kataañjalipuṭā **buddhassa** paccakamunino **pāde** pādasamīpe **nipatitvā** nipajjitvā **idaṃ vacanamabravunti** “khamassu tvam, mahāvīrā” tiādikaṃ vacanaṃ abravuṃ kathesunti attho.

567. Mahāvīra vīruttama bhante paccakabuddha, mayā tumhesu aññāṇena kataṃ aparādhaṃ khamassu tvam vinodehi, mā manasi karohīti attho. **Jano** janasamūho **taṃ** bhagavantaṃ **abhi** visesena yācati. **Parilāhaṃ** dosamohehi katacittadukkharilāhaṃ amhākaṃ **vinodehi** tanuṃ karohi, **no** amhākaṃ **raṭṭhaṃ** sakalaraṭṭhajanapadavāsino **mā vināsaya** mā vināsehīti attho.

568. Sadevamānusa sabbeti sabbe mānusa sadevā **sadānavā** pahārādādīhi asurehi saha **sarakkhasā ayomayena kūṭena** mahāmuggarena **sadā** sabbakālaṃ **me siram** mayhaṃ matthakaṃ **bhindeyyuṃ** padāleyyuṃ.

569. Tato paraṃ buddhānaṃ khamitabhāvañca kopābhāvañca pakāsentō **dake aggi na saṅghātī**tiādīmāha. Tattha yathā udae aggi **na saṅghāti** na patiṭṭhāti, yathā bījaṃ **sele** silāmāye pabbate na viruhati, yathā **agade** osadhe **kimi** pāṇako na saṅghāti. Tathā **kopo** cittappakopo dummanatā **buddhe** paṭividdhasacce paccakabuddhe **na jāyati** na uppajjatīti attho.

570. Punapi buddhānaṃ ānubhāvaṃ pakāsentō **yathā ca bhūmī**tiādīmāha. Tattha yathā ca **bhūmi** pathavī **acalā** niccalā, tathā buddho acaloti attho. Yathā **sāgaro** mahāsamuddo **appameyyo** pametuṃ pamāṇaṃ gahetuṃ asakkuṇeyyo, tathā buddho appameyyoti attho. Yathā **ākāso** aphuṭṭhākāso **anantako** pariyoṣānarahito, **evaṃ** tathā buddho **akkhobhiyo** khobhetuṃ āloḷetuṃ asakkuṇeyyoti attho.

571. Tato param paccekabuddhassa khamanavacanaṃ dassento **sadā khantā mahāvīrāti**tiādīmāha. Tattha **mahāvīrā** uttamavīriyavantaṃ buddhā **tapassino** pāpānaṃ tapanato “tapo”ti laddhanāmena vīriyena samannāgatā **khantā** ca khantiyā ca sampannā **khamitā** ca paresaṃ aparādhaṃ khamitā sahitā **sadā** sabbakālaṃ bhavanti sambandho. **Khantānaṃ khamitānañcā**tesaṃ buddhānaṃ khantānaṃ khantiyā yuttānaṃ khamitānaṃ parāparādhakhamitānaṃ sahitānañca **gamaṇaṃ** chandādīhi agatigamaṇaṃ na vijjatīti attho.

572. Iti idaṃ vacanaṃ vatvā **sambuddho** paccekasambuddho **pariḷāhaṃ** sattānaṃ uppannadāhaṃ **vinodayaṃ** vinodayanto **mahājanassa purato** sannipatitassa sarājakassa mahato janakāyassa sammukhato **tadā** tasmim kāle **nabhaṃ** ākāsaṃ **abhuggami** uggañchīti attho.

573. **Tena kammaṇaṃ dhīrā**ti dhīra dhisampanna ahaṃ **tena kammaṇa** paccekabuddhe katena anādarakammaṇa imasmim pacchimattabhava **hīnattaṃ** lāmakabhāvaṃ rājūnaṃ kappakakammakaraṇajātim **ajjhupāgato** sampattoti attho. **Samatikkamma taṃ jātinti** taṃ parāyattajātim **saṃ** suṭṭhu atikkamma atikkamivā. **Pāvisim abhayaṃ puranti** bhayarahitaṃ nibbānapuraṃ nibbānamahānagaraṃ pāvisim pavīṭṭho āsinti attho.

574. **Tadāpi maṃ mahāvīrā**ti vīruttama **tadāpi** tasmim paccekabuddhassa āsādanasamaye api sayambhū paccekabuddho **pariḷāhaṃ** āsādanahetu uppannaṃ kāyacittadarathaṃ vinodesi dūrākāsi. **Ḍayhamānaṃ** tato eva pacchānutāpena kukkuccena ḍayhamānaṃ santapantaṃ maṃ **susaṅghitaṃ** dosaṃ dosato dassane suṭṭhu saṅghitaṃ disvā khamāpayi taṃ aparādhaṃ adhvāsesīti sambandho.

575. **Ajjāpi maṃ mahāvīrā**ti vīruttama, ajjāpi tuyhaṃ samāgamakāle api, **tihaggībhi** rāgaggidosaggimohaggisaṅkhātehi vā nirayaggipetaggisaṃsāraggisaṅkhātehi vā tīhi aggīhi **ḍayhamānaṃ** dukkhamanubhavaṇaṃ maṃ bhagavā **sītibhāvaṃ** domanassavināseṇa santakāyacittasaṅkhātaṃ sītibhāvaṃ nibbānameva vā **apāpayi** sampāpesi. **Tayo aggī** vuttappakāre te tayo aggī **nibbāpesi** vūpasamesīti sambandho.

576. Evaṃ attano hīnāpadānaṃ bhagavato dassetvā idāni aññepi tassa savane niyojetvā ovadanto “yesaṃ sotāvadhānatthī”tiādīmāha. Tattha **yesaṃ** tumhākaṃ **sotāvadhānaṃ** sotassa avadhānaṃ ṭhapanāṃ **atthi** vijjati, te tumhe **bhāsato** sāsantassa mama vacanaṃ **suṇātha** manasi karotha. **Atthaṃ tumhaṃ pavakkhāmīti yathā** yena pakāreṇa **mama** mayā diṭṭhaṃ **padaṃ** nibbānaṃ, tathā tena pakāreṇa nibbānasāṅkhātaṃ paramatthaṃ tumhākaṃ pavakkhāmīti sambandho.

577. Taṃ dassento **sayambhuṃ taṃ vimānetvā**tiādīmāha. Tattha **sayambhuṃ** sayameva bhūtaṃ ariyāya jātiyā jātaṃ santacittaṃ samāhitaṃ paccekabuddhaṃ vimānetvā anādaraṃ katvā **tena kammaṇa** katenākusaleṇa **ajja** imasmim vattamānakāle ahaṃ **nīcayoniyam** parāyattajātiyam kappakajātiyam **jāto** nibbato **amhi** bhavāmi.

578. **Mā vo khaṇaṃ virādhethā**ti buddhuppādakkhaṇaṃ vo tumhe mā virādhetha galītaṃ mā karotha, **hi** saccam **khaṇātītā** buddhuppādakkhaṇaṃ atītā atikkantā sattā **socare** socanti, “mayam alakkhikā dummedhā bhavāmā”ti evam socantīti attho. **Sadatthe** attano atthe vuḍḍhiyam **vāyameyyātha** vīriyam karotha. **Vo** tumhehi **khaṇo** buddhuppādakkhaṇo samayo **paṭipādito** nipphādito pattoti attho.

579. Tato param saṃsāragatānaṃ ādīnavaṃ upamāupameyyavasena dassento **ekaccānañca vamananti**tiādīmāha. **Ekaccānaṃ** kesañci puggalānaṃ **vamaṇaṃ** uddhaṃ uggiraṇaṃ ekaccānaṃ **virecanaṃ** adhopaggharaṇaṃ **eke** ekaccānaṃ halāhalaṃ **visaṃ** mucchākaraṇavisam, ekaccānaṃ puggalānaṃ **osadhaṃ** rakkhanupāyaṃ bhagavā evam paṭipāṭiyā akkhāsīti sambandho.

580. **Vamaṇaṃ paṭipannānanti** paṭipannānaṃ maggasamaṅgīnaṃ vamaṇaṃ saṃsārachaḍḍanaṃ saṃsāramocanaṃ bhagavā akkhāsīti sambandho. **Phalaṭṭhānaṃ** phale ṭhitānaṃ virecanaṃ saṃsārapaggharaṇaṃ akkhāsī. **Phalalābhīnaṃ** phalaṃ labhitvā ṭhitānaṃ nibbānaosadhaṃ akkhāsī.

Gavesīnaṃ manussadevanibbānasampattiṃ gavesīnaṃ pariyesantānaṃ puññakhettabhūtaṃ saṅghaṃ akkhāsīti sambandho.

581. Sāsanena viruddhānanti sāsanassa paṭipakkhānaṃ halāhalaṃ kutūhalaṃ pāpaṃ akusalaṃ akkhāsīti sambandho. **Yathā āsīvisoti** assaddhānaṃ katapāpānaṃ puggalānaṃ saṃsāre dukkhāvahanato āsīvisasadiṣaṃ yathā āsīviso diṭṭhamattena bhasmakaraṇato **diṭṭhaviṣo** sappo attanā daṭṭhaṃ naraṃ **jhāpeti** ḍayhati dukkhāpeti. **Taṃ naraṃ** taṃ assaddhaṃ katapāpaṃ naraṃ halāhalaviṣaṃ evaṃ jhāpeti catūsu apāyesu ḍayhati soṣesīti sambandho.

582. Sakim pītaṃ halāhalanti viṣaṃ halāhalaṃ pītaṃ sakim ekavāraṃ jīvitaṃ **uparundhati** nāseti. **Sāsanena** sāsanamhi **virajjhivā** aparādhaṃ katvā puggalo **kappakoṭimhi** koṭisaṅkhye kappepi **ḍayhati** nijjhāyatīti attho.

583. Evaṃ assaddhānaṃ puggalānaṃ phalavipākaṃ dassetvā idāni buddhānaṃ ānubhāvaṃ dassento **khantiyāti**ādīmāha. Tattha yo buddho vamanādīni akkhāsi, **so** buddho **khantiyā** khamanena ca **avihimsāya** sattānaṃ avihimsanena ca **mettacittavatāya** ca mettacittavantabhāvena ca **sadevakaṃ** saha devehi vattamānaṃ lokaṃ **tāreti** atikkamāpeti nibbāpeti, **tasmā** kāraṇā buddhā vo tumhehi **avirādhiyā** virujjhitaṃ na sakkuṇeyyā, buddhasāsane paṭipajjeyyāthāti attho.

584. Lābhe ca alābhe ca **na sajjanti** na bhajanti na lagganti. **Sammānane** ādarakaraṇe ca **vimānane** anādarakaraṇe ca acalā pathavīsadisā buddhā bhavanti, **tasmā** kāraṇā **te** buddhā tumhehi **na virodhiyā** na virodhetabbā virujjhitaṃ asakkuṇeyyāti attho.

585. Buddhānaṃ majjhataṃ dassento **devadatteti**ādīmāha. Tattha vadhakāvadhakesu sabbesu sattesu **samako** samamānaso **muni** buddhamunīti attho.

586. Etesaṃ paṭigho natthīti etesaṃ buddhānaṃ paṭigho caṇḍikkaṃ dosacittataṃ natthi na saṃvijjati. **Rāgomesaṃ na vijjatīti** imesaṃ buddhānaṃ rāgopi rajjanaṃ allīyanaṃ na vijjati, na upalabbhati, tasmā kāraṇā, vadhakassa ca orasassa cāti sabbesaṃ **samako** samacitto buddho hotīti sambandho.

587. Punapi buddhānaṃyeva ānubhāvaṃ dassento **panthe disvāna kāsāvanti**ādīmāha. Tattha **mīlhamakkhitaṃ** gūthasammissaṃ **kāsāvaṃ** kasāvena rajitaṃ cīvaraṃ **isiddhajaṃ** ariyānaṃ dhajaṃ parikkhāraṃ, **panthe** magge chaḍḍitaṃ **disvāna** passivā **añjaliṃ katvā** dasaṅgulisamodhānaṃ añjalipuṭaṃ sirasi katvā **sirasā** sirena **vanditabbaṃ isiddhajaṃ** arahattaddhajaṃ buddhapaccekaḥbuddhasāvakaḍipakaṃ cīvaraṃ namassitabbaṃ mānetabbaṃ pūjētabbanti attho.

588. Abbhātīti abhi atthaṅgatā nibbutā. **Ye ca buddhā vattamānā** idāni jātā ca ye buddhā **anāgatā** ajātā abhūtā anibbattā apātubhūtā ca ye buddhā. **Dhajenānena sujjhantīti** anena isiddhajena cīvarena ete buddhā sujjhanti visuddhā bhavanti sobhanti. **Tasmā** tena kāraṇena **ete** buddhā **namassiyā namassitabbā** vanditabbāti attho. “Etaṃ namassiya”ntipi pāṭho, tassa etaṃ isiddhajaṃ namassitabbanti attho.

589. Tato paraṃ attano guṇaṃ dassento **satthukappanti**ādīmāha. Tattha **satthukappaṃ** buddhasadiṣaṃ **suvinayaṃ** sundaravinayaṃ sundarākārena dvārattayadamaṇaṃ **hadayena** cittena ahaṃ **dhāremi** savanadhāraṇādinā paccavekkhāmīti attho. **Vinayaṃ** vinayapiṭakaṃ **namassamāno** vandamāno vinaye ādaraṃ kurumāno **viharissāmi sabbadā** sabbasmiṃ kāle vāsaṃ kappemīti attho.

590. Vinayo āsāyo mayhanti vinayapiṭakaṃ mayhaṃ okāsabhūtaṃ savanadhāraṇaṃmanasikaraṇauggahaparipucchāpavattanavasena okāsabhūtaṃ gehabhūtaṃ attho. **Vinayo ṭhānacaṅkamanti** vinayo mayhaṃ savanādikicckaraṇena ṭhitaṭṭhānaṅca caṅkamaṇaṭṭhānaṅca. **Kappemi vinaye vāsanti** vinayapiṭake vinayatantiyā savanadhāraṇapavattanavasena vāsaṃ sayanaṃ kappemi karomi. **Vinayo mama gocaroti** vinayapiṭakaṃ mayhaṃ gocarō āhāro bhojanaṃ niccaṃ dhāraṇaṃmanasikaraṇavasenāti attho.

591. Vinaye pāramippattoti sakale vinayaṭṭake pāramiṃ pariyosānaṃ patto. **Samathe cāpi kovidoti** pārājikādisattāpattikkhandhānaṃ samathe vūpasame ca vuṭṭhāne ca kovido cheko, adhikaraṇasamathe vā –

‘‘Vivādaṃ anuvādañca, āpattādhikaraṇaṃ tathā;
Kiccādhikaraṇaṇceva, caturādhikaraṇā matā’’ti. –

Vuttādhikaraṇesu ca –

‘‘Sammukhā sativinayo, amūlhapatiññākaraṇaṃ;
Yebhuyya tassapāpiyya, tiṇavathhārako tathā’’ti. –

Evaṃ vuttesu ca sattu adhikaraṇasamathesu atikovido chekoti attho. **Upāli taṃ mahāvīrāti** bhante mahāvīra, catūsu asaṅkhyeyyesu kappasatasahassee sabbaññutaññādhigamāya vīriyavanta **satthuno** devamanussānaṃ anusāsakassa **taṃ** tava **pāde** pādayuge upāli bhikkhu **vandati** paṇāmaṃ karotīti attho.

592. So ahaṃ pabbajitvā sambuddhaṃ **namassamāno** paṇāmaṃ kurumāno **dhammassa ca** tena bhagavatā desitassa navalokuttaradhammassa **sudhammatam** sundaradhammabhāvaṃ jānitvā dhammañca namassamāno gāmato gāmaṃ **purato punaṃ** nagarato nagaraṃ vicarissāmīti sambandho.

593. Kilesā jhāpitā mayhanti mayā paṭividdhaarahattamaggañāṇena mayhaṃ cittasantānagatā sabbe diyaḍḍhasahassasaṅkhā kilesā jhāpitā sositā visositā viddhaṃsitā. **Bhavā sabbe samūhatāti** kāmabhavādayo sabbe nava bhavā mayā samūhatā **saṃ** suṭṭhu ūhatā khepitā viddhaṃsitā. **Sabbāsavā parikkhīṇāti** kāmāsavo, bhavāsavo, diṭṭhāsavo, avijjāsavoti sabbe cattāro āsavā parikkhīṇā parisamantato khayāṃ pāpitā. **Idāni** imasmiṃ arahattappattakāle **punabbhavo** punuppattisaṅkhāto bhavo bhavanaṃ jāti natthīti attho.

594. Uttari somanassavasena udānaṃ udānento **svāgatanti**ādīmāha. Tattha **buddhaseṭṭhassa** uttamabuddhassa **santike** samīpe ekanagare vā mama āgamaṇaṃ **svāgataṃ** suṭṭhu āgamaṇaṃ sundarāgamaṇaṃ **vata** ekantena **āsi** ahoṣīti sambandho. **Tisso vijjāti** pubbenivāsadibbacakkhuāsavakkhayavijjā **anuppattā** sampattā, paccakkhaṃ katāti attho. **Kataṃ buddhassa sāsanti** buddhena bhagavatā desitaṃ anusitṭhi sāsanaṃ kataṃ nipphāditāṃ vattapaṭipattiṃ pūretvā kammaṭṭhānaṃ manasi karitvā arahattamaggañāṇādhigamena sampāditanti attho.

595. Paṭisambhidā catassoti atthapaṭisambhidādayo catasso paññāyo sacchikatā paccakkhaṃ katā. **Vimokkhāpi ca aṭṭhimi**ti cattāri maggañāṇāni cattāri phalaññānīti ime aṭṭha vimokkhā saṃsārato mucanūpāyā sacchikatāti sambandho. **Chalabhīññā sacchikatāti** –

‘‘Iddhividhaṃ dibbasotaṃ, cetopariyaññaṃ;
Pubbenivāsaññaṇca, dibbacakkhāsavakkhaya’’nti. –

Imā cha abhiññā sacchikatā paccakkhaṃ katā. Imesaṃ ñāṇānaṃ sacchikaraṇena buddhassa sāsanaṃ katanti attho.

Itthanti iminā heṭṭhā vuttappakārena. **Sudanti** padapūraṇamatte nipāto. Āyasmā upāli **theroti** thirasīlādiguṇayutto sāvako imā pubbacaritāpadānadīpikā gāthāyo **abhāsittha** kathayitthāti attho.

Upālittheraapadānavañṇanā samattā.

3-7. Aññāsikoṇḍaññattheraapadānavañṇanā

Padumuttarasambuddhantiādikaṃ āyasmato aññāsikoṇḍaññattherassa apadānaṃ. Ayaṃ kira purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa

bhagavato kāle haṃsavatīnagare gahapatimahāsālakule nibbattivā viññutaṃ patvā ekadivasam satthu santike dhammaṃ suṇanto satthāraṃ ekaṃ bhikkhuṃ attano sāsane paṭhamam paṭividdhadhammarattaññūnam aggaṭṭhāne ṭhapentaṃ disvā sayampi taṃ ṭhānantaraṃ patthento satahassabhikkhuparivārassa bhagavato sattāhaṃ mahādānaṃ pavattetvā paṇidhānaṃ akāsi. Satthāpissa anantarāyataṃ disvā bhāvinim sampattim byākāsi. So yāvajīvaṃ puññāni karonto satthari parinibbute cetiye patiṭṭhāpiyamāne antocetiye ratanagharaṃ kārāpesi, cetiyam parivāretvā sahasaratanaagghikāni ca kāresi.

So evaṃ puññāni katvā tato cavitvā devamanussesu saṃsaranto vipassissa bhagavato kāle mahākālo nāma kuṭumbiko hutvā aṭṭhakarīsamatte khette sāligabbhaṃ phāletvā gahitasālitaṇḍulehi asambhinnakhīrapāyāsaṃ sampādetvā tattha madhusappisakkarādayo pakkhipitvā buddhappamukhassa saṅghassa adāsi. Sāligabbhaṃ phāletvā gahitagahitaṭṭhānaṃ puna pūراتي. Puthukakāle puthukaggaṃ nāma adāsi. Lāyane lāyaggaṃ, veṇikaraṇe veṇaggaṃ, kalāpādikaraṇe kalāpaggaṃ, khalaggaṃ, bhaṇḍaggaṃ, minaggaṃ koṭṭhaggaṃ evaṃ ekasasse nava vāre aggaḍānaṃ adāsi, tampi sassaṃ atirekataraṃ sampannaṃ ahosi.

Evaṃ yāvajīvaṃ puññāni katvā tato cuto devaloke nibbattivā devesu ca manussesu ca saṃsaranto amhākaṃ bhagavato uppattito puretameva kapilavatthunagarassa avidūre doṇavatthunāmake brāhmaṇagāme brāhmaṇamahāsālakule nibbatti. Tassa **koṇḍaññoti** gottato āgataṃ nāmaṃ ahosi. So vayappatto tayo vede uggahetvā lakkhaṇamantesu ca pāraṃ agamāsi. Tena samayena amhākaṃ bodhisatto tusitapurato cavitvā kapilavatthupure suddhodanamahārājassa gehe nibbatti. Tassa nāmaggaṇadivase aṭṭhuttarasatesu brāhmaṇesu upanītesu ye aṭṭha brāhmaṇā lakkhaṇapariggahaṇatthaṃ mahātalaṃ upanīta. So tesu sabbanavako hutvā mahāpurisassa lakkhaṇanipphattiṃ disvā “ekamsena ayaṃ buddho bhavissati”ti niṭṭhaṃ gantvā mahāsattassa abhinikkhamaṇaṃ udikkhanto vicarati.

Bodhisattopi kho mahatā parivārena vaḍḍhamāno anukkamena vuddhippato ñāṇaparipākaṃ gantvā ekūnatimsatime vasse mahābhinnikkhamaṇaṃ nikkhamanto anomānadīre pabbajitvā anukkamena uruvelaṃ gantvā padhānaṃ padahi. Tadā koṇḍañño māṇavo mahāsattassa pabbajitabhāvaṃ sutvā lakkhaṇapariggāhakabrāhmaṇānaṃ puttehi vappamāṇavādīhi saddhiṃ attapañcamo pabbajitvā anukkamena bodhisattassa santikaṃ upasaṅkamitvā chabbassāni taṃ upaṭṭhahanto tassa oḷārikāhāraparibhogena nibbinno apakkamitvā isipatanaṃ agamāsi. Atha kho bodhisatto oḷārikāhāraparibhogena laddhakāyabalo vesākhapuṇṇamāyaṃ bodhirukkhamūle aparājitaṭṭhānaṃ nisinnō tiṇṇaṃ mārānaṃ matthakaṃ madditvā abhisambuddho hutvā sattaṭṭhānaṃ bodhimaṇḍeyeva vītināmetvā pañcavaggiyānaṃ ñāṇaparipākaṃ ñatvā āsāḷhīpuṇṇamāyaṃ isipatanaṃ gantvā tesam dhammacakkapavattanasuttantaṃ (mahāva. 13 ādayo; saṃ. ni. 5.1081) kathesi. Desanāpariyosāne koṇḍaññatthero aṭṭhārasahi brahmakoṭṭhi saddhiṃ sotāpattiphale patiṭṭhāsi. Atha pañcamiyaṃ pakkhassa anattalakkhaṇasuttantadesanāya (mahāva. 20 ādayo; saṃ. ni. 3.59) arahattaṃ sacchākāsi.

596. Evaṃ so arahattaṃ patvā “kiṃ kammaṃ katvā ahaṃ lokuttarasukhaṃ adhigatomi”ti upadhārento attano pubbakammaṃ paccakkhato ñatvā somanassavasena pubbacaritāpadānaṃ udānavasena dassento **padumuttarasambuddhanti**ādīmāha. Tassattho heṭṭhā vuttoyeva. **Lokajetthaṃ vināyakanti** sakalassa sattalokassa jetthaṃ padhānanti attho. Visesena veneyyasatte saṃsārasāgarassa paratīraṃ amatamahānibbānaṃ neti sampāpetīti **vināyako**, taṃ vināyakaṃ. **Buddhabhūmimanuppattanti** buddhassa bhūmi patiṭṭhānaṭṭhānanti buddhabhūmi, sabbaññūtaññānaṃ, taṃ anuppatto paṭividdhoti buddhabhūmimanuppatto, taṃ buddhabhūmimanuppattaṃ, sabbaññūtapattaṃ buddhabhūntanti attho. **Paṭhamam addasaṃ ahanti** paṭhamam vesākhapuṇṇamiyā rattiyaṃ paccūsasamaye buddhabhūtaṃ padumuttarasambuddhaṃ ahaṃ addakkhanti attho.

597. Yāvata bodhiyā mūleti yattakā bodhirukkhasamīpe yakkhā **samāgatā** rāsibhūtā **sambuddhaṃ** buddhabhūtaṃ taṃ buddhaṃ **pañjalikatā** dasaṅgulisamodhānaṃ añjalipuṭaṃ sirasi ṭhapetvā **vandanti** namassantīti sambandho.

598. Sabbe devā tuṭṭhamaṇāti buddhabhūtaṭṭhānaṃ āgatā te sabbe devā tuṭṭhacittā ākāse sañcarantīti

sambandho. **Andhakāratamonudoti** ativiya andhakāraṃ moham nudo khepano ayaṃ buddho anuppattoti attho.

599. Tesam hāsaparetānanti hāsehi pītisomanassehi samannāgatānaṃ tesam devānaṃ **mahānādo** mahāghoso **avattatha** pavattati, sammāsambuddhasāsane **kilese** saṃkilese dhamme jhāpayissāmāti sambandho.

600. Devānaṃ giramaññāyāti vācāya thutivacanena saha udīritaṃ devānaṃ saddaṃ jānitvā haṭṭho **haṭṭhena cittena** somanassasahagatena cittena **ādibhikkhaṃ** paṭhamaṃ āhāraṃ buddhabhūtassa ahaṃ adāsinti sambandho.

602. Sattāhaṃ abhinikkhammāti mahābhinikkhamanaṃ nikkhamitvā sattāhaṃ padhānaṃ katvā sabbaññutaññānapadaṭṭhānaṃ arahattamaggaññāsaṅkhātāṃ **bodhiṃ ajjhagamaṃ** adhigañchiṃ ahanti attho. **Idaṃ me paṭhamaṃ bhattanti** idaṃ bhattaṃ sarīrayāpanaṃ **brahmacārissa** uttamacārissa **me** mayhaṃ iminā devaputtana paṭhamaṃ dinnaṃ ahosīti attho.

603. Tusitā hi idhāgantvāti tusitabhavanato idha manussaloke āgantvā **yo** devaputto **me** mama bhikkhaṃ **upānaya** adāsi, **taṃ** devaputtaṃ **kittayissāmi** kathessāmi pākaṭaṃ karissāmi. **Bhāsato** bhāsantassa mama vacanaṃ suñāthāti sambandho. Ito paraṃ anuttānapadameva vaṇṇayissāma.

607. Tidasāti tāvatimsabhavanā. **Agārāti** attano uppanabrāhmaṇagehato nikkhamitvā pabbajitvā cha saṃvaccharāni dukkarakārikaṃ karontena bodhisattena saha vasissatīti sambandho.

608. Tato sattamake vasseti tato pabbajitakā lato paṭṭhāya sattame saṃvacchare. **Buddho saccaṃ kathessatīti** chabbassāni dukkarakārikaṃ katvā sattamasāṃvacchare buddho hutvā bārāṇasiyaṃ isipatane migadāye dhammacakkapavattanasuttantadesanāya dukkhasamudayanirodhamaggasaccasaṅkhātāṃ catusaccaṃ kathessatīti attho. **Koṇḍañño nāma nāmenāti** nāmena gottanāmasena koṇḍañño nāma. **Paṭhamaṃ sacchikāhitīti** pañcavaggiyānamantare paṭhamaṃ ādito eva sotāpattimaggaññānaṃ sacchikāhiti paccakkhaṃ karissatīti attho.

609. Nikkhanenānupabbajinti nikkhantena bodhisattena saha nikkhamitvā anupabbajinti attho. Tathā anupabbajitvā mayā **padhānaṃ** vīriyaṃ **sukataṃ** suṭṭhu kataṃ dalhaṃ katvā katanti attho. **Kilese jhāpanatthāyāti** kilese sosanattāya viddhaṃsanattāya **anagāriyaṃ** agārassa ahitaṃ kasivaññijjādikkammavirahitaṃ sāsanaṃ **pabbajim** paṭipajjinti attho.

610. Abhigantvāna sabbaññūti sabbaṃ atītānāgatapaccuppannaṃ vā saṅkhāravikāralakkhaṇanibbānapaññattisaṅkhātāṃ ñeyyaṃ vā jānanto devehi saha vattamāne satta loka buddho **migāraññaṃ** migadāya vihāraṃ abhigantvā upasaṅkamitvā **me** mayā sacchikatena **iminā** sotāpattimaggaññāna **amatabherim** amatamahānibbānabherim ahari pahari dassesīti attho.

611. So dānīti so ahaṃ paṭhamaṃ sotāpanno idāni arahattamaggaññāna amatam **santaṃ** vūpasantasabhāvaṃ **padaṃ** pajjitabbaṃ pāpuṇitabbaṃ, **anuttaraṃ** uttaravirahitaṃ nibbānaṃ patto adhigatoti attho. **Sabbāsava pariññāyāti** kāmāsavādayo sabbe āsava pariññāya pahānapariññāya pajahitvā **anāsavo** nikkileso **viharāmi** iriyāpathavihārena vāsaṃ kappemi. **Paṭisambhidā catassotyādayo** gāthāyo vuttatthāyeva.

Atha naṃ sathā aparabhāge jetavanamahāvihāre bhikkhusaṅghamajjhe paññattavarabuddhāsane nisinnō paṭhamaṃ paṭividdhadhamabhāvaṃ dīpento “etadaggaṃ, bhikkhave, mama sāvakaṇaṃ bhikkhūnaṃ rattaññūnaṃ yadidaṃ aññāsikoṇḍañño”’ti (a. ni. I.188) etadagge ṭhapesi. So dvīhi aggasāvakehi attani kariyamānaṃ paramanipaccakāraṃ, gāmantasenāsane ākiñṇavihāraṇca pariharitukāmo, vivekābhiritiyā viharitukāmo ca attano santikaṃ upagatānaṃ gahaṭṭhapabbajitānaṃ paṭisanthāra karaṇampi papañcaṃ maññaṃ sathāraṃ āpucchitvā himavantaṃ pavisitvā chaddantehi nāgehi upaṭṭhiyamāno

chaddantadahatīre dvādasa vassāni vasi. Evaṃ tattha vasantaṃ therāṃ ekadivasaṃ sakko devarājā upasaṅkamitvā vanditvā t̥hito evamāha “sādhū me, bhante, ayyo dhammaṃ desetū”ti. Thero tassa catusaccagabbhaṃ tilakkhaṇāhatāṃ suññatāpaṭisaṃyuttaṃ nānāyavicittaṃ amatogadhaṃ buddhalīlaya dhammaṃ desesi. Taṃ sutvā sakko attano pasādaṃ pavedento –

“Esa bhiiyo pasīdāmi, sutvā dhammaṃ mahārasaṃ;
Virāgo desito dhammo, anupādāya sabbaso”ti. (theragā. 673) –

Thutiṃ akāsi. Thero chaddantadahatīre dvādasa vassāni vasitvā upakaṭṭhe parinibbāne satthāraṃ upasaṅkamitvā parinibbānaṃ anujānāpetvā tattheva gantvā parinibbāyīti.

Aññāsikoṇḍaṇṇattheraapadānavaṇṇanā samattā.

3-8. Piṇḍolabhāradvājattheraapadānavaṇṇanā

Padumuttaro nāma jinotiādikaṃ āyasmato piṇḍolabhāradvājassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle sīhonyiṃ nibbattitvā pabbatapāde guhāyaṃ vihāsi. Bhagavā tassa anuggahaṃ kātuṃ gocarāya pakkantakāle tassa sayanaguhaṃ pavisitvā nirodhaṃ samāpajjitvā nisīdi. Sīho gocaraṃ gahetvā nivatto guhadvāre t̥hatvā bhagavantaṃ disvā haṭṭhatuṭṭho jalajathalajapupphehi pūjaṃ katvā cittaṃ pasādento bhagavato ārakkhaṇatthāya aññe vālamige apanetuṃ tīsu velāsu sīhanādaṃ nadanto buddhagatāya satiyā aṭṭhāsi. Yathā paṭhamadivase, evaṃ sattāhaṃ pūjesi. Bhagavā “sattāhaccayena nirodhā vuṭṭhahitvā vaṭṭissati imassa ettako upanissayo”ti tassa passantasseva ākāsaṃ pakkhanditvā vihārameva gato.

Sīho buddhaviyogadukkhaṃ adhivāsetuṃ asakkonto kālaṃ katvā haṃsavatīnagare mahābhogakule nibbattitvā vayappatto nagaravāsīhi saddhiṃ vihāraṃ gantvā satthu dhammaḍesaṇaṃ sutvā pasanno sattāhaṃ buddhappamukhassa bhikkhusaṅghassa mahādānaṃ pavattetvā yāvajīvaṃ puññāni katvā aparāparaṃ devamanussesu saṃsaranto amhākaṃ bhagavato kāle kosambiyaṃ rañño udenassa purohitassa putto hutvā nibbatti. **Bhāradvājotissa** nāmaṃ ahosi. So vayappatto tayo vede uggahetvā pañca māṇavakasatāni mante vācento mahagghasabhāvena ananurūpācārattā tehi pariccatto rājagahaṃ gantvā bhagavato bhikkhusaṅghassa ca lābhasakkāraṃ disvā sāsane pabbajitvā bhojane amattaññū hutvā viharati. Satthārā upāyena mattaññutāya patiṭṭhāpento vipassanaṃ paṭṭhapetvā nacirasseva chaḷabhiñño ahosi. Chaḷabhiñño pana hutvā bhagavato sammukhā “yaṃ sāvakehi pattabbaṃ, taṃ mayā anuppatta”nti, bhikkhusaṅge ca “yassa magge vā phale vā kaṅkhā atthi, so maṃ pucchātū”ti sīhanādaṃ nadi. Tena taṃ bhagavā – “etadaggaṃ, bhikkhave, mama sāvakanāṃ bhikkhūnaṃ sīhanādikānaṃ yadidaṃ piṇḍolabhāradvājo”ti (a. ni. 1.188, 195) etadagge t̥hapesi.

613. Evaṃ etadaggaṃ t̥hānaṃ patvā pubbe katapuññasambhāraṃ saritvā somanassavasena attano puññakammāpadānaṃ vibhāvento **padumuttarotiādimaṃ**. Tassattho heṭṭhā vuttova. **Purato himavantassāti** himālayapabbatato pubbadisābhāgeti attho. **Cittakūṭe vasī tadāti** yadā ahaṃ sīho migarājā hutvā himavantapabbatasamīpe vasāmi, tadā padumuttaro nāma satthā anekehi ca osadhehi, anekehi ca ratanehi cittavicittatāya cittakūṭe cittaḍḍatasikhare vasīti sambandho.

614. Abhītarūpo tatthāsinti abhītasabhāvo nibbhayasabhāvo migarājā tattha āsiṃ ahosinti attho. **Catukkamoti** catūhi disāhi kamo gantuṃ samattho. **Yassa saddaṃ suñitvānāti** yassa migarañño sīhanādaṃ sutvā **bahujanā** bahusattā **vikkhambhanti** visesena khambhanti bhāyanti.

615. Suphullaṃ padumaṃ gayhāti bhagavati pasādena supupphitapadumapupphaṃ ḍamsitvā. **Narāsabhaṃ** narānaṃ āsabhaṃ uttamaṃ seṭṭhaṃ sambuddhaṃ upagacchiṃ, samīpaṃ agaminti attho. **Vuṭṭhitassa samādhimhāti** nirodhasamāpattito vuṭṭhitassa buddhassa taṃ pupphaṃ abhiropayim pūjesinti attho.

616. Catuddisaṃ namassitvāti catūsu disāsu namassitvā **sakaṃ cittaṃ** attano cittaṃ **pasādetvā** ādarena patiṭṭhapetvā **sīhanādaṃ** abhītanādaṃ **anadiṃ** ghosesinti attho.

617. Tato buddhena dinnabyākaraṇaṃ pakāseno **padumuttaroti**ādimāha. Taṃ uttānatthameva.

618. Vadataṃ seṭṭhoti “mayāṃ buddhā, mayāṃ buddhā”ti vadantānaṃ aññatitthiyānaṃ seṭṭho uttamo buddho āgatoti sambandho. Tassa āgatassa bhagavato taṃ dhammaṃ **soṣṣāma** suñissāmāti attho.

619. Tesāṃ hāsaparetānanti hāsehi somanassehi paretānaṃ abhibhūtānaṃ samannāgatānaṃ tesāṃ devamanussānaṃ. **Lokanāyakoti** lokassa nāyako saggamokkhasampāpako **mama saddaṃ** mayhaṃ sīhanādaṃ **pakittesi** pakāsesi kathesi, **dīghadassī** anāgatakāladassī **mahāmuni** munīnamantare mahanto muni. Sesagāthā suviññeyameva.

622. Nāmena padumo nāma cakkavattī hutvā catusaṭṭhiyā jātiyā **issariyaṃ** issarabhāvaṃ rajjaṃ kārayissatīti attho.

623. Kappasatasahassamhīti sāmyatthe bhummavacanaṃ, kappasatasahassānaṃ pariyosāneti attho.

624. Pakāsite pāvācāneti tena gotamena bhagavatā piṭakattaye pakāsite desiteti attho. **Brahmabandhu bhavissatīti** tadā gotamassa bhagavato kāle ayaṃ sīho migarājā brāhmaṇakule nibbattissatīti attho. **Brahmaññā abhinikkhammāti** brāhmaṇakulato nikkhamitvā tassa bhagavato sāsane pabbajissatīti sambandho.

625. Padhānapahitattoti vīriyakaraṇatthaṃ pesitacitto. Upadhisankhātānaṃ kilesānaṃ abhāvena **nirupadhi**. Kilesadarathānaṃ abhāvena **upasanto**. **Sabbāsava** sakalāsava **pariññāya** pahāya **anāsavo** nikkilesa **nibbāyissati** khandhāparinibbānena nibbuta bhavissatīti attho.

626. Vijane pantaseyyamhīti janasambādharahite dūrāraññāsenāsāneti attho. **Vāḷamigasamākuleti** kāḷasīhādīhi caṇḍamigasāngehi ākule saṃkiṇṇeti attho. Sesāṃ vuttatthamevāti.

Piṇḍolabhāradvājattheraapadānavaṇṇanā samattā.

3-9. Khadiravanīyattheraapadānavaṇṇanā

Gaṅgā bhāgīrathī nāmātiādikaṃ āyasmato khadiravanīyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare titthanāvīkule nibbattitvā mahāgaṅgāya payāgatitthe titthanāvāya kammaṃ karonto ekadivasaṃ sasāvakaṅghaṃ bhagavantaṃ gaṅgātīraṃ upagataṃ disvā pasannamānaso nāvāsaṅghātaṃ yojetvā mahantena pūjāsakkārena paratīraṃ pāpetvā aññataraṃ bhikkhuṃ satthārā āraññakānaṃ bhikkhūnaṃ aggaṭṭhāne ṭhapiyamānaṃ disvā taṃ ṭhānantaraṃ patthetvā bhagavato bhikkhusaṅghassa ca mahādānaṃ pavattetvā paṇidhānaṃ akāsi. Bhagavā tassa patthanāya avaññhabhāvaṃ byākāsi.

So tato paṭṭhāya puññāni upacinanto devamanussesu saṃsaranto ubhayasampattiyo anubhavitvā imasmiṃ buddhuppāde magadharaṭṭhe nālakaḡāme rūpasāriyā nāma brāhmaṇiyā kucchimhi nibbatti. Taṃ vayappattaṃ mātāpitaro gharabandhanena bandhitukāmā hutvā tassa ārocesuṃ. So sāriputtattherassa pabbajitabhāvaṃ sutvā “mayhaṃ jeṭṭhabhātā ayyo upatisso imaṃ vibhavaṃ chaḍḍetvā pabbajito, tena vantaṃ kheḷapiṇḍaṃ kathāhaṃ anubhavissāmī”ti jātasamvego pāsāṃ anupagacchamānamigo viya ñātake vañcetvā hetusampattiyaṃ codiyamāno bhikkhūnaṃ santikaṃ gantvā dhammasenāpatino kaniṭṭhabhāvaṃ nivedetvā attano pabbajjāya chandaṃ ārocesi. Bhikkhū taṃ pabbājetvā paripuṇṇavāsivassaṃ upasampādetvā kammaṭṭhāne niyojesuṃ. So kammaṭṭhānaṃ gahetvā khadiravanaṃ pavisitvā vissamanto ghaṭento vāyamanto ñāṇassa paripākaṃ gatattā nacirasseva chaḷabhiñño arahā ahoṣi. So arahā hutvā

satthāraṃ dhammasenāpatiṅca vanditūṃ senāsanāṃ saṃsāmetvā pattacīvaramādāya nikkhamitvā anupubbena sāvattiṃ patvā jetavanāṃ pavisitvā satthāraṃ dhammasenāpatiṅca vanditvā katipāhaṃ jetavane vihāsi. Atha naṃ satthā ariyagaṇamaññhe nisinno āraññakānaṃ bhikkhūnaṃ aggaṭṭhāne ṭhapesi – “etadaggaṃ, bhikkhave, mama sāvakānaṃ bhikkhūnaṃ āraññakānaṃ yadidaṃ revato”ti (a. ni. I.198, 203).

628. Evaṃ etadaggaṭṭhānaṃ patvā attano pubbakammaṃ saritvā pītisomanassavasena pubbacaritāpadānaṃ pakāseno **gaṅgā bhāgīrathī**tiādimāha. Tattha **gaṅgā**ti gāyamānā ghosaṃ kurumānā gacchatīti gaṅgā. Atha vā go vuccati pathavī, tasmīṃ gatā pavattāti gaṅgā. Anotattadahaṃ tikkhattuṃ padakkhiṇaṃ katvā gataṭṭhāne **āvattagaṅgā**ti ca pabbatamatthakena gataṭṭhāne **bahalagaṅgā**ti ca tīracchānapabbataṃ vijjhītā gataṭṭhāne **umaṅgagaṅgā**ti ca tato bahalapabbataṃ paharitvā pañcayojanaṃ ākāsenā gataṭṭhāne **ākāsagaṅgā**ti ca tassā patitaṭṭhānaṃ bhinditvā jātaṃ pañca yojanaṃ pokkharaṇikūlaṃ bhinditvā tattha pana pañcaṅguli viya pañca dhārā hutvā gaṅgā yamunā sarabhū mahī aciravatīti pañca nāmā hutvā jambudīpaṃ pañca bhāgaṃ pañca koṭṭhāsaṃ katvā pañca bhāge pañca koṭṭhāse itā gatā pavattāti bhāgīrathī. Gaṅgā ca sā bhāgīrathī ceti gaṅgābhāgīrathī. “Bhāgīrathī gaṅgā”ti vattabbe gāthābandhasukhatthaṃ pubbacariyavasena vuttanti daṭṭhabbaṃ. **Himavantā pabhāvitā**ti satte hiṃsati sītena hanati matheti āloḷetīti himo, himo assa atthīti himavā, tato himavantato paṭṭhāya pabhāvitā pavattā sandamānāti himavantapabhāvitā. **Kutitthe nāviko āsinti** tassā gaṅgāya caṇḍasotasamāpanne visamatitthe kevaṭṭakule uppanno nāviko āsiṃ ahoṣinti attho. **Orime ca tariṃ ahanti** sampattasampattamanusse pārimā tīrā orimaṃ tīraṃ ahaṃ tariṃ tāresinti attho.

629. Padumuttaro nāyakoti dvipadānaṃ uttamo satte nibbānaṃ nāyako pāpanako padumuttarabuddho mama puññasampattiṃ nipphādentō. **Vasīsatasaḥassehi** khīṇāsavasatasahasseehi gaṅgāsotaṃ taritūṃ titthaṃ pattoti sambandho.

630. Bahū nāvā samānetvāti sampattaṃ taṃ sammāsambuddhaṃ disvā vaḍḍhakīhi suṭṭhu saṅkhatāṃ kataṃ nipphāditaṃ bahū nāvāyo samānetvā dve dve nāvāyo ekato katvā tassā nāvāya upari maṇḍapachadanaṃ katvā **narāsabhaṃ** padumuttarasambuddhaṃ **paṭimāniṃ** pūjesinti attho.

631. Āgantvāna ca sambuddhoti evaṃ saṅghaṭṭitāya nāvāya tattha āgantvāna **tañca nāvakaṃ** nāvamuttamaṃ āruhīti sambandho. **Vārimajjhe ṭhito satthā**ti nāvamārūḷho satthā gaṅgājalamaññhe ṭhito samāno imā somanassapaṭisaṃyuttaḡāthā abhāsatha kathesīti sambandho.

632. Yo so tāresi sambuddhanti yo so nāviko gaṅgāsotāya sambuddhaṃ atāresi. **Saṅghaṅcāpi anāsavanti** na kevalameva sambuddhaṃ tāresi, anāsavaṃ nikkilesaṃ saṅghaṅcāpi tāresīti attho. **Tena cittapasādenā**ti tena nāvāpājanakāle uppanna somanassasahagatacittapasādena **devaloke** chasu kāmasaggesu **ramissati** dibbasampattiṃ anubhavissatīti attho.

633. Nibbattissati te byamhanti devaloke uppanna **te** tuyhaṃ **byamhaṃ** vimānaṃ **sukataṃ** suṭṭhu nibbattaṃ **nāvasaṅghitaṃ** nāvāsaṅghānaṃ **nibbattissati** pātubhavissatīti attho. **Ākāse pupphachadananti** nāvāya upari maṇḍapapakatakammaṃ nissandena sabbadā gatagataṭṭhāne ākāse pupphachadanaṃ dhārayissatīti sambandho.

634. Atṭhapaññāsakappamhīti ito puññakaraṇakālato paṭṭhāya atṭhapaññāsakappaṃ atikkamitvā nāmena tārako nāma cakkavattī khattiyō **cāturanto** catūso dīpesu issaro **vijitāvī** jītavanto bhavissatīti sambandho. Sesagāthā uttānatthāva.

637. Revato nāma nāmenāti revatīnakkhattena jātattā “revato”ti laddhanāmo **brahmabandhu** brāhmaṇaputtabhūto **bhavissati** brāhmaṇakule uppajjissatīti attho.

639. Nibbāyissatināsavoti nikkilesō khandhāparinibbānena nibbāyissati.

640. Vīriyaṃ me dhuradhorayhanti evaṃ padumuttarena bhagavatā byākato ahaṃ kamena pāramitākoṭiṃ patvā **me** mayhaṃ vīriyaṃ asithilavīriyaṃ dhuradhorayhaṃ dhuravāhaṃ dhurādḥāraṃ yogehi khemassa nibbhayassa nibbānassa adhvāhanaṃ āvāhanaṃ ahoṣīti attho. **Dhāremi antimaṃ dehanti** idānāhaṃ sammāsambuddhasāsane pariyoṣānasarīraṃ dhāremīti sambandho.

So aparabhāge attano jātagāmaṃ gantvā “cālā, upacālā, sīsūpacālā”ti tissannaṃ bhaginīnaṃ putte “cālā, upacālā, sīsūpacālā”ti tayo bhāgineyye ānetvā pabbājetvā kammaṭṭhāne niyojesi. Te kammaṭṭhānaṃ anuyuttā vihariṃsu.

Tasmiṃca samaye therassa kocideva ābādho uppanno, taṃ sutvā sārīputtatthero – “revatassa gilānapucchanaṃ adhiḡamapucchanaṃ karissāmi”ti upagañchi. Revatatthero dhammasenāpatiṃ dūratova āgacchantaṃ disvā tesāṃ sāmaṇerānaṃ satuppādavasena ovadiyamāno **cāletigāthaṃ** abhāsītha. Tattha **cāle upacāle sīsūpacāleti** tesāṃ ālapanāṃ. Cālā, upacālā, sīsūpacālāti hi itthilingavasena laddhanāmā tayo dārakā pabbajitāpi tathā vohariyyanti. “Cālī, upacālī, sīsūpacālīti tesāṃ nāmāni”ti ca vadanti. Yadatthaṃ “cāle”tiādīnā āmantanaṃ kataṃ, taṃ dassento “**patissatā nu kho viharathā**”ti vatvā tattha kāraṇaṃ āha – “āgato vo vālaṃ viya vedhī”ti. **Patissatāti** patissatikā. **Khoti** avadhāraṇe. **Āgatoti** āgañchi. **Voti** tumhākaṃ. **Vālaṃ viya vedhīti** vāavedhi viya. Ayañhettha saṅkhepattho – tikkhājananibbedhikapaññatāya vāavedhirūpo satthukappo tumhākaṃ mātulatthero āgato, tasmiṃ samaṇasaññaṃ upaṭṭhapetvā satisampajaññayuttā eva hutvā viharathā, yathādhigate vihāre appamattā bhavathāti.

Taṃ sutvā te sāmaṇerā dhammasenāpatissa paccuggamaṇādivattaṃ katvā ubhinnaṃ mātulattherānaṃ paṭisanthāraṃ katvā nātidūre samādhīṃ samāpajjitvā nisīdiṃsu. Dhammasenāpati revatattherena saddhīṃ paṭisanthāraṃ katvā utthāyāsanaṃ te sāmaṇere upasaṅkami. Te tathā kālaparicchedassa katattā there upasaṅkamante utthāhitvā vanditvā aṭṭhaṃsu. Thero – “katarakataravihārena viharathā”ti pucchitvā tehi “imāya imāyā”ti vutte dārakepi evaṃ vinento – “mayhaṃ bhātiko saccavādī vata dhammassa anudhammacāri”nti therāṃ pasamsanto pakkāmi. Sesamettha uttānatthamevāti.

Khadiravaniyattheraapadānavaṇṇanā samattā.

3-10. Ānandattheraapadānavaṇṇanā

Ārāmadvārā nikkhammātiādikaṃ āyasmato ānandattherassa apadānaṃ. Ayampi purimabuddhesu katādhikāro tattha tattha bhava vivaṭṭupanissayāni puññāni upacinanto padumuttarassa bhagavato kāle haṃsavatīnagare satthu vemātikabhātā hutvā nibbatti. **Sumanotissa** nāmaṃ ahoṣi. Pitā panassa nandarājā nāma. So attano puttassa sumanakumārassa vayappattassa haṃsavatīnagarato vīsayojanasate ṭhāne bhoganagaraṃ adāsi. So kadāci kadāci āgantvā satthāraṃca pītaṃca passati. Tadā rājā satthāraṃca sataṣaṣaparimāṇaṃ bhikkhusaṅghaṃca sayameva sakkaccaṃ upaṭṭhahi, aññesaṃ upaṭṭhātuṃ na deti.

Tena samayena paccanto kupīto ahoṣi. Kumāro tassa kupitabhāvaṃ rañño anārocetvā sayameva taṃ vūpasamesi. Taṃ sutvā rājā tuṭṭhamānaso “varaṃ te tāva dammi, gaṇhāhi”ti āha. Kumāro “satthāraṃ bhikkhusaṅghaṃca temāsaṃ upaṭṭhahanto jīvitaṃ avañjhaṃ kātuṃ icchāmi”ti āha. “Etaṃ na sakkā, aññaṃ vadehī”ti. “Deva, khattiyānaṃ dve kathā nāma natthi, etaṃ me dehi, na mayhaṃ aññenattho, sace satthā anujānāti, dinnamevā”ti. So “satthu cittaṃ jānissāmi”ti vihāraṃ gato. Tena ca samayena bhagavā gandhakuṭiṃ pavitṭho hoti. So bhikkhū upasaṅkamitvā “ahaṃ, bhante, bhagavantaṃ dassanāya āgato, dassetha ma”nti. Bhikkhū “sumano nāma thero satthu upaṭṭhāko, tassa santikaṃ gacchāhi”ti āhaṃsu. So therassa santikaṃ gantvā “satthāraṃ, bhante, dassethā”ti āha. Atha thero tassa passantasseva pathaviyaṃ nimujjitvā bhagavantaṃ upasaṅkamitvā “rājaputto, bhante, tumhākaṃ dassanāya āgato”ti āha. “Tena hi bhikkhu bahi āsanaṃ paññapehī”ti. Thero punapi buddhāsanaṃ gahetvā antogandhakuṭiyaṃ nimujjitvā tassa passantassa bahipariveṇe pātubhavitvā gandhakuṭipariveṇe āsanaṃ paññāpesi. Kumāro taṃ disvā “mahanto vatāyaṃ bhikkhū”ti cittaṃ uppādesi.

Bhagavāpi gandhakuṭīto nikkhamitvā paññattāsane nisīdi. Rājaputto satthāraṃ vanditvā paṭisanthāraṃ katvā “ayaṃ, bhante, thero tumhākaṃ sāsane vallabho maññe”ti? “Āma, kumāra, vallabho”ti. “Kiṃ katvā, bhante, esa vallabho”ti? “Dānādīni puññāni katvā”ti. “Bhagavā, ahampi ayaṃ thero viya anāgate buddhasāsane vallabho hotukāmo”ti so buddhappamukhassa saṅghassa sattāhaṃ khandhāvāre bhattaṃ datvā sattame divase, “bhante, mayā pitu santikā tumhākaṃ temāsaṃ paṭijjagganavaro laddho, temāsaṃ me vassāvāsaṃ adhivāsethā”ti vatvā satthu adhivāsaṃ viditvā sapaṭivāraṃ bhagavantaṃ gahetvā yojane yojane satthu bhikkhusaṅghassa ca vasanānucchavike vihāre kāretvā tattha tattha vasāpento attano vasanaṭṭhānasamīpe satahassena kīte sobhananāmake uyyāne satahassena kāritaṃ vihāraṃ pavesāpetvā

–
 “Satahassena me kītaṃ, satahassena kāritaṃ;
 Sobhanaṃ nāma uyyānaṃ, paṭiggaṇha mahāmunī”ti. –

Udakaṃ pātesi. So vassūpanāyikadivase satthu mahādānaṃ pavattetvā “iminā nīhārena dānaṃ dadeyyāthā”ti puttadāre amacce ca dāne kiccakaraṇe ca niyojetvā sayāṃ sumanattherassa vasanaṭṭhānasamīpeveva vasanto evaṃ attano vasanaṭṭhāne satthāraṃ temāsaṃ upaṭṭhahi. Upakaṭṭhāya pana pavāraṇāya gāmaṃ pavisitvā sattāhaṃ mahādānaṃ pavattetvā sattame divase satthu bhikkhusaṅghassa ca pādāmūle ticīvare ṭhapetvā vanditvā “bhante, yadetāṃ mayā khandhāvārato paṭṭhāya puññaṃ kataṃ, na taṃ sakkasampattiādīnaṃ atthāya kataṃ, atha kho ahampi sumanatthero viya anāgate ekassa buddhassa upaṭṭhāko vallabho bhavēyya”nti patthanaṃ akāsi. Satthā tassa anantarāyataṃ disvā byākaritvā pakkāmi.

So tasmim̐ buddhuppāde vassasatahassaṃ puññāni katvā tato parampi tattha tattha bhavē ulārāni puññakammāni upacinitvā devamanussesu saṃsaranto kassapabhagavato kāle kulagehe nibbato viññutaṃ patvā ekassa therassa piṇḍāya carato pattaḡgahaṇatthaṃ uttarasāṭakaṃ katvā pūjaṃ akāsi. Puna sagge nibbattitvā tato cuto bārāṇasirājā hutvā aṭṭha paccekabuddhe disvā te bhojetvā attano maṅgaluyyāne aṭṭha paṇṇasālāyo kāretvā tesāṃ nisīdanatthāya aṭṭha sabbaratanamayapīṭhe ceva maṇiādhārake ca paṭiyādetvā dasavassasahassāni upaṭṭhānaṃ akāsi, etāni pākāṭāni.

Kappasatahassaṃ pana tattha tattha bhavē puññāni upacinanto amhākaṃ bodhisattena saddhiṃ tusitapure nibbattitvā tato cuto amitodanasakkassa gehe nibbattitvā sabbe nītake ānandite karonto jātoti ānandotveva nāmaṃ labhi. So anukkamena vayappatto katābhinikkhamane sammāsambodhiṃ patvā pavattitavaradhammacakke paṭhamāṃ kapilavatthuṃ gantvā tato nikkhamante bhagavati tassa parivāratthaṃ pabbajitūṃ nikkhamantehi bhaddiyādīhi saddhiṃ nikkhamitvā bhagavato santike pabbajitvā āyasmato puṇṇassa mantāṇiputtassa santike dhammakathaṃ sutvā sotāpattiphale paṭiṭṭhahi.

Tena ca samayena bhagavato paṭhamabodhiyaṃ vīsativassāni anibaddhā upaṭṭhākā ahesuṃ. Ekadā nāgasamālo pattacīvaraṃ gahetvā vicarati, ekadā nāgito, ekadā upavāno, ekadā sunakkhatto, ekadā cundo samaṇuddeso, ekadā sāgato, ekadā meghiyo, te yebhuyyena satthu cittaṃ nārādhayim̐su. Athekadivasāṃ bhagavā gandhakuṭīpariveṇe paññattavarabuddhāsane bhikkhusaṅghaparivuto nisīno bhikkhū āmantesi – “ahaṃ, bhikkhave, idāni mahallako ekacce bhikkhū ‘iminā maggena gacchāmī’ti vutte aññena maggena gacchanti, ekacce mayhaṃ pattacīvaraṃ bhūmiyaṃ nikkhipanti, mayhaṃ nibaddhupaṭṭhākaṃ ekaṃ bhikkhuṃ vijānathā”ti. Taṃ sutvā bhikkhūnaṃ dhammasaṃvego udapādi. Athāyasmā sārīputto utṭhāya bhagavantaṃ vanditvā “ahaṃ, bhante, tumhe upaṭṭhahissāmī”ti āha. Taṃ bhagavā paṭikkhipi. Etenupāyena mahāmoggallānaṃ ādiṃ katvā sabbe mahāsāvaka “ahaṃ upaṭṭhahissāmī, ahaṃ upaṭṭhahissāmī”ti utṭhahim̐su ṭhapetvā āyasmantaṃ ānandaṃ. Tepi bhagavā paṭikkhipi.

Ānando pana tuṅhīyeva nisīdi. Atha naṃ bhikkhū āhaṃsu – “āvuso, tvampi satthu upaṭṭhākaṭṭhānaṃ yācāhī”ti. “Yācītvā laddhupaṭṭhānaṃ nāma kīdisaṃ hoti? Sace ruccati, satthā sayameva vakkhatī”ti. Atha bhagavā – “na, bhikkhave, ānando aññehi ussāhetabbo, sayameva jānitvā maṃ upaṭṭhahissatī”ti āha. Tato bhikkhū “utṭhehi, āvuso ānanda, satthāraṃ upaṭṭhākaṭṭhānaṃ yācāhī”ti āhaṃsu. Thero utṭhahitvā “sace me, bhante, bhagavā attanā laddhaṃ paṇītaṃ cīvaraṃ na dassati, paṇītaṃ piṇḍapātaṃ na dassati, ekagandhakuṭīyaṃ vasitūṃ na dassati, nimantaṇaṃ gahetvā na gamissati, evāhaṃ bhagavantaṃ upaṭṭhahissāmī”ti āha. “Ettake guṇe labhato satthu upaṭṭhānaṃ ko bhāro”ti upavādamocanattaṃ ime

cattāro paṭikkhepā, “sace, bhante, bhagavā mayā gahitaṃ nimantanam gamissati, sacāhaṃ desantarato āgatāgate tāvadeva dassetum labhāmi, yadā me kaṅkhā uppajjati, tāvadeva bhagavantam upasaṅkamtivā pucchitum labhāmi, sace bhagavā parammukhā desitam dhammam puna mayham byākarissasi, evāham bhagavantam upaṭṭhahissāmi”. “Ettakampi satthu santike anuggahaṃ na labhati”ti upavādamocanattañceva dhammabhaṇḍāgārikabhāvaparipūraṇatthañca imā catasso yācanāti ime aṭṭha vare gahetvā nibaddhupaṭṭhāko ahosi. Tasseva ṭhānantarassa atthāya kappasatasahassam pūritānam pāramīnam phalam pāpuṇi.

So upaṭṭhākattāhānam laddhadivasato paṭṭhāya dasabalam duvidhena udakena tividhena dantakaṭṭhena hatthapādaparikkammaena piṭṭhiparikkammaena gandhakuṭṭipariveṇasammajjanenāti evamādīhi kiccehi upaṭṭhahanto – “imāya nāma velāya satthu idaṃ nāma laddhum vaṭṭati, idaṃ nāma kātuṃ vaṭṭati”ti divasabhāgaṃ santikāvacarō hutvā rattibhāge mahantaṃ daṇḍadīpikaṃ gahetvā gandhakuṭṭipariveṇam navavāre anupariyāyati satthari pakkosante paṭivacanadānāya, thīnamiddhavinodanattaṃ. Atha naṃ satthā jetavane ariyagaṇamajjhe nisīno anekapariyāyena pasamsitvā bahussutānam satimantānam gatimantānam dhitimantānam upaṭṭhākānañca bhikkhūnam aggaṭṭhāne ṭhapesi.

Evaṃ satthārā pañcasu ṭhānesu etadagge ṭhapito catūhi acchariyabbhūtaḍḍhammehi samannāgato satthu dhammakosārakkho ayaṃ mahāthero sekhova samāno satthari parinibbute heṭṭhā vuttanayena bhikkhūhi samuttejito devatāya ca saṃvejito “sveyeva ca dāni dhammasaṅgīti kātābbā, na kho pana metaṃ paṭirūpaṃ, yvāyaṃ sekho sakaraṇīyo asekkhehi therehi saddhiṃ dhammam gāyitum sannipātaṃ gantu”nti sañjātussāho vipassanaṃ paṭṭhapetvā bahudeva rattiṃ vipassanāya kammaṃ karonto caṅkame vīriyasamataṃ alabhivā tato vihāraṃ pavisitvā sayane nisīditvā sayitukāmo kāyaṃ āvaṭṭesi. Apattañca sīsam bimbohanaṃ, pādā ca bhūmito muttamattā, ekasmiṃ antare anupādāya āsavehi cittaṃ vimucci, chaḷabhiñño ahosi.

644. Evaṃ chaḷabhiññādiguṇapaṭimaṇḍito upaṭṭhākādiguṇehi etadaggaṭṭhānam patto attano pubbakammaṃ saritvā somanassavasena pubbacaritāpadānam dassento **ārāmadvārā nikkhammāti**ādīmāha. Tattha **ārāmadvārā**ti sabbasattānam dhammadesanattāya vihāradvārato nikkhamitvā bahidvārasamīpe katamaṇḍapamajjhe supaññattavarabuddhāsane nisīno padumuttaro nāma **mahāmuni** sammāsambuddho. **Vassanto amatam vutthinti** dhammadesanāmahāamatadhārāhi dhammavassaṃ vassanto. **Nibbāpesi mahājananti** mahājanassa cittasantānagatakilesaggiṃ **nibbāpesi** vūpasamesi, mahājanaṃ nibbānāmatapānena santiṃ sītibhāvaṃ pāpesīti attho.

645. Satasahassam te dhīrāti parivārasampattiṃ dassento āha. Chahi abhiññāhi iddhividhādīñākoṭṭhāsehi samannāgatā anekasatasahassacakkavāḷesu khaṇena gantum samatthāhi iddhīhi samannāgatattā **mahiddhikāte** dhīrā satasahassakhīñāsavā **chāyāva anapāyinīti** katthaci anapagatā chāyā iva taṃ sambuddham padumuttaram bhagavantam **parivārenti** parivāretvā dhammam suṇantīti attho.

646. Hatthikkhandhagato āsinti tadā bhagavato dhammadesanāsamaye aham hatthipiṭṭhe nisīno **āsīm** ahosinti attho. **Setacchattam varuttamanti** patthetabbaṃ uttamaṃ setacchattam mama matthake dhārayanto hatthipiṭṭhe nisīnoti sambandho. **Sucārurūpaṃ disvānāti** sundaram cāruṃ manohararūpavantaṃ dhammam desiyamānam sambuddham disvā **me** mayham **vitti** santuṭṭhi somanassaṃ **udapajjatha** uppajjatīti attho.

647. Oruyha hatthikkhandhamhāti taṃ bhagavantam nisīnam disvā hatthipiṭṭhito **oruyha** orohitvā **narāsabham** naravasabham **upagacchīm** samīpaṃ gatoti attho. **Ratanamayachattam** meti ratanabhūsitam me mayham chattaṃ buddhaseṭṭhassa matthake dhārayinti sambandho.

648. Mama saṅkappamaññāyāti mayham pasādena uppannam saṅkappaṃ ñatvā isīnam antare mahantabhūto so padumuttaro bhagavā. **Tam katham ṭhapayitvānāti** taṃ attanā desiyamānam dhammakathaṃ ṭhapetvā mama byākaraṇatthāya imā gāthā **abhāsatha** kathesīti attho.

649. Kathanti ce? **Yo sotiādimāha.** Soṇṇālaṅkārahūsitaṃ chattaṃ yo so rājakumāro me matthake dhāresīti sambandho. **Tamaḥaṃ kittayissāmīti** taṃ rājakumāraṃ ahaṃ kittayissāmi pākaṃ karissāmi. **Suṇoṭha mama bhāsati** bhāsantassa mama vacanaṃ suṇoṭha ohitasotā manasi karoṭhāti attho.

650. **Ito gantvā ayaṃ posoti** ayaṃ rājakumāro ito manussalokato cuto tusitaṃ gantvā **āvasissati** tattha viharissati. Tattha accharāhi purakkhato parivārito tusitabhavanasampattiṃ anubhossatīti sambandho.

651. **Catuttiṃsakkhattunti** tusitabhavanato cavitvā tāvatitṃsabhavane uppanno catuttiṃsavāre devindo devarajjaṃ karissatīti sambandho. **Balādhipo aṭṭhasatanti** tāvatitṃsabhavanato cuto manussaloke uppanno **balādhipo** caturaṅginīyā senāya **adhipo** padhāno aṭṭhasatajātīsu padesarājā hutvā **vasudhaṃ** anekaratanavaraṃ pathaviṃ **āvasissati** puthabyaṃ viharissatīti attho.

652. **Aṭṭhapaññāsakkhattunti** aṭṭhapaññāsajātīsu cakkavattī rājā bhavissatīti attho. **Mahiyā** sakalajambudīpapathaviyā **vipulaṃ** asankhyeyaṃ padesarajjaṃ kārayissati.

654. **Sakyānaṃ kulaketussāti** sakyarājūnaṃ kulassa dhajabhūtassa buddhassa ñātako bhavissatīti attho.

655. **Ātāpīti** vīriyavā. **Nipakoti** nepakkasankhātāya paññāya samannāgato. **Bāhusaccesu** bahussutabhāvesu piṭakattayadhāraṇesu **kovido** cheko. **Nivātavutti** anavaññattiko **athaddho** kāyapāgabbīyādīthaddhabhāvavirahito **sabbapāṭhī** sakalapītakattayadhārī bhavissatīti sambandho.

656. **Padhānapahitatto soti** so ānandatthero vīriyakaraṇāya pesitacitto. **Upasanto nirūpadhīti** rāgūpadhidosūpadhimohūpadhīti virahito, sotāpattimaggena pahātabbakilesānaṃ pahīnattā upasanto santakāyacitto.

657. **Santi āraññakāti** araññe bhavā mahāvane jātā. **Saṭṭhihāyanāti** saṭṭhivassakāle hāyanabalā. **Tidhā pabhinnāti** akkhikaṇṇakosasaṅkhātehi tīhi ṭhānehi bhinnamadā. **Mātaṅgāti** mātaṅgahatthikule jātā. **Īsānantāti** rathīsāsadisadantā. **Urūḷhavā** rājavāhanā. Kuñjarasaṅkhātā nāgā hatthirājāno santi saṃvijjanti yathā, tathā satasahassasaṅkhyā khīṇāsavaṅkhātā paṇḍitā mahiddhikā arahantaṅgā santi, sabbe te arahantaṅgā buddhanāgarājassa. **Na honti paṇidhimhi** teti te paṇidhimhi tādisā na honti, kiṃ sabbe te bhayabhītā sakabhāvena saṅṭhātuṃ asamatthāti attho. Sesam vuttanayattā uttānatthamevāti.

Ānandattheraapadānavañṇanā samattā.

Ettāvatā paṭhamā buddhavaggavañṇanā samattā.

Paṭhamo bhāgo niṭṭhito.

Namo tassa bhagavato arahato sammāsambuddhassa

Khuddakanikāye

Apadāna-aṭṭhakathā

(Dutiyo bhāgo)

Therāpadānaṃ

2. Sīhāsaniyavaggo

1. Sīhāsanadāyakattheraapadānavaṇṇanā

Nibbutē lokanāthamhītiādikaṃ āyasmato sīhāsanadāyakattherassa apadānaṃ. Ayampi purimabuddhesu katādhikāro tattha tattha bhavē puññaṇi upacinanto siddhatthassa bhagavato kāle vibhavasampanne saddhāsampanne ekasmiṃ kule nibbato, dharamāne bhagavati devaloke vasitvā nibbutē bhagavati uppannattā viññutaṃ patto bhagavato sārīrikacetiyaṃ disvā “aho me alābhā, bhagavato dharamāne kāle asampatto”ti cintetvā cetiye cittaṃ pasādetvā somanassajāto sabbaratanamayaṃ devatānimmitasadiṣaṃ dhammāsane sīhāsaṃ kāretvā jīvamānakabuddhassa viya pūjesi. Tassupari gehampī dibbavimānamiva kāresi, pādaṭṭhapanapādapīṭhampī kāresi. Evaṃ yāvajīvaṃ dīpadhūpapupphagandhādīhi anekavidhaṃ pūjaṃ katvā tato cuto devaloke nibbato cha kāmasagge aparāparaṃ dibbasampattiṃ anubhavitvā manussesu cakkavattisampattiṃ anekakkhattuṃ anubhavitvā saṅkhyātikkantaṃ padesarajjasampattiṃca anubhavitvā kassapassa bhagavato sāsane pabbajitvā samaṇadhammaṃ katvā etthantare devamanussesu saṃsaranto imasmiṃ buddhuppāde ekasmiṃ vibhavasampanne kule nibbattitvā viññutaṃ patto satthu dhammadesanaṃ sutvā paṭiladdhasaddho pabbajitvā laddhūpasampado kammaṭṭhānaṃ gahetvā ghaṭento vāyamanto nacirasseva arahattaṃ pāpuṇi.

1. Evaṃ pattaarahattaphalo attano pubbakammaṃ saritvā somanassaṃ uppādetvā pubbacaritāpadānaṃ pakāsento **nibbutē lokanāthamhīti**ādīmāha. Tattha lokassa nātho padhānoti lokanātho, lokattayasāmīti attho. Lokanāthe siddhatthamhi nibbuteti sambandho. **Vitthārite pāvācāneti** pāvācane piṭakattaye vitthārite patthate pākāṭeti attho. **Bāhujaññaṃhi sāsāneti** sikkhattayasāṅgahite buddhasāsane anekasatasahassakoṭikhīṇāsavasāṅkhātehi bahujanēhi ñāte adhiḡateti attho.

2-3. **Pasannacitto sumanoti** tadā ahaṃ buddhassa dharamānakāle asampatto nibbutē tasmiṃ devalokā cavitvā manussalokaṃ upapanno tassa bhagavato sārīrikadhātucetiyaṃ disvā pasannacitto saddhāsampayuttamano sundaramano “aho mamāgamaṇaṃ svāgamaṇa”nti sañjātapasādabahuṃāno “mayā nibbānādhigamāya ekaṃ puññaṃ kātuṃ vaṭṭatī”ti cintetvā bhagavato cetiyasamīpe bhagavantaṃ uddissa hiraññasuvaṇṇaratanādīhi alaṅkaritvāva sīhāsaṃ akāsi. Tatra nisinnassa pādaṭṭhapanatthāya pādapīṭhaṅca kāresi. Sīhāsanassa atemanatthāya tassupari gharaṅca kāresi. Tena vuttaṃ – “**sīhāsanamakāsahaṃ...pe... gharaṃ tattha akāsaha**”nti. **Tena cittappasādenā**ti dharamānassa viya bhagavato sīhāsaṃ mayā kataṃ, tena cittappasādena. **Tusitaṃ upapajjahanti** tusitabhavane upapajjinti attho.

4. **Āyāmena catubbīsāti** tatrūpapannassa devabhūtassa sato mayhaṃ sukataṃ puññaṇa nibbattitaṃ pātubhūtaṃ āyāmena uccato catubbīsayojanaṃ **vitthārena** tīriyato catuddasayojanaṃ tāvadeva nibbattikkhaṇeyeva **āsi** ahoṣīti attho. Sesāṃ suviññeyameva.

9. **Catunnavute ito kappeti** ito kappato catunnavute kappe yaṃ kammaṃ **akarim** akāsiṃ, tadā tato paṭṭhāya puññabalena kañci duggatiṃ nābhijānāmi, na anubhūtapubbā kāci duggatīti attho.

10. **Tesattatimhito kappeti** ito kappato tesattatikappe. **Indanāmā tayo janāti** indanāmākā tayo cakkavattirājāno ekasmiṃ kappe tīsu jātīsu indo nāma cakkavattī rājā ahoṣinti attho. **Dvesattatimhito kappeti** ito dvesattatikappe. Sumananāmākā tayo janā tikkhattuṃ cakkavattirājāno ahesuṃ.

11. **Samasattatito kappeti** ito kappato anūnādhike sattatime kappe **varuṇanāmākā** varuṇo cakkavattīti evaṃnāmākā tayo **cakkavattirājāno** cakkaratanasampannā catudīpamhi issarā ahesunti attho. Sesāṃ suviññeyamevāti.

Sīhāsanadāyakattheraapadānavaṇṇanā samattā.

2. Ekattambhikattheraapadānavaṇṇanā

Siddhatthassa bhagavatotiādikaṃ āyasmato ekatthambhadāyakatherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle vanakammiko hutvā ekasmiṃ vibhavasampanne kule nibbato. Tasmīṃ samaye sabbe saddhā pasannā upāsakā ekacchandā “bhagavato upaṭṭhānasālaṃ karomā”ti dabbasambhāratthāya vanaṃ pavisitvā taṃ upāsakaṃ disvā “amhākaṃ ekaṃ thambhaṃ dethā”ti yāciṃsu. So taṃ pavattiṃ sutvā “tumhe mā cintayitthā”ti te sabbe uyyojetvā ekaṃ sāramayaṃ thambhaṃ gahetvā satthu dassetvā tesamyeva adāsi. So teneva somanassajāto tadeva mūlaṃ katvā aññāni dānādīni puññāni katvā tato cuto devaloke nibbato aparāparaṃ chasu kāmāvacaresu dibbasampattiyo anubhavitvā manussesu ca aggacakkavattisampattiṃ anekavāraṃ anubhavitvā asaṅkhyeyyaṃ padesarajjasampattiṃca anubhavitvā imasmiṃ buddhuppāde saddhāsampanne ekasmiṃ kule nibbato mātāpitūhi saddhiṃ bhagavato santike dhammaṃ sutvā paṭiladdhasaddho pabbajitvā laddhūpasampado kammaṭṭhānaṃ gahetvā manasikaronto nacirasseva arahā ahoṣi.

13. So evaṃ pattaarahatto attano pubbakammaṃ saritvā somanassajāto pubbacaritāpadānaṃ pakāsentō **siddhatthassātiādīmāha.** Tattha siddhatthassa **bhagavato** bhagyasampannessa sammāsambuddhassa. **Mahāpūgagaṇoti** mahāupāsakasamūho **ahu** ahoṣīti attho. **Saraṇaṃ gatā ca te buddhanti** “buddhaṃ saraṇa”nti gatā bhajīṃsu jāniṃsu vā te upāsakā. **Tathāgataṃ saddahanti** buddhagaṇaṃ attano cittasantāne ṭhapentīti attho.

14. Sabbe saṅgama mantetvāti sabbe samāgama sannipatitvā mantetvā aññamaññaṃ saññāpetvā ekacchandā hutvā **mālaṃ** upaṭṭhānasālaṃ satthuno atthāya **kubbanti** karontīti attho. Dabbasambhāresu ekatthambhaṃ alabhantā **brahāvane** mahāvane vicinantīti sambandho.

15. Tehaṃ araṇṇe disvānāti ahaṃ te upāsake araṇṇe disvāna **gaṇaṃ** samūhaṃ **upagamma** samīpaṃ gantvā **añjaliṃ paggahetvāna** dasaṅgulisamodhānaṃ añjaliṃ sirasi katvā ahaṃ **gaṇaṃ** upāsakasamūhaṃ “tumhe imaṃ vanaṃ kimatthaṃ āgatatthā”ti **tadā** tasmīṃ kāle paripucchinti sambandho.

16. Te sīlavanto upāsakā **me** mayā puṭṭhā “mālaṃ mayaṃ kattukāmā hutvā ekatthambho amhehi na labbhatī”ti **viyākamsu** visesena kathayīṃsūti sambandho.

17. Mamaṃ mayhaṃ ekatthambhaṃ detha, ahaṃ taṃ dassāmi satthuno santikaṃ ahaṃ thambhaṃ āharissāmi, **te** bhavanto thambhaharaṇe **appossukkā** ussāharahitā bhavantūti sambandho.

24. Yaṃ yaṃ yonupapajjāmīti yaṃ yaṃ yoniṃ devattaṃ atha mānusaṃ upagacchāmīti attho. Bhummatthe vā upayogavacanaṃ, yasmīṃ yasmīṃ devaloke vā manussaloke vāti attho. Sesam uttānatthamevāti.

Ekatthambhikattheraapadānavāṇṇanā samattā.

3. Nandattheraapadānavāṇṇanā

Padumuttarassa bhagavatotiādikaṃ āyasmato nandattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare ekasmiṃ kule nibbattitvā viññutaṃ patto bhagavato santike dhammaṃ suṇanto satthāraṃ ekaṃ bhikkhuṃ indriyesu guttadvārānaṃ aggaṭṭhāne ṭhapentaṃ disvā sayam taṃ ṭhānantaraṃ patthento bhagavato bhikkhusaṅghassa ca pūjāsakkārahulaṃ mahādānaṃ pavattetvā “ahaṃ, bhante, anāgate tumhādisassa buddhassa evarūpo sāvako bhavyya”nti paṇidhānaṃ akāsi.

So tato paṭṭhāya devamanussesu saṃsaranto atthadassissa bhagavato kāle dhammatāya nāma nadiyā mahanto kacchapo hutvā nibbato ekadivasam satthāraṃ nadiṃ taritum tīre ṭhitam disvā sayam bhagavantaṃ tāretukāmo satthu pādāmūle nipajji. Satthā tassa ajjhāsayaṃ ṇatvā piṭṭhiṃ abhiruhi. So haṭṭhatuṭṭho vegena sotaṃ chindanto sīghataraṃ paratīraṃ pāpesi. Bhagavā tassa anumodanaṃ vadanto

bhāvinim sampattiṃ kathetvā pakkāmi.

So tena puññakammena sugatīsuyeva saṃsaranto imasmiṃ buddhuppāde kapilavattusmiṃ suddhodanamahārājassa aggamaheṣiyā mahāpajāpatigotamiyā kucchimhi nibbato, tassa nāmaggaḥaṇādivase ñātisaṅghaṃ nandayanto jātoti “**nando**”veva nāmaṃ akaṃsu. Tassa vayappattakāle bhagavā pavattitavaradhammacakko lokānuggahaṃ karonto anukkamena kapilavattuṃ gantvā ñātisamāgame pokkharavassaṃ aṭṭhuppattiṃ katvā vessantarajātakaṃ (jā. 2.22.1655 ādayo) kathetvā dutiyadivase piṇḍāya pavitṭho “**uttiṭṭhe nappamajjeyyā**”ti (dha. pa. 168) gāthāya pitaraṃ sotāpattiṃphale patitṭhāpetvā nivesanaṃ gantvā “**dhammañcare sucarita**”nti (dha. pa. 169) gāthāya mahāpajāpatiṃ sotāpattiṃphale rājānaṃ sakadāgāmiphale patitṭhāpetvā tatiyadivase nandakumārassa abhisekagehapavesanaāvāhamaṅgalesu vattamānesu piṇḍāya pāvīsi. Sathā nandakumārassa hatthe pattaṃ datvā maṅgalaṃ vatvā tassa hatthato pattaṃ aggahetvāva vihāraṃ gato, taṃ pattahatthaṃ vihāraṃ āgataṃ anicchamaṇaṃyeva pabbājetvā tathāpabbājittāyeva anabhiratiyā pīlitaṃ ñatvā upāyena tassa taṃ anabhiratiṃ vinodesi. So yoniso paṭisaṅkhāya vipassanaṃ paṭṭhapetvā nacirasseva arahattaṃ pāpuṇi. Thero puna divase bhagavantaṃ upasaṅkamitvā evamāha – “**yaṃ me, bhante, bhagavā pāṭibhogo pañcanaṃ accharāsātānaṃ paṭilābhāya kakuṭapādānaṃ, muñcāmaṃ, bhante, bhagavantaṃ etasmā paṭissavā**”ti. Bhagavāpi “**yadeva te, nanda, anupādāya āsavehi cittaṃ vimuttaṃ, tadāhaṃ mutto etasmā paṭissavā**”ti āha. Athassa bhagavā savisesaṃ indriyesu guttadvāratāṃ ñatvā taṃ guṇaṃ vibhāvento “**etadaggaṃ, bhikkhave, mama sāvakaṇaṃ bhikkhūnaṃ indriyesu guttadvārānaṃ yadidaṃ nando**”ti (a. ni. 1.219, 230) indriyesu guttadvārabhāvena naṃ etadagge ṭhapesi. Thero hi “**indriyāsaṃvaramṃ nissāya imaṃ vipakāraṃ patto, tamaṃ suṭṭhu niggaṇhissāmi**”ti ussāhajāto balavahirottappo tatha ca katādhikārattā indriyasaṃvare ukkaṃsapāraṃmiṃ agamāsi.

27. Evaṃ so etadaggaṭṭhānaṃ patvā attano pubbakammaṃ saritvā somanassappatto pubbacaritāpadānaṃ pakāsento **padumuttarassa bhagavatotiādīmāha. Vatthaṃ khomaṃ mayā dinnanti** khomaraṭṭhe jātaṃ vatthaṃ bhagavati cittappasādena gāravabahumānena mayā paramasukhumaṃ khomavatthaṃ dinnanti attho. **Sayambhussāti** sayameva bhūtassa jātassa ariyāya jātiyā nibbattassa. **Mahesinoti** mahante sīlasamādhipaṇṇāvimuttivimuttiñāṇadassanakkhandhe eṣi gavesīti mahesi, tassa mahesino sayambhussa cīvaratthāya khomavatthaṃ mayā dinnanti sambandho.

28. **Taṃ me buddho viyākāsīti** ettha tanti sāmyatthe upayogavacanaṃ, tassa vatthadāyakassa me dānaphalaṃ visesena akāsi kathesi buddhoti attho. **Jalajuttamanāmakoti** padumuttaranāmakoti. “**Jalaruttamanāyako**”tipi pāṭho, tassa jalamānānaṃ devabrahmānaṃ uttamanāyako padhānoti attho. **Iminā vatthadānenāti** iminā vatthadānassa nissandena tvaṃ anāgate **hemavaṇṇo** suvaṇṇavaṇṇo bhavissasi.

29. **Dve sampattiṃ anubhotvāti** dibbamanussasaṅkhātā dve sampattiyo anubhavitvā. **Kusalamūlehi coditoti** kusalāvayavehi kusalakoṭṭhāsehi codito pesito, “**tvaṃ iminā puññena satthu kulaṃ pasavāhi**”ti pesito viyāti attho. “**Gotamassa bhagavato kaniṭṭho tvaṃ bhavissasi**”ti byākāsīti sambandho.

30. **Rāgaratto sukhasīloti** kilesakāmehi ratto allīno kāyasukhacittasukhānubhavanasabhāvo. **Kāmesu gedhamāyutoti** vatthukāmesu gedhasaṅkhātāya taṇhāya āyuto yojitoti attho. **Buddhena codito santo, tadā tvanti yasmā kāmesu gedhito, tadā** tasmā tvaṃ attano bhātukena gotamabuddhena codito pabbajjāya uyyojito tassa santike pabbajjissasīti sambandho.

31. **Pabbajitvāna tvaṃ tatthāti** tasmimṃ gotamassa bhagavato sāsane tvaṃ pabbajitvā **kusalamūlena** mūlabhūtena puññasambhārena **codito** bhāvanāyaṃ niyojito **sabbāsava** sakalāsava **pariññāya** jānitvā pajahitvā anāmāyo niddukkho **nibbāyissasi** adassanaṃ pāpessasi, apaṇṇattikabhāvaṃ gamissasīti attho.

32. **Satakappasahassamhīti** ito kappato pubbe satakappādhike sahasame kappamhi ceḷanāmakā cattāro cakkavattirājāno ahesunti attho. **Satṭhi kappasahassānīti** kappasahassāni satṭhi ca atikkamitvā hetṭhā ekasmiṃ kappe cattāro janā upaceḷā nāma cakkavattirājāno catūsu jātīsu ahesunti attho.

33. Pañcakappasahassamhīti pañcakappādhike sahasame kappamhi ceḷā nāma cattāro janā cakkavattirājāno sattahi ratanehi sampannā samangībhūtā jambudīpaaparagoyānauttarakurupubbavidehadīpasankhāte **catudīpamhi issarā** padhānā visuṃ ahesunti attho. Sesam vuttanayamevāti.

Nandattheraapadānavaṇṇanā samattā.

4. Cūḷapanthakattheraapadānavaṇṇanā

Padumuttaro nāma jinotiādikaṃ āyasmato cūḷapanthakattherassa apadānaṃ. Ayampi purimabuddhesu katādhikāro tatha tatha bhava vivaṭṭūpanissayāni puññāni upacinanto padumuttarassa bhagavato kāle yadettha aṭṭhuppattivasena vattabbaṃ, taṃ aṭṭhakanipāte mahāpanthakavatthusmiṃ (theragā. 510 ādayo) vuttameva. Ayaṃ pana viseso – mahāpanthakatthero arahattaṃ patvā phalasaṃpattisukhena vītināmento cintesi – “kathaṃ nu kho sakkā cūḷapanthakampi imasmiṃ sukhe patiṭṭhāpetu”nti. So attano ayyakaṃ dhanasetṭhiṃ upasaṅkamitvā āha – “sace, mahāsetṭhi, anujānātha, ahaṃ cūḷapanthakaṃ pabbājeyya”nti. “Pabbājetha, bhante”ti. Thero taṃ pabbājesi. So dasasu sīlesu patiṭṭhito bhātu santike –

“Padumaṃ yathā kokanadaṃ sugandhaṃ, pāto siyā phullamavītagandhaṃ;
Aṅgīrasaṃ passa virocamaṇaṃ, tapantaṃ mādiccamivantalikkhe”ti. (saṃ. ni. 1.123; a. ni. 5.195) –

Gāthaṃ uggaṇhanto catūhi māsehi uggaḥetuṃ nāsakkhi, gahitampi hadaye na tiṭṭhati. Atha naṃ mahāpanthako, “cūḷapanthaka, tvam imasmiṃ sāsane abhabbo, catūhi māsehi ekaṃ gāthampi gahetuṃ na sakkosi, pabbajitakiccaṃ pana tvam kathaṃ matthakaṃ pāpessasi, nikkhama ito”ti so therena paṇāmiḷko dvārakoṭṭhakasamīpe rodamaṇo aṭṭhāsi.

Tena ca samayena satthā jīvakaṃ bhavane viharati. Atha jīvako purisaṃ pesesi – “gaccha, pañcahi bhikkhusatehi saddhiṃ satthāraṃ nimantehi”ti. Tena ca samayena āyasmā mahāpanthako bhattuddesako hoti. So “pañcannaṃ bhikkhusatānaṃ bhikkhaṃ paṭicchathā”ti vutto “cūḷapanthakaṃ ṭhapetvā sesānaṃ paṭicchāmi”ti āha. Taṃ sutvā cūḷapanthako bhīyosomattāya domanassappatto ahoṣi. Satthā tassa cittaḥhedamaṃ ṇatvā “cūḷapanthako mayā katena upāyena bujjhissatī”ti tassa avidūraṭṭhāne attānaṃ dassetvā “kiṃ, panthaka, rodasī”ti pucchi. “Bhātā maṃ, bhante, paṇāmetī”ti āha. “Panthaka, mā cintayī, mama sāsane tuyhaṃ pabbajjā, ehi imaṃ gahetvā ‘rajoharaṇaṃ, rajoharaṇa’nti manasi karohī”ti iddhiyā suddhaṃ coḷakkhaṇḍaṃ abhisāṅkharitvā adāsi. So satthārā dinnam coḷakkhaṇḍaṃ “rajoharaṇaṃ, rajoharaṇa”nti hatthena parimajjanto nisīdi. Tassa taṃ parimajjantassa kilīṭṭhadhātukaṃ jātaṃ, puna parimajjantassa ukkhaliparipuñchanasadisam jātaṃ. So ṇāṇaparipākattā evaṃ cintesi – “idaṃ coḷakkhaṇḍaṃ pakatiyā parisuddhaṃ, imaṃ upādīṇṇakasarīraṃ nissāya kilīṭṭhaṃ aññathā jātaṃ, tasmā aniccaṃ yathāpetam, evaṃ cittampī”ti khayavayaṃ paṭṭhapetvā tasmīmyeva nimitte jhānāni nibbattetvā jhānapādakaṃ katvā vipassanaṃ paṭṭhapetvā saha paṭisaṃbhīdāhi arahattaṃ pāpuṇi. Arahattapattassevassa teṭṭhakaṃ pañcābhīññā ca āgamīmsu.

Satthā ekūnehi pañcabhikkhusatehi saddhiṃ gantvā jīvakaṃ nivesane paññatte āsane nisīdi. Cūḷapanthako pana attano bhikkhāya appaṭicchitattā eva na gato. Jīvako yāguṃ dātuṃ ārabhi. Satthā hatthena pattaṃ pidahi. “Kasmā, bhante, na gaṇhathā”ti vutte “vihāre eko bhikkhu atthi, jīvaka”ti. So purisaṃ pesesi – “gaccha, bhāṇe, vihāre nisinnaṃ ayyaṃ gahetvā ehi”ti. Cūḷapanthakattheropi rūpena kiriyāya ca ekampi ekena asadisam bhikkhusahassaṃ nimminivā nisīdi. So puriso vihāre bhikkhūnaṃ bahubhāvaṃ disvā gantvā jīvakaṃ kathesi – “imasmā bhikkhusaṅghā vihāre bhikkhusaṅgho bahutaro, pakkosittabbaṃ ayyaṃ na jānāmi”ti. Jīvako satthāraṃ pucchi – “ko nāmo, bhante, vihāre nisinna bhikkhū”ti? “Cūḷapanthako nāma, jīvaka”ti. “Gaccha, bhāṇe, ‘cūḷapanthako nāma kataro’ti pucchitvā taṃ ānehi”ti. So vihāraṃ gantvā “cūḷapanthako nāma kataro, bhante”ti pucchi. “Ahaṃ cūḷapanthako, ahaṃ cūḷapanthako”ti ekappahārena bhikkhusahassaṃ kathesi. So punāgantvā taṃ pavattim jīvakaṃ āroceti jīvako paṭividdhasaccattā “iddhimā maññe, ayyo”ti nayato ṇatvā “gaccha, bhāṇe, paṭhamam kathaṃ ayyameva ‘tumhe satthā pakkosati’ti vatvā cīvarakaṇṇe gaṇhāhi”ti āha. So vihāraṃ gantvā tathā akāsi.

Tāvadeva nimmitabhikkhū antaradhāyimsu. So theram gahetvā agamāsi.

Satthā tasmim̄ khāṇe yāguṅca khajjakādibhedaṅca paṭiggaṅhi. Katabhattakicco bhagavā āyasmantaṃ cūḷapanthakaṃ āṅāpesi “anumodanaṃ karohī”ti. So pabhinnapaṭisambhido sineruṃ gahetvā mahāsamuddaṃ manthento viya tepīṭakaṃ buddhavanaṃ saṅkhobhento satthu ajjhāsayam̄ gaṅhanto anumodanaṃ akāsi. Dasabale bhattakiccaṃ katvā vihāraṃ gate dhammasabhāyaṃ kathā udapādi ‘aho buddhānaṃ ānubhāvo, yatra hi nāma cattāro māse ekagāthaṃ gahetuṃ asakkontampi lahukena khāṇeneva evaṃ mahiddhikaṃ akaṃsū’ti, tathā hi jīvakassa nivesane nisinno bhagavā ‘evaṃ cūḷapanthakassa cittaṃ samāhitaṃ, vīthipaṭipannā vipassanā’ti ṅatvā yathānisinnoyeva attānaṃ dassetvā, ‘panthaka, nevāyaṃ pilotikā kiliṭṭhā rajānukiṅṅā, ito pana aññopi ariyassa vinaye saṅkilesa rajo’ti dassento –

“Rāgo rajo na ca pana reṇu vuccati, rāgassetam̄ adhivacanaṃ rajoti;
Etaṃ rajaṃ vipajahitvā bhikkhavo, viharanti te vigatarajassa sāsane.

“Doso rajo...pe... vigatarajassa sāsane.

“Moho rajo...pe... vigatarajassa sāsane”ti. (mahāni. 209; cūḷani. udayamāṇavapucchānidessa 74) –

Imā tisso gāthāyo abhāsi. Gāthāpariyosāne cūḷapanthako sahaṭṭisambhidāhi arahattaṃ pāpuṅṅi. Satthā tesam̄ bhikkhūnaṃ kathāsallāpaṃ sutvā āgantvā buddhāsane nisīditvā “kiṃ vadetha, bhikkhave”ti pucchitvā “imaṃ nāma, bhante”ti vutte “bhikkhave, cūḷapanthakena idāni mayhaṃ ovāde ṭhatvā lokuttharadāyajjaṃ laddhaṃ, pubbe pana lokiyadāyajjaṃ laddha”nti vatvā tehi yācito cūḷasetṭhijātakaṃ (jā. 1.1.4) kathesi. Aparabhāge naṃ satthā ariyagaṇaparivuto dhammāsane nisinno manomayaṃ kāyaṃ abhinimminantānaṃ bhikkhūnaṃ cetovivaṭṭakusalānaṃca aggaṭṭhāne ṭhapesi.

35. Evaṃ so pattaetadaggaṭṭhāno attano pubbakammaṃ saritvā pītisomanassavasena pubbacaritāpadānaṃ pakāsento **padumuttaro nāma jinoti**ādīmāha. Tattha purimapadadvayaṃ vuttatthameva. **Gaṇamhā vūpakaṭṭho** soti so padumuttaro nāma satthā gaṇamhā mahatā bhikkhusamūhato vūpakaṭṭho viṣuṃ bhūto vivekaṃ upagato. **Tadā** mama tāpasakāle **himavante** himālayapabbatasamīpe **vasi** vāsaṃ kappesi, catūhi iriyāpathehi vihasīti attho.

36. Ahampi...pe... tadāti yadā so bhagavā himavantaṃ upagantvā vasi, tadā ahampi himavantasamīpe kataassame ā samantato kāyacittapīḷāsankhātā parissayā samanti etthāti **assamoti** laddhanāme araṅṅāvāse vasāmīti sambandho. **Acirāgataṃ mahāvīranti** aciraṃ āgataṃ mahāvīriyavantaṃ **lokanāyakaṃ** padhānaṃ taṃ bhagavantaṃ upesinti sambandho, āgatakkaṇeyeva upāgaminti attho.

37. Pupphacchattaṃ gahetvānāti evaṃ upagacchanta ca padumuppalapupphādīhi chāditaṃ pupphamayaṃ chattaṃ gahetvā **narāsabhaṃ** narānaṃ seṭṭhaṃ bhagavantaṃ chādento **upagacchim̄** samīpaṃ gatosmīti attho. **Samādhim̄ samāpajjantanti** rūpāvacarasamādhijjhānaṃ samāpajjantaṃ appetvā nisinnassa antarāyaṃ ahaṃ akāsinti sambandho.

38. Ubho hatthehi paggayhāti taṃ susajjitaṃ pupphacchattaṃ dvīhi hatthehi ukkhipitvā ahaṃ bhagavato adāsinti sambandho. **Paṭiggahesīti** taṃ mayā dinnam̄ pupphacchattaṃ padumuttaro bhagavā sampaṭicchi, sādaraṃ sādiyīti attho.

41. Satapattachattaṃ paggayhāti ekekasmim̄ padumapupphe satasatappatānaṃ vasena satapattehi padumapupphehi chāditaṃ pupphacchattaṃ pakārena ādarena gahetvā tāpaso mama adāsīti attho. **Tamaḥam̄ kittayissāmīti** taṃ tāpasaṃ ahaṃ kittayissāmi pākaṭṭhaṃ karissāmīti attho. Mama **bhāsato** bhāsamānassa vacanaṃ suṇṇtha manasi karotha.

42. Pañcavīsaticappānīti iminā pupphacchattadānena pañcavīsativāre tāvatiṃsabhavane sakko hutvā

devarajjam karissatīti sambandho. **Catuttiṃsatikkhattuñcāti** catuttiṃsativāre manussaloke cakkavattī rājā bhavissati.

43. Yaṃ yaṃ yoninti manussayoniādīsu yaṃ yaṃ jātiṃ **saṃsarati** gacchati upapajjati. Tattha tattha yoniyam **abbhokāse** suññatṭhāne **paṭiṭṭhantaṃ** nisinnaṃ ṭhitaṃ vā padumaṃ **dhārayissati** upari chādayissatīti attho.

45. Pakāsite pāvacaṇeti tena bhagavato sakalapīṭakattaye pakāsite dīpīte **manussattaṃ** manussajātiṃ **labhissati** upapajjissati. **Manomayamhi kāyamhīti** manena jhānacittena nibbattoti manomayo, yathā cittaṃ pavattati, tathā kāyam pavatteti cittaṃ gataṃ karotīti attho. Tamhi manomaye kāyamhi so tāpaso cūḷapanthako nāma hutvā uttamo aggo bhavissatīti attho. Sesam heṭṭhā vuttattā uttānattā ca suviññeyyameva.

52. Sarim kokanadaṃ ahanti ahaṃ bhagavato nimmitaḷakaṃ parimajjanto kokanadaṃ padumaṃ sarinti attho. **Tattha cittaṃ vimucci meti** tasmim kokanade padume mayhaṃ cittaṃ adhimucci allīno, tato ahaṃ arahattaṃ pāpuṇinti sambandho.

53. Ahaṃ manomayesu cittaṃ gataṃ kāyesu **sabbattha** sabbesu **pāramim** pariyoṣānaṃ **gato** pattoti sambandho. Sesam vuttanayamevāti.

Cūḷapanthakatheraapadānavaṇṇanā samattā.

5. Pilindavacchattheraapadānavaṇṇanā

Nibbute lokanāthamhītiādikaṃ āyasmato pilindavacchattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare mahābhogakule nibbato heṭṭhā vuttanayena satthu santike dhammaṃ suṇanto satthāraṃ ekaṃ bhikkhuṃ devatānaṃ piyamanāpabhāvena aggaṭṭhāne ṭhapentaṃ disvā taṃ ṭhānantaraṃ patthetvā yāvajīvaṃ kusalaṃ katvā tato cuto devamanussesu saṃsaranto sumedhassa bhagavato kāle kulagehe nibbato. Parinibbute bhagavati tassa thūpaṃ pūjetvā saṅghassa mahādānaṃ pavattetvā tato cavitvā devamanussesu ubhayasampattiyo anubhavitvā anuppanne buddhe cakkavattī rājā hutvā mahājanaṃ pañcasīlesu paṭiṭṭhāpetvā saggaparāyanaṃ akāsi. So anuppanneyeva amhākaṃ bhagavati sāvattiyam brāhmaṇakule nibbatti, **pilindotissa** nāmaṃ akaṃsu. **Vacchoti** gottaṃ. So aparabhāge **pilindavacchoti** paññāyittha. Saṃsāre pana saṃvegabahulatāya paribbājakapabbajjam pabbajitvā cūḷagandhāraṃ nāma vijjam sādhetvā tāya vijjāya ākāśacārī paracittavidū ca hutvā rājagahe lābhagayasaggapatto paṭivasati.

Atha amhākaṃ bhagavā abhisambuddho hutvā anukkamena rājagahaṃ upagato. Tato paṭṭhāya buddhānubhāvena tassa sā vijjā na sampajjati, attano kiccaṃ na sādheti. So cintesi – “sutaṃ kho panetaṃ ācariyapācariyānaṃ bhāsamanānaṃ ‘yattha mahāgandhāravijjā dharati, tattha cūḷagandhāravijjā na sampajjati’ ti samaṇassa pana gotamassa āgatakālo paṭṭhāya nāyam mama vijjā sampajjati, nissaṃsayam samaṇo gotamo mahāgandhāravijjam jānāti, yaṃnūnāhaṃ taṃ payirupāsītva tassa santike taṃ vijjam pariyāpuṇeyya” nti. So bhagavantaṃ upasaṅkamitvā etadavoca – “ahaṃ, mahāsamaṇa, tava santike ekaṃ vijjam pariyāpuṇitukāmo, okāsaṃ me karohī” ti. “Tena hi mama santike pabbajāhī” ti āha. So “vijjāya parikkammaṃ pabbajjā” ti maññamāno pabbaji. Tassa bhagavā dhammaṃ kathetvā caritānukūlaṃ kammaṭṭhānaṃ adāsi. So upanissayasampannatāya nacirasseva vipassanaṃ paṭṭhāpetvā arahattaṃ pāpuṇi.

55. Yā pana purimajātiyam tassovāde ṭhatvā sagge nibbattā devatā, tā kataññutaṃ nissāya tasmim sañjātabahumānā sāyam pātaṃ theram payirupāsītva gacchanti. Tasmā naṃ bhagavā devatānaṃ ativiya piyamanāpabhāvena aggabhāve ṭhapesi “etadaggaṃ, bhikkhave, mama sāvakanāṃ bhikkhūnaṃ devatānaṃ piyamanāpanaṃ yadidaṃ pilindavaccho” ti (a. ni. 1.209, 215). Evaṃ so pattaaggaṭṭhāno attano pubbakammaṃ anussaritvā pītisomanassavasena pubbacaritāpadānaṃ pakāseto **nibbute**

lokanāthamhītiādīmāha.

Tattha kāmārūpārūpalokassa nātho padhānoti **lokanātho**. Medhā vuccanti sabbaññūtaññānaāvaraṇaāññādayo, sundarā, pasatṭhā vā medhā yassa so **sumedho**, aggo ca so puggalo cāti **aggapuggalo**, tasmim̄ sumedhe lokanāyake aggapuggale khandhāparinibbānena nibbuta satīti sambandho. **Pasannacitto sumanoti** saddhāya pasāditacitto somanassena sundaramano ahaṃ tassa sumedhassa bhagavato **thūpapūjaṃ** cetiyapūjaṃ akāsinti attho.

56. Ye ca khīṇāsavā tatthāti tasmim̄ samāgame ye ca khīṇāsavā pahīnakilesā **chaḷabhiññā** chahi abhiññāhi samannāgatā **mahiddhikā** mahantehi iddhīhi samannāgatā santi, **te** sabbe khīṇāsave ahaṃ tattha **samānetvā** suṭṭhu ādarena ānetvā **saṅghabhattaṃ** sakalasaṅghassa dātabbabhattaṃ **akāsiṃ** tesam̄ bhojesinti attho.

57. Upaṭṭhāko tadā ahūti tadā mama saṅghabhattadānakāle sumedhassa bhagavato nāmena sumedho nāma upaṭṭhākasāvako ahu ahoṣīti attho. So sāvako mayhaṃ pūjāsakkāraṃ **anumodittha** anumodito ānisaṃsaṃ kathesīti attho.

58. Tena cittappasādenāti tena thūpapūjākaraṇavasena uppannena cittappasādena devaloke dibbavimānaṃ **upapajjiṃ** upagato asmīti attho, tattha nibbattomhīti vuttaṃ hoti. **Chalāsītisahassānīti** tasmim̄ vimāne cha asītisahassāni devaccharāyo **me** mayhaṃ cittaṃ **ramimsu** ramāpesunti sambandho.

59. Mameva anuvattantīti tā accharāyo **sabbakāmehi** dibbehi rūpādivatthukāmehi upaṭṭhahantiyo mamaṃ eva anuvattanti mama vacanaṃ anukaronti **sadā** niccakālanti attho. Sesam̄ suviññeyyamevāti.

Pilindavacchattheraapadānavañṇanā samattā.

6. Rāhulatheraapadānavañṇanā

Padumuttarassa bhagavatotiādikaṃ āyasmato rāhulatherassa apadānaṃ. Ayampi āyasmā purimajinavaresu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbato viññutaṃ patvā satthu dhammadesanaṃ suṇanto sathhāraṃ ekaṃ bhikkhuṃ sikkhākāmānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento senāsanavisodhanavijjotanādikaṃ ulāraṃ puññaṃ katvā pañidhānaṃ akāsi. So tato cavitvā devamanussesu saṃsaranto ubhayasampattiyo anubhavitvā imasmim̄ buddhuppāde amhākaṃ bodhisattaṃ paṭicca yasodharāya deviyā kucchimhi nibbattitvā **rāhuloti** laddhanāmo mahatā khattiyaparivārena vaḍḍhi. Tassa pabbajjāvidhānaṃ khandhake (mahāva. 105) āgatameva. So pabbajitvā satthu santike anekehi suttapadehi suladdhovādo paripakkañño vipassanaṃ ussukkāpetvā arahattaṃ pāpuṇi. Arahā pana hutvā attano paṭipattiṃ paccavekkhitvā aññaṃ byākaronto –

“Ubhayeneva sampanno, rāhulabhaddoti maṃ vidū;
Yañcamhi putto buddhassa, yañca dhammesu cakkhumā.

“Yañca me āsavā khīṇā, yañca natthi punabbhavo;
Arahā dakkhiṇeyyomhi, tevijjo amataddaso.

“Kāmandhā jālapacchannā, taṇhāchadanachādītā;
Pamattabandhunā bandhā, macchāva kuminā mukhe.

“Taṃ kāmamaṃ ahamujjhitvā, chetvā mārassa bandhanaṃ;
Samūlaṃ taṇhamabbuyha, sītibhūtosmi nibbuto”ti. (theragā. 295-298);

Catasso gāthā abhāsi. Tattha **ubhayeneva sampannoti** jātisampadā paṭipattisampadāti

ubhayasampattiyāpi sampanno samannāgato. **Rāhulabhaddoti maṃ vidūti** “rāhulabhaddo”ti maṃ sabrahmacārino sañjānanti. Tassa hi jātasāsanam sutvā bodhisattena, “rāhu, jāto, bandhanam jāta”nti vuttavacanam upādāya suddhodanamahārājā “rāhulo”ti nāmaṃ gaṇhi. Tattha ādito pitarā vuttapariyāyameva gahetvā āha – “rāhulabhaddoti maṃ vidū”ti. **Bhaddoti** pasamsāvacanameva. Aparabhāge satthā taṃ sikkhākāmahāvena aggaṭṭhāne ṭhapesi “etadaggaṃ, bhikkhave, mama sāvakaṇaṃ bhikkhūnaṃ sikkhākāmaṇaṃ yadidaṃ rāhulo”ti (a. ni. 1.209).

68. Evaṃ so pattaetadaggaṭṭhāno attano pubbakammaṃ saritvā somanassajāto pubbacaritāpadānaṃ pakāsento **padumuttarassa bhagavatotiādīmāha**. **Sattabhūmimhi pāsādeti** pasādaṃ somanassaṃ janetīti pāsādo. Uparūpari ṭhitā satta bhūmiyo yasmim pāsāde soyaṃ sattabhūmi, tasmim sattabhūmimhi pāsāde. **Ādāsaṃ santharim ahanti** ādāsatalaṃ nipphādetvā lokajeṭṭhassa bhagavato tādino ahaṃ santharaṃ adāsim, santharivā pūjesinti attho.

69. **Khīṇāsavasahassehīti** arahantasahassehī parikiṇṇo parivuto. **Dvipadindo** dvipadānaṃ indo sāmi narāsabho mahāmuni gandhakuṭim tehi saha **upāgami** pāvisīti attho.

70. **Virocento gandhakuṭinti** taṃ gandhakuṭim sobhayamāno devānaṃ devo **devadevo** narānaṃ āsabho **narāsabho** jeṭṭho satthā bhikkhusaṅghamajjhe nisīditvā imā byākaraṇagāthāyo **abhāsatha** kathesīti sambandho.

71. **Yenāyaṃ jotitā seyyāti** yena upāsakena ayaṃ pāsādasāṅkhātā seyyā jotitā pabhāsitā pajjalitā. **Ādāsova** kaṃsalohamaṃyāṃ ādāsatalaṃ iva suṭṭhu samaṃ katvā santhatā. **Taṃ** upāsakaṃ **kittayissāmi** pākaṭaṃ karissāmīti attho. Sesam suviññeyyameva.

81. **Aṭṭhānametaṃ yaṃ tādīti** yaṃ yena kāraṇena tādī itṭhāniṭṭhesu akampiyasabhāvattā tādī **agāre** gharāvāse **ratim** allīnabhāvaṃ **ajjhagā** pāpuṇi, **etaṃ** kāraṇaṃ aṭṭhānaṃ akāraṇanti attho.

82. **Nikkhamitvā agārasmāti** gharāvāsato nikkhamitvā taṃ tiṇadalamiva pariccajitvā **subbato** susikkhito pabbajissati. **Rāhulo nāma nāmenāti** suddhodanamahārājena pesitaṃ kumārassa jātasāsanam sutvā pitarā siddhatthena, “rāhu jāto, bandhanam jāta”nti vuttanāmattā rāhulo nāmāti attho. “Yathā candasūriyānaṃ vimānapabhāya kiliṭṭhakarāṇena rāhu asurindo upeti gacchati, evamevāyaṃ mama abhinikkhamanapabbajjādīnaṃ antarāyaṃ karontoriva jāto”ti adhippāyena, “rāhu jātoti āhā”ti daṭṭhabbaṃ. **Arahā so bhavissatīti** so tādiso upanissayasampanno vipassanāyaṃ yuttappayutto arahā khīṇāsavo bhavissatīti attho.

83. **Kikīva aṇḍam rakkheyyāti** aṇḍam bījaṃ rakkhamānā kikī sakuṇī iva appamatto sīlaṃ rakkheyya, **cāmarī viya vāladhinti** vālaṃ rakkhamānā kaṇḍakesu vāle laggante bhindanabhayena anākaḍḍhitvā maramānā cāmarī viya jīvītampi pariccajitvā sīlaṃ abhinditvā rakkheyya. **Nipako sīlasampannoti** nepakkaṃ vuccati paññā, tena nepakkena samannāgato nipako khaṇḍachiddādibhāvaṃ apāpetvā rakkhaṇato sīlasampanno bhavissatīti evaṃ so bhagavā byākaraṇamakāsi. So evaṃ pattaarahattaphalo ekadivasam vivekaṭṭhāne nisinno somanassavasena **evaṃ rakkhim mahāmuni**tiādīmāha. Taṃ suviññeyyamevāti.

Rāhulattheraapadānaṇṇanā samattā.

7. Upasenaṅgantaputtattheraapadānaṇṇanā

Padumuttaram bhagavantantiādikaṃ āyasmato upasenaṅgantaputtattherassa apadānaṃ. Ayampi purimabuddhesu katādhikāro tattha tattha bhava vivaṭṭupanissayāni puññāni upacinanto padumuttarassa bhagavato kāle haṃsavatīnagare kulagehe nibbattitvā vayappatto satthu santikaṃ gantvā dhammaṃ suṇanto satthāraṃ ekaṃ bhikkhuṃ samantapāsādikānaṃ aggaṭṭhāne ṭhapaṇtaṃ disvā satthu adhiṅgāraṃ katvā taṃ ṭhānantaraṃ patthetvā yāvajīvaṃ kusalaṃ katvā devamanussesu saṃsaranto imasmim buddhuppāde nālakagāme rūpasārī brāhmaṇiyā kucchimhi nibbatti, **upasenotissa** nāmaṃ ahoṣi. So vayappatto tayo vede

uggaṅhitvā satthu santike dhammaṃ sutvā paṭiladdhasaddho pabbajitvā upasampadāya ekavassiko “ariyagabbhaṃ vaḍḍhemi”ti ekaṃ kulaputtaṃ attano santike upasampādetvā tena saddhiṃ satthu santikaṃ gato. Sathhārā cassa tassa avassikassa bhikkhuno saddhivihārikabhāvaṃ sutvā “atilahuṃ kho tvam, moghapurisa, bāhullāya āvatto”ti (mahāva. 75) garahito “idānāhaṃ yadi parisāṃ nissāya sathhārā garahito, parisāmyeva pana nissāya satthu pasādaṃ karissāmī”ti vipassanāya kammaṃ karonto nacirasseva arahattaṃ pāpuṇi. Arahā pana hutvā sayampi sabbe dhutaṅgadharme samādāya vattati, aññepi tadatthāya samādapesi, tena naṃ bhagavā samantapāsādikānaṃ aggaṭṭhāne ṭhapesi. So aparena samayena kosambiyaṃ kalahe uppanne bhikkhusaṅghe ca dvidhābhūte ekena bhikkhunā taṃ kalahaṃ parivajjitukāmena “etarahi kho kalaho uppanno, bhikkhusaṅgho ca dvidhābhūto, kathaṃ nu kho mayā paṭipajjitabba”nti puṭṭho vivekavāsato paṭṭhāya tassa paṭipattiṃ kathesi. Evaṃ thero tassa bhikkhuno ovādadānāpadesena attano tathā paṭipannabhāvaṃ dīpento aññaṃ byākāsi.

86. So evaṃ pattaetadaggaṭṭhāno attano pubbakammaṃ saritvā somanassavasena pubbacaritāpadānaṃ pakāsento **padumuttaraṃ bhagavantantiādīmāha. Pabbhāramhi nisīdantanti** purato bhāraṃ namitaṃ onamitanti pabbhāraṃ vivekakāmaṃ vanamajjhe sayamjātapabbatapabbhāre nisinnaṃ **naruttamaṃ bhagavantaṃ ahaṃ upagacchiṃ samīpaṃ gatoti** attho.

87. Kaṇikārapuppha disvāti tathā upagacchanto tasmīṃ padese supupphitaṃ kaṇikāraṃ disvā. **Vaṇṭe chetvānaṃ tadāti** tasmīṃ tathāgatassa diṭṭhakāle taṃ pupphaṃ vaṇṭe vaṇṭasmīṃ chetvāna chinditvāna. **Alaṅkaritvā chattamhīti** tena pupphena chattaṃ chādetvā. **Buddhassa abhiropayinti** pabbhāre nisinnassa buddhassa muddhani akāsinti attho.

88. Piṇḍapātāṅca pādāsinti tasmīmyeva nisinnassa bhagavato piṇḍapātaṃ pakārena adāsīṃ bhojesinti attho. **Paramannaṃ subhojananti** sundarabhojanasaṅkhātaṃ paramannaṃ uttamāhāraṃ. **Buddhena navame tatthāti** tasmīṃ vivekaṭṭhāne buddhena saha navame aṭṭha **samaṇe** samitapāpe khīṇāsavabhikkhū bhojesinti attho.

Yaṃ vadanti sumedhoti yaṃ gotamasammāsambuddhaṃ **bhūripaṇṇaṃ** pathavisamānaṃ paññaṃ **sumedhaṃ** sundaraṃ sabbaññūtādīpaññavantaṃ. Sumedho iti sundarapañño iti vadanti paṇḍitā ito kappato satahasse kappe eso gotamo sammāsambuddho bhavissatīti sambandho. Sesāṃ suviññeyyamevāti.

Upasenavaṅgantaputtattheraapadānavaṇṇanā samattā.

8. Raṭṭhapālattheraapadānavaṇṇanā

Padumuttarassa bhagavatotiādikaṃ āyasmato raṭṭhapālattherassa apadānaṃ. Ayampāyasmā purimabuddhesu katādhikāro tattha tattha bhava vivaṭṭūpanissayāni puññaṃ upacinanto padumuttarassa bhagavato uppattito puretameva haṃsavatīnagare gahapatimahāsālakule nibbattitvā vayappatto pitu accayena gharāvāse patiṭṭhito ratanakoṭṭhāgārakammikena dassitaṃ aparimāṇaṃ vaṃsānugataṃ dhanam disvā “imaṃ ettakaṃ dhanarāsīṃ mayhaṃ pituayyakapayyakādayo attanā saddhiṃ gahetvā gantuṃ nāsakkhiṃsu, mayā pana gahetvā gantuṃ vaṭṭati”ti cintetvā kapaṇaddhikādīnaṃ mahādānaṃ adāsi. So abhiññālābhiṃ ekaṃ tāpasam upasaṅkamitvā tena devalokādhipacce niyojito yāvajjivaṃ puññaṃ katvā tato cuto devaloke nibbattitvā dibbasampattiṃ anubhavanto tattha yāvātāyukaṃ ṭhatvā tato cuto manussaloke bhinnaṃ raṭṭhaṃ sandhāretuṃ samatthassa kulassa ekaputtako hutvā nibbatti. Tena samayena padumuttaro bhagavā loka uppajjitvā pavattitavaradhammacakko veneyyasatte nibbānamahānagarasaṅkhātaṃ khemantabhūmiṃ sampāpesi. Atha so kulaputto anukkamena viññutaṃ patto ekadivasam upāsakehi saddhiṃ vihāraṃ gantvā sathhāraṃ dhammaṃ desentaṃ disvā pasannacitto parisapariyante nisīdi.

Tena kho pana samayena sathhā ekaṃ bhikkhuṃ saddhāpabbajitānaṃ aggaṭṭhāne ṭhapesi. So taṃ disvā pasannamānaso satahasabbhikkhuparivutassa bhagavato sathhānaṃ mahādānaṃ datvā taṃ ṭhānaṃ patthesi. Sathhā anantarāyena samijjanabhāvaṃ disvā “ayaṃ anāgate gotamassa nāma sammāsambuddhassa sāsane saddhāpabbajitānaṃ aggo bhavissatī”ti byākāsi. So sathhāraṃ bhikkhusaṅghaṅca vanditvā utṭhāyāsanā

pakkāmi. So yāvātāyukaṃ puññāni katvā tato cavitvā devamanussesu saṃsaranto ito dvenavute kappe phussassa bhagavato kāle satthu vemātikesu tīsu rājaputtesu satthāraṃ upaṭṭhahantesu tesam puññakiriyaṃ saḥāyakkiccam akāsi. Evaṃ tattha tattha bhava bahum kusalam upacinitvā sugatīsuveva saṃsaranto imasmim buddhuppāde kururaṭṭhe thullakoṭṭhikanigame raṭṭhapālasaṭṭhino gehe nibbatti, tassa bhinnaṃ raṭṭhaṃ sandhāretum samatthakule nibbattatā **raṭṭhapāloti** vaṃsānugatameva nāmaṃ ahosi. So mahatā parivārena vaḍḍhanto anukkamena yobbanappatto mātāpitūhi patirūpena dārena saṃyojito mahante ca yase patiṭṭhāpito dibbasampattisadisasampattim paccanubhoti.

Atha bhagavā kururaṭṭhe janapadacārikam caranto thullakoṭṭhikam anupāpuṇi. Tam sutvā raṭṭhapālo kulaputto satthāraṃ upasaṅkamitvā satthu santike dhammaṃ sutvā paṭiladdhasaddho pabbajitukāmo sattāhaṃ bhattacchedam katvā kicchena kasirena mātāpitāro anujānāpetvā satthāraṃ upasaṅkamitvā pabbajam yācivā satthu āṇattiyā aññatarassa santike pabbajitvā yonisomanasikārena kammaṃ karonto vipassanaṃ vaḍḍhetvā arahattaṃ pāpuṇi. Arahattaṃ pana patvā satthāraṃ anujānāpetvā mātāpitāro passitum thullakoṭṭhikam gantvā tattha sapadānam piṇḍāya caranto pitu nivesane ābhidosikam kummāsam labhitvā tam amataṃ viya paribhuñjanto pitarā nimantito svātanāya adhivāsetvā dutiyadvase pitu nivesane piṇḍapātam paribhuñjitvā alaṅkatapaṭiyatte itthāgārajane upagantvā ‘kīdisā nāma tā, ayyaputta, accharāyo, yāsam tvaṃ hetu brahmacariyaṃ carasi’ tiādini (ma. ni. 2.301) vatvā palobhanakammaṃ kātum āradde tassādhippāyaṃ viparivattetvā aniccatādipaṭisaṃyuttaṃ dhammaṃ kathento –

‘‘Passa cittakataṃ bimbaṃ, arukāyaṃ samussitaṃ;
Āturaṃ bahusaṅkappaṃ, yassa natthi dhavaṃ ṭhiti.

‘‘Passa cittakataṃ rūpaṃ, maṇinā kuṇḍalena ca;
Aṭṭhim tacena onaddhaṃ, saha vatthehi sobhati.

‘‘Alattakataṃ pādā, mukhaṃ cuṇṇakamakkhitaṃ;
Alaṃ bālassa mohāya, no ca pāragavesino.

‘‘Aṭṭhāpadakataṃ kesā, nettā añjanamakkhitaṃ;
Alaṃ bālassa mohāya, no ca pāragavesino.

‘‘Añjanīva navā citta, pūtikāyo alaṅkato;
Alaṃ bālassa mohāya, no ca pāragavesino.

‘‘Odahi migavo pāsaṃ, nāsadā vāguraṃ migo;
Bhutvā nivāpaṃ gacchāma, kandante migabandhake.

‘‘Chinno pāso migavassa, nāsadā vāguraṃ migo;
Bhutvā nivāpaṃ gacchāma, socante migaluddake’’ti. (ma. ni. 2.302; theragā. 769-775);

Imā gāthāyo abhāsi. Imā gāthā vatvā vehāsaṃ abhuggantvā rañño korabyassa migājinavanuyyāne maṅgalasilāpaṭṭe nisīdi. Therassa kira pitā sattaṃ dvāraḥkoṭṭhakesu aggaḷaṃ dāpetvā malle āṇāpesi ‘‘nikkhamitum mā detha, kāsāyāni apanetvā setakāni nivāsāpethā’’ti. Tasmā thero ākāsenā agamāsi. Atha rājā korabyo therassa tattha nisinnabhāvaṃ sutvā tam upasaṅkamitvā sammodanīyaṃ kathaṃ sāraṇīyaṃ vītisāretvā ‘‘idha, bho raṭṭhapāla, pabbajanto byādhipārijuññaṃ vā jarābhogañātipārijuññaṃ vā patto pabbajati, tvaṃ pana kiñcipi pārijuññaṃ anupagato eva kasmā pabbajasi’’ti pucchi. Athassa thero ‘‘upaniyyati loko addhuvo, atāṇo loko anabhissaro, asaraṇo loko sabbaṃ pahāya gamanīyaṃ, ūno loko atitto taṇhādāso’’ti (ma. ni. 2.305) imesaṃ catunnaṃ dhammuddesānaṃ attanā viditabhāvaṃ kathetvā tassā desanāya anugātiṃ kathento –

‘‘Passāmi loke sadhane manusse, laddhāna vittaṃ na dadanti mohā;
Luddhā dhanam sannicayaṃ karonti, bhīyyova kāme abhipatthayanti.

“Rājā pasayhappathaviṃ vijetvā, sasāgarantaṃ mahimāvasanto;
Oraṃ samuddassa atittarūpo, pāraṃ samuddassapi patthayetha.

“Rājā ca aññe ca bahū manussā, avītataṅhā maraṇaṃ upenti;
Ūnāva hutvāna jahanti dehaṃ, kāmehi lokamhi na hatthi titti.

“Kandanti naṃ ñātī pakiriya kese, ‘aho vatā no amarā’ ti cāhu;
Vatthena naṃ pārutaṃ nīharitvā, citaṃ samodhāya tato ḍahanti.

“So ḍayhati sūlehi tujjamāno, ekena vatthena pahāya bhoge;
Na mīyamānassa bhavanti tāṇā, ñātī ca mittā atha vā sahāyā.

“Dāyādakā tassa dhanam haranti, satto pana gacchati yena kammaṃ;
Na mīyamānaṃ dhanamanveti kiñci, puttā ca dārā ca dhanañca raṭṭhaṃ.

“Na dīghamāyuṃ labhate dhanena, na cāpi vittena jaraṃ vihanti;
Appaṃ hidaṃ jīvitamāhu dhīrā, asassataṃ vippariṇāmadhammaṃ.

“Aḍḍhā daliddā ca phusanti phassaṃ, bālo ca dhīro ca tatheva phuṭṭho;
Bālo hi bālyā vadhitova seti, dhīro ca no vedhati phassaphuṭṭho.

“Tasmā hi paññāva dhanena seyyā, yāya vosānamidhādhiyacchati;
Abyositattā hi bhavābhavesu, pāpāni kammāni karoti mohā.

“Upeti gabbhañca parañca lokaṃ, saṃsāramāpajjaparamparāya;
Tassappapañño abhisaddahanto, upeti gabbhañca parañca lokaṃ.

“Coro yathā sandhimukhe gahīto, sakammunā haññati pāpadhammo;
Evaṃ pajā pecca paramhi loke, sakammunā haññati pāpadhammo.

“Kāmā hi citrā madhurā manoramā, virūparūpena mathenti cittaṃ;
Ādīnavaṃ kāmaguṇesu disvā, tasmā ahaṃ pabbajitomi rāja.

“Dumapphalānīva patanti māṇavā, daharā ca vuḍḍhā ca sarīrabhedā;
Etampi disvāna pabbajitomi rāja, apaṇṇakaṃ sāmāññameva seyyo.

“Saddhāyāhaṃ pabbajito, upeto jinasāsane;
Avañjhā mayhaṃ pabbajjā, anaṇo bhujjāmi bhojanaṃ.

“Kāme ādittato disvā, jātarūpāni satthato;
Gabbhāvokkanto dukkhaṃ, nirayesu mahabbhayaṃ.

“Etamādīnavaṃ ñatvā, saṃvegaṃ alabhiṃ tadā;
Sohaṃ viddho tadā santo, sampatto āsavakkhayaṃ.

“Pariciṇṇo mayā satthā, kataṃ buddhassa sāsanaṃ;
Ohito garuko bhāro, bhavanetti samūhatā.

“Yassatthāya pabbajito, agārasmānaḡāriyaṃ;
So me attho anuppatto, sabbasaṃyojanakkhaya’ ti. (theraḡā. 776-793) –

Imā gāthā avoca. Evaṃ thero rañño korabyassa dhammaṃ desetvā satthu santikameva gato. Satthā ca

aparabhāge ariyagaṇamajjhe nisinno theramaṃ saddhāpabbajitānaṃ aggaṭṭhāne ṭhapesi.

97-8. Evaṃ so thero pattaetadaggaṭṭhāno pubbakammaṃ saritvā somanassajāto pubbacaritāpadānaṃ pakāseno **padumuttarassa bhagavatotiādimāha. Varanāgo mayā dinnoti** tassa bhagavato rūpakāye pasīditvā varo uttamo seṭṭho **isādanto** rathīsāsadisadanto urūḷhavā bhāravaho rājāro vā. **Setacchattopasobhitoti** hatthikkhandhe ussāpitasetacchattena upasevito sobhamāno. Punapi kiṃ visiṭṭho varanāgo? **Sakappano** hatthālaṅkārasahito. **Saṅghārāmaṃ** buddhappamukhassa bhikkhusaṅghassa vasanattāya ārāmaṃ vihāraṃ **akārayiṃ** kāresim.

99. Catupaññāsasahassānīti tasmim kārāpīte vihārabbhantare catupaññāsasahassāni pāsādāni ca ahaṃ akārayiṃ kāresinti attho. **Mahoghadānaṃ karitvānāti** sabbaparikkhārasahitaṃ mahoghasadisamaṃ mahādānaṃ sajjitvā **mahesino** munino niyyādesinti attho.

100. Anumodi mahāvīroti caturāsankhyeyyasatasahassesu kappesu abbochinnaussāhasankhātēna vīriyena mahāvīro **sayambhū** sayameva bhūto jāto laddhasabbaññūtaññāṇo aggo seṭṭho puggalo **anumodi** vihārānumodanaṃ akāsi. **Sabbe jane hāsayantoti** sakalānantāparimāṇe devamanusse hāsayingto santuṭṭhe **kurumāno** amatanibbānapaṭisaṃyuttaṃ catusaccadhammadesanaṃ **desesi** pakāsesi vivari vibhaji uttānī akāsīti attho.

101. Taṃ me viyākāsīti taṃ mayhaṃ katapuññaṃ balaṃ visesena pākaṭaṃ akāsi. **Jalajuttamanāmakoti** jale jātaṃ jalajaṃ padumaṃ, padumuttaranāmakoti attho. “Jalanuttamanāyako”tipi pāṭho. Tattha attano pabhāya jalaṅtīti jalaṇā, candimasūriyadevabrahmāno, tesamaṃ jalaṇānaṃ uttamoti jalaṇuttamo. Sabbasattānaṃ nāyako uttamoti nāyako, sambhāravante satte nibbānaṃ neti pāpetīti vā nāyako, jalaṇuttamo ca so nāyako cāti **jalaṇuttamanāyako. Bhikkhusaṅghe nisīditvāti** bhikkhusaṅghassa majjhe nisinno **imā gāthā abhāsatha** pākaṭaṃ katvā kathesīti attho. Sesamaṃ uttānatthamevāti.

Raṭṭhapālattheraapadānavañṇanā samattā.

9. Sopākattheraapadānavañṇanā

Pabbhāraṃ sodhayantassātiādikamaṃ āyasmato sopākattherassa apadānaṃ. Ayampi purimabuddhesu katādhikāro tattha tattha bhava vivaṭṭupānissayāni puññaṇi upacinanto siddhatthassa bhagavato kāle aññatarassa kuṭumbikassa putto hutvā nibbatti. Ekadivasamaṃ sathhāraṃ disvā bījapūraphalāni satthu upanesi, paribhuñji bhagavā tassānukampaṃ upādāya. So bhikkhu sathhari saṅghe ca abhippasanno salākabhataṃ paṭṭhapetvā saṅghuddesavasena tiṇṇamaṃ bhikkhūnaṃ yāvatāyukaṃ khīrabhattaṃ adāsi. So tehi puññehi aparāparaṃ devamanussesu sampattiyo anubhavanto ekadā manussayoniyaṃ nibbatta ekassa paccakabuddhassa khīrabhattaṃ adāsi.

Evaṃ tattha tattha puññaṇi katvā sugatīsuyeva paribbhanto imasmim buddhuppāde purimakammaṇissandena sāvatthiyaṃ aññatarāya duggatitthiyā kucchimhi paṭisandhim gaṇhi. Sā taṃ dasamāse kucchinā pariharitvā paripakke gabbhe vijāyanakāle vijāyitumaṃ asakkontī mucchamaṃ āpajjitvā bahuvelamaṃ matā viya nipajji. Nātakā “matā”ti saññāya susānaṃ netvā citakamaṃ āropetvā devatānubhāvena vātavuṭṭhiyā utthitāya aggim adavā pakkamiṃsu. Dārako pacchimabhavikattā devatānubhāveneva arogo hutvā mātukucchito nikkhami. Mātā pana kālamakāsi. Devatā manussarūpenupagamma taṃ gahetvā susānagopakassa gehe ṭhapetvā katipāhamaṃ kālamaṃ patirūpena āhārena posesi. Tato paraṃ susānagopako attano puttaṃ katvā vaḍḍhesi. So tathā vaḍḍhento tassa puttena suppiyena nāma dārakena saddhim kīlanto vicari. Tassa susāne jātamaṃvaḍḍhabhāvato **sopākoti** samañña ahoṣi.

Athekadivasamaṃ sattavassikamaṃ taṃ bhagavā paccūsavelāyamaṃ ñaṇajālaṃ pattharivā veneyyabandhave olokento ñaṇajālassa antogataṃ disvā susānaṭṭhānaṃ agamāsi. Dārako pubbahetunā codiyamāno pasannamānaso sathhāraṃ upasaṅkamitvā vanditvā aṭṭhāsi. Sathhā tassa dhammaṃ kathesi. So dhammaṃ sutvā pabbajjamaṃ yācitvā pitaraṃ “anuññātosī”ti vutto pitaraṃ satthu santikamaṃ ānesi. Tassa pitā sathhāraṃ

vanditvā “imaṃ dāraṃ pabbājetha, bhante”ti anujāni, taṃ pabbājetvā bhagavā mettābhāvanāya niyojesi. So mettākammaṭṭhānaṃ gahetvā susāne viharanto nacirasseva mettājhānaṃ pādakaṃ katvā vipassanaṃ vaḍḍhetvā arahattaṃ sacchākāsi. Arahā hutvāpi aññesaṃ sosānikabhikkhūnaṃ mettābhāvanāvidhiṃ dassento “**yathāpi ekaputtasmi**”nti (theragā. 33) gāthaṃ abhāsi. Idaṃ vuttaṃ hoti – yathā ekaputtake piye manāpe mātā pitā ca kusalī ekantahitesī bhaveyya, evaṃ puratthimādibhedāsu sabbāsu disāsu kāmahavādibhedesu vā sabbesu bhavesu daharādibhedāsu sabbāsu avatthāsupi ʒhitesu sabbesu sattesu ekantahitesitāya kusalī bhaveyya “mitto, udāsino, paccatthiko”ti sīmaṃ akatvā sīmāya sambhedavasena sabbattha ekarasaṃ mettaṃ bhāveyyāti imaṃ pana gāthaṃ vatvā “sace tumhe āyasmanto evaṃ mettaṃ bhāveyyātha, ye te bhagavatā ‘sukhaṃ supatī’tiādina (a. ni. 11.15; pari. 331; mi. pa. 4.4.6) ekādasa mettānisamaṃ ca vuttā, ekaṃsena tesamaṃ bhāgino bhavathā”ti ovādaṃ adāsi.

112. Evaṃ so pattaphalādhigamo attano katapuññaṃ paccavekkhitvā sañjātasomanasso pubbacaritāpadānaṃ dassento **pabbhāraṃ sodhayantassāti**ādimaṃha. Tattha **pabbhāraṃ** silāpabbatassa vivekaṭṭhānaṃ, taṃ pabbajitānurūpattā itthakapākāraṃ katvā dvārakavāṭaṃ yojetvā bhikkhūnaṃ vasanaṭṭhāya adāsi, pakārena bhara patthetabboti pabbhāro, taṃ sodhayantassa mama santikaṃ siddhattho nāma bhagavā **āgacchi** pāpuṇi.

113. **Buddhaṃ upagataṃ disvāti** evaṃ mama santikaṃ āgataṃ disvā **tādino** itthāniṭṭhesu akampiṃyasaṃbhāvattā tādiguṇayuttassa **lokajetthassa** buddhassa **santharaṃ** tiṇapaṇṇādisantheraṃ kaṭṭhattharaṃ **paññāpetvā** niṭṭhāpetvā **pupphāsanaṃ** pupphamaṃ āsanaṃ ahaṃ adāsiṃ.

114. **Pupphāsane nisīditvāti** tasmaṃ paññatte pupphāsane nisīditvā lokānāyako siddhattho bhagavā. **Mamañca gatimaññāyāti** mayhaṃ gatiṃ āyatiṃ uppattiṭṭhānaṃ aññāya jānitvā **aniccataṃ** aniccabhāvaṃ **udāhari** kathesi.

115. **Aniccā vata sañkhārāti** vata ekantena sañkhārā paccayehi samecca samāgantvā karīyamānā sabbe sappaccayadhammā hutvā abhāvaṭṭhena aniccā. **Uppādavayadhamminoti** uppajjitvā vinassanaṃsabhāvā **uppajjitvā** pātubhavitvā ete sañkhārā **nirujjhanti** vinassantīti attho. **Tesamaṃ vūpasamo sukhoti** tesamaṃ sañkhārānaṃ viśesena upasamo sukho, tesamaṃ vūpasamakaraṃ nibbānameva ekantasukhanti attho.

116. **Idamaṃ vatvāna sabbaññūti** sabbadhammajānanako bhagavā lokānaṃ jeṭṭho vuḍḍho narānaṃ āsabbo padhāno vīro idaṃ aniccapaṭisaṃyuttaṃ dhammadesanaṃ **vatvāna** kathetvā **ambare** ākāse haṃsarājā iva **nabhaṃ** ākāsaṃ abbhuggamīti sambandho.

117. **Sakaṃ diṭṭhiṃ** attano laddhiṃ khantiṃ ruciṃ ajjhāsayaṃ **jahitvāna** pahāya. **Bhāvayaṇiccasaññāhanti** anicce aniccanti pavattasaññaṃ ahaṃ bhāvayaṃ vaḍḍhesiṃ manasi akāsiṃ. **Tattha kālaṃ kato ahanti** tattha tissaṃ jātiyaṃ tato jātito ahaṃ kālaṃ kato mato.

118. **Dve sampattī anubhotvāti** manussasampattidibbasampattisañkhātā dve sampattiyo anubhavitvā. **Sukkamūlena coditoti** purāṇakusalamūlena, mūlahūtena kusalena vā codito sañcodito. **Pacchime bhava sampatteti** pariyośāne bhava sampatte pāpuṇite. **Sapākayonupāgaminti** sakaṃ pacitabhattaṃ sapākamaṃ yoniṃ upāgamiṃ. Yassa kulassa attano pacitabhattaṃ aññehi abhuñjanīyaṃ, tasmaṃ caṇḍālakule nibbattosmīti attho. Atha vā sā vuccati sunakho, sunakhocchitṭhabhattabhuñjanakacaṇḍālakule jātoti attho. Sesamaṃ uttānatthamevāti.

Sopākattheraapadānavāṇṇanā samattā.

10. Sumaṅgalattheraapadānavāṇṇanā

Āhutiṃ yiṭṭhukāmotiādikaṃ āyasmato sumaṅgalattherassa apadānaṃ. Ayampāyasmā purimabuddhesu katādhikāro tattha tattha bhava vivaṭṭūpanissayāni puññaṃ upacinanto piyadassissa

bhagavato kāle rukkhadevatā hutvā nibbatti. So ekadivasam satthāraṃ nhatvā ekacīvaraṃ ʘhitam disvā somanassappatto apphoṇesi. So tena puññena devamanussesu saṃsaranto imasmiṃ buddhuppāde sāvattihiyā avidūre aññatarasmiṃ gāmake tādisena kammanissandena daliddakule nibbatti, tassa **sumaṅgaloti** nāmaṃ ahoṣi. So vayappatto khujjakāsitanāṅgalakuddālaparikkhāro hutvā kasiyā jīvikam kappesi. So ekadivasam raññā pasenadinā kosalena bhagavato bhikkhusaṅghassa ca mahādāne pavattiyamāne dānūpakaraṇāni gahetvā āgacchantehi manussehi saddhiṃ dadhighaṭam gahetvā āgato bhikkhūnam sakkārasammānam disvā “ime samaṇā sakyaputtiyā sukhumavatthanivatthā subhojanāni bhuñjītvā nivātesu senāsanesu viharanti, yaṃnūnāhampi pabbajeyya”nti cintetvā aññataram mahātheram upasaṅkamtivā attano pabbajādhippāyam nivedesi. So taṃ karuṇāyanto pabbājetvā kammaṭṭhānam ācikkhi. So araññe viharanto ekakavīhāre nibbinno ukkaṇṭhito hutvā vibbhamitukāmo ñātīgāmaṃ gacchanto antarāmagge kaccham bandhitvā khettaṃ kasante kiliṭṭhavatthanivatthe samantato rajokiṇṇasarīre vātātapena sussante khettaṃ kassake manusse disvā “mahantaṃ vatime sattā jīvikanimittaṃ dukkham paccaṇubhavanti”ti saṃvegam paṭilabhi. Ñāṇassa paripākagattā cassa yathāgahitaṃ kammaṭṭhānam upaṭṭhāsi. So aññataram rukkhamaḷam upagantvā vivekam labhitvā yonisomanasikaronto vipassanam vaḍḍhetvā maggaṇipāṭiyā arahattaṃ pāpuṇi.

124. Evaṃ so pattaarahattaphalo attano pubbakammaṃ saritvā somanassavasena pubbacaritāpadānam pakāsento **āhutim yitṭhukāmohanti**ādīmāha. Tattha **āhutinti** annapānādiānekavidham pūjāsakkārūpakaraṇam. **Yitṭhukāmoti** yajitukāmo, dānam dātukāmo aham. **Paṭiyādetvāna bhojananti** āhāram paṭiyādetvā nipphādetvā. **Brāhmaṇe paṭimānentoti** paṭiggāhake suddhapabbajite pariyesanto. **Visāle mālake ʘhitoti** parisuddhapaṇḍarapulinatalābhirāme vipule mālake ʘhito.

125-7. Athaddasāsiṃ sambuddhantiādīsū **mahāyasaṃ** mahāparivāram **sabbalokaṃ** sakalāsattalokaṃ **vinetānam** visesena netāram nibbānasampāpakaṃ **sayambhum** sayameva bhūtam anācariyakaṃ **aggapuggalam** seṭṭhapuggalam bhagavantaṃ bhagyavantādiguṇayuttaṃ **jutimantaṃ** nīlapītādipabhāsampannaṃ sāvakehi **purakkhataṃ** parivāritaṃ **ādiccamiva** sūriyamiva **rocantaṃ** sobhamānam **rathiyam** vīthiyam paṭipannaṃ gacchantaṃ piyadassim nāma **sambuddham** addasinti sambandho. **Añjaliṃ paggahetvānāti** bandhañjalipuṭam sirasi katvā **sakam cittaṃ** attano cittaṃ **pasādayim** itthambhūtassa bhagavato guṇe pasādesim pasannamakāsinti attho. **Manasāva nimantesinti** cittaena pavāresim. **Āgacchatu mahāmunīti** mahito pūjāraho muni bhagavā mama nivesanaṃ āgacchatu.

128. Mama saṅkappamaññāyāti mayham cittasaṅkappaṃ ñatvā **loke** sattaloke **anuttaro** uttaravirahito satthā **khīṇāsavasahasseehi** arahantasahasseehi parivuto **mama dvāram** mayham gehadvāram **upāgami** sampāpuṇi.

129. Tassa sampattassa satthuno evaṃ namakkāramakāsīṃ. **Purisājañña** purisānam ājañña, seṭṭha, mama namakkāro **te** tuyham **atthu** bhavatu. **Purisuttama** purisānam uttama adhikaguṇavisiṭṭha **te** tuyham mama namakkāro atthu. **Pasādam** pasādajanaṃ mama nivesanaṃ abhiruhitvā **sihāsane** uttamāsane nisīdatanti āyācinti attho.

130. Danto dantaparivāroti sayam dvārattayena danto tathā dantāhi bhikkhubhikkhunūpāsakaupāsikāsākhātāhi catūhi parisāhi parivārito. **Tiṇṇo tārayataṃ varoti** sayam tiṇṇo saṃsārato uttiṇṇo nikkhanto tārayataṃ tārayantānam visiṭṭhapuggalānam varo uttamo bhagavā mamārādhanena pasādam abhiruhitvā **pavarāsane** uttamāsane **nisīdi** nisajjam kappesi.

131. Yam me atthi sake geheti attano gehe yam āmisam **paccupaṭṭhitam** sampāditam rāsikataṃ atthi. **Tāham buddhassa pādāsinti** buddhassa buddhappamukhassa saṅghassa taṃ āmisam pādāsīṃ pa-kārena ādarena vā adāsinti attho. **Pasanno sehi pāṇibhīti** attano dvīhi hatthehi passannacitto gahetvā pādāsinti attho.

132. Pasannacitto pasāditamanasaṅkappo sumano sundaramano. **Vedajāto** jātavedo uppannasomanasso **katañjali** sirasi ʘapitaañjalipuṭo **buddhaseṭṭham namassāmi** seṭṭhassa buddhassa

paṇāmaṃ karomīti attho. **Aho buddhassuḷāratāti** paṭividdhacatusaccassa satthuno uḷāratā mahantabhāvo aho acchariyanti attho.

133. Aṭṭhannaṃ payirūpāsantanti payirupāsantānaṃ **bhuñjaṃ** bhuñjantānaṃ aṭṭhannaṃ ariyapuggalānaṃ antare **khīṇāsavā** arahantova bahūti attho. **Tuyheveso ānubhāvoti** eso ākāsarānaummujjananimujjanādiānubhāvo tuyheva tuyhaṃ eva ānubhāvo, nāññesaṃ. **Saraṇaṃ taṃ upemahanti taṃ** itthambhūtaṃ tuvaṃ saraṇaṃ tānaṃ leṇaṃ parāyananti upemi gacchāmi jānāmi vāti attho.

134. Lokajeṭṭho narāsabho piyadassī bhagavā bhikkhusaṅghamajjhe nisīditvā imā byākaraṇagāthā abhāsatha kathesīti attho. Sesāṃ suviññeyyamevāti.

Sumaṅgalattheraapadānavaṇṇanā samattā.

Dutiyaṃ sīhāsanavaggassa vaṇṇanā samattā.

3. Subhūtivaggo

1. Subhūtittheraapadānavaṇṇanā

Himavantassāvidūretiādikaṃ āyasmato subhūtittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto ito kappasatasahassamatthake anuppanneyeva padumuttare bhagavati lokanāthe haṃsavatīnagare aññatarassa brāhmaṇamahāsālassa ekaputtako hutvā nibbatti, tassa **nandamāṇavoti** nāmaṃ akamsu. So vayappatto tayo vede uggaṇhitvā tattha sāraṃ apassanto attano parivārabhūtehi catucattālīsāya māṇavasahashehi saddhiṃ pabbatapāde isipabbajjaṃ pabbajitvā aṭṭha samāpattiyo pañcābhīññāyo ca nibbatesi. Antevāsikānampi kammaṭṭhānaṃ ācikkhi. Tepi nacirasseva jhānalābhino ahesuṃ.

Tena ca samayena padumuttaro bhagavā loke uppajjitvā haṃsavatīnagaraṃ upanissāya viharanto ekadivasāṃ paccūsasamaye lokaṃ volokento nandatāpasassa antevāsikajaṭilānaṃ arahattūpanissayaṃ, nandatāpasassa ca dvīhaṅgehi samannāgatassa sāvakaṭṭhānantarassa patthanaṃ disvā pātova sarīrapaṭijaggaṇaṃ katvā pubbaṇhasamaye pattacīvaramādāya aññaṃ kañci anāmantevā sīho viya ekacaro nandatāpasassa antevāsikesu phalāphalathāya gatesu “buddhabhāvaṃ me jānātū”ti passantasseva nandatāpasassa ākāso otarivā pathaviyaṃ paṭiṭṭhāsi. Nandatāpaso buddhānubhāvañceva lakkhaṇapāripūriṇca disvā lakkhaṇamante sammāsivā “imehi lakkhaṇehi samannāgato nāma agāraṃ ajjhāvasanto rājā hoti cakkavattī, pabbajanto loke vivaṭacchedo sabbaññū buddho hoti, ayaṃ purisājānīyo nissamsayaṃ buddho”ti ñatvā paccuggamaṇaṃ katvā pañcapaṭiṭṭhitena vanditvā āsanaṃ paññāpetvā adāsi. Nisīdi bhagavā paññatte āsane. Nandatāpasopi attano anucchavikaṃ āsanaṃ gahetvā ekamantaṃ nisīdi. Tasmīṃ samaye catucattālīsahasajjaṭilā paṇītapāṇīṭāni ojavantāni phalāphalāni gahetvā ācariyassa santikaṃ sampattā buddhānañceva ācariyassa ca nisinnākāraṃ oloketvā āhaṃsu – “ācariya, mayaṃ ‘imasmīṃ loke tumhehi mahantataro natthī’ti vicarāma, ayaṃ pana puriso tumhehi mahantataro maññe”ti. Nandatāpaso – “tātā, kiṃ vadetha, tumhe sāsapena saddhiṃ aṭṭhasaṭṭhiyojanasatasahassubbedhaṃ sineruṃ upametum icchatha, sabbaññubuddhena saddhiṃ mā maṃ upamitthā”ti āha. Atha te tāpasā – “sace ayaṃ orako abhavissa, na amhākaṃ ācariyo evaṃ upamaṃ āhareyya. Yāva mahāvātāyaṃ purisājānīyo”ti pādesu nipatitvā sirasā vandimsu. Atha te ācariyo āha – “tātā, amhākaṃ buddhānaṃ anucchaviko deyyadhammo natthi, bhagavā ca bhikkhācāraṇelāyaṃ idhāgato, tasmā mayaṃ yathābalaṃ deyyadhammaṃ dassāma, tumhehi yaṃ yaṃ paṇītaṃ phalāphalaṃ ābhatāṃ, taṃ taṃ āharathā”ti āharāpetvā sahattheneva dhovitvā sayāṃ tathāgatassa patte paṭiṭṭhāpesi. Satthārā phalāphale paṭiggahitamatte devatā dibbojaṃ pakkhipimsu. Tāpaso udakampi sayameva parissāvetvā adāsi. Tato bhojanakiccaṃ niṭṭhāpetvā nisinne satthari sabbe antevāsike pakkositvā satthu santike saraṇīyaṃ kathaṃ kathento nisīdi. Satthā “bhikkhusaṅgho āgacchatū”ti cintesi. Satthu cittaṃ ñatvā satasahasamatā khīṇāsavā āgantvā satthāraṃ vanditvā aṭṭhaṃsu.

Atha nandatāpaso antevāsike āmantesi – “tātā, buddhānaṃ nisinnāsanampi nīcaṃ,

samaṇasatasahassassapi āsanaṃ natthi. Tumhehi ajja ulāraṃ bhagavato bhikkhusaṅghassa ca sakkāraṃ kātuṃ vaṭṭati, pabbatapādato vaṇṇagandhasampannāni pupphāni āharathā’’ti āha. Acinteyyattā iddhivisayassa te muhutteneva vaṇṇagandharasasampannāni pupphāni āharitvā buddhānaṃ yojanappamaṇaṃ pupphāsaṃ paññāpesuṃ. Aggasāvakaṇaṃ tigāvutaṃ, sesabhikkhūnaṃ aḍḍhayaḍḍhayaṇātibhedāṃ, saṅghanavakassa usabhamattaṃ paññāpesuṃ. Evaṃ paññātesu āsanesu nandatāpaso tathāgatassa purato añjaliṃ paggayha ṭhito, ‘‘bhante, amhākaṃ dīgharattaṃ hitāya sukhāya imaṃ pupphāsaṃ āruya nisīdathā’’ti āha. Nisīdi bhagavā pupphāsane. Evaṃ nisinne satthari satthu ākāraṃ ṇatvā bhikkhū attano attano pattāsane nisīdiṃsu. Nandatāpaso mahantaṃ pupphacchattaṃ gahetvā tathāgatassa matthake dhārento aṭṭhāsi. Satthā ‘‘tāpasānaṃ ayaṃ sakkāro mahapphalo hotū’’ti nirodhasamāpattiṃ samāpajji. Satthu samāpanabhāvaṃ ṇatvā bhikkhūpi samāpattiṃ samāpajjiṃsu. Tathāgate sattāhaṃ nirodhaṃ samāpajjitvā nisinne antevāsikā bhikkhācārakāle sampatte vanamūlaphalāphalaṃ paribhuñjitvā sesakāle buddhānaṃ añjaliṃ paggayha aṭṭhaṃsu. Nandatāpaso pana bhikkhācārampi agantvā pupphacchattaṃ dhārentoyeva sattāhaṃ pītisukheneva vītināmesi.

Satthā nirodhato vuṭṭhāya araṇavihāriaṅgena dakkhiṇeyyaṅgena cāti dvīhi aṅgehi samannāgataṃ ekaṃ sāvakaṃ ‘‘isigaṇassa pupphāsanānumodanaṃ karohī’’ti āṇāpesi. So cakkavattirañño santikā paṭiladdhamahālābho mahāyodho viya tuṭṭhamānaso attano visaye ṭhatvā tepiṭakaṃ buddhavacanaṃ sammasitvā anumodanamakāsi. Tassa desanāvasāne satthā sayāṃ dhammaṃ desesi. Satthu desanāvasāne sabbepi catucattālīsahasatāpasā arahattaṃ pāpuṇiṃsu. Satthā – ‘‘etha bhikkhavo’’ti hatthaṃ pasāresi. Tesāṃ tāvadeva kesamassū antaradhāyīṃsu. Aṭṭha parikkhārā sarīre paṭimukkāva ahesuṃ. Te saṭṭhivassikattherā viya satthāraṃ parivārayīṃsu. Nandatāpaso pana vikkhittacittatāya visesaṃ nādhigañchi. Tassa kira araṇavihārittherassa dhammaṃ sotuṃ āradhakālato paṭṭhāya – ‘‘aho vatāhampi anāgate ekassa buddhassa sāsane iminā sāvakena laddhaguṇaṃ labheyya’’nti cittaṃ udapādi. So tena vitakkena maggaphalapaṭivedhaṃ kātuṃ nāsakkhi. Tathāgataṃ pana vanditvā añjaliṃ paggayha sammukhe ṭhito evamāha – ‘‘bhante, yena bhikkhunā isigaṇassa pupphāsanānumodanā katā, ko nāmāyaṃ tumhākaṃ sāsane’’ti? ‘‘Araṇavihāriaṅgena ca dakkhiṇeyyaṅgena ca etadaggaṭṭhānaṃ patto eso bhikkhū’’ti. ‘‘Bhante, yvāyaṃ mayā sattāhaṃ pupphacchattaṃ dhārentena sakkāro kato, tena adhikārena aññaṃ sampattiṃ na patthemī, anāgate pana ekassa buddhassa sāsane ayaṃ thero viya dvīhaṅgehi samannāgato sāvako bhaveyya’’nti patthanaṃ akāsi.

Satthā ‘‘samijjhissati nu kho imassa tāpasassa patthanā’’ti anāgataṃsaññaṃ pesetvā olokento kappasatasahassaṃ atikkamitvā samijjhanakabhāvaṃ disvā, ‘‘tāpasa, na te ayaṃ patthanā moghaṃ bhavissati, anāgate kappasatasahassaṃ atikkamitvā gotamo nāma buddho uppajjissati, tassa santike samijjhissati’’ti dhammakathaṃ kathetvā bhikkhusaṅghaparivuto ākāsaṃ pakkhandi. Nandatāpaso yāva cakkhupathaṃ na samatikkamati, tāva satthu bhikkhusaṅghassa ca añjaliṃ paggayhetvā aṭṭhāsi. So aparabhāge kālena kālaṃ satthāraṃ upasaṅkamitvā dhammaṃ suṇitvā aparihīnājjhānova kālaṃ katvā brahmaloke nibbato. Tato pana cuto aparānīpi pañca jātisatāni pabbajitvā āraññakova ahoṣi, kassapasammāsambuddhakālepi pabbajitvā āraññako hutvā gatapaccāgatavattaṃ pūresi. Etaṃ kira vattaṃ aparipūretvā mahāsāvakaṃbhāvaṃ pāpuṇantā nāma natthi, gatapaccāgatavattaṃ pana āgamaṭṭhakathāsu vuttanayeneva veditabbaṃ. So vīsativassasahassāni gatapaccāgatavattaṃ pūretvā kālaṃ katvā tāvatimsadevaloke nibbatti.

Evaṃ so tāvatimsabhavane aparāparaṃ uppajjanavasena dibbasampattiṃ anubhavitvā tato cuto manussaloke anekasatakkhattuṃ cakkavattirājā padesarājā ca hutvā ulāraṃ manussasampattiṃ anubhavitvā amhākaṃ bhagavato uppanakāle sāvatthiyaṃ sumanaseṭṭhissa gehe anāthapiṇḍikassa kaniṭṭho hutvā nibbatti. **Subhūti**tissa nāmaṃ ahoṣi.

Tena ca samayena amhākaṃ bhagavā loke uppajjitvā pavattitavaradhammacakko anupubbena rājagahaṃ gantvā tattha veḷuvanapaṭiggahaṇādinā lokānuggahaṃ karonto rājagahaṃ upanissāya sītavane vihāsi. Tadā anāthapiṇḍiko seṭṭhi sāvatthiyaṃ utṭhānaṃ bhaṇḍaṃ gahetvā attano sahāyassa rājagahaseṭṭhino gehaṃ gantvā buddhuppādaṃ sutvā satthāraṃ sītavane viharantaṃ upasaṅkamitvā paṭhamadassaneneva sotāpattiphale patiṭṭhāya satthāraṃ sāvatthiṃ āgamanatthāya yācitvā tato pañcacattālīsayoJane magge yojane yojane satasahassapariccāgena vihāre patiṭṭhāpetvā sāvatthiyaṃ

atthakarīsappamāṇaṃ jetassa kumārassa uyyānabhūmiṃ koṭisanthārena kiṇitvā tattha bhagavato vihāraṃ kāretvā adāsi. Vihāramahadivase ayaṃ subhūti kuṭumbiko anāthapiṇḍikasetṭhinā saddhiṃ gantvā dhammaṃ suṇanto saddhaṃ paṭilabhitvā pabbaji. So upasampanno dve mātikā paguṇā katvā kammaṭṭhānaṃ kathāpetvā araṇṇe samaṇadhammaṃ karonto mettājhānaṃ nibbattetvā taṃ pādakaṃ katvā vipassanaṃ vaḍḍhetvā arahattaṃ pāpuṇi.

So dhammaṃ desento yasmā sathārā desitanīyāmena anodissakaṃ katvā deseti, tasmā araṇavihārīnaṃ aggo nāma jāto. Yasmā ca piṇḍāya caranto ghare ghare mettājhānaṃ samāpajjitvā vuṭṭhāya bhikkhaṃ paṭiggaṇhāti “evaṃ dāyakānaṃ mahapphalaṃ bhavissatī”ti, tasmā dakkhiṇeyyānaṃ aggo nāma jāto. Tena naṃ bhagavā “etadaggaṃ, bhikkhave, mama sāvakānaṃ bhikkhūnaṃ araṇavihārīnaṃ dakkhiṇeyyānaṃca yadidaṃ subhūti”ti (a. ni. 1.198, 201) dvayaṅgasamannāgate aggaṭṭhāne ṭhapesi. Evamayaṃ mahāthero attanā pūritapāramīnaṃ phalassa matthakaṃ arahattaṃ patvā loke abhiññāto abhilakkhito hutvā bahujanahitāya janapadacārikaṃ caranto anupubbena rājagahaṃ agamāsi.

Rājā bimbisāro therassa āgamaṇaṃ sutvā upasaṅkamtivā vanditvā “idheva, bhante, vasatha, vasanaṭṭhānaṃ vo karissāmī”ti vatvā pakkanto vissari. Thero senāsanaṃ alabhanto abbhokāse vītināmesi. Therassānubhāvena devo na vassati. Manussā avuṭṭhitāya upaddutā rañño nivesanadvāre ukkuṭṭhiṃ akaṃsu. Rājā “kena nu kho kāraṇena devo na vassatī”ti vīmaṃsanto “therassa abbhokāsavāsena mañṇe na vassatī”ti cintetvā tassa paṇṇakuṭiṃ kārapetvā “imissaṃ, bhante, paṇṇakuṭiyaṃ vasathā”ti vatvā vanditvā pakkāmi. Thero kuṭiṃ pavisitvā tiṇsanthāraṃ ke pallānkena nisīdi. Tadā devo thokaṃ thokaṃ phusāyati, na sammādhāraṃ anupaveccati. Atha thero lokassa avuṭṭhikabhayaṃ vidhamitukāmo attano ajjhattikabāhiravatthukassa parissayassa abhāvaṃ pavedento “channā me kuṭikā”ti (theragā. 1) gāthamāha. Tassattho theragāthāyaṃ vuttōyeva.

Kasmā panete mahātherā attano guṇe pakāsentī? Iminā dīghena addhunā anadhigatapubbaṃ paramagambhīraṃ ativiya santaṃ paṇītaṃ attanā adhigatalokuttaradhammaṃ paccavekkhitvā pīṭivegasamussāhitaudānadīpanatthaṃ sāsanaṃ niyyānikabhāvavibhāvanatthaṃca paramappicchā ariyā attano guṇe pakāseti. Yathā taṃ lokanātho bodhaneyyānaṃ ajjhāsayaṃca “dasabalasamannāgato, bhikkhave, tathāgato catuvesārajjavīsārado”tiādīnā (a. ni. 10.21; ma. ni. 1. 148 atthato samānaṃ) attano guṇe pakāseti. Evamayaṃ therassa aññābyākaraṇagāthāpi ahoṣīti.

1. Evaṃ so pattaarahattaphalo pattaetadaggaṭṭhāno ca attano pubbakammaṃ saritvā somanassajāto pubbacarītāpadānaṃ pakāseto **himavantassāvidūre**tiādīmāha. Tattha **himavantassā**ti himālayapabbatassa **avidūre** āsanne samīpe pabbatapāde manussānaṃ gamanāgamanasampanne saṅcaraṇaṭṭhāneti attho. **Nisabho nāma pabbatoti** pabbatānaṃ jeṭṭhattā nāmena nisabho nāma selamayapabbato ahoṣīti sambandho. **Assamo sukato mayhanti** tattha pabbate mayhaṃ vasanaṭṭhāya assamo araṇṇāvāso suṭṭhu kato. Kuṭirattiṭṭhānadivāṭṭhānavatiparikkhepādivasena sunderākārena katoti attho. **Paṇṇasālā sumāpitāti** paṇṇehi chādītā sālā mayhaṃ nivāsanatthāya suṭṭhu māpitā niṭṭhāpitāti attho.

2. **Kosiyo nāma nāmenāti** mātāpitūhi katanāmadheyyena kosiyo nāma. **Uggatāpano** pākāṭatapo ghoratapo. **Ekākiyo** aññesaṃ abhāvā ahaṃ eva eko. **Adutiyo** dutiyatāpasarahito **jaṭilo** jaṭadhārī tāpaso **tadā** tasmīṃ kāle **nisabhe** pabbate **vasāmi** viharāmīti sambandho.

3. **Phalaṃ mūlaṃca paṇṇaṃca, na bhuñjāmi ahaṃ tadāti** tadā tasmīṃ nisabhapabbate vasanakāle tiṇḍukādiphalaṃ muḷālādīmūlaṃ, kārapaṇṇādīpaṇṇaṃca rukkhato ocinitvā na bhuñjāmīti attho. Evaṃ sati kathaṃ jīvātīti taṃ dassento **pavattaṃva supātāhanti** āha. Tattha **pavattaṃ** sayameva jātaṃ **supātaṃ** attano dhammatāya patitaṃ paṇṇādikaṃ nissāya āhāraṃ katvā ahaṃ **tāvade** tasmīṃ kāle **jīvāmi** jīvikaṃ kappemīti sambandho. “Pavattapaṇḍupaṇṇānī”ti vā pāṭho, tassa sayameva patitāni **paṇḍupaṇṇāni rukkhapattāni** upanissāya jīvāmīti attho.

4. **Nāhaṃ kopemi ājivanti** ahaṃ jīvitaṃ cajamānopi pariccāgaṃ kurumānopi taṇhāvasena phalamūlādīāhārapariyesanāya sammā ājivaṃ na kopemi na nāsemīti sambandho. **Ārādhemi sakaṃ**

cittanti sakam cittam attano manam appicchatāya santuṭṭhiyā ca ārādhemi pasādemī. Vivajjemi anesananti vejjakammadūtakammādivasena anesanam ayuttapariyesanam vivajjemi dūram karomī.

5. Rāgūpasamhitam cittanti yadā yasmim kāle mama rāgena sampayuttaṃ cittam uppajjati, tadā sayameva attanāyeva paccavekkhāmi nāṇena paṭivekkhitvā vinodemi. Ekaggo taṃ damemahanti aham ekasmim kammatṭhānārammaṇe aggo samāhito taṃ rāgacittam damemi damanam karomī.

6. Rajjase rajjanīye cāti rajjanīye allīyitabbe rūpārammaṇādivatthusmim rajjase allīno asi bhavasi. Dussanīye ca dussaseti dūsitabbe dosakaraṇavatthusmim dūsako asi. Muyhase mohanīye cāti mohitabbe mohakaraṇavatthusmim moyhasi mūlho asi bhavasi. Tasmā tuvaṃ vanā vanato araṇṇāvāsato nikkhamassu apagacchāhīti evaṃ attānam damemīti sambandho.

24. Timbarūsakavaṇṇābhoti suvaṇṇatimbarūsakavaṇṇābho, jambonadasuvaṇṇavaṇṇoti attho. Sesam suviññeyyamevāti.

Subhūtittheraapadānavaṇṇanā samattā.

2. Upavānattheraapadānavaṇṇanā

Padumuttaro nāma jinotiādikaṃ āyasmato upavānattherassa apadānam. Ayampāyasmā purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle daliddakule nibbattivā viññutaṃ patto bhagavati parinibbute tassa dhātuṃ gahetvā manussadevanāgagaruḷakumbhaṇḍayakkhagandhabbehi sattaratanamaye sattayojanike thūpe kate tattha sudhotam attano uttarasātakam veḷagge laggetvā ābandhitvā dhajam katvā pūjam akāsi. Tam gahetvā abhisammatako nāma yakkhasenāpati devehi cetiyapūjarakkhaṇattham ṭhapito adissamānakāyo tam ākāse dhārento cetiyam tikkhattum padakkhiṇam akāsi. So tam disvā bhiyyosomattāya pasannamānaso hutvā tena puññakamma devamanussesu saṃsaranto imasmim buddhuppāde sāvattiyam brāhmaṇakule nibbattivā upavānoti laddhanāmo vayappatto jetavanapaṭiggahaṇe buddhānubhāvaṃ disvā paṭiladdhasaddho pabbajitvā vipassanāya kammaṃ karonto arahattam patvā chaḷabhiñño ahoṣi. Yadā bhagavato aphāsu ahoṣi, tadā thero uṇhodakam tathārūpaṃ pānakaṇca bhesajjam bhagavato upanāmesi. Tenassa satthuno rogo vūpasami. Tassa bhagavā anumodanam akāsi.

52. Evaṃ so pattaarahattaphalo adhigataetadaggaṭṭhāno attano pubbakammaṃ saritvā somanassavasena pubbacaritāpadānam pakāsento padumuttaro nāma jinotiādīmāha. Tattha sabbesaṃ lokiyalokuttaradhammānam pāragū pariyoṣānam nibbānam gato patto padumuttaro nāma jino jītaṇḍamāro bhagavā aggikkhandho iva chabbaṇṇā buddharaṃsiyo jalitvā sabbalokaṃ dhammapajjotena obhāsetvā sambuddho suṭṭhu buddho avijjāniddūpagatāya pajāya savāsanāya kilesaniddāya paṭibuddho vikāsitanettapaṅkajo parinibbuto khandhapaṇinibbānena nibbuto adassanam gatoti sambandho.

57. Jaṅghāti cetiyakaraṇakāle upacinitabbānam iṭṭhakānam ṭhapanatthāya, nibandhiyamānasopānapanti.

88. Sudhotam rajakenāhanti vatthadhovakena purisena suṭṭhu dhovitam suvisuddhakatam, uttareyyapaṭam mama uttarasātakam aham veḷagge laggitvā dhajam katvā ukkhipim, ambare ākāse ussāpesinti attho. Sesam suviññeyyamevāti.

Upavānattheraapadānavaṇṇanā samattā.

3. Tisaraṇagamaniyattheraapadānavaṇṇanā

Nagare bandhumatiyātiādikaṃ āyasmato tisaraṇagamaniyattherassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa

bhagavato kāle bandhumatīnagare kulagehe nibbattitvā andhamātāpitaro upaṭṭhāsi. So ekadivasam cintesi – ‘‘ahaṃ mātāpitaro upaṭṭhahanto pabbajitum na labhāmi, yaṃnūnāhaṃ tīṇi saraṇāni gaṇhissāmi, evaṃ duggatito mocessāmī’’ti nisabhaṃ nāma vipassissa bhagavato aggasāvakaṃ upasaṅkamitvā tīṇi saraṇāni gaṇhi. So tāni vassasatasahassāni rakkhitvā teneva kamma tāvatiṃsabhavane nibbatto, tato paraṃ devamanussesu saṃsaranto ubhayasampattiyo anubhavitvā imasmiṃ buddhuppāde sāvattinagare mahāsālakule nibbatto viññutaṃ patto sattavassikova dārakehi parivuto ekaṃ saṅghārāmaṃ agamāsi. Tattha eko khīṇāsavatthero tassa dhammaṃ desetvā saraṇāni adāsi. So tāni gahetvā pubbe attano rakkhitāni saraṇāni saritvā vipassanaṃ vaḍḍhetvā arahattaṃ pāpuṇi. Taṃ arahattappattaṃ bhagavā upasampādesi.

106. So arahattappatto upasampanno hutvā attano pubbakammaṃ saritvā somanassavasena pubbacaritāpadānaṃ pakāsento **nagare bandhumatiyātiādīmāha**. Tattha **mātu upaṭṭhāko ahunti** ahaṃ mātāpitūnaṃ upaṭṭhāko bhārako bandhumatīnagare ahosinti sambandho.

108. Tamandhakārapihitāti mohandhakārena pihitā chādītā. **Tividhaggīhi ḍayharetī** rāgaggidosaggimohaggisaṅkhātehi tīhi aggīhi ḍayhare ḍayhanti sabbe sattāti sambandho.

114. Aṭṭha hetū labhāmahanti aṭṭha kāraṇāni sukhasa paccayabhūtāni kāraṇāni labhāmi ahanti attho. Sesam suviññeyyamevāti.

Tisaraṇagamaniyattheraapadānavaṇṇanā samattā.

4. Pañcasīlasamādāniyattheraapadānavaṇṇanā

Nagare candavatiyātiādikaṃ āyasmato pañcasīlasamādāniyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto anomadassissa bhagavato kāle ekasmiṃ kule nibbatto purimabhava katākusalakammānurūpena daliddo hutvā appanapānabhojano paresaṃ bhatim katvā jīvanto saṃsāre ādīnavaṃ ṇatvā pabbajitukāropi pabbajjaṃ alabhamāno anomadassissa bhagavato sāvakassa nisabhattherassa santike pañca sikkhāpadāni samādiyī. Dīghāyukakāle uppannattā vassasatasahassāni sīlaṃ paripālesi. Tena kamma so devamanussesu saṃsaranto imasmiṃ buddhuppāde vesāliyaṃ mahābhogakule nibbatto. Mātāpitaro sīlaṃ samādiyante disvā attano sīlaṃ saritvā vipassanaṃ vaḍḍhetvā arahattaṃ patvā pabbajī.

134. So attano pubbakammaṃ saritvā somanassajāto udānavasena pubbacaritāpadānaṃ pakāsento **nagare candavatiyātiādīmāha**. **Bhatako āsahaṃ tadāti** tadā mama puññakaraṇakāle ahaṃ bhatako bhatiyā kammakārako āsiṃ ahoṣiṃ. **Parakammāyane yuttoti** bhatiyā paresaṃ kammakaraṇe āyutto yojito okāsābhāvena saṃsārato mucanattāya ahaṃ pabbajjaṃ na labhāmi.

135. Mahandhakārapihitāti mahantehi kilesandhakārehi pihitā saṃvutā thakitā. **Tividhaggīhi ḍayharetī** narakaggipetaggisaṃsāraggisāṅkhātehi tīhi aggīhi ḍayhanti. Ahaṃ pana kena upāyena kena kāraṇena visaṃyutto bhaveyyanti attho.

136. Deyyadhammo annapānādīdātābbayuttakaṃ vatthu mayhaṃ natthi, tassābhāvena ahaṃ **varāko** dukkhito **bhatako** bhatiyā jīvanako **yaṃnūnāhaṃ pañcasīlaṃ rakkheyyaṃ paripūrayanti** pañcasīlaṃ samādiyitvā paripūrento yaṃnūna rakkheyyaṃ sādhuṃ bhaddakaṃ sundaraṃ katvā paripāleyyanti attho.

148. Svāhaṃ yasamanubhavinti so ahaṃ devamanussesu mahantaṃ yasaṃ anubhaviṃ tesam sīlaṃ vāhasā ānubhāvenāti attho. Kappakoṭṭimpi tesam sīlaṃ phalaṃ kittento ekakoṭṭhāsameva **kittaye** pākāṭaṃ kareyyanti attho. Sesam suviññeyyamevāti.

Pañcasīlasamādāniyattheraapadānavaṇṇanā samattā.

5. Annasaṃsāvakattheraapadānavaṇṇanā

Suvaṇṇavaṇṇaṃ sambuddhantiādikam āyasmato annasaṃsāvakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle ekasmiṃ kulagehe nibbato piṇḍāya carantaṃ dvattiṃsamahāpurisalakkhaṇabyāmapabbhāmaṇḍalopasobhitaṃ bhagavantaṃ disvā pasannamānaso bhagavantaṃ nimantetvā gehaṃ netvā varaannaṇānena santappetvā sampavāretvā bhojesi. So teneva cittappasādena tato cuto devaloke nibbattitvā dibbasampattiṃ anubhavitvā tato cavitvā manussaloke nibbattitvā manussasampattiṃ anubhavitvā tato aparāparaṃ devamanussasampattiyo anubhavitvā imasmiṃ buddhuppāde ekasmiṃ kule nibbato sāsane pasīditvā pabbajitvā vipassanaṃ vaḍḍhetvā arahattaṃ pāpuṇi. So pubbe katapuññanāmasasena **annasaṃsāvakattheroti** pākaṭanāmo ahoṣi.

155-6. So aparabhāge attano pubbakammaṃ saritvā somanassajāto “evaṃ mayā iminā puññasambhārānubhāvena pattaṃ arahatta”nti attano pubbacaritāpadānaṃ udānavasena pakāseno **suvaṇṇavaṇṇantiādimāha**. Tattha suvaṇṇassa vaṇṇo viya vaṇṇo yassa bhagavato soyaṃ suvaṇṇavaṇṇo, taṃ **suvaṇṇavaṇṇaṃ sambuddhaṃ** siddhatthanti attho. **Gacchantaṃ antarāpaṇeti** vessānaṃ āpaṇapantīnaṃ antaravīthiyaṃ gacchamānaṃ. **Kaṇicanagghiyasaṃkāsanti** suvaṇṇatoraṇasadisam **bāttiṃsavaralakkhaṇaṃ** dvattiṃsavaralakkhaṇehi sampannaṃ **lokapajjotaṃ** sakalalokadīpabhūtaṃ **appameyyaṃ** pamāṇavirahitaṃ **anopamaṃ** upamāviraṇitaṃ **jutindharaṃ** pabhādāraṃ nīlapītādichabbaṇṇabuddharaṃsiyo dhāraṃ siddhatthaṃ disvā **paramaṃ** uttamaṃ pītiṃ **alattaṃ** alabhinti sambandho. Sesam suviññeyyamevāti.

Annasaṃsāvakattheraapadānavāṇṇanā samattā.

6. Dhūpadāyakattheraapadānavāṇṇanā

Siddhatthassa bhagavatotiādikam āyasmato dhūpadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle kulagehe nibbato siddhatthe bhagavati cittaṃ pasādetvā tassa bhagavato gandhakuṭiyaṃ candanāgarukāḷāṇusāriādīnā katehi anekehi dhūpehi dhūpapūjaṃ akāsi. So tena puññena devesu ca manussesu ca ubhayasampattiyo anubhavanto nibbattanibbattabhava pūjanīyo hutvā imasmiṃ buddhuppāde ekasmiṃ kulagehe nibbato puññasambhārānubhāvena sāsane pabbajitvā vipassanaṃ vaḍḍhetvā arahattaṃ patvā katadhūpapūjāpuññattā nāmena **dhūpadāyakattheroti** sabbattha pākaṭo. So pattaarahattaphalo attano pubbakammaṃ saritvā somanassajāto pubbacaritāpadānaṃ dassento **siddhatthassa bhagavatotiādimāha**. Siddho paripuṇṇo sabbaññutaññāḍiguṇasaṅkhāto attho payojanaṃ yassa bhagavato soyaṃ siddhattho, tassa **siddhatthassa bhagavato** bhagyādiguṇavantassa lokajettḥassa sakalalokuttamassa **tādino** iṭṭhāniṭṭhesu tādisassa acalasaṃbhāvassāti attho. Sesam uttānatthamevāti.

Dhūpadāyakattheraapadānavāṇṇanā samattā.

7. Pulinapūjakattheraapadānavāṇṇanā

Vipassissa bhagavatotiādikam āyasmato pulinapūjakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ kule nibbato sāsane pasannacitto cetiyaṅgaṇabodhiyaṅgaṇesu purāṇavālukam apanetvā navaṃ muttādalaśadisapaṇḍarapulinaṃ okiritvā māḷakam alaṅkari. Tena kammena so devaloke nibbato tattha dibbehi ratanehi vijjotamāne anekayojane kanakavimāne dibbasampattiṃ anubhavitvā tato cuto manussaloke sattaratanasampanno cakkavattī rājā hutvā manussasampattiṃ anubhavitvā aparāparaṃ saṃsaranto imasmiṃ buddhuppāde vibhavasampanne ekasmiṃ kule nibbato sāsane pasanno pabbajitvā vipassanaṃ vaḍḍhetvā arahattaṃ pāpuṇi. So attano katapuññanāmasadisena nāmena **pulinapūjakattheroti** pākaṭo.

165. So attano pubbakammaṃ saritvā somanassajāto pubbacaritāpadānaṃ dassento **vipassissa bhagavatotiādimāha**. Tattha vividham passatīti vipassī, vivicca passatīti vā vipassī, vividhe

attatthaparathādibhede atthe passatīti vā vipassī, vividhe vohāraparamatthādibhede passatīti vā vipassī, tassa **vipassissa bodhiyā pādaputtame** uttame bodhirukkhamañḍalamāḷake **purāṇapulinam** vālukaṃ chaddetvā suddham paṇḍaram pulinam **ākiriṃ** santhariṃ. Sesam suviññeyyamevāti.

Pulinapūjakattheraapadānavaṇṇanā samattā.

8. Uttiyattheraapadānavaṇṇanā

Candabhāgānadīretīādikaṃ āyasmato uttiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle candabhāgānadiyaṃ susumāro hutvā nibbato nadītīraṃ upagataṃ bhagavantaṃ disvā pasannacitto pāraṃ netukāmo tīrasamīpeyeva nipajji. Bhagavā tassa anukampāya piṭṭhiyaṃ pāde ṭhapesi. So tuṭṭho udaggo pītivegena mahussāho hutvā sotaṃ chindanto sīghena javena bhagavantaṃ paratīraṃ nesi. Bhagavā tassa cittappasādaṃ ñatvā “ayaṃ ito cuto devaloke nibbattissati, tato paṭṭhāya sugatīsuyeva saṃsaranto ito catunnavutikappe amataṃ pāpuñissati”ti byākaritvā pakkāmi.

So tathā sugatīsuyeva saṃsaranto imasmim buddhuppāde sāvathiyaṃ aññatarassa brāhmaṇassa putto hutvā nibbatti, **uttiyotissa** nāmaṃ akamsu. So vayappatto “amataṃ pariyesissāmi”ti paribbājako hutvā ekadivasam bhagavantaṃ disvā upasaṅkamtivā vanditvā dhammaṃ sutvā paṭiladdhasaddho hutvā sāsane pabbajitvā sīladiṭṭhīnaṃ avisodhitattā visesaṃ nibbattetuṃ asakkonto aññaṃ bhikkhuṃ visesaṃ nibbattetvā aññaṃ byākarontaṃ disvā sathāraṃ upasaṅkamtivā saṅkhepena ovādaṃ yāci. Sathāpi tassa, “tasmātiha tvaṃ, uttiya, ādimeva visodhehi”tiādinaṃ (saṃ. ni. 5.382) saṅkhepeneva ovādaṃ adāsī. So satthu ovāde ṭhatvā vipassanaṃ ārabhi. Tassa āradhvipassakassa ābādho uppajji. Uppanne ābādhe jātasamvego vīriyārambhavattumu ñatvā vipassanaṃ vadḍhetvā arahattaṃ pāpuṇi.

169. Evaṃ so katasambhārānurūpena pattaarahattaphalo attano pubbakammaṃ saritvā somanassajāto pubbacaritāpadānaṃ pakāsento **candabhāgānadī**retīādīmāha. Tattha **candabhāgānadī**retī parisuddhapaṇḍarapulinatalehi ca pabhāsampannapasannamadhurodakaparipuñṇatāya ca candappabhākiraṇasassirīkābhā nadamānā saddaṃ kurumānā gacchatīti candabhāgānadī, tassā candabhāgānadiyā tīre susumāro ahosintī sambandho. Tattha **susumāro**ti khuddakamacchagumbe khaṇḍākhaṇḍikaṃ karonto māretīti susumāro, caṇḍamaccho kumbhīloti attho. **Sabhojanapasutohanti** ahaṃ sabhojane sakagocare pasuto byāvaṭo. **Nadītittham** agacchahanti bhagavato āgamanakāle ahaṃ nadītittham agacchim pattomhi.

170. Siddhattho tamhi samayeti tasmim mama titthagamanakāle siddhattho bhagavā aggapuggalo sabbasattesu jeṭṭho seṭṭho **sayambhū** sayameva bhūto jāto buddhabhūto so bhagavā nadim taritukāmo nadītīraṃ upāgami.

172. Pettikaṃ visayaṃ mayhanti mayhaṃ pitupitāmahādīhi paramparānītaṃ, yadidaṃ sampattasampattamahānubhāvānaṃ taraṇanti attho.

173. Mama uggajjanaṃ sutvāti mayhaṃ uggajjanaṃ ārādhanam sutvā mahāmuni bhagavā abhiruhīti sambandho. Sesam uttānatthamevāti.

Uttiyattheraapadānavaṇṇanā samattā.

9. Ekañjalikattheraapadānavaṇṇanā

Suvaṇṇavaṇṇantiādikaṃ āyasmato ekañjalikattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmim kulagehe nibbato viññutaṃ patto ratanattaye pasanno piṇḍāya carantaṃ vipassim bhagavantaṃ disvā pasannamānaso añjaliṃ paggahetvā aṭṭhāsī. So tena puññakamma devamanussesu saṃsaranto sabbattha

pūjanīyo hutvā ubhayasampattiyo anubhavitvā imasmiṃ buddhuppāde vibhavasampanne kule nibbattitvā sāsane pasīditvā pabbajitvā vipassanaṃ vaḍḍhetvā arahatte patitṭhāsi. Pubbe katapuññasvasena **ekañjalikattheroti** pākaṭo.

180. So attano pubbakammaṃ saritvā taṃ hatthatale āmalakaṃ viya disvā udānavasena pubbacaritāpadānaṃ pakāsento **suvanṇavaṇṇantiādimāha**. **Vipassim satthavāhagganti** vāñje kantārā vahati tāretīti satthavāho. Vāḷakantārā coḷakantārā dubbhikkhakantārā nirudakakantārā yakkhakantārā appabhakkhakantārā ca tāreti uttāreti patāreti nittāreti khemantabhūmiṃ pāpetīti attho. Ko so? Vāñjajetṭhako. Satthavāhasadisattā ayampi bhagavā satthavāho. Tathā hi so tividhaṃ bodhiṃ patthayante katapuññasambhāre satte jātikantārā jarākantārā byādhikantārā maraṇakantārā sokaparidevadukkhadomanassupāyāsakantārā ca sabbasmā saṃsārakantārā ca tāreti uttāreti patāreti nittāreti nibbānathalaṃ pāpetīti attho. Satthavāho ca so aggo seṭṭho padhāno cāti satthavāhaggo, taṃ **satthavāhaggam** vipassim sambuddhanti sambandho. **Naravaram vināyakanti** narānaṃ antare asithilaparakkamoti naravīro, taṃ. Visesena katapuññasambhāre satte neti nibbānapuraṃ pāpetīti vināyako, taṃ.

181. Adantadamaṇaṃ tādinti rāgadosamohādikilesasampayuttattā kāyavacīmanodvārehi adante satte dametīti adantadamano, taṃ. Itṭhāniṭṭhesu akampiyatādiguṇayuttoti tādī, taṃ. **Mahāvādiṃ mahāmatinti** sakasamayaparasamayavādīnaṃ antare attanā samadhikapuggalavirahitattā mahāvādī, mahatī pathavisamānā merusamānā ca matī yassa so mahāmatī, taṃ **mahāvādiṃ mahāmatim** sambuddhanti iminā tulyādhikaraṇaṃ. Sesam suviññeyyamevāti.

Ekañjalikattheraapadānavaṇṇanā samattā.

10. Khomadāyakattheraapadānavaṇṇanā

Nagare bandhumatiyātiādikam āyasmato khomadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ kulagehe nibbatto vayappatto sāsane abhippasanno ratanattayamāmakko vipassissa bhagavato santike dhammaṃ sutvā pasannaṃānaso khomadussena pūjaṃ akāsi. So tadeva mūlaṃ katvā yāvajīvaṃ puññāni katvā tato devaloke nibbatto. Chasu devesu aparāparaṃ dibbasukhaṃ anubhavitvā tato cavitvā manussaloke cakkavattīādiānekavidhamanussasampattim anubhavitvā paripākagate puññasambhāre imasmiṃ buddhuppāde kulagehe nibbatto vayappatto satthu santike dhammaṃ sutvā paṭiladdhasaddho pabbajitvā vipassanaṃ vaḍḍhetvā nacirasseva arahattaṃ pāpuṇi. Katapuññānāmena **khomadāyakattheroti** pākaṭo.

184. So attano pubbakammaṃ saritvā somanassajāto pubbacaritāpadānaṃ dassento **nagare bandhumatiyātiādimāha**. Tattha bandhu vuccati ñātako, te bandhū yasmiṃ nagare aññaṃaññaṃ saṅghaṭitā vasanti, taṃ nagaraṃ ‘‘bandhumatī’’ti vuccati. **Ropemi bījasampadanti** dānasīlādīpuññābījasampattim ropemi paṭṭhapemīti attho.

Khomadāyakattheraapadānavaṇṇanā samattā.

Tatiyassa subhūtivaggassa vaṇṇanā samattā.

Catubhāṇavāraṇṇanā niṭṭhitā.

4. Kuṇḍadhānavaggo

1. Kuṇḍadhānattheraapadānavaṇṇanā

Sattāhaṃ paṭisallīnantiādikam āyasmato kuṇḍadhānattherassa apadānaṃ. Ayampi purimabuddhesu

katādhikāro tattha tattha bhavē vivatṭūpanissayāni puññāni upacinanto padumuttarassa bhagavato kāle haṃsavatīnagare kulagehe nibbato vuttanayena bhagavantam upasaṅkamitvā dhammam suṇanto satthāraṃ ekaṃ bhikkhum paṭhamam salākam gaṇhantānam aggaṭṭhāne ṭhapentam disvā tam ṭhānantaram patthetvā tadanurūpaṃ puññaṃ karonto vicari. So ekadivasam padumuttarassa bhagavato nirodhasamāpattito vuṭṭhāya nisinnassa manosilācuṇṇapīṇjaram mahantam kadaliphalakaṇṇikam upanesi, tam bhagavā paṭiggahetvā paribhuñji. So tena puññaṃ kammena ekādasakkhattum devesu devarajjam kāresi. Catuvīsativāre ca rājā ahosi cakkavattī.

So evam aparāparam puññāni katvā devamanussesu saṃsaranto kassapabuddhakāle bhummadevatā hutvā nibbatti. Dīghāyukabuddhānaṃ nāma na anvaddhamāsiko uposatho hoti. Tathā hi vipassissa bhagavato chabbassantare chabbassantare uposatho ahosi, kassapadasabalo pana chaṭṭhe chaṭṭhe māse pātimokkham osāresi, tassa pātimokkhasa osāraṇakāle disāvāsikā dve saḥāyakā bhikkhū “uposatham karissāmā”ti gacchanti. Ayaṃ bhummadevatā cintesi – “imesam dvinnam bhikkhūnam metti ativīya daḷhā, kiṃ nu kho bhedake sati bhijjeyya, na bhijjeyyā”ti. Tesam okāsam olokayamānā tesam avidūre gacchati.

Atheko thero ekassa hatthe pattacīvaram datvā sarīravaḷaṇjanattham udakaphāsukaṭṭhānam gantvā dhotahatthapādo hutvā gumbasamīpato nikkhamati. Bhummadevatā tassa therassa pacchato pacchato uttamarūpā itthī hutvā kese vidhunitvā saṃvidhāya bandhantī viya piṭṭhiyam paṃsum puñchamānā viya sātakaṃ saṃvidhāya nivāsayaṃnā viya ca hutvā therassa padānupadikā hutvā gumbato nikkhamā. Ekamante ṭhito saḥāyakathero tam kāraṇam disvāva domanassajāto “naṭṭho dāni me iminā bhikkhunā saddhiṃ dīgharattānugato sineho, sacāham evamvidhabhāvam jāneyyam, ettakam kālam iminā saddhiṃ vissāsam na kareyya”nti cintetvā āgacchantamyeva nam “gaṇhāhāvuso, tuyham pattacīvaram, tādisena pāpena saddhiṃ ekamaggena na gacchāmī”ti āha. Tam katham sutvā tassa lajjibhikkhuno hadayam tikhiṇasattim gahetvā viddham viya ahosi. Tato nam āha – “āvuso, kinnāmetam vadasi, aham ettakam kālam dukkaṭamattampi āpattim na jānāmi, tvam pana mam aḷa ‘pāpo’ti vadasi, kiṃ te diṭṭhanti, kiṃ aññena diṭṭhena, kiṃ tvam evamvidhena alaṅkatapaṭiyattena mātugāmena saddhiṃ ekaṭṭhāne hutvā nikkhamto”ti? “Natthetam, āvuso, mayham, nāham evarūpaṃ mātugāmaṃ passāmī”ti tassa yāvattiyam kathentassāpi itaro thero katham asaddahitvā attanā diṭṭhakāraṇamyeva bhūtattam katvā gaṇhanto tena saddhiṃ ekamaggena agantvā aññena maggena satthu santikam gato. Itaropi bhikkhu aññena maggena satthu santikamyeva gato.

Tato bhikkhusaṅghassa uposathāgāram pavisanavelāya so bhikkhu tam bhikkhum uposathagge disvā sañjānitvā “imasmiṃ uposathagge evarūpo nāma pāpabhikkhu atthi, nāham tena saddhiṃ uposatham karissāmī”ti nikkhamitvā bahi aṭṭhāsi. Atha bhummadevatā “bhāriyam mayā kammaṃ kata”nti mahallakaupāsakavaṇṇena tassa santikam gantvā – “kasmā, bhante, ayyo imasmiṃ ṭhāne ṭhito”ti āha. “Upāsaka, imam uposathaggaṃ eko pāpabhikkhu pavitṭho, ‘aham tena saddhiṃ uposatham na karomī’ti bahi ṭhitomhī”ti. “Bhante, mā evam gaṇhatha, parisuddhasīlo esa bhikkhu, tumhehi diṭṭhamātugāmo nāma aham. Mayā tumhākam vīmaṃsanatthāya ‘daḷhā nu kho imesam therānam metti, no daḷhā’ti bhijjanābhijjanabhāvam olokentena tam kammaṃ kata”nti. “Ko pana tvam, sappurisā”ti? “Aham ekā bhummadevatā, bhante”ti. Devaputto kathentoyeva dibbānubhāvena ṭatvā therassa pādāmūle patitvā “mayham, bhante, khamatha, therassa eso doso natthi, uposatham karothā”ti theram yācitvā uposathaggaṃ pavesesi. So thero uposatham tāva ekaṭṭhāne akāsi. Mittasanthavavasena pana puna tena saddhiṃ na ekaṭṭhāne vasi. Imassa therassa dosam na kathesi. Aparabhāge cudītakathero pana vipassanāya kammaṃ karonto arahattam pāpuṇi.

Bhummadevatā tassa kammaṃ nissandena ekaṃ buddhantaram apāyato na mucchittha. Sace pana kālena kālam manussattam āgacchati, aññena yena kenaci kato doso tasseva upari patati. So amhākam bhagavato uppanakāle sāvatthiyam brāhmaṇakule nibbatti, **dhānamāṇavotissa** nāmaṃ akaṃsu. So vayappatto tayo vede uggaṇhitvā mahallakakāle satthu dhammasanaṃ sutvā paṭiladdhasaddho sāsane pabbajī. Tassa upasampannadivasato paṭṭhāya ekā alaṅkatapaṭiyattā itthī tasmim gāmaṃ pavisante saddhiṃyeva pavisati, nikkhamante nikkhamati, vihāram pavisantepi saddhiṃ pavisati, tiṭṭhantepi tiṭṭhatīti evam niccānubandhā paññāyati. Thero tam na passati. Tassa pana purimakammaṃ nissandena sā aññesam upaṭṭhāsi.

Gāme yāgubhikkhaṃ dadamānā itthiyo, “bhante, ayaṃ eko yāguuḷuṅko tumhākaṃ, eko imissā amhākaṃ sahāyikkāyā”ti parihāsaṃ karonti. Therassa mahatī vihesā hoti. Vihāragatampi naṃ sāmaṇerā ceva daharabhikkhū ca parivāretvā “dhāno koṇḍo jāto”ti parihāsaṃ karonti. Athassa teneva kāraṇena **kuṇḍadhāno theroti** nāmaṃ jātaṃ. So utthāya samuttthāya tehi kariyamānaṃ keḷiṃ sahituṃ asakkonto ummādaṃ gahetvā “tumhe koṇḍā, tumhākaṃ upajjhāyo koṇḍo, ācariyo koṇḍo”ti vadati. Atha naṃ satthu ārocesuṃ – “kuṇḍadhāno, bhante, daharasāmaṇerehi saddhiṃ evaṃ pharusavācaṃ vadatī”ti. Sathā taṃ pakkosāpetvā “saccaṃ kira tvaṃ, dhāna, daharasāmaṇerehi saddhiṃ pharusavācaṃ vadasī”ti pucchi. Tena “saccaṃ bhagavā”ti vutte – “kasmā evaṃ vadasī”ti āha. “Bhante, nibaddhaṃ vihesaṃ sahituṃ asakkonto evaṃ kathemī”ti. “Tvaṃ pubbe katakammaṃ yāvajjadivasā jīrāpetuṃ na sakkosi, puna evaṃ pharusavācaṃ mā vada bhikkhū”ti vatvā āha –

“Māvoca pharusā kañci, vuttā paṭivadeyyu taṃ;
Dukkā hi sārāmbhakathā, paṭidaṇḍā phuseyyu taṃ.

“Sace neresi attānaṃ, kaṃso upahato yathā;
Esa pattosi nibbānaṃ, sārāmbho te na vijjatī”ti. (dha. pa. 133-134) –

Imaṅca pana tassa therassa mātuḡāmena saddhiṃ vicaraṇabhāvaṃ kosalarañṇopi kathayimṃsu. Rājā “gacchatha, bhaṇe, naṃ vīmaṃsathā”ti pesetvā sayampi mandeneva parivārena saddhiṃ therassa santikaṃ gantvā ekamante olokento aṭṭhāsī. Tasmīṃ khaṇe thero sūcikkammaṃ karonto nisinno hoti. Sāpi itthī avidūre ṭhāne ṭhitā viya paññāyati.

Rājā taṃ disvā “atthi taṃ kāraṇa”nti tassā ṭhitatṭhānaṃ agamāsī. Sā tasmīṃ āgacchante therassa vasanapaṇṇasālaṃ pavitṭhā viya ahosi. Rājāpi tāya saddhiṃ eva paṇṇasālāyaṃ pavisitvā sabbattha olokento adisvā “nāyaṃ mātuḡāmo, therassa eko kammavipāko”ti saññaṃ katvā paṭhamāṃ therassa samīpena gacchantopi therāṃ avanditvā tassa kāraṇassa abhūtabhāvaṃ ñatvā paṇṇasālato nikkhamitvā therāṃ vanditvā ekamante nisinno “kacci, bhante, piṇḍakena na kilamathā”ti pucchi. Thero “vaṭṭati, mahārājā”ti āha. “Jānāmaṃ, bhante, ayyassa kathaṃ, evarūpenupakkilesena saddhiṃ carantānaṃ tumhākaṃ ke nāma pasiddhanti, ito paṭṭhāya vo katthaci gamanakiccaṃ natthi. Ahaṃ catūhi paccayehi upaṭṭhahissāmi, tumhe yonisomanasikāre mā pamajjitthā”ti vatvā nibaddhabhikkhaṃ paṭṭhapesi. Thero rājānaṃ upatthambhakaṃ labhitvā bhojanasappāyena ekaggacitto hutvā vipassanaṃ vadḍhetvā arahattaṃ pāpuṇi. Tato paṭṭhāya sā itthī antaradhāyi.

Tadā mahāsubhaddā uggaṇagare micchādiṭṭhikule vasamānā “sathā maṃ anukampatū”ti uposathaṅgaṃ adhiṭṭhāya nirāmagandhā hutvā uparipāsādatale ṭhitā “imāni pupphāni antare aṭṭhatvā dasabalassa matthake vitānaṃ hutvā tiṭṭhantu, dasabalo imāya saññāya sve pañcahi bhikkhusatehi saddhiṃ mayhaṃ bhikkhaṃ gaṇhatū”ti saccakiriyaṃ katvā aṭṭha sumanapupphamuttthiyo vissajjesi. Pupphāni gantvā dhammadesanāvelāya satthu matthake vitānaṃ hutvā aṭṭhamṃsu. Sathā taṃ sumanapupphavitānaṃ disvā citteneva subhaddāya bhikkhaṃ adhvāsetvā punadvase aruṇe utthite ānandattheraṃ āha – “ānanda, mayaṃ ajja dūraṃ bhikkhācāraṃ gamissāma, puthujjanānaṃ adatvā ariyānaṃyeva salākaṃ dehi”ti. Thero bhikkhūnaṃ ārocesi – “āvuso, sathā ajja dūraṃ bhikkhācāraṃ gamissati. Puthujjanā mā gaṇhantu, ariyāva salākaṃ gaṇhantū”ti. Kuṇḍadhānatthero – “āharāvuso, salāka”nti paṭhamāṃyeva hatthaṃ pasāresi. Ānando “sathā tādisānaṃ bhikkhūnaṃ salākaṃ na dāpeti, ariyānaṃyeva dāpeti”ti vitakkaṃ uppādetvā gantvā satthu ārocesi. Sathā “āharāpentassa salākaṃ dehi”ti āha. Thero cintesi – “sace kuṇḍadhānassa salākā dātuṃ na yuttā, atha sathā paṭibāheyya, bhavissati ettha kāraṇa”nti “kuṇḍadhānassa salākaṃ dassāmi”ti gamanaṃ abhinīhari. Kuṇḍadhāno tassa purāgamaṇā eva abhiññāpādaṃ catutthajjhānaṃ samāpajjitvā iddhiyā ākāse ṭhatvā “āharāvuso ānanda, sathā maṃ jānāti, mādisaṃ bhikkhuṃ paṭhamāṃ salākaṃ gaṇhantaṃ na sathā vāretī”ti hatthaṃ pasāretvā salākaṃ gaṇhi. Sathā taṃ aṭṭhuppattim katvā therāṃ imasmīṃ sāsane paṭhamāṃ salākaṃ gaṇhantānaṃ aggaṭṭhāne ṭhapesi. Yasmā ayaṃ thero rājānaṃ upatthambhaṃ labhitvā sappāyāhārapaṭilābhena samāhitacitto vipassanāya kammaṃ karonto upanissayasampannatāya chaḷabhiñño ahosi. Evaṃbhūtaṃsāpi imassa therassa guṇe aṇāntā ye puthujjanā bhikkhū “ayaṃ paṭhamāṃ salākaṃ gaṇhati, kiṃ nu kho eta”nti vimatiṃ uppādentī. Tesāṃ taṃ vimatividhamanattaṃ thero ākāsaṃ abhuggantvā iddhipāṭihāriyaṃ dassetvā aññāpadesena aññaṃ

byākaronto ‘‘pañca chinde’’ti gātham abhāsi.

1. Evaṃ so pūritapuññasambhārānurūpena arahā hutvā pattaetadaggaṭṭhāno attano pubbakammaṃ saritvā somanassavasena pubbacaritāpadānaṃ pakāsento **sattāhaṃ paṭisallīnanti**ādīmāha. Tattha sathāhaṃ sattadivasam nirodhasamāpattivihārena paṭisallīnaṃ vivekabhūṭanti attho. Sesam uttānatthamevāti.

Kuṇḍadhānattheraapadānavaṇṇanā samattā.

2. Sāgatattheraapadānavaṇṇanā

Sobhito nāma nāmenātiādikaṃ āyasmato sāgatattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle ekasmiṃ brāhmaṇakule nibbatta sabbasippesu nipphattiṃ patto nāmena **sobhito** nāma hutvā tiṇṇaṃ vedānaṃ pāragū sanighaṇḍukeṭubhānaṃ sākharappabhedānaṃ itihāsapañcamānaṃ padako veyyākaraṇo lokāyatamahāpurisalakkhaṇesu anavayo. So ekadivasam padumuttaraṃ bhagavantaṃ dvattiṃsamahāpurisalakkhaṇasiriyā sobhamānaṃ uyyānadvārena gacchantaṃ disvā atīva pasannamānaso anekehi upāyehi anekehi guṇavaṇṇehi thomanaṃ akāsi. Bhagavā tassa thomanaṃ sutvā ‘‘anāgate gotamassa bhagavato sāsane sāgato nāma sāvako bhavissati’’ti byākaraṇaṃ adāsi. So tato paṭṭhāya puññāni karonto yāvatāyukaṃ ṭhatvā tato cuto devaloke nibbatta. Kappasatasahassadevamanussesu ubhayasampattiyo anubhavitvā imasmiṃ buddhuppāde ekasmiṃ kulagehe nibbatta. Tassa mātāpitaro somanassaṃ vaḍḍhento sujāto āgatoti **sāgatoti** nāmaṃ kariṃsu. So sāsane pasīditvā pabbajitvā vipassanaṃ vaḍḍhetvā arahattaṃ patto.

17. Evaṃ so puññasambhārānurūpena pattaarahattaphalo attano pubbakammaṃ saritvā somanassajāto pubbacaritāpadānaṃ pakāsento **sobhito nāma nāmenāti**ādīmāha. Tattha tadā puññasambhārassa paripūraṇasamaye nāmena sobhito nāma brāhmaṇo ahosinti sambandho.

21. **Vipathā uddharitvānāti** viruddhathā kumaggā, upathā vā uddharitvā apanetvā. **Pathaṃ ācikkhasseti**, bhante, sabbaññu tuvaṃ pathaṃ sappurisamaggaṃ nibbānādhigamanupāyaṃ ācikkhase kathesi desesi vibhaji uttāniṃ akāsīti attho. Sesam uttānatthamevāti.

Sāgatattheraapadānavaṇṇanā samattā.

3. Mahākaccānattheraapadānavaṇṇanā

Padumuttaranāthassātiādikaṃ āyasmato kaccānattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle gahapatimahāsālakulagehe nibbatttvā vuddhippatto ekadivasam sathu santike dhammaṃ suṇanto sathhāraṃ ekaṃ bhikkhuṃ saṃkhittena bhāsitaṃ vitthārena atthaṃ vibhajantānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento dānādīni puññāni katvā devamanussesu saṃsaranto sumedhassa bhagavato kāle vijjādharo hutvā ākāsena gacchanto sathhāraṃ ekasmiṃ vanasaṇḍe nisinnaṃ disvā pasannamānaso kaṇikārapupphehi pūjaṃ akāsi.

So tena puññakammaṃ aparāparaṃ sugatīsuyeva parivatttvā kassapadasabalassa kāle bārāṇasiyaṃ kulaghare nibbattitvā parinibbute bhagavati suvaṇṇacetiyakaraṇaṭṭhānaṃ dasasahassagghanikāya suvaṇṇiṭṭhakāya pūjaṃ katvā ‘‘bhagavā mayhaṃ nibbattanibbattaṭṭhāne sarīraṃ suvaṇṇavaṇṇaṃ hotū’’ti pattharaṃ akāsi. Tato yāvajīvaṃ kusalaṃ katvā ekaṃ buddhantaraṃ devamanussesu saṃsaritvā imasmiṃ buddhuppāde ujjeniyaṃ rañño caṇḍapajjotassa purohitassa gehe nibbatti, tassa nāmaggaṇādivase mātāpitaro ‘‘amhākaṃ putto suvaṇṇavaṇṇo attano nāmaṃ gahetvā āgato’’ti **kañcanamāṇavot**veva nāmaṃ kariṃsu. So vuddhimanvāya tayo vede uggaṇhitvā pitu accayena purohitaṭṭhānaṃ labhi. So gottavasena **kaccānoti** paññāyittha.

Rājā caṇḍapajjoto buddhuppādaṃ sutvā, “ācariya, tvaṃ tattha gantvā sathhāraṃ idhānehī”ti pesesi. So attatthamo satthu santikaṃ upagato. Tassa sathhā dhammaṃ desesi. Desanāpariyosāne so sattahi janehi saddhiṃ sahaṇḍasambhidāhi arahatte patiṭṭhāsi. Atha sathhā “etha, bhikkhavo”ti hattham pasāresi. Te tāvadeva dvaṅgulamattakesamassukā iddhimayapattacīvaradharā vassasatthikattherā viya ahesuṃ. Evaṃ thero sadattham nipphādetvā, “bhante, rājā pajjoto tumhākaṃ pāde vandituṃ dhammañca sotuṃ icchatī”ti satthu ārocesi. Sathhā “tvaṃyeva bhikkhu tattha gaccha, tayi gatepi rājā pasīdissatī”ti āha. Thero attatthamo tattha gantvā rājānaṃ pasādetvā avantīsu sāsanaṃ patiṭṭhāpetvā puna satthu santikameva gato.

31. Evaṃ so pattaarahattaphalo “etadaggaṃ, bhikkhave, mama sāvakanāṃ saṃkhittena bhāsītassa vitthārena attham vibhajantānaṃ yadidaṃ mahākaccāno”ti (a. ni. 1.188, 197) etadaggaṭṭhānaṃ patvā attano pubbakammaṃ saritvā pubbacaritāpadānaṃ pakāsento **padumuttaranāthassātī**tiādimāha. Tattha **padumaṃ nāma cetiyanti** padumehi chādītattā vā padumākārehi katattā vā bhagavato vasanagandhakuṭivihārova pūjanīyabhāvena cetiyaṃ, yathā “gotamakacetiyaṃ, ālavakacetiya”nti vutte tesam yakkhānaṃ nivasanaṭṭhānaṃ pūjanīyaṭṭhānattā cetiyanti vuccati, evamidaṃ bhagavato vasanaṭṭhānaṃ cetiyanti vuccati, na dhātunidhāyakacetiyaṃ veditabbaṃ. Na hi aparinibbutassa bhagavato sarīradhātūnaṃ abhāvā dhātucetiyaṃ akari. **Silāsanaṃ kārayitvā**ti tassā padumanāmikāya gandhakuṭiyā pupphādhāratthāya heṭṭhā phalikaṃyamaṃ silāsanaṃ kāretvā. **Suvaṇṇenābhilepayinti** taṃ silāsanaṃ jambonadasuvaṇṇena abhivisesena lepayiṃ chādesinti attho.

32. Ratanāmayam sattahi ratanehi kataṃ chattaṃ **paggayha** muddhani dhāretvā vālabijaniñca setapavaracāmañca paggayha buddhassa abhiropayim. **Lokabandhussa tādīnoti** sakalalokabandhusadisassa tādiguṇasamaṅgissa buddhassa dhāresinti attho. Sesam uttānatthamevāti.

Mahākaccānattheraapadānavaṇṇanā samattā.

4. Kāḷudāyittheraapadānavaṇṇanā

Padumuttarabuddhassātītiādikam āyasmato kāḷudāyittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare kulagehe nibbato satthu dhammadesanaṃ suṇanto sathhāraṃ ekaṃ bhikkhuṃ kulappasādakānaṃ bhikkhūnaṃ aggaṭṭhāne ṭhapentaṃ disvā tajjaṃ abhinīhāraṃ katvā taṃ ṭhānantaraṃ patthesi.

So yāvajīvaṃ kusalaṃ katvā devamanussesu saṃsaranto amhākaṃ bodhisattassa mātukucchiyaṃ ṇḍasandhiggaṇḍadivase kapilavatthusmiṃyeva amaccagehe ṇḍasandhiṃ gaṇhi, bodhisattena saddhiṃ ekadivasaṃyeva jātoti taṃ divasaṃyeva naṃ dukūlacumbaṭake nipajjāpetvā bodhisattassa upaṭṭhānatthāya nayiṃsu. Bodhisattena hi saddhiṃ bodhirukkho, rāhulamātā, cattāro nidhī, ārohanahathī, assakaṇḍako, ānando, channo, kāḷudāyīti ime satta ekadivase jātatā sahaṇḍatā nāma ahesuṃ. Athassa nāmaggaṇḍadivase sakalanagarassa udaggacittadivase jātatā **udāyitveva** nāmaṃ akaṃsu. Thokaṃ kāḷadhātukattā pana **kāḷudāyīti** paññāyittha. So bodhisattena saddhiṃ kumārakīḷaṃ kīḷanto vuddhiṃ agamaṃsi.

Aparabhāge lokanāthe mahābhinnikkhamaṃ nikkhamitvā anukkamena sabbaññutaṃ patvā pavattitavaradhammacakke rājagahaṃ upanissāya veḷuvane viharante suddhodanamahārājā taṃ pavattiṃ sutvā purisasahassaparivāraṃ ekaṃ amaccaṃ “puttaṃ me idhānehī”ti pesesi. So dhammadesanāvelāyaṃ satthu santikaṃ gantvā parisapariyante ṭhito dhammaṃ sutvā saparivāro arahattaṃ pāpuṇi. Atha ne sathhā “etha, bhikkhavo”ti hattham pasāresi. Sabbe taṅkhaṇaṇīneva iddhimayapattacīvaradharā vassasatthikattherā viya ahesuṃ. Arahattappattito paṭṭhāya pana ariyā majjhattāva honti. Tasmā raññā pahitasāsanaṃ dasabalassa na kathesi. Rājā “neva gato āgacchati, na sāsanaṃ suyati”ti aparaṃ amaccaṃ purisasahashehi pesesi. Tasmimpi tathā paṭīpanne aparaṃ pesesīti evaṃ navahi purisasahashehi saddhiṃ nava amacce pesesi. Sabbe arahattaṃ patvā tuṅhī ahesuṃ.

Atha rājā cintesi – “ettakā janā mayi sinehābhāvena dasabalassa idhāgamanatthāya na kiñci

kathayim̐su, ayam̐ kho udāyi dasabalena samavayo, sahapam̐sukīlīko, mayi ca sineho atthi, imam̐ pesessāmī”ti tam̐ pakkosāpetvā, “tāta, tvam̐ purisasahassaparivāro rājagahaṃ gantvā dasabalam̐ idhānehī”ti vatvā pesesi. So pana gacchanto “sacāham̐, deva, pabbajitum̐ labhissāmi, evāham̐ bhagavantam̐ idhānessāmī”ti vatvā “yam̐ kiñci katvā mama puttam̐ dassehī”ti vutto rājagahaṃ gantvā satthu dhammadesanavelāyam̐ parisapariyante t̐hito dhammam̐ sutvā saparivāro arahattam̐ patvā ehibhikkhubhāve patiṭṭhāsī. Arahattam̐ pana patvā “na tāvāyam̐ dasabalassa kulanagaraṃ gantum̐ kālo, vasante pana upagate pupphite vanasaṇḍe haritatiṇasañchannāya bhūmiyā gamanakālo bhavissatī”ti kālam̐ paṭimānento vasante sampatte satthu kulanagaraṃ gantum̐ gamanamaggavaṇṇam̐ samvaṇṇento –

“Aṅgārino dāni dumā bhadante, phalesino chadanam̐ vippahāya;
Te accimantova pabhāsanti, samayo mahāvīra bhāgī rathānam̐.

“Dumāni phullāni manoramāni, samantato sabbadisā pavanti;
Pattam̐ pahāya phalamāsasānā, kālo ito pakkamanāya vīra.

“Nevātisītam̐ na panātiuṇham̐, sukhā utu addhaniyā bhadante;
Passantu tam̐ sākīyā koḷiyā ca, pacchāmukham̐ rohiniyam̐ tarantam̐.

“Āsāya kasate khettam̐, bījam̐ āsāya vappati;
Āsāya vāñijā yanti, samuddam̐ dhanahārakā;
Yāya āsāya tiṭṭhāmi, sā me āsā samijjhatu. (theragā. 527-530);

“Nātisītam̐ nātiuṇham̐, nātidubbhikkhachātakam̐;
Saddalā haritā bhūmi, esa kālo mahāmuni. (a. ni. aṭṭha. 1.1.225);

“Punappunañceva vapanti bījam̐, punappunam̐ vassati devarājā;
Punappunam̐ khettam̐ kasanti kassakā, punappunam̐ dhaññamupeti raṭṭham̐.

“Punappunam̐ yācanakā caranti, punappunam̐ dānapatī dadanti;
Punappunam̐ dānapatī daditvā, punappunam̐ saggamupenti t̐hānam̐.

“Vīro have sattayugam̐ puneti, yasmim̐ kule jāyati bhūripañño;
Maññāmaham̐ sakkati devadevo, tayā hi jāto muni saccanāmo.

“Suddhodano nāma pitā mahesino, buddhassa mātā pana māyanāmā;
Yā bodhisattam̐ parihariya kucchinā, kāyassa bheda tidivamhi modati.

“Sā gotamī kālakatā ito cutā, dibbehi kāmehi samaṅgibhūtā;
Sā modati kāmagaṇehi pañcahi, parivāritā devagaṇehi tehi”ti. (theragā. 531-535);

Imā gāthā abhāsī. Tattha **aṅgārino**ti aṅgārāni viyāti aṅgārāni. Aṅgārāni rattapavāḷavaṇṇāni rukkhānam̐ pupphaphalāni, tāni etesam̐ santīti aṅgārino, abhilohitakusumakisalayehi aṅgāravutt̐hisamparikiṇṇā viyāti attho. **Dānī**ti imasmim̐ kāle. **Dumā**ti rukkhā. **Bhadanteti** bhaddam̐ ante etassāti, “bhadante”ti ekassa da-kārassa lopam̐ katvā vuccati. Guṇavisesayutto, guṇavisesayuttānañca aggabhūto satthā. Tasmā, bhadanteti satthu ālapanameva, paccattavacanañcetam̐ ekārantaṃ “sugate paṭikamme sukhe dukkhe jīve”tiādīsu viya. Idha pana sambodhanaṭṭhe daṭṭhabbam̐. Tena vuttam̐, “bhadanteti ālapana”nti. “Bhaddasaddena samānattham̐ padantarameka”nti keci. Phalāni esantīti **phalesino**. Acetanepi hi sacetanakiriyam̐ āha. Evaṃ therena yācito bhagavā tattha gamane bahūnam̐ visesādhigamanam̐ disvā vīsatisahassakhīṇāsavaparivuto rājagahato aturita-carikāvasena kapilavatthugāmimaggam̐ paṭipajji. Thero iddhiyā kapilavatthum̐ gantvā rañño purato ākāse t̐hitova adiṭṭhapubbavesam̐ disvā raññā “kosi tva”nti pucchito “amaccaputtam̐ tayā bhagavato santikam̐ pesitam̐ mam̐ na jānāsi, tvam̐ evam̐ pana jānāhi”ti dassento –

“Buddhassa puttomhi asayhasāhino, aṅgīrasassappaṭimassa tādino;
Pitupitā mayhaṃ tuvaṃsi sakka, dhammena me gotama ayyakosī”ti. (theragā. 536) –

Gāthamāha.

Tattha **buddhassa puttomhī** sabbaññubuddhassa orassa putto amhi. **Asayhasāhinoti** abhisambodhito pubbe ṭhapetvā mahābodhisattaṃ aññehi sahituṃ vahituṃ asakkuṇeyyattā asayhassa sakalassa bodhisambhārassa mahākāruṇikādhikārassa ca sahanato vahanato, tato parampi aññehi sahituṃ abhibhavituṃ asakkuṇeyyattā asayhānaṃ pañcannaṃ mārānaṃ sahanato abhibhavanato, āsayānusayacaritādhimuttiādivibhāgāvabodhanena yathārahaṃ veneyyānaṃ diṭṭhadhammikasamparāyikaparamatthehi anusāsanīsāṅkhātassa aññehi asayhassa buddhakkicassa sahanato, tattha vā sādhuṅkāribhāvato asayhasāhino. **Aṅgīrasassāti** aṅgīkatasīlādisampattikassa. Aṅgamaṅgehi niccharaṇakaobhāsassāti apare. Keci pana “aṅgīraso, siddhatthoti dve nāmāni pitarāyeva gahitānī”ti vadanti. **Appaṭimassāti** anūpamassa. Itthāniṭṭhesu tādilakkhaṇappattiyā **tādino. Pitupitā mayhaṃ tuvaṃsī**ti ariyajātivaseṇa mayhaṃ pitu sammāsambuddhassa lokavohāreṇa tvaṃ pitā asi. **Sakkāti** jātivaseṇa rājānaṃ ālapati. **Dhammenāti** sabhāvena ariyajāti lokiyajātīti dvinnaṃ jātīnaṃ sabhāvasamodhānena. **Gotamāti** rājānaṃ gottena ālapati. **Ayyakosī**ti pitāmaho asi. Ettha ca “buddhassa puttomhī”tiādiṃ vadanto thero aññaṃ byākāsi.

Evam pana attānaṃ jānāpetvā haṭṭhatuṭṭhena raññā mahārahe pallanke nisīdāpetvā attano paṭiyāditassa nānaggarasabhojanassa pattaṃ pūretvā dinne gamanākāraṃ dassesi. “Kasmā, bhante, gantukāmattha, bhuñjathā”ti ca vutte, “satthu santikaṃ gantvā bhuñjissāmī”ti. “Kahaṃ pana satthā”ti? “Visatisahassabhikkhuparivāro tumhākaṃ dassanattāya maggaṃ paṭipanno”ti. “Tumhe imaṃ piṇḍapātaṃ bhuñjatha, aññaṃ bhagavato harissatha. Yāva ca mama putto imaṃ nagaraṃ sampāpuṇāti, tāvassa ito piṇḍapātaṃ harathā”ti vutte thero bhattakiccaṃ katvā rañño parisāya ca dhammaṃ kathetvā satthu āgamanato puretameva sakalarājanivesanaṃ ratanattaye abhippasannaṃ karonto sabbesaṃ passantānaṃyeva satthu āharitabbabhattapūṇaṃ pattaṃ ākāse vissajjetvā sayampi vehāsaṃ abbhuggantvā piṇḍapātaṃ upanāmetvā satthu hatthe ṭhapesi. Satthā taṃ piṇḍapātaṃ paribhuñji. Evam saṭṭhiyojanamagge divase divase yojanaṃ gacchantassa bhagavato rājagehatoyeva piṇḍapātaṃ āharitvā adāsi. Atha naṃ bhagavā “ayaṃ mayhaṃ pituno sakalanivesanaṃ pasādetī”ti “etadaggaṃ, bhikkhave, mama sāvakanāṃ kulappasādakānaṃ bhikkhūnaṃ yadidaṃ kāludāyī”ti (a. ni. 1.219, 225) kulappasādakānaṃ aggaṭṭhāne ṭhapesi.

48-9. Evam so katapuññasambhārānurūpena arahattaṃ patvā pattaetadaggaṭṭhāno attano pubbakammaṃ saritvā somanassavasena pubbacaritāpadānaṃ pakāsento **padumuttarassa buddhassāti**ādimāha. **Addhānaṃ paṭipannassāti** apararaṭṭhaṃ gamanattāya dūramaggaṃ paṭipajjantassa. **Carato cārikaṃ tadāti** antomaṇḍalaṃ majjhemaṇḍalaṃ bahimaṇḍalanti tīṇi maṇḍalāni tadā cārikaṃ carato carantassa **padumuttarabuddhassa** bhagavato **suphullaṃ** suṭṭhu phullaṃ pabodhitaṃ **gayha** gahetvā na kevalameva padumaṃ, uppalañca **mallikaṃ** vikasitaṃ ahaṃ gayha ubhoḥi hatthehi gahetvā pūresinti sambandho. **Paramannaṃ gahetvānāti** paramaṃ uttamaṃ seṭṭhaṃ madhuraṃ sabbasupakkaṃ sāliodanaṃ gahetvā sathuno **adāsīṃ** bhojesinti attho.

97. Sakyānaṃ nandijananoti sakyarājakulānaṃ bhagavato ñātīnaṃ ārohapariṇāharūpayobbanavacanālapanasampattiyā nandaṃ tuṭṭhiṃ janento uppādento. **Ñātibandhu bhavissatī**ti ñāto pākaṭo bandhu bhavissati. Sesam suviññeyyamevāti.

Kāludāyitheraapadānavaṇṇanā samattā.

5. Mogharājattheraapadānavaṇṇanā

Atthadassī tu bhagavātiādikaṃ āyasmato mogharājattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle

kulagehe nibbattitvā viññutaṃ patto ekadivasaṃ satthu santike dhammaṃ suṇanto sathhāraṃ ekaṃ bhikkhuṃ lūkhacīvaradharānaṃ aggaṭṭhāne ṭhapentaṃ disvā taṃ ṭhānantaraṃ ākaṅkhanto paṇidhānaṃ katvā tattha tattha bhve puññāni karonto atthadassissa bhagavato kāle puna brāhmaṇakule nibbattitvā brāhmaṇānaṃ vijjāsippesu nipphattiṃ gato ekadivasaṃ atthadassiṃ bhagavantaṃ bhikkhusaṅghaparivutaṃ rathiyāṃ gacchantaṃ disvā pasannaṃānaso pañcapatiṭṭhitena vanditvā sirasi añjalim katvā “yāvata rūpino sathhā” tiādīhi chahi gāthāhi abhithavitvā bhājanaṃ pūretvā madhuṃ upanesi. Sathhā taṃ paṭiggahetvā anumodanaṃ akāsi. So tena puññakamma devamanussesu saṃsaranto kassapabhagavato kāle kaṭṭhavāhanassa nāma rañño amacco hutvā nibbatta tena satthu ānayanatthāya pesito satthu santikaṃ gantvā dhammaṃ sutvā paṭiladdhasaddho pabbajitvā vīsativassasahassāni samaṇadhammaṃ katvā tato cuto ekaṃ buddhantaraṃ sugatīsuyeva parivattento imasmiṃ buddhuppāde brāhmaṇakule nibbattitvā **mogharājāti** laddhanāmo bāvarīyabrāhmaṇassa santike uggahitasippo saṃvegajāto tāpasapabbajjaṃ pabbajitvā tāpasasahassaparivāro ajitādīhi saddhiṃ satthu santikaṃ pesito tesāṃ pannarasamo hutvā pañhaṃ pucchitvā vissajjanapariyosāne arahattaṃ pāpuṇi. Arahattaṃ pana patvā sathhalūkhaṃ suttalūkhaṃ rajanalūkhanti vīsesena tividhenapi lūkhena samannāgataṃ paṃsukūlaṃ dhāresi. Tena naṃ sathhā lūkhacīvaradharānaṃ aggaṭṭhāne ṭhapesi.

64. Evaṃ so paṇidhānānurūpena arahattaphalaṃ patvā attano pubbasambhāraṃ disvā pubbakammāpadānaṃ pakāsento **atthadassī tu bhagavāti**ādīmāha. Taṃ sabbaṃ uttānatthameva.

73. **Puṭakaṃ pūrayitvānāti** puṭakaṃ vuccati vārakaṃ, ghaṭaṃ vā. **Anelakaṃ** niddosaṃ makkhikaṇḍavirahitaṃ khuddamadhunā ghaṭaṃ pūretvā taṃ ubhoḥi hatthehi **paggayha** pakārena ādarena gahetvā **mahesino** bhagavato upanesinti sambandho. Sesāṃ suviññeyyamevāti.

Mogharājattheraapadānavañṇanā samattā.

6. Adhimuttattheraapadānavañṇanā

Nibbute lokanāthamhītiādikaṃ āyasmato adhimuttattherassa apadānaṃ (theragā. aṭṭha. 2.adhimuttattheragāthāvāñṇanā). Ayampi purimabuddhesu katādhikāro tattha tattha bhve vivaṭṭūpanissayāni puññāni upacinanto atthadassimhi lokanāthe parinibbute ekasmiṃ kulagehe nibbatta ratanattaye pasanno bhikkhusaṅghaṃ nimantetvā ucchūhi maṇḍapaṃ kāretvā mahādānaṃ pavattetvā pariyoṣāne santipadaṃ paṇidhesi. So tato cuto devesu ca manussesu ca ubhayasampattiyo anubhavitvā imasmiṃ buddhuppāde ekasmiṃ kulagehe nibbatta sāsane pasīditvā saddhāya patiṭṭhitattā **adhimuttattheroti** pākaṭo.

84. Evaṃ katasambhāravasena arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **nibbute lokanāthamhīti**ādīmāha. Taṃ sabbaṃ uttānatthamevāti.

Adhimuttattheraapadānavañṇanā samattā.

7. Lasuṇadāyakattheraapadānavañṇanā

Himavantassāvidūretiādikaṃ āyasmato lasuṇadāyakattherassa apadānaṃ. Esopāyasmā purimabuddhesu katādhikāro tattha tattha bhve vivaṭṭūpanissayāni puññāni upacinanto vipassissa bhagavato kāle ekasmiṃ kulagehe nibbattitvā viññutaṃ patto gharāvāse ādīnavaṃ disvā geḥaṃ pahāya tāpasapabbajjaṃ pabbajitvā himavantaṃ nissāya vane vasanto bahūni lasuṇāni ropetvā tadeva vanamūlaphalaṅca khādanto vihāsi. So bahūni lasuṇāni kājenādāya manussapathaṃ āharitvā pasanno dānaṃ datvā buddhappamukhassa bhikkhusaṅghassa bhesajjatthāya datvā gacchati. Evaṃ so yāvajīvaṃ puññāni katvā teneva puññabalena devamanussesu saṃsaranto ubhayasampattiṃ anubhavitvā kamena imasmiṃ buddhuppāde uppanno paṭiladdhasaddho pabbajitvā vipassanaṃ vaḍḍhetvā nacirasseva arahattaṃ patto pubbakammavasena **lasuṇadāyakattheroti** pākaṭo.

89. Attano pubbakammaṃ saritvā somanassajāto pubbacaritāpadānaṃ pakāseno **himavantassāvidūretiādīmāha**. Tattha himālayapabbatassa pariyoṣāne manussānaṃ sañcaraṇaṭṭhāne yadā vipassī bhagavā udapādi, tadā ahaṃ tāpaso ahosinti sambandho. **Lasuṇaṃ upajivāmīti** rattalasuṇaṃ ropetvā tadeva gocaraṃ katvā jīvikaṃ kappemīti attho. Tena vuttaṃ “lasuṇaṃ mayhabhojana”nti.

90. Khāriyo pūrayitvānāti tāpasabhājanāni lasuṇena pūrayitvā kājenādāya **saṅghārāmaṃ** saṅghassa vasanaṭṭhānaṃ hemantādīsu tīsu kālesu saṅghassa catūhi iriyāpathēhi vasanavihāraṃ **agacchim** agamāsinti attho. **Haṭṭho haṭṭhena cittenāti** ahaṃ santuṭṭho somanassayuttacittena saṅghassa lasuṇaṃ adāsinti attho.

91. Vipassissa...pe... niratassahanti narānaṃ aggassa seṭṭhassa assa vipassissa bhagavato sāsane nirato nissesena rato ahanti sambandho. **Saṅghassa...pe... modahanti** ahaṃ saṅghassa lasuṇadānaṃ datvā **saggamhi** suṭṭhu aggasmim devaloke āyukappaṃ dibbasampattiṃ anubhavamāno modim, santuṭṭho bhavāmīti attho. Sesam suviññeyyamevāti.

Lasuṇadāyakaṭṭheraapadānavaṇṇanā samattā.

8. Āyāgadāyakaṭṭheraapadānavaṇṇanā

Nibbute lokanāthamhītiādikaṃ āyasmato āyāgadāyakaṭṭherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato parinibbutakāle ekasmim kulagehe nibbato sāsane pasanno vaḍḍhakīnaṃ mūlaṃ datvā atimanoharaṃ dīghaṃ bhojanasālaṃ kārāpetvā bhikkhusaṅghaṃ nimantetvā paṇītenāhārena bhojetvā mahādānaṃ datvā cittaṃ pasādesi. So yāvatāyukaṃ puññāni katvā devamanussesuyeva saṃsaranto ubhayasampattiṃ anubhavitvā imasmim buddhuppāde kulagehe nibbato paṭiladdhasaddho pabbajitvā ghaṭento vāyamanto vipassanaṃ vaḍḍhetvā na cirasseva arahattaṃ pāpuṇi. Pubbe katapuññavasena **āyāgattheroti** pākaṭo.

94. Evaṃ so katapuññasambhāravasena arahattaṃ patvā attanā pubbe katakusalakammaṃ saritvā somanassajāto pubbacaritāpadānaṃ pakāseno **nibbute lokanāthamhītiādīmāha**. Tattha **nibbuteti vadatam** “mayam buddhā”ti vadantānaṃ antare **vare** uttame sikhimhi bhagavati parinibbuteti attho. **Haṭṭho haṭṭhena cittenāti** saddhatāya haṭṭhapahaṭṭho somanassayuttacittatāya pahaṭṭhena cittena **uttamaṃ thūpaṃ** seṭṭhaṃ cetiyaṃ **avandiṃ** paṇāmayinti attho.

95. Vaḍḍhakīhi kathāpetvāti “bhojanasālāya pamānaṃ kittaka”nti pamānaṃ kathāpetvāti attho. **Mūlaṃ datvānaṃ tadāti** tadā tasmim kāle ahaṃ kammakaraṇatthāya tesam vaḍḍhakīnaṃ mūlaṃ datvā **āyāgam** āyamaṃ dīghaṃ bhojanasālaṃ ahaṃ santuṭṭho somanassacittena kārāpesahaṃ kārāpesim ahanti attho. Sesam suviññeyyamevāti.

97. Āyāgassa idaṃ phalanti bhojanasāladānassa idaṃ vipākanti attho.

Āyāgadāyakaṭṭheraapadānavaṇṇanā samattā.

9. Dhammacakkikaṭṭheraapadānavaṇṇanā

Siddhatthassa bhagavatotiādikaṃ āyasmato dhammacakkikaṭṭherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle ekasmim kulagehe nibbato vuddhippatto puttadārehi vaḍḍhito vibhavasampanno mahābhogo, so ratanattaye pasanno saddhājāto dhammasabhāyaṃ dhammāsanassa piṭṭhito ratanamayaṃ dhammacakkaṃ kāretvā pūjesi. So tena puññakamma devamanussesu nibbattaṭṭhānesu sakkasampattiṃ cakkavattisampattiṃca anubhavitvā kamena imasmim buddhuppāde ekasmim kulagehe uppanno vibhavasampanno sañjātasaddho pabbajitvā vipassanaṃ vaḍḍhetvā nacirasseva arahattaṃ patvā pubbe katakusalanāmasadisaṇāmena **dhammacakkikaṭṭheroti** pākaṭo jāto ahoṣi.

102. So puññasambhārānurūpena pattaarahattaphalo attano pubbakammaṃ saritvā jātasomanasso pubbacaritāpadānaṃ pakāsento **siddhatthassa bhagavatotiādīmāha**. **Sihāsanassa sammukhāti** sihassa bhagavato nisinnassa sammukhā buddhāsanassa abhimukhaṭṭhāneti attho, **dhammacakkaṃ me ṭhapitanti** mayā dhammacakkākārena ubhato siharūpaṃ dassetvā majjhe ādāsasadiṣaṃ kāretvā kataṃ dhammacakkaṃ ṭhapitaṃ pūjitaṃ. Kiṃ bhūtaṃ? Viññūhi medhāvīhi “atīva sundara”nti **vaṇṇitaṃ** thomitaṃ sukataṃ dhammacakkanti sambandho.

103. Cāruvaṇṇova sobhāmīti suvaṇṇavaṇṇo iva sobhāmi virocāmīti attho. “Catuvaṇṇehi sobhāmī”tipi pāṭho, tassa khattiyabrāhmaṇavessasuddajātisaṅkhātehi catūhi vaṇṇehi **sobhāmi** virocāmīti attho. **Sayoggabalavāhanoti** suvaṇṇasivikādīhi yoggehi ca senāpatimahāmattādīhi sevakehi balehi ca hatthiassarathasaṅkhātehi vāhanehi ca sahitoti attho. **Bahujjanā** bahavo manussā **anuyantā** mamānuvattantā **niccaṃ** niccakālaṃ parivārentīti sambandho. Sesam suviññeyyamevāti.

Dhammacakkikattheraapadānavaṇṇanā samattā.

10. Kapparukkiyattheraapadānavaṇṇanā

Siddhatthassa bhagavatotiādikaṃ āyasmato kapparukkiyattherassa apadānaṃ (theragā. aṭṭha. 2.576). Ayampi purimabuddhesu katādhikāro tesu tesu bhavesu nibbānādhigamūpāyabhūtāni puññāni upacinanto siddhatthassa bhagavato kāle vibhavasampanne ekasmiṃ kule nibbato mahaddhano mahābhogo sathhari pasanno sattahi ratanehi vicittaṃ suvaṇṇamayam kapparukkham kāretvā siddhatthassa bhagavato cetiyassa sammukhe ṭhapetvā pūjesi. So evarūpaṃ puññaṃ katvā yāvatāyukaṃ ṭhatvā tato cuto sugatīsuyeva saṃsaranto kamena imasmiṃ buddhuppāde ekasmiṃ kulagehe nibbato viññutaṃ patto gharāvāsaṃ saṅṭhapetvā ratanattaye pasanno dhammaṃ sutvā paṭiladdhasaddho satthu ārādhetvā pabbajito nacirasseva arahattaṃ patvā pubbe katakusalanāmena **kapparukkiyattheroti** pākāṭo ahoṣi.

108. So evaṃ pattaarahattaphalo attano pubbakammaṃ saritvā somanassavasena pubbacaritāpadānaṃ pakāsento **siddhatthassa bhagavatotiādīmāha**. **Thūpaseṭṭhassa sammukhāti** seṭṭhassa uttamassa dhātunihitathūpassa cetiyassa sammukhaṭṭhāne **vicittadusse** anekavaṇṇehi visamena visadisena cittena manohare cinapaṭṭasomārapaṭṭādike dusse. **Lagetvā** olaggetvā kapparukkham **ṭhapesiṃ** aham patiṭṭhapesinti attho. Sesam uttānatthamevāti.

Kapparukkiyattheraapadānavaṇṇanā samattā.

Catutthavaggavaṇṇanā samattā.

5. Upālivaggo

1. Bhāgineyyupālittheraapadānavaṇṇanā

Khīṇāsavasahassehītiādikaṃ āyasmato upālittherassa bhāgineyyupālittherassa apadānaṃ. Eso hi thero purimabuddhesu katādhikāro tasmim tasmim bhave puññāni upacinanto padumuttarassa bhagavato kāle ekasmiṃ kule nibbato vuddhimanvāya gharāvāse ādīnavaṃ disvā gehaṃ pahāya isipabbajjam pabbajitvā pañcābhiññāaṭṭhasamāpattilābhī hutvā himavante vāsaṃ kappesi. Tasmim samaye padumuttaro bhagavā vivekakāmo himavantaṃ pāvisi. Tāpaso bhagavantaṃ puṇṇacandamiva virocāmānaṃ dūrato va disvā pasannamānaso ajinacammaṃ aṃse katvā añjaliṃ paggayha vanditvā ṭhitakova dasanakhasamodhānañjaliṃ sirasi patiṭṭhapetvā anekāhi upamāhi anekehi thutivacanehi bhagavantaṃ thomesi. Taṃ sutvā bhagavā – “ayaṃ tāpaso anāgate gotamassa nāma bhagavato sāsane pabbajitvā vinaye tikhiṇapaññānaṃ aggo bhavissati”ti byākaraṇamadāsi. So yāvatāyukaṃ ṭhatvā aparihīnājjhāno brahmaloke nibbatti. Tato cuto devamanussesu saṃsaranto sampattiyo anubhavitvā imasmiṃ buddhuppāde kapilavatthunagare upālittherassa bhāgineyyo hutvā nibbatti. So kamena vuddhippatto mātullassa upālittherassa santike pabbajitvā kammaṭṭhānaṃ gahetvā vipassanaṃ vaḍḍhetvā nacirasseva arahā ahoṣi. So

attano ācariyassa samīpe vasitattā vinayapañhe tikhiṇaṇṇāno ahoṣi. Atha bhagavā ‘‘etadaggaṃ, bhikkhave, mama sāvakaṇaṃ bhikkhūnaṃ vinayapañhe tikhiṇapañṇānaṃ bhikkhūnaṃ yadidaṃ bhāgineyyupālī’’ti taṃ etadaggaṭṭhāne ṭhapesi.

1. So evaṃ etadaggaṭṭhānaṃ patvā attano pubbakammaṃ saritvā somanassajāto pubbacaritāpadānaṃ pakāseno **khīṇāsavasahassehī**tiādīmāha. Tattha ā samantato yāvabhavaggā savanti pavattantīti āsavā. Kāmāsavādayo cattāro āsavā, te khīṇā sositā visositā viddhamṣitā yehi teti khīṇāsavā, teyeva sahasā khīṇāsavasahasā, tehi khīṇāsavasahasēhi. **Pareto** parivuto **lokanāyako** lokassa nibbānapāpanako vivekaṃ anuyutto paṭisallituṃ ekībhavituṃ gacchateti sambandho.

2. **Ajinena nivatthohanti** ahaṃ ajinamigacamma paṭicchanno, ajinacammavasanti attho. **Tidaṇḍaparidhārakoti** kuṇḍikaṭṭhapanatthāya tidaṇḍaṃ gahetvā dhārentoti attho. Bhikkhusaṅghena paribyūḷhaṃ parivāritaṃ lokanāyakaṃ addasanti sambandho. Sesam pākaṭamevāti.

Bhāgineyyupālitheraapadānavaṇṇanā samattā.

2. Soṇakoḷivisattheraapadānavaṇṇanā

Anomadassissa muninotiādikaṃ āyasmato koḷivisattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puñṇāni upacinanto anomadassissa bhagavato kāle ekasmiṃ kulagehe nibbato vayappatto puttadārehi vaḍḍhito vibhavasampanno bhagavato caṅkamanatthāya sobhanaṃ caṅkamaṃ kāretvā sudhāparikammaṃ kāretvā ādāsatalamiva samaṃ vijjotamaṇaṃ katvā dīpadhūpapupphādīhi sajjetvā bhagavato niyyādetvā buddhappamukhaṃ bhikkhusaṅghaṃ paṇītenāhārena pūjesi. So evaṃ yāvajīvaṃ puñṇāni katvā tato cavitvā devaloke nibbato. Tattha pāḷiyā vuttanayena dibbasampattiṃ anubhavivā antarā okkākulappasutoti taṃ sabbaṃ pāḷiyā vuttānusārena veditabbaṃ. Pacchimabhava pana koliyarājavamse jāto vayappatto koṭiagghanakassa kaṇṇapiḷandhanassa dhāritattā **koṭikaṇṇoti**, **kuṭikaṇṇoti** ca pākaṭo ahoṣi. So bhagavati pasanno dhammaṃ sutvā paṭiladdhasaddho pabbajitvā vipassanaṃ vaḍḍhetvā nacirasseva arahattaṃ pāpuṇi.

25. So arahā hutvā attano pubbakammaṃ saritvā somanassajāto pubbacaritāpadānaṃ pakāseno **anomadassissa muninoti**ādīmāha. Tattha **anomadassissāti** anomaṃ alāmaṃ sundaraṃ dassanaṃ dvattiṃsamahāpurisalakkhaṇapaṭimaṇḍitattā byāmapabhāmaṇḍalopasobhitattā ārohapariṇāhena samannāgatattā ca dassanīyaṃ sarīraṃ yassa bhagavato so anomadassī, tassa anomadassissa muninoti attho. **Tādinoti** iṭṭhāniṭṭhesu akampiyasabhāvassa. **Sudhāya lepanaṃ katvāti** sudhāya avalittaṃ katvā dīpadhūpapupphadhajapaṭākādīhi ca alaṅkataṃ caṅkamaṃ **kārayiṃ** akāsinti attho. Sesagāthānaṃ attho pāḷiyā anusārena suviññeyyova.

35. Parivārasampattidhanasampattisaṅkhātaṃ yasaṃ dhāretīti yasodharo, sabbe ete sattaṣattaticakkavattirājāno yasodharanāmena ekanāmakāti sambandho.

52. **Aṅgīrasoti** aṅgato sarīrato niggaṭā rasmi yassa so aṅgīraso, chandadosamohabhayāgatīhi vā pāpācāravasena vā caturāpāyaṃ na gacchatīti nāgo, mahanto pūjito ca so nāgo ceti **mahānāgo**. Sesam uttānatthamevāti.

Koḷivisattheraapadānavaṇṇanā samattā.

3. Kāḷigodhāputtabhaddiyattheraapadānavaṇṇanā

Padumuttarasambuddhantiādikaṃ āyasmato bhaddiyassa kāḷigodhāputtattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puñṇāni upacinanto padumuttarassa bhagavato kāle vibhavasampanne ekasmiṃ kule nibbato vuddhippato puttadārehi vaḍḍhito nagaravāsino puñṇāni karonte disvā sayampi puñṇāni kātukāmo buddhappamukhaṃ bhikkhusaṅghaṃ

nimantetvā thūlapaṭalikādiānekāni mahārahāni sayanāni paññāpetvā tattha nisinne bhagavati sasaṅge paññāhārena bhojetvā mahādānaṃ adāsi. So evaṃ yāvatāyukaṃ puññāni katvā devamanussesu ubhayaśampattiyo anubhavitvā aparabhāge imasmiṃ buddhuppāde kāḷigodhāya nāma deviyā putto hutvā nibbatti. So viññutaṃ patto ārohapariñāhahatthapādarūpasampattiyā bhaddattā ca kāḷigodhāya deviyā puttattā ca **bhaddiyo kāḷigodhāputtoti** pākaṭo. Satthari pasīditvā mātāpitaro āradhetvā pabbajitvā nacirasseva arahā ahoṣi.

54. So arahā hutvā attano pubbakammaṃ saritvā somanassajāto pubbacaritāpadānaṃ pakāśento **padumuttarasambuddhanti**ādīmāha. Taṃ heṭṭhā vuttatthameva. **Mettacittanti** mijjati sinehati nandati sabbasatteti mettā, mettāya sahaṅgataṃ cittaṃ mettacittaṃ, taṃ yassa bhagavato atthīti mettacitto, taṃ mettacittaṃ. **Mahāmuninti** sakalabhikkhūnaṃ mahantattā mahāmuni, taṃ padumuttaraṃ sambuddhanti sambandho. **Janatā sabbāti** sabbo janakāyo, sabbanagaravāsinoti attho. **Sabbalokagganāyakanti** sakalalokassa aggaṃ seṭṭhaṃ nibbānassa nayanato pāpanato nāyakaṃ padumuttarasambuddhaṃ janatā **upeti** samīpaṃ gacchatīti sambandho.

55. Sattukañca baddhakañcāti baddhasattuabaddhasattusañkhātāṃ **āmisam**. Atha vā bhaddapūpakhajjabhojjayāgūdayo yāvakālikattā **āmisam** pānabhojanañca gahetvā puññakkhette anuttare satthuno dadantīti sambandho.

58. Āsanaṃ buddhayuttakanti buddhayoggaṃ buddhārahaṃ buddhānucchavikaṃ sattaratanamayaṃ āsananti attho. Sesamā nayānuyogena suviññeyyamevāti.

Kāḷigodhāputtabhaddiyattheraapadānavaṇṇanā samattā.

4. Sanniṭṭhāpakattheraapadānavaṇṇanā

Araññe kuṭikaṃ katvātiādikaṃ āyasmato sanniṭṭhāpakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbato viññutaṃ patto gharabandhanena baddho gharāvāse ādīnaṃ disvā vatthukāmakilesakāme pahāya himavantassa avidūre pabbatantare araññāvāsaṃ kappesi. Tasmimā kāle padumuttaro bhagavā vivekakāmatāya taṃ ṭhānaṃ pāpuṇi. Atha so tāpaso bhagavantaṃ disvā pasannamānaso vanditvā nisīdanatthāya tiṇasantharaṃ paññāpetvā adāsi. Tattha nisinnaṃ bhagavantaṃ anekehi madhurehi tiṇḍukādīhi phalāphalehi santappesi. So tena puññakammaṃ tato cuto devesu ca manussesu ca aparāparaṃ saṃsaranto dve śampattiyo anubhavitvā imasmiṃ buddhuppāde ekasmiṃ kulagehe nibbato saddhāsampanno pabbajito vipassanaṃ vaḍḍhetvā nacirasseva arahā ahoṣi. Khuragge arahattaphalappattiyamā viya nīrussāheneva santipadasaṅkhāte nibbāne suṭṭhu ṭhitattā **sanniṭṭhāpakattheroti** pākaṭo.

70. Arahā pana hutvā attano pubbakammaṃ saritvā somanassajāto pubbacaritāpadānaṃ pakāśento **araññe kuṭikaṃ katvāti**ādīmāha. Tattha **araññeti** sīhabyagghādīnaṃ bhayena manussā ettha na rajjanti na ramanti na allīyantīti araññaṃ, tasmimā araññe. **Kuṭikanti** tiṇacchadanakuṭikaṃ katvā pabbatantare **vasāmi** vāsaṃ kappesinti attho. Lābhena ca alābhena ca yasena ca ayasena ca santuṭṭho vihāsinti sambandho.

72. Jalajuttamanāmakanti jale jātaṃ jalajaṃ, padumaṃ, jalajaṃ uttamaṃ jalajuttamaṃ, jalajuttamaṃ samānaṃ nāmaṃ yassa so jalajuttamanāmakō, taṃ jalajuttamanāmaṃ buddhanti attho. Sesamā pāḷinayānuyogena suviññeyyamevāti.

Sanniṭṭhāpakattheraapadānavaṇṇanā samattā.

5. Pañcahatthiyattheraapadānavaṇṇanā

Sumedho nāma sambuddhotiādikaṃ āyasmato pañcahatthiyattherassa apadānaṃ. Ayampi

purimabuddhesu katādhikāro tattha tattha bhava vivaṭṭūpanissayāni puññāni upacinanto sumedhassa bhagavato kāle ekasmiṃ kulagehe nibbato viññutaṃ patvā ratanattaye pasanno vihāsi. Tasmim̐ samaye pañcauppalahatthāni ānesuṃ. So tehi pañcauppalahatthehi vīthiyaṃ caramānaṃ sumedhaṃ bhagavantaṃ pūjesi. Tāni gantvā ākāse vitānaṃ hutvā chāyaṃ kurumānāni tathāgateneva saddhiṃ gacchiṃsu. So taṃ disvā somanassajāto pītiyā phuṭṭhasarīro yāvajīvaṃ tadeva puññaṃ anussarivā tato cuto devaloke nibbato aparāparaṃ saṃsaranto imasmiṃ buddhuppāde ekasmiṃ kulagehe nibbato viññutaṃ patto saddhājāto pabbajivā vipassanaṃ vaḍḍhetvā nacirasseva arahā ahoṣi. Katakusalanāmena **pañcahatthiyattheroti** pākaṭo.

77. So attano pubbakammaṃ saritvā paccakkhato paññāya diṭṭhapubbacaritāpadānaṃ pakāsento **sumedho nāma sambuddhoti**ādīmāha. Tattha **sumedhoti** sundarā medhā catusaccapaṭivedhapaṭisambhidādayo paññā yassa so bhagavā sumedho sambuddho **antarāpaṇe** antaravīthiyaṃ gacchatīti sambandho. **Okkhittacakkhūti** adhokhittacakkhu. **Mitabhāṇīti** pamānaṃ ñatvā bhaṇanasīlo, pamānaṃ jānitvā dhammaṃ desesīti attho. Sesam̐ suviññeyyamevāti.

Pañcahatthiyattheraapadānavaṇṇanā samattā.

6. Padumacchadaniyattheraapadānavaṇṇanā

Nibbute lokanāthamhītiādikaṃ āyasmato padumacchadaniyattherassa apadānaṃ. Ayampi purimabuddhesu katapuññasambhāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ kulagehe nibbato viññutaṃ patto ratanattaye pasanno parinibbutassa vipassissa bhagavato citakaṃ padumapupphehi pūjesi. So teneva cittappasādena yāvatāyukaṃ ṭhatvā tato sugatīsuyeva saṃsaranto dibbasampattiṃ manussasampattiñcāti dve sampattiyo anekakkhattuṃ anubhavitvā imasmiṃ amhākaṃ sammāsambuddhakāle ekasmiṃ kulagehe nibbato viññutaṃ patto satthari pasīditvā sāsane pabbajito ghaṭento vāyamanto nacirasseva arahā ahoṣi. Tassa rattiṭṭhānadivāṭṭhānādīsu tattha tattha viharantassa vihāro padumapupphehi chādīyati, tena so **padumacchadaniyattheroti** pākaṭo.

83. Attano pubbakammaṃ saritvā somanassavasena pubbacaritāpadānaṃ pakāsento **nibbute lokanāthamhīti**ādīmāha. Tattha **nibbuteti** khandhapariniḅbānena parinibbute satthari, vipassissa sammāsambuddhassa sarīre citamāniyamāne citake āropite suphullaṃ padumakalāpaṃ ahaṃ gahetvā citakaṃ **āropayim̐** pūjesinti attho. Sesagāthāsu heṭṭhā vuttanayattā uttānatthamevāti.

Padumacchadaniyattheraapadānavaṇṇanā samattā.

7. Sayanadāyakattheraapadānavaṇṇanā

Siddhatthassa bhagavatotiādikaṃ āyasmato sayanadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle aññatarasmiṃ kule nibbato viññutaṃ patto satthari pasīditvā hatthidaṇḍasuvaṇṇādīhi sayanathāya mañcaṃ kāretvā anaggehi vicittattharaṇehi attharivā bhagavantaṃ pūjesi. So bhagavā tassānukampāya paṭiggahetvā anubhavi. So tena puññakamma dībbamanussasampattiyo anubhavitvā imasmiṃ buddhuppāde ekasmiṃ kulagehe nibbato viññutaṃ patvā satthu sāsane pasanno pabbajivā vipassanaṃ ārabhitvā nacirasseva arahā ahoṣi. Pubbe katapuññanāmena **sayanadāyakattheroti** pākaṭo.

88. So ekadivasam̐ attano pubbakammaṃ saritvā somanassajāto pubbacaritāpadānaṃ pakāsento **siddhatthassa bhagavatoti**ādīmāha. Taṃ sabbam̐ pāḷinayānusārena suviññeyyamevāti.

Sayanadāyakattheraapadānavaṇṇanā samattā.

8. Caṅkamanadāyakattheraapadānavaṇṇanā

Atthadassissa muninotitiādikaṃ āyasmato caṅkamanadāyakaṭtherassa apadānaṃ. Ayampāyasmā purimabuddhesu katādhikāro tesu tesu bhavesu vivaṭṭūpanissayāni puññāni upacinanto atthadassissa bhagavato kāle ekasmiṃ kulagehe nibbato viññutaṃ patto satthari pasīditvā uccavatthukaṃ sudhāparikammakataṃ rajatarāsisadisam sobhamānaṃ caṅkamaṃ kāretvā muttadalasadisam setapulinaṃ attharivā bhagavato adāsi. Paṭiggahesi bhagavā, caṅkamaṃ paṭiggahetvā ca pana sukhaṃ kāyacittasamādhim appetvā “ayaṃ anāgate gotamassa bhagavato sāsane sāvako bhavissatī”ti byākāsi. So tena puññakamma devamanussesu aparāparaṃ saṃsaranto dve sampattiyo anubhavitvā imasmiṃ buddhuppāde ekasmiṃ kulagehe nibbato vuddhippatto saddhāsampanno sāsane pabbajitvā nacirasseva arahattaṃ patvā katapuññanāmena **caṅkamanadāyakaṭtheroti** pākaṭo ahoṣi.

93. So ekadivasam attanā pubbe katapuññakammaṃ saritvā somanassajāto pubbacaritāpadānaṃ pakāsento **atthadassissa muninoti**tiādimaṃ. Tattha **atthadassissati** atthaṃ payojanaṃ vuddhim virūlhim nibbānaṃ dakkhati passatīti atthadassī, atha vā atthaṃ nibbānaṃ dassanasīlo jānanaṣīloti atthadassī, tassa atthadassissa munino monena ñāṇena samannāgatassa bhagavato manoramam manallīnaṃ bhāvanīyaṃ manasi kātabbaṃ caṅkamaṃ kāresinti sambandho. Sesam vuttanayānusāreṇeva suviññeyyamevāti.

Caṅkamanadāyakaṭtheraapadānavaṇṇanā samattā.

9. Subhaddattheraapadānavaṇṇanā

Padumuttaro lokavidūtitiādikaṃ āyasmato subhaddattherassa apadānaṃ. Ayampi purimabuddhesu katādhikāro tattha tattha bhava nibbānādhigamanatthāya puññāni upacinanto padumuttarassa bhagavato kāle vibhavasampanne saddhāsampanne ekasmiṃ kulagehe nibbato viññutaṃ patvā gharabandhanena baddho ratanattaye pasanno parinibbānamañce nipannaṃ padumuttaram bhagavantaṃ disvā sannipatitā dasahassacakkavāḷadevatāyo ca disvā pasannamānaso nigguṇḍiketakanīlakāsītādiānekehi sugandhapupphehi pūjesi. So tena puññakamma yāvatāyukaṃ thatvā tato cavitvā tusitādīsu dibbasampattiyo anubhavitvā tato manussesu manussasampattiyo anubhavitvā nibbattanibbattaṭṭhānesu ca sugandhehi pupphehi pūjito ahoṣi. Imasmiṃ pana buddhuppāde ekasmiṃ vibhavasampanne kule nibbattitvā viññutaṃ patto kāmesu ādīnavaṃ disvāpi yāva buddhassa bhagavato parinibbānakālo tāva aladdhabuddhadassano bhagavato parinibbānamañce nipannakāleyeva pabbajitvā arahattaṃ pāpuṇi. Pubbe katapuññanāmena **subhaddoti** pākaṭo ahoṣi.

101. So attano pubbakammaṃ saritvā somanassavasena pubbacaritāpadānaṃ pakāsento **padumuttaro lokavidūti**tiādimaṃ. Taṃ uttānatthameva. **Suñātha mama bhāsato...pe... nibbāyissatināsavoti** idaṃ parinibbānamañce nipannova padumuttaro bhagavā byākāsi.

Pañcamabhāṇavāraṇṇanā samattā.

115. So attano paṭipattiṃ dassento **pubbakammaṃ samyuttoti**tiādimaṃ. **Ekaggoti** ekaggacitto. **Susamāhitoti** suṭṭhu samāhito, santakāyacittoti attho. **Buddhassa oraso puttoti** buddhassa urasā hadayena niggataovādānusāsaniṃ sutvā pattaarahattaphaloti attho. **Dhammajomhi sunimmitoti** dhammato kammatṭhānadhammato jāto ariyāya jātiyā sunimmito suṭṭhu nipphāditasabbakicco amhi bhavāmīti attho.

116. Dhammarājam upagammāti dhammena sabbasattānaṃ rājānaṃ issarabhūtaṃ bhagavantaṃ upagantvā samīpaṃ gantvāti attho. **Apucchim pañhamuttamanti** uttamaṃ khandhāyatanadhātusaccasamuppādādīpaṭisaṃyuttaṃ pañhaṃ apucchinti attho. **Kathayanto ca me pañhanti** eso amhākaṃ bhagavā me mayhaṃ pañhaṃ kathayanto byākaronto. **Dhammasotaṃ upānāyīti** anupādīsesanibbānadhātusankhātaṃ dhammasotaṃ dhammapavāhaṃ upānāyīti pāvisīti attho.

118. Jalajuttamanāyakoti padumuttaranāmakō ma-kārassa ya-kāraṃ katvā katavohāro. **Nibbāyi anupādānoti** upādāne pañcakkhandhe aggahetvā nibbāyi na paññāyī adassanaṃ agamāsi, manussalokādīsu katthacipi apatiṭṭhitoti attho. **Dīpova telasaṅkhayāti** vaṭṭitelānaṃ saṅkhayā abhāvā padīpo iva nibbāyīti

sambandho.

119. Sattayojanikaṃ āsīti tassa parinibbutassa padumuttarassa bhagavato ratanamayaṃ thūpaṃ sattayojanubbedhaṃ āsi ahoṣīti attho. **Dhajaṃ tattha apūjesinti** tattha tasmim̐ cetiye sabbabhaddaṃ sabbato bhaddaṃ sabbaso manoramaṃ dhajaṃ pūjesinti attho.

120. Kassapassa ca buddhassāti padumuttarassa bhagavato kālato paṭṭhāya āgatassa devamanussesu saṃsarato me mayhaṃ oraso putto tisso nāma kassapassa sammāsambuddhassa aggasāvako jinasāsane buddhasāsane dāyādo āsi ahoṣīti sambandho.

121. Tassa hīnena manasāti tassa mama puttassa tissassa aggasāvakassa hīnena lāmakena manasā cittena **abhaddakaṃ** asundaraṃ ayuttakaṃ “antako pacchimo”ti **vācaṃ** vacanaṃ **abhāsiṃ** kathesinti attho. **Tena kammavipākenāti** tena arahantabhakkhānasaṅkhātassa akusalakammassa vipākena. **Pacchime addasaṃ jinanti** pacchime pariyosāne parinibbānakāle mallānaṃ upavattane sālavane parinibbānamañce nipannaṃ jinaṃ jitasabbamāraṃ amhākaṃ gotamasammāsambuddhaṃ addasaṃ ahanti attho. “Pacchā me āsi bhaddaka”ntipi pāṭho. Tassa **pacchā** tassa bhagavato avasānakāle nibbānāsannaṃ **me** mayhaṃ **bhaddakaṃ** sundaraṃ catusaccapaṭivijjanaṃ **āsi** ahoṣīti attho.

122. Pabbājesi mahāvīroti mahāvīriyo sabbasattahito karuṇāyutto jitamāro muni mallānaṃ upavattane sālavane pacchime sayane parinibbānamañce sayitova maṃ pabbājesīti sambandho.

123. Ajjeva dāni pabbajjāti ajja eva bhagavato parinibbānadivaseyeva mama pabbajjā, tathā ajja eva upasampadā, ajja eva dvipaduttamaṃ sammukhā parinibbānaṃ ahoṣīti sambandho. Sesam̐ suviññeyyamevāti.

Subhaddattheraapadānavaṇṇanā samattā.

10. Cundattheraapadānavaṇṇanā

Siddhatthassa bhagavatotiādikaṃ āyasmato cundattherassa apadānaṃ. Ayampi purimabuddhesu katapuññasambhāro tattha tattha bhava vivaṭṭūpanissayāni puññāni upacinanto siddhatthassa bhagavato kāle vibhavasampanne kule nibbato viññutaṃ patvā sathari pasīditvā sattaratanamayaṃ suvaṇṇagghiyaṃ kāretvā sumanapupphehi chādetvā bhagavantaṃ pūjesi. Tāni pupphāni ākāsaṃ samuggantvā vitānākārena aṭṭhaṃsu. Atha naṃ bhagavā “anāgate gotamassa nāma bhagavato sāsane cundo nāma sāvako bhavissatī”ti byākāsi. So tena puññakamma tato cuto devaloke upaṇṇo kamena chasu kāmāvacaradevesu sukhaṃ anubhavītvā manussesu cakkavattiādisampattiyo ca anubhavītvā imasmim̐ buddhuppāde brāhmaṇakule rūpasāriyā putto sārīputtattherassa kaniṭṭho hutvā nibbatti. Tassa viññutaṃ pattassa ārohapariṇāharūpavayānaṃ sundaratāya sakāraṃ cakāraṃ katvā **cundoti** nāmaṃ karīṃsu. So vayappatto gharāvāse ādīnaṃ pabbajjāya ca ānisaṃsaṃ disvā bhātuttherassa santike pabbajitvā vipassanaṃ vaḍḍhetvā nacirasseva arahattaṃ pāpuṇi.

125. So pattaarahattaphalo ekadivasaṃ attano pubbakammaṃ saritvā somanassajāto pubbacarītāpadānaṃ pakāseno **siddhatthassa bhagavatotiādīmāha**. Taṃ heṭṭhā vuttatthameva. **Agghiyantiādayopi** uttānatthāyeva.

128. Vitiṇṇakaṅkho sambuddhoti visesena maggādhigamena vicikicchāya khepitattā vitiṇṇakaṅkho asaṃsayo sambuddho. **Tiṇṇoghehi purakkhatoti** kāmoghādīnaṃ catunnaṃ oghānaṃ tiṇṇattā atikkantattā oghatiṇṇehi khīṇāsavehi purakkhato parivāritoti attho. Byākaraṇagāthā uttānatthāyeva.

139. Upaṭṭhahiṃ mahāvīranti uttamatthassa nibbānassa **pattiyā** pāpuṇanattāya kappasatasahassādhikesu caturāsāṅkhyeyyesu kappesu pāramiyo pūrentena katavīriyattā mahāvīraṃ buddhaṃ upaṭṭhahiṃ upaṭṭhānaṃ akāsinti attho. **Aññe ca pesale bahūti** na kevalameva buddhaṃ

upaṭṭhahiṃ, pesale piyasīle sīlavante aññe ca bahuaggappatte sāvake, **me mayhaṃ bhātaraṃ** sārīputtatherañca upaṭṭhahinti sambandho.

140. Bhātaraṃ me upaṭṭhahitvāti mayhaṃ bhātaraṃ upaṭṭhahitvā vattapaṭivattaṃ katvā tassa parinibbutakāle bhagavato paṭhamam parinibbutattā tassa dhātuyo gahetvā pattamhi okiritvā lokajetṭhassa narānaṃ āsabhassa buddhassa **upanāmesim** adāsinti attho.

141. Ubho hatthehi paggayhāti taṃ mahā dinnam dhātuṃ so bhagavā attano ubhohi hatthehi pakārena gahetvā taṃ dhātuṃ saṃsuṭṭhu dassayanto **aggasāvakaṃ** sārīputtatheraṃ **kittayi** pakāsesīti attho. Sesam uttānatthamevāti.

Cundattheraapadānavaṇṇanā samattā.

Pañcamavaggavaṇṇanā samattā.

6. Bījanivaggo

1. Vidhūpanadāyakattheraapadānavaṇṇanā

Padumuttarabuddhassātiādikaṃ āyasmato vidhūpanadāyakattherassa apadānaṃ. Ayampi purimajinavaresu pūritapuññasambhāro tattha tattha bhava vivaṭṭūpanissayāni puññāni upacinanto padumuttarassa bhagavato kāle ekasmiṃ kulagehe nibbato viññutaṃ patto vibhavasampanno saddhājāto bhagavati pasanno gimhakāle suvaṇṇarajatamuttāmaṇimayaṃ bījaniṃ kāretvā bhagavato adāsi. So tena puññakammena devesu ca manussesu ca saṃsaranto dve sampattiyo anubhavitvā imassa amhākaṃ sammāsambuddhassa uppanakāle ekasmiṃ kulagehe nibbato gharabandhanena bandhitvā gharāvāse ādīnavaṃ disvā pabbajjāya ca ānisaṃsaṃ disvā saddhāsampanno sāsane pabbajitvā vipassanaṃ vaḍḍhetvā nacirasseva arahā ahoṣi.

1. So “kena mayā puññakammena ayaṃ lokuttarasampatti laddhā”ti attano pubbakammaṃ anussaranto taṃ paccakkhato ñatvā pubbacaritāpadānaṃ pakāseno **padumuttarabuddhassātiādīmāha**. Taṃ heṭṭhā vuttatthameva. **Bījanikā mayā dinnāti** visesena santāpayantānaṃ sattānaṃ santāpaṃ nibbāpentī sītaṃ vātaṃ janetīti bījanī, bījanīyeva bījanikā, sā sattaratanamayā vijjotamānā bījanikā mayā kārapetvā dinnāti attho.

Vidhūpanadāyakattheraapadānavaṇṇanā samattā.

2. Sataraṃsiththeraapadānavaṇṇanā

Ucciyam selamāruyhātiādikaṃ āyasmato sataraṃsiththerassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle brāhmaṇakule nibbato viññutaṃ patto sakkaṭabyākaraṇe vedattaye ca pāraṅgato gharāvāsaṃ pahāya araññaṃ pavisitvā isipabbajjam pabbajitvā himavante vāsaṃ kappesi. Tasmim samaye padumuttaro bhagavā vivekakāmatāya uccaṃ ekaṃ pabbataṃ āruyha jalitaggikkhanto viya nisīdi. Taṃ tathānisinnaṃ bhagavantaṃ disvā tāpaso somanassajāto añjaliṃ paggayha anekehi kāraṇehi thomesi. So tena puññakammena tato cuto chasu kāmāvacaradevesu dibbasampattiṃ anubhavitvā tato manussaloke sataraṃsī nāma cakkavattī rājā hutvā nibbatti. Tampi sampattiṃ anekakkhattuṃ anubhavitvā imasmim buddhuppāde ekasmiṃ kulagehe nibbato pubbapuññasambhāravasena ñāṇassa paripakkattā sattavassikova pabbajitvā arahattaṃ pāpuṇi.

8-9. So “ahaṃ kena kammena sattavassikova santipadaṃ anuppattosmī”ti saramāno pubbakammaṃ ñāṇena paccakkhato disvā somanassajāto pubbacaritāpadānaṃ udānavasena pakāseno **ucciyam selamāruyhātiādīmāha**. Tattha **ucciyanti** uccaṃ selamayaṃ pabbataṃ āruyha nisīdi padumuttaroti

sambandho. **Pabbatassāvidūramhīti** bhagavato nisinnassa pabbatassa āsannaṭṭhāneti attho. **Brāhmaṇo mantapāragūti** mantasaṅkhātassa vedattayassa pāraṃ pariyoṣānaṃ koṭiṃ gato eko brāhmaṇoti attho, aññaṃ viya attānaṃ niddisati ayaṃ mantapāragūti. **Upaviṭṭhaṃ mahāvīraṇti** tasmim pabbate nisinnaṃ vīravantaṃ jinaṃ, kiṃ visiṭṭhaṃ? **Devadevaṃ** sakalachakāmāvacarabrahmadevānaṃ atidevaṃ **narāsabhaṃ** narānaṃ āsataṃ seṭṭhaṃ **lokanāyakaṃ** sakalasalokaṃ nayantaṃ nibbānaṃ pāpentaṃ ahaṃ **añjaliṃ** dasanakhasamodhānañjalipuṭaṃ sirasi muddhani **paggaheṭvāna** patiṭṭhapetvā **santhaviṃ** suṭṭhuṃ thomesinti sambandho.

12. **Abhāsathāti** “yenāyaṃ añjalī dinno...pe... arahā so bhavissatī” ti byākāsi. Sesāṃ uttānatthamevāti.

Sataraṃsitheraapadānavaṇṇanā samattā.

3. Sayanadāyakattheraapadānavaṇṇanā

Padumuttarabuddhassātiādikaṃ āyasmato sayanadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle ekasmim kulagehe nibbato viññutaṃ patto gharāvāsaṃ saṅṭhapetvā sukhamanubhavanto satthu dhammadesanaṃ sutvā satthari pasanno dantasuvaṇṇarajatamuttamaṇimayaṃ mahārahaṃ mañcaṃ kārāpetvā cīnapaṭṭakambalādīni attharivā sayanattāya bhagavato adāsi. Bhagavā tassa anuggahaṃ karonto tattha sayi. So tena puññakammena devamanussesu saṃsaranto tadanurūpaṃ ākāsaḡamanasukhaseyyādisukhaṃ anubhavivā imasmim buddhuppāde vibhavasampanne ekasmim kule nibbattivā viññutaṃ pāpuṇivā satthu dhammadesanaṃ sutvā pasannamānaso pabbajivā vipassanto nacirasseva arahā ahoṣi.

20. So attano pubbakammaṃ sarivā somanassajāto pubbacaritāpadānaṃ pakāsentō **padumuttarabuddhassāti**ādīmāha. Taṃ heṭṭhā vuttatthameva.

21. **Sukhette bijasampadāti** yathā tiṇakacavararahite kaddamādisampanne sukhette vuttabjāni sādupalāni nipphādentī, evameva rāḡadosādiyaḡḡhasahassakilesasankhātatiṇakacavararahite suddhasantāne puññakkhette vuttadānāni appānipi samānāni mahapphalāni hontīti attho. Sesāṃ suviññeyyamevāti.

Sayanadāyakattheraapadānavaṇṇanā samattā.

4. Gandhodakiyattheraapadānavaṇṇanā

Padumuttarabuddhassātiādikaṃ āyasmato gandhodakiyattherassa apadānaṃ. Ayampi purimamunivaresu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbato parinibbute bhagavati nagaravāsino bodhipūjaṃ kurumāne disvā vicittaghāṭe candanakappurāḡaruādīmissakasugandhodakena pūretvā bodhirukkhaṃ abhisīñci. Tasmim khaṇe devo mahādhārāhi pavassi. Tadā so asanivegena kālaṃ kato. Teneva puññakammena devaloke nibbatti, tattheva ṭhito “aho buddho, aho dhammo” tiādīḡāthāyo abhāsi. Evaṃ so devamanussesu sampattiyo anubhavivā sabbapariḡāhavippamutto nibbattanibbattaṭṭhāne sītībhāvamupagato sukhitō imasmim buddhuppāde kulagehe nibbato viññutaṃ patto satthari pasanno pabbajivā kammaṭṭhānaṃ ārabhitvā vipassanto nacirasseva arahattaṃ pāpuṇi. Pubbe katapuññena **gandhodakiyattheroti** pākāṭo ahoṣi.

25. So ekadivasaṃ attano pubbakammaṃ sarivā somanassajāto pubbacaritāpadānaṃ pakāsentō **padumuttarabuddhassāti**ādīmāha. Taṃ vuttatthameva. **Mahābodhimaho ahūti** mahābodhirukkhasa pūjā ahoṣīti attho. **Vicittaṃ ghaṭamādāyati** anekehi cittakammasuvaṇṇakammehi vicittaṃ sobhamānaṃ gandhodakapuṇṇaṃ ghaṭaṃ gaheṭvāti attho. **Gandhodakamadāsahanti** gandhodakaṃ adāsim, ahaṃ

gandhodakena abhisiñcinti attho.

26. Nhānakāle ca bodhiyāti bodhiyā pūjākaraṇasamayeti attho. Sesam uttānatthamevāti.

Gandhodakiyattheraapadānavaṇṇanā samattā.

5. Opavayhattheraapadānavaṇṇanā

Padumuttarabuddhassātiādikaṃ āyasmato opavayhattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarajinādicce loke pātubhūte ekasmiṃ vibhavasampannakule nibbato vuddhimanvāya mahaddhano mahābhogo gharāvāsaṃ vasamāno sāsane pasanno satthari pasādabahumāno ājānīyena sindhavana pūjaṃ akāsi, pūjetvā ca pana “buddhādīnaṃ samaṇānaṃ hatthiassādayo na kappanti, kappiyabhaṇḍaṃ dassāmī”ti cintevā taṃ agghāpetvā tadagghanakena kahāpaṇena kappiyaṃ kappāsikakambalakojavādikaṃ cīvaraṃ kappūratakkoḷādikaṃ bhesajjaparikkhāraṇa adāsi. So tena puññakammena yāvatāyukaṃ ṭhatvā tato cuto deve su ca manussesu ca hatthiassādiānekavāhanasampanno sukhaṃ anubhavitvā imasmiṃ buddhuppāde ekasmiṃ kulagehe nibbato viññutaṃ patto saddhāsampanno sāsane pabbajitvā kammaṭṭhānaṃ gahetvā vipassanaṃ vaḍḍhetvā maggaṭṭipāṭiyā arahatte patiṭṭhāsi, pubbe katapuññasambhārasena **opavayhattheroti** pākaṭo aho si.

33. So “kena nu kho kāraṇena idaṃ mayā santipadaṃ adhigata”nti upadhārento pubbakammaṃ ṇāṇena paccakkhato ṇatvā somanassajāto pubbacaritāpadānaṃ udānavasena pakāsento **padumuttarabuddhassātiādīmāha**. Taṃ vuttatthameva. **Ājānīyamadāsahanti** ājānīyaṃ uttamajātisindhavaṃ ahaṃ adāsiṃ pūjesinti attho.

35. Sapattabhāroti sassa attano pattāni aṭṭha parikkhārāni bhārāni yassa so sapattabhāro, aṭṭhaparikkhārayuttoti attho.

36. Khamanīyamadāsahanti khamanīyayoggaṃ cīvarādikappiyaparikkhāranti attho.

40. Carimoti pariyoṣāno koṭippatto bhavoti attho. Sesam suviññeyyamevāti.

Opavayhattheraapadānavaṇṇanā samattā.

6. Saparivārāsanattheraapadānavaṇṇanā

Padumuttarabuddhassātiādikaṃ āyasmato saparivārāsanattherassa apadānaṃ. Sopi purimabuddhesu katādhikāro tattha tattha bhavesu vivaṭṭūpanissayāni puññāni upacinanto padumuttarassa bhagavato kāle vibhavasampanne kulagehe nibbato vuddhippatto saddhājāto sāsane pasanno dānaphalaṃ saddahanto nānaggarasabhojanena bhagavato piṇḍapātaṃ adāsi, datvā ca pana bhojanasālāyaṃ bhojanatthāya nisinnāsaṃ jātisumanamallikādīhi alaṅkari. Bhagavā ca bhattānumodanamakāsi. So tena puññakammena devamanussesu saṃsaranto anekavidhaṃ sampattiṃ anubhavitvā imasmiṃ buddhuppāde vibhavasampanne kulagehe nibbato vuddhimanvāya saddho pasanno pabbajitvā na cirasseva arahā aho si.

43. So evaṃ pattasantipado “kena nu kho puññena idaṃ santipadaṃ anuppatta”nti ṇāṇena upadhārento pubbakammaṃ disvā somanassajāto pubbacaritāpadānaṃ pakāsento **padumuttarabuddhassātiādīmāha**. Taṃ vuttatthameva. **Piṇḍapātaṃ adāsahanti** tattha tattha laddhānaṃ piṇḍānaṃ kabaḷaṃ kabaḷaṃ katvā pātabbato khādītabbato āhāro piṇḍapāto, taṃ piṇḍapātaṃ bhagavato adāsiṃ, bhagavantaṃ bhojesinti attho.

44. Akittayi piṇḍapātanti mayā dinnapiṇḍapātassa guṇaṃ ānisamsaṃ pakāsesīti attho.

48. Saṃvuto pātimokkhasminti pātimokkhasaṃvarasīlena saṃvuto pihito paṭicchannoti attho. Indriyesu ca pañcasūti cakkhundriyādīsu pañcasu indriyesu rūpādīhi gopito indriyasaṃvarasīlañca gopitoti attho. Sesam suviññeyamevāti.

Saparivārāsanattheraapadānavaṇṇanā samattā.

7. Pañcadīpakattheraapadānavaṇṇanā

Padumuttarabuddhassātiādikaṃ āyasmato pañcadīpakattherassa apadānaṃ. Ayampi purimabuddhesu katādhikāro uppannuppannabhavesu vivaṭṭūpanissayāni puññāni upacinanto padumuttarassa bhagavato kāle kulagehe nibbato vuddhimanvāya gharāvāse vasanto bhagavato dhammaṃ sutvā sammādiṭṭhiyaṃ patitṭhito saddho pasanno mahājanehi bodhipūjaṃ kayiramānaṃ disvā sayampi bodhiṃ parivāretvā dīpaṃ jāletvā pūjesi. So tena puññakammena devamanussesu saṃsaranto cakkavattisampattiādayo anubhavitvā sabbattheva uppannabhave jalamāno jotisampannavimānādīsu vasitvā imasmiṃ buddhuppāde ekasmiṃ vibhavasampanne kulagehe nibbato vuddhippatto saddhājāto pabbajitvā nacirasseva arahā ahoṣi, dīpapūjānissandena **dīpakattheroti** pākaṭo.

50. So ekadivasam attano pubbakammaṃ saritvā somanassajāto pubbacaritāpadānaṃ pakāsento **padumuttarabuddhassātiādīmāha.** Taṃ vuttatthameva. **Ujudiṭṭhi ahoṣahanti** vaṅkaṃ micchādiṭṭhiṃ chaḍḍetvā uju avaṅkaṃ nibbānābhimukhaṃ pāpuṇasammādiṭṭhi ahoṣinti attho.

51. Padīpadānaṃ pādāsinti ettha pakārena dibbati jotatīti padīpo, tassa dānaṃ padīpadānaṃ, taṃ adāsīṃ padīpapūjaṃ akāsinti attho. Sesam sabbattha uttānatthamevāti.

Pañcadīpakattheraapadānavaṇṇanā samattā.

8. Dhajadāyakattheraapadānavaṇṇanā

Padumuttarabuddhassātiādikaṃ āyasmato dhajadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle ekasmiṃ kulagehe nibbato vuddhimanvāya satthari pasīditvā sundarehi anekehi vatthehi dhajaṃ kārapetvā dhajapūjaṃ akāsi. So tena puññakammena uppannuppannabhava uccakule nibbato pūjaniyo ahoṣi. Aparabhāge imasmiṃ buddhuppāde ekasmiṃ kulagehe nibbato vuddhimanvāya puttadārehi vaḍḍhitvā mahābhogo yasavā saddhājāto satthari pasanno gharāvāsaṃ pahāya pabbajitvā nacirasseva arahā ahoṣi.

57. So pattaarahattaphalo pubbakammaṃ saritvā somanassajāto attano pubbacaritāpadānaṃ pakāsento **padumuttarabuddhassātiādīmāha.** Tassattho pubbe vuttoyeva. **Haṭṭho haṭṭhena cittenāti** somanassasahagatacittayuttatā haṭṭho paripuṇṇarūpakāyo saddhāsampayuttacittatāya haṭṭhena cittaṃ santuṭṭhena cittenāti attho. **Dhajamāropayim ahanti** dhunāti kampati calatīti dhajaṃ, taṃ dhajaṃ āropayim veḷagge laggetvā pūjesinti attho.

58-9. Patitapattāni gaṇhitvāti patitāni bodhipattāni gahetvā ahaṃ bahi chaḍḍesinti attho. **Antosuddham bahisuddhanti** anto cittasantānanāmākāyato ca bahi cakkhusotādirūpakāyato ca suddhiṃ **adhi** visesena **muttam** kilesato vimuttam anāsavaṃ sambuddham viya sammukhā uttamaṃ bodhiṃ **avandiṃ** paṇāmamakāsinti attho. Sesam sabbattha uttānatthamevāti.

Dhajadāyakattheraapadānavaṇṇanā samattā.

9. Padumattheraapadānavaṇṇanā

Catusaccaṃ pakāsentiādikaṃ āyasmato padumattherassa apadānaṃ. Ayampi purimabuddhesu

katakusalasambhāro padumuttaramuninā dhammapajjote jotamāne ekasmiṃ kulagehe nibbato gharāvāsaṃ saṅṭhapetvā bhogasampannoti pākaṭo. So satthari pasīditvā mahājanena saddhiṃ dhammaṃ suṇanto dhajena saha padumakalāpaṃ gahetvā aṭṭhāsi, sadhajaṃ taṃ padumakalāpaṃ ākāsamukkipiṃ, taṃ acchariyaṃ disvā ativiya somanassajāto ahosi. So yāvajivaṃ kusalaṃ katvā jīvitapariyosāne sagge nibbato dhajamiva chakāmāvacare pākaṭo pūjito ca dībasampattimanubhavitvā manussesu ca cakkavattisampattimanubhavitvā imasmiṃ buddhuppāde vibhavasampanne saddhāsampanne ekasmiṃ kulagehe nibbato vuddhimanvāya saddhājāto pañcavassikova pabbajitvā nacirasseva arahā hutvā katapuññanāmena **padumattheroti** pākaṭo.

67. Attano pubbakammaṃ saritvā somanassajāto pubbacaritāpadānaṃ pakāsento **catusaccaṃ pakāsenti**tiādīmāha. Tattha **saccanti** tathaṃ avitathaṃ aviparītaṃ saccam, dukkhasamudayanirodhamaggavasena cattāri saccāni samāhaṅgāni catusaccaṃ, taṃ catusaccaṃ pakāsento loke pākaṭaṃ karontoti attho. **Varadhammappavattakoti** uttamadhammappavattako pakāsakoti attho. **Amataṃ vuṭṭhinti** amatamahānibbānavuṭṭhidhāraṃ pavassanto paggharanto sadevakaṃ lokaṃ temento sabbakilesapariḷāhaṃ nibbāpento dhammavassaṃ vassatīti attho.

68. **Sadhajaṃ padumaṃ gayhāti** dhajena saha ekato katvā padumaṃ padumakalāpaṃ gahetvāti attho. **Aḍḍhakose ṭhito ahanti** ubho ukkhipitvā ṭhito ahanti attho. Sesam sabbattha uttānatthamevāti.

Padumattheraapadānavaṇṇanā samattā.

10. Asanabodhiyattheraapadānavaṇṇanā

Jātiyā sattavassohantitiādikaṃ āyasmato asanabodhiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto tissassa bhagavato kāle aññatarasmiṃ kulagehe nibbato vuddhippatto sukhappatto sāsane pasanno asanabodhito phalaṃ gahetvā tato vuṭṭhitabodhitaruṇe gahetvā bodhiṃ ropesi, yathā na vinassati tathā udakāsīñcanādikammena rakkhitvā pūjesi. So tena puññena devamanussesu sampattiyo anubhavitvā imasmiṃ buddhuppāde kulagehe nibbato paripakkasambhārattā sattavassikova samāno pabbajitvā khuraggeyeva arahattaṃ pāpuṇi, purākatapuññanāmena **asanabodhiyattheroti** pākaṭo.

78. So pubbasambhāramanussarivā somanassajāto pubbacaritāpadānaṃ pakāsento **jātiyā sattavassohanti**tiādīmāha. Tattha **jātiyāti** mātugabbhato nikkhantakālato paṭṭhāyāti attho. Sattavasso paripuññasarado ahaṃ lokanāyakaṃ tissaṃ bhagavantaṃ addasanti sambandho. **Pasannacitto sumanoti** pakārena pasannaanāluḷitaavikampitacitto, sumano sundaramano somanassasahagatacittoti attho.

79. **Tissassāhaṃ bhagavatoti** tikkhattuṃ jātoti tisso, so mātugabbhato, manussajātito, pañcakkhandhato ca mutto hutvā jāto nibbato buddho jātoti attho. Tassa tissassa bhagavato tādino, lokajetṭhassa asanabodhiṃ uttamaṃ ropayinti sambandho.

80. **Asano nāmadheyenāti** nāmapaññattiyā nāmasaññāya asano nāma asanarukkho bodhi ahoṣīti attho. **Dharaṇīruhapādapoti** vallirukkhapabbatagaṅgāsāgarādayo dhāretīti dharaṇī, kā sā? Pathavī, tassaṃ ruhati patiṭṭhahatīti dharaṇīruho, pādena pivatīti pādapo, pādasaṅkhātena mūlena siñcitodakaṃ pivatīti āporasaṃ sinehaṃ dhāretīti attho. Dharaṇīruho ca so pādapo cāti dharaṇīruhapādapo, taṃ uttamaṃ asanaṃ bodhiṃ pañca vassāni **paricarim** posesinti attho.

81. **Pupphitaṃ pādapaṃ disvāti** taṃ mayā positaṃ asanabodhirukkhaṃ pupphitaṃ accharayoggabhūtapupphattā **abbhutaṃ** lomahaṃsakaraṇaṃ disvā **sakaṃ kammaṃ** attano kammaṃ **pakittento** pakārena kathayanto buddhasetṭhassa santikaṃ agamāsinti attho. Sesam sabbattha uttānatthamevāti.

Asanabodhiyattheraapadānavaṇṇanā samattā.

Chaṭṭhavaggaṇṇanā samattā.

7. Sakacintaniyavaggo

1. Sakacintaniyattheraapadānaṇṇanā

Pavanaṃ kānaṃ disvātiādikaṃ āyasmato sakacintaniyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ kulagehe nibbato vuddhimanvāya tassa bhagavato āyupariyosāne uppanno dharamānaṃ bhagavantaṃ apāpuṇitvā parinibbutakāle isipabbajjaṃ pabbajitvā himavante vasanto vivekaṃ ramaṇīyaṃ ekaṃ vanaṃ patvā tatthevekāya kandarāya pulinacetiyaṃ katvā bhagavati saññaṃ katvā sadhātukasaññaṃ katvā vanapupphehi pūjetvā namassamāno paricari. So tena puññakamma devamanussesu saṃsaranto dvīsu aggaṃ aggasampattiṃ aggaṃ cakkavattisampattiṃ anubhavitvā imasmiṃ buddhuppāde ekasmiṃ kulagehe nibbato vibhavasampanno saddhāsampanno sathari pasīditvā pabbajitvā arahā chaḷabhiñño ahoṣi.

1. So attano pubbakammaṃ saritvā somanassajāto pubbacaritāpadānaṃ pakāsentō **pavanaṃ kānaṃ disvāti**ādīmāha. Tattha **pavanaṃ** pakārena vanaṃ patthaṃ vitthiṇṇaṃ gahanabhūtaṃ pavanaṃ. **Kānaṃ** avakucchitaṃ ānaṃ avahanaṃ satataṃ sīhabyagghayakkharakkhasamaddahatthiassasupaṇṇauragehi vihaṅgagaṇasaddakukkuṭakokilehi vā bahalanti kānaṃ, taṃ kānasaṅkhātaṃ pavanaṃ manussasaddavirahitattā **appasaddaṃ** nissaddanti attho. **Anāvilanti** na āvilaṃ upaddavarahitanti attho. **Isiṇaṃ anuciṇṇanti** buddhapaccekabuddhaarahantakhīṇāsavaṅkhātānaṃ isiṇaṃ anuciṇṇaṃ nisevanti attho. **Āhutiṇaṃ paṭiggahanti** āhunaṃ vuccati pūjāsakkāraṃ paṭiggahaṃ gehasadisanti attho.

2. **Thūpaṃ katvāna veḷunāti** veḷupesikāhi cetiyaṃ katvāti attho. **Nānāpupphaṃ samokirinti** campakādīhi anekehi pupphehi samokiriṃ pūjesinti attho. **Sammukhā viya sambuddhanti** sajīvamānassa sambuddhassa sammukhā iva **nimmitaṃ** uppāditaṃ cetiyaṃ ahaṃ **abhi** visesena **vandiṃ** paṇāmakāsinti attho. Sesam suviññeyyamevāti.

Sakacintaniyattheraapadānaṇṇanā samattā.

2. Avopupphiyattheraapadānaṇṇanā

Vihārā abhinikkhammātiādikaṃ āyasmato avopupphiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato kāle kulagehe nibbato viññutaṃ patto saddhāsampanno dhammaṃ sutvā somanassappatto nānāpupphāni ubhoḥi hatthehi gahetvā buddhassa upari abbhukkiri. So tena puñña devamanussesu saṃsaranto saggasampattiṇca cakkavattisampattiṇca anubhavitvā sabbattha pūjito imasmiṃ buddhuppāde ekasmiṃ kulagehe nibbato vuddhippatto sāsane pasīditvā pabbajitvā nacirasseva arahā ahoṣi. Ā samantato kāsati dīpatīti ākāso, tasmīṃ ākāse pupphānaṃ avakiritattā **avopupphiyattheroti** pākaṭo.

7. Evaṃ pattasantipado attano pubbakammaṃ saritvā somanassajāto pubbacaritāpadānaṃ pakāsentō **vihārā abhinikkhammāti**ādīmāha. Tattha **vihārāti** visesena harati catūhi iriyāpathehi apatantaṃ atabhāvaṃ āharati pavatteti etthāti vihāro, tasmā vihārā **abhi** visesena **nikkhamma** nikkhamitvā. **Abbhutthāsi ca caṅkame**ti caṅkamanatthāya saṭṭhiratane caṅkame abhivisesena utthāsi, abhiruhīti attho. **Catusaccaṃ pakāsentoti** tasmīṃ caṅkame caṅkamanto dukkhasamudayanirodhamaggasaccasaṅkhātaṃ catusaccaṃ pakāsentō pākaṭaṃ karonto amataṃ padaṃ nibbānaṃ desento vibhajanto uttānīkaronto tasmīṃ caṅkame sambandho.

8. **Sikhissa giramaññāya, buddhaseṭṭhassa tādinoti** seṭṭhassa tādiguṇasamaṅgissa sikhissa buddhassa giraṃ saddaṃ ghosaṃ aññāya jānitvā. **Nānāpupphaṃ gahetvānāti** nāgapunnāgādiānekāni

pupphāni gahetvā āharitvā. **Ākāsamhi samokirinti** caṅkamantassa bhagavato muddhani ākāse okiriṃ pūjesiṃ.

9. Tena kamma dvipadindāti dvipadānaṃ devabrahmamanussānaṃ inda padhānabhūta. **Narāsabha** narānaṃ āsabhabhūta. **Pattomhi acalaṃ ṭhānanti** tumhākaṃ santike pabbajitvā acalaṃ ṭhānaṃ nibbānaṃ patto amhi bhavāmi. **Hitvā jayaparājayanti** dibbamanussasampattisaṅkhātaṃ jayañca caturāpāyadukkhasaṅkhātaṃ parājayañca hitvā chaḍḍetvā nibbānaṃ pattosmīti attho. Sesam suviññeyyamevāti.

Avopupphiyattheraapadānavaṇṇanā samatto.

3. Paccāgamaniyattheraapadānavaṇṇanā

Sindhuyā nadiyā tīretiādikaṃ āyasmato paccāgamaniyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle sindhuyā gaṅgāya samīpe cakkavākayoniyaṃ nibbato pubbasambhārayuttattā pāṇino akhādanto sevālemeva bhakkhayanto carati. Tasmīṃ samaye vipassibhagavā sattānuggahaṃ karonto tattha agamāsi. Tasmīṃ khaṇe so cakkavāko vijjotamānaṃ bhagavantaṃ disvā pasannamānaso tuṇḍena sālārukkhatto sālāpupphaṃ chinditvā āgamma pūjesi. So teneva cittappasādena tato cuto devaloke uppanno aparāparaṃ chakāmāvacarasampattiṃ anubhavitvā tato cuto manussaloke uppajjitvā cakkavattisampattiādayo anubhavitvā imasmīṃ buddhuppāde ekasmīṃ kulagehe nibbato viññutaṃ patto pubbacaritavasena satthari pasanno pabbajitvā nacirasseva arahā ahoṣi, cakkavāko hutvā bhagavantaṃ disvā katthaci gantvā pupphamāharitvā pūjitattā pubbapuññānāmena **paccāgamaniyattheroti** pākaṭo.

13. Attano pubbakammaṃ saritvā somanassajāto pubbacaritāpadānaṃ pakāseno **sindhuyā nadiyā tīretiādīmāha**. Sīti saddaṃ kurumānā dhunāti kampaṭīti sindhu, nadati saddaṃ karonto gacchatīti nadi. **Cakkavāko ahaṃ tadāti** cakkaṃ sīghaṃ gacchantaṃ iva udake vā thale vā ākāse vā sīghaṃ vāti gacchatīti cakkavāko. Tadā vipassīṃ bhagavantaṃ dassanakāle ahaṃ cakkavāko ahoṣinti attho. **Suddhasevālabhakkhohanti** aññagocaraamissattā suddhasevālemeva khādanto ahaṃ vasāmi. **Pāpesu ca susaṇṇatoti** pubbavāsanāvasena pāpakaraṇe suṭṭhu saññato tīhi dvārehi saññato susikkhito.

14. Addasaṃ virajaṃ buddhanti rāgadosamohavirahitattā virajaṃ nikkilesaṃ buddhaṃ addasaṃ addakkhiṃ. **Gacchantaṃ anilañjaseti** anilañjase ākāsapathe gacchantaṃ buddhaṃ. **Tuṇḍena** mayhaṃ mukhatuṇḍena **tālaṃ** sālāpupphaṃ **paggayha** paggahetvā **vipassissābhiropayim** vipassissa bhagavato pūjesinti attho. Sesam suviññeyyamevāti.

Paccāgamaniyattheraapadānavaṇṇanā samattā.

4. Parappasādakattheraapadānavaṇṇanā

Usabhaṃ pavaraṃ vīrantiādikaṃ āyasmato parappasādakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle brāhmaṇakule nibbato tiṇṇaṃ vedānaṃ pāragū itihāsapañcamānaṃ padako veyyākaraṇo sanighaṇḍuketubhānaṃ sākharappabhedānaṃ lokāyatamahāpurisalakkhaṇesu anavayo nāmena **selabrāhmaṇoti** pākaṭo siddhatthaṃ bhagavantaṃ disvā dvattiṃsamahāpurisalakkhaṇehi asītianubyañjanehi cāti sayam sobhamānaṃ disvā pasannamānaso anekehi kāraṇehi anekāhi upamāhi thomanam pakāsesi. So tena puññakamma devaloke sakkamārādayo cha kāmāvacarasampattiyo anubhavitvā manussesu cakkavattisampattiṃ anubhavitvā imasmīṃ buddhuppāde vibhavasampanne ekasmīṃ kulagehe nibbato viññutaṃ patto satthari pasādisvā pabbajito nacirasseva catupaṭṭisambhidāchaḷabhiññappatto mahākhīṇāsavo ahoṣi, buddhassa thutiyā sattānaṃ sabbesam cittappasādakaraṇato **parappasādakattheroti** pākaṭo.

20. Ekadivasam attano pubbakammaṃ saritvā somanassajāto pubbacaritāpadānaṃ pakāseno **usabhaṃ pavaraṃ vīraṇṭiādīmāha**. Tattha **usabhanti** vasabho nisabho visabho āsabhoti cattāro jeṭṭhapuṅgavā. Tattha gavasatajeṭṭhako vasabho, gavasahassajeṭṭhako nisabho, gavasatasahassajeṭṭhako visabho, gavakoṭisatasahassajeṭṭhako āsabhoti ca yassa kassaci thutiṃ karontā brāhmaṇapaṇḍitā bahussutā attano attano paññāvasena thutiṃ karonti, buddhānaṃ pana sabbākārena thutiṃ kātuṃ samattho ekopi natthi. Appameyyo hi buddho. Vuttañhetam –

“Buddhopi buddhassa bhaṇeyya vaṇṇaṃ, kappampi ce aññamabhāsamāno;
Khīyetha kappo ciradīghamantare, vaṇṇo na khīyetha tathāgatassā”ti. (dī. ni. aṭṭha. 1.304; 3.141;
ma. ni. aṭṭha. 2.425; udā. aṭṭha. 53) –

Ādikaṃ. Ayampi brāhmaṇo mukhārūḷhavasena ekapasīdanavasena “āsabha”nti vattabbe “usabha”ntiādīmāha. Varitabbo patthetabboti varo. Anekesu kappasatasahassesu katavīriyattā vīro. Mahantaṃ sīlakkhandhādikaṃ esati gavesatīti mahesī, taṃ **mahesiṃ** buddhaṃ. Visesena kilesakhandhamārādayo māre jītavāti vijitāvī, taṃ **vijitāvinaṃ** sambuddhaṃ. Suvaṇṇassa vaṇṇo iva vaṇṇo yassa sambuddhassa so suvaṇṇavaṇṇo, taṃ **suvaṇṇavaṇṇaṃ** sambuddhaṃ disvā ko nāma satto nappasīdatīti.

Parappasādakattheraapadānavāṇṇanā samattā.

5. Bhisadāyakattheraapadānavāṇṇanā

Vessabhū nāma nāmenātiādikaṃ āyasmato bhisadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vessabhussa bhagavato kāle himavantasmīṃ hatthiyoniyaṃ nibbato tasmīṃ paṭivasati. Tasmīṃ samaye vessabhū bhagavā vivekakāmo himavantamagamāsi. Taṃ disvā so hatthināgo pasannamānaso bhisamuḷālaṃ gahetvā bhagavantaṃ bhojesi. So tena puññakammena hatthiyonito cuto devaloke uppajjitvā tattha cha kāmāvacarasampattiyo anubhavitvā manussattamāgato manussesu cakkavattisampattiādayo anubhavitvā imasmīṃ buddhuppāde mahābhoge aññatarasmīṃ kule nibbato pubbavāsānābalena sathari pasanno pabbajitvā nacirasseva arahā ahoṣi, so pubbe katakusalanāmena **bhisadāyakattheroti** pākāto.

29. So attano pubbakammaṃ saritvā pubbacaritāpadānaṃ dassento **vessabhū nāma nāmenā**tiādīmāha. Tattha **vessabhūti** vessaṃ bhunāti atikkamatīti vessabhū. Atha vā vesse vāṇijakamme vā kāmarāgādike vā kusalādikamme vā vatthukāmakilesakāme vā bhunāti abhibhavatīti vessabhū, so nāmena vessabhū nāma bhagavā. **Isīnaṃ tatiyo ahūti** kusaladhamme esati gavesatīti isi, “vipassī, sikhī, vessabhū”ti vuttattā tatiyo isi tatiyo bhagavā ahu ahoṣīti attho. **Kānaṃ vanamoggayhāti** kānanasaṅkhātāṃ vanaṃ ogayha ogahetvā pāvisīti attho.

30. **Bhisamuḷālaṃ gaṇhitvāti** dvipadacatuppadānaṃ chātakaṃ bhisati hiṃsati vināsetīti bhisam, ko so? Padumakando, bhisāṅca muḷāṅca bhisamuḷālaṃ, taṃ bhisamuḷālaṃ gahetvāti attho.

31. **Karena ca parāmaṭṭhoti** taṃ mayā dinnadānaṃ, **vessabhūvarabuddhinā** uttamabuddhinā vessabhunā karena hatthatalena parāmaṭṭho katasamphasso ahoṣi. **Sukhāhaṃ nābhijānāmi, samaṃ tena kutottarinti** tena sukkena samaṃ sukhaṃ nābhijānāmi, tato uttarim tato paraṃ tato adhikaṃ sukhaṃ kutoti attho. Sesaṃ nayānusārena suviññeyyanti.

Bhisadāyakattheraapadānavāṇṇanā samattā.

6. Sucintitatheraapadānavāṇṇanā

Giriduggacaro āsintiādikaṃ āyasmato sucintitatherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle

himavantappadese nesādakule uppanno migasūkarādayo vadhivā khādanto viharati. Tadā lokanātho lokānuggahaṃ sattānuddayatañca paṭicca himavantamagamāsi. Tadā so nesādo bhagavantam disvā pasannamānaso attano khādanatthāya ānītam varamadhuramaṃsaṃ adāsi. Paṭiggahesi bhagavā tassānukampāya, tam bhuñjitvā anumodanam vatvā pakkāmi. So teneva puññaena teneva somanassena tato cuto sugatīsu saṃsaranto cha kāmāvacarasampattiyo anubhavitvā manussesu cakkavattisampattiādayo anubhavitvā imasmim buddhuppāde kulagehe nibbato satthari pasīditvā pabbajito nacirasseva arahā ahoṣi.

36. Catupaṭṭisambhidāpañcābhīññātibhedam patvā attano pubbakammaṃ saritvā somanassajāto pubbacaritāpadānaṃ pakāseno **giriduggacaro āsintiādimāha**. Girati saddam karotīti giri, ko so? Silāpaṃsumayapabbato, duṭṭhu dukkhena gamanīyam duggam, girīhi duggam giriduggam, duggamoti attho. Tasmim giridugge pabbatantare caro caraṇasīlo āsim ahoṣim. **Abhijātova kesarīti** abhi vīsesena jāto nibbato kesarīva kesarasīho iva giriduggasmim carāmīti attho.

40. Giriduggam pavisiṃ ahanti aham tadā tena maṃsadānena pītisomanassajāto pabbatantaram pavisiṃ. Sesam uttānatthamevāti.

Sucintitatheraapadānavaṇṇanā samattā.

7. Vatthadāyakattheraapadānavaṇṇanā

Pakkhijāto tadā āsintiādikaṃ āyasmato vatthadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle supaṇṇayoniyam nibbato gandhamādanapabbatam gacchantam atthadassim bhagavantam disvā pasannamānaso supaṇṇavaṇṇam vijahitvā māṇavakavaṇṇam nimminivā mahaggham dibbavattham ādāya bhagavantam pūjesi. Sopi bhagavā paṭiggahetvā anumodanam vatvā pakkāmi. So teneva somanassena vītināmetvā yāvatāyukam ṭhatvā tato cuto devaloke nibbato tattha aparāparam saṃsaranto puññāni anubhavitvā tato manussesu manussasampattinti sabbattha mahaggham vatthābharaṇam laddham, tato uppannuppannabhava vatthacchāyāya gatagataṭṭhāne vasanto imasmim buddhuppāde ekasmim kulagehe nibbato viññutam patto satthari pasīditvā pabbajito nacirasseva chaḷabhiññappattakhīṇāsavo ahoṣi, pubbe katapuññanāmena **vatthadāyakattheroti** pākaṭo.

45. So attano pubbakammaṃ saritvā somanassajāto pubbacaritāpadānaṃ pakāseno **pakkhijāto tadā āsintiādimāha**. Tattha **pakkhijātoti** pakkhandati upalavati sakuṇo etenāti pakkham, pakkhamassa atthīti pakkhī, pakkhiyoniyam jāto nibbattoti attho. **Supaṇṇoti** sundaram paṇṇam pattam yassa so supaṇṇo, vātaggāhasuvaṇṇavaṇṇajalamānapattamahābhāroti attho. **Garulādhīpoti** nāge gaṇhanatthāya garum bhāram pāsānam giḷantīti garulā, garulānam adhipo rājāti garulādhīpo, virajam buddham addasāhanti sambandho.

Vatthadāyakattheraapadānavaṇṇanā samattā.

8. Ambadāyakattheraapadānavaṇṇanā

Anomadassī bhagavātiādikaṃ āyasmato ambadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto anomadassissa bhagavato kāle vānarayoniyam nibbato himavante kapirājā hutvā paṭivasati. Tasmim samaye anomadassī bhagavā tassānukampāya himavantamagamāsi. Atha so kapirājā bhagavantam disvā pasannamānaso sumadhuram ambaphalam khuddamadhunā adāsi. Atha bhagavā tassa passantasseva tam sabbam paribhuñjitvā anumodanam vatvā pakkāmi. Atha so somanassasampannahadayo teneva pītisomanassena yāvatāyukam ṭhatvā tato cuto devaloke nibbato aparāparam tattha dibbasukhamanubhavitvā manussesu ca manussasampattim anubhavitvā imasmim buddhuppāde vibhavasampanne ekasmim kulagehe nibbato satthari pasīditvā pabbajitvā nacirasseva chaḷabhiññappatto ahoṣi. Pubbapuññanāmena **ambadāyakattheroti** pākaṭo.

53. So aparabhāge attanā katakusalabījaṃ disvā somanassajāto attano pubbacaritāpadānaṃ pakāsento **anomadassī bhagavāti**ādīmāha. **Mettāya aphari loke, appamāṇe nirūpadhīti** so bhagavā sabbaloke appamāṇe satte “sukhī hontū”tiādīnā nirupadhi upadhivirahitaṃ katvā mettāya mettacittena aphari patthari vaḍḍhesīti attho.

54. **Kapi ahaṃ tadā āsinti** tadā tassāgamanakāle kapirājā ahosinti attho.

Ambadāyakattheraapadānavaṇṇanā samattā.

9. Sumanattheraapadānavaṇṇanā

Sumano nāma nāmenātiādikaṃ āyasmato sumanattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato kāle mālākārassa kulagehe nibbato vuddhimanvāya saddhājāto bhagavati pasannamānaso sumanamālāmuṭṭhiyo gahetvā ubhohi hatthehi pūjesi. So tena puññena devamanussesu dve sampattiyo anubhavitvā imasmim buddhuppāde ekasmim kulagehe nibbato vuddhimanvāya puttadārehi vaḍḍhitvā sumananāmena pākaṭo satthari pasīditvā pabbajito nacirasseva arahā ahoṣi.

62. So arahā hutvā attano pubbakammaṃ saritvā somanassajāto attano pubbacaritāpadānaṃ pakāsento **sumano nāma nāmenā**tiādīmāha. Sundaraṃ manaṃ cittaṃ yassa so sumano. Saddhāpasādabahumānena yutto nāmena sumano nāma mālākāro tadā ahaṃ ahoṣim.

63. **Sikhino lokabandhunoti** sikhā muddhā kāsatīti sikhī. Atha vā sampayuttasampayoge khādanti viddhamsetīti sikhī, kā sā? Aggisikhā, aggisikhā viya sikhāya dippanato sikhī. Yathā aggisikhā jotati pākaṭā hoti, sikhī pattatiṇakaṭṭhapalāsādike dahati, evamayampi bhagavā nīlapītādiraṃsīhi jotati sakalalokasannivāse pākaṭo hoti. Sakasantānagatasabbakilese soṣeti viddhamseti jhāpetīti vohāranāmaṃ nāmakammaṃ nāmadheyyaṃ, tassa sikhino. Sakalalokassa bandhuñātakoti lokabandhu, tassa sikhino lokabandhuno bhagavato sumanapupphaṃ **abhiropayim** pūjesinti attho.

Sumanattheraapadānavaṇṇanā samattā.

10. Pupphacaṅkoṭiyattheraapadānavaṇṇanā

Abhītarūpaṃ sīhaṃ vātiādikaṃ āyasmato pupphacaṅkoṭiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato kāle ekasmim kulagehe nibbato viññutaṃ patto mahāvibhavasampanno satthari pasīditvā pasannākāraṃ dassento suvaṇṇavaṇṇaṃ anojapupphamocinitvā caṅkoṭakaṃ pūretvā bhagavantaṃ pūjetvā “bhagavā, imassa nissandena nibbattanibbattaṭṭhāne suvaṇṇavaṇṇo pūjanīyo hutvā nibbānaṃ pāpuṇeyya”nti patthanamakāsi. So tena puññakamma devamanussesu nibbato sabbattha pūjito suvaṇṇavaṇṇo abhirūpo ahoṣi. So aparabhāge imasmim buddhuppāde vibhavasampanne ekasmim kulagehe nibbato vuddhippatto satthari pasīditvā pabbajito vipassanaṃ vaḍḍhetvā nacirasseva arahā ahoṣi.

68-9. So pattaarahattaphalo attano pubbakammaṃ saritvā somanassajāto pubbacaritāpadānaṃ pakāsento **abhītarūpaṃ sīhaṃ vā**tiādīmāha. Tattha **sīhanti** dvipadacatuppadādayo satte abhibhavati ajjhottharatīti sīho, abhītarūpo abhītasabhāvo, taṃ abhītarūpaṃ sīhaṃ iva nisinnaṃ pūjesinti sambandho. Pakkhīnaṃ aggaṃ garuḷarājaṃ iva **pavaraṃ** uttamaṃ byaggharājaṃ iva abhi visesena jātaṃ sabbasīhānaṃ visesaṃ kesarasīhaṃ iva tilokassa saraṇaṃ **sikhim** sammāsambuddhaṃ. Kim bhūtaṃ? Anejaṃ nikkilesaṃ khandhamārādīhi aparājitaṃ nisinnaṃ sikhinti sambandho. **Māraṇānagganti** sabbakilesānaṃ māraṇe sosane viddhamṣane aggaṃ seṭṭhaṃ kilese mārentānaṃ paccekabuddhabuddhasāvakanānaṃ vijjamaṇānampi tesam agganti attho. **Bhikkhusaṅghapurakkhataṃ** parivāritaṃ parivāretvā nisinnaṃ sikhinti sambandho.

70. **Caṅkoṭake ṭhapetvā**nāti uttamaṃ anojapupphaṃ karaṇḍake pūretvā sikhīsambuddhaṃ seṭṭhaṃ

samokiriṃ pūjesinti attho.

Pupphacankoṭiyattheraapadānavaṇṇanā samattā.

Sattamavaggavaṇṇanā samattā.

8. Nāgasamālavaggo

1. Nāgasamālattheraapadānavaṇṇanā

Āpāṭaliṃ ahaṃ pupphantiādikaṃ āyasmato nāgasamālattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato kāle ekasmiṃ kulagehe nibbato viññutaṃ patto gharāvāsaṃ saṅṭhapetvā tathārūpasajjanasaṃsaggassa alābhena satthari dharamānakāle dassanasavanapūjākammamakaritvā parinibbutakāle tassa bhagavato sārīrikadhātuṃ nidahitvā katacetiyaṃhi cittaṃ pasādetvā pāṭalipupphaṃ pūjetvā somanassaṃ uppādetvā yāvatāyukaṃ ṭhatvā teneva somanassena tato kālaṃ kato tusitādīsu chasu devalokesu sukhamanubhavitvā aparabhāge manussesu manussasampattiṃ anubhavitvā imasmiṃ buddhuppāde kulagehe nibbato viññutaṃ patto nāgarukkhapallavakomaḷasadisasarīrattā **nāgasamāloti** mātāpitūhi katanāmadheyyo bhagavati pasanno pabbajitvā nacirasseva arahā ahoṣi.

1. So pacchā attano pubbakammaṃ saritvā somanassajāto pubbacaritāpadānaṃ pakāseno **āpāṭaliṃ ahaṃ pupphantiādīmāha**. Tattha **āpāṭalinti** ā samantato, ādarena vā pāṭalipupphaṃ gahetvā ahaṃ thūpamhi **abhiropesiṃ** pūjesinti attho. **Ujjhitaṃ sumahāpatheti** sabbanagaravāsīnaṃ vandanapūjanatthāya mahāpathe nagaramajjhe vīthiyaṃ ujjhitaṃ utṭhāpitaṃ, iṭṭhakakammasudhākammādīhi nipphādītanti attho. Sesaṃ heṭṭhā vuttanayattā uttānatthattā ca suviññeyyamevāti.

Nāgasamālattheraapadānavaṇṇanā samattā.

2. Padasaññakattheraapadānavaṇṇanā

Akkantañca padaṃ disvātiādikaṃ āyasmato padasaññakattherassa apadānaṃ. Ayampi purimabuddhesu katādhikāro uppannuppannabhava vivaṭṭūpanissayāni puññāni upacinanto tissassa bhagavato kāle ekasmiṃ saddhāsampanne upāsakagehe nibbato viññutaṃ patto ratanattaye pasanno bhagavatā tassa anukampāya dassitaṃ padacetiyaṃ disvā pasanno lomahaṭṭhajāto vandanapūjanādibahumānamakāsi. So teneva sukhetta sukatenā puññena tato cuto sagge nibbato tattha dibbasukhamanubhavitvā aparabhāge manussesu jāto manussasampattiṃ sabbamanubhavitvā imasmiṃ buddhuppāde vibhavasampannakule nibbato vuddhimanvāya saddhājāto pabbajitvā nacirasseva arahā ahoṣi, purākatapuññanāmena **padasaññakattheroti** pākaṭo.

5. So ekadivasaṃ attano pubbakammaṃ saritvā pubbacaritāpadānaṃ pakāseno **akkantañca padaṃ disvāti**ādīmāha. Tattha **akkantanti** akkamitaṃ dassitaṃ. Sabbabuddhānaṃ sabbadā caturaṅgulopariyeva gamanaṃ, ayaṃ pana tassa saddhāsampannatāṃ ṇatvā “eso imaṃ passatū”ti padacetiyaṃ dassesi, tasmā so tasmīṃ pasīditvā vandanapūjanādisakkāramakāsīti attho. Sesaṃ sabbattha uttānatthamevāti.

Padasaññakattheraapadānavaṇṇanā samattā.

3. Buddhasaññakattheraapadānavaṇṇanā

Dumagge paṃsukūlikantiādikaṃ āyasmato buddhasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto tissassa bhagavato kāle ekasmiṃ kulagehe nibbato vuddhippatto saddhājāto dumagge laggitaṃ bhagavato paṃsukūlacīvaram

disvā pasannamānaso ‘‘arahaddhaja’’nti cintetvā vandanapūjanādisakkāramakāsi. So tena puññakammena devamanussasampattimanubhavitvā imasmiṃ buddhuppāde vibhavasampanne ekasmiṃ kulagehe nibbato saddhājāto pabbajitvā nacirasseva arahā ahosi.

9. So pattaarahattādhigamo attano pubbakammaṃ saritvā somanassajāto pubbacaritāpadānaṃ pakāseno **dumagge paṃsukūlikanti**ādīmāha. Tattha dhunāti kampaṭṭi dumo. Duhati pūreti ākāsatalanti vā dumo, dumassa aggo koṭṭi dumaggo, tasmīṃ dumagge. Paṃsumiva paṭikkūlabhāvaṃ amanuññabhāvaṃ ulati gacchatīti paṃsukūlaṃ, paṃsukūlameva paṃsukūlikaṃ, satthuno paṃsukūlaṃ dumagge laggitaṃ disvā ahaṃ añjaliṃ paggahetvā taṃ paṃsukūlaṃ **avandiṃ** paṇāmamakāsinti attho. **Tanti** nipātamattaṃ. Sesam sabbattha uttānatthamevāti.

Buddhasaññakattheraapadānavañṇanā samattā.

4. Bhisāluvadāyakattheraapadānavañṇanā

Kānaṃ vanamoggayhātiādikaṃ āyasmato bhisāluvadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle himavantassa samīpe araññāvāse vasanto vanamūlaphalāhāro vivekavasenāgataṃ vipassim bhagavantaṃ disvā pasannamānaso pañcabhisāluve adāsi. Bhagavā tassa cittaṃ pasādetuṃ passantasseva paribhuñji. So tena cittappasādena kālaṃ katvā tusitādīsū sampattimanubhavitvā pacchā manussasampattiṇca anubhavitvā imasmiṃ buddhuppāde ekasmiṃ kulagehe nibbato vibhavasampattim patto taṃ pahāya sāsane pabbajito nacirasseva arahattaṃ pāpuṇi.

13. So tato attano pubbakammaṃ saritvā somanassajāto pubbacaritāpadānaṃ pakāseno **kānaṃ vanamoggayhāti**ādīmāha. Taṃ heṭṭhā vuttatthameva. **Vasāmi vipine ahanti** vivekavāso ahaṃ vasāmīti sambandho. Sesam uttānatthamevāti.

Bhisāluvadāyakattheraapadānavañṇanā samattā.

Chaṭṭhabhānavāraṇṇanā niṭṭhitā.

5. Ekasaññakattheraapadānavañṇanā

Khaṇḍo nāmāsi nāmenātiādikaṃ āyasmato ekasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle kulagehe nibbato viññutaṃ patto ratanattaye pasannamānaso tassa satthuno khaṇḍaṃ nāma aggasāvakaṃ bhikkhāya caramānaṃ disvā saddahitvā piṇḍapātamadāsi. So tena puññakammena devamanussasampattiyo anubhavitvā imasmiṃ buddhuppāde sāvattiyaṃ ekasmiṃ kulagehe nibbato viññutaṃ patto satthu dhammadesanaṃ sutvā paṭiladdhasaddho pabbajitvā nacirasseva arahā ahosi. So ekadivasam piṇḍapātassa saññaṃ manasikarivā paṭiladdhavisessattā **ekasaññakattheroti** pākaṭo.

18. So aparabhāge attano pubbakammaṃ saritvā somanassajāto pubbacaritāpadānaṃ pakāseno **khaṇḍo nāmāsi nāmenāti**ādīmāha. Tattha tassa aggasāvakattherassa kilesānaṃ khaṇḍitattā **khaṇḍoti** nāmaṃ. Sesam sabbattha uttānamevāti.

Ekasaññakattheraapadānavañṇanā samattā.

6. Tiṇasantaradāyakattheraapadānavañṇanā

Himavantassāvidūretiādikaṃ āyasmato tiṇasantaradāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto tissassa bhagavato kāle ekasmiṃ kulagehe nibbato buddhuppādato pageva uppannattā gharāvāsaṃ pahāya tāpasapabbajam

pabbajitvā himavantassa avidūre ekaṃ saraṃ nissāya paṭivasati. Tasmim̄ samaye tisso bhagavā tassānukampāya ākāseṇa agamāsi. Atha kho so tāpaso ākāso oruyha ṭhitaṃ taṃ bhagavantaṃ disvā pasannaṃānaso tiṇaṃ lāyitvā tiṇasantharaṃ katvā nisīdāpetvā bahumānādhareṇa pañcapaṭiṭṭhitena vanditvā paṭikuṭiko hutvā pakkāmi. So yāvatāyukaṃ ṭhatvā tato cavitvā devamanussesu saṃsaranto anekavidhasampattim̄ anubhavitvā imasmim̄ buddhuppāde ekasmim̄ kulagehe nibbatta vuddhippatto sathari pasīditvā pabbajito nacirasseva arahā ahoṣi.

22. So aparabhāge attano pubbakammaṃ saritvā somanassajāto pubbacaritāpadānaṃ pakāseṇo **himavantassāvidūretiādīmāha**. Taṃ heṭṭhā vuttatthameva. **Mahājātassaroti** ettha pana saranti ettha pānīyatthikā dvipadacatuppādādayo sattāti saraṃ, atha vā saranti ettha nadīkandarādayoti saraṃ, mahanto ca so sayameva jātatā saro ceti mahājātassaro. Anotattachaddantadahādayo viya apākaṭānāmattā “mahājātassaro”ti vuttoti daṭṭhabbo. **Satapattehi sañchannoti** ekekasmim̄ pupphe sataṣatapatānaṃ vasena satapatto, satapattasetapadumehi sañchanno gahanībhūtoti attho. **Nānāsakuṇamālayoti** aneke haṃsakukkuṭakukkuhadēṇḍībhādayo ekato kuṇanti saddaṃ karontīti sakuṇāti laddhanāmānaṃ pakkhīnaṃ ālayo ādhārabhūtoti attho. Sesam̄ sabbattha uttānatthamevāti.

Tiṇasantharadāyakaṭṭheraapadānaṃ samattā.

7. Sūcidāyakaṭṭheraapadānaṃ

Tiṃsakappasahassamhītiādikaṃ āyasmato sūcidāyakaṭṭherassa apadānaṃ. Ayampi purimajinavaresu katādhikāro tattha tattha bhava vivaṭṭupānissayāni puññāni upacinanto sumedhassa bhagavato kāle ekasmim̄ kulagehe nibbatta vuddhimanvāya bhagavato cīvarakammaṃ kātuṃ pañca sūciyo adāsi. So tena puññena devamanussesu puññamanubhavitvā vicaranto uppannuppānabhava tikkhapañño hutvā pākaṭo imasmim̄ buddhuppāde ekasmim̄ kulagehe nibbatta vuddhimanvāya sathari pasīditvā pabbajanto tikkhapaññatāya khurageyeva arahattaṃ pāpuṇi.

30. So aparabhāge puññaṃ paccavekkhanto taṃ disvā somanassajāto pubbacaritāpadānaṃ pakāseṇo **tiṃsakappasahassamhītiādīmāha**. Antarantaṃ panettha suviññeyyameva.

31. **Pañcasūci mayā dinnāti** ettha sūcati chiddaṃ karoti vijjhatīti sūci, pañcamattā sūci pañcasūci mayā dinnāti attho. Sesam̄ suviññeyyamevāti.

Sūcidāyakaṭṭheraapadānaṃ samattā.

8. Pāṭalipupphiyattheraapadānaṃ

Suvaṇṇavaṇṇaṃ sambuddhantiādikaṃ āyasmato pāṭalipupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭupānissayāni puññāni upacinanto tissassa bhagavato kāle ekasmim̄ kulagehe seṭṭhiputto hutvā nibbatta vuddhippatto kusalākusalaññū sathari pasīditvā pāṭalipupphaṃ gahetvā satthu pūjesi. So tena puññena bahudhā sukhasampattiyo anubhavanto devamanussesu saṃsaranto imasmim̄ buddhuppāde kulagehe nibbatta vuddhimanvāya sathari pasanno pabbajitvā nacirasseva arahā ahoṣi.

36. So aparabhāge attano pubbakammaṃ saritvā somanassajāto pubbacaritāpadānaṃ pakāseṇo **suvaṇṇavaṇṇaṃ sambuddhantiādīmāha**. Tattha **antarāpaṇeti** ā samantato hiraññasuvaṇṇādikaṃ bhaṇḍaṃ paṇenti vikkiṇanti pattharanti etthāti āpaṇaṃ, āpaṇassa antaraṃ vīthīti antarāpaṇaṃ, tasmim̄ antarāpaṇe. **Suvaṇṇavaṇṇaṃ** kañcanagghiyasaṃkāsaṃ dvattim̄savaralakkhaṇaṃ sambuddhaṃ disvā pāṭalipupphaṃ pūjesinti attho. Sesam̄ sabbattha uttānatthamevāti.

Pāṭalipupphiyattheraapadānaṃ samattā.

9. ʒhitañjaliyattheraapadānaṇṇanā

Migaluddo pure āsintiādikaṃ āyasmato ʒhitañjaliyattherassa apadānaṃ. Ayampi purimabuddhesu katādhikāro tattha tathuppanabhava vivaṭṭūpanissayāni puññāni upacinanto tissassa bhagavato kāle purākatena ekena kammacchiddena nesādayoniyam nibbattitvā viññutaṃ patto migasūkarādayo māretvā nesādakammena araññe vāsaṃ kappesi. Tasmim samaye tisso bhagavā tassānukampāya himavantaṃ agamāsi. So taṃ dvattiṃsavalarakkhaṇehi asītānubyañjanabyāmapabhāhi ca jalamānaṃ bhagavantaṃ disvā somanassajāto paṇāmaṃ katvā gantvā paṇṇasanthare nisīdi. Tasmim khaṇe devo gajjanto asani pati, tato maraṇasamaye buddhamanusarivā punañjalimakāsi. So tena puññena sukhetta katakusalattā akusalavipākaṃ paṭibāhitvā sagge nibbato kāmāvacarasampattiyo anubhavitvā manussesu manussasampattiyo ca anubhavitvā aparabhāge imasmim buddhuppāde ekasmim kulagehe nibbato vuddhimanvāya purākatavāsānāya sathari pasīditvā pabbajito nacirasseva arahā ahoṣi.

42. So tato paraṃ attano pubbakammaṃ sarivā somanassajāto pubbacaritāpadānaṃ pakāseno **migaluddo pure āsintiādimaḥa**. Tattha **migaluddo** migānaṃ māraṇaṃ upagacchatīti migaluddo. Miganti sīghaṃ vātavegena gacchanti dhāvanti migā, tesam migānaṃ māraṇe luddo dāruṇo lobhīti migaluddo. So ahaṃ **pure** bhagavato dassanasamaye migaluddo **āsim** ahosinti attho. **Araññe kānāneti** arati gacchati migasamūho ethhāti araññaṃ, atha vā ā samantato rajjanti tattha vivekābhiraṭā buddhapaccekabuddhādayo mahāsārappattā sappurisāti araññaṃ. Kā kucchitākārena vā bhayānakākārena vā nadanti saddaṃ karonti, ānanti vindanti vā kānaṃ, tasmim araññe kānane migaluddo pure āsinti sambandho. **Tattha addasaṃ sambuddhanti** tattha tasmim araññe upagataṃ sambuddhaṃ addasaṃ addakkhanti attho. Dassanaṃ pure ahoṣi avidūre, tasmā manodvārānusārena cakkhuvīññānaṃ purecārikaṃ kāyaviññānasamaṅgiṃ pāpeti appetīti attho.

44. Tato me asanīpātoti ā samantato sananto gajjanto patatīti asani, asaniyā pāto patanaṃ asanīpāto, devadaṇḍoti attho. Sesam sabbattha uttānatthamevāti.

ʒhitañjaliyattheraapadānaṇṇanā samattā.

10. Tipadumiyattheraapadānaṇṇanā

Padumuttaro nāma jinotiādikaṃ āyasmato tipadumiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatiyaṃ mālākāraṅkulagehe nibbato vuddhippatto mālākārakammaṃ katvā vasanto ekadivasaṃ anekavidhāni jalajathalajapupphāni gahetvā rañño santikaṃ gantukāmo evaṃ cintesi – ‘‘rājā imāni tāva pupphāni disvā pasanno sahassaṃ vā dhanam gāmādikam vā dadeyya, lokanāthaṃ pana pūjetvā nibbānāmatadhanaṃ labhāmi, kiṃ me etesu sundara’’nti tena ‘‘bhagavantaṃ pūjetvā saggamokkhasampattiyo nipphādetuṃ vaṭṭatī’’ti cintetvā vaṇṇavantaṃ atīva rattapupphattayaṃ gahetvā pūjesi. Tāni gantvā ākāsaṃ chādetvā pattharivā aṭṭhaṃsu. Nagaravāsino acchariyabbhutacittajātā celukkhepasahassāni pavattayimṃsu. Taṃ disvā bhagavā anumodanaṃ akāsi. So tena puññena devamanussesu sampattiyo anubhavitvā imasmim buddhuppāde gahapatikule nibbato vuddhimanvāya sathari pasīditvā dhammaṃ sutvā paṭiladdhasaddho pabbajitvā nacirasseva arahā ahoṣi.

48. So attano pubbakammaṃ sarivā somanassajāto pubbacaritāpadānaṃ pakāseno **padumuttaro nāma jinotiādimaḥa**. Tassattho heṭṭhā vuttova. **Sabbadhammāna pāragūti** sabbesaṃ navalokuttaradhammānaṃ pāraṃ nibbānaṃ gato paccakkham katoti attho. **Danto dantaparivutoti** sayam kāyavācādīhi danto etadagge ʒhapitehi sāvakehi parivutoti attho. Sesam sabbattha sambandhasena uttānatthamevāti.

Tipadumiyattheraapadānaṇṇanā samattā.

Aṭṭhamavaggavaṇṇanā samattā.

9. Timiravaggo

1. Timirapupphiyattheraapadānaṇṇā

Candabhāgānadīretīādikaṃ āyasmato timirapupphiyattherassa apadānaṃ. Kā uppatti? Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle ekasmiṃ kulagehe nibbato vuddhippatto gharāvāsaṃ saṅṭhapetvā vasanto kāmesu ādīnaṃ disvā gharāvāsaṃ pahāya tāpasapabbajjaṃ pabbajitvā candabhāgāya nadiyā samīpe vasati, vivekakāmatāya himavantam gantvā nisinnaṃ siddhattham bhagavantam disvā vanditvā tassa guṇam pasīditvā timirapupphaṃ gahetvā pūjesi. So tena puññena devesu ca manussesu ca sampattimanubhavanto saṃsaritvā imasmiṃ buddhuppāde ekasmiṃ kulagehe nibbato vuddhimanvāya sathari pasīditvā pabbajito nacirasseva arahā ahoṣi.

1. So aparabhāge pubbakammaṃ saritvā somanassajāto pubbacaritāpadānaṃ pakāsentō **candabhāgānadī**retīādīmāha. Tassattho heṭṭhā vuttova. **Anubhotam vajāmahanti** gaṅgāya āsanne vasanabhāvena sabbattha rammabhāvena gaṅgāto heṭṭhā sotānusārena ahaṃ vajāmi gacchāmi tattha tattha vasāmīti attho. **Nisinnaṃ samaṇam disvāti** samitapāpattā sositapāpattā samaṇasaṅkhātāṃ sammāsambuddham disvāti attho.

2. **Evam cintesam tadāti** ayaṃ bhagavā sayam tiṇṇo sabbasatte tārayissati saṃsārato uttāreti sayam kāyadvārādīhi damito ayaṃ bhagavā pare dameti.

3. Sayam **assattho** assāsampatto, kilesapariḷāhato mutto sabbasatte assāseti, santabhāvaṃ āpāpeti. Sayam **santo** santakāyacitto paresam santakāyacittam pāpeti. Sayam **mutto** saṃsārato muccito pare saṃsārato mocayissati. So ayaṃ bhagavā sayam **nibbuto** kilesaggīhi nibbuto paresampi kilesaggīhi nibbāpessatīti ahaṃ tadā evam cintesinti attho.

4. **Gahetvā timirapupphanti** sakalam vanantaṃ nīlakāḷaramsīhi andhakāraṃ viya kurumānaṃ khāyatīti timiraṃ pupphaṃ tam gahetvā kaṇṇikāvaṇṇam gahetvā **matthake** sīsassa upari ākāse **okiriṃ** pūjesinti attho. Sesam uttānatthamevāti.

Timirapupphiyattheraapadānaṇṇā samattā.

2. Gatasaññakattheraapadānaṇṇā

Jātiyā sattavassohantiādikaṃ āyasmato gatasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto tissassa bhagavato kāle ekasmiṃ kulagehe nibbato purākatavāsanāvasena saddhājāto sattavassikakāleyeva pabbajito bhagavato paṇāmakaraṇeṇeva pākaṭo ahoṣi. So ekadivasam atīva nīlamaṇippabhāni naṅgalakasitaṭṭhāne utṭhitasattapupphāni gahetvā ākāse pūjesi. So yāvatāyukaṃ samaṇadhammaṃ katvā tena puññena devamanussesu saṃsaranto imasmiṃ buddhuppāde ekasmiṃ kulagehe nibbato viññutaṃ patto sathari pasīditvā pabbajito nacirasseva arahā ahoṣi.

10. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **jātiyā sattavassohanti**ādīmāha. Tattha **jātiyā sattavassoti** mātugabbhato nikkhantakālato paṭṭhāya paripuṇṇasattavassikoti attho. **Pabbajim anagāriyanti** agārassa hitam āgāriyam kasivāṇijjādikkammaṃ natthi āgāriyanti anagāriyam, buddhasāsane pabbajim ahanti attho.

12. **Sugatānugatam magganti** buddhena gataṃ maggaṃ. Atha vā sugatena desitam dhammānudhammapaṭipattipūraṇavasena **haṭṭhamānaso** tuṭṭhacitto pūjetvāti sambandho. Sesam sabbattha uttānatthamevāti.

Gatasaññakattheraapadānavañṇanā samattā.

3. Nipannañjalikattheraapadānavañṇanā

Rukkhamūle nisinnohantiādikaṃ āyasmato nipannañjalikattherassa apadānaṃ. Ayampi purimabuddhesu katādhikāro anekesu bhavesu vivatṭūpanissayāni puññāni upacinanto tissassa bhagavato kāle kulagehe nibbatto vuddhippatto pabbajitvā rukkhamūlikaṅgaṃ pūrayamāno araññe viharati. Tasmim samaye kharo ābādho uppajji, tena pīlito paramakāruññappatto ahoṣi. Tadā bhagavā tassa kāruññena tattha agamāsi. Atha so nipannakova utṭhituṃ asakkonto sirasi añjaliṃ katvā bhagavato paṇāmaṃ akāsi. So tato cuto tusitabhavane uppanno tattha sampattimanubhavitvā evaṃ cha kāmāvacarasampattiyo anubhavitvā imasmim buddhuppāde ekasmim kulagehe nibbatto vuddhippatto sathari pasīditvā pabbajito nacirasseva arahā ahoṣi, purākatapuññavasena **nipannañjalikattheroti** pākaṭo.

16. So aparabhāge attano puññasampattiyo oloketvā somanassajāto pubbacaritāpadānaṃ pakāsento **rukkhamūle nisinnohantiādīmāha**. Tattha ruhati paṭiruhati uddhamuddhaṃ ārohatīti rukkho, tassa rukkhasa mūle samīpeti attho. **Byādhito paramena cāti** paramena adhikena kharena kakkhaḷena byādhinā rogena byādhito, byādhinā ahaṃ samannāgatoti attho. **Paramakāruññappattomhīti** paramaṃ adhiḷkaṃ kāruññaṃ dīnabhāvaṃ dukkhitabhāvaṃ pattomhi araññe kānāneti sambandho.

20. **Pañcevāsuṃ mahāsikhāti** sirasi piḷandhanatthena sikhā vuccati cūḷā. Mañīti jotamānaṃ makuṭaṃ tassa atthīti sikhō, cakkavattino ekanāmakā pañceva cakkavattino āsuṃ ahesunti attho. Sesam sabbattha uttānatthamevāti.

Nipannañjalikattheraapadānavañṇanā samattā.

4. Adhopupphiyattheraapadānavañṇanā

Abhibhū nāma so bhikkhūtiādikaṃ āyasmato adhopupphiyattherassa apadānaṃ. Ayampi purimabuddhesu katādhikāro anekesu bhavesu vivatṭūpanissayāni puññāni upacinanto sikhissa bhagavato kāle kulagehe nibbatto vuddhippatto gharāvāsaṃ saṅghapetvā aparabhāge kāmesu ādīnavaṃ disvā taṃ pahāya isipabbajjaṃ pabbajitvā pañcābhiññāṭṭhasamāpattilābhī iddhīsu ca vasībhāvaṃ patvā himavantasmim paṭivasati. Tassa sikhissa bhagavato abhibhū nāma aggasāvako vivekābhirato himavantamagamāsi. Atha so tāpaso taṃ aggasāvakattheraṃ disvā therassa ṭhitapabbataṃ āruhanto pabbatassa heṭṭhātalato sugandhāni vaṇṇasampannāni satta pupphāni gahetvā pūjesi. Atha so thero tassānumodanamakāsi. Sopi tāpaso sakassamaṃ agamāsi. Tattha ekena ajagarena pīlito aparabhāge aparihīnājjhāno teneva upaddavena upadduto kālaṃ katvā brahmalokaparāyano hutvā brahmasampattiṃ chakāmāvacarasampattiñca anubhavitvā manussesu manussasampattiyo ca khepetvā imasmim buddhuppāde ekasmim kulagehe nibbatto vuddhippatto bhagavato dhammaṃ sutvā pasannamānaso pabbajitvā nacirasseva arahā ahoṣi. So aparabhāge attano katapuññānāmena **adhopupphiyattheroti** pākaṭo.

22. So ekadivasaṃ attano pubbakammaṃ saritvā somanassajāto pubbacaritāpadānaṃ pakāsento **abhibhū nāma so bhikkhūtiādīmāha**. Tattha sīlasamādhīhi pare abhibhavatīti abhibhū, khandhamārādīmāre abhibhavati ajjhottharatīti vā abhibhū, sasantānaparasantānagatakilese abhibhavati viheseti viddhamsetīti vā abhibhū. Bhikkhanasīlo yācanasīloti bhikkhu, chinnabhinnapaṭadharoti vā bhikkhu. Abhibhū nāma aggasāvako so bhikkhūti attho, sikhissa bhagavato aggasāvakoti sambandho.

27. **Ajagaro maṃ pīlesīti** tathārūpaṃ sīlasampannaṃ jhānasampannaṃ tāpasam pubbe katapāpena verena ca mahanto ajagarasappo pīlesi. So teneva upaddavena upadduto aparihīnājjhāno kālaṃ katvā brahmalokaparāyaṇo āsi. Sesam sabbattha uttānamevāti.

Adhopupphiyattheraapadānavañṇanā samattā.

5. Raṃsisaññakattheraapadānaṇṇā

Pabbate himavantamhītiādikaṃ āyasmato raṃsisaññakattherassa apadānaṃ. Ayampi purimabuddhesu katādhikāro tesu tesu bhavesu vivaṭṭūpanissayāni puññāni upacinanto vipassissa bhagavato kāle kulagehe nibbato vuddhimanvāya gharāvāsaṃ saṅṭhapetvā kāmesu ādīnaṃ disvā gharāvāsaṃ pahāya tāpasapabbajjaṃ pabbajitvā aṇinacammadharo himavantamhi vāsaṃ kappesi. Tasmim samaye vipassī bhagavā himavantamagamāsi. Atha so tāpaso tamupagataṃ bhagavantaṃ disvā tassa bhagavato sarīrato nikkhantachabbaṇṇabuddharaṃsīsu pasīditvā añjaliṃ paggayha pañcaṅgena namakkāramakāsi. So teneva puññaena ito cuto tusitādīsu dibbasampattiyo anubhavitvā aparabhāge manussasampattiyo ca anubhavitvā imasmim buddhuppāde kulagehe nibbato vuddhimanvāya gharāvāsaṃ saṅṭhapetvā tathādīnaṃ disvā gehaṃ pahāya pabbajitvā nacirasseva arahā ahoṣi.

30. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **pabbate himavantamhīti**ādīmāha. Tattha **pabbateti** pakārena brūhati vaḍḍhetīti pabbato, himo assa atthīti himavanto, himavanto ca so pabbato cāti himavantapabbato. Himavantapabbateti vattabbe gāthāvacanasukhatthaṃ “pabbate himavantamhī”’ti vuttaṃ. Tasmim himavantamhi pabbate vāsaṃ kappesiṃ pure ahanti sambandho. Sesaṃ sabbattha nayānusārena uttānamevāti.

Raṃsisaññakattheraapadānaṇṇā samattā.

6. Dutiyaraṃsisaññakattheraapadānaṇṇā

Pabbate himavantamhītiādikaṃ āyasmato dutiyaraṃsisaññakattherassa apadānaṃ. Ayampi purimabuddhesu katakusalo uppannuppannabhava vivaṭṭūpanissayāni puññāni upacinanto phussassa bhagavato kāle kulagehe nibbato vuddhippato gharāvāsaṃ saṅṭhapetvā tattha dosaṃ disvā taṃ pahāya tāpasapabbajjaṃ pabbajitvā himavantapabbate vasanto vācaṅīranivasano vivekasukhena viharati. Tasmim samaye so phussaṃ bhagavantaṃ taṃ padesaṃ sampattaṃ disvā tassa sarīrato nikkhantachabbaṇṇabuddharaṃsiyo ito cito vidhāvantiyo daṇḍadīpikānikkhantavipphurantaṃ disvā tasmim pasanno añjaliṃ paggahetvā vanditvā cittaṃ pasādetvā teneva pītisomanassena kālaṃ katvā tusitādīsu nibbato tattha cha kāmāvacarasampattiyo ca anubhavitvā aparabhāge manussasampattiyo ca anubhavitvā imasmim buddhuppāde kulagehe nibbato vuddhippato pubbavāsanāvasena pabbajitvā nacirasseva arahā ahoṣi.

35. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **pabbate himavantamhīti**ādīmāha. Taṃ sabbam uttānatthamevāti.

Dutiyaraṃsisaññakattheraapadānaṇṇā samattā.

7. Phaladāyakattheraapadānaṇṇā

Pabbate himavantamhītiādikaṃ āyasmato phaladāyakattherassa apadānaṃ. Ayampi purimabuddhesu katakusalasambhāro tattha tattha bhava vivaṭṭūpanissayāni puññāni upacinanto phussassa bhagavato kāle ekasmim kulagehe nibbato sukhappatto taṃ sabbam pahāya tāpasapabbajjaṃ pabbajitvā kharājīnacammadhārī hutvā viharati. Tasmimca samaye phussaṃ bhagavantaṃ tattha sampattaṃ disvā pasannamānaso madhurāni phalāni gahetvā bhojesi. So teneva kusalena devalokādīsu puññasampattiyo anubhavitvā imasmim buddhuppāde ekasmim kulagehe nibbato vuddhimanvāya satthari pasīditvā pabbajitvā nacirasseva arahā ahoṣi.

39. So aparabhāge attano pubbakammaṃ anussaritvā pubbacaritāpadānaṃ pakāsentto **pabbate himavantamhīti**ādīmāha. Taṃ sabbam heṭṭhā vuttanayattā uttānatthamevāti.

Phaladāyakattheraapadānaṇṇā samattā.

8. Saddasaññakattheraapadānaṇṇā

Pabbate himavantamhītiādikaṃ āyasmato saddasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto phussassa bhagavato kāle ekasmiṃ kulagehe nibbato vuddhippatto saddhājāto tāpasapabbajjaṃ pabbajitvā himavantamhi araññāvāse vasanto attano anukampāya upagatassa bhagavato dhammaṃ sutvā dhammesu cittaṃ pasādetvā yāvatāyukaṃ ṭhatvā aparabhāge kālaṃ katvā tusitādīsu chasu kāmāvacarasampattiyo ca manussesu manussasampattiyo ca anubhavitvā imasmiṃ buddhuppāde ekasmiṃ kulagehe nibbato vuddhimanvāya saddhājāto pabbajitvā vipassanaṃ vaḍḍhetvā arahattaṃ pāpuṇi.

43. So aparabhāge attano pubbakammaṃ saritvā somanassajāto pubbacaritāpadānaṃ pakāsento **pabbate himavantamhīti**ādīmāha. Taṃ sabbaṃ uttānatthamevāti.

Saddasaññakattheraapadānaṇṇā samattā.

9. Bodhisīcakattheraapadānaṇṇā

Vipassissa bhagavatotiādikaṃ āyasmato bodhisīcakattherassa apadānaṃ. Ayampi purimabuddhesu katādhikāro anekāsu jātīsu vivaṭṭūpanissayāni puññāni upacinanto vipassissa bhagavato kāle kulagehe nibbato sāsane pabbajitvā vattapaṭipattiyā sāsanaṃ sobhayanto mahājane bodhipūjaṃ kurumāne disvā anekāni pupphāni sugandhodakāni ca gāhāpetvā pūjesi. So tena puññena devaloke nibbato cha kāmāvacarasampattiyo anubhavitvā imasmiṃ buddhuppāde kulagehe nibbato vuddhimanvāya saddhājāto pabbajitvā nacirasseva arahā ahoṣi.

46. So arahā hutvā jhānaphalasukhena vītināmetvā pubbakammaṃ saritvā somanassajāto pubbacaritāpadānaṃ pakāsento **vipassissa bhagavatoti**ādīmāha. Tattha visesaṃ paramatthaṃ nibbānaṃ passatīti vipassī, visesena bhabbābhabbajane passatīti vā vipassī, vipassanto catusaccaṃ passanadakkhanasīloti vā vipassī, tassa vipassissa bhagavato mahābodhimaho ahūti sambandho. Tatrāpi **mahābodhīti** bodhi vuccati catūsu maggesu ñāṇaṃ, tamettha nisinnō bhagavā paṭivijjhatīti kaṇikārapādaparukkhopi bodhicceva vuccati, mahito ca so devabrahmanarāsūrehi bodhi ceti mahābodhi, mahato buddhassa bhagavato bodhīti vā mahābodhi, tassa **maho** pūjā ahoṣīti attho. Sesam sabbattha uttānatthamevāti.

Bodhisīcakattheraapadānaṇṇā samattā.

10. Padumapupphiyattheraapadānaṇṇā

Pokkharavanaṃ pavīṭṭhotiādikaṃ āyasmato padumapupphiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto phussassa bhagavato kāle ekasmiṃ kulagehe nibbato vuddhimanvāya padumasampannaṃ ekaṃ pokkharāṇiṃ pavisitvā bhisamuḷāle khādanto pokkharāṇiyā avidūre gacchamānaṃ phussaṃ bhagavantaṃ disvā pasannamānaso tato padumāni ocinitvā ākāse ukkhipitvā bhagavantaṃ pūjesi, tāni pupphāni ākāse vitānaṃ hutvā aṭṭhaṃsu. So bhiyyosomattāya pasannamānaso pabbajitvā vattapaṭipattisāro samaṇadhammaṃ pūretvā tato cuto tusitabhavanamalaṃ kurumāno viya tattha uppajjitvā kamena cha kāmāvacarasampattiyo ca manussasampattiyo ca anubhavitvā imasmiṃ buddhuppāde kulagehe nibbato vuddhippatto saddhājāto pabbajitvā nacirasseva arahā ahoṣi.

51. So aparabhāge attano pubbakammaṃ saritvā somanassajāto pubbacaritāpadānaṃ pakāsento **pokkharavanaṃ pavīṭṭhoti**ādīmāha. Tattha pakārena naḷadaṇḍapattādīhi kharantīti pokkharā, pokkharānaṃ samuṭṭhitatṭhena samūhanti pokkharavanaṃ, padumagacchasaṇḍehi maṇḍitaṃ majjhaṃ pavīṭṭho ahanti attho. Sesam sabbattha uttānamevāti.

Padumapupphiyattheraapadānavaṇṇanā samattā.

Navamavaggavaṇṇanā samattā.

10. Sudhāvaggo

1. Sudhāpiṇḍiyattheraapadānavaṇṇanā

Pūjārahe pūjayatotiādikaṃ āyasmato sudhāpiṇḍiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto siddhatthassa bhagavato kāle bhagavati dharamāne puññaṃ kātumasakkoṃto parinibbute bhagavati tassa dhātuṃ nidahitvā cetiye karīyamāne sudhāpiṇḍamadāsi. So tena puññaṇa catunnavutikappato paṭṭhāya etthantare caturāpāyamadisvā devamanussasampattiyo anubhavitvā imasmiṃ buddhuppāde ekasmiṃ kulagehe nibbato viññutaṃ patvā satthari pasīditvā pabbajito nacirasseva arahā ahoṣi.

1-2. So aparabhāge attano pubbakammaṃ saritvā somanassajāto attano pubbacaritāpadānaṃ pakāsentō **pūjāraheti**ādīmāha. Tattha pūjārahā nāma buddhapaccekabuddhaariyasāvakaariyupajjhāyamātāpitugaruādayo, tesu pūjārahesu mālādīpadumavatthābharaṇacatupaccayādīhi **pūjayato** pūjayantassa puggalassa puññaṃkoṭṭhāsaṃ sahasasatasahasādivasena saṅkhyāṃ kātuṃ kenaci mahānubhāvenāpi na sakkāti attho. Na kevalameva dharamāne buddhādayo pūjayato, parinibbutassāpi bhagavato cetiyapaṭimābodhiādisupi eseva nayo.

3. Taṃ dīpetuṃ **catunnamapi dīpānanti**ādīmāha. Tattha **catunnamapi dīpānanti** jambudīpaaparagoyānauttarakurupubbavidehasaṅkhātānaṃ catunnaṃ dīpānaṃ tadanugatānaṃ dvisahasaparittadīpānaṃca ekato katvā sakalacakkavāḷagabbhe **issaraṃ** cakkavattirajjaṃ kareyyāti attho. **Ekissā pūjanāyetaṃ** dīpānanti dhātugabbhe cetiye katāya ekissā pūjāya **etaṃ** sakalajambudīpe sattaratanādikaṃ sakalaṃ dhanāṃ. **Kalaṃ nāgghati soḷasinti** cetiye katapūjāya soḷasakkhattuṃ vibhattassa soḷasamakotṭhāsassa na agghatīti attho.

4. **Siddhatthassa...pe... phalitantareti** narānaṃ aggassa seṭṭhassa siddhatthassa bhagavato **cetiye** dhātugabbhamhi sudhākamme karīyamāne paricchedānaṃ ubhinnaṃantare vemajjhe, atha vā pupphadānaṭṭhānānaṃ antare phalantiyā mayā sudhāpiṇḍo dinno makkhitoti sambandho. Sesāṃ sabbattha uttānamevāti.

Sudhāpiṇḍiyattheraapadānavaṇṇanā samattā.

2. Sucintikattheraapadānavaṇṇanā

Tissassa lokanāthassātiādikaṃ āyasmato sucintikattherassa apadānaṃ. Ayampi purimabuddhesu katādhikāro anekāsu jātīsu nibbānādhigamāya puññaṃ upacinitvā tissassa bhagavato kāle ekasmiṃ kulagehe nibbato vuddhimanvāya satthari pasīditvā satthu nisīdanatthāya parisuddhaṃ siliṭṭhaṃ kaṭṭhamayamanagghapīṭhamadāsi. So tena puññaṃkammena sugatisukhamanubhavitvā tattha tattha saṃsaranto imasmiṃ buddhuppāde ekasmiṃ kulagehe nibbato vuddhimanvāya satthari pasīditvā pabbajito nacirasseva arahā ahoṣi.

8. So pattaarahattaphalo pubbakammaṃ saritvā somanassajāto pubbacaritāpadānaṃ pakāsentō **tissassa lokanāthassāti**ādīmāha. Taṃ sabbaṃ uttānatthamevāti.

Sucintikattheraapadānavaṇṇanā samattā.

3. Aḍḍhaceḷakattheraapadānavaṇṇanā

Tissassāhaṃ bhagavatotiādikaṃ āyasmato aḍḍhaceḷakattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññāni upacinanto tissassa bhagavato kāle ekenākusalena kammaena duggatakulagehe nibbato vuddhimanvāya saddhammadesanaṃ ñatvā pasannamānaso cīvaratthāya aḍḍhabhāgaṃ ekaṃ dussamadāsi. So teneva pītisomanassena kālaṃ katvā sagge nibbato cha kāmāvacarasampattimanubhavitvā tato cuto manussesu manussasampattīnaṃ aggabhūtaṃ cakkavattisampattīṃ anubhavitvā imasmiṃ buddhuppāde ekasmiṃ addhakule nibbato vuddhippatto satthu dhammadesanaṃ sutvā pasannamānaso pabbajitvā nacirasseva arahā ahoṣi.

14. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **tissassāhaṃ bhagavatotiādimaḥa.** Taṃ sabbaṃ uttānatthamevāti.

Aḍḍhaceḷakattheraapadānavaṇṇanā samattā.

4. Sūcidāyakattheraapadānavaṇṇanā

Kammārohaṃ pure āsintiādikaṃ āyasmato sūcidāyakattherassa apadānaṃ. Ayampi purimabuddhesu katādhikāro antarantarā kusalabījāni pūrento vipassissa bhagavato kāle antarantarā katena ekena kammacchiddena kammārakule nibbato vuddhimanvāya sakasippesu nipphattīṃ patto satthu dhammadesanaṃ sutvā pasannamānaso cīvarasibbanatthāya sūcidānamadāsi, tena puññena dibbasampattīṃ anubhavitvā aparabhāge manussesu uppanno cakkavattādayo sampattiyo ca anubhavanto uppannuppannabhava tikkhapañño vajīrañño ahoṣi. So kamena imasmiṃ buddhuppāde nibbato vuddhippatto mahaddhano saddhājāto tikkhapañño ahoṣi. So ekadivasam satthu dhammadesanaṃ sutvā dhammānusārena ñāṇaṃ pesetvā nisinnāsaneveva arahā ahoṣi.

19. So arahā samāno attano pubbakammaṃ saritvā somanassajāto pubbacaritāpadānaṃ pakāsentō **kammārohaṃ pure āsintiādimaḥa.** Tattha **kammāro**ti ayokammalohakammādinā kammaena jīvati ruhati vuddhiṃ virūlhiṃ āpajjatīti kammāro, pubbe puññakaraṇakāle kammāro **āsiṃ** ahoṣi attho. Sesam sabbattha uttānamevāti.

Sūcidāyakattheraapadānavaṇṇanā samattā.

5. Gandhamāliyattheraapadānavaṇṇanā

Siddhatthassa bhagavatotiādikaṃ āyasmato gandhamāliyattherassa apadāna. Ayampi purimabuddhesu katādhikāro siddhatthassa bhagavato kāle kulagehe nibbato mahaddhano mahābhogo ahoṣi. So sathari pasīditvā candanāgarukappūrakassaturādīni anekāni sugandhāni vaḍḍhetvā satthu gandhathūpaṃ kāresi. Tassupari sumanapupphehi chādesi, buddhañca aṭṭhaṅgamakkāraṃ akāsi. So tena puññakammaena devamanussesu sampattiyo anubhavitvā imasmiṃ buddhuppāde vibhavasampanne ekasmiṃ kulagehe nibbato vuddhimanvāya sathari pasīditvā pabbajito nacirasseva arahā ahoṣi.

24. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **siddhatthassa bhagavatotiādimaḥa.** Taṃ sabbaṃ uttānatthamevāti.

Gandhamāliyattheraapadānavaṇṇanā samattā.

6. Tipupphiyattheraapadānavaṇṇanā

Migaluddo pure āsintiādikaṃ āyasmato tipupphiyattherassa apadānaṃ. Ayampi purimabuddhesu katādhikāro antarā kenaci akusalacchiddena vipassissa bhagavato kāle nesādakule nibbato migaluddo hutvā araññe viharati. Tadā vipassissa bhagavato pāṭalibodhiṃ sampuṇṇapattapallavaṃ haritavaṇṇaṃ nīlobhāsaṃ manoramaṃ dīsvā tīhi pupphehi pūjetvā purāṇapattaṃ chaḍḍetvā bhagavato sammukhā viya pāṭalimahābodhiṃ vandī. So tena puññena tato cuto devaloke uppanno tattha dibbasampattīṃ aparāparaṃ

anubhavitvā tato cuto manussesu jāto tattha cakkavattisampattiādayo anubhavitvā imasmim buddhuppāde ekasmim kulagehe nibbato vuddhimanvāya satthu dhammadesanam sutvā paṭiladdhasomanassahadayo geham pahāya pabbajitvā nacirasseva arahā ahoṣi.

31. So evaṃ siddhippatto attano pubbakammaṃ saritvā somanassajāto pubbacaritāpadānaṃ pakāsento **migaluddo pure āsinti**ādīmāha. Tattha maraṇāya gacchati pāpuṇātīti migo, atha vā magayamāno ihati pavattatīti migo, migānaṃ māraṇe luddo lobhī gedhoti migaluddo, pure mayhaṃ puññakaraṇasamaye kānanasaṅkhāte mahāaraṇṇe migaluddo āsinti sambandho. **Pāṭalim haritaṃ disvāti** tattha pakārena talena rattavaṇṇena bhavatīti pāṭali, pupphānaṃ rattavaṇṇatāya pāṭalīti vohāro, pattānaṃ haritatāya haritaṃ nīlavaṇṇaṃ pāṭalibodhim disvāti attho. Sesam sabbattha uttānatthamevāti.

Tipupphiyattheraapadānavāṇṇanā samattā.

7. Madhupiṇḍikattheraapadānavāṇṇanā

Vivane kānane disvātiādikaṃ āyasmato madhupiṇḍikattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle nesādayoniyam nibbato mahāaraṇṇe paṭivasati. Tadā vivekābhiritiyā sampattam siddhattham bhagavantaṃ disvā samādhito vuṭṭhitassa tassa sumadhuraṃ madhumadāsi. Tattha ca pasannamānaso vanditvā pakkāmi. So teneva puññena sampattim anubhavanto devamanussesu saṃsaritvā imasmim buddhuppāde kulagehe nibbato vuddhippatto sathari pasīditvā pabbajito nacirasseva arahā ahoṣi.

37. So aparabhāge attano pubbakammaṃ saritvā somanassajāto pubbacaritāpadānaṃ pakāsento **vivane kānane disvāti**ādīmāha. Tattha **vivaneti** visesena vanaṃ patthaṇaṃ vīvanaṃ, hatthiassarathasaddehi bherisaddehi ca vatthukāmakilesakāmehi ca vīgataṃ byāpagatanti attho, kānanasaṅkhāte mahāaraṇṇe vivaneti sambandho. **Osadhimva virocantanti** bhavavaḍḍhakijanānaṃ icchicchitaṃ nipphādetīti osadham. Ojānibattikāraṇaṃ paṭicca yāya tārakāya uggaṭāya uddharanti gaṇhantīti sā osadhi. Osadhītārakā iva virocantīti vattabbe gāthābandhasukhattham ‘osadhimva virocanta’nti ca vuttaṃ. Sesam sabbattha uttānamevāti.

Madhupiṇḍikattheraapadānavāṇṇanā samattā.

8. Senāsanadāyakattheraapadānavāṇṇanā

Siddhatthassa bhagavatotiādikaṃ āyasmato senāsanadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle kulagehe nibbato vuddhippatto sathari pasīditvā attano vasanaṭṭhānaṃ vanantaram sampattassa bhagavato paṇāmaṃ katvā paṇṇasantharam santharivā adāsi. Bhagavato nisinnaṭṭhānassa samantato bhittiparicchedaṃ katvā pupphapūjamāsi. So tena puññena devamanussesu saṃsaranto ubhayaṃ sampattiyo anubhavitvā imasmim buddhuppāde kulagehe nibbato vuddhippatto sathari pasīditvā pabbajito nacirasseva arahā ahoṣi.

45. So aparabhāge attano pubbakammaṃ saritvā somanassajāto attano pubbacaritāpadānaṃ dassento **siddhatthassa bhagavatoti**ādīmāha. Tam sabbam heṭṭhā vuttanayattā uttānatthamevāti.

Senāsanadāyakattheraapadānavāṇṇanā samattā.

9. Veyyāvaccakaratheraapadānavāṇṇanā

Vipassissa bhagavatotiādikaṃ āyasmato veyyāvaccakaratherassa apadānaṃ. Tassa uppattiādayo heṭṭhā vuttaniyāmeneva daṭṭhabbā.

Veyyāvaccakaratheraapadānavañṇanā samattā.

10. Buddhupaṭṭhākattheraapadānavañṇanā

Vipassissa bhagavatotiādikaṃ āyasmato buddhupaṭṭhākattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle saṅkhadhamakakule nibbatto vuddhimanvāya attano sippe saṅkhadhamane cheko ahosi, niccakālaṃ bhagavato saṅkhaṃ dhametvā saṅkhasaddeneva pūjesi. So tena puññena devamanussesu saṃsaranto sabbattha pākaṭo mahāghoso mahānādī madhurassaro ahosi, imasmiṃ buddhuppāde ekasmiṃ pākaṭakule nibbatto vuddhippatto **madhurassaroti** pākaṭo, sathhari pasīditvā pabbajito nacirasseva arahā ahosi, aparabhāge madhurassarattheroti pākaṭo.

51. So ekadivasaṃ attano pubbakammaṃ saritvā somanassajāto pubbacaritāpadānaṃ pakāsento **vipassissa bhagavatotiādīmāha**. Taṃ heṭṭhā vuttameva. **Ahosim saṅkhadhamakoti** saṃ suṭṭhu khananto gacchatīti saṅkko, samuddajalapariyante caramāno gacchati vicarātīti attho. Taṃ saṅkhaṃ dhamati ghosam karotīti saṅkhadhamako, sohaṃ saṅkhadhamakova ahosinti attho. Sesam sabbattha uttānamevāti.

Buddhupaṭṭhākattheraapadānavañṇanā samattā.

Dasamavaggavañṇanā samattā.

11. Bhikkhadāyivaggo

1. Bhikkhādāyakattheraapadānavañṇanā

Suvañṇavañṇaṃ sambuddhantiādikaṃ āyasmato bhikkhādāyakattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle ekasmiṃ kulagehe nibbatto vuddhimanvāya vibhavasampanno saddhājāto vihārato nikkhamitvā piṇḍāya caramānaṃ siddhatthaṃ bhagavantaṃ disvā pasannamānaso āhāramadāsi. Bhagavā taṃ paṭiggahetvā anumodanaṃ vatvā pakkāmi. So teneva kusalena yāvatāyukaṃ ṭhatvā āyupariyosāne devaloke nibbatto tattha cha kāmāvacarasampattiyo anubhavitvā manussesu ca manussasampattimanubhavitvā imasmiṃ buddhuppāde kulagehe nibbatto vuddhimanvāya saddhājāto pabbajitvā nacirasseva arahā ahosi.

1. So aparabhāge attano pubbakammaṃ anussarivā somanassajāto pubbacaritāpadānaṃ pakāsento **suvañṇavañṇaṃ sambuddhantiādīmāha**. Taṃ sabbaṃ heṭṭhā vuttanayameva. **Pavarā abhinikkhantanti** pakārena varitabbaṃ patthetabbanti pavaraṃ, rammabhūtato vivekabhūtato sakavihārato abhi visesena nikkhantanti attho. **Vānā nibbānamāgatanti** vānaṃ vuccati taṇhā, tato nikkhantattā nibbānaṃ, vānanāmaṃ taṇhaṃ padhānaṃ katvā sabbakilese pahāya nibbānaṃ pattanti attho.

2. **Kaṭacchubhikkhaṃ datvānāti** karatalena gahetabbā dabbi kaṭacchu, bhikkhīyati āyācīyatīti bhikkhā, abhi visesena khādītābhā bhakkhitābhāti vā bhikkhā, kaṭacchunā gahetabbā bhikkhā kaṭacchubhikkhā, dabbiyā bhattaṃ datvāti attho. Sesam sabbattha uttānatthamevāti.

Bhikkhādāyakattheraapadānavañṇanā samattā.

2. Nāṇasaññikattheraapadānavañṇanā

Suvañṇavañṇaṃ sambuddhantiādikaṃ āyasmato nāṇasaññikattherassa apadānaṃ. Kā uppatti? Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto siddhatthassa bhagavato kāle kulagehe nibbatto vuddhimanvāya saddhājāto saddhammassavane sādaro sālāyo bhagavato dhammadesanānusārena nāṇaṃ pesetvā ghosapamañattā bhagavato nāṇe pasanno

pañcaṅgaatṭhaṅgamakkārasena paṅāmaṃ katvā pakkāmi. So tato cuto devalokesu uppanno tattha cha kāmāvacare dibbasampattimanubhavanto tato cavitvā manussaloke jāto tatthagabhūtā cakkavattisampadādayo anubhavitvā imasmiṃ buddhuppāde vibhavasampanne ekasmiṃ kulagehe nibbato vuddhimanvāya satthari pasīditvā pabbajito nacirasseva arahā ahoṣi.

7. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **suvaṇṇavaṇṇaṃ sambuddhantiādimāha**. Taṃ vuttatthameva. **Nisabhājāniyaṃ yathāti** gavasatasahassajēṭṭho nisabho, nisabho ca so ājāniyo seṭṭho uttamo ceti nisabhājāniyo. Yathā nisabhājāniyo, tatheva bhagavāti attho. Lokavisayasaññātaṃ paññattivasena evaṃ vuttaṃ. Anupameyyo hi bhagavā. Sesam sabbattha uttānatthamevāti.

Ñānasaññikattheraapadānavaṇṇanā samattā.

3. Uppalahatthiyattheraapadānavaṇṇanā

Tivarāyaṃ nivāsīhantiādikaṃ āyasmato uppalahatthakattherassa apadānaṃ. Ayampi purimajinavaresu katakusalo tattha tattha bhava vivaṭṭūpanissayāni puññāni upacinanto siddhatthassa bhagavato kāle mālākārakule nibbato vuddhimanvāya mālākārakamma anekāni pupphāni vikkiṇanto jīvati. Athekadivasam pupphāni gahetvā caranto bhagavantaṃ ratanagghikamiva caramānaṃ disvā rattuppalakalāpena pūjesi. So tato cuto teneva puññena sugatīsu puññamanubhavitvā imasmiṃ buddhuppāde kulagehe nibbato vuddhimanvāya saddhājāto pabbajitvā nacirasseva arahā ahoṣi.

13. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **tivarāyaṃ nivāsīhantiādimāha**. Tattha **tivarāti** tīhi vārehi kāritaṃ sañcaritaṃ paṭicchannaṃ nagaraṃ, tassaṃ tivarāyaṃ nivāsī, vasanasīlo nivāsanaṭṭhānagehe vā vasanto ahanti attho. **Ahoṣim mālika tadāti** tadā nibbānatthāya puññasambhārakaraṇasamaye mālika mālākārova pupphāni kayavikkayaṃ katvā jīvanto ahoṣinti attho.

14. **Pupphahatthamadāsahanti** siddhatthaṃ bhagavantaṃ disvā uppalakalāpaṃ adāsīm pūjesinti attho. Sesam sabbattha uttānatthamevāti.

Uppalahatthakattheraapadānavaṇṇanā samattā.

4. Padapūjakattheraapadānavaṇṇanā

Siddhatthassa bhagavatotiādikaṃ āyasmato padapūjakattherassa apadānaṃ. Ayampi purimabuddhesu katādhikāro siddhatthassa bhagavato kāle kulagehe nibbato vuddhimanvāya satthari pasanno sumanapupphena pādāmūle pūjesi. So tena puññena devamanussesu saṃsaranto sakkasampattim anubhavitvā imasmiṃ buddhuppāde ekasmiṃ kulagehe nibbato vuddhimanvāya satthari pasīditvā pabbajito vipassanaṃ vaḍḍhetvā arahattaphale patiṭṭhāsi.

19. So aparabhāge attano pubbakammaṃ saritvā somanassajāto pubbacaritāpadānaṃ pakāsentto **siddhatthassa bhagavatotiādimāha**. **Jātipupphamadāsahanti** jātisumanapupphaṃ adāsīm ahanti vattabbe gāthābandhasukhatthaṃ sumanasaddassa lopam katvā vuttaṃ. Tattha jātiyā nibbato vikasaṃānoyeva sumanaṃ janānaṃ somanassaṃ karotīti sumanaṃ, pupphanaṭṭhena vikasaṃāṭṭhena pupphaṃ, sumanañca taṃ pupphañcāti sumanapupphaṃ, tāni sumanapupphāni siddhatthassa bhagavato ahaṃ pūjesinti attho. Sesam sabbattha uttānamevāti.

Padapūjakattheraapadānavaṇṇanā samattā.

5. Muṭṭhipupphiyattheraapadānavaṇṇanā

Sudassano nāma nāmenātiādikaṃ āyasmato muṭṭhipupphiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle mālākārakule nibbato vuddhimanvāya sakasippe nipphattiṃ patto ekadivasam bhagavantam disvā pasannamānaso jātisumanapupphāni ubhohi hatthehi bhagavato pādamūle okiritvā pūjesi. So tena kusalasambhārena devamanussesu saṃsaranto ubho sampattiyo anubhavitvā imasmim buddhuppāde kulagehe nibbato vuddhippato pubbavāsanāvasena sathari pasīditvā pabbajito nacirasseva arahā ahoṣi.

14-25. So aparabhāge attano pubbakammaṃ anussarivā somanassajāto pubbacaritāpadānaṃ pakāsento **sudassano nāma nāmenātiādimaḥa**. Tattha **sudassanoti** ārohapariṇāharūpasanṭhānayo bbaññasobhanena sundaro dassanoti sudassano, nāmena sudassano nāma mālākāro hutvā jātisumanapupphehi padumuttaram bhagavantam pūjesinti attho. Sesam sabbattha uttānamevāti.

Muṭṭhipupphiyattheraapadānavañṇanā samattā.

6. Udakapūjakattheraapadānavañṇanā

Suvañṇavañṇam sambuddhantiādikaṃ āyasmato udakapūjakattherassa apadānaṃ. Ayampi purimajinavaresu pūritakusalasañcayo tattha tattha bhava vivaṭṭūpanissayāni puññāni paripūriyamāno pudumuttarassa bhagavato kāle ekasmim kulagehe nibbato vuddhimanvāya kusalākusalam jānanto padumuttarassa bhagavato ākāse gacchato nikkhantachabbañṇabuddharamsīsu pasanno ubhohi hatthehi udakam gahetvā pūjesi. Tena pūjitaṃ udakam rajatabubbulaṃ viya ākāse aṭṭhāsi. So abhippasanno teneva somanassena tusitādīsu nibbato dibbasampattiyo anubhavitvā aparabhāge manussasampattiyo ca anubhavitvā imasmim buddhuppāde kulagehe nibbato viññutaṃ patto sathari pasīditvā pabbajito nacirasseva arahā ahoṣi.

29. So aparabhāge attano pubbakammaṃ sarivā somanassajāto pubbacaritāpadānaṃ pakāsento **suvañṇavañṇam sambuddhantiādimaḥa**. Tam heṭṭhā vuttameva. **Ghatāsanamva jalitanti** ghatam vuccati sappi, ghatassa āsanam ādhāranti ghatāsanam, aggi, atha vā tam asati bhujjātīti ghatāsanam, aggiyeva. Yathā ghate āsīte aggimhi aggisikhā atīva jalati, evam aggikkhandham iva jalamānam bhagavantanti attho. **Ādittamva hutāsananti** hutam vuccati pūjāsakkāre, hutassa pūjāsakkārassa āsananti hutāsanam, jalamānam sūriyam iva dvattiṃsamahāpurisalakkhaṇehi byāmapabhāmaṇḍalehi vijjotamānam suvañṇavañṇam sambuddham **anilañjase** ākāse gacchantam addasanti sambandho. Sesam sabbattha uttānamevāti.

Udakapūjakattheraapadānavañṇanā samattā.

7. Naḷamāliyattheraapadānavañṇanā

Padumuttarabuddhassātiādikaṃ āyasmato naḷamāliyattherassa apadānaṃ. Esopi purimajinavaresu katādhikāro anekāsu jātisū vivaṭṭūpanissayāni kusalakammāni upacinanto padumuttarassa bhagavato kāle kulagehe nibbato vuddhimanvāya gharāvāsam sanṭhapetvā kāme ādīnavaṃ disvā geham pahāya tāpasapabbajam pabbajitvā himavante vasanto tathāgataṃ bhagavantam disvā pasanno vanditvā tiṇasantharam santharivā tattha nisinnassa bhagavato naḷamālehi bījanim katvā bījetvā adāsi. Paṭiggahehi bhagavā tassānukampāya, anumodanañca akāsi. So tena puññena devamanussesu saṃsaranto uppannuppannabhava pariḷāhasantāpavivajjito kāyacittacetāsikasukhappatto anekasukhamanubhavitvā imasmim buddhuppāde ekasmim kulagehe nibbato vuddhimanvāya pubbavāsanābalena sathari pasanno pabbajitvā nacirasseva arahā ahoṣi.

36. So aparabhāge attano pubbakammaṃ sarivā somanassajāto pubbacaritāpadānaṃ pakāsento **padumuttarabuddhassātiādimaḥa**. Tam heṭṭhā vuttameva.

37. Naḷamālaṃ gahetvānāti naḷati asāro nissāro hutvā veḷuvaṃsatopi tanuko sallahuko jātoti naḷo, naḷassa mālā pupphaṃ naḷamālaṃ, tena naḷamālena bījanīṃ kāresinti sambandho. Bījissati janissati vāto anenāti bījanī, taṃ bījanīṃ buddhassa upanāmesīṃ, paṭiggahesinti attho. Sesam̐ sabbattha uttānamevāti.

Naḷamāliyattheraapadānavaṇṇanā samattā.

Sattamabhāṇavāraṇṇanā samattā.

8. Āsanupaṭṭhāhakattheraapadānavaṇṇanā

Kānanam̐ vanamoggayhātiādikaṃ āyasmato āsanupaṭṭhāhakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle kulagehe nibbato gharāvāsaṃ vasanto tattha dosaṃ disvā gharāvāsaṃ pahāya tāpasapabbajjaṃ pabbajitvā himavante vasanto tattha sampattaṃ bhagavantaṃ disvā pasanno sīhāsaṃ adāsi, tattha nisinnaṃ bhagavantaṃ mālākālāpaṃ gahetvā pūjetvā taṃ padakkhiṇaṃ katvā pakkāmi. So tena puññena devamanussesu saṃsaranto nibbattanibbattaḥ bhava uccakuliko vibhavasampanno ahoṣi. So kālantarena imasmīṃ buddhuppāde kulagehe nibbato vuddhimanvāya satthari pasīditvā pabbajito nacirasseva arahā ahoṣi.

47. So arahā samāno attano pubbakammaṃ saritvā somanassajāto pubbacaritāpadānaṃ pakāsentō **kānanam̐ vanamoggayhāti**ādīmāha. Taṃ sabbaṃ heṭṭhā vuttatthamevāti.

Āsanupaṭṭhāhakattheraapadānavaṇṇanā samattā.

9. Biḷālidāyakattheraapadānavaṇṇanā

Himavantassāvidūretiādikaṃ āyasmato biḷālidāyakattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbato viññutaṃ patto gharāvāsaṃ vasanto tathādīnaṃ disvā gharāvāsaṃ pahāya tāpasapabbajjaṃ pabbajitvā himavante vasanto atīva appicchasantuṭṭho āluvādīhi yāpento vasati. Tadā padumuttaro bhagavā tassa anukampāya taṃ himavantaṃ agamāsi. Taṃ disvā pasanno vanditvā biḷāliyo gahetvā patte okiri. Taṃ tathāgato tassānukampāya somanassuppādayanto paribhuñji. So tena kammena tato cuto devamanussesu ubhayasampattiyo anubhavitvā imasmīṃ buddhuppāde kulagehe nibbattitvā vuddhimanvāya satthari pasanno sāsane pabbajitvā nacirasseva arahā ahoṣi.

53. So aparabhāge attano kusalakammaṃ saritvā somanassajāto pubbacaritāpadānaṃ pakāsentō **himavantassāvidūreti**ādīmāha. Taṃ sabbaṃ heṭṭhā vuttanayattā uttānatthameva. Ālūvakarambhādayo tesam̐ tesam̐ kandajātīnaṃ nāmānevāti.

Biḷālidāyakattheraapadānavaṇṇanā samattā.

10. Reṇupūjakattheraapadānavaṇṇanā

Suvaṇṇavaṇṇam̐ sambuddhantiādikaṃ āyasmato reṇupūjakattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle kulagehe nibbato vuddhimanvāya satthari pasanno viññutaṃ patto aggikkhandhaṃ viya vijjotamānaṃ bhagavantaṃ disvā pasannamānaso nāgapupphakesaraṃ gahetvā pūjesi. Atha bhagavā anumodanamakāsi.

62-3. So tena puññena tato cuto devamanussesu saṃsaranto ubhayasampattiyo anubhavitvā uppannuppannabhava sabbattha pūjito imasmīṃ buddhuppāde kulagehe nibbato viññutaṃ patto pubbavāsanābalena satthari pasanno sāsane pabbajito nacirasseva arahā hutvā dibbacakkhunā attano

pubbakammaṃ disvā somanassajāto pubbacaritāpadānaṃ pakāsentō **suvanṇavaṇṇaṃ sambuddhantiādimāha**. Taṃ heṭṭhā vuttatthameva. **Sataraṃsiṃva bhāṇumanti** satamattā satappamāṇā raṃsi pabhā yassa sūriyassa so sataraṃsi, gāthābandhasukhatthaṃ sataraṃsīti vuttaṃ, anekasatassa anekasatasahassaraṃsīti attho. Bhāṇu vuccati pabhā, bhāṇu pabhā yassa so bhāṇumā, bhāṇumasāṅkhātaṃ sūriyaṃ iva vipassīṃ bhagavantaṃ disvā sakesaraṃ nāgapupphaṃ gahetvā **abhiropayim** pūjesinti attho. Sesam uttānamevāti.

Reṇupūjakattheraapadānavaṇṇanā samattā.

Ekādasamavaggavaṇṇanā samattā.

12. Mahāparivāravaggo

1. Mahāparivārakattheraapadānavaṇṇanā

Vipassī nāma bhagavātiādikam āyasmato mahāparivārakattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto vipassissa bhagavato uppannasamaye yakkhayoniyaṃ nibbato anekayakkhasatasahassaparivāro ekasmiṃ khuddakādīpe dibbasukhamanubhavanto viharati. Tasmīṅca dīpe cetiyābhisobhito vihāro atthi, tattha bhagavā agamāsi. Atha so yakkhasenādhipati taṃ bhagavantaṃ tattha gatabhāvaṃ disvā dibbavatthāni gahetvā gantvā bhagavantaṃ vanditvā dibbavatthehi pūjesi, saparivāro saraṇamagamāsi. So tena puññakammena tato cuto devaloke nibbattitvā tattha cha kāmāvacarasukhamanubhavitvā tato cuto manussesu aggacakkavattīdisukhamanubhavitvā aparabhāge imasmiṃ buddhuppāde kulagehe nibbato viññutaṃ patto sathari pasīditvā pabbajito nacirasseva arahā ahoṣi.

1-2. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **vipassī nāma bhagavātiādimāha**. Tattha visesaṃ paramatthaṃ nibbānaṃ passatīti vipassī, vividhe satipaṭṭhānādayo sattatīmsabodhipakkhiyadhamme passatīti vā vipassī, vividhe anekappakāre bodhaneyyasatte viṣuṃ viṣuṃ passatīti vā vipassī, so vipassī bhagavā **dīpacetiyaṃ** dīpe pūjanīyaṭṭhānaṃ vihāramagamāsi attho. Sesam sabbattha uttānamevāti.

Mahāparivārakattheraapadānavaṇṇanā samattā.

2. Sumaṅgalattheraapadānavaṇṇanā

Atthadassī jinavarotiādikam āyasmato sumaṅgalattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle ekasmiṃ taḷākasamīpe rukkhadevatā hutvā nibbatti. Tasmīṃ samaye bhagavā vihārato nikkhamitvā nahāyitukāmo tassa taḷākassa tīraṃ gantvā tattha nhatvā ekacīvaro jalamāno brahmā viya sūriyo viya suvaṇṇabimbaṃ viya aṭṭhāsi. Atha so devaputto somanassajāto pañjaliko thomanamakāsi, attano dibbagītātūriyehi upahāraṅca akāsi. So tena puññakammena devamanussesu sampattiyo anubhavitvā aparabhāge imasmiṃ buddhuppāde kulagehe nibbato viññutaṃ patto sathari pasīditvā pabbajitvā nacirasseva arahā ahoṣi.

11. So pacchā pubbakammaṃ saritvā somanassajāto pubbacaritāpadānaṃ pakāsentō **atthadassī jinavarotiādimāha**. Tattha paramatthaṃ nibbānaṃ dakkhati passatīti atthadassī, atha vā sabbasattānaṃ caturāriyasaccasaṅkhātaṃ atthapayojanaṃ dassanasīloti atthadassī, kilese ajini jināti jinissatīti jino. Varitabbo patthetabbo sabbasattehīti varo, atthadassī jino ca so varo cāti atthadassī jinavaro. **Lokajetṭhoti** lujjati palujjati loko, lokīyati passīyati buddhādīhi pārappattoti vā loko, loko ca loko ca loko cāti loko. Ekasesasamāsavasena “lokā”ti vattabbe “loko”ti vutto. Lokassa jetṭho lokajetṭho, so lokajetṭho narāsabhoti attho. Sesam sabbattha uttānamevāti.

Sumaṅgalattheraapadānaṅṅanā samattā.

3. Saraṅagamaniyattheraapadānaṅṅanā

Ubhinnaṃ devarājūnantiyādikaṃ āyasmato saraṅagamaniyattherassa apadānaṃ. Ayampi purimabuddhesu katādhikāro uppannuppannabhava vivaṭṭūpanissayāni puññāni upacinanto padumuttare bhagavati uppanne ayaṃ himavante devarājā hutvā nibbatti, tasmim̐ aparena yakkhadevaraññā saddhim̐ saṅgāmatthāya upaṭṭhite dve anekayakkhasahassaparivārā phalakāvudhādihathā saṅgāmatthāya samupabyūḷhā ahesuṃ. Tadā padumuttaro bhagavā tesu sattesu kāruññaṃ uppādetvā ākāseṇa tatha gantvā saparivārānaṃ dvinnāṃ devarājūnaṃ dhammaṃ desesi. Tadā te sabbe phalakāvudhāni chaḍḍetvā bhagavantaṃ gāravabahuṃānena vanditvā saraṅagamamaṃsu. Tesāṃ ayaṃ paṭhamāṃ saraṅagamamāsi. So tena puññaṇa devamanussesu saṃsaranto ubhayasampattiyo anubhavitvā imasmim̐ buddhuppāde kulagehe nibbato vuddhimanvāya satthari pasanno pabbajitvā nacirasseva arahā ahoṣi.

20. So aparabhāge pubbakusalaṃ saritvā somanassajāto pubbacaritāpadānaṃ pakāseṇo **ubhinnaṃ devarājūnantiyādimaṃ**. Tattha sucilomakharalomaḷlavakakumbhīrakuverādayo viya nāmagottena apākaṭṭā dve yakkharājāno aññāpadesena dassento “ubhinnaṃ devarājūna”ntiyādimaṃ. **Saṅgāmo samupaṭṭhitoti** saṃ suṭṭhu gāmo kalahatthāya upagamananti saṅgāmo, so saṅgāmo saṃ suṭṭhu upaṭṭhito, ekaṭṭhāne upagantvā ṭhitoti attho. **Ahoṣi samupabyūḷhoti** saṃ suṭṭhu upasamīpe rāsibhūtoti attho.

21. **Saṃvejesi mahājananti** tesāṃ rāsibhūtānaṃ yakkhānaṃ ākāse nisinnō bhagavā catusaccadhamadesanāya saṃ suṭṭhu vejesi, ādīnavadassanena gaṇhāpesi viññāpesi bodhesīti attho. Sesāṃ sabbattha uttānamevāti.

Saraṅagamaniyattheraapadānaṅṅanā samattā.

4. Ekāsaniyattheraapadānaṅṅanā

Varuṇo nāma nāmenātiyādikaṃ āyasmato ekāsaniyattherassa apadānaṃ. Ayampi purimabuddhesu katādhikāro tatha tatha bhava vivaṭṭūpanissayāni puññāni upacinanto atthadassissa bhagavato kāle varuṇo nāma devarājā hutvā nibbatti. So bhagavantaṃ disvā pasannamānaso gandhamālādīhi gītavāditehi ca upaṭṭhayamāno saparivāro pūjesi. Tato aparabhāge bhagavati parinibbute tassa mahābodhirukkhaṃ buddhadassanaṃ viya sabbatūriyatāḷāvacarehi saparivāro upahāramakāsi. So tena puññaṇa tato kālaṅkatvā nimmānaratidevaloke uppajji. Evaṃ devasampattimanubhavitvā manussesu ca manussabhūto cakkavattisampattiṃ anubhavitvā imasmim̐ buddhuppāde kulagehe nibbato viññutaṃ patvā satthu sāsane pabbajitvā nacirasseva arahā ahoṣi.

31. So pacchā sakakammaṃ saritvā taṃ tathato ñatvā somanassajāto pubbacaritāpadānaṃ pakāseṇo **varuṇo nāma nāmenātiyādimaṃ**. Tattha yadā ahaṃ sambodhanatthāya buddhaṃ bodhiñca pūjesiṃ, tadā varuṇo nāma devarājā ahoṣinti sambandho.

34. **Dharaṇīruhapādapanti** ettha rukkhalatāpabbatasattharatanādayo dhāretīti dharaṇī, tasmim̐ ruhati patitṭhahatīti dharaṇīruho. Pādena pivatīti pādapo, siñcitasīñcitodakaṃ pādena mūlena pivati rukkhakkhandhasākhāviṭapehi āporasaṃ patthariyatīti attho, taṃ dharaṇīruhapādapaṃ bodhirukkhaṇti sambandho.

35. **Sakakammābhīraddhoti** attano kusalakammaṇa abhīraddho pasanno uttame bodhimhi pasannoti sambandho. Sesāṃ sabbattha uttānamevāti.

Ekāsaniyattheraapadānaṅṅanā samattā.

5. Suvaṅṅapupphiyattheraapadānaṅṅanā

Vipassī nāma bhagavātiādikaṃ āyasmato suvaṇṇapupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ ṭhāne bhūmaṭṭhakadevaputto hutvā nibbato tassa bhagavato dhammaṃ sutvā pasannamānaso catūhi suvaṇṇapupphehi pūjesi. Tāni pupphāni ākāse suvaṇṇavitānaṃ hutvā chādesuṃ, suvaṇṇapabhā ca buddhassa sarīrapabhā ca ekato hutvā mahāobhāso ahoṣi. So atirekataraṃ pasanno sakabhavanaṃ gatopī saratiyeva. So tena puññakammena tusitabhavanādisugatīṣuyeva saṃsaranto dibbasampattiṃ anubhavitvā imasmiṃ buddhuppāde kulagehe nibbato viññutaṃ patto satthu dhammadesanaṃ sutvā sāsane uraṃ datvā pabbajito nacirasseva arahā ahoṣi.

40. So aparabhāge pubbakammaṃ saritvā somanassajāto attano pubbacaritāpadānaṃ pakāsentō **vipassī nāma bhagavāti**ādīmāha. Taṃ heṭṭhā vuttatthameva.

44. **Pāmojjaṃ janayitvānāti** balavapītiṃ uppādetvā “pāmojjaṃ āmodanā pamodanā hāso pahāso vitti odagyaṃ attamanatā cittassā”tiādīsu (dha. sa. 9, 86; mahāni. 1) viya attamanatā sakabhāvaṃ uppādetvāti attho. Sesam sabbattha uttānamevāti.

Suvaṇṇapupphiyattheraapadānavaṇṇanā samattā.

6. Citakapūjakattheraapadānavaṇṇanā

Vasāmi rājāyatanetiādikaṃ āyasmato citakapūjakattherassa apadānaṃ. Ayampi purimabuddhesu katādhikāro tato paraṃ uppannuppannabhava vivaṭṭūpanissayāni puññāni upacinanto sikhissa bhagavato kāle rājāyatanarukkhadevatā hutvā nibbato antarantarā devatāhi saddhiṃ dhammaṃ sutvā pasanno bhagavati parinibbute saparivāro gandhadīpadhūpapupphabheriādīni gāhāpetvā bhagavato āḷhanaṭṭhānaṃ gantvā dīpādīni pūjetvā anekehi tūriyehi anekehi vāditehi taṃ pūjesi. Tato paṭṭhāya sakabhavanaṃ upaviṭṭhopi bhagavantameva saritvā sammukhā viya vandati. So teneva puññena tena cittappasādena rājāyatanato kālaṃ kato tusitādīsu nibbato dibbasampattiṃ anubhavitvā tato manussesu manussasampattiṃ anubhavitvā imasmiṃ buddhuppāde kulagehe nibbato viññutaṃ patto bhagavati uppannaccittappasādo bhagavato sāsane pabbajitvā nacirasseva arahā ahoṣi.

49. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **vasāmi rājāyataneti**ādīmāha. **Rājāyataneti** devarājūnaṃ āyatanam rājāyatanam, tassa rukkhassa nāmadheyyo vā. **Parinibbute bhagavatīti** parisamantato kiñci anavasesetvā khandhāparinibbānakāle parinibbānasamaye parinibbānappattassa sikhino lokabandhunoti sambandho.

50. **Citakaṃ agamāsahanti** candanāgarudevadārūkappūratakolaḍisugandhadārūhi citaṃ rāsīgantanti citaṃ, citameva citakaṃ, buddhagāravena citakaṃ pūjanatthāya citakassa samīpaṃ ahaṃ agamāsinti attho. Tattha gantvā katakiccaṃ dassentō **tūriyaṃ tattha vādetvāti**ādīmāha. Taṃ sabbam suviññeyyamevāti.

Citakapūjakattheraapadānavaṇṇanā samattā.

7. Buddhasaññakattheraapadānavaṇṇanā

Yadā vipassī lokaggotiādikaṃ āyasmato buddhasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ bhūmaṭṭhakavimāne devaputto hutvā nibbatti. Tadā vipassī bhagavā āyusañkhāraṃ vossajji. Atha sakaladasasahasilokadhātu sasāgarapabbatā pakampittha. Tadā tassa devaputtassa bhavanampi kampittha. Tasmīṃ khaṇe so devaputto saṃsayajāto – “kiṃ nu kho pathavīkampāya nibbattī”ti cintevā buddhassa āyusañkhāravossajjabhāvaṃ ñatvā mahāsokaṃ domanassaṃ uppādesi. Tadā vessavaṇo mahārājā āgantvā “mā cintayitthā”ti assāsesi. So devaputto tato cuto tena puññena devamanussesu saṃsaranto imasmiṃ buddhuppāde kulagehe nibbato viññutaṃ patto gharāvāsaṃ pahāya pabbajitvā nacirasseva arahā ahoṣi.

57. So aparabhāge attano pubbakammaṃ saritvā somanassajāto pubbacaritāpadānaṃ pakāseno **yadā vipassī lokaggotiādīmāha**. **Āyusañkhāramossajjīti** ā samantato yunoti pāleti satteti āyu, āyussa sañkhāro rāsibhāvo āyusañkhāro, taṃ āyusañkhāraṃ ossajjī pariccaji jahāsīti attho. Tasmim āyusañkhāravossajjane. Jalamekhalāsāgarodakamekhalāsahitā sakaladasasahassacakkavāḷapathavī kampitthāti sambandho.

58. **Otataṃ vitthataṃ mayhanti** mayhaṃ bhavanaṃ otataṃ vitthataṃ cittaṃ vicittaṃ **suci** suparisuddhaṃ **cittaṃ** anekehi sattahi ratanehi vicittaṃ sobhamānaṃ **pakampittha** pakārena kampitthāti attho. Sesam sabbattha uttānamevāti.

Buddhasaññakattheraapadānavaṇṇanā samattā.

8. Maggasaññakattheraapadānavaṇṇanā

Padumuttarabuddhassātiādikaṃ āyasmato maggasaññakattherassa apadānaṃ. Ayampi purimabuddhesu katādhikāro tato oraṃ tattha tattha bhava vivaṭṭūpanissayāni puññāni upacinanto padumuttarassa bhagavato kāle himavante devaputto hutvā nibbato araññaṃ gantvā maggamūḷhānaṃ maggaṃ gavesantānaṃ tassa sāvakānaṃ bhojetvā maggaṃ ācikkhi. So tena puññaena devamanussasampattimanubhavitvā uppannuppannabhava sabbattha amūḷho saññavā ahoṣi. Atha imasmim buddhuppāde kulagehe nibbato viññutaṃ patto gharāvāse anallīno pabbajitvā nacirasseva arahā ahoṣi.

66. So aparabhāge attano pubbakammaṃ saritvā somanassajāto pubbacaritāpadānaṃ pakāseno **padumuttarabuddhassātiādīmāha**. **Sāvakā vanacārinoti** bhagavato vuttavacanaṃ sammā ādarena suṇantīti sāvakā, atha vā bhagavato desanānusārena ñānaṃ pesetvā saddhammaṃ suṇantīti sāvakā. Vanacārino vane vicaraṇakā sāvakā **vippanatthā** maggamūḷhā mahāaraññe **andhāva** cakkhuvirahitāva **anusuyyare** vicarantīti sambandho. Sesam sabbattha uttānamevāti.

Maggasaññakattheraapadānavaṇṇanā samattā.

9. Paccupaṭṭhānasaññakattheraapadānavaṇṇanā

Atthadassimhi sugatetiādikaṃ āyasmato paccupaṭṭhānasaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle yakkhayoniyaṃ nibbato bhagavati dharamāne dassanassa aladdhattā pacchā parinibbute mahāsokappatto vihāsi. Tadā hissa bhagavato sāgato nāma aggasāvako anusāsanto bhagavato sārīrikadhātupūjā bhagavati dharamāne katapūjā viya cittappasādasā mahapphalaṃ bhavati’ ti vatvā ‘‘thūpaṃ karohī’’ ti niyojito thūpaṃ kāresi, taṃ pūjetvā tato cuto devamanussesu sakkacakkavattisampattimanubhavitvā imasmim buddhuppāde sāvattiyaṃ ekasmim kulagehe nibbato viññutaṃ patto sathari pasīditvā pabbajitvā nacirasseva arahā ahoṣi.

72. So aparabhāge attano puññakammaṃ saritvā somanassajāto pubbacaritāpadānaṃ pakāseno **atthadassimhi sugatetiādīmāha**. Taṃ heṭṭhā vuttameva. **Yakkhayoniṃ upapajjinti** ettha pana attano sakāsaṃ sampattasampatte khādantā yanti gacchantīti yakkhā, yakkhānaṃ yoni jātīti yakkhayoni, yakkhayoniyaṃ nibbattoti attho.

73. **Dulladdhaṃ vata me āsīti** me mayā laddhayasaṃ dulladdhaṃ, buddhabhūtassa sathuno sakkāraṃ akatattā virādhavā laddhanti attho. **Duppabhātanti** duṭṭhu pabhātaṃ rattiyā pabhātakaraṇaṃ, mayhaṃ na suṭṭhuṃ pabhātanti attho. **Duruṭṭhitanti** duuṭṭhitam, sūriyassa uggamaṇaṃ mayhaṃ duuggamaṇanti attho. Sesam sabbattha uttānamevāti.

Paccupaṭṭhānasaññakattheraapadānavaṇṇanā samattā.

10. Jātipūjakattheraapadānavaṇṇanā

Jāyaṃ tassa vipassissātiādikaṃ āyasmato jātipūjakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle kulagehe nibbato viññutaṃ patto nakkhattapāṭhakehi vipassibodhisattassa vuttalakkhaṇanimittaṃ sutvā “ayaṃ kira kumāro buddho hutvā sakalalokassa aggo seṭṭho sutvā sabbasatte saṃsārato uddharissati”ti sutvā taṃ bhagavantaṃ kumārakāleyeva buddhassa viya mahāpūjamaḥāsi. Pacchā kamena kumārakālaṃ rājakumārakālaṃ rajjakālanti kālattayamatikkamma buddhe jātepi mahāpūjaṃ katvā tato cuto tusitādīsu nibbato dibbasukhamanubhavitvā pacchā manussesu cakkavattādīmanussasukhamanubhavitvā imasmiṃ buddhuppāde kulagehe nibbato sattaṭṭhavassakāleyeva bhagavati pasanno pabbajitvā vipassanaṃ vaḍḍhetvā nacirasseva arahā ahoṣi.

82. So aparabhāge attano pubbakammaṃ saritvā somanassajāto pubbacaritāpadānaṃ pakāsento **jāyaṃ tassa vipassissāti**ādīmāha. Taṃ heṭṭhā vuttatthameva.

84. Nemittānaṃ suṇitvānāti ettha nimittaṃ kāraṇaṃ sukhadukkhappattihetuṃ jānantīti nemittā, tesam nemittānaṃ nakkhattapāṭhakānaṃ vacanaṃ suṇitvāti attho. Sesam sabbattha uttānamevāti.

Jātipūjakattheraapadānavañṇanā samattā.

Dvādasamavaggavañṇanā samattā.

13. Sereyyavaggo

1. Sereyyakattheraapadānavañṇanā

Ajjhāyako mantadharotiādikaṃ āyasmato sereyyakattherassa apadānaṃ. Ayampi purimajinavaresu katādhikāro tato paresu attabhāvasahassesu vivaṭṭūpanissayāni puññāni upacinanto vipassissa bhagavato kāle brāhmaṇakule nibbato viññutaṃ patvā tiṇṇaṃ vedānaṃ pāraṃ gantvā itihāsādisakalabrāhmaṇadhammesu koṭippatto ekasmiṃ divase abbhokāse saparivāro ṭhito bhagavantaṃ disvā pasannamānaso sereyyapupphaṃ gahetvā ākāse khipanto pūjesi. Tāni pupphāni ākāse vitānaṃ hutvā sattāhaṃ ṭhatvā pacchā antaradhāyimsu. So taṃ acchariyaṃ disvā atīva pasannamānaso teneva pītisomanassena kālaṃ katvā tusitādīsu nibbato tattha dibbasukhamanubhavitvā tato manussasukhamanubhavitvā imasmiṃ buddhuppāde ekasmiṃ kulagehe nibbato viññutaṃ pāpuṇitvā pubbavāsanābalena satthari pasanno pabbajitvā nacirasseva arahā ahoṣi.

1. So aparabhāge purākatakusalaṃ saritvā somanassajāto pubbacaritāpadānaṃ pakāsento **ajjhāyako mantadharoti**ādīmāha. Taṃ heṭṭhā vuttatthameva.

3. Sereyyakaṃ gahetvānāti sirise bhavaṃ jātipupphaṃ sereyyaṃ, sereyyameva sereyyakaṃ, taṃ sereyyakaṃ gahetvānāti sambandho. Bhagavati pasanno jātisumanamakuḷacampakādīni pupphāni patiṭṭhapetvā pūjetuṃ kālaṃ natthitāya tattha sampattaṃ taṃ sereyyakaṃ pupphaṃ gahetvā pūjesinti attho. Sesam sabbattha uttānamevāti.

Sereyyakattheraapadānavañṇanā samattā.

2. Pupphathūpiyattheraapadānavañṇanā

Himavantassāvidūretiādikaṃ āyasmato pupphathūpiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassibuddhassa bhagavato kāle brāhmaṇakule nibbato viññutaṃ patvā sakasippe nipphattiṃ patto tattha sāraṃ apassanto gehaṃ pahāya himavantaṃ pavisitvā attanā saha gatehi pañcasissasahashehi saddhiṃ pañcābhiññā aṭṭha samāpattiyo nibbattetvā kukkuranāmapabbatasamīpe pañnasālaṃ kāretvā paṭivasati. Tadā buddhuppādabhāvaṃ sutvā sissehi saha buddhassa santikaṃ gantukāmo kenaci byādhinā pīḷito pañnasālaṃ pavisitvā sissasantikā

buddhassānubhāvaṃ lakkhaṇaṅca sutvā pasannamānaso himavantato campakāsokatilakaketakādyaneeke pupphe āharāpetvā thūpaṃ katvā buddhaṃ viya pūjetvā kālaṃ katvā brahmalokūpago ahoṣi. Atha te sissā tassa āḷaṇaṃ katvā buddhasantikaṃ gantvā taṃ pavattiṃ ārocesuṃ. Atha bhagavā buddhacakkhunā oloketvā anāgataṃsaññaṇena pākaṭṭikaraṇamakāsi. So aparabhāge imasmiṃ buddhuppāde sāvattiyaṃ kulagehe nibbato viññutaṃ patto pubbavāsanaḅalena sathari pasanno pabbajitvā nacirasseva arahā ahoṣi.

10. Atha so attano pubbakusalaṃ saritvā somanassajāto pubbacaritāpadānaṃ pakāseno **himavantassāvidūreti**ādīmāha. Taṃ heṭṭhā vuttatthameva. **Kukkuro nāma pabbatoti** pabbatassa sikharaṃ kukkurākārena sunakhākārena saṅghitattā ‘kukkurapabbato’ ti saṅkhyāṃ gato, tassa samīpe paṇṇasālaṃ katvā pañcatāpasasahashehi saha vasamānoti attho. Nayānusārena sesaṃ sabbaṃ uttānatthamevāti.

Pupphathūpiyattheraapadānavaṇṇanā samattā.

3. Pāyasadāyakattheraapadānavaṇṇanā

Suvaṇṇavaṇṇo sambuddhotiādikaṃ āyasmato pāyasadāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle ekasmiṃ vibhavasampanne kulagehe nibbato viññutaṃ patvā gharāvāsaṃ vasanto hatthiassadhanadhaññasattaratanādivibhavasampanno saddhāsampanno kammaphalaṃ saddahitvā sahasamattā suvaṇṇapātiyo kāretvā tasmīṃ khīrapāyasasahasassa pūretvā tā sabbā gāhāpetvā simbalivanaṃ agamāsi. Tasmīṃ samaye vipassī bhagavā chabbaṇṇaraṃsiyo vissajjetvā ākāse caṅkamaṃ māpetvā caṅkamati. So pana seṭṭhi taṃ acchariyaṃ disvā atīva pasanno pātiyo ṭhapetvā vanditvā ārocesi paṭiggahaṇāya. Atha bhagavā anukampaṃ upādāya paṭiggahesi, paṭiggahetvā ca pana tassa somanussuppādanatthaṃ sahasamattehi bhikkhusaṅghehi saddhiṃ paribhuñji, tadavasesaṃ anekasahasabhikkhū paribhuñjimsu. So tena puññaṇa sugatīsuyeva saṃsaranto imasmiṃ buddhuppāde kulagehe nibbato viññutaṃ patto saddhājāto pabbajitvā nacirasseva arahā ahoṣi.

26. So aparabhāge attano kusalaṃ paccavekkhamāno taṃ saritvā somanassajāto pubbacaritāpadānaṃ pakāseno **suvaṇṇavaṇṇo sambuddhoti**ādīmāha. Taṃ heṭṭhā vuttameva.

28. Caṅkamaṃ susamārūḷhoti cadinanto padavikkhepaṃ karonto kamati gacchatīti caṅkamaṃ, caṅkamassa padavikkhepassa ādhārahūtapathavipadeso caṅkamaṃ nāmāti attho, etaṃ caṅkamaṃsu visesena ārūḷhoti sambandho. **Ambare anilāyaneti** varīyati chādiyati anenāti vamaṃ, na baranti ambaraṃ, setavattasadiṣaṃ ākāsaṃ attho. Natthi nilīyanaṃ gopanaṃ etthāti anilaṃ, ā samantato yanti gacchanti anena iddhimantoti āyanaṃ, anilaṅca taṃ āyanañceti anilāyanaṃ, tasmīṃ ambare anilāyane caṅkamaṃ māpayinti attho. Sesaṃ sabbattha uttānamevāti.

Pāyasadāyakattheraapadānavaṇṇanā samattā.

4. Gandhodakiyattheraapadānavaṇṇanā

Nisajja pāsādavaretiādikaṃ āyasmato gandhodakiyattherassa apadānaṃ. Ayampi purimabuddhesu katādhikāro tattha tattha bhava nibbānūpanissayāni puññāni upacinanto vipassībhagavato kāle seṭṭhikule nibbato viññutaṃ patvā mahaddhano mahābhogo dibbasukhamanubhavanto viya manussasukhamanubhavanto ekasmiṃ divase pāsādavare nisinno hoti. Tadā bhagavā suvaṇṇamahāmeru viya vīthiyā vicarati, taṃ vicaramānaṃ bhagavantaṃ disvā pasannamānaso gantvā vanditvā sugandhodakena bhagavantaṃ osiñcamāno pūjesi. So tena puññaṇa devamanussesu saṃsaranto imasmiṃ buddhuppāde ekasmiṃ kulagehe nibbato viññutaṃ patto gharāvāsena anallīno sathu santike pabbajitvā kammaṭṭhānaṃ gahetvā vipassanaṃ vaḍḍhetvā nacirasseva arahā ahoṣi.

35. So aparabhāge attano pubbakusalaṃ saritvā somanassajāto pubbacaritāpadānaṃ pakāseno **nisajja pāsādavareti**ādīmāha. Tattha **pāsādoti** pasādaṃ somanassaṃ janeti uppādetīti pāsādo, mālākammacittakammasuvaṇṇakammādyanekevicittaṃ disvā tattha pavitṭhānaṃ janānaṃ pasādaṃ janayatīti attho. Pāsādo ca so patthetabbaṭṭhena varo cāti pāsādavaro, tasmim̐ pāsādavare nisajja nisīditvā vipassim̐ jinavaraṃ addasanti sambandho. Sesam̐ sabbattha uttānamevāti.

Gandhodakiyattheraapadānavaṇṇanā samattā.

5. Sammukhāthavikattheraapadānavaṇṇanā

Jāyamāne vipassimhītiādikaṃ āyasmato sammukhāthavikattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle brāhmaṇakule nibbato sattavassikakāleyeva sakasippe nipphattiṃ patto gharāvāsaṃ saṅghapetvā vasanto vipassimhi bodhisatte uppanne sabbabuddhānaṃ lakkhaṇāni vedattaye dissamānāni tāni rājappamukhassa janakāyassa vipassibodhisattassa lakkhaṇaṇca buddhabhāvaṇca byākāritvā janānaṃ mānasaṃ nibbāpesi, anekāni ca thutivacanāni nivedesi. So tena kusalakammena cha kāmāvacarasampattiyo anubhavitvā manussesu ca cakkavattisampattiyo anubhavitvā imasmim̐ buddhuppāde kulagehe nibbato viññutaṃ patto saddhājāto pabbajitvā nacirasseva arahā ahoṣi. Katakusalanāmena **sammukhāthavikattheroti** pākaṭo.

41. So attano pubbakammaṃ saritvā somanassajāto pubbacaritāpadānaṃ pakāseno **jāyamāne vipassimhīti**ādīmāha. **Vipassimhi** sammāsambuddhe **jāyamāne** uppajjamāne mātukucchito nikkhante ahaṃ pātubhūtaṃ **nimittaṃ** kāraṇaṃ buddhabhāvassa hetuṃ **byākariṃ** kathesiṃ, anekāni acchariyāni pākaṭāni akāsinti attho. Sesam̐ vuttanayānusārena suviññeyyamevāti.

Sammukhāthavikattheraapadānavaṇṇanā samattā.

6. Kusumāsaniyattheraapadānavaṇṇanā

Nagare dhaññavatiyātiādikaṃ āyasmato kusumāsaniyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle brāhmaṇakule nibbato viññutaṃ patto mahaddhano mahābhogo tiṇṇaṃ vedānaṃ pāraṃ gato brāhmaṇasippesu koṭippatto sakaparasamayakusalo mātāpitaro pūjetukāmo pañca uppalakalāpe attano samīpe ṭhapetvā nisinno bhikkhusaṅghaparivutaṃ vipassim̐ bhagavantaṃ āgacchantam̐ disvā nīlapītādiḅhanabuddharasmiyo ca disvā pasannamānaso āsanaṃ paññāpetvā tattha tāni pupphāni santharitvā bhagavantaṃ tattha nisīdāpetvā sakaghare mātu atthāya paṭiyattāni sabbāni khādanīyabhojanīyāni gahetvā saparivāraṃ bhagavantaṃ sahatthena santappento bhojesi. Bhojanāvasāne ekaṃ uppalahatthaṃ adāsi. Tena somanassajāto patthanaṃ akāsi. Bhagavāpi anumodanaṃ katvā pakāmi. So tena puññena devamanussesu dve sampattiyo anubhavitvā imasmim̐ buddhuppāde sāvattiyaṃ vibhavasampanne ekasmim̐ kule nibbato viññutaṃ patto bhogayasehi vaḍḍhito kāmesu ādīnavaṃ disvā gharāvāsaṃ pahāya pabbajito nacirasseva arahā ahoṣi.

65. So aparabhāge pubbe katakusalaṃ pubbenivāsaññāna saritvā somanassappatto pubbacaritāpadānaṃ pakāseno **nagare dhaññavatiyāti**ādīmāha. Dhaññānaṃ puññavantaṃ khattiyabrāhmaṇagahapatimahāsālānaṃ anekesaṃ kulānaṃ ākarattā dhaññavatī, atha vā muttāmaññādisattaratanānaṃ sattavidhadhaññānaṃ upabhogaparibhogānaṃ ākarattā dhaññavatī, atha vā dhaññānaṃ buddhappaccakabuddhakhīṇāsavānaṃ vasanaṭṭhānaṃ ārāmaṃvihārādīnaṃ ākarattā dhaññavatī, tassā **dhaññavatiyā**. Nagaranti patthenti ettha upabhogaparibhogatthikā janāti nagaraṃ, na gacchatīti vā nagaṃ, rājayavarājamahāmatādīnaṃ vasanaṭṭhānaṃ. Nagaṃ rāti ādadāti gaṇhātīti nagaraṃ, rājādīnaṃ vasanaṭṭhānasamūhabhūtaṃ pākāraparikhādīhi parikkhittaṃ paricchinnatṭhānaṃ nagaraṃ nāmāti attho. **Nagare** yadā ahaṃ vipassissa bhagavato santike byākaraṇaṃ alabhiṃ, tadā tasmim̐ dhaññavatiyā nagare brāhmaṇo ahoṣinti sambandho. Sesam̐ sabbattha uttānamevāti.

Kusumāsaniyattheraapadānavaṇṇanā samattā.

7. Phaladāyakattheraapadānavaṇṇanā

Ajjhāyako mantadharotiādikaṃ āyasmato phaladāyakattherassa apadānaṃ. Ayampi purimabuddhesu katādhikāro anekesu bhavesu vivaṭṭūpanissayāni puñṇāni upacinanto padumuttarassa bhagavato kāle brāhmaṇakule nibbato viññutaṃ patvā vedattayādisakasippesu pārappatto anekesaṃ brāhmaṇasahassāniṃ pāmokkho ācariyo sakasippānaṃ pariyoṣānaṃ adisvā tattha ca sāraṃ apassanto gharāvāsaṃ pahāya isipabbajjaṃ pabbajitvā himavantassa avidūre assamaṃ kāretvā saha sissehi vāsaṃ kappesi, tasmim̄ samaye padumuttaro bhagavā bhikkhāya caramāno tassānukampāya taṃ padesaṃ sampāpuṇi. Tāpaso bhagavantaṃ disvā pasannamānaso attano athāya puṭake nikkhipitvā rukkhagge laggitāni madhurāni padumaphalāni madhunā saha adāsi. Bhagavā tassa somanassuppādanatthaṃ passantasseva paribhuñjitvā ākāse ṭhito phaladānānisamaṃ kathetvā pakkāmi.

75. So tena puñṇena devamanussesu saṃsaranto ubhayasampattiyo anubhavitvā imasmim̄ buddhuppāde vibhavasampanne ekasmim̄ kulagehe nibbato sattavassikoyeva arahattaṃ patvā pubbe katakusalakammaṃ saritvā somanassajāto pubbacaritāpadānaṃ pakāsento **ajjhāyako mantadharoti**ādīmāha. Tattha ajjheti cintetīti ajjhāyi, ajjhāyiyeva ajjhāyako. Ettha hi akāro ‘‘paṭisedhe vuddhitabbhāve...pe... akāro virahappake’’ti evaṃ vuttesu dasasu atthesu tabbhāve vattati. Sissānaṃ savanadhāraṇādivasena hitaṃ ajjheti cinteti sajjhāyaṃ karotīti **ajjhāyako**, cintakoti attho. Ācariyassa santike uggahitaṃ sabbaṃ mantāṃ manena dhāreti pavattetīti **mantadharo**. **Tiṇṇaṃ vedāna pārāgūti** vedaṃ vuccati ñāṇaṃ, vedena veditabbā bujjhitabbāti vedā, iruvedaya juvedasā mavedasankhātā tayo ganthā, tesāṃ vedānaṃ pārāṃ pariyoṣānaṃ koṭiṃ gato pattoti pārāgū. Sesāṃ pākāṭamevāti

Phaladāyakattheraapadānavaṇṇanā samattā.

8. Ñāṇasaññikattheraapadānavaṇṇanā

Pabbate himavantamhītiādikaṃ āyasmato ñāṇasaññikattherassa apadānaṃ. Ayampi purimabuddhesu katādhikāro tasmim̄ tasmim̄ uppannuppanne bhave vivaṭṭūpanissayāni puñṇāni upacinanto vipassissa bhagavato kāle kulagehe nibbato vuddhippato gharāvāsaṃ pahāya tāpasapabbajjaṃ pabbajitvā himavantassa avidūre pabbatantare paṇṇasālaṃ kāretvā pañcābhīññāṭṭhasamāpattiyo nibbattetvā vasanto ekadivasāṃ parisuddhaṃ paṇḍaraṃ pulinatalaṃ disvā ‘‘īdisā parisuddhā buddhā, īdisaṃva parisuddhaṃ buddhañāṇa’’nti buddhañca tassa ñāṇañca anussari thomesi ca.

84. So tena puñṇena devamanussesu saṃsaranto ubhayasampattiyo anubhavitvā imasmim̄ buddhuppāde ekasmim̄ kulagehe nibbato viññutaṃ patvā sāsane pabbajitvā nacirasseva arahattaṃ patto pubbe katapuññaṃ anussarivā somanassajāto pubbacaritāpadānaṃ pakāsento ‘‘pabbate himavantamhī’’tiādīmāha. **Pulinaṃ sobhanaṃ disvāti** paripuṇṇakataṃ viya pulākārena parisodhitākārena pavattaṃ ṭhitanti pulinaṃ, sobhanaṃ vālukaṃ disvā seṭṭhaṃ buddhaṃ anussarinti attho. Sesāṃ suviññeyyamevāti.

Ñāṇasaññikattheraapadānavaṇṇanā samattā.

9. Gaṇṭhipupphiyattheraapadānavaṇṇanā

Suvaṇṇavaṇṇo sambuddhotiādikaṃ āyasmato gaṇṭhipupphiyattherassa apadānaṃ. Ayampi purimabuddhesu katādhikāro anekāsu jātīsu katapuññañcaṃ vipassissa bhagavato kāle ekasmim̄ kulagehe nibbato upabhogaparibhogehe anūno ekadivasāṃ vipassim̄ bhagavantaṃ sagaṇaṃ disvā pasannamānaso lājāpañcamehi pupphehi pūjesi. So teneva cittappasādena yāvatāyukaṃ ṭhatvā tato devaloke nibbato dibbasampattiṃ anubhavitvā aparabhāge manussesu manussasampattiṃ anubhavitvā imasmim̄ buddhuppāde ekasmim̄ kulagehe nibbato saddhājāto pabbajitvā nacirasseva arahattaṃ pāpuṇi.

91. So ekadivasam pubbe katapuññaṃ saritvā somanassajāto “iminā kusalenāhaṃ nibbānaṃ patto”ti pubbacaritāpadānaṃ pakāseno **suvaṇṇavaṇṇo sambuddhoti**ādīmāha. Taṃ sabbaṃ heṭṭhā vuttanayattā uttānatthamevāti.

Gaṇṭhipupphiyattheraapadānavaṇṇanā samattā.

10. Padumapūjakattheraapadānavaṇṇanā

Himavantassāvidūretiādikaṃ āyasmato padumapūjakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto padumuttarassa bhagavato kāle brāhmaṇakule nibbato viññutaṃ patvā sakasippe nipphattiṃ patvā tattha sāraṃ apassanto buddhuppattito puretaṃ uppannattā ovādānusāsaṃ alabhitvā gharāvāsaṃ pahāya isipabbajjaṃ pabbajitvā himavantassa avidūre gotamakaṃ nāma pabbataṃ nissāya assamaṃ kāretvā pañcābhīṇṇā aṭṭha samāpattiyo nibbattetvā jhānasukheneva vihāsi. Tadā padumuttaro bhagavā buddho hutvā satte saṃsārato uddharanto tassānukampāya himavantaṃ agamāsi. Tāpaso bhagavantaṃ disvā pasannamānaso sakasisse samānetvā tehi padumapupphāni āharāpetvā pūjesi. So tena puññaṇa devamanussesu saṃsaranto ubhayasampattiyo anubhavitvā imasmiṃ buddhuppāde sāvattiyaṃ kulagehe nibbato saddho pasanno pabbajitvā nacirasseva arahā ahoṣi.

97. So attano puññaṇakammaṃ saritvā somanassajāto pubbacaritāpadānaṃ pakāseno **himavantassāvidūreti**ādīmāha. **Gotamo nāma pabbatoti** anekesaṃ yakkhadevatānaṃ āvāsabhāvena adhiṭṭhānavasena gotamassa bhavanattā gotamoti pākāto ahoṣi. Pavattati tiṭṭhatīti pabbato. **Nāgarukkhehi sañchannoti** ruhatī tiṭṭhatīti rukkho. Atha vā pathaviṃ khananto uddhaṃ ruhatīti rukkho, nānā anekappakārā campakakappūranāgaagarucandanādayo rukkhatī nānārukkha, tehi nānārukkhehi sañchanno parikiṇṇo gotamo pabbatoti sambandho. **Mahābhūtagaṇālayoti** bhavanti jāyanti uppajjanti vaḍḍhanti cāti bhūtā, mahantā ca te bhūtā cāti mahābhūtā, mahābhūtānaṃ gaṇo samūhoti mahābhūtagaṇo, mahābhūtagaṇassa ālayo patiṭṭhāti mahābhūtagaṇālayo.

98. **Vemajjhamhi ca tassāsīti** tassa gotamassa pabbatassa vemajjhe abbhantare assamo abhinimmitto nipphādito katoti attho. Sesam uttānamevāti.

Padumapūjakattheraapadānavaṇṇanā samattā.

Terasamavaggavaṇṇanā samattā.

14. Sobhitavaggo

1. Sobhitattheraapadānavaṇṇanā

Padumuttaro nāma jinotiādikaṃ āyasmato sobhitattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto padumuttarassa bhagavato kāle ekasmiṃ kulagehe nibbato viññutaṃ patto gharāvāsaṃ saṅṭhapetvā ekadivasam satthārā dhamme desiyamāne somanassena pasannamānaso nānappakārehi thomesi. So teneva somanassena kālaṃ katvā devesu nibbato tattha dibbasukhaṃ anubhavitvā manussesu ca manussasukhaṃ anubhavitvā imasmiṃ buddhuppāde sāvattiyaṃ kulagehe nibbato sattavassikova pabbajitvā nacirasseva chaḷabhiṇṇo arahā ahoṣi.

1. So aparabhāge attano pubbakammaṃ saritvā somanassajāto pubbacaritāpadānaṃ pakāseno **padumuttaro nāma jinoti**ādīmāha. Taṃ sabbaṃ heṭṭhā vuttanayattā suviññeyyamevāti.

Sobhitattheraapadānavaṇṇanā samattā.

2. Sudassanattheraapadānaṇṇā

Vitthatāya nadītīretīādikaṃ āyasmato sudassanattherassa apadānaṃ. Ayampi purimajjinavaresu katādhikāro tattha tattha bhava katapuññūpacayo sikhissa bhagavato kāle kulagehe nibbato vuddhippatto gharāvāsaṃ saṅghapetvā vasanto vitthatāya nāma gaṅgāya samīpe pilakkhuphalitaṃ pariyesanto tassā tīre nisinnaṃ jalamānaaggisikhaṃ iva sikhim sammāsambuddhaṃ disvā pasannamānaso ketakīpupphaṃ vaṇṭeneva chinditvā pūjento evamāha – “bhante, yena ñāṇena tvaṃ evaṃ mahānubhāvo sabbaññubuddho jāto, taṃ ñāṇaṃ ahaṃ pūjemī”’ti. Atha bhagavā anumodanamakāsi. So tena puññaena devamanussesu jāto ubhaya sampattiyo anubhavitvā imasmim buddhuppāde ekasmim kulagehe nibbato satthari pasanno pabbajitvā nacirasseva arahā ahoṣi.

10. So attano katakusalaṃ saritvā somanassajāto pubbacaritāpadānaṃ pakāsento **vitthatāya nadītī**retīādīmāha. Tattha **vitthatāyā**ti vittharati pattharati vitthiṇṇā hotīti vitthatā, nadanti saddaṃ karonti itā gatā pavattāti nadī, nadiṃ tarantā etaṃ patvā tiṇṇā nāma hontīti tīraṃ, tassā vitthatāya nadiyā tīre tīrasamīpeti attho. **Ketakiṃ pupphitaṃ disvā**ti kucchitākārena gaṇhantānaṃ hatthaṃ kaṇḍako chindati vijjhatīti ketam, ketassa eṣā ketakīpupphaṃ, taṃ disvā vaṇṭam chinditvāti sambandho.

11. **Sikhino lokabandhuno**ti sikhī vuccati aggi, sikhīsadisā nīlapītādibhedā jalamānā chabbaṇṇaghanaraṃsiyo yassa so sikhī, lokassa sakalalokattayassa bandhu ñātakoti lokabandhu, tassa sikhino lokabandhuno ketakīpupphaṃ vaṇṭe chinditvā pūjesinti sambandho. Sesam uttānatthamevāti.

Sudassanattheraapadānaṇṇā samattā.

3. Candanapūjanakattheraapadānaṇṇā

Candabhāgānadītīretīādikaṃ āyasmato candanapūjanakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto atthadassissa bhagavato kāle himavante candabhāgānadiyā samīpe kinnarayoniyam nibbato pupphabhakko pupphanivasano candanaagaruādīsu gandhavibhūṣito himavante bhummadevatā viya uyyānakīḷajalakīḷādiānekasukhaṃ anubhavanto vāsaṃ kappesi. Tadā atthadassī bhagavā tassānukampāya himavantam gantvā ākāṣato oruyha saṅghāṭim paññāpetvā nisīdī. So kinnaro taṃ bhagavantam vijjotamānaṃ tattha nisinnaṃ disvā pasannamānaso sugandhacandanena pūjesi. Tassa bhagavā anumodanaṃ akāsi.

17. So tena puññaena tena somanassena yāvātāyukaṃ ṭhatvā tato cuto devaloke nibbato aparāparam cha kāmāvacarasampattiyo anubhavitvā manussesu cakkavattirajjapadesarajjasampattiyo anubhavitvā imasmim buddhuppāde kulagehe nibbato viññutaṃ patto pabbajitvā nacirasseva arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **candabhāgānadītī**retīādīmāha. Tattha candaṃ manaṃ ruciṃ ajjhāsayam ñatvā viya jātoti cando. Candamaṇḍalena pasannanimmalodakena ubhosu passesu muttādalasadisasantharadhavalapulinatalena ca samannāgatattā candena bhāgā sadisāti candabhāgā, tassā candabhāgāya nadiyā tīre samīpeti attho. Sesam sabbaṃ heṭṭhā vuttanayattā suviññeyamevāti.

Candanapūjanakattheraapadānaṇṇā samattā.

Aṭṭhamabhāṇavāraṇṇā samattā.

4. Pupphacchadaniyattheraapadānaṇṇā

Sunando nāma nāmenātiādikaṃ āyasmato pupphacchadaniyattherassa apadānaṃ. Ayampi purimabuddhesu katādhikāro anekesu bhavesu vivaṭṭūpanissayāni puññaṇi upacinanto padumuttarassa bhagavato kāle brāhmaṇakule nibbato viññutaṃ patvā sakasippesu nipphattiṃ patto mahābhogo mahāyaso

dānābhirato ahoṣi. Ekadivasam so ‘sakalajambudīpe ime yācakā nāma ‘ahaṃ dānaṃ na laddhosmī’ ti vattuṃ mā labhantū’ ti mahādānaṃ sajjesi. Tadā padumuttaro bhagavā saparivāro ākāsenā gacchati. Brāhmaṇo taṃ disvā pasannacitto sakasisse pakkosāpetvā pupphāni āharāpetvā ākāse ukkhipitvā pūjesi. Tāni sakalanagaraṃ chādetvā satta divasāni aṭṭhaṃsu.

26. So tena puññakammena devamanussesu sukhaṃ anubhavitvā imasmiṃ buddhuppāde sāvattiyam ekasmiṃ kulagehe nibbato saddhājāto pabbajitvā khuraggeya arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **sunando nāma nāmenā**tiādīmāha. Taṃ heṭṭhā vuttanayattā suviññeyyamevāti.

Pupphacchadaniyattheraapadānavaṇṇanā samattā.

5. Rahosaññakattheraapadānavaṇṇanā

Himavantassāvidūretiādikaṃ āyasmato rahosaññakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto ekasmiṃ buddhasuññakāle majjhimadese brāhmaṇakule nibbato vuddhimanvāya sakasippesu nipphattiṃ patvā tattha sāraṃ apassanto kevalaṃ udaraṃ pūretvā kodhamadamānādayo akusaleyeva disvā gharāvāsaṃ pahāya himavantaṃ pavisitvā isipabbajjaṃ pabbajitvā anekatāpasasataparivāro vasabhapabbatasamīpe assamaṃ māpetvā tīṇi vassasahassāni himavanteyeva vasamāno ‘ahaṃ ettakānaṃ sissānaṃ ācariyoti sammato garuṭṭhāniyo garukātabbo vandanīyo, ācariyo me natthī’ ti domanassappatto te sabbe sisse sannipādetvā buddhānaṃ abhāve nibbānādhigamābhāvaṃ pakāsetvā sayaṃ ekako raho vivekaṭṭhāneva nisinno buddhassa sammukhā nisinno viya buddhasaṅghaṃ manasi karitvā buddhārammaṇaṃ pītiṃ uppādetvā sālāyaṃ pallaṅkaṃ ābhujitvā nisinno kālaṃ katvā brahmaloke nibbatti.

34. So tattha jhānasukhena ciraṃ vasitvā imasmiṃ buddhuppāde kulagehe nibbato kāmesu anallīno sattavassiko pabbajitvā khuraggeya arahattaṃ patvā chaḷabhiñño hutvā pubbenivāsaññaṇena attano pubbakammaṃ saritvā sañjātasomanasso pubbacaritāpadānaṃ pakāsento **himavantassāvidūreti**ādīmāha. **Vasabho nāma pabbatoti** himavantapabbataṃ vinā sesapabbatānaṃ uccatarabhāvena seṭṭhatarabhāvena vasabhoti saṅkhaṃ gato pabbatoti attho. Sesam sabbattha uttānatthamevāti.

Rahosaññakattheraapadānavaṇṇanā samattā.

6. Campakapupphiyattheraapadānavaṇṇanā

Kaṇikāraṃva jotantantiādikaṃ āyasmato campakapupphiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vessabhussa bhagavato kāle brāhmaṇakule nibbato vuddhippato sakasippesu nipphattiṃ patvā tattha sāraṃ apassanto gharāvāsaṃ pahāya tāpasapabbajjaṃ pabbajitvā vanantare vasanto vessabhuṃ bhagavantaṃ uddissa sissehi ānītehi campakapupphehi pūjesi. Bhagavā anumodanaṃ akāsi. So teneva kusalena devamanussesu saṃsaranto ubhayasampattiyo anubhavitvā imasmiṃ buddhuppāde kulagehe nibbato viññutaṃ pāpuṇitvā pubbavāsanābalena gharāvāse anallīno pabbajitvā nacirasseva arahā ahoṣi.

41. So aparabhāge attano pubbapuññakammaṃ saritvā somanassajāto pubbacaritāpadānaṃ pakāsento **kaṇikāraṃva jotantanti**ādīmāha. Tattha **kaṇikāraṃ**ti sakalappatpālāsāni paribhājja pādetvā pupphagahaṇasamaye kaṇṇikābaddho hutvā pupphamakuḷānaṃ gahaṇato kaṇṇikākārena pakatoti kaṇikāro, ‘kaṇṇikāro’ ti vattabbe niruttinayena ekassa pubba ṇa-kārassa lopaṃ katvā ‘kaṇikāra’ nti vuttanti daṭṭhabbaṃ. Taṃ pupphitaṃ kaṇṇikārukkhaṃ iva jotantaṃ buddhaṃ addasanti attho. Sesam uttānatthamevāti.

Campakapupphiyattheraapadānavaṇṇanā samattā.

7. Atthasandassakattheraapadānavañṇanā

Visālamāle āsīnotiādikaṃ āyasmato atthasandassakattherassa apadānaṃ. Ayampi purimabuddhesu katādhikāro anekesu attabhāvesu katapuññūpacayo padumuttarassa bhagavato kāle brāhmaṇakule nibbatto vuddhimanvāya sakasippesu nipphattiṃ patto tattha sāraṃ apassanto gehaṃ pahāya himavantam gantvā ramaṇīye thāne pañṇasālaṃ katvā paṭivasati, tadā sattānukampāya himavantamāgataṃ padumuttarabhagavantam disvā pasannamānaso pañcaṅgasamannāgato vanditvā thutivacanehi thomesi. So tena puññena yāvatāyukaṃ katvā kālaṅkatvā brahmalokūpago ahoṣi. So aparabhāge imasmiṃ buddhuppāde kulagehe nibbatto viññutaṃ patto satthu dhammadesanaṃ sutvā paṭiladdhasaddho pabbajitvā arahattaṃ pāpuṇi.

47. So attano pubbakammaṃ saritvā somanassajāto pubbacaritāpadānaṃ pakāsento **visālamāle āsīnotiādīmāha**. Tattha **visālamāleti** visālaṃ patthaṃ vitthiṇṇaṃ mahantaṃ mālaṃ visālamālaṃ, tasmīṃ visālamāle **āsīno** nisīno ahaṃ lokanāyakaṃ addasanti sambandho. Tesam suviññeyyamevāti.

Atthasandassakattheraapadānavañṇanā samattā.

8. Ekapasādaniyattheraapadānavañṇanā

Nārado iti me nāmantiādikaṃ āyasmato ekapasādaniyattherassa apadānaṃ. Ayampi purimabuddhesu katādhikāro anekāsu jātīsu katakusalo atthadassissa bhagavato kāle brāhmaṇakule nibbatto kesavoti pākaṭo hutvā viññutaṃ patvā gharāvāsaṃ pahāya pabbajitvā vasanto ekadivasaṃ satthu dhammadesanaṃ sutvā pasannamānaso añjaliṃ paggayha ativiya pītīsomanassajāto pakkāmi. So yāvatāyukaṃ thatvā teneva somanassena kālaṃ katvā devesu nibbatto tattha dibbasampattiṃ anubhavitvā manussesu uppanno tattha sampattiyo anubhavitvā imasmiṃ buddhuppāde aññatarasmiṃ kulagehe nibbatto vuddhippatto sathari pasīditvā pabbajito nacirasseva arahā ahoṣi.

55. So aparabhāge attano katakusalakammaṃ saritvā somanassajāto pubbacaritāpadānaṃ pakāsento **nārado iti me nāmantiādīmāha**. Tattha **nāradoti** jātīvasena suddhasarīrattā natthi rajo dhūli malaṃ etassāti nārado, ja-kārassa da-kāraṃ katvā nāradoti kuladattikaṃ nāmaṃ. **Kesavoti** kisavacchagotte jātattā kesavo nārada kesavo iti maṃ janā **vidū** jānantīti attho. Sesam pākaṭamevāti.

Ekapasādaniyattheraapadānavañṇanā samattā.

9. Sālapupphadāyakattheraapadānavañṇanā

Migarājā tadā āsīntiādikaṃ āyasmato sālapupphadāyakattherassa apadānaṃ. Ayampi purimabuddhesu katādhikāro tattha tattha bhava katakusalasañcayo kenaci kammacchiddena himavante sīhayoniyam nibbatto anekasīhparivāro vihāsi. Tadā sikhī bhagavā tassānukampāya himavantam agamāsi. Sīho tam upagataṃ disvā pasannamānaso sākābhāṅgena sakaṇṇikasālapuppham gahetvā pūjesi. Bhagavā tassa anumodanaṃ akāsi.

60. So tena puññena devamanussesu saṃsaranto ubhayasampattiyo anubhavitvā imasmiṃ buddhuppāde ekasmiṃ kulagehe nibbatto viññutaṃ patvā sathari pasanno pabbajitvā arahattaṃ patto attano pubbakammaṃ saritvā somanassajāto pubbacaritāpadānaṃ pakāsento **migarājā tadā āsīntiādīmāha**. Tattha maraṇam gacchantīti migā, atha vā ghāsaṃ magganti gavesantīti migā, migānam rājā migarājā. Sakalacatuppadānaṃ rājabhāve satipi gāthābandhasukhatthaṃ mige ādiṃ katvā migarājāti vuttaṃ. Yadā bhagavantam disvā sapuppham sālasākham bhañjitvā pūjesiṃ, tadā ahaṃ migarājā ahoṣīti attho.

62. **Sakosam pupphamāharinti** sakaṇṇikaṃ sālapuppham āharim pūjesīti attho. Sesam uttānathamevāti.

Sālapupphadāyakattheraapadānavaṇṇanā samattā.

10. Piyālaphaladāyakattheraapadānavaṇṇanā

Parodhako tadā āsintiādikaṃ āyasmato piyālaphaladāyakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato kāle nesādakule nibbato himavante ekasmiṃ pabbhāre mige vadhitvā jīvikam kappetvā vasati. Tasmim kāle tattha gataṃ sikhim bhagavantaṃ disvā pasannamānaso sāyaṃ pātaṃ namassamāno kañci deyyadhamaṃ apassanto madhurāni piyālaphalāni uccinitvā adāsi. Bhagavā tāni paribhuñji. So nesādo buddhārammaṇāya pītiyā niraṇṭaraṃ phuṭṭhasarīro pāpakamme virattacitto mūlaphalāhāro nacirasseva kālaṃ katvā devaloke nibbatti.

66. So tattha dibbasampattiyo anubhavitvā manussesu ca anekavidhasampattiyo anubhavitvā imasmiṃ buddhuppāde gahapatikule nibbato viññutaṃ patto gharāvāsaṃ saṅṭhapetvā tattha anabhīrato geḥaṃ pahāya satthu santike pabbajitvā vipassanaṃ vaḍḍhetvā nacirasseva arahattaṃ patto attano kataphaladānakammaṃ saritvā somanassajāto pubbacaritāpadānaṃ pakāseno **parodhako tadā āsintiādimaḥa**. Tattha yadā ahaṃ piyālaphalam datvā cittaṃ pasādesim, tadā ahaṃ parodhako āsinti sambandho. **Parodhakoti** parasattarodhako vihesako. “Pararodhako”ti vattabbe pubbassa ra-kārassa lopaṃ katvā “parodhako”ti vuttaṃ.

69. **Paricāriṃ vināyakanti** taṃ nibbānapāpakaṃ sathhāraṃ, “bhante, imaṃ phalaṃ paribhuñjathā”ti pavāriṃ nimantesim ārādhēsinti attho. Sesam suviññeyyamevāti.

Piyālaphaladāyakattheraapadānavaṇṇanā samattā.

Cuddasamavaggavaṇṇanā samattā.

15. Chattavaggo

1. Atichattiyattheraapadānavaṇṇanā

Parinibbute bhagavatītiādikaṃ āyasmato atichattiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle ekasmiṃ kulagehe nibbato dharamānassa bhagavato adiṭṭhattā parinibbutakāle “aho mama parihānī”ti cintetvā “mama jātim saphalam karissāmī”ti katasanniṭṭhāno chattādhichattaṃ kāretvā tassa bhagavato sarīradhātuṃ nihitadhātugabbhaṃ pūjesi. Aparabhāge pupphacchattaṃ kāretvā tameva dhātugabbhaṃ pūjesi. So teneva puñña devamanussesu saṃsaranto ubhayasampattiyo anubhavitvā imasmiṃ buddhuppāde gahapatikule nibbato viññutaṃ patto sathhari pasanno pabbajitvā kammaṭṭhānaṃ gahetvā vāyamanto nacirasseva arahattaṃ pāpuṇi.

1. So attano pubbakammaṃ saritvā somanassajāto pubbacaritāpadānaṃ pakāseno **parinibbute bhagavatī**tiādimaḥa. Tattha **chattātichattanti** chādiyati saṃvāriyati ātapādinti chattaṃ, chattaṃ atichattaṃ chattaṃ upari katachattaṃ chattātichattaṃ, chattaṃ uparūpari chattaṃ attho. **Thūpamhi abhiropayinti** thūpiyati rāsikarīyatīti thūpo, atha vā thūpati thirabhāvena vuddhim virūlhim vepullaṃ āpajjamāno patiṭṭhātīti thūpo, tasmim thūpamhi mayā kāritaṃ chattaṃ uparūpari ṭhapanavasena abhi vīsesena āropayim pūjesinti attho.

2. **Pupphacchadanaṃ katvānāti** vikaṣitehi sugandhehi anekehi phupphehi chadanaṃ chattupari vitānaṃ katvā pūjesinti attho. Sesam sabbattha uttānatthamevāti.

Atichattiyattheraapadānavaṇṇanā samattā.

2. Thambhāropakatteraapadānavañṇanā

Nibbute lokanāthamhītiādikaṃ āyasmato thambhāropakatterassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto dhammadassissa bhagavato kāle kulagehe nibbato saddho pasanno parinibbute bhagavati tassa bhagavato dhātugabbhamālake thambhaṃ nikhanitvā dhajaṃ āropesi. Bahūni jātisumanapupphāni ganthitvā nisseṇiyā ārohitvā pūjesi.

5. So yāvātāyukaṃ ṭhatvā kālaṃ katvā devamanussesu saṃsaranto ubhayasampattiyo anubhavitvā sabbattha pūjito imasmim buddhuppāde ekasmim kulagehe nibbato daharakālato pabhuti pūjanīyo sāsane baddhasaddho pabbajitvā saha paṭisambhidāhi arahattaṃ patto attano pubbakammaṃ saritvā somanassajāto pubbacaritāpadānaṃ pakāsento **nibbute lokanāthamhīti**ādīmāha. Tattha **nibbute lokanāthamhīti** sakalalokassa nāthe padhānabhūte paṭisaraṇe ca sathari khandhāparinibbānena nibbute nibbutadīpasikhā viya adassanaṃ gateti attho. **Dhammadassīnarāsabheti** catusaccadhammaṃ passatīti dhammadassī, atha vā satipaṭṭhānādike sattatim sabodhipakkhiyadhamme dassanasīlo passanasīloti dhammadassī, narānaṃ āsabho pavaro uttamoti narāsabho, dhammadassī ca so narāsabho ceti dhammadassīnarāsabho, tasmim dhammadassīnarāsabhe. **Āropesiṃ dhajaṃ thambhanti** cetiyamālake thambhaṃ nikhanitvā tattha dhajaṃ āropesiṃ bandhitvā ṭhapesinti attho.

6. **Nisseṇim māpayitvānāti** nissāya taṃ iṇanti gacchanti ārohanti uparīti nisseṇi, taṃ nisseṇim māpayitvā kāretvā bandhitvā thūpaseṭṭhaṃ samāruhinti sambandho. **Jātipupphaṃ gahetvānāti** jāyamānameva janānaṃ sundaraṃ maṇaṃ karotīti jātisumanam, jātisumanameva pupphaṃ ‘‘jātisumanapuppha’’nti vattabbe gāthābandhasukhatthaṃ sumanasaddassa lopam katvā ‘‘jātipuppha’’nti vuttaṃ, taṃ jātisumanapupphaṃ gahetvā ganthitvā thūpamhi āropayim, āropetvā pūjesinti attho. Sesam suviññeyyamevāti.

Thambhāropakatteraapadānavañṇanā samattā.

3. Vedikārakatteraapadānavañṇanā

Nibbute lokanāthamhītiādikaṃ āyasmato vedikārakatterassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññāni upacinanto piyadassissa bhagavato kāle vibhavasampanne ekasmim kule nibbato viññutaṃ patvā gharāvāsaṃ saṅṭhapetvā nibbute sathari pasanno tassa cetiye valayaṃ kāresi, sattahi ratanehi paripūretvā mahāpūjaṃ kāresi. So tena puññena devamanussesu saṃsaranto anekesu jātisatasahassesu pūjanīyo mahaddhano mahābhogo ubhayasukhaṃ anubhavitvā imasmim buddhuppāde kulagehe nibbato vibhavasampanno pabbajitvā vāyamanto nacirasseva arahā ahoṣi.

10. So ekadivasaṃ attano pubbe katakusalaṃ saritvā somanassajāto pubbacaritāpadānaṃ pakāsento **nibbute lokanāthamhīti**ādīmāha. Taṃ heṭṭhā vuttatthameva. **Piyadassīnaruttameti** piyaṃ somanassākāraṃ dassanaṃ yassa so piyadassī, ārohapariṇāhadvattim samahāpurisalakkhaṇasītānubyañjanabyāmapabhāmaṇḍalehi sādhu mahājanappasādaṃ janayanākāradassanoti attho. Narānaṃ uttamoti naruttamo, piyadassī ca so naruttamo ceti piyadassīnaruttamo, tasmim piyadassīnaruttame nibbute dhātugabbhamhi muttavedim ahaṃ akāsinti sambandho. Pupphādhāratthāya pariyoṣāne vedikāvalayaṃ akāsinti attho.

11. **Maṇiḥi parivāretvāti** maṇati jotati pabhāsātīti maṇi, atha vā janānaṃ maṇaṃ pūrento somanassaṃ karonto ito gato pavattoti maṇi, jātiṅgamaṇiveḷuriyamaṇiādīhi anekehi maṇiḥi katavedikāvalayaṃ parivāretvā uttamaṃ mahāpūjaṃ akāsinti attho. Sesam uttānatthamevāti.

Vedikārakatteraapadānavañṇanā samattā.

4. Sapparivāriyattheraapadānaṇṇanā

Padumuttaro nāma jinotiādikaṃ āyasmato sapparivāriyattherassa apadānaṃ. Ayampi purimabuddhesu katādhikāro anekāsu jātīsu vivatṭūpanissayāni puññāni upacinanto padumuttarassa bhagavato kāle kulagehe nibbato viññutaṃ patto mahaddhano mahābhogo ahoṣi. Atha padumuttare bhagavati parinibbute mahājano tassa dhātuṃ nidahitvā mahantaṃ cetiyaṃ kāretvā pūjesi. Tasmim kāle ayaṃ upāsako tassupari candanasārena cetiyagharaṃ karitvā mahāpūjaṃ akāsi. So teneva puñña devamanussesu saṃsaranto ubhayasampattiyo anubhavitvā imasmim buddhuppāde ekasmim kulagehe nibbato vuddhimanvāya kusalaṃ katvā saddhāya sāsane pabbajitvā nacirasseva arahā ahoṣi.

15-8. So aparabhāge attano pubbakammaṃ saritvā somanassajāto pubbacaritāpadānaṃ pakāsento **padumuttaro nāma jinotiādimaṃha**. Tattha **omattanti** lāmakabhāvaṃ nīcabhāvaṃ dukkhitabhāvaṃ vā na passāmi na jānāmi, na diṭṭhapubbo mayā nīcabhāvoti attho. Sesam pākāṭamevāti.

Sapparivāriyattheraapadānaṇṇanā samattā.

5. Umāpupphiyattheraapadānaṇṇanā

Nibbute lokamahitetiādikaṃ āyasmato umāpupphiyattherassa apadānaṃ. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto siddhatthassa bhagavato kāle kulagehe nibbato vuddhippatto gharāvāsaṃ saṅghapetvā vasanto nibbutassa bhagavato cetiyamahe vattamāne indanīlamanīvaṇṇaṃ umāpupphaṃ gahetvā pūjesi. So tena puñña sugatīsuyeva saṃsaranto dibbamānusaṃpattiyo anubhavitvā uppannuppannabhava bahulaṃ nīlavaṇṇo jātisampanno vibhavasampanno ahoṣi. So imasmim buddhuppāde vibhavasampanne ekasmim kulagehe nibbato viññutaṃ patvā saddhājāto pabbajito nacirasseva arahattaṃ pāpuṇi.

21. So pubbakammaṃ saritvā somanassajāto pubbacaritāpadānaṃ pakāsento **nibbute lokamahitetiādi** vuttaṃ. Tattha **lokamahiteti** lokehi mahito pūjitoti lokamahito, tasmim lokamahite siddhatthamhi bhagavati parinibbuteti sambandho. **Āhutināmpaṭiggaheti** āhutino vuccanti pūjāsakkārā, tesam āhutināmpaṭiggahetuṃ arahatīti āhutināmpaṭiggaho, aluttakitantasamāso, tasmim āhutināmpaṭiggaheti bhagavati parinibbuteti attho.

22. Umāpupphanti uddhamuddham nīlapabham muñcamānaṃ pupphati vikasatīti umāpupphaṃ, tam umāpupphaṃ gahetvā cetiye pūjaṃ akāsinti attho. Sesam uttānatthamevāti.

Umāpupphiyattheraapadānaṇṇanā samattā.

6. Anulepadāyakattheraapadānaṇṇanā

Anomadassīmuninotiādikaṃ āyasmato anulepadāyakattherassa apadānaṃ. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto anomadassissa bhagavato kāle kulagehe nibbato mahaddhano mahābhogo tassa bhagavato bodhirukkhassa vedikāvalayaṃ kāretvā sudhākammañca kāretvā vālukasantharaṇaṃ daddaḷhamānaṃ rajatavimānamiva kāresi. So tena puñña sukhattatto uppannuppannabhava rajatavimānarajatageharajatapāsādesu sukhamanubhavitvā imasmim buddhuppāde kulagehe nibbato viññutaṃ patvā sathari pasanno pabbajitvā vipassanamanuyutto nacirasseva arahā ahoṣi.

26. So aparabhāge ‘‘kim nu kho kusalaṃ katvā mayā ayaṃ viseso adhigato’’ti pubbenivāsānussatiññaṇena paṭipāṭiyā anussaritvā pubbe katakusalaṃ jānitvā somanassajāto pubbacaritāpadānaṃ pakāsento **anomadassīmuninotiādimaṃha**. Tattha anomam alāmaṃ dassanaṃ dassanīyaṃ sarīraṃ yassa so anomadassī, dvattiṃsamahāpurisalakkhaṇaasītānubyañjanabyāmapabhāsamujjalavirājitasarīrattā sundaradassanoti

attho. **Sudhāya piṇḍaṃ datvānāti** bodhighare vedikāvalayaṃ kāretvā sakale bodhighare sudhālepanaṃ katvāti attho. **Pāṇikammaṃ akāsahanti** sārakaṭṭhena phalakaṇḍiyo katvā tāhi pāṇīhi maṭṭhakammaṃ akāsinti attho. Sesam suviññeyyamevāti.

Anulepadāyakattheraapadānavaṇṇanā samattā.

7. Maggadāyakattheraapadānavaṇṇanā

Uttarivāna nadikantiādikaṃ āyasmato maggadāyakattherassa apadānaṃ. Ayampi purimajinavaresu katādhikāro anekesu bhavesu nibbānādhigamatthāya puññāni upacinanto siddhatthassa bhagavato kāle lokasammate kule nibbato vuddhimanvāya gharāvāsaṃ vasanto ekadivasam bhagavantaṃ ekaṃ nadim uttarivā vanantaraṃ gacchantaṃ disvā pasannamānaso “idāni mayā bhagavato maggaṃ samaṃ kātum vaṭṭatī”ti cintetvā kudālañca piṭakañca ādāya bhagavato gamanamaggaṃ samaṃ katvā vālukaṃ okiritvā bhagavato pāde vanditvā, “bhante, iminā maggalañkāraṇena nibbattanibbattaṭṭhāne pūjanīyo bhaveyyaṃ, nibbānañca pāpuṇeyya”nti patthanaṃ akāsi. Bhagavā “yathādhippāyaṃ samijjhatū”ti anumodanaṃ vatvā pakkāmi.

32-3. So tena puññena devamanussesu saṃsaranto sabbattha pūjito ahoṣi. Imasmiṃ pana buddhuppāde pākāte ekasmiṃ kule nibbato sathari pasanno pabbajitvā vipassanaṃ vaḍḍhetvā nacirasseva arahattaṃ patvā attano pubbakammaṃ paccakkhato ñatvā somanassajāto pubbacaritāpadānaṃ pakāsento **uttarivāna nadikantiādīmāha**. Tattha nadati saddaṃ karoti gacchatīti nadī, nadīyeva nadikā, taṃ nadikaṃ uttarivā atikkamitvāti attho. **Kudālapīṭakamādāyāti** ku vuccati pathavī, taṃ vidālāne padālāne chindane alanti kudālaṃ, piṭakaṃ vuccati paṃsuvālikādivāhakaṃ, tālapaṇṇavettalatādīhi katabhājanaṃ, kudālañca piṭakañca kudālapīṭakaṃ, taṃ ādāya gahetvāti attho. Sesam uttānatthamevāti.

Maggadāyakattheraapadānavaṇṇanā samattā.

8. Phalakaḍḍāyakattheraapadānavaṇṇanā

Yānakāro pure āsintiādikaṃ āyasmato phalakaḍḍāyakattherassa apadānaṃ. Ayampi purimabuddhesu katādhikāro anekesu attabhāvesu katapuññasambhāro siddhatthassa bhagavato kāle vaḍḍhakikule nibbato ratanattaye pasanno candanena ālambanaphalakaṃ katvā bhagavato adāsi. Bhagavā tassānumodanaṃ akāsi.

37. So tena puññena devamanussesu saṃsaranto sabbattha kāle cittasukhapīṇito ubhayasampattiyo anubhavitvā imasmiṃ buddhuppāde kulagehe nibbato viññutaṃ patvā sattu dhammadesanaṃ sutvā sañjātappasādo pabbajitvā vāyamanto nacirasseva saha paṭisambhidāhi arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **yānakāro pure āsintiādīmāha**. Tattha **yānakāro**ti yanti etena icchitacchitaṭṭhānanti yānaṃ, taṃ karotīti yānakāro, pure buddhadassanasamaye ahaṃ yānakāro āsiṃ ahoṣinti attho. **Candanaṃ phalakaṃ katvāti** candati pariḷāhaṃ vūpasametīti candanaṃ. Atha vā candanti sugandhavāsanatthaṃ sarīraṃ vilimpanti etenāti candanaṃ, taṃ ālambanaphalakaṃ katvā. **Lokabandhunoti** sakalalokassa bandhu ñātibhūtoti lokabandhu, tassa lokabandhuno sathussa adāsinti attho. Sesam suviññeyyamevāti.

Phalakaḍḍāyakattheraapadānavaṇṇanā samattā.

9. Vaṭṭasakiyattheraapadānavaṇṇanā

Sumedho nāma nāmenātiādikaṃ āyasmato vaṭṭasakiyattherassa apadānaṃ. Ayampi purimamunindesu katādhikāro tattha tattha bhava vivatṭūpanissayāni puññāni upacinanto sumedhassa bhagavato kāle kulagehe nibbato viññutaṃ patto gharāvāsaṃ saṅṭhapetvā tattha ādīnavaṃ disvā gehaṃ pahāya tāpasapabbajjaṃ pabbajitvā mahāvane vihāsi. Tasmīṃ samaye sumedho bhagavā vivekakāmatāya taṃ vanaṃ sampāpuṇi. Atha so tāpaso bhagavantaṃ disvā pasannamānaso vikasitaṃ saḷalappuṃhaṃ

gahetvā vaṭṭasakākārena ganthetvā bhagavato pādamūle ṭhapetvā pūjesi. Bhagavā tassa cittappasādatthāya anumodanamakāsi. So tena puññaena devamanussesu saṃsaranto ubhayasampattiyo anubhavitvā imasmiṃ buddhuppāde vibhavasampanne kule jāto vuddhimanvāya saddho pasanno pabbajitvā nacirasseva arahā ahoṣi.

43. So aparabhāge pubbakammaṃ saritvā somanassajāto pubbacaritāpadānaṃ pakāseno **sumedho nāma nāmenātiādi** vuttaṃ. **Vivekamanubrūhantoti** janākiṇṇataṃ pahāya janavivekaṃ cittavivekañca anubrūhanto vaḍḍhento bahulīkaronto mahāvanaṃ ajjhogāhi pāvisīti attho. Sesam uttānatthamevāti.

Vaṭṭasakiyattheraapadānavaṇṇanā samattā.

10. Pallāṅkadāyakattheraapadānavaṇṇanā

Sumedhassa bhagavatotiādikaṃ āyasmato pallāṅkadāyakattherassa apadānaṃ. Ayampi purimabuddhesu katādhikāro anekesu bhavesu nibbānādhigamattāya katapuññūpacayo sumedhassa bhagavato kāle gahapatikule nibbatto vuddhimanvāya mahābhogasampanno satthari pasīditvā dhammaṃ sutvā tassa satthuno sattaratanamayaṃ pallāṅkaṃ kāretvā mahantaṃ pūjaṃ akāsi. So tena puññaena devamanussesu saṃsaranto sabbattha pūjito ahoṣi. So anukkamena imasmiṃ buddhuppāde vibhavasampanne ekasmiṃ kule nibbatto viññutaṃ patto gharāvāsaṃ saṅṭhapetvā satthu dhammadesanaṃ sutvā pasanno pabbajitvā nacirasseva arahattaṃ patvā pubbe katapuññānāmena **pallāṅkadāyakattheroti** pākaṭo ahoṣi. Heṭṭhā viya uparipi pubbe katapuññānāmena therānaṃ nāmāni evameva veditabbāni.

47. So ekadivasam attano pubbakammaṃ saritvā somanassajāto pubbacaritāpadānaṃ pakāseno **sumedhassa bhagavatotiādimaṃha. Pallāṅko hi mayā dinnoti** pallāṅkaṃ ūrubaddhānaṃ katvā yattha upavāsanti nisīdanti, so pallāṅkoti vuccati, so pallāṅko sattaratanamayo mayā dinno pūjitoti attho. **Sauttarasapacchadoti** saha uttaracchadena saha pacchadena sauttarasapacchado, uparivitānaṃ bandhitvā āsanaṃ uttamavatthehi acchādetvāti attho. Sesam pākaṭamevāti.

Pallāṅkadāyakattheraapadānavaṇṇanā samattā.

Pannarasamavaggavaṇṇanā samattā.

16. Bandhujīvakaṃvago

1. Bandhujīvakaṃvatheraapadānavaṇṇanā

Candaṃva vimalaṃ suddhantiādikaṃ āyasmato bandhujīvakaṃvatheraassa apadānaṃ. Ayampāyasmā purimabuddhesu katādhikāro tattha tattha bhava vivaṭṭūpanissayāni puññāni upacinanto sikhissa bhagavato kāle kulagehe nibbatto viññutaṃ patto gharāvāsaṃ saṅṭhapetvā vasanto sikhissa bhagavato rūpakāyasampattiṃ disvā pasannamānaso bandhujīvakaṃvapphāni gahetvā bhagavato pādamūle pūjesi. Bhagavā tassa cittappasādavaḍḍhanattāya anumodanamakāsi. So yāvatāyutaṃ ṭhatvā teneva puññaena devaloke nibbatto cha kāmāvacarasampattiyo anubhavitvā manussesu ca cakkavattiādisampattiyo anubhavitvā imassa amhākaṃ sammāsambuddhassa uppannākāle gahapatikule nibbatto rūpaggayasaggappatto satthu dhammadesanaṃ sutvā saddhājāto gehaṃ pahāya pabbajito arahattaṃ pāpuṇi.

1. So pubbenivāsaññaena pubbe katakusalakammaṃ anussaritvā somanassajāto pubbacaritāpadānaṃ pakāseno **candaṃva vimalaṃ suddhantiādimaṃha.** Tattha **candaṃva vimalaṃ suddhanti** abbhā, mahikā, dhūmo, rajo, rāhūti imehi upakkilesamalehi vimuttaṃ candaṃ iva diyaḍḍhasahassupakkilesamalānaṃ pahīnattā vimalaṃ nikkilesattā suddhaṃ pasannaṃ sikhim sambuddhanti sambandho. Kilesakaddamānaṃ abhāvena **anāvilam.** Nandībhavasāṅkhātāya balavasnehāya parisamantato khīnattā **nandībhavaparikkhīnaṃ. Tiṇṇaṃ loketi** lokattayato tiṇṇaṃ uttiṇṇaṃ atikkantaṃ. **Visattikanti** visattikaṃ vuccati taṇhā, nittaṇhanti attho.

2. **Nibbāpayantaṃ janatanti** dhammavassaṃ vassanto janataṃ janasamūhaṃ kilesaparijāhābhāvena nibbāpayantaṃ vūpasamentaṃ. Sayamaṃ saṃsārato **tiṇṇaṃ**, sabbasatte saṃsārato **tārayantaṃ** atikkamentaṃ catunnaṃ saccānaṃ munanato jānanato **munim** sikhim sambuddhanti sambandho. **Vanasmim jhāyamānanti** ārammaṇūpanijjhānalakkhaṇūpanijjhānehi jhāyantaṃ cintentaṃ cittaena bhāventaṃ vanamajjhetai attho. **Ekaggaṃ** ekaggacittaṃ **susamāhitaṃ** suṭṭhu ārammaṇe āhitaṃ ṭhapitacittaṃ sikhim munim disvāti sambandho.

3. **Bandhujīvakaupphānīti** bandhūnaṃ ñātīnaṃ jīvakaṃ jīvitaniṣṣayaṃ hadayamaṃsalohitaṃ bandhujīvakaṃ hadayamaṃsalohitasamānavañṇaṃ pupphaṃ bandhujīvakaupphāṃ gahetvā sikhino lokabandhuno pūjesinti attho. Sesamaṃ uttānatthamevāti.

Bandhujīvakattheraapadānavañṇanā samattā.

2. Tambapupphiyattheraapadānavañṇanā

Parakammāyane yuttotiādikaṃ āyasmato tambapupphiyattherassa apadānaṃ. Ayampi āyasmā purimabuddhesu katādhikāro tattha tattha bhava vivaṭṭūpaniṣṣayāni puññāni upacinanto piyadassissa bhagavato kāle kenaci pure katena akusalakammaena duggatakule nibbatta vuddhippatto paresamaṃ kammaṃ katvā bhātiyā jīvikaṃ kappesi. So evamaṃ dukkhena vasanto paresamaṃ aparādhaṃ katvā maraṇabhayena palāyitvā vanaṃ pāvisi. Tattha gataṭṭhāne pāṭalibodhim disvā vanditvā sammajjitvā ekasmim rukkhe tambavañṇaṃ pupphaṃ disvā taṃ sabbamaṃ kaṇṇike ocinitvā bodhipūjaṃ akāsi. Tattha cittaṃ pasādetvā vanditvā pallaṅkamābhujitvā nisīdi. Tasmim khaṇe te manussā padānupadikaṃ anubandhitvā tattha agamaṃsu. So te disvā bodhim āvajjentova palāyitvā bhayānake gīriduggapapāte patitvā mari.

7. So bodhipūjāya anussarittā teneva pītisomanassena tāvatiṃsādīsu upapanno cha kāmāvacarasampattiṃ anubhavitvā manussesu ca cakkavattiādīsampattiṃ anubhavitvā imasmim buddhuppāde vibhavasampanne kule nibbatta vuddhippatto satthu dhammadesanaṃ sutvā pasannamānaso pabbajitvā nacirasseva arahā hutvā attano pubbakammaṃ saritvā somanassajāto pubbacaritāpadānaṃ pakāsento **parakammāyane yuttotiādīmāha**. Tattha paresamaṃ kammāni parakammāni, parakammānaṃ āyane karaṇe vāhane dhāraṇe yutto yojito ahosinti attho. Sesamaṃ pākāṭamevāti.

Tambapupphiyattheraapadānavañṇanā samattā.

3. Vīthisammajjakattheraapadānavañṇanā

Udentaṃ sataraṃsim vātiādikaṃ āyasmato vīthisammajjakattherassa apadānaṃ. Ayampi purimabuddhesu katādhikāro anekesu jātisatesu katapuññasañcayo sikhissa bhagavato kāle kulagehe nibbatta gharāvāsaṃ vasanto nagaravāsīhi saddhim vīthim sajjitvā nīyamānaṃ bhagavantaṃ disvā pasannamānaso vīthim samaṃ katvā dhajamaṃ tattha ussāpesi.

15. So teneva puññena devamanussesu saṃsaranto ubhayasampattiyo anubhavitvā imasmim buddhuppāde ekasmim kule nibbatta viññutaṃ patvā satthu dhammadesanaṃ sutvā paṭiladdhasaddho bahumānahadayo pabbajitvā laddhūpasampado nacirasseva arahā hutvā attano pubbakammaṃ anussaranto paccakkhato jānitvā pubbacaritāpadānaṃ pakāsento **udentaṃ sataraṃsim vātiādīmāha**. Tattha udentaṃ uggacchantaṃ sataraṃsim satapabhaṃ. **Sataraṃsīti** desanāsīsamattaṃ, anekasatasahassapabhaṃ sūriyamaṃ ivāti attho. **Pī taraṃsimva bhāṇumaṃ** pī taraṃsim saṃkucitapabhaṃ bhāṇumaṃ pabhāvantaṃ candamaṇḍalaṃ iva sambuddhaṃ disvāti attho. Sesamaṃ suviññeyyamevāti.

Vīthisammajjakattheraapadānavañṇanā samattā.

4. Kakkārupupphapūjakattheraapadānavañṇanā

Devaputto ahaṃ santotiādikaṃ āyasmato kakkārupupphapūjakattherassa apadānaṃ. Ayampi purimabuddhesu katādhikāro tattha tattha bhava katapuññaṣaṅcayo sikhissa bhagavato kāle bhummaṭṭhakadevaputto hutvā nibbatta sikhim sammāsambuddhaṃ disvā dibbakakkārupupphaṃ gahetvā pūjesi.

21. So tena puññaena devamanussesu saṃsaranto ekatiṃsakappabbhantare ubhayasukhaṃ anubhavitvā imasmiṃ buddhuppāde sāvattiyam kulagehe nibbatta vuddhimanvāya satthari pasanno pabbajitvā nacirasseva arahā hutvā attano pubbakammaṃ paccakkhato ñatvā somanassajāto pubbacaritāpadānaṃ pakāsento **devaputto ahaṃ santoti**ādīmāha. Tattha dibbanti kīḷanti pañcahi dibbehi kāmaguṇehīti devā, devānaṃ putto, devo eva vā putto **devaputto**, ahaṃ devaputto santo vijjamāno dibbaṃ kakkārupupphaṃ **paggayha** pakārena, gahetvā sikhissa bhagavato **abhiropayim** pūjesinti attho. Sesam uttānatthamevāti.

Kakkārupupphapūjakattheraapadānavaṇṇanā samattā.

5. Mandāravapupphapūjakattheraapadānavaṇṇanā

Devaputto ahaṃ santotiādikaṃ āyasmato mandāravapupphapūjakattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññaṇi upacinanto sikhissa bhagavato kāle bhummaṭṭhakadevaputto hutvā nibbatta sikhim bhagavantaṃ disvā pasannamānaso dibbamandāravapupphehi pūjesi.

25. So tena puññaenātiādikaṃ sabbaṃ anantarattherassa apadānavaṇṇanāya vuttanayeneva veditabbanti.

Mandāravapupphapūjakattheraapadānavaṇṇanā samattā.

6. Kadambapupphiyattheraapadānavaṇṇanā

Himavantassāvidūretiādikaṃ āyasmato kadambapupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññaṇi upacinanto sammāsambuddhasuñña loka ekasmiṃ kule nibbatta vuddhimanvāya gharāvāsaṃ vasanto tattha ādīnaṃ disvā gharāvāsaṃ pahāya tāpasapabbajam pabbajitvā himavantasamīpe kukkuṭe nāma pabbate assamaṃ katvā vihāsi. So tattha satta paccekabuddhe disvā pasannamānaso pupphitaṃ kadambapupphaṃ ocinitvā te paccekabuddhe pūjesi. Tepi “icchitaṃ pathita”ntiādīnā anumodanaṃ akaṃsu.

30. So tena puññaena devamanussesu saṃsaranto ubhayasampattiyo anubhavitvā imasmiṃ buddhuppāde sāvattiyam kulagehe nibbatta vuddhimanvāya satthu dhammadesanaṃ sutvā paṭiladdhasaddho pabbajitvā nacirasseva arahā hutvā pubbakammaṃ saritvā somanassajāto pubbacaritāpadānaṃ pakāsento **himavantassāvidūreti**ādīmāha. Taṃ vuttatthameva. **Kukkuṭo nāma pabbatoti** tassa ubhosu passesu kukkuṭacūḷākārena pabbatakūṭānaṃ vijjamānattā kukkuṭoti saṅkhaṃ gato. Pakārena tiro hutvā paṭiṭṭhahatīti pabbato. **Tamhi pabbatapādāmhīti** tasmim pabbatasamīpe. **Satta buddhā vasantīti** satta paccekabuddhā tasmim kukkuṭapabbatapāde paṇṇasālāyaṃ vasantīti attho.

31. **Dīparājamva uggatanti** dīpānaṃ rājā dīparājā, sabbesaṃ dīpānaṃ jalamānānaṃ tārakānaṃ rājā candoti attho. Atha vā sabbesu jambudīpapubbavidehaaparagoyānauttarakurusāṅkhātesu catūsu dīpesu dvisahassaparittadīpesu ca rājā ālokapharaṇato cando dīparājātī vuccati, taṃ nabhe uggataṃ candaṃ iva **pupphitaṃ** phullitaṃ kadambarukkhaṃ disvā tato pupphaṃ ocinitvā ubhohi hatthehi **paggayha** pakārena gahetvā satta paccekabuddhe **samokirim** suṭṭhu okirim, ādarena pūjesinti attho. Sesam uttānatthamevāti.

Kadambapupphiyattheraapadānavaṇṇanā samattā.

7. Tiṇasūlakattheraapadānavaṇṇanā

Himavantassāvidūretiādikaṃ āyasmato tiṇasūlakattherassa apadānaṃ. Ayampi thero purimajinavaresu katapuññasambhāro uppannuppannabhava kusalāni upacinanto sikhissa bhagavato kāle kulagehe nibbato gharāvāsaṃ saṅṭhapetvā tattha dosaṃ disvā taṃ pahāya tāpasapabbajjaṃ pabbajitvā vasanto himavantasaṃtīpe bhūtagaṇe nāma pabbate vasantaṃ ekataṃ vivekamanubrūhantaṃ sikhīṃ sambuddhaṃ disvā pasannaṃānaso tiṇasūlapupphaṃ gaheṭvā pādamaṃ pūjesi. Buddhopi tassa anumodanaṃ akāsi.

35. So tena puñña devamanussesu saṃsaranto ubhayasampattiyo anubhavitvā imasmiṃ buddhuppāde sāvattiyaṃ vibhavasampanne ekasmiṃ kule nibbato vuddhimanvāya sāsane pasanno pabbajitvā upanissayasampannattā nacirasseva arahattaṃ pāpuṇitvā pubbakammaṃ saritvā somanassappatto pubbacaritāpadānaṃ pakāsento **himavantassāvidūretiādimaḥa**. **Bhūtagaṇo nāma pabbatoti** bhūtagaṇānaṃ devayakkhasamūhānaṃ āvāsabhūtattā bhavanasadisattā avirūḷhabhāvena pavattattā ca bhūtagaṇo nāma pabbato, tasmīṃ **eko** adutiyo **jino** jitamāro buddho **vasate** dibbabrahmaariyairiyāpathavihārehi viharatīti attho.

36. **Ekūnasatasahassaṃ, kappaṃ na vinipātiko** tena tiṇasūlapupphapūjākaraṇaphalena nirantaraṃ ekūnasatasahassakappānaṃ avinipātako caturāpāyavinimutto saggasampattibhavameva upapannoti attho. Sesam suviññeyyamevāti.

Tiṇasūlakattheraapadānavāṇṇanā samattā.

8. Nāgapupphiyattheraapadānavāṇṇanā

Suvaccho nāma nāmenātiādikaṃ āyasmato nāgapupphiyattherassa apadānaṃ. Ayampi thero purimajinanisabhesu katādhikāro tattha tattha bhava vivaṭṭūpanissayāni puññaṃ upacinanto padumuttarabhagavato kāle brāhmaṇakule nibbato vuddhippato vedattayādīsū sakasippesu nipphattiṃ patvā tattha sāraṃ adisvā himavantaṃ pavisitvā tāpasapabbajjaṃ pabbajitvā jhānasamāpattisukhena vītināmesi. Tasmīṃ samaye padumuttaro bhagavā tassānukampāya tattha agamāsi. So tāpaso taṃ bhagavantaṃ disvā lakkhaṇasatthesu chekattā bhagavato lakkhaṇarūpasampattiyaṃ pasanno vanditvā añjaliṃ paggayha atthāsi. Ākāso anotiṇṇattā pūjāsakkāre akateyeva ākāseva pakkāmi. Atha so tāpaso sasisso nāgapupphaṃ ocinitvā tena pupphena bhagavato gatadisābhāgamaggaṃ pūjesi.

39. So tena puñña devamanussesu saṃsaranto ubhayasampattiyo anubhavanto sabbattha pūjito imasmiṃ buddhuppāde sāvattiyaṃ kulagehe nibbato vuddhimanvāya saddhāsampanno pabbajitvā vattapaṭipattiyaṃ sāsanaṃ sobhayamāno nacirasseva arahā hutvā ‘kena nu kho kusalakamma mayā ayaṃ lokuttarasampatti laddhā’ ti atītakammaṃ saranto pubbakammaṃ paccakkhato ñatvā sañjātasomanasso pubbacaritāpadānaṃ pakāsento **suvaccho nāma nāmenātiādimaḥa**. Tattha vacchagotte jātattā vaccho, sundaro ca so vaccho ceti **suvaccho**. Nāmena suvaccho nāma brāhmaṇo **mantapāragū** vedattayādīsakalamantasatthe koṭippattoti attho. Sesam heṭṭhā vuttanayattā uttānatthamevāti.

Nāgapupphiyattheraapadānavāṇṇanā samattā.

9. Punnāgapupphiyattheraapadānavāṇṇanā

Kānanaṃ vanamogayhātiādikaṃ āyasmato punnāgapupphiyattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññaṃ upacinanto phussassa bhagavato kāle nesādakule nibbato mahāvanaṃ pavittho tattha supupphitapunnāgapupphaṃ disvā hetusampannattā buddhārammaṇapīvasena bhagavantaṃ saritvā taṃ pupphaṃ saha kaṇṇikāhi ocinitvā vālukāhi cetiyaṃ katvā pūjesi.

46. So tena puñña devamanussesu saṃsaranto ubhayasampattiyo anubhavitvā imasmiṃ buddhuppāde sāvattiyaṃ vibhavasampanne kule nibbato vuddhimanvāya pubbavāsanābalena sāsane

pasanno pabbajitvā vāyamanto nacirasseva arahā hutvā pubbe katakusalam saritvā somanassajāto pubbacaritāpadānaṃ pakāsento **kānaṃ vanamogayhāti**ādīmāha. Taṃ sabbam heṭṭhā vuttattā uttānatthamevāti.

Punnāgapupphiyattheraapadānavañṇanā samattā.

10. Kumudadāyakattheraapadānavañṇanā

Himavantassāvidūretiādikaṃ āyasmato kumudadāyakattherassa apadānaṃ. Ayampi thero purimabuddhesu katādhikāro anekesu bhavesu vivaṭṭūpanissayāni puññāni upacinanto padumuttarassa bhagavato kāle himavantassa āsanne mahante jātassare kukuttho nāma pakkhī hutvā nibbato kenaci akusalena pakkhī samānopi pubbe katasambhārena buddhisampanno puññāpuññesu cheko sīlavā pāṇagocarato paṭivirato ahoṣi. Tasmim samaye padumuttaro bhagavā ākāsenāgantvā tassa samīpe caṅkamati. Atha so sakuṇo bhagavantam disvā pasannacitto kumudapupphaṃ ḍaṃsitvā bhagavato pādāmūle pūjesi. Bhagavā tassa somanassuppādanattham paṭiggahetvā anumodanamakāsi.

51. So tena puññena devamanussesu ubhayasampattisukham anubhavitvā imasmim buddhuppāde sāvattiyam aññatarasmim kule nibbato vuddhimanvāya mahaddhano mahābhogo ratanattaye pasanno satthu dhammadesanaṃ sutvā paṭiladdhasaddho pabbajitvā nacirasseva arahā hutvā attano pubbakammaṃ paccakkhato ñatvā somanassajāto pubbacaritāpadānaṃ pakāsento **himavantassāvidūreti**ādīmāha. **Padumuppalasañchannoti** ettha satapattehi sampuṇṇo setapadumo ca tīni nīlarattasetuppālāni ca padumuppālāni tehi sañchanno gahanībhūto sampuṇṇo mahājātassaro ahūti sambandho. **Puṇḍarīkasamotthaṭoti** puṇḍarīkehi rattapadumehi otthaṭo sampuṇṇoti attho. Sesam suviññeyyamevāti.

Kumudadāyakattheraapadānavañṇanā samattā.

Soḷasamavaggavañṇanā samattā.

17. Supāricariyavaggo

1. Supāricariyattheraapadānavañṇanā

Padumo nāma nāmenātiādikaṃ āyasmato supāricariyattherassa apadānaṃ. Ayampi purimamunipuṅgavesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle yakkhayoniyam nibbato himavati yakkhasamāgamaṃ gato bhagavato devayakkhagandhabbānāgānaṃ dhammadesanaṃ sutvā pasannamānaso ubho hatthe ābhujitvā apphoṭesi namassi ca. So tena puññena tato cuto upari devaloke uppanno tattha dibbasukham anubhavitvā manussesu ca cakkavatiādisampattiyo anubhavitvā imasmim buddhuppāde sāvattiyam gahapatikule nibbato aḍḍho mahaddhano mahābhogo ratanattaye pasanno satthu dhammadesanaṃ sutvā saddhājāto pabbajitvā nacirasseva arahattam pāpuṇi.

1. So ekadivasaṃ attano pubbakammaṃ saritvā somanassajāto pubbacaritāpadānaṃ pakāsento **padumo nāma nāmenāti**ādīmāha. Tattha **padumoti** yassa pādanikkhepasamaye pathaviṃ bhinditvā padumaṃ uggantvā pādatalam sampācchati, tena saññānena so bhagavā padumoti saṅkham gato, idha padumuttaro bhagavā adhippeto. So bhagavā **pavanā** vasanavihārā **abhinikkamma** vanamajjham pavisitvā dhammaṃ desetīti sambandho.

Yakkhānaṃ samayoti devānaṃ samāgamo **āsi** ahoṣīti attho. **Ajjhāpekkhimsu tāvadeti** tasmim desanākāle adhipekkhimsu, visesena passanasīlā ahesunti attho. Sesam pākaṭamevāti.

Supāricariyattheraapadānavañṇanā samattā.

2. Kaṇaverapupphiyattheraapadānavaṇṇanā

Siddhattho nāma bhagavātiādikaṃ āyasmato kaṇaverapupphiyattherassa apadānaṃ. Ayampi purimabuddhesu katādhikāro siddhatthassa bhagavato kāle suddakule nibbato vuddhimanvāya rañño antepurapālako ahosi. Tasmim samaye siddhattho bhagavā bhikkhusaṅghaparivuto rājavithim paṭipajji. Atha so antepurapālako caramānaṃ bhagavantaṃ disvā pasannamānaso hutvā kaṇaverapupphena bhagavantaṃ pūjetvā namassamāno aṭṭhāsi. So tena puññaena sugatisampattiyoyeva anubhavitvā imasmim buddhuppāde ekasmim kule nibbattitvā vuddhippatto satthu dhammadesanaṃ sutvā paṭiladdhasaddho pabbajitvā nacirasseva arahā ahosi.

7. So pattaaggaphalo pubbe katakusalaṃ saritvā sañjātasomanasso pubbacaritāpadānaṃ pakāsento **siddhattho nāma bhagavāti**ādīmāha. Taṃ sabbaṃ heṭṭhā vuttattā uttānatthamevāti.

Kaṇaverapupphiyattheraapadānavaṇṇanā samattā.

3. Khajjakadāyakattheraapadānavaṇṇanā

Tissassa kho bhagavatotiādikaṃ āyasmato khajjakadāyakattherassa apadānaṃ. Ayampi purimajinavaresu katādhikāro tattha tattha bhava vivaṭṭūpanissayāni puññaṇi upacinanto tissassa bhagavato kāle suddakule nibbato bhagavantaṃ disvā pasannamānaso ambajambuādīmanekaṃ madhuraphalāphalaṃ nāḷikeram pūvakhajjakañca adāsi. Bhagavā tassa pasādavaḍḍhanatthāya passantasseva paribhuñji. So tena puññaena sugatisampattiyoyeva anubhavitvā imasmim buddhuppāde sāvaththiyaṃ kulagehe nibbato viññutaṃ patvā satthu dhammadesanaṃ sutvā sañjātasaddho pasādabahumāno pabbajitvā vattapaṭipattiyā sāsanam sobhento sīlālaṅkārapaṭimaṇḍito nacirasseva arahattaṃ pāpuṇi.

13. So pubbakammaṃ saranto “pubbe mayā sukhette kusalaṃ kataṃ sundara”nti somanassajāto pubbacaritāpadānaṃ pakāsento **tissassa kho bhagavatoti**ādīmāha. Tattha tissopi bhavasampattiyō dadamāno jātoti mātāpitūhi katanāmavasena tisso. Atha vā tīhi saraṇagamanehi assāsento ovadanto hetusampannapuggale saggamokkhadvaye paṭiṭṭhāpentō buddho jātoti tisso. Samāpattiguṇādīhi bhagehi yuttoti bhagavā, tassa **tissassa bhagavato** pubbe ahaṃ phalaṃ adāsinti sambandho. **Nāḷikerañca pādāsinti** nāḷikākārena pavattaṃ phalaṃ nāḷikeram, tañca phalaṃ adāsinti attho. **Khajjakaṃ abhisammatanti** khādītappaṃ khajjakaṃ abhi visesena madhusakkarādīhi sammissaṃ katvā nipphāditaṃ sundaraṃ madhuranti sammatam ñātaṃ abhisammataṃ khajjakañca adāsinti attho. Sesam suviññeyyamevāti.

Khajjakadāyakattheraapadānavaṇṇanā samattā.

4. Desapūjakattheraapadānavaṇṇanā

Atthadassī tu bhagavātiādikaṃ āyasmato desapūjakattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññaṇi upacinanto atthadassissa bhagavato kāle kulagehe nibbato vuddhimanvāya saddho pasanno buddhamāmako dhammamāmako saṅghamāmako ahosi. Tadā atthadassī bhagavā bhikkhusaṅghaparivuto cando viya sūriyo viya ca ākāseṇa gacchati. So upāsako bhagavato gatadisābhāgaṃ gandhamālādīhi pūjento añjaliṃ paggayha namassamāno aṭṭhāsi.

18. So tena puññaena devaloke nibbato saggasampattim anubhavitvā manussesu ca manussasampattim anubhavitvā imasmim buddhuppāde ekasmim kule nibbato vuddhippatto upabhogaparibhogasampanno satthu dhammadesanaṃ sutvā pasannamānaso gharāvāse anallīno pabbajitvā vattasampanno nacirasseva arahā hutvā attano pubbakammaṃ saritvā somanassajāto pubbacaritāpadānaṃ pakāsento **atthadassī tu bhagavāti**ādīmāha. Taṃ heṭṭhā vuttattameva. **Anilañjaseti** “maggo pantho patho pajjo, añjasaṃ vaṭumāyana”nti (cūḷani. pārāyanatthutigaṭhāniddeṣa 101) pariyāyassa vuttattā anilassa vātassa añjasaṃ gamanamaggoti anilañjasaṃ, tasmim anilañjase, ākāseti attho. Sesam uttānatthamevāti.

Desapūjakattheraapadānavaṇṇanā samattā.

5. Kaṇikārachattiyattheraapadānavaṇṇanā

Vessabhū nāma sambuddhotiādikaṃ āyasmato kaṇikārachattiyattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññāni upacinanto vessabhussa bhagavato kāle kulagehe nibbato viññutaṃ patto saddhāsampanno ahosi. Tasmim samaye vessabhū bhagavā vivekakāmo mahāvanaṃ pavisitvā nisīdi. Atha sopi upāsako kenacideva karaṇīyena tattha gantvā bhagavantaṃ aggikkhandhaṃ viya jalamānaṃ nisinnaṃ disvā pasannamānaso kaṇikārapupphaṃ ocinitvā chattaṃ katvā bhagavato nisinnaṭṭhāne vitānaṃ katvā pūjesi, taṃ bhagavato ānubhāvena sattāhaṃ amilātaṃ hutvā tatheva aṭṭhāsi. Bhagavāpi phalassamāpattiṃ nirodhasamāpattiṃca samāpajjitvā vihāsi, so taṃ acchariyaṃ disvā somanassajāto bhagavantaṃ vanditvā añjaliṃ paggayha aṭṭhāsi. Bhagavā samāpattito vuṭṭhahitvā vihārameva agamāsi.

23. So tena puññena devamanussesu sampattiyo anubhavitvā imasmim buddhuppāde sāvattiyaṃ kulagehe nibbato vuddhimanvāya saddhāsampanno satthu dhammadesanaṃ sutvā gharāvāse anallīno pabbajitvā vattapaṭipattiyaṃ jinasānaṃ sobhento nacirasseva arahā hutvā attano pubbakammaṃ saritvā somanassajāto pubbacaritāpadānaṃ pakāsento **vessabhū nāma sambuddhoti**ādīmāha. Tattha **vessabhūti** vesse vessajane bhunāti abhibhavatīti vessabhū. Atha vā vesse pañcavidhamāre abhibhunāti ajjhottharatīti **vessabhū**. Sāmaṃyeva bujjhitā saccānīti sambuddho, nāmena vessabhū nāma sambuddhoti attho. **Divāvihārāya munīti** dibbati pakāseti taṃ taṃ vatthum pākātaṃ karotīti divā. Sūriyuggamanato paṭṭhāya yāva atthaṅgamo, tāva paricchinnakālo, viharanaṃ catūhi iriyāpathehi pavattanaṃ vihāro, divāya vihāro divāvihāro, tassa divāvihārāya lokajettho narāsabho buddhamuni mahāvanaṃ **ogāhitvā** pavisitvāti attho. Sesam uttānathamevāti.

Kaṇikārachattiyattheraapadānavaṇṇanā samattā.

6. Sappidāyakattheraapadānavaṇṇanā

Phusso nāmātha bhagavātiādikaṃ āyasmato sappidāyakattherassa apadānaṃ. Ayampi purimabuddhesu katādhikāro anekesu bhavesu vivaṭṭūpanissayāni puññāni upacinanto phussassa bhagavato kāle kulagehe nibbato ahosi. Tadā bhagavā bhikkhusaṅghaparivuto vīthiyaṃ caramāno tassa upāsakassa gehadvāraṃ sampāpuṇi. Atha so upāsako bhagavantaṃ disvā pasannamānaso vanditvā pattapūraṃ sappitelam adāsi, bhagavā anumodanaṃ katvā pakkāmi. So teneva somanassena yāvatāyukaṃ ṭhatvā tato cuto tena puññena devaloke uppanno tattha dibbasukhaṃ anubhavitvā manussesu ca nibbato uppannuppannabhava sappitelamadhuphāṇitādimadhurāhārasamaṅgī sukhaṃ anubhavitvā imasmim buddhuppāde sāvattiyaṃ ekasmim kule nibbato vuddhippatto saddho buddhisampanno satthu dhammadesanaṃ sutvā pasannamānaso pabbajitvā vattasampanno nacirasseva arahā ahosi.

28. So attano pubbakammaṃ saritvā jātasomanasso pubbacaritāpadānaṃ pakāsento **phusso nāmātha bhagavāti**ādīmāha. Tattha **phussoti** phussanakkhattayogena jātattā mātāpitūhi katanāmadheyyena phusso. Atha vā nibbānaṃ phusi passi sacchī akāsīti **phusso**. Atha vā samatimsapāramitāsattatimsabodhipakkhiyadhamme sakale ca tepiṭake pariyattidhamme phusi passi aññāsīti **phusso**. Bhaggavā bhagyavā yuttotiādipuññakoṭṭhāsasamaṅgītāya **bhagavā**. **Āhutīnaṃ paṭiggahoti** āhutino vuccanti pūjāsakkārā, tesam āhutīnaṃ paṭiggahetuṃ arahatīti āhutīnaṃ paṭiggaho. Mahājanaṃ nibbāpento vīro phusso nāma bhagavā vīthiyaṃ **atha** tadā gacchateti sambandho. Sesam pākāamevāti.

Sappidāyakattheraapadānavaṇṇanā samattā.

7. Yūthikāpupphiyattheraapadānavaṇṇanā

Candabhāgānadīretīādikaṃ āyasmato yūthikāpupphiyattherassa apadānaṃ. Ayampi āyasmā purimamunindesu katādhikāro anekesu ca jātisatesu vivatṭūpanissayāni puññāni upacinanto phussasseva bhagavato kāle suddakule nibbato vuddhippato candabhāgāya nadiyā tīre kenacideva karaṇīyena anusotaṃ caramāno phussaṃ bhagavantaṃ nhāyitukāmaṃ aggikkhandhaṃ viya jalamānaṃ disvā somanassajāto tattha jātaṃ yūthikāpupphaṃ ocinitvā bhagavantaṃ pūjesi. Bhagavā tassa anumodanamakāsi.

33. So tattha tena puññakoṭṭhāsena devamanussesu saṃsaranto ubhayasampattiyo anubhavitvā imasmiṃ buddhuppāde kulagehe nibbato vuddhippato bhagavato dhammadesanaṃ sutvā pasannamānaso pabbajitvā vattapaṭipattiyā sāsanaṃ sobhento nacirasseva arahā hutvā attano pubbakammaṃ saritvā somanassajāto pubbacaritāpadānaṃ pakāsento **candabhāgānadīretīādīmāha**. Taṃ sabbhaṃ uttānatthamevāti.

Yūthikāpupphiyattheraapadānavaṇṇanā samattā.

8. Dussadāyakattheraapadānavaṇṇanā

Tivarāyaṃ pure rammetīādikaṃ āyasmato dussadāyakattherassa apadānaṃ. Ayampāyasmā purimajinavaresu katādhikāro tattha tattha bhava vivatṭūpanissayāni puññāni upacinanto siddhatthassa bhagavato kāle rājakule nibbato vuddhippattakāle yuvarājabhāvaṃ patvā pākaṭo ekaṃ janapadaṃ labhitvā tatrādhīpatibhūto sakalajanapadavāsino dānapiyavacanaatthacariyāsamānatthātāsankhātehi catūhi saṅgahavatthūhi saṅgaṇhāti. Tasmīṃ samaye siddhattho bhagavā taṃ janapadaṃ sampāpuṇi. Atha so yuvarājā paṇṇākāraṃ labhitvā tattha sukhumavatthena bhagavantaṃ pūjesi. Bhagavā taṃ vatthaṃ hatthena parāmasitvā ākāsaṃ pakkhandi. Tampi vatthaṃ bhagavantameva anubandhi. Atha so yuvarājā taṃ acchariyaṃ disvā atīva pasanno añjaliṃ paggayha aṭṭhāsi. Bhagavato sampattasampattatṭhāne sabbe janā taṃ acchariyaṃ disvā acchariyabbhutacittā añjaliṃ paggayha aṭṭhaṃsu. Bhagavā vihārameva agamāsi. Yuvarājā teneva kusalakamma tato cuto devaloke uppanno tattha dibbasampattiṃ anubhavitvā manussesu cakkavattīdisampattiyo anubhavitvā imasmiṃ buddhuppāde vibhavasampanne ekasmiṃ kule nibbato viññutaṃ patto gharāvāsaṃ saṅghapetvā ratanattaye pasanno bhagavato dhammadesanaṃ sutvā paṭiladdhasaddho pabbajitvā vāyamanto nacirasseva arahā ahoṣi.

38. So ekadivasaṃ attano pubbakammaṃ saritvā somanassajāto pubbacaritāpadānaṃ pakāsento **tivarāyaṃ pure rammetīādīmāha**. Tattha tivarānāmake nagare ramaṇīye ahaṃ rājaputto hutvā siddhatthaṃ bhagavantaṃ vatthena pūjesinti attho. Sesāṃ suviññeyyamevāti.

Dussadāyakattheraapadānavaṇṇanā samattā.

9. Samādapakattheraapadānavaṇṇanā

Nagare bandhumatiyātiādikaṃ āyasmato samādapakattherassa apadānaṃ. Ayampi thero purimabuddhānaṃ santike katakusalasambhāro anekesu bhavesu vivatṭūpanissayāni puññāni upacinanto vipassissa bhagavato kāle kulagehe nibbato vuddhimanvāya gharāvāsaṃ saṅghapetvā puññāni karonto vasamāno saddho pasanno bahū upāsake sannipātetvā gaṇajetṭhako hutvā “māḷakaṃ karissāmā” ti te sabbe samādapetvā ekaṃ māḷakaṃ samaṃ kāretvā paṇḍarapulinaṃ okiritvā bhagavato niyyādesi. So tena puññena devaloke uppanno cha kāmāvacarasampattiyo anubhavitvā manussesu ca cakkavattīdisampattiyo anubhavitvā imasmiṃ buddhuppāde kulagehe nibbato viññutaṃ patto bhagavati pasanno dhammaṃ sutvā pasannamānaso saddhājāto pabbajitvā silasampanno vattasampanno nacirasseva arahattaṃ pāpuṇi.

44. So aparabhāge attano katakusalaṃ saritvā saṅghātasomanasso pubbacaritāpadānaṃ pakāsento **nagare bandhumatiyātiādīmāha**. Tattha bandhanti nātīgottādivasena ekasambandhā honti sakalanagaravāsīnoti bandhū, bandhū etasmiṃ vijjantīti bandhumatī, tassā bandhumatiyā nāma nagare mahāpūgagaṇo upāsakasamūho ahoṣīti attho. **Māḷaṃ kassāma saṅghassāti** ettha māti gaṇhāti sampattasampattajanānaṃ cittanti māḷaṃ, atha vā sampattayatigaṇānaṃ cittassa vivekakarāṇe alanti māḷaṃ,

māḷameva māḷakaṃ, bhikkhusaṅghassa phāsuvihāratthāya māḷakaṃ karissāmāti attho. Sesam pākāṭamevāti.

Samādapakattheraapadānavañṇanā samattā.

10. Pañcaṅguliyattheraapadānavañṇanā

Tisso nāmāsi bhagavātiādikaṃ āyasmato pañcaṅguliyattherassa apadānaṃ. Ayampi purimabuddhesu katādhikāre tattha tattha bhava vivaṭṭūpanissayāni puññāni upacinanto tīssassa bhagavato kāle ekasmiṃ kule nibbatta vuddhimanvāya gharāvāsaṃ saṅghapetvā vibhavasampanno saddho pasanno vīthito vihāraṃ paṭipannaṃ bhagavantaṃ disvā jātisumanādiānekāni sugandhapupphāni candanādīni ca vilepanāni gāhāpetvā vihāraṃ gato pupphehi bhagavantaṃ pūjetvā vilepanehi bhagavato sarīre pañcaṅgulikaṃ katvā vanditvā pakkāmi.

50. So tena puññena devamanussesu ubhayasampattiyo anubhavitvā imasmiṃ buddhuppāde vibhavasampanne ekasmiṃ kule nibbattitvā vuddhimanvāya satthu dhammadesanaṃ sutvā pasannamānaso pabbajitvā vipassanaṃ vaḍḍhetvā nacirasseva arahā hutvā pubbakammaṃ saranto paccakkhato ñatvā “imaṃ nāma kusalakammaṃ katvā īdisaṃ lokuttarasampattiṃ pattomhi”ti pubbacaritāpadānaṃ pakāsento **tisso nāmāsi bhagavāti**ādīmāha. Taṃ sabbaṃ uttānatthamevāti.

Pañcaṅguliyattheraapadānavañṇanā samattā.

Sattarasamavaggavañṇanā samattā.

18. Kumudavaggo

1. Kumudamāliyattheraapadānavañṇanā

Pabbate himavantamhītiādikaṃ āyasmato kumudamāliyattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññāni upacinanto atthadassissa bhagavato kāle himavantapabbatasamīpe jātassarassa āsanne rakkhaso hutvā nibbatta atthadassiṃ bhagavantaṃ tattha upagataṃ disvā pasannamānaso kumudapupphāni ocinitvā bhagavantaṃ pūjesi. Bhagavā anumodanaṃ katvā pakkāmi.

1. So tena puññena tato cavitvā devalokaṃ upapanno cha kāmāvacarasampattiyo anubhavitvā manussesu ca cakkavattiādisampattiyo anubhavitvā imasmiṃ buddhuppāde kulagehe nibbatta vuddhippatta ratanattaye pasanno pabbajitvā vāyamanto brahmacariyapariyosānaṃ arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **pabbate himavantamhīti**ādīmāha. Tattha **tatthajo rakkhaso āsinti** tasmīṃ jātassarasamīpe jāto nibbatta rakkhaso pararudhiramaṃsakhādako niddayo ghorarūpo bhayānakasabhāvo mahābalo mahāthāmo kakkhaḷo yakkho āsiṃ ahosinti attho.

Kumudaṃ pupphate tatthāti tasmīṃ mahāsare sūriyamaṃsiyā abhāve sati sāyanhe makuḷitaṃ kuñcitākārena nippabhaṃ avañṇaṃ hotīti “kumuda”nti laddhanāmaṃ pupphaṃ pupphate vikasatīti attho. **Cakkamattāni jāyareti** tāni pupphāni rathacakkapamāṇāni hutvā jāyantīti attho. Sesam suviññeyyamevāti.

Kumudamāliyattheraapadānavañṇanā samattā.

2. Nissenīdayakattheraapadānavañṇanā

Koṇḍaññassa bhagavatotiādikaṃ āyasmato nissenīdayakattherassa apadānaṃ. Ayampi purimajinavaresu katādhikāro anekāsu jātīsu vivaṭṭūpanissayāni puññāni upacinanto koṇḍañña

bhagavato kāle vaḍḍhakikule nibbatta saddho pasanno bhagavato dhammadesanaṃ sutvā pasannamānaso bhagavato vasanapāsādassārohanatthāya sārakaṭṭhamayaṃ nisseṇiṃ katvā ussāpetvā ṭhapesi. Bhagavā tassa pasādasamvaḍḍhanatthāya passantasseva uparipāsādaṃ āruhi. So atīva pasanno teneva pītisomanassena kālaṃ katvā devaloke nibbatta tattha dibbasampattiṃ anubhavitvā manussesu jāyamāno nisseṇidānanissandena uccakule nibbatta manussasukhaṃ anubhavitvā imasmiṃ buddhuppāde ekasmiṃ kule nibbatta satthu dhammadesanaṃ sutvā saddhājāto pabbajito nacirasseva arahā ahoṣi.

9. So attano pubbakammaṃ saritvā somanassajāto pubbacaritāpadānaṃ pakāseno **koṇḍañña** **bhagavatotiādīmāha**. Tattha **koṇḍaññassāti** kucchito hutvā ḍeti pavattatīti koṇḍo, lāmakasatto, koṇḍato aññoti koṇḍañño, alāmakko uttamapurisoti attho. Atha vā brāhmaṇagottesu koṇḍaññaḥgotte uppannattā “koṇḍañño”ti gottavasena tassa nāmaṃ, tassa koṇḍañña. Sesam pākāamevāti.

Nisseṇidāyakattheraapadānavaṇṇanā samattā.

3. Rattipupphiyattheraapadānavaṇṇanā

Migaluddo pure āsintiādikaṃ āyasmato rattipupphiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle nesādakule uppanno migavadhāya araññe vicaramāno tassa kāruññena araññe caramānaṃ vipassim bhagavantaṃ disvā pasannamānaso pupphitaṃ rattikaṃ nāma pupphaṃ kuṭajapupphañca saha vaṇṭena ocinitvā somanassacittena pūjesi. Bhagavā anumodanaṃ katvā pakkāmi.

13. So teneva puññena devamanussesu saṃsaranto ubhayaṃsampattiyo anubhavitvā imasmiṃ buddhuppāde kulagehe nibbatta viññutaṃ patto ratanattaye pasanno satthu dhammadesanaṃ sutvā kāmesu ādīnaṃ disvā pabbajitvā nacirasseva arahattaṃ patto attano pubbakammaṃ saritvā “nesādabhūtena mayā katakusalaṃ sundara”nti somanassajāto pubbacaritāpadānaṃ pakāseno **migaluddo pure āsintiādīmāha**. Tattha migānaṃ luddo sāhasiko mārakoti migaluddo, migesu vā luddo lobhīti migaluddo, nesādo āsim pureti attho.

14. **Rattikaṃ pupphitaṃ disvāti** padumapupphādīni anekāni pupphāni sūriyamaṃsisamphassa divā pupphanti rattiyaṃ makuḷitāni honti. Jātisumanamallikādīni anekāni pupphāni pana rattiyaṃ pupphanti no divā. Tasmā rattiyaṃ pupphanato rattipupphanāmākāni anekāni sugandhapupphāni ca kuṭajapupphāni ca gahetvā pūjesinti attho. Sesam uttānatthamevāti.

Rattipupphiyattheraapadānavaṇṇanā samattā.

4. Udapānadāyakattheraapadānavaṇṇanā

Vipassino bhagavatotiādikaṃ āyasmato udapānadāyakattherassa apadānaṃ. Ayampi thero purimamunivaresu katādhikāro anekesu bhavesu katapuññasañcayo vipassissa bhagavato kāle kulagehe nibbatta vuddhippatto “pānīyadānaṃ mayā dātabbaṃ, tañca nirantaraṃ katvā pavattetuṃ vaṭṭatī”ti cintetvā ekaṃ kūpaṃ khanāpetvā udakasampattakāle iṭṭhakāhi cināpetvā thiraṃ katvā tattha uṭṭhitena udakena puññaṃ taṃ udapānaṃ vipassissa bhagavato niyyādesi. Bhagavā pānīyadānānisamaṃsadīpakaṃ anumodanaṃ akāsi. So tena puññena devamanussesu saṃsaranto nibbattanibbattaṭṭhāne pokkharāṇīudapānapānīyādisampanno sukhamanubhavitvā imasmiṃ buddhuppāde ekasmiṃ kule nibbatta vuddhimanvāya saddho pasanno pabbajitvā nacirasseva arahā ahoṣi.

18. So aparabhāge attano pubbakammaṃ saritvā somanassajāto pubbacaritāpadānaṃ pakāseno **vipassino bhagavatotiādīmāha**. Tattha **udapāno kato mayāti** udakaṃ pivanti etthāti udapāno, kūpapokkharāṇīalākānametaṃ adhivacanaṃ. So udapāno kūpo vipassissa bhagavato atthāya kato khanitoti attho. Sesam uttānatthamevāti.

Udapānadāyakattheraapadānavaṇṇanā samattā.

5. Sīhāsanadāyakattheraapadānavaṇṇanā

Nibbute lokanāthamhītiādikaṃ āyasmato sīhāsanadāyakattherassa apadānaṃ. Ayampi purimabuddhesu katādhikāro tattha tattha bhava nibbānādhigamatthāya katapuññūpacayo padumuttarassa bhagavato kāle gahapatikule nibbato viññutaṃ patto satthu dhammadesanaṃ sutvā ratanattaye pasanno tasmim bhagavati parinibbute sattaḥ ratanehi khacitaṃ sīhāsanaṃ kārāpetvā bodhirukkhaṃ pūjesi, bahūhi mālāgandhadhūpehi ca pūjesi.

21. So tena puññena devamanussesu saṃsaranto ubhayasampattiyo anubhavitvā sabbattha pūjito imasmim buddhuppāde sāvattiyam kulagehe nibbato vuddhippatto gharāvāsaṃ vasanto satthu dhammadesanaṃ sutvā pasannamānaso ñātivaggaṃ pahāya pabbajito nacirasseeva arahā hutvā pubbūpacitakusalasambhāraṃ saritvā sañjātasomanasso pubbacaritāpadānaṃ pakāsento **nibbute lokanāthamhīti**ādīmāha. Tattha **sīhāsanamadāsahanti** sīharūpahiraññasuvaṇṇaratanehi khacitaṃ āsanaṃ sīhāsanaṃ, sīhassa vā abhītassa bhagavato nisinnārahaṃ, sīhaṃ vā seṭṭhaṃ uttamaṃ āsananti sīhāsanaṃ, taṃ ahaṃ adāsim, bodhirukkhaṃ pūjesinti attho. Sesam suviññeyyamevāti.

Sīhāsanadāyakattheraapadānavaṇṇanā samattā.

6. Maggadattikattheraapadānavaṇṇanā

Anomadassī bhagavātiādikaṃ āyasmato maggadattikattherassa apadānaṃ. Ayampāyasmā purimabuddhesu katādhikāro tattha tattha bhava vivaṭṭūpanissayāni puññāni upacinanto anomadassissa bhagavato kāle kulagehe nibbato vuddhimanvāya gharāvāsaṃ saṅghapetvā vasanto anomadassim bhagavantaṃ ākāse caṅkamaṇṇaṃ pāduddhāre pāduddhāra caṅkamaṇṇaṃ pupphānaṃ vikiraṇaṃ acchariyañca disvā pasannamānaso pupphāni ākāse ukkhipi, tāni vitānaṃ hutvā aṭṭhaṃsu.

26. So tena puññena sugatīsuyeva saṃsaranto sabbattha pūjito sukhaṃ anubhavitvā imasmim buddhuppāde ekasmim kule nibbato kamena yobbaññaṃ pāpuṇitvā saddhājāto pabbajitvā vattasampanno nacirasseeva arahattaṃ patto caṅkamaṇṇassa pūjitattā **maggadattikattheroti** pākaṭo. So pubbakammaṃ saritvā somanassajāto pubbacaritāpadānaṃ pakāsento **anomadassī bhagavāti**ādīmāha. **Diṭṭhadhammasukhatthāyāti** imasmim attabhāve caṅkamaṇṇena sarīrasallahukādisukhaṃ paṭiccāti attho. **Abbhokāsamhi caṅkamīti** abbhokāse aṅgaṇaṭṭhāne caṅkami, padavikkhepaṃ padasañcāraṃ akāsīti attho.

Uddhate pāde pupphānīti caṅkamantena pāde uddhate padumuppālādīni pupphāni pathavito uggantvā caṅkame vikiriṃsūti attho. **Sobhaṃ muddhani tiṭṭhareti** buddhassa muddhani sīse sobhayamānā tāni tiṭṭhantīti attho. Sesam suviññeyyamevāti.

Maggadattikattheraapadānavaṇṇanā samattā.

7. Ekadīpiyattheraapadānavaṇṇanā

Padumuttarassa muninotiādikaṃ āyasmato ekadīpiyattherassa apadānaṃ. Ayampāyasmā purimajinaseṭṭhesu katakusalasambhāro tattha tattha bhava vivaṭṭūpanissayāni puññāni upacinanto padumuttarassa bhagavato kāle gahapatikule nibbato vuddhippatto saddho pasanno bhagavato salalamahābodhimhi ekapadīpaṃ pūjesi, thāvaram katvā niccamekapadīpapūjanatthāya telavaṭṭaṃ paṭṭhapesi. So tena puññena devamanussesu saṃsaranto sabbattha jalamāno pasannacakkhuko ubhayasukhamanubhavitvā imasmim buddhuppāde sāvattiyam vibhavasampanne ekasmim kule nibbato viññutaṃ patto ratanattaye pasanno pabbajitvā nacirasseeva arahattaṃ patto dīpapūjāya laddhavisēsādhigamattā **ekadīpiyattheroti** pākaṭo.

30. So aparabhāge attano pubbakammaṃ saritvā somanassajāto pubbacaritāpadānaṃ pakāsentō **padumuttarassa muninotiādīmāha**. Taṃ sabbaṃ uttānatthamevāti.

Ekadīpiyattheraapadānavaṇṇanā samattā.

8. Maṇipūjakattheraapadānavaṇṇanā

Orena himavantassātiādikaṃ āyasmato maṇipūjakattherassa apadānaṃ. Ayampi thero purimabuddhesu katādhikāro tattha tattha bhavē vivaṭṭūpanissayāni puññāni upacinanto padumuttarassa bhagavato kāle ekasmiṃ kule nibbato gharāvāsaṃ saṅghapetvā tathādīnaṃ disvā gharāvāsaṃ pahāya tāpasapabbajjaṃ pabbajitvā himavantaorabhāge ekissā nadiyā samīpe paṇṇasālaṃ kāretvā vasanto vivekakāmatāya tassānukampāya ca tattha upagataṃ padumuttaraṃ bhagavantaṃ disvā pasannamānaso maṇipallaṅkaṃ bhagavato pūjesi. Bhagavā tassa pasādavaḍḍhanatthāya tattha nisīdi. So bhiiyosomattāya pasanno nibbānādhigamattāya patthanaṃ akāsi. Bhagavā anumodanaṃ vatvā pakkāmi. So tena puññena devamanussesu saṃsaranto sabbattha pūjito sukhaṃ anubhavitvā imasmiṃ buddhuppāde sāvattiyāṃ vibhavasampanne kule nibbato gharāvāsaṃ vasanto ekadivasaṃ satthu dhammadesanaṃ sutvā paṭiladdhasaddho pabbajitvā nacirasseva arahā ahoṣi.

34. So ekadivasaṃ attanā katakusalaṃ saritvā sañjātasomanasso pubbacaritāpadānaṃ pakāsentō **orena himavantassātiādīmāha**. Tattha **orenāti** himavantassa aparaṃ bhāgaṃ vihāya orena, bhummatthe karaṇavacanaṃ, orasmiṃ disābhāgeti attho. **Nadikā sampavattathāti** apākaṭanāmadheyyā ekā nadī saṃsuṭṭhu pavattānī vahānī sandamānā ahoṣīti attho. **Tassā cānupakhattamhīti** tassā nadiyā anupakhattamhī tīrasamīpeti attho. **Sayambhū vasate tadāti** yadā ahaṃ maṇipallaṅkaṃ pūjesiṃ, tadā anācariyako hutvā sayameva buddhabhūto bhagavā vasate viharatīti attho.

35. **Maṇiṃ paggayha pallaṅkanti maṇinti** cittaṃ ārādheti somanassaṃ karotīti maṇi, atha vā māti pamāṇaṃ karotī ābharaṇanti maṇi, atha vā marantāpi rājayavarājādayo taṃ na pariccajanti tadatthāya saṅgāmaṃ karontīti maṇi, taṃ maṇiṃ maṇimayaṃ pallaṅkaṃ manoramaṃ **sādhū cittaṃ** suṭṭhu vicittaṃ paggayha gahetvā buddhaseṭṭhassa **abhiropayimī** pūjesinti attho. Sesāṃ sabbaṃ uttānatthamevāti.

Maṇipūjakattheraapadānavaṇṇanā samattā.

9. Tikicchakattheraapadānavaṇṇanā

Nagare bandhumatiyātiādikaṃ āyasmato tikicchakattherassa apadānaṃ. Ayampāyasmā purimajinavaresu katādhikāro tattha tattha bhavē vivaṭṭūpanissayāni puññāni upacinanto vipassissa bhagavato kāle bandhumatīnagare vejjakule nibbato bahussuto susikkhito vejjakamme cheko bahū roginō tikicchanto vipassissa bhagavato upaṭṭhākassa asokanāmattherassa rogaṃ tikicchi. So tena puññena devamanussesu aparāparaṃ sukhaṃ anubhavanto nibbattanibbattabhavē arogo dīghāyuko suvaṇṇavaṇṇasarīro ahoṣi.

39. So imasmiṃ buddhuppāde sāvattiyāṃ gahapatikule nibbato vuddhimanvāya sabbasippesu nipphattiṃ patto arogo sukhito vibhavasampanno ratanattaye pasanno satthu dhammadesanaṃ sutvā paṭiladdhasaddho gharāvāsaṃ pahāya pabbajitvā nacirasseva arahā hutvā pubbakammaṃ saritvā somanassajāto pubbacaritāpadānaṃ pakāsentō **nagare bandhumatiyātiādīmāha**. Taṃ sabbaṃ heṭṭhā vuttanayattā uttānatthamevāti.

Tikicchakattheraapadānavaṇṇanā samattā.

10. Saṅghupaṭṭhākakatheraapadānavaṇṇanā

Vessabhumhi bhagavatītiādikaṃ āyasmato saṅghupaṭṭhākakatherassa apadānaṃ. Ayampi thero

purimabuddhesu katakusalasambhāro anekesu bhavesu vivaṭṭūpanissayāni puññāni upacinanto vessabhussa bhagavato kāle tassārāmikassa putto hutvā nibbato viññutaṃ patvā saddho pasanno vihāresu ārāmikakammaṃ karonto sakkaccaṃ saṅghaṃ upaṭṭhāsi. So teneva kusalakammaena devamanussesu saṃsaranto ubhayasampattiyo anubhavitvā imasmiṃ buddhuppāde sāvattiyāṃ gahapatikule nibbato vuddhippatto vibhavasampanno sukhappatto pākaṭo satthu dhammadesanaṃ sutvā sāsane pasanno pabbajitvā vattasampanno sāsanaṃ sobhayamāno vipassanaṃ vadḍhento nacirasseva saha paṭisambhidāhi arahattaṃ patto chaḷabhiñño pubbe katakusalakammavasena **saṅghupaṭṭhākatttheroti** pākaṭo ahoṣi.

45. So ekadivasāṃ “pubbe mayā kiṃ nāma kammaṃ katvā ayaṃ lokuttarasampatti laddhā”ti attano pubbakammaṃ saritvā paccakkhato jānitvā somanassajāto pubbacaritāpadānaṃ pākaṭaṃ karonto **vessabhumhi bhagavatī**tiādīmāha. Tattha **ahosārāmiko ahanti** ahaṃ vessabhussa bhagavato sāsane ārāmiko ahoṣinti attho. Sesāṃ heṭṭhā vuttanayattā uttānatthattā ca suviññeyyamevāti.

Saṅghupaṭṭhākatttheraapadānavañṇanā samattā.

Aṭṭhārasamavaggavañṇanā samattā.

19. Kuṭajapupphiyavaggo

1-10. Kuṭajapupphiyattheraapadānavañṇanā

Ito parampi ekūnavīsativavagge āgatānaṃ imesaṃ kuṭajapupphiyattherādīnaṃ dasannaṃ therānaṃ apubbaṃ natthi. Tesañhi therānaṃ purimabuddhānaṃ santike katapuññasambhārānaṃ vasena pākaṭanāmāni ceva nivāsanagarādīni ca heṭṭhā vuttanayeneva veditabbānti taṃ sabbaṃ apadānaṃ suviññeyyamevāti.

Ekūnavīsativavaggavañṇanā samattā.

20. Tamālapupphiyavaggo

1-10. Tamālapupphiyattheraapadānavañṇanā

Vīsatime vagge paṭhamattherāpadānaṃ uttānameva.

6. Dutiyattherāpadāne yaṃ **dāyavāsiko isīti** isipabbajjaṃ pabbajitvā vane vasanabhāvena **dāyavāsiko isīti** saṅkhaṃ gato, attano anukampāya taṃ vanaṃ upagatassa siddhatthassa satthuno vasanaṃ maṇḍapacchādanatthāya yaṃ tiṇaṃ, taṃ **lāyati** chindatīti attho. Dabbachadanaṃ katvā anekehi khuddakadaṇḍakehi maṇḍapaṃ katvā taṃ tiṇena chādetvā **siddhatthassa** bhagavato ahaṃ **adāsīṃ** pūjesinti attho.

8. **Sattāhaṃ dhārayuṃ tatthāti** taṃ maṇḍapaṃ tattha ṭhitā devamanussā sattāhaṃ nirodhasamāpattiṃ samāpajjitvā nisinnassa **satthuno dhārayuṃ** dhāresunti attho. Sesāṃ uttānatthamevāti.

Tatthiyattherassa apadāne **khaṇḍaphulliyattheroti** ettha **khaṇḍanti** kaṭṭhānaṃ jīṇṇattā chinnabhinnatṭhānaṃ, **phullanti** kaṭṭhānaṃ jīṇṇatṭhāne kaṇṇakitamahicchattakādīpupphanāṃ, khaṇḍaṅca phullaṅca khaṇḍaphullāni, khaṇḍaphullānaṃ paṭisaṅkharānaṃ punappunaṃ thirakaraṇanti khaṇḍaphullapaṭisaṅkharānaṃ. Imassa pana therassa sambhārapūraṇakāle phussassa bhagavato cetiye chinnabhinnatṭhāne sudhāpiṇḍaṃ makkhetvā thirakaraṇaṃ khaṇḍaphullapaṭisaṅkharānaṃ nāma. Tasmā so khaṇḍaphulliyo theroti pākaṭo ahoṣi. Tatthiyaṃ.

17. Catutthattherassāpadāne **rañño baddhacaro ahanti** rañño paricārako kammakārako ahoṣinti attho.

19. **Jalajuttamanāminoti** jale udake jātaṃ jalajaṃ, kiṃ taṃ padumaṃ, padumena samānanāmattā padumuttarassa bhagavatoti attho. Uttamapadumanāmassa bhagavatoti vā attho. Catutthaṃ.

Pañcamaṃ uttānatthameva.

28. Chaṭṭhe **nagare dvāravatīyāti** mahādvāravātapānakavāṭaphalakāhi vatipākāraṭṭālagopurakaddamodakaparikhāhi ca sampannaṃ nagaranti dvāravatīnagaraṃ, dvāraṃ vatiṅca padhānaṃ katvā nagarassa upalakkhitattā “dvāravatī nagara”nti voharantīti **nagare dvāravatīyāti** vuttaṃ. Mālāvacco pupphārāmo mama ahoṣīti attho.

31. **Te kisalayāti** te asokapallavā. Chaṭṭhaṃ.

Sattamaṭṭhamanavamāni uttānatthāneva. Dasamepi apubbaṃ natthīti.

Vīsativavaṇṇanā samattā.

21-23. Kaṇikārapupphiyādivaggo

1-30. Kaṇikārapupphiyattheraapadānādivaṇṇanā

Ito paraṃ sabbattha anuttānapadavaṇṇanaṃ karissāma. Ekavīsatime bāvīsatime tevīsatime ca vagge sabbesaṃ therānaṃ sayamkatena puññaena laddhanāmāni, katapuññaṅca nānattaṃ tesam byākaraṇadāyakānaṃ buddhānaṃ nāmāni vasitanagarāni ca heṭṭhā vuttanayattā sabbānipi uttānāneva. Apadānagāthānamattho ca nayānuyogena suviññeyyoyevāti.

24. Udakāsanavaggo

1-10. Udakāsanadāyakattheraapadānādivaṇṇanā

Catuvīsatime vagge paṭhamadutiyāpadānāni uttānāneva.

9. Tatiyāpadāne **aruṇavatiyā nagareti** ā samantato ālokaṃ karonto uṇati uggacchatīti aruṇo, so tasmim vijjatīti aruṇavatī, tasmim nagare ālokaṃ karonto sūriyo uggacchatīti attho. Sesanagaresupi sūriyuggamane vijjamānēpi visesavacanaṃ sabbacatuppadānaṃ mahiyaṃ sayanēpi satī mahiyaṃ sayatīti mahiṃsotī vacanaṃ viya rūḷhivasena vuttanti veditabbaṃ. Atha vā pākārapāsādahammiyādīsū suvaṇṇarajatamaṇimuttādīsattaratanapabhāhi aruṇuggamanaṃ viya pabhāvātī aruṇavatī nāma, tasmim aruṇavatiyā nagare, **pūpiko** pūpavikkayena jīvikaṃ kappento ahoṣinti attho.

14. Catutthāpadāne **tivarāyaṃ pure rammeti** tīhi pākārehi parivāritā parikkhittāti tivarā, khajjabhojjādiupabhogavathābharaṇādīnacagītādīhi ramaṇīyanti rammaṃ, tasmim tivarāyaṃ pure nagare **ramme** naḷakāro ahaṃ ahoṣinti sambandho.

Pañcamāpadānaṃ uttānatthameva.

23. Chaṭṭhāpadāne **vaṇṇakāro ahaṃ tadāti** nīlapītarattādivaṇṇavasena vatthāni karoti rañjetīti vaṇṇakāro. Vattharajako hutvā cetiye vatthehi acchādanasamaye nānavaṇṇehi dussāni rañjesinti attho.

27. Sattamāpadāne **piyālaṃ pupphitaṃ disvāti** supupphitaṃ piyālarukkhaṃ disvā. **Gatamagge khipim ahaṃ mīgaluddo** nesādo hutvā piyālapupphaṃ ocinitvā buddhassa gatamagge khipim pūjesinti attho.

30. Aṭṭhamāpadāne **sake sippe apatthaddhoti** attano takkabyākaraṇādisippasmiṃ apatthaddho patiṭṭhito cheko ahaṃ kānaṃ **agamam** gato **sambuddham yantaṃ disvānāti** vanantare gacchantam vipassim sambuddham passitvā. **Ambayāgam adāsahanti** ahaṃ ambaḍānaṃ adāsinti attho.

33. Navamāpadāne **jagati kāritā mayhanti** atthadassissa bhagavato sarīradhātunidhāpitacetiye jagati chinnabhinnaālindapupphādhānaśākhātā jagati mayā kāritā kārapitāti attho.

Dasamāpadānaṃ uttānatthamevāti.

Catuvīsatisavaggavaṇṇanā samattā.

25. Tuvaradāyakavaggo

1-10. Tuvaradāyakattheraapadānādivaṇṇanā

1. Pañcavīsatisime vagge paṭhamāpadāne **bharitvā tuvaramādāyāti** tuvaraattṭhiṃ muggakalayasadisam tuvaraattṭhiṃ bhajjitvā pupphetvā bhājanena ādāya **saṅghassa** vanamajjhogāhakassa **adadiṃ** adāsinti attho.

4-5. Dutiyāpadāne **dhanuṃ advejjham katvānāti** migādīnaṃ māraṇatthāya dhanuṃ sannayhitvā caramāno **kesaram ogataṃ disvāti** supupphitaṃ khuddakasaram disvā **buddhassa abhiropesinti** ahaṃ cittaṃ pasādetvā vanaṃ sampattassa tissassa bhagavato abhiropayim pūjesinti attho.

9-10. Tatiyāpadāne **jalakukkuṭoti jātassare** caramānakukkuṭo. **Tuṇḍena kesariṃ gayhāti** padumapupphaṃ mukhatuṇḍena ḍamsitvā ākāseṇa gacchantassa **tissassa** bhagavato **abhiropesim** pūjesinti attho.

14. Catutthāpadāne **viravapupphamādāyāti** vividham ravati saddam karotīti viravaṃ, saddakaraṇavelāyaṃ vikasanato “virava”nti laddhanāmaṃ pupphasamūhaṃ ādāya gahetvā siddhatthassa **buddhassa abhiropayim** pūjesinti attho.

17. Pañcamāpadāne **kuṭigopakoti** senāsanapālako. **Kālena kālam dhūpesinti** sampattasampattakālānukāle dhūpesim, dhūpena sugandham akāsinti attho. Siddhatthassa bhagavato gandhakuṭikālānusārīdhūpena dhūpesim vāsesinti attho.

Chaṭṭhasattamāpadānāni uttānatthāneva.

27. Aṭṭhamāpadāne **satta sattalipupphānīti** sattalisākhātāni, satta pupphāni sisenādāya vessabhussa bhagavato **abhiropesim** pūjesinti attho.

31. Navamāpadāne **bimbijālakapupphānīti** rattaṅkuravakapupphāni siddhatthassa bhagavato pūjesinti attho.

35. Dasamāpadāne **uddālakam gahetvānāti** jātassare vihaṅgasobbhe jātam uddālakapupphaṃ ocinitvā kakusandhassa bhagavato pūjesinti attho. Sesam suviññeyyamevāti.

Pañcavīsatisavaggavaṇṇanā samattā.

26. Thomakavaggo

1-10. Thomakattheraapadānādivaṇṇanā

Chabbīsātime vagge paṭhamāpadānaṃ uttānameva.

5-6. Dutiyāpadāne vijahitvā devavaṇṇanti devatā sarīraṃ vijahitvā chaḍḍetvā, manussasarīraṃ nimminivāti attho. **Adhikāraṃ kattukāmoti** adhikakiriyaṃ puññasambhāraṃ kattukāmo devaro nāma ahaṃ devarājā bhariyāya saha buddhaseṭṭhassa sāsane sādaratāya **idha** imasmiṃ manussaloke **āgamiṃ** āgatoti attho. **Tassa bhikkhā mayā dinnāti** padumuttarassa bhagavato yo nāmena **devalo** nāma sāvako ahosi, tassa sāvakassa mayā vipprasanna cetasā **bhikkhā dinnā** piṇḍapāto dinnoti attho.

9-10. Tatiyāpadāne ānando nāma sambuddhoti ānandaṃ tuṭṭhiṃ janānato ānando nāma paccekabuddhoti attho. **Amanussamhi kānaneti** amanussapariggahe kānane mahāaraññe **parinibbāyi** anupādisesanibbānadhātuyā antaradhāyi, adassanaṃ agamāsīti attho. **Sarīraṃ tattha jhāpesinti** ahaṃ devalokā idhāgantvā tassa bhagavato sarīraṃ tattha araññe jhāpesiṃ dahanāṃ akāsinti attho.

Catutthapañcamāpadānāni uttānāneva.

20. Chaṭṭhāpadāne **ahosiṃ candano nāmāti** nāmena paṇṇattivasena candano nāma. **Sambuddhassatrajoti** paccekasambuddhabhūtaṃ pubbe tassa atrajo putto ahaṃ. **Ekopāhano mayā dinnoti** ekaṃ upāhanayugaṃ mayā dinnāṃ. **Bodhiṃ sampajja me tuvanti** tena upāhanayugena me mayhaṃ sāvakabodhiṃ tuvaṃ sampajja nipphādehīti attho.

23-24. Sattamāpadāne **mañjarikaṃ karitvānāti** mañjetṭhipupphaṃ haritacaṅkoṭakaṃ gahetvā **rathiyāṃ** vīthiyā paṭipajjiṃ ahaṃ tathā paṭipannova **bhikkhusaṅghapurakkhataṃ** bhikkhusaṅghena parivutaṃ **samañānaggaṃ** samañānaṃ bhikkhūnaṃ aggaṃ seṭṭhaṃ sammāsambuddhaṃ addasanti sambandho. **Buddhassa abhiropayinti** disvā ca pana taṃ pupphaṃ ubhohi hatthehi **paggayha** ukkhipitvā buddhassa phussassa bhagavato abhiropayiṃ pūjesinti attho.

28-29. Aṭṭhamāpadāne **aloṇapaṇṇabhakkhomhīti** khīrapaṇṇādīni uñchācariyāya āharitvā loṇavirahitāni paṇṇāni pacitvā bhakkhāmi, aloṇapaṇṇabhakkho amhi bhavāmīti attho. **Niyamesu ca saṃvutoti** niyamasaññitesu pāṇātipātāveramaññādīsū niccapañcasīlesu saṃvuto pihitoti attho. **Pātarāse anuppatteti** purehattakāle anuppatte. **Siddhattho upagacchi manti** mama samīpaṃ siddhattho bhagavā upagañchi sampāpuṇi. **Tāhaṃ buddhassa pādāsinti** ahaṃ taṃ aloṇapaṇṇaṃ tassa buddhassa adāsinti attho.

Navamāpadānaṃ uttānameva.

37-38. Dasamāpadāne **sikhinaṃ sikhinaṃ yathāti** sarīrato nikkhantachabbaṇṇaraṃsīhi **obhāsayaṃtaṃ** jalantaṃ sikhīnaṃ sikhībhaṅgavantaṃ sikhīnaṃ yathā jalamānaaggikkhandhaṃ viya. **Aggajaṃ pupphamādāyāti** aggajānāmaṃ pupphaṃ gahetvā **buddhassa** sikhissa bhagavato **abhiropayiṃ** pūjesinti attho.

Chabbīsātimavaggavaṇṇanā samattā.

27. Padumukkipavaggo

1-10. Ākāsukkipiyattheraapadānādivaṇṇanā

1-2. Sattavīsātime vagge paṭhamāpadāne **jalajagge duve gayhāti** jale uduke jāte agge uppalādayo dve pupphe gahetvā buddhassa samīpaṃ gantvā ekaṃ pupphaṃ pādesu **nikkhipiṃ** pūjesiṃ, ekaṃ pupphaṃ ākāse khipinti attho.

Dutiyāpadānaṃ pākāṭameva.

10. Tatiyāpadāne **bodhiyā pādaputtameti** uttame bodhipādape. **Aḍḍhacandaṃ mayā dinnanti** tasmim bodhimūle aḍḍhacandākārena mayā anekapupphāni pūjitānīti attho. **Dharaṇīruhapādapeti** rukkhapabbataratanādayo dhāretīti dharaṇī, pathavī, dharaṇiyā ruhati patitṭhahatīti dharaṇīruho, pādasaṅkhātena mūlena udakaṃ pivati khandhaviṭṭapādīsu patthariyatīti pādapo, dharaṇīruho ca so pādapo ceti dharaṇīruhapādapo, tasmim dharaṇīruhapādape pupphaṃ mayā pūjitanti attho.

Catutthāpadānaṃ uttānatthameva.

18-19. Pañcamāpadāne **himavantassāvidūreti** himavantassa āsanne. **Romaso nāma pabbatoti** rukkhalatāgumbābhāvā kevalaṃ dabbatiṇādisaṅchannattā romaso nāma pabbato ahoṣi. **Tamhi pabbatapādamaḥīti** tasmim pabbatapariyante. **Samaṇo bhāvitindriyoti** samitapāpo vūpasantakilesa samaṇo vaḍḍhitaindriyo, rakkhitacakkhundriyādiindriyoti attho. Atha vā vaḍḍhitaindriyo vaḍḍhitasaddhindriyādiindriyoti attho. Tassa samaṇassa ahaṃ biḷāliāluve gahetvā adāsinti attho.

Chaṭṭhasattamaṭṭhamanavamadasamāpadānāni uttānatthānevāti.

Sattavīsativavaggavaṇṇanā samattā.

28. Suvaṇṇabibbohanavaggo

1-10. Suvaṇṇabibbohaniyattheraapadānādivaṇṇanā

Aṭṭhavīsatime vagge paṭhamāpadānaṃ uttānameva.

5. Dutiyāpadāne **manomayena kāyenāti** yathā cittavasena pavattakāyenāti attho.

10. Tatiyāpadāne **mahāsamuddaṃ nissāyāti** mahāsāgarāsanne ṭhitassa pabbatassa antare pabbatalaṇeti attho. Siddhattho bhagavā vivekakāmatāya **vasati** paṭivasatīti attho. **Paccuggantvānakāsahanti** ahaṃ tassa bhagavato paṭiuggantvā samīpaṃ gantvā vandanādipuññaṃ akāsinti attho. **Caṅkoṭakamadāsahanti** siddhatthassa bhagavato ahaṃ pupphabharitaṃ caṅkoṭakaṃ kadambaṃ adāsiṃ pūjesinti attho.

14. Catutthāpadāne **akakkasacittassāthāti** aphaṇusacittassa, **atha**-saddo padapūraṇe.

19. Pañcamāpadāne **udumbare vasantassāti** udumbararukkhamūle rukkhacchāyāya vasantassa tissassa bhagavato. **Niyate paṇṇasanthareti** niyāmite paṭibaddhe paṇṇasanthare sākhābhāṅgāsane nisinnassa. **Vutthokāso mayā dinnoti** vivittokāse maṇḍapadvārādīhi pihitokāso mayā dinno sampādītoti attho.

24. Chaṭṭhāpadāne **potthadānaṃ mayā dinnanti** potthavaṭṭim potthachallim tāletvā kataṃ sāṭakaṃ visamaṃ gophāsukena ghaṃsitvā nimmitaṃ suttaṃ gahetvā kantitvā tena suttena nisīdanatthāya vā bhūmattharaṇatthāya vā sāṭakaṃ vāyāpetvā taṃ sāṭakaṃ mayā ratanattayassa dinnanti attho.

27. Sattamāpadāne **candabhāgānadītireti** candabhāgāya nāma nadiyā tīrato, nissakke bhummavacanaṃ. **Anusotanti** sotassa anu heṭṭhāgaṅgaṃ **vajāmi** gacchāmi ahanti attho. **Satta māluvapupphāni, citamāropayim ahanti** ahaṃ māluvapupphāni satta pattāni gahetvā citake vālukaṛāsīmhi vālukāhi thūpaṃ katvā pūjesinti attho.

31-32. Aṭṭhamāpadāne **mahāsindhu sudassanāti** sundaradassanasundarodakadhavalapulinopasobhitattā suṭṭhu manoharā mahāsindhu nāma vārinadī ahoṣi. **Tattha** tissaṃ sindhuvārinadiyaṃ **sappabhāsaṃ** pabhāya sahitaṃ **sudassanaṃ** sundararūpaṃ

paramopasame yuttam uttame upasame yuttam samaṅgībhūtaṃ vītarāgaṃ ahaṃ addasanti attho. **Disvāhaṃ vimhitāsayoti** “evarūpaṃ bhayānakam himavantam katham sampatto”ti vimhitaajjhāsayo acchariyabbhutatittoti attho. **Āluvaṃ tassa pādāsinti** tassa arahato ahaṃ pasannamānaso āluvakandaṃ pādāsiṃ ādarena adāsinti attho.

Navamadasamāpadānāni uttānānevāti.

Aṭṭhavīsatisamavaggavaṇṇanā samattā.

29. Paṇṇadāyakavaggo

1-10. Paṇṇadāyakattheraapadānādivaṇṇanā

1-2. Ekūnatimsatime vagge paṭhamāpadāne **paṇṇabhojanabhojanoti** khīrapaṇṇādibhojanassa bhuñjanatthāya paṇṇasālāya nisinno **amhi** bhavāmīti attho. **Upaviṭṭhañca maṃ santanti** paṇṇasālāyaṃ upaviṭṭhaṃ santaṃ vijjamānaṃ maṃ. **Upāgacchi mahāisīti** mahante silādikhandhe esanato mahāisi. **Lokapajjoto** lokapadīpo **siddhattho** bhagavā upagacchi, mama samīpaṃ agamāsīti attho. **Nisinnassa paṇṇasanthareti** upagantvā paṇṇasanthare nisinnassa khādanatthāya sedītaṃ **paṇṇaṃ** mayā dinnanti sambandho.

5-7. Dutiyāpadāne sinerusamasantoso dharaṇīsamasādiso siddhattho bhagavāti sambandho. **Vuṭṭhahitvā samādhimhāti** nirodhasamāpattito vuṭṭhahitvā visuṃ hutvāti attho. **Bhikkhāya mamupaṭṭhitoti** bhikkhācārevelāya “ajja mama yo koci kiñci dānaṃ dadāti, tassa mahapphala”nti cintetvā nisinnassa mama santikaṃ samīpaṃ upaṭṭhito samīpamāgatoti attho. **Harītakaṃ...pe...** **phārusakaphalāni cāti** evaṃ sabbaṃ taṃ phalaṃ sabbalokānukampino tassa **siddhatthassa mahesissa** mayā vipasannena cetasā dinnanti attho.

11-12. Tatiyāpadāne **sīhaṃ yathā vanacaranti** vane caramānaṃ sīharājaṃ iva caramānaṃ siddhatthaṃ bhagavantanti sambandho. **Nisabhājāniyaṃ yathāti** vasabho, nisabho, visabho, āsabhōti cattāro gavajēṭṭhakā. Tesu gavasatassa jēṭṭhako vasabho, gavasahassassa jēṭṭhako nisabho, gavasatasahassassa jēṭṭhako visabho, gavakoṭisatasahassassa jēṭṭhako āsabho. Idha pana āsabho “nisabho”ti vutto, ājāniyaṃ abhītaṃ niccalaṃ usabharājaṃ ivāti attho. **Kakudhaṃ vilasantaṃvāti** pupphapallavehi sobhamānaṃ kakudharukkhaṃ iva narāsabhaṃ narānaṃ āsabhaṃ uttamaṃ āgacchantam siddhatthaṃ bhagavantaṃ disvā saddhāya sampayuttatā vipasannena cetasā paccuggamaṃ akāsinti attho.

Catutthāpadānāni dasamāvasānāni suviññeyyānevāti.

Ekūnatimsatimavaggavaṇṇanā samattā.

30. Citakapūjakavaggo

1-10. Citakapūjakattheraapadānādivaṇṇanā

1-2. Timsatime vagge paṭhamāpadāne **āhutiṃ yiṭṭhukāmohanti** pūjāsakkāraṃ kāretukāmo ahaṃ. **Nānāpupphaṃ samānayinti** nānā anekavidhaṃ campakasalalādipupphaṃ saṃ suṭṭhu ānayaṃ, rāsīm akāsinti attho. **Sikhino lokabandhuno**ti sakalalokattayabandhussa ñātakassa sikhissa bhagavato parinibbutassa citakaṃ ālāhanacitakaṃ dāruṇāsiṃ jalantaṃ ādittaṃ disvā tañca mayā rāsikataṃ pupphaṃ **okiriṃ** pūjesinti attho.

6-7. Dutiyāpadāne **ajinuttaravāsanoti** ajinamigacammaṃ uttarāsaṅgaṃ katvā nivāsino acchādanoti

attho. **Abhiññā pañca nibbattāti** iddhividhādayo pañca abhiññāyo pañca ñāṇāni nibbattā uppāditā nipphādītā. **Candassa parimajjakoti** candamaṇḍalassa samantato majjako, phuttho ahosinti attho. **Vipassim lokapajjotanti** sakalalokattaye padīpasadisam vipassim bhagavantam mama santikam **abhigatam** visesena sampattam āgataṃ. **Disvā pāricchattakapupphānīti** devalokato pāricchattakapupphāni āharitvā vipassissa satthuno matthake chattākārena aham dhāresinti attho.

11-13. Tatiyāpadāne **putto mama pabbajitoti** mayham putto saddhāya pabbajito. **Kāsāyavasano tadāti** tasmim pabbajitakāle kāsāyanivattho, na bāhirakapabbajjāya pabbajitoti attho. **So ca buddhattam sampattoti** so mayham putto catūsu buddhesu sāvakabuddhabhāvaṃ sam suṭṭhu patto, arahattam pattoti attho. **Nibbuto lokapūjīti** sakalalokehi katasakkāro khandhaporinibbānena parinibbutoti attho. **Vicinanto sakam puttanti** aham tassa gatadesam pucchitvā sakam puttam vicinanto pacchato agamaṃ, anugato asmīti attho. **Nibbutassa mahantassāti** mahantehi sīlakkhandhādīhi yuttattā mahantassa tassa mama puttassa arahato ādahanatthāne **citakam** citakatthānam aham agamāsinti attho. **Paggayha añjaliṃ tatthāti** tasmim ādahanatthāne añjaliṃ dasaṅgulisamodhānam paggahetvā sirasi katvā aham **citakam** dahanadārurāsīm **vanditvā** paṇāmaṃ katvā **setacchattañca paggayhāti** na kevalameva vanditvā dhavalacchattañca paggayha ukkhipitvā aham **āropesim** patiṭṭhapesinti attho.

17-18. Catutthāpadāne **anuggatamhi ādicceti** sūriye anuggate anuṭṭhite paccūsakāleti attho. **Pasādo vipulo ahūti** rogapīṭitassa mayham cittappasādo vipulo atireko buddhānussaraṇena ahu aho. Mahesino **buddhaseṭṭhassa** lokamhi **pātubhāvo** pākāṭabhāvo ahoṣīti sambandho. **Ghosamassosaham tatthāti** tasmim pātubhāve sati “aham gilāno buddho uppanno”ti ghosam assosim. **Na ca passāmi tam jinanti** tam jitapañcamāraṃ sammāsambuddham na passāmi, bāḥagilānattā gantvā passitum na sakkomīti attho. **Maraṇaṇca anuppattoti** maraṇāsannakālam anuppatto, āsannamaraṇo hutvāti attho. **Buddhasaññamanussarinti** buddhotināmaṃ anussarim, buddhārammaṇam manasi akāsinti attho.

21-23. Pañcamāpadāne **ārāmadvārā nikkhammāti** ārāmadvārato saṅghassa nikkhamanadvāramaggehi attho. **Gosīsam santhataṃ mayāti** tasmim nikkhamanadvāramagge “bhagavato bhikkhusaṅghassa ca pādā mā kaddamaṃ akkamantū”ti akkamanatthāya gosīsatthim mayā santharitanti attho. **Anubhomi sakam kammanti** attano gosīsaattharaṇakammaṃ balena ājānīyā vātajavā sindhavā sīghavāhanādīni vipākaphalāni anubhomīti attho. **Aho kāraṃ paramakāranti sukhette** saṅghe mayā suṭṭhu kataṃ kāraṃ appakampi kiccaṃ mahapphaladānato paramakāraṃ uttamakiccaṃ aho vimhayanti attho. Yathā tiṇadosādivirahitesu khettesu vappitam sālībījam mahapphalaṃ deti, evameva rāgadosādidosarahite parisuddhakāyavacīsamācāre saṅghakhetto gosīsaattharaṇakammaṃ mayā kataṃ, idaṃ mahapphalaṃ detīti vuttam hoti. **Na aññaṃ kalamagghatīti** aññaṃ bāhiraśāsane kataṃ kammaṃ saṅghe **katassa kārassa** pūjāsakkārassa kalam soḷasim kalam koṭṭhāsam na agghatīti sambandho.

Chaṭṭhasattamaṭṭhamanavamasamāpadānāni uttānānevāti.

Tiṃsatimavaggavaṇṇanā samattā.

31. Padumakesaravaggo

1-10. Padumakesariyattheraapadānādivaṇṇanā

1-2. Ekatimṣatime vagge paṭhamāpadāne **isisaṅghe aham pubbeti** aham pubbe bodhisambhārapūraṇakāle isisaṅghe paccekabuddhaisisamūhe tesam samīpe himavantapabbate mātaṅgahatthikule vāraṇo caṇḍahatthī ahoṣīti sambandho. Manussādayo vāretīti **vāraṇo**, atha vā vācāya ravati koñcanādam nadatīti **vāraṇo**. **Mahesīnam pasādenāti** paccekabuddhamahesīnam pasādena. **Paccekajinaseṭṭhesu, dhutarāgesu tādisūti** lokadhammehi niccalesu paccekabuddhesu **padmakesaram** padumareṇum **okirim** avasiñcinti sambandho.

Dutiyatatiyāpadānāni uttānāni.

13-16. Catutthāpadāne **mahābodhimaho ahūti** vipassissa bhagavato catumaggañāṇādhārabhāvato “bodhī”ti laddhanāmassa rukkhasa pūjā ahosīti attho. **Rukkhaṭṭhasseva sambuddhoti** assa bodhipūjāsamaye sannipatitassa mahājanassa sambuddho lokajēṭṭho narāsabho rukkhaṭṭho iva rukkhe ṭhito viya paññāyatīti attho. **Bhagavā tamhi samayeti** tasmim bodhipūjākaraṇakāle bhagavā **bhikkhusaṅghapurakkhato** bhikkhusaṅghena parivuto. **Vācāsabhimudīrayanti** mudusiliṭṭhamadhurauttamaghosaṃ udīrayaṃ kathayanto nicchārento catusaccaṃ pakāsesi, desesīti attho. **Samkhittena ca desentoti** veneyyapuggalajjhāsayanurūpena desento samkhittena ca vitthārena ca desayīti attho. **Vivaṭṭacchadoti** rāgo chadanaṃ, doso chadanaṃ, moho chadanaṃ, sabbakilesā chadanaṃ”ti evaṃ vuttā chadanaṃ vivaṭṭā ugghāṭitā viddhamsitā anenāti vivaṭṭacchado, sambuddho. Taṃ mahājanaṃ desanāvasena **nibbāpesi** pariḷāhaṃ vūpasamesīti attho. **Tassāhaṃ dhammaṃ sutvānāti** tassa bhagavato desentassa dhammaṃ sutvā.

20. Pañcamāpadāne **phalahattho apekkhavāti** vipassim bhagavantaṃ disvā madhurāni phalāni gahetvā apekkhavā aturito saṅikaṃ assamaṃ gañchinti attho.

Chaṭṭhasattamāpadānāni uttānāneva.

40. Aṭṭhamāpadāne **niṭṭhite navakamme cāti** sīmāya navakamme niṭṭhaṃ gate sati. **Anulepamadāsahanti** anupacchā sudhālepaṃ adāsim, sudhāya lepāpesinti attho.

Navamadasamāpadānāni uttānāniyevāti.

Ekaṭṭimsamavaggaṇṇanā samattā.

32. Ārakkhadāyakavaggo

1-10. Ārakkhadāyakattheraapadānādivaṇṇanā

Bāttiṃsatimavagge paṭhamadutiyatatiyāpadānāni suviññeyyāneva.

16. Catutthāpadāne **jalajaggehi okirinti** jalajehi uttamehi uppalapadumādīhi pupphehi okiriṃ pūjesinti attho.

Pañcamāpadānaṃ uttānameva.

26-27. Chaṭṭhāpadāne **ceṭiyaṃ uttamaṃ nāma, sikhino lokabandhunoti** sakalalokattayassa bandhuno ñātakassa sikhissa bhagavato uttamaṃ ceṭiyaṃ. **Irīṇe** janasañcaravirahite **vane** manussānaṃ kolāhalavirahite mahāraññe ahosīti sambandho. **Andhāhiṇḍāmahaṃ tadāti** tasmim kāle vane maggamūḷhabhāvena andho, na cakkhunā andho, ahaṃ āhiṇḍāmi maggaṃ pariyesāmīti attho. **Pavanā nikkhamantenāti** mahāvanato nikkhamantena mayā **sīhāsanaṃ** uttamāsanam, sīhassa vā bhagavato āsanam diṭṭhanti attho. **Ekaṃsaṃ añjaliṃ katvāti** ekaṃsaṃ uttarāsaṅgaṃ katvā sirasi añjaliṃ ṭhapetvāti attho. **Santhaviṃ lokanāyakanti** sakalalokattayanayaṃ taṃ nibbānaṃ pāpentaṃ thomitaṃ thutiṃ akāsinti attho.

34. Sattamāpadāne **sudassano mahāvīroti** sundaradassano dvattiṃsamahāpurisalakkhaṇasampannasarīrattā manoharadassano mahāvīriyo siddhattho bhagavāti sambandho. **Vasatigharamuttameti** uttame vihāre vasatīti attho.

Aṭṭhamanavamadasamāpadānāni uttānānevāti.

Bāttiṃsatimavaggaṇṇanā samattā.

33. Umāpupphiyavaggo

1-10. Umāpupphiyattheraapadānādivaṇṇanā

Tettiṃsatime vagge paṭhamadutiyatatiyacatutthapañcamachatthāpadānāni uttānāniyeva.

55. Sattamāpadāne **samayaṃ agamāsahanti** samūhaṃ samāgamaṭṭhānaṃ ahaṃ agamāsinti attho.

62. **Abbudanirabbudānī** “pakoṭisatasahassānaṃ sataṃ abbudaṃ, abbudasatasahassānaṃ sataṃ nirabbuda”nti vuttattā āyunā abbudanirabbudāni gatamahāyuvantā **manujādhipā** cakkavattino khattiyā aṭṭha aṭṭha hutvā kappānaṃ pañcavīsasahassamhi **āsimsu** ahesunti attho. Aṭṭhamanavamadasamāpadānāni pākāṭānevāti.

Tettiṃsatimavaggavaṇṇanā samattā.

34-38. Gandhodakādivaggo

1-50. Gandhadhūpiyattheraapadānādivaṇṇanā

Catuttiṃsatimavaggapañcatiṃsatimavaggachattiṃsatimavaggasattattiṃsatimavaggaatṭhattiṃsatimavaggā uttānatthāyeva.

Ekūnacattālīsamavaggepi paṭhamāpadānādīni aṭṭhamāpadānantāni uttānānevāti.

39. Avaṭaphalavaggo

9. Soṇakoṭivīsattheraapadānavaṇṇanā

Navamāpadāne pana **vipassino pāvaca**netiādikaṃ āyasmato soṇassa koṭivīsattherassa apadānaṃ. Ayampi thero purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle mahāvibhave seṭṭhikule nibbato vuddhippatto seṭṭhi hutvā upāsakehi saddhiṃ vihāraṃ gantvā satthu dhammadesanaṃ sutvā pasannamānaso bhagavato caṅkamanatṭhāne sudhāya parikammaṃ kāretvā ekañca leṇaṃ kāretvā nānāvīragavatthehi leṇabhūmiyā santharivā upari vitānañca katvā cātuddisassa saṅghassa niyyādetvā sattāhaṃ mahādānaṃ datvā pañidhānaṃ akāsi. Sattā anumodanaṃ akāsi. So tena kusalakammena devamanussesu saṃsaranto ubhayasampattiyo anubhavitvā imasmiṃ kappe parinibbute kassapadasabale anuppanne amhākaṃ bhagavati bārāṇasiyaṃ kulagehe nibbattivā viññutaṃ patto gaṅgātīre paṇṇasālaṃ karitvā vasantaṃ ekaṃ paccekabuddhaṃ temāsaṃ catūhi paccayehi sakkaccaṃ upaṭṭhahi. Paccekabuddho vuṭṭhavasso paripuṇṇaparikkhāro gandhamādanameva agamāsi. Sopi kulaputto yāvajīvaṃ tattha puññāni katvā tato cavitvā devamanussesu saṃsaranto amhākaṃ bhagavato kāle campānagare aggaseṭṭhissa gehe paṭisandhiṃ gaṇhi. Tassa paṭisandhiggahaṇakālato paṭṭhāya seṭṭhissa mahābhogakkhandho abhivaḍḍhi. Tassa mātukucchito nikkhamanadvase sakalanagare mahālābhasakkārasammāno ahoṣi, tassa pubbe paccekabuddhassa satasahassagghanikarattakambalapariccāgena suvaṇṇavaṇṇo sukhumālataro ca attabhāvo ahoṣi, tenassa **soṇoti** nāmaṃ akaṃsu. So mahatā parivārena abhivaḍḍhi. Tassa hatthapādatalāni bandhujīvakapupphavaṇṇāni ahesuṃ, tesu satavāraṃ vihatakappāsaṃ viya mudusamphasso ahoṣi. Pādālesu maṇi kuṇḍalāvaṭṭavaṇṇalomāni jāyimsu. Vayappattassa tassa tiṇṇaṃ utūnaṃ anucchavike tayo pāsāde kārāpetvā nāṭakitthiyo upaṭṭhāpesuṃ. So tattha mahatiṃ sampattiṃ anubhavanto devakumāro viya paṭivasati.

Atha amhākaṃ bhagavati sabbaññutaṃ patvā pavattitavaradhammacakke rājagahaṃ upanissāya viharante bimbisāraññā pakkosāpito tehi asītiyā gāmikasahasseehi saddhiṃ rājagahaṃ āgato satthu

santikam gantvā dhammaṃ sutvā paṭiladdhasaddho mātāpitaro anujānāpetvā bhagavato santike pabbajitvā laddhūpasampado satthu santike kammaṭṭhānaṃ gahetvā janasaṃsaggapariharaṇatthaṃ sītavane vihāsi. So tattha vasanto “mama sarīraṃ sukhumālaṃ, na ca sakkā sukheva sukhaṃ adhigantaṃ, kāyaṃ kilametvāpi samaṇadhammaṃ kātuṃ vaṭṭati” ti cintetvā ṭhānacaṅkamaeva adhiṭṭhāya padhānamanuyuñjanto pādātesu phoṭesu utṭhitesupi vedanaṃ ajjupekkhitvā daḷhaṃ vīriyaṃ karonto accāraddhavīriyatāya viśesaṃ nibbattetuṃ asakkonto “evaṃ ahaṃ vāyamantopi maggaphalāni nibbattetuṃ na sakkomi, kiṃ me pabbajjāya, hīnāyāvattitvā bhoge ca bhuñjāmi, puññāni ca karissāmi” ti cintesi. Atha satthā tassa cittācāraṃ ṇatvā tattha gantvā vīṇopamovādena (mahāva. 243) ovaditvā vīriyasamatāyojanavidhiṃ dassento kammaṭṭhānaṃ sodhetvā gijjhakūṭaṃ gato. Soṇopi kho satthu santikā ovādaṃ labhitvā vīriyasamataṃ yojetvā vipassanaṃ ussukkāpetvā arahatte patiṭṭhāsi.

49. So arahā hutvā attano pubbakammaṃ saritvā somanassajāto pubbacaritāpadānaṃ pakāsento **vipassino pāvācāneti**ādīmāha. Tattha **vipassīti** viśesena, vividhaṃ vā passatīti vipassī. **Pāvācāneti** pakārena vuccatīti pāvācanaṃ, piṭakattayaṃ. Tassa vipassino tasmīṃ pāvācāneti attho. **Leṇanti** linante nilīyante etthāti leṇaṃ vihāraṃ. **Bandhumārājadhāniyāti** bandhanti kulaparamparāya vasena aññamaññaṃ sambajjhantīti bandhū, ṇātakā. Te ettha paṭivasantīti bandhumā, bandhu assa atthīti vā bandhumā. Rājūnaṃ vasanaṭṭhānanti rājadhāni, bandhumā ca sā rājadhāni ceti bandhumārājadhāni, tassā bandhumārājadhāniyā, leṇaṃ mayā katanti sambandho. Sesamettha uttānatthamevāti.

Soṇakoṭivīsatttheraapadānavaṇṇanā samattā.

10. Pabbakammapilotikabuddhaapadānavaṇṇanā

64. Dasamāpadāne **anotattasarāsāneti** pabbatakūṭehi paṭicchannattā candimasūriyānaṃ santāpehi otattaṃ uṇhaṃ udakaṃ ettha natthīti anotatto. Saranti gacchanti pabhavanti sandanti etasmā mahānadiyoti saro. Sīhamukhādīhi nikkhantā mahānadiyo tikkhattuṃ tikkhattuṃ padakkhiṇaṃ katvā nikkhantanikkhantadisābhāgena saranti gacchantīti attho. Anotatto ca so saro cāti anotattasaro. Tassa āsannaṃ samīpaṭṭhānanti anotattasarāsannaṃ, tasmīṃ anotattasarāsanne, samīpeti attho. **Ramaṇīyete** devadānavagandhabbakinnaroragabuddhapaccekabuddhādīhi ramitabbaṃ allīyitabbanti ramaṇīyaṃ, tasmīṃ ramaṇīye. **Silātaleti** ekagghanapabbatasilātaleti attho. **Nānāratana**pajjoteti padumarāgaveḷuriyādinānānekehi ratanehi pajjote pakārena jotamāne. **Nānāgandhavanantareti** nānappakārehi candanāgarukappūratamālatilakāsokanāgapunnāgaketakādīhi anekehi sugandhapupphehi gahanībhūtavananantare silātaleti sambandho.

65. Guṇamahantatāya saṅkhyāmahantatāya ca **mahatā bhikkhusaṅghena, pareto** parivuto **lokanāyako** lokattayasāmisammāsambuddho tattha silāsane nisinno attano pubbāni kammāni **byākari** viśesena pākātamakāsīti attho. Sesamettha heṭṭhā buddhāpadāne (apa. thera 1.1.1 ādayo) vuttattā uttānatthattā ca suviññeyyameva. Buddhāpadāne antogadhampi idhāpadāne kusalākusalaṃ kammaṃsūcakattā vaggasaṅgahavasena dhammasaṅgāhakattherā saṅgāyimsūti.

Pubbakammapilotikabuddhaapadānavaṇṇanā samattā.

Ekūnacattālīsamavaggaṇṇanā samattā.

40. Pilindavacchavaggo

1. Pilindavacchattheraapadānavaṇṇanā

Cattālīsamavagge apadāne **nagare haṃsavatiyāti**ādikaṃ āyasmato pilindavacchattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare dovārikakule nibbato mahaddhano mahābhogo ahosi. So koṭisannicitadhanarāsīṃ oloketvā raho nisinno “imaṃ sabbadhanaṃ mayā sammā gahetvā gantaṃ

vaṭṭatī”ti cintetvā “buddhappamukhassa bhikkhusaṅghassa sabbaparikkhārādānaṃ dātum vaṭṭatī”ti sannitṭhānaṃ katvā chattasatasahassaṃ ādiṃ katvā sabbaparibhogaparikkhārānīpi satasahassavasena kāretvā padumuttaraṃ bhagavantaṃ nimantetvā buddhappamukhassa bhikkhusaṅghassa mahādānaṃ adāsi. Evaṃ sattāhaṃ dānaṃ datvā pariyoṣānadivase nibbānādhigamaṃ patthetvā yāvajīvaṃ puññāni katvā jīvitapariyoṣāne devaloke nibbato cha kāmāvacare dibbasampattiyo anubhavitvā manussesu ca cakkavattīādisampattiyo anubhavitvā imasmīṃ buddhuppāde brāhmaṇakule nibbato sabbasippesu nipphattiṃ patto gottavasena **pilindavacchoti** pākaṭo ahoṣi.

1. So ekadivasam satthu santike dhammadesanaṃ sutvā paṭiladdhasaddho pabbajitvā nacirasseva arahā hutvā attano pubbakammaṃ saritvā somanassajāto udānavasena taṃ pakāseto **nagare haṃsavatiyāti**ādīmāha. Tassattho heṭṭhā vuttova. **Āsiṃ dovāriko ahanti** ahaṃ haṃsavatīnagare rañño gehadvāre dvārapālako āsiṃ ahoṣinti attho. **Akkhobhaṃ amitaṃ bhoganti** rañño vallabhattā aññehi khobhetum cāletum asakkuṇeyyaṃ amitaṃ aparimāṇabhogaṃ dhaṇaṃ mama ghare **sannicitaṃ** rāsīkataṃ ahoṣīti attho.

3. **Bahū medhigatā bhogāti** anekā bhogā me mayā adhigatā pattā paṭiladdhāti attho. Sattavāsiādīnaṃ parikkhārānaṃ nāmāni nayānuyogena suviññeyyāni. Parikkhārādānānisamsāni ca suviññeyyānevāti.

Pilindavacchattheraapadānavaṇṇanā samattā.

Dutiyatatiyacatutthapañcamāpadānāni uttānānevāti.

6. Bākulattheraapadānavaṇṇanā

Chaṭṭhāpadāne **himavantassāvidūreti**ādikaṃ bākulattherassa apadānaṃ. Ayaṃ kira thero atīte ito kappasatasahassādhikassa asaṅkhyeyyassa matthake anomadassissa bhagavato uppattito puretameva brāhmaṇakule nibbattitvā vayappatto tayo vede uggaṇhitvā tattha sāraṃ apassanto “samarāyikatthaṃ gavesissāmī”ti isipabbajjaṃ pabbajitvā pabbatapāde viharanto pañcābhiññātaṭṭhasamāpattīnaṃ lābhī hutvā viharanto buddhuppādaṃ sutvā satthu santikaṃ gantvā dhammaṃ sutvā saraṇesu paṭiṭṭhito satthu vātābādhe uppanne araññato bhesajjāni ānetvā taṃ vūpasametvā taṃ puññaṃ ārogyatthāya pariṇāmetvā tato cuto brahmaloke nibbato ekaṃ asaṅkhyeyyaṃ devamanussesu saṃsaranto padumuttarabuddhakāle haṃsavatīnagare ekasmīṃ kule nibbato viññutaṃ patvā satthu dhammadesanaṃ sutvā satthāraṃ ekaṃ bhikkhuṃ appābādhānaṃ aggaṭṭhāne ṭhapentaṃ disvā sayaṃ taṃ ṭhānantaraṃ ākaṅkhanto paṇidhānaṃ katvā yāvajīvaṃ kusalakammaṃ upacinitvā sugatīsuyeva saṃsaranto vipassissa bhagavato uppattito puretameva bandhumatīnagare brāhmaṇakule nibbato sabbasippesu nipphattiṃ patto tattha sāraṃ apassanto isipabbajjaṃ pabbajitvā jhānābhiññālābhī hutvā pabbatapāde vasanto buddhuppādaṃ sutvā satthu santikaṃ gantvā saraṇesu paṭiṭṭhāya bhikkhūnaṃ tiṇapupphakaroge uppanne taṃ vūpasametvā tattha yāvātāyukaṃ ṭhatvā tato cuto brahmaloke nibbattitvā tato ekanavutikappe devamanussesu saṃsaranto kassapassa bhagavato kāle bārāṇasiyaṃ kulagehe nibbattitvā gharāvāsaṃ vasanto ekaṃ jinṇaṃ vinassamānaṃ mahāvihāraṃ disvā tattha uposathāgārādikaṃ sabbaṃ āvasathaṃ kārapetvā tattha bhikkhusaṅghassa sabbaṃ bhesajjaṃ paṭiyādetvā yāvajīvaṃ kusalaṃ katvā ekaṃ buddhantaraṃ devamanussesu saṃsaranto amhākaṃ bhagavato uppattito puretameva kosambiyaṃ seṭṭhikule nibbatti.

So mātukucchito nikkhamitvā dhātīhi arogabhāvāya yamunāyaṃ nhāpiyamāno tāsāṃ hatthato mucchitvā macchena gilto ahoṣi. Kevaṭṭā taṃ macchaṃ jālāya gahetvā bārāṇasiyaṃ seṭṭhibhariyāya vikkiṇiṃsu. Sā taṃ gahetvā phālayamānā pubbe katapuññaphalena arogaṃ dāraṃ disvā “putto me laddho”ti gahetvā posesi. So janakehi mātāpitūhi taṃ pavattiṃ sutvā āgantvā “ayaṃ amhākaṃ putto, detha no putta”nti anuyoge kate raññā “ubhayesampi sādharmaṇo hotū”ti dvinnaṃ kulānaṃ dāyādabhāvena vinicchayaṃ katvā ṭhapitattā **bākuloti** laddhanāmo vayappatto mahāsampattiṃ anubhavanto dvīsu seṭṭhikulesu ekekasmīṃ chamāsaṃ chamāsaṃ vasati. Te attano vāre sampatte nāvāsaṅghātaṃ bandhitvā tatrūpari ratanamaṇḍapaṃ kāretvā pañcaṅgikatūriye nipphādetvā kumāraṃ tattha nisīdāpetvā ubhayanagaramajjhaṭṭhānaṃ gaṅgāya āgacchanti, aparasetṭhimanussāpi evameva sajjetvā taṃ ṭhānaṃ gantvā kumāraṃ tattha āropetvā gacchanti. So evaṃ vaḍḍhamāno āsītiko hutvā **ubhayasetṭhiputtoti**

pākaṭo. Satthu santikaṃ gantvā dhammaṃ sutvā paṭiladdhasaddho pabbajitvā sattāhaṃ vāyamanto aṭṭhame divase saha paṭisambhidāya arahattaṃ pāpuṇi.

386. So arahā hutvā attano pubbakammaṃ saritvā somanassajāto pubbacaritāpadānaṃ pakāseno **himavantassāvidūreti**ādīmāha. Tassattho heṭṭhā vuttova. Apadānapāḷiatthopi suviññeyyova. So arahattaṃ patvā vimuttisukhena viharanto saṭṭhivassasatāyuko hutvā parinibbāyīti.

Bākulattheraapadānavaṇṇanā samattā.

7. Girimānandattheraapadānavaṇṇanā

Sattamāpadāne **bhāriyā me kālaṅkatā**tiādikaṃ āyasmato girimānandattherassa apadānaṃ. Ayampi purimabuddhesu katādhikāro tattha tattha bhāve vivaṭṭūpanissayāni puññāni upacinanto sumedhassa bhagavato kāle kulagehe nibbato vayappatto gharāvāsaṃ saṅghapetvā vasanto attano bhāriyāya ca putte ca kālaṅkate sokasallasamappito araññaṃ pavisitvā pavattaphalabhojano rukkhamūle vihāsi. Tadā sumedho bhagavā tassānukampāya tattha gantvā dhammaṃ desetvā sokasallaṃ abbūḷhesi. So dhammaṃ sutvā pasannamānaso sugandhapupphehi bhagavantaṃ pūjetvā pañcapaṭiṭṭhitena vanditvā sirasi añjaliṃ katvā abhitthavi.

So tena puññena devamanussesu saṃsaranto ubhayattha sukhaṃ anubhavitvā imasmim buddhuppāde rājagahe bimbisāraṇāṇo purohitassa putto hutvā nibbatti, **girimānandotissa** nāmaṃ ahosi. So viññutaṃ patvā satthu rājagahāgamane buddhānubhāvaṃ disvā paṭiladdhasaddho pabbajitvā samaṇadhammaṃ karonto katipayāṃ divasaṃ gāmakāvāse vasitvā sathhāraṃ vanditum rājagahaṃ agamāsi. Bimbisāramahārājā tassa āgamaṃ sutvā taṃ upasaṅkamtvā “idheva, bhante, vasatha, ahaṃ catūhi paccayehi upaṭṭhahāmī”ti sampavāretvā gatopi bahukiccattā taṃ na sari. “Thero abbhokāseyeva vasatī”ti. Devatā therassa temanabhayena vassadhāraṃ vāresum. Rājā avassanakāraṇaṃ upadhāretvā ñatvā therassa kuṭikaṃ kārapesi. Thero kuṭikāyaṃ vasanto senāsanasappāyālābhena cittasamādhānaṃ labhitvā vīriyasamataṃ yojetvā vipassanaṃ ussukkāpetvā arahattaṃ pāpuṇi.

419. So arahattaṃ patvā attano pubbakammaṃ saritvā sañjātasomanasso pubbacaritāpadānaṃ pakāseno **bhāriyā me kālaṅkatā**tiādīmāha. Taṃ bhagavato nivedanañca bhagavatā katānusāsanañca maggaṃ phalādhigamāpadānañca pāṭhānusārena suviññeyyamevāti.

Girimānandattheraapadānavaṇṇanā samattā.

Aṭṭhamanavamadasamāpadānāni uttānatthānevāti.

Cattālīsamavaggavaṇṇanā samattā.

41. Metteyyavaggo

1. Tissametteyyattheraapadānavaṇṇanā

1. Ekacattālīsime vagge paṭhamāpadāne **pabbhārakūṭaṃ nissāyā**tiādikaṃ tissametteyyattherassa apadānaṃ. Tattha tāpasapabbajjaṃ pabbajitvā padumuttarassa bhagavato ajinacammaṃ nisīdanatthāya dinnameva nānaṃ. Sesāṃ apadānapāḷiyā suviññeyyamevāti.

2. Puṇṇakattheraapadānavaṇṇanā

29. Dutiyāpadāne **pabbhārakūṭaṃ nissāyā**tiādikaṃ āyasmato puṇṇakattherassa apadānaṃ. Tattha himavante yakhasenāpati hutvā parinibbutassa paccekabuddhassa āḷahanakaraṇameva nānattaṃ. Sesāṃ

pāṭhānusārena suviññeyyameva.

45. Tatiyāpadāne **himavantassāvidūretiādikaṃ** āyasmato mettaguttherassa apadānaṃ. Tattha himavantasamīpe asokapabbate so tāpaso hutvā paṇṇasālāyaṃ vasanto sumedhasambuddhaṃ disvā pattamaṃ gahetvā sappipūraṇaṃ viseso. Sesamaṃ puññaphalāni ca suviññeyyāneva. Apadānagāthānaṃ attho ca pākāṭoyeva.

72. Catutthāpadāne **gaṅgā bhāgīrathī nāmātiādikaṃ** āyasmato dhotakattherassa apadānaṃ. Tatrāpi brāhmaṇo hutvā bhāgīrathīgaṅgāya taramāne bhikkhū disvā pasannamānaso setumaṃ kārapetvā buddhappamukhassa bhikkhusaṅghassa niyyāditabhāvoyeva viseso. Puññaphalaparidīpanagāthānaṃ attho nayānusārena suviññeyyova.

100. Pañcamāpadāne **himavantassāvidūretiādikaṃ** āyasmato upasivattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbatta viññutaṃ patto gharāvāsaṃ pahāya isipabbajjaṃ pabbajitvā himavante padumuttaraṃ bhagavantaṃ disvā tiṇasantharaṃ santharivā tattha nisinnassa bhagavato sālapupphajjaṃ akāsīti ayaṃ viseso, sesamuttānameva.

161. Chaṭṭhāpadāne **migaluddo pure āsintiādikaṃ** āyasmato nandakattherassa apadānaṃ. Ayaṃ kira padumuttarassa bhagavato kāle karavikasakuṇo hutvā madhurakūjitaṃ karonto sathhāraṃ padakkhiṇaṃ akāsī. Aparabhāge mayūro hutvā aññatarassa paccekabuddhassa vasanaguḥādvāre pasannamānaso divasassa tikkhattumaṃ madhurena vassitaṃ vassi. Evaṃ tattha tattha bhava puññāni katvā amhākaṃ bhagavato kāle sāvatthiyaṃ kulagehe nibbatta **nandakoti** laddhanāmo sattu santike dhammaṃ sutvā pabbajitvā vipassanaṃ vaḍḍhetvā arahattaṃ pāpuṇi. So aparabhāge attano pubbakammaṃ saritvā somanassajāto pubbacaritāpadānaṃ pakāsento **migaluddo pure āsintiādimaḥa**. Tattha paccekabuddhassa maṇḍapaṃ katvā padumapupphahi chadanaṃ viseso.

183. Sattamāpadāne **pabbhārakūṭaṃ nissāyātiādikaṃ** āyasmato hemakattherassa apadānaṃ. Tathāpi isipabbajjaṃ pabbajitvā himavante vasanto piyadassiṃ bhagavantaṃ upagataṃ disvā ratanamayaṃ pīṭhaṃ attharivā aṭṭhāsī. Tattha nisinnassa kumbhamattaṃ jambuphalaṃ āharitvā adāsī. Bhagavā tassa cittappasādatthāya taṃ phalaṃ paribhuñji. Ettakameva viseso.

224. Aṭṭhamāpadāne **rājāsī vijayo nāmātiādikaṃ** āyasmato todeyyattherassa apadānaṃ. Tattha **rājāsī vijayo nāmāti** daharakālato paṭṭhāya sabbasaṅgāmesu jinato, catūhi saṅgahavatthūhi janaṃ rañjanaṃ allīyanato vijayo nāma rājā ahoṣīti attho. **Ketumatīpuruttameti** ketu vuccanti dhajapaṭākā. Atha vā nagarasobhanatthāya nagaramajjhe ussāpitaratanatorāṇāni, te ketū niccaṃ ussāpitā sobhayamānā assā atthīti ketumatī. Pūreti dhanadhaññehi sabbajanānaṃ mananti puraṃ. Ketumatī ca sā puraṇca seṭṭhaṭṭhena uttamañceti ketumatīpuruttamaṃ, tasmīṃ ketumatīpuruttame. **Sūro vikkamasampannoti** abhīto vīriyasampanno vijayo nāma rājā ajjhāvasīti sambandho. Itthaṃ bhūtaṃ puraṇca sabbavatthuvāhanaṇca chaḍḍetvā himavantaṃ pavisitvā isipabbajjaṃ pabbajitvā vasanto sumedhabhagavantaṃ disvā somanassaṃ uppādetvā candanena pūjākaraṇameva viseso.

276. Navamāpadāne **nagare haṃsavatiyātiādikaṃ** āyasmato jatukaṇṇittherassa apadānaṃ. Tattha seṭṭhiputto hutvā suvaṇṇapāsāde vasanabhāvo ca pañcahi kāmaguṇehi samaṅgī hutvā vasanabhāvo ca sabbadesavāsīnaṃ sabbasippaviññūnaṇca āgantvā sevanabhāvo ca viseso.

330. Dasamāpadāne **himavantassāvidūretiādikaṃ** āyasmato udenattherassa apadānaṃ. Tattha himavantasamīpe padumapabbataṃ nissāya tāpasapabbajjaṃ pabbajitvā vasantena padumuttarassa bhagavato padumapupphaṃ gahetvā pūjītabhāvova viseso. Sesamaṃ sabbattha uttānamevāti.

Ekacattālīsamavaggaṇṇanā samattā.

42. Bhaddālivaggo

1-10. Bhaddālittheraapadānādivaṇṇanā

Bācattālīsamavagge paṭhamāpadānañca dutiyāpadānañca tatiyāpadānañca nayānusārena suviññeyyameva.

106. Catutthāpadāne **nagare bandhumatiyāti**ādikaṃ āyasmato madhumaṃsadāyakattherassa apadānaṃ. Tattha **sūkarikoti** sūkaramaṃsaṃ vikkiṇitvā jīvikaṃ kappento. **Ukkoṭakaṃ randhayitvāti** pihakapapphāsamaṃsaṃ pacitvā madhumaṃsamhi **okiriṃ** pakkhipiṃ. Tena maṃsena pattam pūretvā bhikkhusaṅghassa datvā tena puññakammena imasmiṃ buddhuppāde arahattaṃ pāpuṇinti attho.

Nāgapallavattherassa pañcamāpadānampi ekadīpiyattherassa chaṭṭhāpadānampi ucchaṅgapupphiyattherassa sattamāpadānampi yāgudāyakattherassa aṭṭhamāpadānampi patthodanadāyakattherassa navamāpadānampi mañcadāyakattherassa dasamāpadānampi sabbam suviññeyyamevāti.

Bācattālīsamavaggavaṇṇanā samattā.

43-48. Sakimsammajjakādivaggo

1-60. Sakimsammajjakattheraapadānādivaṇṇanā

Tecattālīsamavagge sabbatherāpadānāni uttānāneva. Kevalaṃ therānaṃ nāmanānattaṃ puññanānattañca viseso.

Catucattālīsame vaggepi sabbāni apadānāni pākaṭāneva. Kevalaṃ puññanānattaṃ phalanānattañca viseso.

1. Pañcattālīsamavagge paṭhamāpadāne **kakusandho mahāvīroti**ādikaṃ āyasmato vibhīṭakamiñjiyattherassa apadānaṃ.

2. Tattha **bījamiñjamadāsahanti** vibhīṭakaphalāni phāletvā bījāni miñjāni gahetvā madhusakkarāhi yojetvā kakusandhassa bhagavato adāsinti attho. Dutiyāpadānādīni sabbāni suviññeyyāneva, therānaṃ nāmanānattādīnipi pāḥānusārena veditabbāni.

1. Chacattālīsame vagge paṭhamāpadāne **jagatiṃ kārayiṃ ahanti** uttamabodhirukkhasa samantato ālindaṃ ahaṃ kārayinti attho. Sesāni dutiyāpadānādīni sabbānipi uttānāneva.

Sattacattālīsame vagge paṭhamāpadānādīni pāḥānusārena suviññeyyāneva.

Aṭṭhacattālīsame vagge paṭhamadutiyāpadānāni uttānāneva.

30. Tatiyāpadāne **kosiyo nāma bhagavāti** kosiyagotte jātattā kosiyo nāma paccekabuddhoti attho. **Cittakūṭeti** cittakūṭakelāsakūṭasānukūṭādīsu anottadahaṃ paṭicchādetvā ṭhitapabbatakūṭesu nānarātanaosadhādīhi vicitte cittakūṭapabbate so paccekabuddho vasīti attho.

Catutthapañcamāpadānāni uttānāneva.

56. Chaṭṭhāpadāne **kusaṭṭhakamadāsahanti** pakkhikabhattauposathikabhattadhurabhattasalākabhattādīsu kusapaṇṇavasena dātabbam

aṭṭhasalākabhaddam aham adāsinti attho.

61. Sattamāpadāne sobhito nāma sambuddhoti

ārohapariṇāhadvattiṃsamahāpurisalakkhaṇabyāmapphādīhi sobhamānasarīrattā sobhito nāma sammāsambuddhoti attho.

66. Aṭṭhamāpadāne takkarāyaṃ vasī tadāti taṃ dasapuññakiriyavattum karontā janā paṭivasanti etthāti takkarā, rājadhānī. Tissaṃ takkarāyaṃ, tadā vasīti attho.

72. Navamāpadāne pānadhīṃ sukataṃ gayhāti upāhanayugaṃ sundarākārena nipphāditaṃ gahetvāti attho. Dasamāpadānaṃ suviññeyyamevāti.

Aṭṭhacattālīsamavaggavaṇṇanā niṭṭhitā.

49. Paṃsukūlavaggo

1-10. Paṃsukūlasaṇṇakatttheraapadānādivaṇṇanā

Ekūnapaññāsamavagge paṭhamāpadānaṃ suviññeyyameva.

14. Dutiyāpadāne adhiccuppattikā buddhāti adhiccena akāraṇena uppattikā sayambhūtā, aññehi devabrahmamārādīhi upadesadāyakehi rahitā sayambhūññāṇena uppannā jātā pātubhūtāti attho.

16. Odumbarikapupphaṃ vāti udumbararukkhe pupphaṃ dullabhaṃ dullabhuppattikaṃ iva. **Candamhi sasakaṃ yathāti** candamaṇḍale sasalekhāya rūpaṃ dullabhaṃ yathā. **Vāyasānaṃ yathā khīranti** kākānaṃ niccaṃ rattindivaṃ khuddāpīlitabhāvena khīraṃ dullabhaṃ yathā, evaṃ dullabhaṃ lokanāyakaṃ caturāsāṅkhyeyaṃ vā aṭṭhāsāṅkhyeyaṃ vā soḷasāsāṅkhyeyaṃ vā kappasatasahassaṃ pāramiyo pūretvā buddhabhāvato dullabho lokanāyakoti attho.

30. Tatiyāpadāne madhum bhisehi savatīti pokkhamadhupadumakesarehi savati paggharati. **Khīraṃ sappiṃ muḷālibhīti** khīraṇca sappirasaṇca padumamuḷālehi **savati** paggharati. Tasmā tadubhayaṃ mama santakaṃ buddho paṭiggaṇhatūti attho.

Catutthapañcamachattāpadānāni uttānāneva.

119. Sattamāpadāne cattālīsadijāpi cāti dvikkhattum jātāti dijā. Kumāravaye utṭhitadantānaṃ patitattā puna utṭhitadantā dijā, te ca dantā. Byākaraṇaṇca heṭṭhā nidānakathāyaṃ vuttameva.

Aṭṭhamāpadānaṃ uttānamevāti.

171. Navamāpadāne tadāhaṃ māṇavo āsinti yadā sumedhapaṇḍito dīpaṅkarabhagavato santikā byākaraṇaṃ labhi, tadā ahaṃ megho nāma brāhmaṇamaṇavo hutvā sumedhatāpasena saha isipabbajjaṃ pabbajitvā sikkhāpadesu sikkhito kenaci pāpasahāyena saṃsaṭṭho saṃsaggadosena pāpavitakkādivasaṃ gato mātuḡhātakammavasena narake aggijālādidukkhamanubhavitvā tato cuto samudde timiṅgalamahāmaccho hutvā nibbatto, samuddamajjhe gacchantaṃ mahānāvaṃ gilitukāmo gato. Disvā maṃ vāṇijā bhīti “aho gotamo bhagavā”ti saddamakamso. Atha mahāmaccho pubbavāsanāvasena buddhagāraṃ upādetvā tato cuto sāvattiyaṃ vibhavasampanne brāhmaṇakule nibbatto saddho pasanno satthu dhammadesanaṃ sutvā pabbajitvā saha paṭisambhidāhi arahattaṃ pāpuṇitvā divasassa tikkhattum upaṭṭhānaṃ gantvā saramāno vandati. Tadā bhagavā “ciraṃ dhammarucī”ti maṃ āha.

184. Atha so thero “suciraṃ satapuññalakkhaṇa”ntiādīhi gāthāhi thomesi. Bhante,

satapuññalakkhaṇadhara gotama. **Patipubbena visuddhapaccayanti** pubbe dīpaṅkarapādamūle paripuṇṇapāramīpaccayasambhāro suṭṭhu ciraṃ kālaṃ mayā na diṭṭho asīti attho. **Ahamajjasupekkhananti** ajja imasmiṃ divase ahaṃ supekkhanaṃ sundaradassanaṃ, sundaradiṭṭhaṃ vā **nirupamaṃ viggahaṃ** upamārahitasarīraṃ gotamaṃ **vata** ekantena **passāmi** dakkhāmīti attho.

185-186. Suciraṃ vihatatamo mayāti visesena hatatamo viddhaṃsitamoho tvaṃ mayāpi suṭṭhu ciraṃ thomitoti attho. **Sucirakkhena nadī visositāti** esā taṇhānadī sundararakkhena gopana visesena sositā, abhabbuppattikatā tayāti attho. **Suciraṃ amalaṃ visodhitanti** suṭṭhu ciraṃ dīghena addhunā amalaṃ nibbānaṃ visesena sodhitaṃ, suṭṭhu kataṃ adhigataṃ tayāti attho. **Nayanaṃ ñāṇamayaṃ mahāmune. Cirakālasamaṅgoti** mahāmune mahāsamaṇa ñāṇamayaṃ nayanaṃ dibbacakkhuṃ cirakālaṃ samadhigato sampatto tvanti attho. **Avinaṭṭho punarantaranti** ahaṃ puna antaraṃ antarābhava majjhe parinaṭṭho parihīno ahosinti attho. **Punarajjasamāgato tayāti** ajja imasmiṃ kāle tayā saddhiṃ punapi samāgato ekībhūto saha vasāmīti attho. **Na hi nassanti katāni gotamāti** gotama sabbaññubuddha, tayā saddhiṃ katāni samāgamādīni na hi nassanti yāva khandhapariniḥḥānā na vinā bhavissantīti attho. Sesam uttānamevāti.

Dhammaruciyattheraapadānavāṇṇanā samattā.

Dasamāpadānaṃ suviññeyyamevāti.

Ekūnapaññāsamavaggaṇṇanā samattā.

50-53. Kiṅkaṇipupphādivaggo

1-40. Kiṅkaṇipupphiyattheraapadānavāṇṇanā

Paññāsamavagge ca ekapaññāsamavagge ca dvepaññāsamavagge ca tepaññāsamavagge ca sabbāni apadānāni uttānānevāti.

54. Kaccāyanavaggo

1. Mahākaccāyanattheraapadānavāṇṇanā

Catupaññāsamavagge paṭhamāpadāne **padumuttaro nāma jinotiādikaṃ āyasmato mahākaccāyanattherassa** apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle gahapatimahāsālakule nibbattivā vuddhippatto ekadivasaṃ satthu santike dhammaṃ suṇanto sathhārā saṃkhittena bhāsītassa vitthārena atthaṃ vibhajantānaṃ aggaṭṭhāne ṭhapiyamānaṃ ekaṃ bhikkhuṃ disvā sayampi taṃ ṭhānantaraṃ patthento paṇidhānaṃ katvā dānādīni puññāni katvā devamanussesu saṃsaranto sumedhassa bhagavato kāle vijjādharo hutvā ākāseṇa gacchanto ekasmiṃ vanasaṇḍe nisinnaṃ bhagavantaṃ disvā pasannaṃāso kaṇikārapupphehi pūjaṃ akāsi.

So tena puññena aparāparaṃ sugatīsuyeva parivattento kassapadasabalassa kāle bārāṇasiyaṃ kulagehe nibbattivā parinibbute bhagavati suvaṇṇacetiyakammaṭṭhāne satahassagghanikāya suvaṇṇiṭṭhakāya pūjaṃ katvā “imassa nissandena nibbattanibbattaṭṭhāne sarīraṃ me suvaṇṇavaṇṇaṃ hotū”ti patthanaṃ akāsi. Tato yāvajīvaṃ kusalakammaṃ katvā ekaṃ buddhantaraṃ devamanussesu saṃsaritvā imasmiṃ buddhuppāde ujjeniyaṃ rañño caṇḍapajjotassa purohitagehe nibbatti, tassa nāmaggaṇḍadivase mātā “mayhaṃ putto suvaṇṇavaṇṇo, attano nāmaṃ gahetvā āgato”ti **kañcanamāṇavotveva** nāmaṃ akāsi. So vuddhimanvāya tayo vede uggaṇhitvā pitu accayena purohitaṭṭhānaṃ labhi. So gottavasena **kaccāyanoti** paññāyittha. Atha rājā caṇḍapajjoto buddhuppādaṃ sutvā, “ācariya, tumhe tattha gantvā sathhāraṃ idhānethā”ti pesesi. So attatṭhāmo satthu santikaṃ upagato tassa sathhā dhammaṃ desesi, desanāpariyosāne

sattahi janehi saddhiṃ saha paṭisambhidāhi arahatte patiṭṭhāsi.

1. So evaṃ pattaarahattaphalo attano pubbakammaṃ saritvā somanassajāto pubbacaritāpadānaṃ pakāseṇo **padumuttaro nāma jinoti**ādīmāha. Taṃ heṭṭhā vuttatthameva. Atha satthā “etha, bhikkhavo”ti hatthaṃ pasāresi. Te tāvadeva dvaṅgulamattakesamassuiddhimayapattacīvaradharā vassasatṭhikattherā viya ahesuṃ. Evaṃ thero sadatthaṃ nipphādetvā, “bhante, rājā pajjoto tumhākaṃ pāde vandituṃ dhammañca sotuṃ icchatī”ti ārocesi. Satthā “tvameveva, kaccāna, tattha gaccha, taya gate rājā pasīdissatī”ti āha. Thero satthu āṇāya attatṭhamo tattha gantvā rājānaṃ pasādetvā avantīsu sāsanaṃ patiṭṭhāpetvā puna satthu santikameva āgato. Attano pubbatthanāvasena kaccāyanappakaraṇaṃ mahāniruttippakaraṇaṃ nettippakaraṇanti pakaraṇattayaṃ saṅghamajjhe byākāsi. Atha santuṭṭhena bhagavatā “etadaggaṃ, bhikkhave, mama sāvakaṇaṃ saṃkhittena bhāsitassa vitthārena atthaṃ vibhajantānaṃ yadidaṃ mahākaccāno”ti (a. ni. 1.188, 197) etadaggaṭṭhāne ṭhapito aggaphalasukhena vihāsīti.

Mahākaccāyanattheraapadānavañṇanā samattā.

2. Vakkalitherapadānavañṇanā

Dutiyaṃ padāne **ito satahassambhūti**ādikaṃ āyasmato vakkalitherassa apadānaṃ. Ayampi thero purimajinavaresu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare kulagehe nibbato viññutaṃ patto satthu santikaṃ gacchantehi upāsakehi saddhiṃ vihāraṃ gantvā parisapariyante ṭhito dhammaṃ suṇanto satthārā ekaṃ bhikkhuṃ saddhādhimuttānaṃ aggaṭṭhāne ṭhapitaṃ disvā sayampi taṃ ṭhānantaraṃ patthento sattāhaṃ buddhappamukhassa bhikkhusaṅghassa mahādānaṃ datvā paṇidhānaṃ akāsi. Satthā tassa anantarāyaṃ disvā byākari.

So yāvajīvaṃ kusalaṃ katvā devamanussesu saṃsaranto amhākaṃ bhagavato kāle sāvattiyāṃ brāhmaṇakule nibbatti, tassa **vakkalī**ti nāmaṃ kariṃsu. Tattha **kalī**ti aparādhatilakālakādidossassa adhivacanaṃ. Niddhantasuvaṇṇanapaṇḍasadisatāya apagato byapagato kali doso assāti va-kārāgamaṃ katvā vakkalīti vuccati. So vuddhippatto tayo vede uggaṇhitvā brāhmaṇasippesu nipphattiṃ gato, satthāraṃ disvā rūpakāyasampattidassanena atitto satthārā saddhiṃyeva vicarati. “Agāramajjhe vasanto niccakālaṃ satthu dassanaṃ na labhissāmī”ti satthu santike pabbajitvā ṭhapetvā bhojanakālaṃ sarīrakiccakālañca sesakāle yattha ṭhiteṇa sakkā dasabalaṃ passituṃ, tattha ṭhito aññaṃ kiccaṃ pahāya bhagavantaṃ olokontoyeva viharati. Satthā tassa ṇāṇapariṇāmaṃ āgamenta bahukālaṃ tasmim rūpadassaneneva vicarante kiñci avatvā punekadivasāṃ – “kiṃ te, vakkali, iminā pūtikāyena diṭṭhena? Yo kho, vakkali, dhammaṃ passati, so maṃ passati; yo maṃ passati, so dhammaṃ passati. Dhammañhi, vakkali, passanto maṃ passatī”ti (saṃ. ni. 3.87) āha. Satthari evaṃ vadantepi thero satthu dassanaṃ pahāya aññattha gantuṃ na sakkoti. Tato satthā, “nāyaṃ bhikkhu saṃvegaṃ alabhivā bujjhissatī”ti vassūpanāyikadivase – “apehi, vakkali”ti therāṃ paṇāmesi. So satthārā paṇāmito satthu sammukhe ṭhātuṃ asakkonto – “kiṃ mayhaṃ jīvitena, yohaṃ satthāraṃ daṭṭhuṃ na labhāmī”ti gijjhakūṭe pabbate papātaṭṭhānaṃ abhiruhi? Satthā tassa taṃ pavattiṃ ṇatvā – “ayaṃ bhikkhu mama santikā assāsaṃ alabhanto maggaphalānaṃ upanissayaṃ nāseyyā”ti attānaṃ dassetvā obhāsaṃ vissajjento –

“Pāmojjabahulo bhikkhu, pasanno buddhasāsane;

Adhigacche padaṃ santaṃ, saṅkhārūpasamaṃ sukha”nti. (dha. pa. 381) –

Gāthaṃ vatvā “ehi, vakkalī”ti (dha. pa. aṭṭha. 2.381) hatthaṃ pasāresi. Thero “dasabalo me diṭṭho, ‘ehī’ti avhāyanampi laddha”nti balavapītisomanassaṃ uppādetvā “kuto gacchāmī”ti attano gamanabhāvaṃ ajānitvāva satthu sammukhe ākāse pakkhanditvā paṭhamena pādena pabbate ṭhitoyeva satthārā vuttagāthāyo āvajjento ākāseyeva pītiṃ vikkhambhetvā saha paṭisambhidāhi arahattaṃ pāpuṇīti āguttaraṭṭhakathāyaṃ (a. ni. aṭṭha. 1.1.208) dhammapadavaṇṇanāyañca (dha. pa. aṭṭha. 2.381 vakkalitheravatthu) āgataṃ.

Idha pana evaṃ veditabbaṃ – “kiṃ te, vakkalī”tiādinā satthārā ovaḍito gijjhakūṭe viharanto vipassanaṃ paṭṭhapesi, tassa saddhāya balavabhāvato eva vipassanā vīthiṃ na otarati? Bhagavā taṃ ṇatvā

kammaṭṭhānaṃ sodhetvā adāsi. So puna vipassanaṃ matthakaṃ pāpetuṃ nāsakkhiyeva. Athassa āhāravekallena vātābādho uppajji, taṃ vātābādheṇa pīḷiyamānaṃ ñatvā bhagavā tattha gantvā pucchanto –

“Vātarogābhinīto tvaṃ, viharaṃ kānane vane;
Paviddhagocare lūkhe, kathaṃ bhikkhu karissasī”ti. (theragā. 350) –

Āha. Taṃ sutvā thero –

“Pītisukhena vipulena, pharamāno samussayaṃ;
Lūkhampi abhisambhonto, viharissāmi kānane.

“Bhāvento satipaṭṭhāne, indriyāni balāni ca;
Bojjhaṅgāni ca bhāvento, viharissāmi kānane.

“Āraddhavīriye pahitatte, niccaṃ daḷhaparakkame;
Samagge sahite disvā, viharissāmi kānane.

“Anussaranto sambuddhaṃ, aggaṃ dantaṃ samāhitaṃ;
Atandito rattindivaṃ, viharissāmi kānane”ti. (theragā. 351-354) –

Catasso gāthāyo abhāsi. Tāsaṃ attho theragāthāvaṇṇanāyaṃ (theragā. aṭṭha. 2.351-354) vuttoyeva. Evaṃ thero vipassanaṃ ussukkāpetvā arahattaṃ pāpuṇi.

28. So arahattaṃ patvā attano pubbakammaṃ saritvā somanassajāto pubbacaritāpadānaṃ pakāsentō **ito sataśahassamhīti**ādīmāha. Tattha **itoti** kakusandhādīnaṃ uppannabhaddakappato heṭṭhā kappasatasahassamatthaketi attho.

29. Padumākāravadanoti supupphitapadumasassirīkamukho. **Padumapattakkhoti** setapadumapupphapaṇṇasadisākkhīti attho.

30. Padumuttaragandhovāti padumagandhamukhoti attho.

31. Andhānaṃ nayanūpamoti cakkhuvirahitānaṃ sattānaṃ nayanasadiso, dhammadesanāya sabbasattānaṃ paññācakkhādīcakkhudāyakoti attho. **Santavesoti** santasabhāvo santairiyāpatho. **Guṇanidhīti** guṇānaṃ nidhi, sabbaguṇagaṇānaṃ nidhānaṭṭhānabhūtōti attho. **Karuṇāmatiākaroti** sādhuṇaṃ cittakampanasaṅkhātāya karuṇāya ca atthānatthaminanaparicchinnamatiyā ca ākaro ādhārabhūto.

32. Brahmāsurasuraccitoti brahmehi ca asurehi ca devehi ca accito pūjītōti attho.

33. Madhurena rutena cāti karavīkarutamadhurena saddena sakalaṃ janaṃ rañjayantīti sambandho. **Santhavī sāvakaṃ sakanti** attano sāvakaṃ madhuradhammadesanāya santhavī, thutiṃ akāsīti attho.

34. Saddhādhimuttoti saddahanasaddhāya sāsane adhimutto patiṭṭhitōti attho. **Mama dassanalālasoti** mayhaṃ dassane byāvaṇṇo tapparo.

35. Taṃ ṭhānamabhirocayinti taṃ saddhādhimuttaṭṭhānantaraṃ abhirocayim, icchim patthesinti attho.

40. Pītamattṭhanivāsananti siliṭṭhasuvaṇṇavaṇṇavatte nivatthanti attho. **Hemayaññopacitaṅganti** suvaṇṇapāmaṅgalaggitagattanti attho.

47-48. Nonītasukhumālaṃ manti navanītamiva mudutaluṇahatthapādaṃ. **Jātapallavakomalanti**

asokapallavapattakomalamiva mudukanti attho. **Pisācībhayatajjitā**ti tadā evaṃbhūtaṃ kumāraṃ maṃ aṅṅā piśācī ekā rakkhasī bhayena tajjesi bhiṃsāpesīti attho. Tadā **mahesissa** sammāsambuddhassa pādāmūle maṃ **sāyesuṃ** nipajjāpesuṃ. **Dīnamānasā** bhītacittā mama mātāpitaro **imaṃ** dāraṃ te dadāma, imassa **saraṇaṃ** paṭiṭṭhā hotu nātha nāyakāti sambandho.

49. Tadā paṭiggahi so manti so bhagavā tadā tasmim mama mātuyā dinnakāle **jālinā** jālayuttana saṅkhālakena cakkalakkhaṇādīhi lakkhitena **mudukomalapāṇinā** mudukena visuddhena hatthatalena maṃ aggahesīti attho.

52. Sabbapāramisambhūtanti sabbehi dānapāramitādīhi sambhūtaṃ jātaṃ. **Nīlakkhinayanaṃ varaṃ** puññasambhārajaṃ uttamanīlaakkhivantaṃ. **Sabbasubhākiṇṇaṃ** sabbena subhena vaṇṇena saṅghānena ākiṇṇaṃ gahanībhūtaṃ **rūpaṃ** bhagavato hatthapādasīsādirūpaṃ disvāti attho, tittim apatto viharāmi ahanti sambandho.

61. Tadā maṃ caraṇantagoti tasmim mayhaṃ arahattaṃ pattaṅkāle sīlādipannarasannaṃ caraṇadhammānaṃ antago, pariyośanappatto paripūrakārīti attho. “Maraṇantago”tipi pāṭho. Tassa maraṇassa antaṃ nibbānaṃ pattoti attho. Saddhādhimuttānaṃ aggaṃ paññapesīti sambandho. Atha satthā bhikkhusaṅghamajjhe nisinna “etadaggaṃ, bhikkhave, mama sāvakaṇaṃ saddhādhimuttānaṃ yadidaṃ, vakkalī”ti (a. ni. 1.198, 208) maṃ etadaggaṭṭhāne ṭhapesīti vuttaṃ hoti. Sesam suviññeyyamevāti.

Vakkalittheraapadānavāṇṇanā samattā.

3. Mahākappinattheraapadānavāṇṇanā

Padumuttaro nāma jinotiādikaṃ āyasmato kappinattherassa apadānaṃ. Ayampi purimabuddhesu katādhikāro tattha tattha bhava vivaṭṭupanissayāni puññāni upacinanto padumuttarassa bhagavato kāle haṃsavatīnagare kulagehe nibbato viññutaṃ patvā satthu santike dhammadesanaṃ suṇanto satthārā ekaṃ bhikkhuṃ ovādakānaṃ aggaṭṭhāne ṭhapitaṃ disvā adhikāraṃkatvā taṃ ṭhānantaraṃ patthesi.

So tattha yāvajīvaṃ kusalaṃ katvā devamanussesu saṃsaranto bārāṇasito avidūre ekasmim pesakāragāme jeṭṭhapesakāragehe nibbato tadā saḥsamattā paccekabuddhā himavante aṭṭha māse vasitvā vassike cattāro māse janapade vasanti. Te ekavāraṃ bārāṇasiyā avidūre otarivā “senāsaṇaṃ karaṇatthāya hatthakammaṃ yācathā”ti rañño santikaṃ aṭṭha paccekabuddhe paṇiṇiṃsu. Tadā pana rañño vappamaṅgalaṃ ahosi. So “paccekabuddhā kira āgatā”ti sutvā nikkhamitvā āgatakāraṇaṃ pucchitvā “ajja, bhante, okāso natthi sve amhākaṃ vappamaṅgalaṃ, tatiyadivase karissāmā”ti vatvā paccekabuddhe animantetvāva pavisi. Paccekabuddhā “aṅṅaṃ gāmaṃ pavisissāmā”ti pakkamiṃsu.

Tasmim samaye jeṭṭhapesakāraṇassa bhariyā kenacideva karaṇīyena bārāṇasiṃ gacchantī te paccekabuddhe disvā vanditvā, “kiṃ, bhante, avelāya ayyā āgatā”ti pucchi. Te ādito paṭṭhāya kathesuṃ. Taṃ sutvā saddhāsampannā buddhisampannā itthi “sve, bhante, amhākaṃ bhikkhaṃ gaṇhathā”ti nimantesi. “Bahukā mayaṃ, bhaginī”ti. “Kittakā, bhante”ti? “Sahassamattā, bhaginī”ti. “Bhante, imasmim no gāme saḥsamattā vasimhā, ekeko ekekassa bhikkhaṃ dassati, bhikkhaṃ adhivāsetha, ahameva vo vasanaṭṭhānaṃ kārapessāmī”ti āha. Paccekabuddhā adhivāsesuṃ.

Sā gāmaṃ pavisitvā ugghosesi – “ammatātā, ahaṃ saḥsamatte paccekabuddhe disvā nimantesim, ayyānaṃ nisīdanatṭhānaṃ saṃvidahatha, yāgubhattādīni sampādetthā”ti gāmamajjhe maṇḍapaṃ kārapetvā āsanāni paññāpetvā punadivase paccekabuddhe nisīdāpetvā paṇītena khādanīyena bhojanīyena parivisitvā bhattakiccapariyośāne tasmim gāme sabbā itthiyo ādāya tāhi saddhim paccekabuddhe vanditvā temāsaṃ vasanaṭṭhāya paṭiṇṇaṃ gaṇhitvā puna gāme ugghosesi – “ammatātā, ekekakulato ekekapuriso vāsipharasuādīni gahetvā araṅṅaṃ pavisitvā dabbasambhāre āharitvā ayyānaṃ vasanaṭṭhānaṃ karotū”ti. Gāmaṃvāsino tassāyeva vacanaṃ sutvā ekeko ekekaṃ katvā saddhim rattidivāṭṭhānehi paṇṇasālasaḥsaṃ niṭṭhāpetvā attano attano paṇṇasālāyaṃ upagataṃ paccekabuddhaṃ “ahaṃ sakkaccaṃ upaṭṭhahissāmi,

ahaṃ sakkaccaṃ upaṭṭhahissāmi”ti vatvā upaṭṭhahiṃsu. Sā vassaṃvuṭṭhakāle “attano attano paṇṇasālāya vassaṃvuṭṭhānaṃ paccekabuddhānaṃ cīvarasātake sajjethā”ti samādapetvā ekekassa saḥassa saḥassamūlaṃ cīvaraṃ dāpesi. Paccekabuddhā vuṭṭhavassā anumodanaṃ katvā pakkamiṃsu. Gāmaṃvāsīnopi idaṃ puññakammaṃ katvā tato cuto tāvatiṃsadevaloke nibbattitvā gaṇadevatā nāma ahesuṃ.

Te tattha dibbasampattiṃ anubhavitvā kassapasammāsambuddhakāle kuṭumbikagehesu nibbattiṃsu. Pubbe jeṭṭhakapesakāro jeṭṭhakakuṭumbikassa putto ahoṣi. Bhariyāpissa ekassa jeṭṭhakakuṭumbikassa dhīta ahoṣi. Sesānaṃ bhariyāyo sesakuṭumbikānaṃ dhītaro ahesuṃ, tā sabbāpi vayappattā parakulaṃ gacchantiyo tesāṃ tesāṃyeva gehāni agamaṃsu. Athekadivasāṃ vihāre dhammassavane saṅghuṭṭhe “sathā dhammaṃ desessati”ti sutvā te sabbepi kuṭumbikā “dhammaṃ sossāma”ti bhariyāhi saddhiṃ vihāraṃ agamaṃsu. Tesāṃ vihāramajjhaṃ pavitṭhakkhaṇe vassaṃ vassi. Yesāṃ kulūpakā vā ñātisāmaṇerādayo vā atthi, te tesāṃ pariveṇādīni pavisiṃsu. Te pana tathārūpānaṃ natthitāya katthaci pavisitūṃ avisahantā vihāramajjheyeva aṭṭhaṃsu. Atha ne jeṭṭhakakuṭumbiko āha – “passatha, bho, amhākaṃ vippakāraṃ, kulaputtehi nāma ettakena lajjitūṃ yutta”nti. “Ayya, kiṃ karomā”ti? “Mayaṃ vissāsikatṭhānassa abhāvena imaṃ vippakāraṃ pattā, sabbe dhanaṃ saṃharitvā pariveṇaṃ karissāma”ti. “Sādhu, ayyā”ti jeṭṭhako saḥassaṃ adāsi. Sesā pañca pañca satāni. Itthiyo aḍḍhateyyāni aḍḍhateyyāni satāni. Te taṃ dhanaṃ āharitvā saḥsakūṭāgāraparivāraṃ satthu vasanattāya mahāpariveṇaṃ nāma kārapesuṃ. Navakammaṃ mahantatāya dhane appahonte pubbe dinnadhanato puna upaḍḍhūpadḍham adāsu. Niṭṭhite pariveṇe vihāramahaṃ karontā buddhappamukhassa bhikkhusaṅghassa sattāhaṃ mahādānaṃ datvā vīsatiyā bhikkhusaḥassānaṃ cīvarāni sajjayiṃsu.

Jeṭṭhakakuṭumbikassa pana bhariyā attano paññāya ṭhitā ahaṃ tehi samakaṃ akatvā atirekataraṃ katvā “sathāraṃ pūjessāmi”ti anojapupphavaṇṇena saḥassamūlena sātakena saddhiṃ anojapupphacaṅkoṭakaṃ gahetvā sathāraṃ anojapupphehi pūjetvā taṃ sātakaṃ satthu pādāmūle ṭhapetvā, “bhante, nibbattanibbattaṭṭhāne anojapupphavaṇṇaṃyeva me sarīraṃ hotu, anojātveva ca nāmaṃ hotū”ti patthanāṃ akāsi. Sathā “evaṃ hotū”ti anumodanaṃ akāsi. Te sabbepi yāvatāyukaṃ ṭhatvā tato cutā devaloke nibbattiṃsu. Te imasiṃ buddhuppāde devalokā cavitvā jeṭṭhako kukkuṭavatānagare rājakule nibbattitvā viññutaṃ patto mahākappinārājā nāma ahoṣi. Sesā amaccakulesu nibbattiṃsu. Jeṭṭhassa bhariyā maddaraṭṭhe sākalanagare rājakule nibbatti anojapupphavaṇṇamevassā sarīraṃ ahoṣi, tena **anojātvevassā** nāmaṃ akaṃsu, sā vayappattā mahākappinarañño gehaṃ gantvā **anojādevīti** pākāṭā ahoṣi.

Sesitthiyopi amaccakulesu nibbattitvā vayappattā tesāṃyeva amaccaputtānaṃ gehāni agamaṃsu. Te sabbepi rañño sampattisadisāṃ sampattiṃ anubhaviṃsu. Yadā hi rājā alaṅkārapaṭimaṇḍito hatthiṃ abhiruhitvā vicarati, tadāpi te tatheva vicaranti. Tasmīṃ assena vā rathena vā vicarante tepi tatheva vicaranti. Evaṃ te ekato hutvā katānaṃ puññānaṃ balena ekatova sampattiṃ anubhaviṃsu. Rañño pana vālo, vālavāhano, puppho, pupphavāhano, supattoti pañceva assā honti. Tesu rājā supattaṃ assaṃ sayamaṃ ārohati, itare cattāro asse assārohānaṃ sāsānāharaṇattāya adāsi. Rājā te pātova bhojetvā “gacchatha, bhaṇe, dve vā tīṇi vā yojanāni āhiṇḍitvā buddhassa vā dhammassa vā saṅghassa vā uppannabhāvaṃ sutvā mayhaṃ sukhasāsanaṃ ārocethā”ti pesesi. Te catūhi dvārehi nikkhamitvā dve tīṇi yojanāni āhiṇḍitvā kiñci sāsanaṃ alabhivāva paccāgamiṃsu.

Athekadivasāṃ rājā supattaṃ āruhitvā amaccasahassaparivuto uyyānaṃ gacchanto kilantarūpe pañcasatamatte vāñijake nagaraṃ pavisante disvā “ime addhānakilantā, addho imesaṃ santikā ekaṃ bhaddakaṃ sāsanaṃ sossāmi”ti te pakkosāpetvā “kuto āgatattā”ti pucchi. “Atthi, deva, ito vīsatiyojanasatamatthake sāvatti nāma nagaraṃ, tato āgatamhā”ti. “Atthi pana vo dese kiñci sāsanaṃ uppanna”nti. “Deva, aññaṃ kiñci natthi, sammāsambuddho uppanno”ti. Rājā tāvadeva balavapītiyā phutṭhasarīro kiñci sallakkhetūṃ asakkonto muhuttaṃ vītināmetvā pana, “tātā, kiṃ vadethā”ti pucchi. “Buddho, deva, uppanno”ti. Rājā dutiyampi tatiyampi tatheva vītināmetvā catutthavāre “kiṃ vadetha, tātā”ti pucchitvā “buddho uppanno”ti vutte, “tātā, sukhasāsanasavanāya satasahassaṃ vo dammi”ti vatvā “aparampi kiñci sāsanaṃ atthi, tātā”ti pucchi. “Atthi, deva, dhammo uppanno”ti. Rājā tampi sutvā purimanayeneva tayo vāre vītināmetvā catutthavāre “dhammo uppanno”ti vutte – “idhāpi vo satasahassaṃ dammi”ti vatvā “aparampi kiñci sāsanaṃ atthi, tātā”ti pucchi. “Atthi, deva, saṅgho uppanno”ti. Rājā

tampi sutvā tatheva tayo vāre vītināmetvā catutthavāre “saṅgho uppanno”ti vutte – “idhāpi vo satasahassaṃ dammī”ti vatvā amaccasahassaṃ oloketvā, “tātā, kiṃ karissāmā”ti pucchi. “Deva, tumhe kiṃ karissathā”ti? “Ahaṃ, tātā, ‘buddho uppanno dhammo uppanno saṅgho uppanno’ti sutvā na puna nivattissāmi, bhagavantam uddissa gantvā tassa santike pabbajissāmī”ti. “Mayampi, deva, tumhehi saddhiṃ pabbajissāmā”ti. Rājā suvaṇṇapaṭṭe akkharāni likhāpetvā vāṇijakānaṃ datvā “imaṃ anojāya nāma deviyā detha, sā tumhākaṃ tīṇi satasahassāni dassati, evañca pana naṃ vadeyyātha ‘raññā kira te issariyaṃ vissatthaṃ, yathāsukhaṃ sampattim paribhuñjāhi”ti, sace pana ‘vo rājā kaha’nti pucchati, ‘satthāraṃ uddissa pabbajissāmī’ti vatvā gatoti āroceyyāthā”ti āha. Amaccāpi attano attano bhariyānaṃ tatheva sāsaṇaṃ paṇiṃsu. Rājā vāṇijake uyyojetvā assaṃ abhiruyha amaccasahassaparivuto taṃkhaṇaṇīeva nikkhami.

Satthāpi taṃdivasaṃ paccūsakāle lokaṃ volokento mahākappinarājānaṃ saparivāraṃ disvā “ayaṃ mahākappino vāṇijakānaṃ santikā tiṇṇaṃ ratanānaṃ uppanabhāvaṃ sutvā tesam vacanaṃ tīhi satasahassehi pūjetvā rajjaṃ pahāya amaccasahassaparivuto maṃ uddissa pabbajitukāmo sve nikkhamissati, so saparivāro saha paṭisambhidāhi arahattaṃ pāpuṇissati, paccuggamaṃ karissāmī”ti punadivase cakkavattī viya khuddakagāmaḥojakaṃ rājānaṃ paccuggacchanta sayameva pattacīvaramādāya vīsayojanasataṃ maggaṃ paccuggantvā candabhāgāya nadiyā tīre nigrodharukkhamūle chabbaṇṇabuddharasmiyo vissajjetvā nisīdi. Rājāpi āgacchanta ekaṃ nadiṃ patvā “kā nāmāya”nti pucchi. “Aparacchā nāma, devā”ti. “Kimassā parimāṇaṃ, tātā”ti? “Gambhīrato gāvutaṃ, puthulato dve gāvutāni, devā”ti. “Atthi panettha nāvā vā uḷumpo vā”ti? “Natthi, devā”ti. “Nāvādīni olokente amhe jāti jaraṃ upaneti, jarā maraṇaṃ. Ahaṃ nibbematiko hutvā tīṇi ratanāni uddissa nikkhanta, tesam me ānubhāvena ‘idaṃ udakaṃ udakaṃ viya mā hotū’ti ratanattayassa guṇaṃ āvajjetvā ‘itipi so bhagavā ahaṃ sammāsambuddho’”ti buddhaguṇaṃ anussaranta saparivāro assasahassena udakapiṭṭhe pakkhandi. Sindhavā piṭṭhipāsāṇe viya pakkhandiṃsu. Khurānaṃ aggaṭṭhāneva temiṃsu.

So taṃ uttarivā purato gacchanta aparampi nadiṃ disvā “ayaṃ kā nāmā”ti pucchi. “Nīlavāhā nāma, devā”ti. “Kimassā parimāṇa”nti? “Gambhīratopi puthulatopi aḍḍhayaṇaṃ, devā”ti. Sesam purimasadisameva. Taṃ pana nadiṃ disvā “svākkhāto bhagavatā dhammo”ti dhammānussatiṃ anussaranta pakkhandi. Tampi atikkamivā gacchanta aparampi nadiṃ disvā “ayaṃ kā nāmā”ti pucchi. “Candabhāgā nāma, devā”ti. “Kimassā parimāṇa”nti? “Gambhīratopi puthulatopi yojanaṃ, devā”ti. Sesam purimasadisameva. Taṃ pana nadiṃ disvā “suppaṭipanno bhagavato sāvakasaṅgho”ti saṅghānussatiṃ anussaranta pakkhandi. Tampi nadiṃ atikkamivā gacchanta satthu sarīrato nikkhantā chabbaṇṇabuddharasmiyo nigrodharukkhasa sākhaṇīpapalāsāni obhāsayaṃānā disvā cintesi – “ayaṃ obhāso neva candassa, na sūriyassa, na devamārabrahmaṇasupaṇṇanāgānaṃ aññatarassa, addhā ahaṃ satthāraṃ uddissa āgacchanta sammāsambuddhena diṭṭho bhavissāmī”ti. So tāvadeva assapiṭṭhito otarivā onatasarīro rasmiyānusārena satthāraṃ upasaṅkamivā manosilārāse nimujjanta viya buddharasmīnaṃ anto pāvīsī. So satthāraṃ vanditvā ekamantaṃ nisīdi saddhiṃ amaccasahassena. Satthā tesam anupubbim kathaṃ kathesi. Desanāpariyosāne saparivāro rājā sotāpattiphale patiṭṭhahi.

Atha sabbe utṭhahitvā pabbajjaṃ yāciṃsu. Satthā “āgamissati nu kho imesaṃ kulaputtānaṃ iddhimayapattacīvara”nti upadhārento “ime kulaputtā paccakabuddhasahassānaṃ cīvarasahassaṃ adamaṃsu, kassapabuddhakāle vīsatiyā bhikkhusahassānaṃ vīsaticīvarasahassānipi adamaṃsu, anacchariyaṃ imesaṃ kulaputtānaṃ iddhimayapattacīvarāgamana”nti ñatvā dakkhiṇahattaṃ pasāretvā “etha, bhikkhavo, caratha brahmacariyaṃ sammā dukkhassa antakiriyaṃ”ti āha. Te tāvadeva aṭṭhaparikkhāradharā vassatṭhikatherā viya hutvā vehāsaṃ abhuggantvā paccorohitvā satthāraṃ vanditvā ekamantaṃ nisīdiṃsu.

Te pana vāṇijakā rājagehaṃ gantvā deviyā raññā pahitasāsaṇaṃ ārocetvā deviyā “āgacchantū”ti vutte pavisitvā ekamantaṃ aṭṭhaṃsu. Atha ne devī pucchi – “tātā, kiṃkāraṇā āgatathā”ti? “Mayaṃ raññā tumhākaṃ santikaṃ pesitā, tīṇi kira no satasahassāni dethā”ti. “Bahuṃ, bhaṇe, bhaṇatha, kiṃ tumhehi rañño santike kataṃ, kismiṃ vo rājā pasanno ettakaṃ dhaṇaṃ dāpetī”ti? “Devī, na aññaṃ kiñci kataṃ, ekaṃ pana sāsaṇaṃ ārocayimhā”ti. “Sakkā pana, tātā, mayhampi taṃ ārocetu”nti. “Sakkā, devī”ti suvaṇṇabhiṅgārena mukhaṃ vikkhāletvā “devī, buddho loke uppanno”ti. Sāpi taṃ sutvā pītiyā

phuṭṭhasarīrā tikkhattuṃ kiñci asallakkhetvā catutthavāre “buddho uppanno”ti sutvā “kiṃ, tātā, imasmiṃ pade raññā dinna”nti? “Satasahassaṃ, devī”ti. “Tātā, ananucchavikaṃ raññā kataṃ evarūpaṃ sāsanaṃ sutvā tumhākaṃ satasahassadadamānena, ahaṃ vo mama duggatapaṇṇākāre tīṇi satasahassāni dammi. Aparamaṃ kiñci tumhehi ārocita”nti? Te idaṅca idaṅcāti itarānīpi dve sāsanaṇi ārocesuṃ. Devī purimanayeneva tayo tayo vāre asallakkhetvā catutthacatutthavāre tīṇi tīṇi satasahassāni adāsi. Evaṃ te sabbāni dvādasasatasahassāni labhiṃsu.

Atha ne devī pucchi – “rājā kahaṃ, tātā”ti? “Devi, rājā ‘sathāraṃ uddissa pabbajissāmī’ti vatvā gato”ti. “Mayhaṃ tena kiṃ sāsanaṃ dinna”nti? “Sabbamaṃ kira issariyaṃ tumhākaṃ vissatṭhaṃ, ‘tumhe kira yathāsukhaṃ sampattiṃ anubhavathā”ti. “Amaccā pana kuhiṃ, tātā”ti? “Tepi raññā saddhiṃ ‘pabbajissāmā’ti gatā, devī”ti. Sā tesamaṃ bhariyāyo pakkosāpetvā, “ammā, tumhākaṃ sāmikā raññā saddhiṃ ‘pabbajissāmā’ti gatā, tumhe kiṃ karissathā”ti? “Kiṃ pana tehi amhākaṃ sāsanaṃ pahitaṃ, devī”ti? “Tehi kira attano sampattiṃ tumhākaṃ vissatṭhā ‘tumhe kira sampattiṃ yathāsukhaṃ paribhuñjathā”ti. “Tumhe pana, devi, kiṃ karissathā”ti? “Amhākaṃ so tāva rājā magge ṭhito tīhi satasahassehi tīṇi ratanāni pūjetvā kheḷapiṇḍamaṃ viya sampattiṃ pahāya ‘pabbajissāmī’ti nikkhanto, mayāpi tiṇṇamaṃ ratanānaṃ sāsanaṃ sutvā tāni navahi satasahassehi pūjitāni, na kho panesā sampatti nāma raññoyeva dukkhā, mayhampi dukkhā eva. Ko raññā chaḍḍitakheḷapiṇḍamaṃ jaṇṇukehi bhūmiyaṃ patiṭṭhahitvā mukhena gaṇhissati, na mayhaṃ sampattiyā attho, sathāraṃ uddissa pabbajissāmī”ti. “Devi, mayampi tumhehi saddhiṃ pabbajissāmā”ti. “Sace sakkotha, sādhu”ti. “Sakkoma, devī”ti. Tena hi “ethā”ti rathasahassaṃ yojāpetvā rathaṃ āruya tāhi saddhiṃ nikkhamitvā antarāmagge paṭhamamaṃ nadiṃ disvā yathā raññā paṭhamamaṃ pucchitā, tatheva pucchitvā sabbamaṃ pavattiṃ sutvā “raññā gatamaggamaṃ olokethā”ti vatvā “sindhavānaṃ padavalañjamaṃ na passāmā”ti vutte rājā “tīṇi ratanāni uddissa nikkhantosi”ti saccakiriyaṃ karitvā tiṇṇamaṃ ratanānaṃ guṇe anussarivā gato bhavissati, ahampi tīṇi ratanāni uddissa nikkhantā, tesamaṃ me ānubhāvena “idamaṃ udakamaṃ udakamaṃ viya mā hotū”ti tiṇṇamaṃ ratanānaṃ guṇe anussarantī rathasahassaṃ pesesi. Udakamaṃ piṭṭhipāsānasadisamaṃ ahosi, cakkānaṃ aggaṭṭhāneva temiṃsu. Eteneva upāyena itarā dvepi nadiyo uttariṃsu.

Sathā tāsamaṃ āgatabhāvaṃ ñatvā yathā tā attano santike nisinne sāmike bhikkhū na passanti, tathā adhiṭṭhāsi. Devīpi āgacchantī satthu sarīrato nikkhantā rasmiyo disvā tatheva cintetvā sathāraṃ upasaṅkamitvā, vanditvā ekamantaṃ ṭhitā pucchi – “bhante, mahākappino rājā tumhe uddissa nikkhamitvā gato, kahaṃ nu kho so, amhākaṃ taṃ dassethā”ti. “Nisīdatha tāva, idheva naṃ passissathā”ti. Tā sabbāpi haṭṭhatutṭhā “idheva kira nisinnā sāmike no passissāmā”ti nisīdiṃsu. Sathā anupubbiṃ kathaṃ kathesi. Anojādevī desanāpariyosāne tāhi saddhiṃ sotāpattiphalaṃ pāpuṇi. Mahākappino thero tāsamaṃ desiyamānaṃ dhammadesanaṃ sutvā saparivāro saha paṭisambhidāhi arahattaṃ pāpuṇi. Tasmīṃ khaṇe sathā tāsamaṃ te bhikkhū dassesi. Tāsāhi āgatakkhaṇeyeva attano sāmike kāsāvadhare muṇḍasīse disvā cittaṃ ekaggaṃ na bhaveyya, maggaphalaṃ nibbattetuṃ sakkā na bhaveyya. Tasmā acalasaddhāya patiṭṭhitakālate paṭṭhāya tāsamaṃ te bhikkhū arahattapatte dassesi. Tāpi te disvā pañcapatiṭṭhitena vanditvā, “bhante, tumhākaṃ pabbajitakiccaṃ matthakappatta”nti vatvā sathāraṃ vanditvā ekamantaṃ ṭhatvā pabbajamaṃ yāciṃsu.

Evaṃ vutte sathā uppalavaṇṇāya theriyā āgamaṃ cintesi. Sā satthu cintitakkhaṇeyeva ākāsenāgantvā tā sabbā itthiyo gahetvā ākāsenā bhikkhunupassayaṃ netvā pabbājesi. Tā sabbā nacirasseva arahattaṃ pāpuṇiṃsu. Sathā bhikkhusahassaṃ ādāya ākāsenā jetavanaṃ agamāsi. Tatra sudamaṃ āyasmā mahākappino rattiṭṭhānādīsu “aho sukhaṃ, aho sukha”nti udānaṃ udānento vicarati. Bhikkhū bhagavato ārocesuṃ – “bhante, mahākappino ‘aho sukhaṃ, aho sukha’nti udānaṃ udānento vicarati, attano rajjasukhaṃ ārabba udāneti maññe”ti. Sathā taṃ pakkosāpetvā – “saccamaṃ kira tvamaṃ, kappina, kāmasukhaṃ ārabba udānaṃ udānesī”ti? “Bhagavā me, bhante, taṃ ārabba udānabhāvaṃ vā aññaṃ ārabba udānabhāvaṃ vā jānāti”ti. Atha sathā – “na, bhikkhave, mama putto kāmasukhaṃ rajjasukhaṃ ārabba udānaṃ udāneti, puttassa pana me dhammaṃ carato dhammapīti nāma uppajjati, so amatamahānibbānaṃ ārabba evamaṃ udānaṃ udānesī”ti anusandhiṃ ghaṭetvā dhammaṃ desento imaṃ gāthamāha –

“Dhammapīti sukhaṃ seti, vippasannena cetasā;
Ariyappavedite dhamme, sadā ramati paṇḍito”ti. (dha. pa. 79);

Athekadivasam satthā bhikkhū āmantesi – “kacci, bhikkhave, kappino bhikkhūnaṃ dhammaṃ deseti”ti? “Appossukko, bhante, diṭṭhadhammasukhavihāraṃ anuyutto viharati, ovādamattampi na deti”ti. Satthā theram pakkosāpetvā – “saccaṃ kira tvam, kappina, antevāsikānaṃ ovādamattampi na desi”ti? “Saccaṃ, bhagavā”ti. “Brāhmaṇa, mā evaṃ akāsi, ajja paṭṭhāya upagatānaṃ bhikkhūnaṃ dhammaṃ desehi”ti. “Sādhu, bhante”ti therō bhagavato vacanaṃ sirasā sampaṭicchitvā ekovādeneva samaṇasahassaṃ arahatte paṭiṭṭhāpesi. Tena naṃ satthā paṭipāṭiyā attano sāvake ṭhānantare ṭhapento “etadaggaṃ, bhikkhave, mama sāvakānaṃ bhikkhuovādakānaṃ yadidaṃ mahākappino”ti (a. ni. 1.219, 231) etadagge ṭhapesi.

66. Evaṃ therō pattaarahattaphalo attano pubbakammaṃ saritvā somanassajāto pubbacaritāpadānaṃ pakāsento **padumuttaro nāma jinoti**ādīmāha. **Udito ajaṭākāseti** sakalākāse udito uṭṭhito pākaṭabhūto. **Saradambare** saradakāle ākāse **raviva** sūriyo ivāti attho.

70. **Akkhadasso tadā āsinti** tasmim padumuttarassa bhagavato kāle sāradasā hitadassā ācariyo pākaṭo ahosinti attho.

71. **Sāvakassa katāvinoti** tassa bhagavato **me manam** mama cittaṃ, **tappayantassa** tosayantassa sāvakassa ovādakassa guṇaṃ pakāsayato aggaṭṭhāne ṭhapentassa katāvino sātaccakiccayuttassa vacanaṃ sutvāti sambandho.

73. **Haṃsasamabhāgoti** haṃsasadisagāmi. **Haṃsadundubhinissanoti** haṃsaravo dundubhibherisaddasadisavacano “etaṃ mahāmattaṃ passatha, bhikkhavo”ti āhāti sambandho.

74. **Samuggatatanūruhanti** suṭṭhu uggatalomaṃ uddhaggaḷomaṃ, udagyamaṇaṃ vā. **Jīmūtavaṇṇanti** muttaphalasaṃnavaṇṇaṃ sundarasarīrapabhanti attho. **Piṇaṃsanti** paripuṇṇaṃ aṃsaṃ. **Pasannanayanānananti** pasannaakkhipasannamukhanti attho.

75. **Katāvinoti** katādhikārassa etadagge ṭhitassa bhikkhuno ṭhānaṃ so eso muditāya pahaṭṭhacittatāya patthetīti sambandho.

81. **Satasa anusāsiyāti** dhammena samena vacanena kāraṇavasena anusāsivāti attho. **Bārānasiyamāsanneti** bārānasiyā samīpe pesakāragāme. **Jāto keniya jātiyanti** tantavāyajātiyā pesakārakule jātoti attho. Sesam suviññeyyamevāti.

Mahākappinattheraapadānavaṇṇanā samattā.

4. Dabbamallaputtattheraapadānavaṇṇanā

Catutthāpadāne **padumuttaro nāma jinoti**ādikaṃ āyasmato dabbamallaputtattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare seṭṭhiputto hutvā jāto vibhavasampanno ahosi, satthari pasanno satthu dhammadesanaṃ suṇanto satthāraṃ ekaṃ bhikkhuṃ senāsanapaññāpakānaṃ aggaṭṭhāne ṭhapentaṃ disvā pasannamānaso buddhappamukhaṃ bhikkhusaṅghaṃ nimantetvā sattāhaṃ mahādānaṃ datvā sattāhaccayena bhagavato pādāmūle nipatitvā taṃ ṭhānaṃ patthesi. Bhagavāpissa samijjhanabhāvaṃ ṇatvā byākāsi. So yāvajīvaṃ kusalaṃ katvā tato cuto tusitādīsu devesu dibbasampattiṃ anubhavitvā tato cuto vipassissa bhagavato kāle ekasmim kule nibbato asappurisasamsaggena tassa sāvakaṃ bhikkhuṃ arahāti jānantopi abbhūtena abbhācikkhi. Tasseva sāvakānaṃ khīrasalākabhattaṃ adāsi. So yāvātāyukaṃ puññāni katvā devamanussesu saṃsaranto ubhayasampattiyo anubhavitvā kassapadasabalassa kāle kulagehe nibbato osānakāle sāsane pabbajito parinibbute bhagavati sakalaloke kolāhale jāte satta bhikkhavo pabbajito paccantajanapade vanamajjhe ekaṃ pabbataṃ abhiruhitvā “jīvitāsā orohantu nirālayā nisīdantū”ti nisseṇim pātesum. Tesam ovādādāyako jeṭṭhakatthero satthāhabbhantare arahā ahosi. Tadanantaratthero anāgāmī, itare pañca parisuddhasīlā tato cutā devaloke nibbattā. Tattha ekaṃ

buddhantaram dibbasukham anubhavitvā imasmiṃ buddhuppāde pukkusāti (ma. ni. 3.342), sabhiyo (su. ni. sabhiyasutta), bāhiyo (udā. 10), kumārakassapoti (ma. ni. 1.249) ime cattāro tattha tattha nibbattiṃsu. Ayaṃ pana mallaraṭṭhe anupiyānagare nibbatti. Tasmīṃ mātukucchito anikkhanteyeva mātā kālamakāsi, atheko tassā sarīraṃ jhāpanatthāya citakasmīṃ āropetvā kumāraṃ dabbantare patitaṃ gahetvā jaggāpesi. Dabbe patitattā **dabbo mallaputtoti** pākāto ahoṣi. Aparabhāge pubbasambhāravasena pabbaji, so kammatṭhānamanuyutto nacirasseva saha paṭisambhidāhi arahattaṃ pāpuṇi.

Atha naṃ satthā majjhatabhāvena ānubhāvasampannabhāvena ca bhikkhūnaṃ senāsanāṃ paññāpane bhattuddesane ca niyojesi. Sabbo ca bhikkhusaṅgho taṃ samannesi. Taṃ vinayakhandhake (cūlava. 189-190) āgatameva. Aparabhāge thero ekassa varasalākadāyakaṃ salākabhattaṃ mettiyabhūmajānaṃ bhikkhūnaṃ uddisi. Te haṭṭhatuṭṭhā “sve mayhaṃ muggaghatamadhumissakabhattaṃ bhuñjissāmā”ti ussāhajātā ahesuṃ. So pana upāsako tesāṃ vārappatabhāvaṃ sutvā dāsiṃ āṇāpesi – “ye, je, bhikkhū sve idha āgamissanti, te kaṇṇajakena bilaṅgadutiyaṃ parivissāhi”ti. Sāpi tattheva te bhikkhū āgate koṭṭhakapamukhe nisīdāpetvā bhojesi. Te bhikkhū anattamanā kopena taṭataṭāyantaṃ there āghātaṃ bandhitvā “madhurabhattadāyakaṃ amhākaṃ amadhurabhattaṃ dāpetuṃ esova niyojesi”ti dukkhī dummanā nisīdiṃsu. Atha te mettiyā nāma bhikkhunī “kiṃ, bhante, dummanā”ti pucchi. Te, “bhagini, kiṃ amhe dabbena mallaputtana viheṭṭhiyamāne ajjupekkhasi”ti āhaṃsu. “Kiṃ, bhante, mayā sakkā kātu”nti? “Tassa dosaṃ āropehi”ti. Sā tattha tattha therassa abhūtāropanaṃ akāsi. Taṃ sutvā bhikkhū bhagavato ārocesuṃ. Atha bhagavā dabbāṃ mallaputtaṃ pakkosāpetvā – “saccaṃ kira tvāṃ, dabbā, mettiyāya bhikkhuniyā vipākāramakāsi”ti pucchi. “Yathā maṃ, bhante, bhagavā jānātī”ti. “Na kho, dabbā, dabbā evaṃ nibbheṭṭenti, kārakabhāvaṃ vā akārabhāvaṃ vā vadehī”ti. “Akārako ahaṃ, bhante”ti. Bhagavā – “mettiyaṃ bhikkhunīṃ nāsetvā te bhikkhū anuyuñjathā”ti āha. Upālitttherappamukhā bhikkhū taṃ bhikkhunīṃ uppabbājetvā mettiyabhūmajake bhikkhū anuyuñjitvā tehi “amhehi niyojitā sā bhikkhunī”ti vutte bhagavato ekamatthaṃ ārocesuṃ. Bhagavā mettiyabhūmajānaṃ bhikkhūnaṃ amūlakasaṅghādisesaṃ paññāpesi.

Tena ca samayena dabbatthero bhikkhūnaṃ senāsanāṃ paññāpento veḷuvanavihārassa sāmantaṃ aṭṭhārasamahāvihāre sabhāge bhikkhū pesento rattibhāge andhakāre aṅguliyaṃ padīpaṃ jāletvā tenevālokena aniddhimante bhikkhū pesesi. Evaṃ therassa senāsanapaññāpanabhattuddesanaṃ icce pākāte jāte satthā ariyagaṇamajjhe dabbattheraṃ ṭhānantare ṭhāpento “etadaggaṃ, bhikkhave, mama sāvakaṇaṃ bhikkhūnaṃ senāsanapaññāpakānaṃ yadidaṃ dabbo mallaputto”ti (a. ni. 1.209, 214) etadagge ṭhāpesi.

108. Thero attano pubbakammaṃ saritvā somanassajāto pubbacaritāpadānaṃ pakāsento **padumuttaro nāma jino**tiādīmāha. Taṃ sabbāṃ heṭṭhā vuttatthameva. Ito ekanavute kappe vipassī nāma nāyako loke uppajjīti sambandho.

125. Duṭṭhacittoti dūsitacitto asādhusaṅgamaṃ apasannacittoti attho. **Upavadiṃ sāvakaṃ tassāti** tassa bhagavato khīṇāsavaṃ sāvakaṃ upavadiṃ, upari abhūtaṃ vacanaṃ āropesiṃ, abbhakkhānaṃ akāsinti attho.

132. Dundubhiyoti dundumaṃ iti saddāyanato dundubhisāṅkhātā bheriyo. **Nādayiṃsūti** saddaṃ karīṃsu. **Samantato asaniyoti** sabbadisābhāgato asane vināsane niyuttoti asaniyo, devadaṇḍā bhayāvahā phaliṃsūti sambandho.

133. Ukkā patiṃsu nabhasāti ākāsaṃ aggikkhandhā ca patiṃsūti attho. **Dhūmaketu ca dissatīti** dhūmarājisāhito aggikkhandho ca dissatīti paññāyatīti attho. Sesāṃ suviññeyyamevāti.

Dabbamallaputtattheraapadānavāṇṇanā samattā.

5. Kumārakassapattheraapadānavāṇṇanā

Pañcamāpadāne **ito satahassamhīti**ādikaṃ āyasmato kumārakassapattherassa apadānaṃ. Ayaṃ kira

padumuttarassa bhagavato kāle brāhmaṇakule nibbato viññutaṃ patvā ekadivasaṃ satthu santike dhammaṃ suṇanto satthāraṃ ekaṃ bhikkhuṃ cittakathikānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento paṇidhānaṃ katvā tadanurūpāni puññāni karonto yāvatāyukaṃ ṭhatvā tato cuto devamanussesu saṃsaranto ubhayasampattiyo anubhavitvā kassapassa bhagavato kāle kulagehe nibbato tassa bhagavato sāsane pabbajitvā samaṇadhammaṃ katvā sugatīsuveva saṃsaranto dibbasukhaṃ mānusakhañca anubhavitvā imasmiṃ buddhuppāde rājagahe ekissā seṭṭhidhītāya kucchimhi nibbato. Sā kira kumārikākāleyeva pabbajitukāmā mātāpitaro yācitvā pabbajjaṃ alabhamānā patikulaṃ gantvā gabbhaṃ gaṇhitvā taṃ ajānitvā “sāmikaṃ ārādhentvā pabbajjaṃ anujānāpessāmī”ti cintesi. Sā sāmikaṃ ārādhentī, ayyaputta –

“Sace imassa kāyassa, anto bāhirako siyā;
Daṇḍaṃ nūna gahetvāna, kāke soṇe nivāraye”ti. (visuddhi. 1.122) –

Ādinā sarīrassa dosaṃ dassentī taṃ ārādhesi.

Sā sāmikena anuññātā gabbhinibhāvaṃ ajānantī devadattapakkhiyāsu bhikkhuniṃsu pabbaji. Tassā gabbhinibhāvaṃ disvā bhikkhuniyo devadattaṃ pucchimsu. So “assamaṇī”ti āha. Sā “nāhaṃ devadattaṃ uddissa pabbajitā, bhagavantaṃ uddissa pabbajitā”ti bhagavato santikaṃ gantvā dasabalaṃ pucchi. Satthā upālītheraṃ paṭicchāpesi. Thero sāvatthinagaravāsīni kulāni visākhañca upāsikaṃ pakkosāpetvā sarājikāya parisāya taṃ vinicchīnanto “pure laddho gabbho, arogā pabbajjā”ti āha. Taṃ sutvā satthā “sādhu suvinicchitaṃ upālīnā adhikaraṇa”nti therassa sādhuakāraṃ adāsi.

Sā bhikkhunī suvaṇṇabimbasisaṃ puttaṃ vijāyī. Taṃ rājā pasenadi kosalo “dārapariharaṇaṃ bhikkhunīnaṃ palibodho”ti dhātīnaṃ dāpetvā posāpesi, **kassapotissa** nāmaṃ kariṃsu. Aparabhāge alaṅkaritvā satthu santikaṃ netvā pabbājesi. Kumārakāle pabbajitattā pana bhagavatā “kassapaṃ pakkosatha, idaṃ phalaṃ vā khādanīyaṃ vā kassapassa dethā”ti vutte “katarakassapassā”ti “kumārakassapassā”ti evaṃ gahitanāmatā raññā posāvanīyaputtattā ca vuddhakālepi **kumārakassapotveva** paññāyittha.

So pabbajitakālate paṭṭhāya vipassanāya kammaṃ karoti, buddhavacanañca uggaṇhāti. Atha tena saddhiṃ pabbatamatthake samaṇadhammaṃ katvā anāgāmī hutvā suddhāvāse nibbattamahābrahmā “vipassanāya mukhaṃ dassetvā maggaphaluppattiyā upāyaṃ karissāmī”ti pañcadasapañhe abhisankharitvā andhavane vasantassa therassa “ime pañhe satthāraṃ puccheyyāsī”ti ācikkhi. Tato so te pañhe bhagavantaṃ pucchi. Bhagavāpissa vissajjesi. Thero bhagavatā kathitaniyāmeneva te uggaṇhitvā vipassanaṃ gabbhaṃ gāhāpetvā arahattaṃ pāpuṇi.

150. So arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **ito satahassamhīti**ādīmāha. Tattha yaṃ heṭṭhā vuttanayañca uttānatthañca, taṃ sabbaṃ na vaṇṇayissāma. Anuttānapadameva vaṇṇayissāma.

169. Āpannasattā me mātāti mayhaṃ mātā garugabbhā gabbhinī pasutāsannagabbhāti attho.

173. Vammikasadisam kāyanti sarīraṃ nāma vammikasadisam yathā vammiko ito cito ca chiddāvachiddo gharagoḷikaupacikādīnaṃ āsayo, evameva ayaṃ kāyo navachiddo dhuvassavoti **buddhena** bhagavatā **desitam** pakāsitaṃ taṃ sutvā me cittaṃ āsava aggahetvā asetvā kilesato vimucci, arahatte patiṭṭhāsīti attho. Aparabhāge tattha tattha bhikkhūnaṃ vicittadhammakathikabhāvaṃ sutvā satthā “etadaggaṃ, bhikkhave, mama sāvakānaṃ bhikkhūnaṃ cittakathikānaṃ yadidaṃ kumārakassapo”ti (a. ni. 1.209, 217) etadagge ṭhapesīti.

Kumārakassapattheraapadānavāṇṇanā samattā.

6. Bāhiyattheraapadānavāṇṇanā

Chaṭṭhāpadāne **ito satasahassamhīti**ādikaṃ āyasmato bāhiyassa dārucīriyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle brāhmaṇakule nibbatta brāhmaṇasippesu nipphattiṃ gantvā vedaṅgesu anavayo ekadivasaṃ satthu santikaṃ gantvā dhammaṃ suṇanto pasannamānaso sathhāraṃ ekaṃ bhikkhuṃ khippābhiññānaṃ aggaṭṭhāne ṭhapentaṃ disvā taṃ ṭhānaṃ pattukāmo sattāhaṃ buddhappamukhassa bhikkhusaṅghassa mahādānaṃ datvā sattāhassa accayena bhagavato pādāmūle nipanno “bhagavā, bhante, ito sattame divase yaṃ bhikkhuṃ khippābhiññānaṃ aggaṭṭhāne ṭhapesi, so viya ahampi anāgate ekassa buddhassa sāsane khippābhiññānaṃ aggo bhaveyya”nti patthanaṃ akāsi. Bhagavā anāgataṃsaññāna oloketvā samijjanabhāvaṃ ñatvā “anāgate gotamassa bhagavato sāsane pabbajitvā khippābhiññānaṃ aggo bhavissatī”ti byākāsi. So yāvātāyukaṃ puññāni katvā tato cuto devaloke nibbatta tattha cha kāmāvacarasampattiyo anubhavitvā puna manussesu cakkavattīdisampattiyo anekakappakotīsatesu anubhavitvā kassapassa bhagavato kāle ekasmiṃ kule nibbatta, bhagavati parinibbute pabbajito yadā sāsane osakkamāne satta bhikkhū catunnaṃ parisānaṃ ajjhācāraṃ disvā saṃvegappattā araññaṃ pavisitvā “yāva sāsanaṃ antaradhānaṃ na hoti, tāva attano paṭiṭṭhaṃ karissāmā”ti suvaṇṇacetiyaṃ vanditvā tattha araññe ekaṃ pabbataṃ disvā “jīvitasālayā nivattantu, nirālayā imaṃ pabbataṃ abhiruhantū”ti nissenṇiṃ bandhitvā sabbe taṃ pabbataṃ abhiruyha nissenṇiṃ pāteṭvā samaṇadhammaṃ kariṃsu. Tesu saṅghatthero ekarattātikkena arahattaṃ pāpuṇi. So anotattadahe nāgalatādantakaṭṭhaṃ khādītva mukhaṃ dhovītva uttarakuruto piṇḍapātaṃ āharitvā te bhikkhū āha – “āvuso, imaṃ piṇḍapātaṃ bhuñjathā”ti. Te āhaṃsu – “kiṃ, bhante, amhehi evaṃ katikā katā ‘yo paṭhamaṃ arahattaṃ pāpuṇāti, tenābhattaṃ piṇḍapātaṃ avasesā paribhuñjantū”ti? “No hetam, āvuso”ti. “Tena hi sace mayampi tumhe viya visesaṃ nibbattessāma, sayam āharitvā bhuñjissāmā”ti na icchiṃsu.

Dutiyadivase dutiyatthero anāgāmī hutvā tatheva piṇḍapātaṃ āharitvā itare nimantesi. Te evamaṃsu – “kiṃ panāvuso, katikā katā, ‘mahātherena ābhattaṃ piṇḍapātaṃ abhuñjitvā anūtherena ābhattaṃ bhuñjissāmā”ti? “No hetam, āvuso”ti. “Evaṃ sante tumhe viya mayampi visesaṃ nibbattetvā attano attano purisakārena bhuñjitum sakkontā bhuñjissāmā”ti na icchiṃsu. Tesu arahattappattatthero parinibbāyi, dutiyo anāgāmī brahmaloke nibbatti, itare pañca visesaṃ nibbattetuṃ asakkontā sussitvā sattame divase kālaṃ katvā devaloke nibbattiṃsu. Tattha dibbasukhaṃ anubhavitvā imasmiṃ buddhuppāde tato cavitvā manussesu nibbattiṃsu. Tesu eko pukkusāti rājā ahoṣi, eko gandhāraṭṭhe takkasīlayaṃ kumārakassapo, eko bāhiyo dārucīriyo, eko dabbo mallaputto, eko sabhiyo paribbājakoti. Tesu ayaṃ bāhiyo dārucīriyo suppārakapaṭṭane vāṇijakule nibbatta vāṇijakamme nipphattiṃ gato mahaddhano mahābhogo, so suvaṇṇabhūmiṃ gacchantehi vāṇijehi saddhiṃ nāvamāruya videsaṃ gacchanto katipāhaṃ gantvā bhinnāya nāvāya sesesu macchakacchapabhakkhesu jātesu ekoyeva avasiṭṭho ekaṃ phalakaṃ gahetvā vāyamanto sattame divase suppārakapaṭṭanaṭīraṃ okkami. Tassa nivāsanapārūpanaṃ natthi, so aññaṃ kiñci apassanto sukkhakaṭṭhadāṇḍake vākehi palivethetvā nivāsetvā pārupitvā ca devakulato kapālaṃ gahetvā suppārakapaṭṭanaṃ agamāsi. Manussā taṃ disvā yāgubhattādīni datvā “ayaṃ eko arahā”ti sambhāvesuṃ. So vatthesu upanītesu “sacāhaṃ nivāsemi, pārupāmi vā, lābhasakkāro me parihāyissatī”ti tāni paṭikkhipitvā dārucīrāneva parihari.

Athassa “arahā, arahā”ti bahūhi sambhāvīyamānassa evaṃ cetaso parivitakko udapādi “ye keci loke arahanto vā arahattamaggaṃ vā samāpannā, ahaṃ tesam aññataro”ti so tena niyāmena kuhanakamma jīvikaṃ kappeti.

Kassapadasabalassa sāsane sattu janesu pabbataṃ āruya samaṇadhammaṃ karontesu eko anāgāmī hutvā suddhāvāsabrahmaloke nibbattitvā attano brahmasampattiṃ olokeno āgataṭṭhānaṃ āvajjento pabbatamāruya samaṇadhammaṃ karaṇaṭṭhānaṃ disvā sesānaṃ nibbattanaṭṭhānaṃ āvajjento ekassa parinibbutabhāvaṃ itaresaṅca pañcannaṃ kāmāvacaradevaloke nibbattabhāvaṃ ñatvā te kālānukālaṃ āvajjesi “imasmiṃ pana kāle kahaṃ nu kho te”ti āvajjento dārucīriyaṃ suppārakapaṭṭanaṃ nissāya kuhanakamma jīvitaṃ kappentaṃ disvā “naṭṭho vatāyaṃ bālo, pubbe samaṇadhammaṃ karonto atiukkaṭṭhabhāvena arahatāpi ābhattaṃ piṇḍapātaṃ aparibhuñjitvā idāni udarahetu anārahāva samāno arahattaṃ paṭijānitvā lokaṃ vañcento vicarati, dasabalassa uppannabhāvaṃ na jānāti, gacchāmi naṃ saṃvejetvā buddhuppādaṃ jānāpessāmī”ti khaṇeṇeva brahmalokato otarītva suppārakapaṭṭane rattibhāgasamanantare dārucīriyassa sammukhe pāturaṃhosi. So attano vasanaṭṭhāne obhāsaṃ disvā bahi

nikkhamitvā mahābrahmānaṃ disvā añjaliṃ paggayha “ke tumhe”ti pucchi. “Ahaṃ tumhākaṃ porāṇakasahāyo anāgāmiṃphalaṃ patvā brahmaloke nibbato, amhākaṃ sabbajettḥako arahā hutvā parinibbuto, tumhe pana pañcajanā devaloke nibbattā. Svāhaṃ dāni taṃ imasmiṃ ṭhāne kuhanakamma jīvikaṃ kappentaṃ disvā damitūṃ āgato”ti vatvā idaṃ kāraṇaṃ āha – “neva kho tvaṃ, bāhiya, arahā nāpi arahattamaggaṃ vā samāpanno, sāpi te paṭipadā natthi, yāya tvaṃ arahā vā assa arahattamaggaṃ vā samāpanno”ti. Athassa satthu uppanabhāvaṃ sāvattiyāṃ vasanabhāvaṃ ācikkhitvā “satthu santikaṃ gacchā”ti taṃ uyyojetvā brahmalokameva agamāsi.

Bāhiyo pana ākāse ṭhatvā kathentaṃ mahābrahmānaṃ oloketvā cintesi – “aho bhāriyaṃ kammaṃ mayā kataṃ, anaraḥaṃ arahā ahanti cintesiṃ, ayañca maṃ ‘na tvaṃ arahā, nāpi arahattamaggaṃ vā samāpannāsī’ti vadati, atthi nu kho loka añño arahā”ti. Atha naṃ pucchi – “atha ke carahi sadevake loka arahanto vā arahattamaggaṃ vā samāpannā”ti. Athassa devatā ācikkhi – “atthi, bāhiya, uttaresu janapadesu sāvatti nāma nagaraṃ, tattha so bhagavā etarahi viharati arahāṃ sammāsambuddho. So hi, bāhiya, bhagavā arahā ceva arahattāya ca dhammaṃ desesī”ti. Bāhiyo rattibhāge devatāya kathaṃ sutvā saṃviggamānaso taṃkhaṇaṃyeva supparākā nikkhamitvā ekarattivāsena sāvattiṃ agamāsi, gacchanto ca pana devatānubhāvena buddhānubhāvena ca vīsayojanasatikaṃ maggaṃ atikkamitvā sāvattiṃ anuppatto, tasmīṃ khaṇe satthā sāvattiyāṃ piṇḍāya pavittḥo hoti. So jetavanaṃ pavisitvā abbhokāse caṅkamante sambahule bhikkhū pucchi – “kuhiṃ etarahi satthā”ti? Bhikkhū “sāvattiyāṃ piṇḍāya pavittḥo”ti vatvā “tvaṃ pana kuto āgatosī”ti pucchimsu. “Supparākā āgatomhī”ti. “Kadā nikkhantosī”ti? “Hiyyo sāyanhasamaye nikkhantomhī”ti. “Dūratopi āgato, nisīda tāva pāde dhovivā telena makkhetvā thokaṃ vissamāhi, āgatakāle satthāraṃ dakkhissatī”ti āhaṃsu. “Ahaṃ, bhante, satthu vā attano vā jīvitantarāyaṃ na jānāmi, katthaci aṭṭhatvā anisīditvā ekaratteneva vīsayojanasatikaṃ maggaṃ āgato, satthāraṃ passitvāva vissamissāmī”ti āha. So evaṃ vatvā taramānarūpo sāvattiṃ pavisitvā bhagavantaṃ anopamāya buddhasiriya carantaṃ disvā “cirassaṃ vata me gotamo sammāsambuddho diṭṭho”ti diṭṭhatṭhānato paṭṭhāya onatasarīro gantvā antaravīthiyāṃ pañcapaṭiṭṭhitena vanditvā gopphakesu daḷhaṃ gahetvā evamāha – “desetu, bhante bhagavā, dhammaṃ, desetu sugato dhammaṃ, yaṃ mamassa dīgharattaṃ hitāya sukhāyā”ti. Atha naṃ satthā “akālo kho tāva, bāhiya, antaragharaṃ pavittḥamhā piṇḍāyā”ti paṭikkhipi.

Taṃ sutvā bāhiyo, “bhante, saṃsāre saṃsarantena kabalīkārāhāro na aladdhapubbo, tumhākaṃ vā mayhaṃ vā jīvitantarāyaṃ na jānāmi, desetu me, bhante bhagavā, dhammaṃ, desetu sugato dhamma”nti puna yāci. Satthā dutiyampi tatheva paṭikkhipi. Evaṃ kirassa ahosi – “imassa diṭṭhakālato paṭṭhāya sakalasarīraṃ pītiyā niraṇṭaraṃ ajjhotthaṃ hoti, balavapīvego dhammaṃ sutvāpi na sakkhissati paṭivijjhitaṃ, majjhattupekkhāya tāva tiṭṭhatu, ekaratteneva vīsayojanasatikaṃ maggaṃ āgatassapi cassa daratho balavā sopi tāva paṭippassambhatū”ti. Tasmā dvikkhattuṃ paṭikkhipitvā tatiyaṃ yācīto antaravīthiyāṃ ṭhitova “tasmātiha te, bāhiya, evaṃ sikkhitabbaṃ, diṭṭhe diṭṭhamattaṃ bhavissatī”tiādinā (udā. 10) nayena anekapariyāyena dhammaṃ desesi. So satthu dhammaṃ suṇantoyeva sabbāsava khepetvā saha paṭisambhidāhi arahattaṃ pāpuṇi.

178. So arahattaṃ pattakkhaṇeyeva pubbakammaṃ saritvā sañjātasomanasso pubbacaritāpadānaṃ pakāsento **ito satahassamhītiādimāha.** Taṃ heṭṭhā vuttanayattā uttānatthameva. Anuttānapadavaṇṇanameva karissāma.

181. Hasanaṃ paccavekkhaṇanti paripuṇṇasomanassajātaṃ paccavekkhaṇaṃ, komāraṇṇaṃ atikomālanti attho.

182. Hemayaññopacitaṅganti suvaṇṇasuttayaññopacitasuttaavayavaṃ sarīraṃ dehanti attho. **Palambabimbatamboṭṭhanti** olambitabimbaphalasadisaṃ rattavaṇṇaṃ oṭṭhadvayasamannāgatanti attho. **Setatiṇhasamaṃ dijanti** sunisitatikhīṇaayalohaghaṃsanena ghaṃsitvā samaṃ kataṃ viya samadantanti attho.

183. Pītisamphullitānananti pītiyā suṭṭhu phullitaṃ vikaṣitaṃ ānanaṃ mukhaṃ ādāsatalasadisamukhavantanti attho.

184. Khippābhiññassa bhikkhunoti khippaṃ desanāya samugghāṭitakkhaṇeyeva abhivisesena ñātuṃ samatthassa bhikkhunoti attho.

186. Saggam agam sabhavanam yathāti attano gehaṃ viya saggam lokaṃ agamāsinti attho.

196. Na tvam upāyamaggaññūti tvam nibbānādhigamūpāyabhūtamaggaññū na ahoṣīti attho.

200. Sathuno sadā jinanti sadā sabbakālaṃ jinaṃ jinanto parājītakopo sathuno sammāsambuddhassa **vimalānaṃ** ādāsatalasadisamukhaṃ **passissāmi** passituṃ nikkhamāmīti yojanā. **Dije apucchim kuhiṃ lokanandanoti** kuhiṃ ṭhāne lokapasādakaro satthāti dije brāhmaṇe ahaṃ bhikkhū apucchinti attho.

201. Sasova khippam munidassanussukoti munidassane tathāgatadassane ussuko ussāhajāto saso iva khippaṃ pāpuṇātīti attho.

202. Tuvaṭam gantvāti sīghaṃ gantvā. **Piṇḍattham apihāgidhanti** piṇḍapātaṃ paṭicca apihaṃ apagatapihaṃ agidhaṃ nittaṇhaṃ.

203. Alolakkhanti ito cito ca anolokayamānaṃ uttame sāvattinagare piṇḍāya vicarantaṃ adakkhinti sambandho. **Sirīnilayasaṅkāsanti** siriyaṃ lakkhaṇānubyañjanasobhāya nilayaṃ saṅkāsaṃ jalamānatoraṇasadisam. **Ravidittiharānananti** vijjotamānasūriyamaṇḍalaṃ viya vijjotamānamukhamaṇḍalaṃ.

204. Kupathe vippanatthassāti kucchitapathe sopaddavamagge mūlhassa micchāpaṭipannassa me saraṇaṃ hohi patiṭṭhā hohi. **Gotamāti** bhagavantaṃ gottena ālapati.

218. Na tattha sukkā jotantīti sukkapabhāsampannā jotamānaosadhītārakādayo na jotanti nappabhāsanti. Sesam uttānatthameva. So evaṃ pubbacaritāpadānaṃ pakāsetvā tāvadeva ca bhagavantaṃ pabbajjaṃ yāci. “Paripuṇṇaṃ te pattacīvara”nti ca puṭṭho “na paripuṇṇa”nti āha. Atha naṃ satthā “tena hi pattacīvaraṃ pariyesāhi”ti vatvā pakkāmi. So kira vīsativassasahassāni samaṇadhammaṃ karonto “bhikkhūnā nāma attanā paccaye labhitvā aññaṃ anoloketvā sayameva paribhuñjituṃ vaṭṭatī”ti vatvā ekabhikkhussāpi pattena vā civarena vā saṅghaṃ nākāsi, “na tenassa iddhimayaṃ pattacīvaraṃ uppajjissatī”ti ñatvā bhagavā ehibhikkhubhāvena pabbajjaṃ nādāsi. Tampi pattacīvaraṃ pariyesamānameva saṅkāraṭṭhānato coḷakkhaṇḍāni saṃkaḍḍhentaṃ pubbaveriko amanusso ekissā taruṇavacchāya gāvīyā sarīre adhimuccitvā vāmaūrumhi paharitvā jīvitakkhayaṃ pāpesi. Satthā piṇḍāya caritvā katabhattakicco sambahulehi bhikkhūhi saddhiṃ nikkhamanto bāhiyassa sarīraṃ saṅkāraṭṭhāne patitaṃ disvā “gaṇhatha, bhikkhave, etaṃ bāhiyaṃ dārucīriyanti ekasmiṃ gehadvāre ṭhatvā mañcakaṃ āharāpetvā imaṃ sarīraṃ nagaradvārato nīharitvā jhāpetvā dhātuyo gahetvā thūpaṃ karoṭhā”ti bhikkhū āṇāpesi.

Te bhikkhū dhātuṃ mahāpathe thūpaṃ kāretvā satthāraṃ upasaṅkamitvā attano katakammaṃ ārocesuṃ. Tato saṅghamajjhe kathā udapādi – “tathāgato bhikkhusaṅghena sarīrajhāpanakiccaṃ kāresi, dhātuyo ca gāhāpetvā cetiyaṃ kārāpesi, kataramaggo nu kho tena samadhigato, sāmaṇero nu kho so, bhikkhu nu kho”ti. Satthā taṃ aṭṭhuppattim katvā “patiṭṭhito, bhikkhave, bāhiyo dārucīriyo arahatto”ti upari dhammadesanaṃ vaḍḍheti. Tassa parinibbutabhāvañca ācikkhitvā “etadaggaṃ, bhikkhave, mama sāvakanāṃ bhikkhūnaṃ khippābhiññānaṃ yadidaṃ bāhiyo dārucīriyo”ti (a. ni. 1.209, 216) etadagge ṭhapesi.

Atha naṃ bhikkhū pucchimsu – “tumhe, bhante, ‘bāhiyo dārucīriyo arahattaṃ patto’ti vadetha, kadā so arahattaṃ patto”ti? “Mama dhammaṃ sutakāle, bhikkhave”ti. “Kadā panassa, bhante, tumhehi dhammo kathito”ti? “Bhikkhāya carantena antaravīthiyaṃ ṭhitenā”ti. “Appamattako, bhante, tumhehi antaravīthiyaṃ ṭhatvā kathitadhammo; kathaṃ so tāvattakena vīsesaṃ nibbattesi”ti? Atha ne satthā,

“bhikkhave, mama dhammaṃ ‘appaṃ’ vā ‘bahuṃ vā’ ti mā cintayittha. Anekānipi hi anattapadasaṃhitāni gāthāsahassāni na seyyo, atthanissitaṃ pana ekampi gāthāpadaṃ seyyo” ti vatvā anusandhiṃ ghaṭetvā dhammaṃ desento imaṃ gāthamāha –

“Sahassamapi ce gāthā, anattapadasaṃhitā;
Ekaṃ gāthāpadaṃ seyyo, yaṃ sutvā upasammatī” ti. (dha. pa. 101) –

Desanāpariyosāne caturāsītiyā pāṇasahassānaṃ dhammābhisamayo ahoṣīti.

Bāhiyattheraapadānavaṇṇanā samattā.

7. Mahākoṭṭhikattheraapadānavaṇṇanā

Sattamāpadāne **padumuttaro nāma jinotiādikaṃ āyasmato mahākoṭṭhikattherassa apadānaṃ**. Kā uppatti? Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare mahābhogakule nibbattitvā viññutaṃ patto mātāpitūnaṃ accayena kuṭumbaṃ saṅghapetvā gharāvāsaṃ vasanto ekadivasaṃ padumuttarassa bhagavato dhammadesanākāle haṃsavatīnagaravāsino gandhamālādihatte yena buddho yena dhammo yena saṅgho, tanninne tappoṇe tappabbhāre gacchante disvā tehi saddhiṃ bhagavantaṃ upasaṅkamitvā, sathhāraṃ ekaṃ bhikkhuṃ paṭisambhidāppattānaṃ aggaṭṭhāne ṭhapentaṃ disvā “ayaṃ imasmiṃ sāsane paṭisambhidāppattānaṃ aggo, yaṃnūnāhampi ekassa buddhassa sāsane ayaṃ viya paṭisambhidāppattānaṃ aggo bhaveyya” nti cintetvā satthu desanāpariyosāne vuṭṭhitāya parisāya bhagavantaṃ upasaṅkamitvā, “bhante, sve mayhaṃ gehe bhikkhaṃ gaṇhathā” ti nimantesi. Sathhā adhvāsesi. So bhagavantaṃ abhivādetvā padakkhiṇaṃ katvā sakanivesanaṃ gantvā sabbarattiṃ buddhassa ca bhikkhusaṅghassa ca nisajjaṭṭhānaṃ gandhamālādīhi alaṅkaritvā khādanīyabhojanīyaṃ paṭiyādāpetvā tassā rattiyaṃ accayena sakanivesane bhikkhusatasahassaparivāraṃ sathhāraṃ vividhayāgukhajjakaparivāraṃ sasūpabyañjanaṃ gandhasālibhojanaṃ bhojāpetvā bhattakiccapariyosāne cintesi – “mahantaṃ kho ahaṃ ṭhānantaraṃ patthemī, na pana yuttaṃ mayā ekadivasaṃeva dānaṃ datvā taṃ ṭhānantaraṃ patthetum, anupaṭipāṭiyā sattāhaṃ dānaṃ datvā patthessāmī” ti. So teneva niyāmena sattāhaṃ mahādānaṃ datvā bhattakiccapariyosāne dussakoṭṭhāgāraṃ vivarāpetvā uttamaṃ ticīvarappahonakaṃ sukhumavatthaṃ buddhassa pādāmūle ṭhapetvā bhikkhusatasahassassa ca ticīvaraṃ datvā tathāgataṃ upasaṅkamitvā, “bhante, yo so bhikkhu tumhehi ito sattame divasamatthake paṭisambhidāppattānaṃ aggaṭṭhāne ṭhapito, ahampi so bhikkhu viya anāgate uppajjanakassa buddhassa sāsane pabbajitvā paṭisambhidāppattānaṃ aggo bhaveyya” nti satthu pādāmūle nipajjitvā patthanaṃ akāsi. Sathhā tassa samijjhanabhāvaṃ ṇatvā “anāgate ito kappasatasahassamatthake gotamo nāma buddho loke uppajjissati, tassa sāsane tava patthanaṃ samijjhissati” ti byākāsi. So tattha yāvatāyukaṃ puññāni katvā tato cuto devasampattiṃ anubhavitvā aparāparaṃ devamanussesu paribbhami.

Evam so devamanussesu saṃsaranto tattha tattha bhava puññañāṇasambhāre sambharanto imasmiṃ buddhuppāde sāvattiyāṃ brāhmaṇamahāsālakule nibbatti, **koṭṭhikotissa** nāmaṃ akaṃsu. Kasmā mātuyaṃ vā ayyakapayyakādīnaṃ vā nāmaṃ aggaṭṭhānaṃ vā nāmaṃ karimsūti ce? Attano paññavantatāya vedāṅgesu satakkaparatakkesu sanighaṇḍukeṭubhesu sākkharappabhedesu sakalabyākaraṇesu ca chekabhāvena ca diṭṭhadiṭṭhe jane mukhasattīhi koṭṭhento pakkoṭṭhento vitudanto vicarattī anvatthānaṃ karimsūti veditabbaṃ. So vayappatto tayo vede uggahetvā brāhmaṇasippe nipphattiṃ patto ekadivasaṃ satthu santikaṃ gantvā dhammaṃ sutvā paṭiladdhasaddho pabbajitvā upasampannakālato paṭṭhāya vipassanāya kammaṃ karonto saha paṭisambhidāhi arahattaṃ patvā paṭisambhidāsu ciṇṇavasī hutvā abhīto mahāthere upasaṅkamitvā pañhaṃ pucchantopi dasabalaṃ upasaṅkamitvā paṭisambhidāsuyeva pañhaṃ pucchi. Evamayaṃ thero tattha katādhikāratāya tattha ciṇṇavasībhāvena ca paṭisambhidāppattānaṃ aggo jāto. Atha naṃ sathhā mahāvedallasuttaṃ aṭṭhuppattiṃ katvā paṭisambhidāppattānaṃ aggaṭṭhāne ṭhapesi, “etadaggaṃ, bhikkhave, mama sāvakanāṃ bhikkhūnaṃ paṭisambhidāppattānaṃ yadidaṃ mahākoṭṭhiko” ti (a. ni. 1.209, 218).

221. So aparena samayena vimuttisukhaṃ paṭisaṃvedento somanassajāto attano pubbacaritāpadānaṃ

pakāsento **padumuttaro nāma jinotiādimāha**. Tam sabbaṃ heṭṭhā vuttanayattā uttānatthameva.

Itthaṃ sudamāyasmā mahākoṭṭhikoti ettha **sudanti** nidassane nipāto. **Āyasmāti** gāravādhivacaṇaṃ, yathā taṃ āyasmā mahāmogallānoti.

Mahākoṭṭhikattheraapadānavaṇṇanā samattā.

8. Uruvelakassapattheraapadānavaṇṇanā

Aṭṭhamāpadāne **padumuttaro nāma jinotiādikam** āyasmato uruvelakassapattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbato vayappatto satthu santike dhammaṃ sutvā sathhāraṃ ekaṃ bhikkhuṃ mahāparivārānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento mahādānaṃ datvā paṇidhānaṃ akāsi. Bhagavā cassa anantarāyataṃ disvā “anāgate gotamabuddhassa sāsane mahāparivārānaṃ aggo bhavissatī”ti byākāsi. So tattha yāvatāyukaṃ puññāni katvā tato cavitvā devamanussesu saṃsaranto ito dvenavutikappamatthake phussassa bhagavato vemātikakaniṭṭhabhātā hutvā nibbato, aññepissa dve kaniṭṭhabhātaro ahesuṃ. Te tayo buddhappamukhabhikkhusaṅghaṃ nimantetvā paramāya pūjāya pūjetvā yāvajīvaṃ kusalaṃ katvā devamanussesu saṃsaranto amhākaṃ bhagavato uppattito puretameva bārāṇasiyaṃ brāhmaṇakule tayo bhātaro hutvā nibbattā gottavasena tayopi **kassapāti** evaṃ nāmakā ahesuṃ. Te tayo vayappattā tayo vede uggaṇhiṃsu. Tesam jeṭṭhabhātikassa pañcamānavakasatāni parivārā, majjhimassa tīṇi, kaniṭṭhassa dve, te attano ganthesu sāraṃ olokenaṃ diṭṭhadhammikameva atthaṃ disvā pabbajjaṃ rocesuṃ. Tesu jeṭṭhabhātā attano parivārena saddhiṃ uruvelaṃ gantvā isipabbajjaṃ pabbajitvā **uruvelakassapo** nāma jāto, majjhimo gaṅgānadīvaṅke pabbajito **nadīkassapo** nāma jāto, kaniṭṭho gayāsīse pabbajito **gayākassapo** nāma jāto. Evaṃ tesu isipabbajjaṃ pabbajitvā tattha tattha vasantesu bahūnaṃ divasānaṃ accayena amhākaṃ bodhisatto mahābhinnikkhamaṇaṃ nikkhamitvā paṭividdhasabbaññutaññāno anukkamena dhammacakkaṃ pavattetvā pañcavaggiyatthere arahatte patiṭṭhāpetvā yasakulaputtappamukhe pañcapaññāsajane sahāyake vinetvā saṭṭhi arahante “caratha, bhikkhave, cārika”nti (mahāva. 32) vissajjetvā tiṃsabhaddavaggiye vinetvā uruvelakassapassa vasantaṭṭhānaṃ gantvā vasantaṭṭhāya agyāgāraṃ pavisitvā tattha gatanāgadamānādīhi aḍḍhuḍḍhasahashehi pāṭihāriyehi uruvelakassapaṃ saparivāraṃ vinetvā pabbājesi. Tassa pabbajjāvīdhānaṃca iddhipāṭihāriyakaraṇaṃca sabbaṃ nadīkassapassa apadānaṭṭhakathāyaṃ āvi bhavissati. Tassa pabbajitabhāvaṃ sutvā itarepi dve bhātaro saparisā āgantvā satthu santike pabbajīṃsu. Sabbeva te iddhiyapattacīvaradharā ehibhikkhukā ahesuṃ. Sathā taṃ samaṇasahassaṃ ādāya gayāsīsaṃ gantvā piṭṭhipāsāṇe nisinnā ādittapariyāyadesanāya (mahāva. 54) te sabbe arahatte patiṭṭhāpesi.

251. So evaṃ arahattaṃ patvā somanassajāto attano pubbacaritāpadānaṃ pakāsento **padumuttaro nāma jinotiādimāha**. Anuttānapadameva vaṇṇayissāma.

268. So ca **sabbaṃ tamaṃ hantvāti** so phusso bhagavā rāgadosamohādikilesandhakāraṃ viddhamsetvā. **Vijaṭetvā mahājaṭanti** taṇhāmānādīhi diyaḍḍhasahashehi kilesagaṇehi mahābyākulaṃ jaṭaṃ **vijaṭetvā** padāletvā phāletvāti attho. **Sadevakaṃ** devalokasahitaṃ sakalaṃ lokasannivāsaṃ **tappayanto** santappayanto piṇento **amataṃ vuṭṭhiṃ** mahānibbānavuṭṭhidhāraṃ **vassate** paggharāpetīti yojanā.

269. **Tadā hi bārāṇasiyanti** “bārāsa manussā”tiādīsu viya bārāsa dvādasarāsī hutvā purā, himavantato isayo ca paccekamunisāṅkhātā isayo ca gandhamādanato ākāsenāgantvā ettha gacchanti otaranti pavisaṇṭīti bārāṇasī, atha vā sammāsambuddhasaṅkhātānaṃ anekasatasahassānaṃ dhammacakkapavattanaṭṭhāya otaraṭṭhānaṃ nagaraṃ liṅgavipallāsaṃ katvā itthiliṅgavasena bārāṇasīti vuccati, tissaṃ bārāṇasiyaṃ.

273. **Nikkhittasatthaṃ paccantanti** chaḍḍitasatthaṃ pātitaāvudhaṃ paccantajanapadaṃ nibbisevanaṃ **katvā punarupaccatanti** punarapi taṃ nagaraṃ upecca upagamma sampattāti attho. Sesam suviññeyyamevāti.

Uruvelakassapattheraapadānavañṇanā samattā.

9. Rādhatheraapadānavañṇanā

296. Navamāpadāne **padumuttaro nāma jinotiādikaṃ** āyasmato rādhatherassa apadānaṃ. Taṃ sabbam paṭhānusārena nayānucintanena viññūhi suviññeyyameva. Kevalam puññanānattamevāti.

Rādhatheraapadānavañṇanā samattā.

Dasamaṃ mogharājattheraapadānaṃ suviññeyyamevāti.

Catupaññāsamavaggavañṇanā samattā.

55. Bhaddiyavaggo

1. Lakuṇḍakabhaddiyattheraapadānavañṇanā

Pañcapaññāsamavagge paṭhamāpadāne **padumuttaro nāma jinotiādikaṃ** āyasmato lakuṇḍakabhaddiyattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare mahābhogakule nibbattivā viññutaṃ patto satthu dhammaṃ suṇanto nisinno satthāraṃ ekaṃ bhikkhuṃ mañjussarānaṃ aggaṭṭhāne ṭhapentaṃ disvā sayampi taṃ ṭhānantaraṃ patthento buddhappamukhassa bhikkhusaṅghassa sappisakkharādimadhurarasasammissaṃ mahādānaṃ datvā “ahampi, bhante, anāgate ayaṃ bhikkhu viya ekassa buddhassa sāsane mañjussarānaṃ aggo bhavye”nti paṇidhānaṃ akāsi. Bhagavā tassa anantarāyaṃ disvā byākaritvā pakkāmi.

So yāvātāyukaṃ puññāni katvā devamanussesu saṃsaranto ubhayasampattiyo anubhavitvā phussabhagavato kāle citrakokilo hutvā nibbatta rājuyyānato madhuraṃ ambaphalaṃ tuṇḍenādāya gacchanto satthāraṃ disvā pasannamānaso “dassāmi buddhassa”ti cittaṃ uppādesi. Satthā tassa cittaṃ cāraṃ ṇatvā pattaṃ gahetvā nisīdi. Kokilo dasabalassa patte ambapakkaṃ ṭhapesi. Satthā tassa somanassuppādanatthaṃ tassa passantasseva taṃ paribhuñji. Atha so kokilo pasannamānaso teneva pītisukhena sattāhaṃ vītināmesi. Teneva puññakammaṃ uppannuppannabhava mañjussaro ahoṣi. Kassapasammāsambuddhakāle vaḍḍhakikule nibbattivā jeṭṭhakavaḍḍhakī hutvā pākaṭo ahoṣi. Parinibbute bhagavati tassa sarīradhātuyo nidahitūṃ sattayojanappamaṇe thūpe āradde so āha – “yojanāvaṭṭaṃ yojanubbedhaṃ karomā”ti. Te sabbe tassa vacane aṭṭhaṃsu. Iti appamaṇassa buddhassa orappamaṇaṃ cetiyaṃ kāresi, tena kammaṃ nibbattaṭṭhāne aññehi hīnappamaṇo ahoṣi. So amhākaṃ bhagavato kāle kulagehe nibbattivā atirassatāya ca suvaṇṇapaṭimā viya sundarasarīratāya ca **lakuṇḍakabhaddiyoti** paññāyittha. So aparabhāge satthu dhammadeśanaṃ sutvā paṭiladdhasaddho pabbajitvā bahussuto dhammakathiko hutvā madhurena sarena paresaṃ dhammaṃ kathesi.

Athekasmiṃ ussavādivase ekena brāhmaṇena saddhiṃ rathena gacchantī ekā gaṇikā theram disvā dantavidamaṃsakaṃ hasi. Thero tassā dantaṭṭhike nimittaṃ gahetvā jhānaṃ uppādetvā taṃ pādakaṃ katvā vipassanaṃ vaḍḍhetvā anāgāmī ahoṣi, so abhiṇhaṃ kāyagatāya satiyā viharanto ekadivasam āyasmataṃ dhammasenāpatinā ovadiyamāno anusāsiyamāno arahatte patiṭṭhahi. Ekacce bhikkhū ca sāmaṇerā ca tassa arahattappattabhāvaṃ ajānanto kaṇṇesu gahetvā kaḍḍhanti, sīse bāhāya hatthapādādīsū vā gahetvā cāletvā kīlāntā viheṭhesuṃ. Atha bhagavā sutvā – “mā, bhikkhave, mama puttaṃ viheṭhethā”ti āha. Tato paṭṭhāya taṃ “arahā”ti jānitvā na viheṭhesuṃ.

12. So arahā hutvā sañjātasomanasso attano pubbacaritāpadānaṃ pakāseno **padumuttaro nāma jinotiādimaṃ**. **Mañjunābhnikūjahanti** madhurena pemaniyena sarena abhinikūjiṃ saddaṃ nicchāresiṃ ahanti attho. Sesamettha suviññeyyamevāti.

Lakuṇḍakabhaddiyattheraapadānavaṇṇanā samattā.

2. Kaṅkhārevatatheraapadānavaṇṇanā

34. Dutiyāpadāne **padumuttaro nāma jinotiādikaṃ** āyasmato kaṅkhārevatatherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle brāhmaṇakule nibbato, taṃ sabbaṃ pāṭhānusārena suviññeyyamevāti.

Kaṅkhārevatatheraapadānavaṇṇanā samattā.

3. Sīvalittheraapadānavaṇṇanā

Tatiyāpadāne **padumuttaro nāma jinotiādikaṃ** āyasmato sīvalittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle kulagehe nibbato heṭṭhā vuttanayena vihāraṃ gantvā parisāya pariyante ṭhito dhammaṃ suṇanto satthāraṃ ekaṃ bhikkhuṃ lābhīnaṃ aggaṭṭhāne ṭhapentaṃ disvā “mayāpi anāgate evarūpena bhavituṃ vaṭṭatī”ti dasabalaṃ nimantetvā sattāhaṃ buddhappamukhassa bhikkhasaṅghassa mahādānaṃ datvā, “bhante, iminā adhiṅgākammena na aññaṃ sampattiṃ patthemī, anāgate pana ekassa buddhassa sāsane ahampi tumhehi so etadagge ṭhapitabhikkhu viya lābhīnaṃ aggo bhaveyya”nti patthanaṃ akāsi. Satthā tassa anantarāyataṃ disvā “ayaṃ te patthanā anāgate gotamassa buddhassa santike samijjhissatī”ti byākaritvā pakkāmi. So kulaputto yāvajīvaṃ kusalaṃ katvā devamanussesu ubhayasampattiyo anubhavitvā vipassissa bhagavato kāle bandhumatīnagarato avidūre ekasmiṃ gāmake nibbati, tasmīṃ samaye bandhumatīnagaravāsīno raññā saddhiṃ sākacchitvā dasabalassa dānaṃ adāsu.

Ekadivasam sabbe ekato hutvā dānaṃ dentā “kiṃ nu kho amhākaṃ dānagge natthī”ti (a. ni. aṭṭha. 1.1.207; theragā. aṭṭha. 1.59 sīvalittheragāthāvaṇṇanā) oloketā madhuñca guḷadadhiñca nāddasamsu. Te “yato kutoci āharissāmā”ti janapadato nagarapavisanamaggesu purise ṭhapesuṃ. Tadā esa kulaputto attano gāmato guḷadadhivāraṃ gahetvā “kiñcideva āharissāmī”ti nagaraṃ gacchanto “mukhaṃ dhovitvā dhotahatthapādo pavisissāmī”ti phāsukaṭṭhānaṃ oloketto naṅgalasīsappamāṇaṃ nimmakkhikadaṇḍakamadhuṃ disvā “puññaena me idaṃ uppanna”nti gahetvā nagaraṃ pāvīsi. Nāgarehi ṭhapitapuriso taṃ disvā, “mārisa, kassa imaṃ harasī”ti pucchi. “Na kassaci, sāmi, vikkāyikaṃ me ida”nti. “Tena hi imaṃ kahāpaṇaṃ gahetvā etaṃ madhuñca guḷadadhiñca dehī”ti.

So cintesi – “idaṃ me na bahuṃ agghati, ayañca ekappahāreneva bahuṃ deti, vīmaṃsissāmī”ti. Tato naṃ āha – “nāhaṃ ekakahāpaṇena demī”ti. “Yadī evaṃ dve kahāpaṇe gahetvā dehī”ti. “Dvīhipi na demī”ti. Etenupāyena vaḍḍhetvā yāva sahasamaṃ pāpuṇi, so cintesi – “atīañchitūṃ na vaṭṭatī, hotu tāva iminā kattabbakammaṃ pucchissāmī”ti. Atha naṃ āha – “na idaṃ bahuagghanaṃ, tvaṃ pana bahuṃ desi, kena kammena idaṃ gaṇhasī”ti. “Idha, bho, nagaravāsīno raññā saddhiṃ paṭivirujjhivā vipassisammāsambuddhassa dānaṃ dentā idaṃ dvayaṃ dānagge apassantā maṃ pariyesāpentī. Sace idaṃ dvayaṃ na labhissanti, nāgarānaṃ parājayo bhavissati. Tasmā sahasamaṃ datvā gaṇhāmī”ti. “Kiṃ panetaṃ nāgarānaṃ eva vaṭṭatī, udāhu aññesampi dātuṃ vaṭṭatī”ti? “Yassa kassaci dātuṃ avāritameta”nti. “Atthi pana koci nāgarānaṃ dāne ekadivasam sahasamaṃ dātā”ti? “Natthi, sammā”ti. “Imesaṃ me dvinnam sahasagghanaṃ kāhāvaṃ jānāsī”ti? “Āma, jānāmī”ti. “Tena hi gaccha, nāgarānaṃ ārocehi – ‘eko puriso imāni dve mūlena na deti, tumhehi saddhiṃ sahattheneva dātukāmo, tumhe imesaṃ dvinnam kāraṇā nibbitakkā hothā”ti. “Tvaṃ imasmīṃ dāne jeṭṭhakabhāgassa kāyasakkhī hohī”ti vatvā gato. So pana kulaputto gāmato paribbayatthaṃ gahitakahāpaṇena pañcakaṭukaṃ gahetvā cuṇṇaṃ katvā dadhito kañciyaṃ vāhetvā tattha madhupaṭalaṃ pīletvā pañcakaṭukacuṇṇena yojetvā paduminipatte pakkhipitvā taṃ samvidahitvā ādāya dasabalassa avidūre nisīdi. Mahājanehi āhariyamānassa sakkārassa antare attano pattavāraṃ oloketto okāsaṃ ṇatvā satthu santikaṃ gantvā, “bhante, ayaṃ me duggatasakkāro, imaṃ me anukampaṃ paṭicca paṭiggaṇhathā”ti. Satthā tassānukampaṃ paṭicca catumahārājehi dattiyena selamayapattena taṃ paṭiggahetvā yathā aṭṭhasaṭṭhiyā bhikkhusatasahasassa diyyamānaṃ na khīyati, evaṃ adhiṭṭhāsī.

So kulaputto niṭṭhitabhattachiccam bhagavantam vanditvā ekamantaṃ nisinno āha – “diṭṭho me, bhante bhagavā, ajja bandhumatīnagaravāsīhi tumhākaṃ sakkāro āhariyamāno, ahampi imassa nissandena nibbattanibbattabhava lābhaggayasaggappatto bhaveyya”nti. Satthā “evaṃ hotu kulaputtā”ti vatvā tassa ca nagaravāsīnaṃca bhattānumodanaṃ katvā pakkāmi. So kulaputto yāvajīvaṃ kusalaṃ katvā devamanussesu saṃsāranto imasmiṃ buddhuppāde suppvāsāya rājadhītuyā kucchimhi paṭisandhiṃ gaṇhi. Tassa paṭisandhiggahaṇakālato paṭṭhāya sāyaṃ pātaṇca pañcapanṇākārasatāni suppvāsāya upanīyanti. Athassa sā puñṇavīmaṃsanatthaṃ hatthena bījapacchiṃ phusāpentī aṭṭhāsi. Ekekabījato salākasataṃ salākasahassampi niggacchati, ekekakarīsakhattato pañṇāsampi saṭṭhipi sakaṭapamāṇāni uppajjanti. Koṭṭhapūraṇakālepiṣṣā koṭṭhadvāraṃ hatthena phusantiyā rājadhītāya puñṇena gaṇhantānaṃ gahitagahitaṃ puna pūrati. Paripuṇṇabhattachakumbhitopi “rājadhītāya puñṇa”nti vatvā yassa kassaci dentā naṃ yāva na ukkaḍḍhanti, na tāva bhattaṃ khīyati. Dārake kucchigateyeva satta vassāni atikkamiṃsu.

Gabbhe pana paripakke sattāhaṃ mahādukkhaṃ anubhosi. Sā sāmikaṃ āmantetvā – “pure maraṇā jīvamānā dānaṃ dassāmī”ti satthu santikaṃ pesesi – “gaccha, sāmi, imaṃ pavattiṃ satthu ārocetvā sathāraṃ nimantehi, yaṇca sathā vadati, taṃ sādhukaṃ upalakkhetvā āgantvā mayhaṃ kathehi”ti. So gantvā tassā sāsaṇaṃ satthu ārocesi – “satthu bhante, koḷiyadhītā pāde vandatī”ti. Satthā tassā anukampaṃ paṭicca – “sukhinī hotu suppvāsā koḷiyadhītā arogā, arogaṃ puttaṃ vijāyatū”ti āha. So taṃ sutvā bhagavantam vanditvā attano gāmābhimukho pāyāsi. Tassa pure āgamanāyeva suppvāsāya kucchito dhammakaraṇato udakaṃ viya gabbho nikkhami, parivāretvā nisinnajano assumukho rodituṃ āradḍho haṭṭhatuṭṭhova tassā sāmikassa tuṭṭhisāsaṇaṃ ārocetuṃ agamāsi. So tesam iṅgitaṃ disvā – “dasabalena kathitakathā nipphannā bhavissati mañṇe”ti cintesi. So āgantvā satthu kathaṃ rājadhītāya kathesi. Rājadhītā tayā nimantitaṃ jīvabhataṃ maṅgalabhataṃ bhavissati, gaccha sattāhaṃ dasabalaṃ nimantehīti. So tathā akāsi. Sattāhaṃ buddhappamukhassa bhikkhusaṅghassa mahādānaṃ pavattayimṃsu. So dārako ñātīnaṃ santattacittaṃ nibbāpento sītalabhāvaṃ kurumāno jātoti, sīvalitveva nāmaṃ karimṃsu. So satta vassāni gabbhe vasitattā jātakālato paṭṭhāya sabbakammakkhamo ahoṣi. Dhammasenāpati sārīputtatthero sattame divase tena saddhiṃ kathāsallāpamakāsi. Satthāpi imaṃ gāthaṃ abhāsi –

“Yomaṃ palipathaṃ duggaṃ, saṃsāraṃ mohamaccagā;
Tiṇṇo pāraṅgato jhāyī, anejo akathaṃkathī;
Anupādāya nibbuto, tamahaṃ brūmi brāhmaṇa”nti. (dha. pa. 414; su. ni. 643);

Atha naṃ thero evamāha – “kiṃ pana tayā evarūpaṃ dukkhaṃ anubhavitvā pabbajituṃ na vaṭṭatī”ti? “Labhanto pabbajeyyaṃ, bhante”ti. Suppvāsā taṃ therena saddhiṃ kathentaṃ disvā – “kiṃ nu kho me putto dhammasenāpatinā kathehi”ti theram upasaṅkamitvā pucchi – “mayhaṃ putto tumhehi saddhiṃ kiṃ kathehi, bhante”ti? Attanā anubhuttagabbhavāsadukkhaṃ katheṭvā – “tumhehi anuññāto pabbajissāmī”ti vadatīti. “Sādhu bhante, pabbājetha na”nti. Thero taṃ vihāraṃ netvā tacapañcakakammaṭṭhānaṃ datvā pabbājento, “sīvali, tuyhaṃ añṇena ovādena kammaṃ natthi, tayā satta vassāni anubhuttadukkhaṃ paccavekkhāhi”ti. “Bhante, pabbajjāyeva tumhākaṃ bhāro, yaṃ pana mayā sakkā kātuṃ, tamahaṃ jānissāmī”ti. So pana paṭhamakesavaṭṭiyā oropitakkhaṇeyeva sotāpattiṃphale patiṭṭhāsi, dutiyāya oropitakkhaṇe sakadāgāmiphale, tatiyāya anāgāmiphale patiṭṭhāsi. Sabbesaṃyeva kesānaṃ oropanaṃca arahattaphalāsacchikiriyā ca apure apacchā ahoṣi.

Atha bhikkhusaṅghe kathā udapādi – “aho evaṃ puñṇavāpi thero sattamāsādhikāni satta saṃvaccharāni mātugabbhe vasitvā satta divasāni mūḷhagabbhe vasī”ti. Satthā āgantvā – “kāya nuttha, bhikkhave, etarahi kathāya sannisinā”ti pucchitvā – “imāya nāmā”ti vutte – “na, bhikkhave, iminā kulaputtena imāya jātiyā katakamma”nti vatvā atītaṃ āharitvā atīte, bhikkhave, buddhuppādato puretameva esa kulaputto bārāṇasiyaṃ rājakule nibbato, pitu accayena rajje patiṭṭhāya vibhavasampanno pākaṭo ahoṣi. Tadā eko paccantarājā “rajjaṃ gaṇhissāmī”ti āgantvā nagaraṃ uparundhitvā khandhāvāraṃ kāretvā vihāsi. Atha rājā mātuyā saddhiṃ samānacchando hutvā sattāhaṃ khandhāvāranagare catūsu disāsu dvāraṃ pidhāpesi, nikkhamantānaṃ pavisantānaṃca dvāramūḷhaṃ ahoṣi. Atha migadāyavihāre paccekabuddhā ugghosesuṃ. Rājā sutvā dvāraṃ vivarāpesīti. Paccantarājāpi palāyī. So tena kammavipākena narakādīsu dukkhamanubhavitvā imasmiṃ buddhuppāde rājakule nibbattopi mātuyā saddhiṃ imaṃ evarūpaṃ dukkhamanubhavi. Tassa pana pabbajitakālato paṭṭhāya bhikkhusaṅghassa cattāro

paccayā yadicchakaṃ uppajjanti. Evaṃ ettha vatthu samuṭṭhitam.

Aparabhāge sathā sāvattiṃ agamāsi. Thero bhagavantaṃ abhivādetvā, “bhante, mayhaṃ puññabalaṃ vīmaṃsissāmi, pañcabhikkhusatāni dethā”ti. “Gaṇha, sīvalī”ti. So pañcasate bhikkhū gahetvā himavantābhimukhaṃ gacchanta aṭṭhamaṃ gacchati. Tassa paṭhamaṃ diṭṭhanigrodhe adhivatthā devatā satta divasāni dānaṃ adāsi. Iti so –

“Nigrodhaṃ paṭhamaṃ passi, dutiyaṃ paṇḍavapabbataṃ;
Tatiyaṃ aciravatiyaṃ, catutthaṃ varasāgaraṃ.

“Pañcamaṃ himavantaṃ so, chaṭṭhaṃ chaddantupāgami;
Sattamaṃ gandhamādanaṃ, aṭṭhamaṃ atha revata”nti. (a. ni. aṭṭha. 1.1.207; theragā. aṭṭha. 1.59 sīvalittheragāthāvaṇṇanā) –

Sabbatṭhānesu satta satta divasāneva dānaṃ adāsu. Gandhamādanapabbate pana nāgadattadevarājā sattu divasesu ekadivasaṃ khīraṇḍapātaṃ adāsi, ekadivasaṃ sappiṇḍapātaṃ adāsi. Atha naṃ bhikkhusaṅgho āha – “āvuso, imassa devaraṇṇo neva dhenuyo duyhamānā paññāyanti, na dadhinimmathanam, kuto te, devarāja, idaṃ uppajjati”ti? “Bhante, kassapadasabalassa kāle khīrasalākabhattadānassetam phala”nti devarājā āha.

Aparabhāge sathā khadiravaniyarevatattherassa paccuggamaṃ akāsi. Kathaṃ? Athāyasmā sārīputto sathhāraṃ āha – “bhante, mayhaṃ kira kaniṭṭhabhātā revato pabbajito, so abhirameyya vā na vā, gantvā naṃ passissāmi”ti. Bhagavā revatassa āradhaviṇṇakabhāvaṃ ṇatvā dve vāre paṭikkhipitvā tatiyavāre yācito arahattappattabhāvaṃ ṇatvā – sārīputta, ahampi gamissāmi bhikkhūnaṃ ārocehīti. Thero bhikkhū sannipātāpetvā – “āvuso, sathā cārikaṃ caritukāmo, gantukāma āgacchantū”ti sabbesaṃyeva ārocesi. Dasabalassa cārikatthāya gamanakāle ohiyyamānakabhikkhū nāma appakā honti, “sattu suvaṇṇavaṇṇaṃ sarīraṃ passissāma, madhuradhammakathaṃ vā suṇissāma”ti yebhuyyena gantukāma bahutarāva honti. Iti sathā mahābhikkhusaṅghaparivāro “revataṃ passissāma”ti nikkhanto.

Athekasmiṃ padese ānandatthero dvedhāpathaṃ patvā bhagavantaṃ pucchi – “bhante, imasmiṃ ṭhāne dvedhāpatho, kataramaggena bhikkhusaṅgho gacchatū”ti? “Kataramaggo, ānanda, ujuko”ti? “Bhante, ujumaggo tiṃsayojaniko amanussapatho. Parihāramaggo pana saṭṭhiyojaniko khemo subhikkho”ti. “Ānanda, sīvalī, amhehi saddhiṃ āgato”ti? “Āma, bhante, āgato”ti. “Tena hi saṅgho ujumaggameva gacchatu, sīvalissa puññaṃ vīmaṃsissāma”ti. Sathā bhikkhusaṅghaparivāro sīvalittherassa puññāvīmaṃsanatthaṃ tiṃsayojanamaggaṃ abhiruhi (a. ni. aṭṭha. 1.1.203).

Maggaṃ abhiruhanaṭṭhānato paṭṭhāya devasaṅgho yojane yojane ṭhāne nagaraṃ māpetvā buddhappamukhassa bhikkhusaṅghassa vasanaṭṭhāya vihāre paṭiyādesi. Devaputtā rañña pesitakammakārā viya hutvā yāgukhajjakādīni gahetvā – “kahaṃ, ayyo sīvalī”ti pucchanta gacchanti. Thero sakkārasammānaṃ gāhāpetvā sattu santikaṃ gacchati. Sathā bhikkhusaṅghena saddhiṃ paribhuñji. Imināva niyāmena sathā sakkāraṃ anubhavanto devasikaṃ yojanaparamaṃ gantvā tiṃsayojanikaṃ kantāraṃ atikkamma khadiravaniyarevatattherassa vasanaṭṭhānaṃ patto, thero sattu āgamaṃ ṇatvā attano vasanaṭṭhāne buddhappamukhassa bhikkhusaṅghassa pahonakavihāre dasabalassa gandhakuṭṭiṃ rattitṭhānavivāṭṭhānāni ca iddhiyā māpetvā tathāgatassa paccuggamaṃ gato. Sathā alaṅkatapaṭiyattena maggena vihāraṃ pāvīsi. Atha tathāgate gandhakuṭṭiṃ pavitṭhe bhikkhū vassaggena pattasenāsanāni pavisiṃsu. Devatā “akālo āhārasā”ti aṭṭhavidhaṃ pānakaṃ āharisṃsu. Sathā saṅghena saddhiṃ pānakaṃ pivī. Iminā niyāmeneva tathāgatassa sakkārasammānaṃ anubhavantasēva addhamāso atikkanto.

Athekacce ukkaṇṭhitabhikkhū ekasmiṃ ṭhāne nisīditvā kathaṃ uppādayisṃsu – “dasabalo ‘mayhaṃ aggasāvākassa kaniṭṭhabhātā’ti vatvā evarūpaṃ navakammikaṃ bhikkhuṃ passituṃ āgato, imassa vihārasa santike jetavanavihāro vā veḷuvanavihāradayo vā kiṃ karissanti? Ayampi bhikkhu evarūpassa navakamma kārako, kiṃ nāma samaṇadhammaṃ karissati”ti? Atha sathā cintesi – “mayi idha ciraṃ vasante idaṃ ṭhānaṃ ākiṇṇaṃ bhavissati, āraññakā nāma bhikkhū pavivekatthikā honti, revatassa

pāsuvihāro na bhavissatī”ti. Tato therassa divāṭṭhānaṃ gato. Theropi ekakova caṅkamaṇakoṭṭiyam ālambanaphalakaṃ nissāya pāsāṇaphalake nisinnō sathhāraṃ dūratova āgacchantam disvā paccuggantvā vandi.

Atha naṃ sathhā pucchi – “revata, idaṃ vālamigaṭṭhānaṃ, caṇḍānaṃ hatthiassādīnaṃ saddaṃ sutvā kiṃ karosī”ti? “Tesaṃ me, bhante, saddaṃ suṇato araṇṇāpīti nāma uppannā”ti. Sathhā imasmiṃ ṭhāne revatattherassa pañcahi gāthāsatehi araṇṇānisamsaṃ nāma kathetvā punadivase avidūratṭhāne piṇḍāya caritvā revatattheraṃ āmantetvā yehi bhikkhūhi therassa avaṇṇo kathito, tesaṃ kattarayaṭṭhiupāhanatelanālichattānaṃ pamussanabhāvamakāsi. Te attano parikkhāratthāya nivattā āgatamaggeneva gacchantāpi taṃ ṭhānaṃ sallakkhetuṃ na sakkonti. Paṭhamañhi te alaṅkatapaṭiyattena maggena gantvā, taṃdivasaṃ pana visamamaggena gacchantā tasmim tasmim ṭhāne ukkuṭikaṃ nisīdantā jaṇṇukehi gacchanti. Te gumbē ca gacche ca kaṇḍake ca maddantā attanā vasitasabhāgaṭṭhānaṃ gantvā tasmim tasmim khadirakhāṇuke laggitaṃ attano chattaṃ sañjānanti, upāhanaṃ kattarayaṭṭhiṃ telanāliṅca sañjānanti. Te tasmim samaye “iddhimā ayaṃ bhikkhū”ti ṇatvā attano parikkhāramādāya “dasabalassa paṭiyattasakkāro nāma evarūpo hotī”ti vadantā agamaṃsu.

Purato āgate bhikkhū, visākhā upāsikā, attano gehe nisinnakāle pucchi – “manāpaṃ nu kho, bhante, revatassa vasanaṭṭhāna”nti? “Manāpaṃ, upāsike, nandavanacittalatāvanapaṭibhāgaṃ taṃ senāsana”nti. Atha tesaṃ pacchato āgate bhikkhū pucchi – “manāpaṃ, ayyā, revatassa vasanaṭṭhāna”nti? “Mā puccha, upāsike, kathetuṃ ayuttaṭṭhānaṃ, etaṃ ujaṅgalasakkharapāsāṇavisamakhadiravanaṃ eva, tattha so bhikkhu vasatī”ti.

Visākhā purimānaṃ pacchimānaṅca bhikkhūnaṃ kathaṃ sutvā, “kesaṃ nu kho kathā saccā”ti pacchābhattaṃ gandhamālaṃ ādāya dasabalassa upaṭṭhānaṃ gantvā vanditvā ekamantaṃ nisinnā sathhāraṃ pucchi – “bhante, revatattherassa vasanaṭṭhānaṃ ekacce ayyā vaṇṇenti, ekacce nindanti, kimetaṃ, bhante”ti? “Visākhe, ramaṇiyaṃ vā hotu mā vā, yasmim ṭhāne ariyānaṃ cittaṃ ramati, tadeva ṭhānaṃ ramaṇiyaṃ nāmā”ti vatvā imaṃ gāthamāha –

“Gāme vā yadi vāraṇṇe, ninne vā yadi vā thale;
Yattha arahanto viharanti, taṃ bhūmirāmaṇeyyaka”nti. (dha. pa. 98; theragā. 991; saṃ. ni. 1.261);

Aparabhāge bhagavā ariyagaṇamaṃjhe nisinnō theram “etadaggaṃ, bhikkhave, mama sāvakānaṃ bhikkhūnaṃ lābhīnaṃ yadidaṃ, sīvalī”ti (a. ni. 1.198, 207) etadagge ṭhapesi.

54. Athāyasmā sīvalitthero arahattaṃ patvā pattaetadaggaṭṭhāno attano pubbakammaṃ saritvā somanassajāto pubbacaritāpadānaṃ pakāsento **padumuttaro nāma jinoti**ādīmāha. Anuttānatthapadavaṇṇanameva karissāma.

55. Sīlaṃ tassa asaṅkheyyanti tassa padumuttarassa bhagavato sīlaṃ asaṅkheyyaṃ.

“Nava koṭṭisahasāni, asītisatakoṭṭiyo;
Paññāsasatasahasāni, chattiṃsā ca punāpare.

“Ete saṃvaravinayā, sambuddhena pakāsītā;
Peyyālamukhena niddiṭṭhā, sikkhāvinayasamvare”ti. (visuddhi. 1.20; paṭi. ma. aṭṭha. 1.1.37) –

Evam vuttasikkhāpadāni bhikkhūnaṃ sāvakapaññattivasena vuttāni. Bhagavato pana sīlaṃ **asaṅkheyyameva** saṃkhātuṃ gaṇetuṃ asakkuṇeyyanti attho. **Samādhivajirūpamo** yathā vajiraṃ indanīlamaniveḷuriyamaṇiphalikamasāragallādīni ratanāni vijjhati chiddāvachiddaṃ karotī, evameva padumuttarassa bhagavato lokuttaramaggasamādhī paṭipakkhapaccanīkadhamme vijjhati bhindati samucchindatīti attho. **Asaṅkheyyaṃ ṇāṇavaraṃ** tassa buddhassa cattāri saccāni

sattatiṃsabodhipakkhiyadhamme saṅkhatāsaṅkhatadhamme ca jānituṃ paṭivijjhituṃ samatthaṃ sayambhūñāṇasabbaññutaññādiññāsamūhaṃ **asaṅkheyyaṃ**, atītānāgatapaccuppannādibhedena saṃkhāviraḥanti attho. **Vimutti ca anopamāti** saṃkilesehi vimuttattā sotāpattiṃphalādikā catasso vimuttiyo anupamā upamārahitā ‘imā viya bhūtā’ ti upametuṃ na sakkāti attho. Sesam uttānathamevāti.

Sīvalittheraapadānavaṇṇanā samattā.

4. Vaṅḡisattheraapadānavaṇṇanā

Catutthāpadāne **padumuttaro nāma jinoti**ādikaṃ āyasmato vaṅḡisattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare mahābhogakule nibbato vuddhippato dhammaṃ sotuṃ gacchantehi nagaravāsīhi saddhiṃ vihāraṃ gantvā dhammaṃ suṇanto sathhāraṃ ekabhikkhuṃ paṭibhānavantānaṃ aggaṭṭhāne ṭhapentaṃ disvā satthu adhikārakammaṃ katvā – ‘‘ahampi anāgate paṭibhānavantānaṃ aggo bhaveyya’’nti patthanaṃ katvā sathhārā byākato yāvajīvaṃ kusalaṃ katvā devamanussesu ubhayasampattiyo anubhavitvā imasmiṃ buddhuppāde sāvatthiyaṃ brāhmaṇakule nibbattitvā mātu paribbājikābhāvena aparabhāge paribbājakoti pākaṭo **vaṅḡisoti** ca laddhanāmo tayo vede uggaṇhitvā tato ācariyaṃ ārādhētva chavasīsajānanamantaṃ nāma sikkhitvā chavasīsaṃ nakhena ākoṭetvā – ‘‘ayaṃ satto asukayoniyaṃ nibbato’’ti jānāti.

Brāhmaṇā ‘‘ayaṃ amhākaṃ jivikāya maggo’’ti vaṅḡisaṃ gahetvā gāmanigamarājadhāniyo vicariṃsu. Vaṅḡiso tivassamatthake matānampi sīsaṃ āharāpetvā nakhena ākoṭetvā – ‘‘ayaṃ satto asukayoniyaṃ nibbato’’ti vatvā mahājanassa kaṅkhācchedanattaṃ te te jane āvāhetvā attano attano gatiṃ kathāpeti. Tena tasmīṃ mahājano abhippasīdati. So taṃ nissāya mahājanassa hatthato satampi saḥassampi labhati. Brāhmaṇā vaṅḡisaṃ ādāya yathārucci vicariṃsu. Vaṅḡiso satthu guṇe sutvā sathhāraṃ upasaṅkamitukāmo ahoṣi. Brāhmaṇā ‘‘samaṇo gotamo māyāya taṃ āvaṭṭessati’’ti paṭikkhipiṃsu.

Vaṅḡiso tesam vacanaṃ anādiyitvā, satthu santikaṃ gantvā, paṭisanthāraṃ katvā, ekamantaṃ nisīdi. Sathhā taṃ pucchi – ‘‘vaṅḡisa, kiñci sippaṃ jānāti’’ti? ‘‘Āma, bho gotama, chavasīsamantaṃ nāmekam jānāmi, tena tivassamatthake matānampi sīsaṃ nakhena ākoṭetvā nibbattaṭṭhānaṃ jānāmi’’ti. Atha sathhā tassa ekaṃ niraye nibbattassa sīsaṃ, ekaṃ manussesu, ekaṃ devesu, ekaṃ parinibbutassa sīsaṃ āharāpetvā dassesi. So paṭhamasīsaṃ ākoṭetvā, ‘‘bho gotama, ayaṃ satto niraye nibbato’’ti āha. Sādhu vaṅḡisa, suṭṭhu tayā diṭṭhaṃ, ‘‘ayaṃ satto kuhiṃ nibbato’’ti pucchi. ‘‘Manussaloke’’ti. ‘‘Ayaṃ kuhi’’nti? ‘‘Devaloke’’ti. Tiṇṇannaṃpi nibbattaṭṭhānaṃ kathesi. Parinibbutassa pana sīsaṃ nakhena ākoṭento neva antaṃ na koṭiṃ passi. Atha naṃ sathhā ‘‘na sakkosi, vaṅḡisā’’ti pucchi. ‘‘Passatha, bho gotama, upaparikkhāmi tāvāti punappunaṃ parivattetvāpi bāhirakamantena khīṇāsavassa sīsaṃ jānituṃ na sakkoti. Athassa matthakato sedo mucci. So lajjitvā tuṇhī ahoṣi’’. Atha naṃ sathhā ‘‘kilamasi, vaṅḡisā’’ti āha. ‘‘Āma, bho gotama, imassa nibbattaṭṭhānaṃ jānituṃ na sakkomi. Sace tumhe jānātha, kathethā’’ti. ‘‘Vaṅḡisa, ahaṃ etampi jānāmi, ito uttaripi jānāmi’’ti vatvā –

‘‘Cutim yo vedi sattānaṃ, upapattiṅca sabbaso;
Asattaṃ sugataṃ buddhaṃ, tamahaṃ brūmi brāhmaṇaṃ.

‘‘Yassa gatiṃ na jānanti, devā gandhabbamānusa;
Khīṇāsavaṃ arahantaṃ, tamahaṃ brūmi brāhmaṇa’’nti. (dha. pa. 419-420; su. ni. 648-649) –

Imā dve gāthāyo abhāsi. So tena hi, bho gotama, taṃ vijjaṃ me dethāti apacitiṃ dassetvā satthu santike nisīdi. Sathhā ‘‘amhehi samānalingassa demā’’ti āha. Vaṅḡiso ‘‘yaṃ kiñci katvā mayā imaṃ mantam gahetuṃ vaṭṭati’’ti brāhmaṇe upagantvā āha – ‘‘tumhe mayi pabbajante mā cintayittha, ahaṃ mantam uggaṇhitvā sakalajambudīpe jeṭṭhako bhavissāmi, tumhākampī tena bhaddameva bhavissati’’ti so mantatthāya satthu santikaṃ upasaṅkamitvā pabbajjaṃ yāci. Tadā ca thero nigrodhakappo bhagavato santike ṭhito hoti, taṃ bhagavā āṇāpesi – ‘‘nigrodhakappa, imaṃ pabbājehi’’ti. Thero satthu āṇāya taṃ pabbājetvā ‘‘mantaparivāraṃ tāva uggaṇhāhi’’ti dvattiṃsākāraṃkammaṭṭhānaṃ vipassanākammatṭhānaṃca

ācikkhi. So dvattiṃsākārakammaṭṭhānaṃ sajjhāyantova vipassanāya kammaṭṭhānaṃ paṭṭhapesi. Brāhmaṇa taṃ upasaṅkamtivā – ‘kiṃ, bho vaṅgīsa, samaṇassa gotamassa santike sippaṃ uggahita’nti pucchimsu. ‘‘Āma sikkhitaṃ’’. ‘‘Tena hi ehi gamissāmā’’ti. ‘‘Kiṃ sippasikkhanena, gacchatha tumhe na mayhaṃ tumhehi kattabbakicca’’nti. Brāhmaṇa ‘‘tvampi dāni samaṇassa gotamassa vasaṃ āpanno, māyāya āvaṭṭito, kiṃ mayaṃ tava santike karissāmā’’ti āgatamaggeneva pakkamimsu. Vaṅgīso vipassanaṃ vaḍḍhetvā arahattaṃ sacchākāsi.

96. Evaṃ thero arahattaṃ patvā attano pubbakammaṃ saritvā somanassajāto pubbacaritāpadānaṃ pakāsentō **padumuttaro nāma jinotiādimāha**. Anuttānatthameva vaṇṇayissāma.

99. Pabhāhi anurañjantoti so padumuttaro bhagavā nīlapītādichabbaṇṇapabhāhi raṃsīhi anurañjanto jalanto sobhayamāno vijjotamānoti attho. **Veneyyapadumāni** soti padumuttarasūriyo attano vacanasāṅkhātena sūriyaraṃsiyā veneyyajanasāṅkhātapadumāni visesena bodhento pabodhento arahattamaggādhigamena phullitāni karotīti attho.

100. Vesārajjehi sampannoti –

‘‘Antarāye ca niyyāne, buddhatte āsavakkhaye;
Etesu catuṭṭhānesu, buddho suṭṭhu visārado’’ti. –

Evaṃ vuttacatuvesārajjañāṇehi sampanno samaṅgībhūto samannāgatoti attho.

105. Vāgīso vādisūdanoti vādīnaṃ paṇḍitajanānaṃ īso padhāno ‘‘vādīso’’ti vattabbe da-kārassa ga-kāraṃ katvā evaṃ vuttanti daṭṭhabbaṃ. Sakatthaparathavādaṃ sūdati paggharāpeti pākaṭaṃ karotīti vādisūdano.

110. Māramasanāti khandhamārādayo pañcamāre masati parāmasati viddhamsetīti māramasano. **Diṭṭhisūdanāti** vohāraparamatthasaṅkhātāṃ diṭṭhidassanaṃ sūdati paggharaṃ dīpetīti diṭṭhisūdano.

111. Vissāmbhūmi santānanti sakalasaṃsārasāgare santānaṃ kilamantānaṃ sotāpattimaggādiadhigamāpanena vissāmbhūmi vissamaṭṭhānaṃ vūpasamanaṭṭhānanti attho.

132. Tatohaṃ vihatārambhoti tato paccekabuddhassa sarīradassanena ahaṃ vihatārambho vinaṭṭhasārambho, vinaṭṭhamāno nimmado hutvā pabbajjaṃ saṃ suṭṭhu yāciṃ saṃyāciṃ ārocesinti attho. Sesāṃ suviññeyyamevāti.

Vaṅgīsattheraapadānavāṇṇanā samattā.

5. Nandakattheraapadānavāṇṇanā

Pañcamāpadāne **padumuttaro nāma jinotiādikaṃ** āyasmato nandakattherassa apadānaṃ. Ayampi purimabuddhesu katādhikārotiādi sabbaṃ pāṭhānusārena suviññeyyamevāti.

Nandakattheraapadānavāṇṇanā samattā.

6. Kāḷudāyittheraapadānavāṇṇanā

Chaṭṭhāpadāne **padumuttaro nāma jinotiādikaṃ** āyasmato kāḷudāyittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle haṃsavatīnagare kulagehe nibbato viññutaṃ patto satthu dhammadesanaṃ suṇanto sathhāraṃ ekaṃ bhikkhuṃ kulappasādakānaṃ aggaṭṭhāne ṭhapentaṃ disvā tajjaṃ abhinīhārakammaṃ katvā taṃ ṭhānantaraṃ patthesi. Satthāpi byākāsi. So yāvajīvaṃ kusalaṃ katvā devamanussesu saṃsaranto

amhākaṃ bodhisattassa mātukucchiyaṃ paṭisandhiggahaṇadivase devalokato cavitvā kapilavatthusmiṃyeva amaccakule paṭisandhiṃ gaṇhi. Bodhisattena saha ekadivaseyeva jāto, taṃdivasaṃyeva naṃ dukūlacumbaṭakena nipajjāpetvā bodhisattassa upaṭṭhānaṃ nayiṃsu. Bodhisattena hi saddhiṃ bodhirukkho, rāhulamātā, cattāro nidhī, ārohaniyahatthī, kaṇḍako, channo, kāḷudāyīti ime satta ekadivase jātattā saha jātā nāma ahesuṃ. Athassa nāmaggaṇadivase sakalanagarassa udaggacittadivase jātattā **udāyī**veva nāmaṃ kariṃsu. Thokaṃ kāḷadhātukattā pana kāḷudāyīti paññāyittha. So bodhisattena saddhiṃ kumārakīḷaṃ kīḷanto vuddhiṃ agamāsi.

Aparabhāge lokanāthe mahābhinnikkhamaṇaṃ nikkhamitvā anukkamena sabbaññutaṃ patvā pavattitavaradhammacakke rājagahaṃ upanissāya veḷuvane viharante suddhodanamahārājā taṃ pavattiṃ sutvā purisasahassaparivāraṃ ekaṃ amaccaṃ “puttaṃ me idhānehi”ti pesesi. So satthu dhammadesanāvelāyaṃ satthu santikaṃ gantvā parisapariyante ṭhito dhammaṃ sutvā saparivāro arahattaṃ pāpuṇi. Atha ne satthā “etha, bhikkhavo”ti hatthaṃ pasāresi. Sabbe taṃkhaṇaṃyeva iddhimayapattacivaradharā vassasaṭṭhikattherā viya ahesuṃ. Arahattappattato paṭṭhāya ariyā nāma majjhattāva honti, tasmā raññā pesitasāsaṇaṃ dasabalassa nārocesi. Rājā neva gato āgacchati, na sāsanaṃ suyyatīti aparampi amaccaṃ purisasahassaparivāraṃ pesesi. Tasmimpi tathā paṭipanne aparampīti etena nayena navapurisasahassaparivāre nava amacce pesesi. Sabbe gantvā arahattaṃ patvā tuṅhībhūtā ahesuṃ.

Atha rājā cintesi – “ettakā janā mayi sinehābhāvena dasabalassa idhāgamanatthāya na kiñci kathayiṃsu, ayaṃ kho pana udāyī dasabalena samavayo saha paṃsukīḷiko, mayi ca sinehavā, imaṃ pesessāmi”ti. Atha taṃ pakkosāpetvā, “tāta, tvaṃ purisasahassaparivāro gantvā dasabalaṃ idhānehi”ti vatvā pesesi. So pana gacchanto “sacāhaṃ, deva, pabbajitūṃ labhissāmi, evāhaṃ bhagavantaṃ idhānessāmi”ti vatvā raññā “pabbajitopi mama puttaṃ dassehi”ti vutto rājagahaṃ gantvā satthu dhammadesanāvelāya parisapariyante ṭhito dhammaṃ sutvā saparivāro arahattaṃ patvā ehibhikkhubhāve patiṭṭhāsi. So arahattaṃ patvā – “na tāvāyaṃ dasabalassa kulanagaraṃ gantuṃ kālo, vassante pana upagate pabbatesu vanasaṇḍesu haritatiṇasañchannāya bhūmiyā gamanakālo bhavissati”ti gamanakālaṃ āgamento vassante sampatte satthu kulanagaraṃ gantuṃ gamanavaṇṇaṃ saṃvaṇṇesi. Vuttañcetaṃ theragāthāya (theragā. 527-530) –

“Aṅgārino dāni dumā bhadante, phalesino chadanaṃ vipphāya;
Te accimantova pabhāsayanti, samayo mahāvīra bhāgī rasānaṃ.

“Dumāni phullāni manoramāni, samantato sabbadisā pavanti;
Pattaṃ pahāya phalamāsasānā, kālo ito pakkamanāya vīra.

“Nevātisītaṃ na panātiuṇhaṃ, sukhā utu addhaniyā bhadante;
Passantu taṃ sākīyā koḷiyā ca, pacchāmukhaṃ rohiniyaṃ tarantaṃ.

“Āsāya kasate khettaṃ, bījaṃ āsāya vappati;
Āsāya vāñijā yanti, samuddaṃ dhanahārakā;
Yāya āsāya tiṭṭhāmi, sā me āsā samijjhatu.

“Nātisītaṃ nātiuṇhaṃ, nātidubbhikkhachātakaṃ;
Saddalā haritā bhūmi, esa kālo mahāmuni. (a. ni. aṭṭha. 1.1.225);

“Punappunañceva vapanti bījaṃ, punappunaṃ vassati devarājā;
Punappunaṃ khettaṃ kasanti kassakā, punappunaṃ dhaññamupeti raṭṭhaṃ.

“Punappunaṃ yācanakā caranti, punappunaṃ dānapatī dadanti;
Punappunaṃ dānapatī daditvā, punappunaṃ saggamupenti ṭhānaṃ.

“Vīro have sattayugaṃ puneti; Yasmiṃ kule jāyati bhūripañño;

Maññāmaham sakkati devadevo, tayā hi jāto muni saccanāmo.

“Suddhodano nāma pitā mahesino, buddhassa mātā pana māyanāmā;
Yā bodhisattam parihamiya kucchinā, kāyassa bhedā tidivamhi modati.

“Sā gotamī kālakatā ito cutā, dibbehi kāmehi samaṅgibhūtā;
Sā modati kāmaguṇehi pañcahi, parivāritā devagaṇehi tehi.

“Buddhassa puttomhi asayhasāhino, aṅgīrasassappaṭimassa tādino;
Pitupitā mayham tuvaṃsi sakka, dhammena me gotama ayyakosī”ti. (theragā. 531-536);

“Ambā panasā kapiṭṭhā ca, pupphapallavalaṅkatā;
Dhuvapphalāni savanti, khuddāmadhukakūpamā;
Sevamāno ubho passe, gantukālo mahāyasa.

“Jambū sumadhurā nīpā, madhugaṇḍidivapphalā;
Tā ubhosu pajjotanti, gantukālo mahāyasa.

“Tiṇḍukāni piyālāni, soṇṇavaṇṇā manoramā;
Khuddakappaphalā niccam, gantukālo mahāyasa.

“Kadalī pañcamocci ca, supakkaphalabhūsitā;
Ubhopassesu lambanti, gantukālo mahāyasa.

“Madhupphaladharā niccam, morarukkhā manoramā;
Khuddakappaphalā niccam, gantukālo mahāyasa.

“Hintālatālapantī ca, rajatakkhandhova jotare;
Supakkaphalasañchannā, khuddakappā madhussavā;
Phalāni tāni khādante, gantukālo mahāyasa.

“Udumbarāruṇāvaṇṇā, sadāsumadhurapphalā;
Ubhopassesu lambanti, gantukālo mahāyasa.

“Itthambhūtā anekā te, nānāphaladharā dumā;
Ubhopassesu lambanti, gantukālo mahāyasa.

“Campakā salaḷā nāgā, sugandhā māluteritā;
Supupphitagga jotanti, sugandhenābhipūjayum;
Sādarā vinatāneva, gantukālo mahāyasa.

“Punnāgā giripunnāgā, pupphitā dharaṇīruhā;
Supupphitagga jotanti, sugandhenābhipūjayum;
Sādarā vinatuggaggā, gantukālo mahāyasa.

“Asokā koviḷārā ca, somanassakarā varā;
Sugandhā kaṇṇikā bandhā, rattavaṇṇehi bhūsitā;
Sādarā vinatuggaggā, samayo te mahāyasa.

“Kaṇṇikārā phullitā niccam, sovaṇṇaramsijotakā;
Dibbagandhā pavāyanti, disā sabbāni sobhayam;
Sādarā vinatāneva, samayo te mahāyasa.

“Supattā gandhasampannā, ketakī dhanuketakī;
Sugandhā sampavāyanti, disā sabbābhigandhino;
Sādarā pūjayantāva, samayo te mahāyasa.

“Mallikā jātisumanā, sugandhā khuddamallikā;
Disā sabbā pavāyanti, ubho magge pasobhayaṃ;
Sādarā te palambanti, samayo te mahāyasa.

“Sindhuvārā sītagandhā, sugandhā māluteritā;
Disā sabbābhīpūjentā, ubho magge pasobhayaṃ;
Sādarā vinatuggaggā, samayo te mahāyasa.

“Sīhā kesarasīhā ca, catuppadanisevitā;
Acchambhītā surāpāne, migarājā patāpino.

“Sīhanādena pūjenti, sādarā te migābhibhū;
Maggamhi ubhato vūḷhā, samayo te mahāyasa.

“Byagghā sindhavā nakulā, sādhurūpā bhayānakā;
Ākāse sampatantāva, nibbhītā yena kenaci;
Tehi te sādarā natā, samayo te mahāyasa.

“Tidhā pabhinnā chaddantā, surūpā sussarā subhā;
Sattappatiṭṭhitaṅgā te, ubho maggesu kūjino;
Sādarā hāsamānāva, samayo te mahāyasa.

“Migā varāhā pasadā, citrāsāvayavā subhā;
Ārohapariṇāhena, surūpā aṅgasamṃyutā;
Ubho magge gāyamānāva, samayo te mahāyasa.

“Gokaṇṇā sarabhā rurū, ārohapariṇāhino;
Surūpā aṅgasampannā, sevamānāva accharuṃ;
Sevamānā tehi tadā, samayo te mahāyasa.

“Dīpī acchā taracchā ca, tudarā varuṇā sadā;
Te dāni sikkhitā sabbe, mettāya tava tādino;
Te paccasevakā addhā, samayo te mahāyasa.

“Sasā siṅgālā nakulā, kalandakāḷakā bahū;
Kasturā sūrā gandhā te, kevalā gāyamānāva.

Samayo te mahāyasa;

“Mayūrā nīlagīvā te, susikhā subhapakkhikā;
Supiṅchā te sunādā ca, veḷuriyamaṇisannibhā;
Nādaṃ karontā pūjenti, kālo te pitudassane.

“Suvaṇṇacitrahaṃsā ca, javahaṃsā vihācarā;
Te sabbe āsayā chuddhā, jinadassanabyāvaṭā;
Madhurassarena kūjanti, kālo te pitudassane.

“Haṃsā koṅcā sunādā te, cakkavākā nadīcarā;

Bakā balākā rucirā, jalakākā sarakukkuṭā;
Sādarābhinādino ete, kālo te pitudassane.

“Citrā surūpā sussarā, sāḷikā suvataṇḍikā;
Rukkhaggā sampatantā te, ubho maggesu kūjino;
Tesu tesu nikūjanti, kālo te pitudassane.

“Kokilā sakalā citrā, sadā mañjussarā varā;
Vimhāpitā te janataṃ, saddhimittādike surā;
Sarehi pūjayantāva, kālo te pitudassane.

“Bhinkā kurarā sārā, pūritā kānane sadā;
Ninnādayantā pavanaṃ, aññamaññasamaṅgino;
Gāyamānā sareneva, kālo te pitudassane.

“Tittirā susarā sārā, susarā vanakukkuṭā;
Mañjussarā rāmaṇeyyā, kālo te pitudassane.

“Setavālukasañchannā, supatitthā manoramā;
Madhurodakasampuṇṇā, sarā jotanti te sadā;
Tattha nhatvā pivitvā ca, samayo te ñātidassane.

“Kumbhīrāmakarākiṇṇā, valayā muñjarohitā;
Macchakacchapabyāviddhā, sarā sītodakā subhā;

Tattha nhatvā pivitvā ca, samayo te ñātidassane.

“Nīluppalasamākiṇṇā, tathā rattuppalehi ca;
Kumuduppalasamkiṇṇā, sarā sobhantinekadhā;
Tattha sītalakā toyā, samayo te ñātidassane.

“Puṇḍarīkehi sañchannā, padumehi samohatā;
Ubho maggesu sobhanti, pokkharañño tahiṃ tahiṃ;
Tatthodakāni nhāyanti, samayo te ñātidassane.

“Setapulinasamkiṇṇā, supatitthā manoramā;
Sītodakamahoghehi, sampuṇṇā tā nadī subhā;
Ubho maggehi sandanti, samayo te ñātidassane.

“Magassa ubhatopasse, gāmanigamasamākulā;
Saddhā pasannā janatā, ratanattayamāmakā;
Tesaṃ sampuṇṇasaṅkappo, samayo te ñātidassane.

“Tesu tesu padesesu, devā mānussakā ubho;
Gandhamālābhipūjenti, samayo te ñātidassane”’ti.

Evaṃ thero saṭṭhimattāhi gāthāhi satthu gamanavaṇṇaṃ saṃvaṇṇesi. Atha kho bhagavā “kāḷudāyī mama gamanaṃ pattheti, pūressāmissa saṅkappa”’nti tattha gamane bahūnaṃ vīsesādhigamaṃ disvā vīsatisahassakhiṇāsavaparivuto rājagahato aturitacārikāvasena vuttappakāraphalāphale anubhavanto dvipadacatuppadādisamūhānaṃ sevanapūjāya pūjijamāno vuttappakārasugandhapupphagandhehi gandhiyamāno gāmanigamavāsīnaṃ saṅgahaṃ kurumāno kapilavatthugāmimaggam paṭipajji. Thero iddhiyā kapilavatthum gantvā rañño purato ākāse ṭhito aditṭhapubbaṃ vesam disvā, rañña – “kosi tva”’nti

pucchito “sace amaccaputtam tayā bhagavato santike pesitam na jānāsi, evaṃ jānāhī”ti vadanto –

“Buddhassa puttomhi asayhasāhino, aṅgīrasassappaṭimassa tādino;
Pitupitā mayham tuvaṃsi sakka, dhammena me gotama ayyakosī”ti. (theragā. 536) – gāthamāha;

Tattha **buddhassa puttomhī** sabbaññubuddhassa ure vāyāmajanitāhi dhammadesanāhi jātātāya orasaputto amhi. **Asayhasāhinoti** abhisambodhito pubbe ṭhapetvā mahābodhisattam aññehi sahitum asakkuṇeyyattā asayhassa sakalabodhisambhārassa, mahākaruṇākarassa ca sahanato tato parampi aññehi sahitum abhibhavitum asakkuṇeyyattā asayhānam pañcannaṃ mārānam sahanato abhibhavanato āsayānusayacaritādhimuttiādivibhāgāvabodhena yathārahaṃ veneyyānam diṭṭhadhammikasamparāyikaparamatthehi anusāsanīsaṅkhātassa aññehi asayhassa buddhakkicassa sahanato tattha vā sādhuṅkāribhāvato asayhasāhino. **Aṅgīrasassāti** aṅgīkatasīlādisampattikassa. “Aṅgamaṅgehi niccharaṇakaobhāsassā”ti apare. Keci pana “aṅgīraso siddhatthoti imāni dve nāmāni pitarāyeva gahitānī”ti vadanti. **Appaṭimassāti** anupamassa iṭṭhādīsu tādīlakhaṇasampattiyā tādino. **Pitupitā mayham tuvaṃsīti** ariyajātivāsena mayham pitu sammāsambuddhassa lokavohāravāsena tvam pitā asi. **Sakkāti** vaṃsena rājānam ālapati. **Dhammenāti** sabhāvena ariyajātilokiyajātīhi dvinnam jātīnam sabhāvasamodhānena. **Gotamāti** gottena rājānam ālapati. **Ayyakosīti** pitāmaho ahosi. Ettha ca “buddhassa puttomhī”tiādiṃ vadanto thero aññam byākāsi.

Evaṃ pana attānam jānāpetvā haṭṭhatuṭṭhena raññā mahārahe pallanke nisīdāpetvā attano paṭiyāditassa nānaggarasabhojanassa pattam pūretvā patte dinne gamanākāram dassesi. “Kasmā gantukāmattha, bhuñjathā”ti vutte, satthu santikaṃ gantvā bhuñjissāmīti. Kaham pana satthāti? Vīsatisahassabhikkhuparivāro tumhākaṃ dassanattāyā maggaṃ paṭipannoti. Tumhe imaṃ piṇḍapātam bhuñjatha, aññam bhagavato haratha. Yāva ca mama putto imaṃ nagaram paṇuṇāti, tāvassa itoyeva piṇḍapātam harathāti. Thero bhattakiccaṃ katvā rañño ca parisāya ca dhammaṃ desetvā satthu āgamanato puretameva rājanivesanaṃ ratanattayaguṇesu abhippasannaṃ karonto sabbesaṃ passantānamyeva satthu āharitabbhattapuṇṇam pattam ākāse vissajjetvā sayampi vehāsam abbhuggantvā piṇḍapātam upanetvā satthu hatthe ṭhapesi. Satthāpi tam piṇḍapātam paribhuñji. Evaṃ saṭṭhiyojanaṃ maggaṃ divase divase yojanaṃ gacchantassa bhagavato rājagehato bhattam āharitvā adāsi. Bhagavā kamena kapilavattunagaraṃ patvā punadivase rājavīthiyam piṇḍāya carati. Tam sutvā suddhodanamahārājā tattha gantvā, “mā evaṃ kattabbaṃ maññi, nayidaṃ rājavamṣappaveṇī”ti. “Ayaṃ tumhākaṃ, mahārāja, vaṃso, īdiso amhākaṃ pana buddhavaṃso”ti vatvā –

“Uttiṭṭhe nappamajjeyya, dhammaṃ sucariṭam care;
Dhammacārī sukhaṃ seti, asmiṃ loke paramhi ca.

“Dhammaṃ care sucariṭam, na nam ducariṭam care;
Dhammacārī sukhaṃ seti, asmiṃ loke paramhi cā”ti. (dha. pa. 168-169) –

Dhammaṃ desesi. Rājā sotāpattiphale patiṭṭhahi. Tato rājā buddhappamukhaṃ bhikkhusaṅgham nimantetvā sakamandire bhojetvā sampavāretvā bhojanāvasāne **dhammapāla**jātakam (jā. 1.10.92 ādayo) sutvā saporiso anāgāmphale patiṭṭhahi. Aparabhāge setacchattassa heṭṭhā nipannova arahattam patvā parinibbāyi.

Tato bhagavā rāhulamātuyā bimbādeviyā pāsādam gantvā tassā dhammaṃ desetvā sokaṃ vinodetvā **candakinnari**jātakadesanāya (jā. 1.14.18 ādayo) pasādam janetvā nigrodhārāmaṃ agamāsi. Atha bimbādevī puttam rāhulakumāram āha – “gaccha, tava pitu santakam dhanam yācāhī”ti. Kumāro “dāyajjam, me samaṇa, dehī”ti vatvā bhagavantam anubandhitvā, “sukhā, te samaṇa, chāyā”ti vadanto gacchati. Tam bhagavā nigrodhārāmaṃ netvā “lokutaradāyajjam gaṇhāhī”ti vatvā pabbājesi. Atha bhagavā ariyagaṇamajjhe nisinna “etadaggaṃ, bhikkhave, mama sāvakanam bhikkhūnam kulappasādakanam yadidaṃ kāludāyī”ti (a. ni. 1.219, 225) theram etadagge ṭhapesi.

165. Thero pattaetadaggaṭṭhāno attano pubbakammaṃ saritvā somanassajāto pubbacariṭāpadānam

pakāsento **padumuttaro nāma jinotiādigāthāyo** abhāsi. Tattha anuttānapadameva vaṇṇayissāma.

166. Guṇāguṇavidūti guṇaṅca aguṇaṅca guṇāguṇaṃ, vaṇṇavaṇṇaṃ, kusalākusalaṃ vā taṃ jānātīti guṇāguṇavidū. **Kataññūti** aññehi kataguṇaṃ jānātīti kataññū, ekadivasampi bhaddadānādina katūpakārassa rajjampi dātuṃ samatthattā kataññū. **Katavedīti** kataṃ vindati anubhavati sampañchatīti katavedī. **Titthe yojeti pāṇineti** sabbasatte nibbānapavesanupāye kusalapathe magge dhammadesanāya yojeti sampayojeti patiṭṭhāpetīti attho. Sesam uttānatthameva. Gamanavaṇṇanagāthānamattho theragāthāyaṃ vuttoyevāti.

Kāḷudāyittheraapadānavaṇṇanā samattā.

7. Abhayattheraapadānavaṇṇanā

Sattamāpadāne **padumuttaro nāma jinotiādikam** āyasmato abhayattherassa apadānaṃ. Ayampi purimajinavaresu katādhikāro tattha tattha bhava vipaṭṭūpanissayāni puññāni upacinanto padumuttarassa bhagavato kāle haṃsavatīnagare brāhmaṇakule nibbatto. So vuddhimanvāya vedaṅgapārāgo sakaparasamayakusalo ekadivasam satthu dhammadesanaṃ sutvā pasannamānaso bhagavantaṃ gāthāhi thomesi. So tattha yāvatāyukaṃ tathātvā puññāni katvā tato cuto devaloke nibbatto aparāparaṃ sugatīsuyevaṃ saṃsaranto imasmiṃ buddhuppāde rājagahe bimbisārarañño putto hutvā nibbatti, **abhayotvevassa** nāmaṃ kariṃsu. So vayappatto nigaṇṭhehi saddhiṃ vissāsiko hutvā caranto ekadivasam nigaṇṭhena nātaputtana satthu vādāropanatthāya pesito nipuṇapañhaṃ pucchitvā nipuṇabyākaraṇaṃ sutvā pasanno satthu santike pabbajitvā kammaṭṭhānānurūpaṃ ñāṇaṃ pesetvā nacirasseva arahattaṃ pāpuṇi.

195. So arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **padumuttaro nāma jinotiādimāha**. Taṃ sabbaṃ suviññeyyamevāti.

Abhayattheraapadānavaṇṇanā samattā.

8. Lomasakaṅgiyattheraapadānavaṇṇanā

Aṭṭhamāpadāne **imamhi bhaddake kappetiādikam** āyasmato lomasakaṅgiyattherassa apadānaṃ. Ayampi purimabuddhesu katādhikāro tattha tattha bhava vivatṭūpanissayāni puññāni upacinanto kassapassa bhagavato kāle brāhmaṇakule nibbatto saddho pasanno ahoṣi. Aparo candano nāma tassa sahāyo cāsi. Te dvepi satthu santike dhammaṃ sutvā pasannamānasaṃ pabbajitvā yāvajīvaṃ sīlaṃ rakkhitvā suparisuddhasīlā tato cutā devaloke nibbattitvā ekaṃ buddhantaṃ dibbasukhaṃ anubhaviṃsu. Tesu ayaṃ imasmiṃ buddhuppāde sākīyakule nibbattitvā aparo candano devaputto hutvā tāvatīmsabhavane nibbatti. Atha so sakyakulappasādakena kāḷudāyina ārādhitena bhagavatā sakyarājūnaṃ mānamaddanāya kataṃ **vessantaradhammadesanāyaṃ** (jā. 2.22.1655 ādayo) pokkharavassaidhipāṭihāriyaṃ disvā pasannamānaso pabbajitvā majjhimanikāye vuttaṃ **bhaddekarattasuttantadesanaṃ** sutvā araññāvāsaṃ vasanto bhaddekarattasuttantadesanānusāsaṃ (ma. ni. 3.286 ādayo) saritvā tadanusārena ñāṇaṃ pesetvā kammaṭṭhānaṃ manasi karitvā arahattaṃ pāpuṇi.

225. Arahattaṃ patvā attano pubbakammaṃ saritvā sañjātasomanasso pubbacaritāpadānaṃ pakāsento **imamhi bhaddake kappetiādimāha**. Tattha kappo tāva catubbidho – sarakappo, varakappo, maṇḍakappo, bhaddakappo. Tesu yasmim kappe eko buddho uppajjati, ayaṃ **sarakappo** nāma. Yasmim dve vā tayo vā buddhā uppajjanti, ayaṃ **varakappo** nāma. Yasmim cattāro buddhā uppajjanti, ayaṃ **maṇḍakappo** nāma. Yasmim pañca buddhā uppajjanti, ayaṃ **bhaddakappo** nāma. Aññattha pana –

“Sarakappo maṇḍakappo, saramaṇḍakappo tathā;
Varakappo bhaddakappo, kappā pañcavidhā siyuṃ.

“Eko dve tayo cattāro, pañca buddhā yathākkamaṃ;
Etesu pañcakappesu, uppajjanti vināyaka”ti. –

Evaṃ pañca kappā vuttā. Tesu ayaṃ kappo “kakusandho koṇāgamano kassapo gotamo metteyyo”ti pañcabuddhapaṭimaṇḍitattā bhaddakappo nāma jāto.

Tasmā imasmiṃ bhaddakappamhi kassapo nāyako uppajjīti sambandho. Sesam uttānatthamevāti.

Lomasakaṅgiyattheraapadānavañṇanā samattā.

9. Vanavacchattheraapadānavañṇanā

Navamāpadāne **imamhi bhaddake kappetiādikaṃ** āyasmato vanavacchattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto kassapassa bhagavato kāle kulagehe nibbato viññutaṃ patvā satthu dhammadesanaṃ sutvā saddhājāto pabbajitvā parisuddhaṃ brahmacariyaṃ caritvā tato cuto devaloke nibbato, tato cuto araññāyatane bhikkhūnaṃ samīpe kapotayoniyaṃ nibbato. Tesu mettacitto dhammaṃ sutvā tato cuto devamanussesu saṃsaranto imasmiṃ buddhuppāde kapilavatthusmiṃ brāhmaṇakule nibbatti. Tassa mātukucchigatakāleyeva mātu dohaḷo udapādi vane vasitūṃ vane vijāyitūṃ. Tato icchānurūpavasena vane vasantiyā gabbhavuṭṭhānaṃ ahoṣi. Gabbhato nikkhantañca naṃ kāsāvakaṇḍena paṭiggahesūṃ. Tadā bodhisattassa uppannakālo, rājā taṃ kumāraṃ āharāpetvā saheva posesi. Atha bodhisatto mahābhinnikkhamaṃ nikkhamitvā pabbajitvā chabbasāni dukkarakārikaṃ katvā buddhe jāte so mahākassapassa santikaṃ gantvā tassovāde pasanno tassa santikā buddhuppādabhāvaṃ sutvā satthu santikaṃ gantvā dhammaṃ sutvā pabbajitvā nacirasseva chaḷabhiñño arahā ahoṣi.

251. So arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **imamhi bhaddake kappetiādimaḥa**. Tattha **brahmabandhu mahāyasoti** ettha brāhmaṇānaṃ bandhu ñātakoti brāhmaṇabandhūti vattabbe gāthābandhasukhatthaṃ “brahmabandhū”ti vuttanti veditabbaṃ. Lokattayabyāpakayasattā mahāyaso. Sesam sabbaṃ suviññeyyamevāti.

Vanavacchattheraapadānavañṇanā samattā.

10. Cūlasugandhattheraapadānavañṇanā

Dasamāpadāne **imamhi bhaddake kappetiādikaṃ** āyasmato sugandhattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto kassapasammāsambuddhakāle bārānasiyaṃ vibhavasampanne kule nibbato viññutaṃ patvā satthu santike dhammaṃ sutvā sabbadā namassamāno mahādānaṃ dadamāno māsassa sattakkhattuṃ bhagavato gandhakuṭiyā catujjātigandhena vilimpesi. “Mama nibbattanibbattaṭṭhāne sarīrato sugandhagandho nibbattatū”ti patthanaṃ akāsi. Bhagavā taṃ byākāsi. So yāvatāyukaṃ ṭhatvā puññāni karonto tato cuto devaloke nibbato kāmāvacaralokaṃ sarīragandhena sugandhaṃ kurumāno **sugandhadevaputtoti** pākāto ahoṣi. So devalokasampattiyo anubhavitvā tato cuto imasmiṃ buddhuppāde mahābhogakule nibbatti, tassa mātukucchigatasseva mātuyā sarīragandhena sakalagehaṃ sakalanagarañca sugandhena ekagandhaṃ ahoṣi, jātakkaṇḍe sakalaṃ sāvattinagaraṃ sugandhakarāṇḍako viya ahoṣi, tenassa **sugandhoti** nāmaṃ kariṃsu. So vuddhiṃ agamāsi. Tadā sathā sāvattihyaṃ patvā jetavanamahāvihāraṃ paṭiggahesi, taṃ disvā pasannamānaso bhagavato santike pabbajitvā nacirasseva saha paṭisambhidāhi arahattaṃ pāpuṇi. Tassa uppannadivasato paṭṭhāya yāva parinibbānā etthantare nipannaṭṭhānādīsu sugandhameva vāyi. Devāpi dibbacuṇṇadibbagandhapupphāni okiranti.

272. Sopi thero arahattaṃ patvā attano pubbakammaṃ saritvā somanassajāto pubbacaritāpadānaṃ pakāsento **imamhi bhaddake kappetiādimaḥa**. Taṃ sabbaṃ heṭṭhā vuttanayattā uttānatthattā ca suviññeyyameva, kevalaṃ puññānānattaṃ nāmanānattañca viseso.

Cūlasugandhattheraapadānavañṇanā samattā.

Pañcapaññāsamavaggaṇṇanā samattā.

56. Yasavaggo

1. Yasattheraapadānavaggaṇṇanā

Chappaññāsame vagge paṭhamāpadāne **mahāsamuddaṃ oggayhāti**ādikaṃ āyasmato yasattherassa apadānaṃ. Ayampi purimabuddhesu katādhikāro tattha tattha bhve vivaṭṭūpanissayāni puññāni upacinanto sumedhassa bhagavato kāle mahānubhāvo nāgarājā hutvā buddhappamukhaṃ bhikkhusaṅghaṃ attano bhavanaṃ netvā mahādānaṃ pavattesi, bhagavantaṃ mahagghena ticīvarena acchādesi, ekekañca bhikkhuṃ mahaggheneva paccekadussayugena sabbena ca samaṇaparikkhārena. So tena puññakammena devamanussesu saṃsaranto siddhatthassa bhagavato kāle seṭṭhiputto hutvā mahābodhimaṇḍalaṃ sattahi ratanehi pūjesi. Kassapassa bhagavato kāle sāsane pabbajitvā samaṇadhammaṃ akāsi. Evaṃ so sugatīsuyeva saṃsaranto amhākaṃ bhagavato kāle bārāṇasiyaṃ mahāvibhavassa seṭṭhino putto hutvā sujātāya bhagavato khīrapāyāsaṃ dinnāya seṭṭhidhītāya kucchimhi nibbatti, **yaso** nāma nāmena paramasukhumālo. Tassa tayo pāsādā honti – eko hemantiko, eko gimhiko, eko vassikoti. So vassike pāsāde vassike cattāro māse nippurisehi tūriyehi paricārayamāno vasati, heṭṭhāpāsādaṃ na otarati. Hemantike pāsāde cattāro māse suphusitavātapānakavāte tattheva paṭivasati. Gimhike pāsāde bahukavātavātapānajālāhi sampanne tattheva vasati. Hatthapādānaṃ sukhumālatāya bhūmiyaṃ nisajjādikiccaṃ natthi. Simbalitulādipuññasabhāve attharivā tattha upadhānāni kiccāni karoti. Evaṃ devaloke devakumāro viya pañcahi kāmagaṇehi samappitassa samaṅgībhūtassa paricārayamānassa paṭikacceva niddā okkami, pariyanassāpi niddā okkami, sabbarattiyo ca telapadīpo jhāyati. Atha kho yaso kulaputto paṭikacceva pabujjhivā addasa sakaṃ parijanaṃ supantaṃ aññissā kacche vīṇaṃ, aññissā kaṇṭhe mudīṅgaṃ, aññissā kacche āḷambaraṃ, aññaṃ vikesikaṃ, vikkheḷikaṃ, aññā vippalapantiyo hatthapattaṃ susānaṃ maññe, disvānassa ādīnava pāturaḥosi, nibbidāya cittaṃ saṅghāsi. Atha kho yaso kulaputto udānaṃ udānesi – “upaddutaṃ vata bho, upassaṭṭhaṃ vata bho”ti.

Atha kho yaso kulaputto suvaṇṇapādukāyo ārohitvā yena nivesanadvāraṃ tenupasaṅkami, amanussā dvāraṃ vivariṃsu – “mā yasassa kulaputtassa koci antarāyamakāsi agārasmā anagāriyaṃ pabbajjāyā”ti. Atha kho yaso kulaputto yena nagaradvāraṃ tenupasaṅkami, amanussā dvāraṃ vivariṃsu – “mā yasassa kulaputtassa koci antarāyamakāsi agārasmā anagāriyaṃ pabbajjāyā”ti. Atha kho yaso kulaputto yena isipatanaṃ migadāyo tenupasaṅkami.

Tena kho pana samayena bhagavā rattiyaṃ paccūsasamayaṃ paccuṭṭhāya ajjhokāse caṅkamati, addasā kho bhagavā yasaṃ kulaputtaṃ dūratova āgacchantaṃ, disvāna caṅkamā orohitvā paññatte āsane nisīdi. Atha kho yaso kulaputto bhagavato avidūre udānaṃ udānesi – “upaddutaṃ vata bho, upassaṭṭhaṃ vata bho”ti. Atha kho bhagavā yasaṃ kulaputtaṃ etadavoca – “idaṃ kho, yasa, anupaddutaṃ, idaṃ anupassaṭṭhaṃ, ehi, yasa, nisīda, dhammaṃ te desessāmī”ti. Atha kho yaso kulaputto, “idaṃ kira anupaddutaṃ, idaṃ anupassaṭṭha”nti haṭṭho udaggo suvaṇṇapādukāhi orohitvā yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi, ekamantaṃ nisinnassa kho yasassa kulaputtassa bhagavā anupubbimā kathaṃ kathesi, seyyathidaṃ, dānakathaṃ sīlakathaṃ saggakathaṃ kāmānaṃ ādīnavaṃ okāraṃ saṃkilesaṃ nekkhamme ānisaṃsaṃ pakāsesi. Yadā bhagavā aññāsi yasaṃ kulaputtaṃ kallacittaṃ muducittaṃ vinīvaraṇacittaṃ udaggacittaṃ pasannacittaṃ, atha yā buddhānaṃ sāmukkaṃsikaṃ dhammadesanā, taṃ pakāsesi dukkhaṃ samudayaṃ nirodhaṃ maggaṃ. Seyyathāpi nāma suddhaṃ vatthaṃ apagatakāḷakaṃ sammadeva rajanaṃ paṭiggaṇheyya, evameva yasassa kulaputtassa tasmimyeva āsane virajaṃ vītamalaṃ dhammacakkaṃ udapādi – “yaṃ kiñci samudayadhammaṃ, sabbaṃ taṃ nirodhadhamma”nti.

Atha kho yasassa kulaputtassa mātā pāsādaṃ abhiruhitvā yasaṃ kulaputtaṃ apassantī yena seṭṭhi gahapati tenupasaṅkami; upasaṅkamitvā seṭṭhiṃ gahapatiṃ etadavoca – “putto te gahapati yaso na dissatī”ti. Atha kho, seṭṭhi gahapati, catuddisā assadūte uyyojetvā sāmāmyeva yena isipatanaṃ migadāyo tenupasaṅkami. Addasā kho, seṭṭhi gahapati, suvaṇṇapādukānaṃ nikkhepaṃ, disvāna taṃmyeva anugamāsi.

Addasā kho bhagavā seṭṭhiṃ gahapatiṃ dūratova āgacchantam, disvāna bhagavato etadahosi – “yaṃnūnāhaṃ tathārūpaṃ iddhābhisāṅkhāraṃ abhisāṅkhareyyaṃ, yathā seṭṭhi gahapati idha nisinno idha nisinnaṃ yasaṃ kulaputtaṃ na passeyyā”ti. Atha kho bhagavā tathārūpaṃ iddhābhisāṅkhāraṃ abhisāṅkharesi. Atha kho seṭṭhi gahapati yena bhagavā tenupasāṅkami; upasāṅkamitvā bhagavantaṃ etadavoca – “api, bhante, bhagavā yasaṃ kulaputtaṃ passeyyā”ti. Tena hi gahapati nisīda, appeva nāma idha nisinno idha nisinnaṃ yasaṃ kulaputtaṃ passeyyāsīti. Atha kho seṭṭhi gahapati “idheva kirāhaṃ nisinno idha nisinnaṃ yasaṃ kulaputtaṃ passissāmi”ti haṭṭho udaggo bhagavantaṃ abhivādetvā ekamantaṃ nisīdi, ekamantaṃ nisinnassa kho seṭṭhissa gahapatissa bhagavā anupubbimā kathaṃ kathesi... pe... aparappaccayo atthu sāsane bhagavantaṃ etadavoca – “abhikkantaṃ bhante, abhikkantaṃ bhante, seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya mūlhasa vā maggaṃ ācikkheyya, andhakāre vā telapajjotaṃ dhāreyya ‘cakkhumanto rūpāni dakkhanti’ti, evamevaṃ bhagavatā anekapariyāyena dhammo pakāsito. Esāhaṃ, bhante, bhagavantaṃ saraṇaṃ gacchāmi dhammañca bhikkhusaṅghaṃ, upāsakaṃ maṃ bhagavā dhāretu ajjatagge paṇupetaṃ saraṇaṃ gata”nti. Sova loke paṭhamam upāsako ahoṣi tevāciko.

Atha kho yasassa kulaputtassa pituno dhamme desiyamāne yathādiṭṭhaṃ yathāviditaṃ bhūmiṃ paccavekkhantassa anupādāya āyavehi cittaṃ vimucci. Atha kho bhagavato etadahosi – “yasassa kho kulaputtassa pituno dhamme desiyamāne yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ, abhabbo kho yaso kulaputto hīnāyāvattitvā kāme paribhuñjituṃ, seyyathāpi pubbe agārikabhūto, yaṃnūnāhaṃ taṃ iddhābhisāṅkhāraṃ paṭippassambheyya”nti. Atha kho bhagavā taṃ iddhābhisāṅkhāraṃ paṭippassambhesi. Addasā kho seṭṭhi gahapati yasaṃ kulaputtaṃ nisinnaṃ, disvāna yasaṃ kulaputtaṃ etadavoca – “mātā te tāta, yasa, paridevasokasamāpannā, dehi mātuyā jīvita”nti. Atha kho yaso kulaputto bhagavantaṃ ullokesi. Atha kho bhagavā seṭṭhiṃ gahapatiṃ etadavoca – “taṃ kiṃ maññasi, gahapati, yassa sekkhena ñāṇena sekkhena dassanena dhammo diṭṭho vidito seyyathāpi tayā, tassa yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ, bhabbo nu kho so, gahapati, hīnāyāvattitvā kāme paribhuñjituṃ seyyathāpi pubbe agārikabhūto”ti? “No hetam, bhante”. “Yasassa kho, gahapati, kulaputtassa sekkhena ñāṇena sekkhena dassanena dhammo diṭṭho vidito seyyathāpi tayā, tassa yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ, abhabbo kho, gahapati, yaso kulaputto hīnāyāvattitvā kāme paribhuñjituṃ seyyathāpi pubbe agārikabhūto”ti. “Lābhā, bhante, yasassa kulaputtassa, suladdhaṃ, bhante, yasassa kulaputtassa, yathā yasassa kulaputtassa anupādāya āsavehi cittaṃ vimuttaṃ, adhivāsetu me, bhante bhagavā, ajjatanāya bhattaṃ yasena kulaputtena pacchāsamaṇeṇā”ti. “Adhivāsesi bhagavā tuṅhībhāvena”. Atha kho seṭṭhi gahapati, bhagavato adhivāsanaṃ viditvā utthāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho yaso kulaputto acirapakkante seṭṭhimhi gahapatimhi bhagavantaṃ etadavoca – “labheyyāhaṃ, bhante, bhagavato santike pabbajjaṃ, labheyyaṃ upasampada”nti. “Ehi bhikkhū”ti bhagavā avoca – “svākkhāto dhammo, cara brahmacariyaṃ sammā dukkhassa antakiriyāyā”ti, sāva tassa āyasmato upasampadā ahoṣi.

1. Arahā pana hutvā somanassajāto attano pubbacaritāpadānaṃ pakāsento **mahāsamuddaṃ oggayhātī**ādimāha. Tattha **samuddanti** aṅgulimuddāya saṃ suṭṭhu dassetabbato samuddo, atha vā saṃ suṭṭhu udiyati khobhiyati pasodhiyati ghoṣanaṃ karonto āluṭiyatīti samuddo, mahanto ca so samuddo cāti mahāsamuddo, taṃ mahāsamuddaṃ. **Oggayhātī** ajjhogāhetvā abbhantaraṃ pavisitvā tassa mahāsamuddassa anto pavisitvā, sāmyatthe cetam upayogavacananti daṭṭhabbaṃ. **Bhavanaṃ me sumāpitanti** ettha bhavanti nibbattanti nivasanti catūhi iriyāpathehi vāsaṃ kappenti etthāti bhavanaṃ, mayhaṃ taṃ bhavanaṃ taṃ vimānaṃ taṃ pāsādaṃ pañcapākāraṃ kūtāgārehi saṃ suṭṭhu māpitaṃ nagaraṃ, attano balena suṭṭhu nimmitanti attho. **Sunimmitā pokkharāṇī**ti sumahantā hutvā bhūtā itā gatā pavattā khaṇitā katāti pokkharāṇī, macchakacchapapupphapulinatitthamadhurodakādīhi suṭṭhu nibbattā nimmitāti attho. **Cakkavākūpakūjītī**ti cakkavākakukkuṭahaṃsādīhi kūjītā ghoṣitā nādītā sā pokkharāṇīti sambandho. Ito paraṃ nadīvanadvipadacatuppadaṃ padapapakkhīnaṃ vaṇṇaṃca sumedhassa bhagavato dassanañca nimantetvā sumedhassa bhagavato dānakkamañca suviññeyyameva.

Lokāhutipaṭiggahanti ettha loke āhuti lokāhuti, kāmarūpārūpasāṅkhātassa lokassa āhutiṃ pūjāsakkāraṃ paṭiggaṇhātīti lokāhutipaṭiggahaṃ, sumedhaṃ bhagavantanti attho. Sesam byākaraṇadānañca

arahattappattaphalañca suviññeyyamevāti.

Yasattheraapadānavaṇṇanā samattā.

2. Nadīkassapattheraapadānavaṇṇanā

Dutiyaṇpadāne **padumuttarassa bhagavatotiādikaṃ āyasmato nadīkassapattherassa apadānaṃ**. Ayampi purimabuddhesu katādhikāro tattha tattha bhava vivaṭṭūpanissayāni puññāni upacīnanto padumuttarassa bhagavato kāle kulagehe nibbattitvā viññutaṃ patto ekadivasaṃ sathhāraṃ piṇḍāya carantaṃ disvā pasannaṃāso attanā ropitassa ambarukkhaṃ paṭhamuppannaṃ manosilāvaṇṇaṃ ekaṃ ambaphalaṃ adāsi. So tena puññakammena devamanussesu saṃsaranto imasmiṃ buddhuppāde magadharaṭṭhe brāhmaṇakule uruvelakassapassa bhātā hutvā nibbato vayappatto nissaraṇajjhāsayatāya gharāvāsaṃ anicchanto tāpasapabbajjaṃ pabbajitvā tīhi tāpasasatehi saddhiṃ neraṇjarāya nadiyā tīre assamaṃ māpetvā viharati. Nadītīre vasanato kassapagottatāya ca **nadīkassapoti** samaññā ahoṣi. Tassa bhagavā sapaṇisassa ehibhikkhubhāvena upasampadaṃ adāsi. So bhagavato gayāsīse **ādittapariyāya desanāya** (mahāva. 54; saṃ. ni. 4.28) arahatte patiṭṭhāsi.

Tatrāyaṃ anupubbikathā – sathhā yasaṃ kulaputtaṃ pabbājetvā uruvelāyaṃ tayo bhātikajaṭṭile dametuṃ yena uruvelā tadavasari. Tena kho pana samayena uruvelāyaṃ tayo jaṭilā paṭivasanti uruvelakassapo nadīkassapo gayākassapoti, tesu uruvelakassapo jaṭilo pañcannaṃ jaṭilasatānaṃ nāyako hoti vināyako aggo pamukho pāmokkho, nadīkassapo jaṭilo tiṇṇaṃ jaṭilasatānaṃ nāyako hoti vināyako aggo pamukho pāmokkho, gayākassapo jaṭilo dvinnaṃ jaṭilasatānaṃ nāyako hoti vināyako aggo pamukho pāmokkho. Atha kho bhagavā yena uruvelakassapassa jaṭilassa assamo tenupasaṅkami; upasaṅkamitvā uruvelakassapaṃ jaṭilaṃ etadavoca – “sace te, kassapa, agaru, vaseyyāma ekarattaṃ agyāgāre”ti. Na kho me, mahāsamaṇa, garu, caṇḍettha nāgarājā iddhiṃ āsiviso ghoraviso, so taṃ mā viheṭhesīti. Dutiyaṃpi kho bhagavā uruvelakassapaṃ jaṭilaṃ etadavoca...pe... tatiyaṃpi...pe... so taṃ mā viheṭhesīti. Appeva maṃ na viheṭheyya, iṅgha tvaṃ, kassapa, anujānāhi agyāgāranti. Vihara, mahāsamaṇa, yathāsukhanti. Atha kho bhagavā agyāgāraṃ pavisitvā tiṇṇasanthāraṃ pañṇapetvā nisīdi pallaṅkaṃ ābhujitvā ujum kāyaṃ pañidhāya parimukhaṃ satim upaṭṭhapetvā.

Addasā kho so nāgo bhagavantaṃ pavitṭhaṃ, disvā dummano padhūpāyi. Atha kho bhagavato etadahosi – “yaṃnūnāhaṃ imassa nāgassa anupahacca chaviñca cammañca maṃsañca nhāruñca aṭṭhiñca aṭṭhimiñjañca tejasā tejaṃ pariyādiyeyya”nti. Atha kho bhagavā tathārūpaṃ iddhābhisaṅkhāraṃ abhisāṅkharitvā padhūpāyi. Atha kho so nāgo makkhaṃ asahamāno pajjali. Bhagavāpi tejodhātuṃ samāpajjitvā pajjali. Ubhinnaṃ sajotibhūtānaṃ agyāgāraṃ ādittaṃ viya hoti sampajjalitaṃ sajotibhūtaṃ. Atha kho te jaṭilā agyāgāraṃ parivāretvā evamāhaṃsu – “abhirūpo vata, bho, mahāsamaṇo nāgena viheṭhiyati”ti. Atha kho bhagavā tassā rattiyā accayena tassa nāgassa anupahacca chaviñca cammañca maṃsañca nhāruñca aṭṭhiñca aṭṭhimiñjañca tejasā tejaṃ pariyādiyitvā patte pakkipitvā uruvelakassapassa jaṭilassa dassesi – “ayaṃ te, kassapa, nāgo pariyādinno assa tejasā tejo”ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma caṇḍassa nāgarājassa iddhimato āsivisassa ghoravisassa tejasā tejaṃ pariyādiyissati, na tveva kho arahā yathā aha”nti.

“Neraṇjarāyaṃ bhagavā, uruvelakassapaṃ jaṭilaṃ avoca;
Sace te kassapa agaru, viharemu ajjaṇho aggisālamhī”ti.

“Na kho me mahāsamaṇa garu, phāsukāmovā taṃ nivāremi;
Caṇḍettha nāgarājā, iddhiṃ āsiviso ghoraviso;
So taṃ mā viheṭhesī”ti.

“Appeva maṃ na viheṭheyya, iṅgha tvaṃ kassapa anujānāhi agyāgāranti;
Dinnanti naṃ viditvā, abhīto pāvīsi bhayamatīto.

“Disvā isiṃ pavitṭhaṃ, ahināgo dummano padhūpāyi;
Sumanamanaso adhimano, manussanāgopi tattha padhūpāyi.

“Makkhañca asahamāno, ahināgo pāvakova pajjali;
Tejodhātusukusalo, manussanāgopi tattha pajjali.

“Ubhinnaṃ sajotibhūtānaṃ,
Agyāgāraṃ ādittaṃ hoti sampajjalitaṃ sajotibhūtaṃ;
Udicchare jaṭilā, abhirūpo vata bho mahāsamaṇo;
Nāgena viheṭhiyatīti bhaṇanti.

“Atha tassā rattiyā accayena, hatā nāgassa acciyo honti;
Iddhimato pana ṭhitā, anekavaṇṇā acciyo honti.

“Nīlā atha lohitikā, mañjittā pītakā phalikavaṇṇāyo;
Aṅgīrasassa kāye, anekavaṇṇā acciyo honti.

“Pattamhi odahitvā, ahināgaṃ brāhmaṇassa dassesi;
Ayaṃ te kassapa nāgo, pariyādinno assa tejasā tejo”ti.

Atha kho uruvelakassapo jaṭilo bhagavato iminā iddhipāṭihāriyena abhippasanno bhagavantaṃ etadavoca – “idheva, mahāsamaṇa, vihara, ahaṃ te dhuvabhattenā”ti.

Paṭhamaṃ pāṭihāriyaṃ.

Atha kho bhagavā uruvelakassapassa jaṭilassa assamassa avidūre aññatarasmiṃ vanasaṇḍe vihāsi. Atha kho cattāro mahārājāno abhikkantāya rattiyā abhikkantavaṇṇā kevalakappaṃ vanasaṇḍaṃ obhāsetvā yena bhagavā tenupasaṅkamiṃsu; upasaṅkamitvā bhagavantaṃ abhivādetvā catuddisā aṭṭhaṃsu seyyathāpi mahantā aggikkhandhā. Atha kho uruvelakassapo jaṭilo tassā rattiyā accayena yena bhagavā tenupasaṅkami; upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ, te nu kho te, mahāsamaṇa, abhikkantāya rattiyā abhikkantavaṇṇā kevalakappaṃ vanasaṇḍaṃ obhāsetvā yena tvaṃ tenupasaṅkamiṃsu; upasaṅkamitvā taṃ abhivādetvā catuddisā aṭṭhaṃsu seyyathāpi mahantā aggikkhandhā”ti. Ete kho, kassapa, cattāro mahārājāno yenāhaṃ tenupasaṅkamiṃsu dhammassavanāyāti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma cattāropi mahārājāno upasaṅkamissanti dhammassavanāya, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Dutiyaṃ pāṭihāriyaṃ.

Atha kho sakko devānamindo abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi seyyathāpi mahāaggikkhandho purimāhi vaṇṇanibhāhi abhikkantataro ca paṇītataro ca. Atha kho uruvelakassapo jaṭilo tassā rattiyā accayena yena bhagavā tenupasaṅkami; upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ, ko nu kho so, mahāsamaṇa, abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena tvaṃ tenupasaṅkami; upasaṅkamitvā taṃ abhivādetvā ekamantaṃ aṭṭhāsi seyyathāpi mahāaggikkhandho purimāhi vaṇṇanibhāhi abhikkantataro ca paṇītataro cā”ti. Eso kho, kassapa, sakko devānamindo yenāhaṃ tenupasaṅkami dhammassavanāyāti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma sakkopi devānamindo upasaṅkamissati dhammassavanāya, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Tatiyaṃ pāṭihāriyaṃ.

Atha kho brahmā sahampati abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi seyyathāpi mahāaggikkhandho purimāhi vaṇṇanibhāhi abhikkantataro ca paṇītataro ca. Atha kho uruvelakassapo jaṭilo tassā rattiyā accayena yena bhagavā tenupasaṅkami; upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ, ko nu kho so, mahāsamaṇa, abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena tvaṃ tenupasaṅkami; upasaṅkamitvā taṃ abhivādetvā ekamantaṃ aṭṭhāsi seyyathāpi mahāaggikkhandho purimāhi vaṇṇanibhāhi abhikkantataro ca paṇītataro cā”ti. Eso kho, kassapa, brahmā sahampati yenāhaṃ tenupasaṅkami dhammassavanāyāti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma brahmāpi sahampati upasaṅkamissati dhammassavanāya, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Catutthaṃ pāṭihāriyaṃ.

Tena kho pana samayena uruvelakassapassa jaṭilassa mahāyaṅṅo paccupaṭṭhito hoti, kevalakappā ca āngamagadhā pahūtaṃ khādanīyaṃ bhojanīyaṃ ādāya abhikkamitukāmā honti. Atha kho uruvelakassapassa jaṭilassa etadahosi – “etarahi kho me mahāyaṅṅo paccupaṭṭhito, kevalakappā ca āngamagadhā pahūtaṃ khādanīyaṃ bhojanīyaṃ ādāya abhikkamissanti, sace mahāsamaṇo mahājanakāye iddhipāṭihāriyaṃ karissati, mahāsamaṇassa lābhasakkāro abhivaḍḍhissati, mama lābhasakkāro parihāyissati, aho nūna mahāsamaṇo svātanāya nāgaccheyyā”ti. Atha kho bhagavā uruvelakassapassa jaṭilassa cetasā cetoparivitakkamaññāya uttarakuruṃ gantvā tato piṇḍapātaṃ āharitvā anotattadahe paribhuñjitvā tattheva divāvihāraṃ akāsi. Atha kho uruvelakassapo jaṭilo tassā rattiyā accayena yena bhagavā tenupasaṅkami; upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ, kiṃ nu kho, mahāsamaṇa, hiyyo nāgamāsi, apica mayaṃ taṃ sarāma, ‘kiṃ nu kho mahāsamaṇo nāgacchati’ti, khādanīyassa ca bhojanīyassa ca te paṭiviso ṭhapito”ti. Nanu te, kassapa, etadahosi – “etarahi kho me mahāyaṅṅo paccupaṭṭhito kevalakappā ca āngamagadhā pahūtaṃ khādanīyaṃ bhojanīyaṃ ādāya abhikkamissanti, sace mahāsamaṇo mahājanakāye iddhipāṭihāriyaṃ karissati, mahāsamaṇassa lābhasakkāro abhivaḍḍhissati, mama lābhasakkāro parihāyissati, aho nūna mahāsamaṇo svātanāya nāgaccheyyā”ti, so kho ahaṃ, kassapa, tava cetasā cetoparivitakkamaññāya uttarakuruṃ gantvā tato piṇḍapātaṃ āharitvā anotattadahe paribhuñjitvā tattheva divāvihāraṃ akāsinti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma cetasāpi cittaṃ pajānissati, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Pañcamaṃ pāṭihāriyaṃ.

Tena kho pana samayena bhagavato paṃsukūlaṃ uppannaṃ hoti. Atha kho bhagavato etadahosi – “kattha nu kho ahaṃ paṃsukūlaṃ dhoveyya”nti? Atha kho sakko devānamindo bhagavato cetasā cetoparivitakkamaññāya pāṇinā pokkharāṇiṃ khaṇitvā bhagavantaṃ etadavoca – “idha, bhante bhagavā, paṃsukūlaṃ dhovatū”ti. Atha kho bhagavato etadahosi – “kimhi nu kho ahaṃ paṃsukūlaṃ parimaddeyya”nti? Atha kho sakko devānamindo bhagavato cetasā cetoparivitakkamaññāya mahatiṃ silaṃ upanikkhipi – “idha, bhante bhagavā, paṃsukūlaṃ parimaddatū”ti. Atha kho bhagavato etadahosi – “kimhi nu kho ahaṃ ālambitvā uttareyya”nti? Atha kho kakudhe adhiatthā devatā bhagavato cetasā cetoparivitakkamaññāya sākhaṃ onāmesi – “idha, bhante bhagavā, ālambitvā uttaratū”ti. Atha kho bhagavato etadahosi – “kimhi nu kho ahaṃ paṃsukūlaṃ vissajjeyya”nti? Atha kho sakko devānamindo bhagavato cetasā cetoparivitakkamaññāya mahatiṃ silaṃ upanikkhipi – “idha, bhante bhagavā, paṃsukūlaṃ vissajjetū”ti. Atha kho uruvelakassapo jaṭilo tassā rattiyā accayena yena bhagavā tenupasaṅkami; upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ, kiṃ nu kho, mahāsamaṇa, nāyaṃ pubbe idha pokkharāṇi sāyaṃ idha pokkharāṇi, nayimā silā pubbe upanikkhittā, kenimā silā upanikkhittā, nayimassa kakudhassa pubbe sākha onatā, sāyaṃ sākha onatā”ti? Idha me, kassapa, paṃsukūlaṃ uppannaṃ ahosi, tassa mayhaṃ, kassapa, etadahosi – “kattha nu kho ahaṃ paṃsukūlaṃ dhoveyya”nti? Atha kho, kassapa, sakko devānamindo mama cetasā cetoparivitakkamaññāya pāṇinā pokkharāṇiṃ khaṇitvā maṃ etadavoca – “idha, bhante bhagavā, paṃsukūlaṃ dhovatū”ti. Sāyaṃ,

kassapa, amanussena pāninā khaṇitā pokkharāṇī. Tassa mayhaṃ, kassapa, etadahosi – “kimhi nu kho ahaṃ paṃsukūlaṃ parimaddeyya”nti? Atha kho, kassapa, sakko devānamindo mama cetasā cetoparivitakkamaññāya mahatiṃ silaṃ upanikkhipi – “idha, bhante bhagavā, paṃsukūlaṃ parimaddatū”ti? Sāyaṃ, kassapa, amanussena upanikkhittā silā. Tassa mayhaṃ, kassapa, etadahosi – “kimhi nu kho ahaṃ ālambitvā uttareyya”nti? Atha kho, kassapa, kakudhe adhvātthā devatā mama cetasā cetoparivitakkamaññāya sākhaṃ onāmesi – “idha, bhante bhagavā, ālambitvā uttaratū”ti? Svāyaṃ āharahattho kakudho. Tassa mayhaṃ, kassapa, etadahosi – “kimhi nu kho ahaṃ paṃsukūlaṃ vissajjeyya”nti? Atha kho, kassapa, sakko devānamindo mama cetasā cetoparivitakkamaññāya mahatiṃ silaṃ upanikkhipi – “idha, bhante bhagavā, paṃsukūlaṃ vissajjetū”ti? Sāyaṃ, kassapa, amanussena upanikkhittā silāti. Atha kho uruvelakassapassa etadahosi – “mahiddhiko mahāsamaṇo mahānubhāvo, yatra hi nāma sakkopi devānamindo veyyāvaccamaṃ karissati, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Atha kho uruvelakassapo jaṭilo tassā rattiyaṃ accayena yena bhagavā tenupasaṅkami; upasaṅkamitvā bhagavato kālaṃ ārocesi – “kālo, mahāsamaṇa, niṭṭhitaṃ bhatta”nti. “Gaccha tvamaṃ, kassapa, āyāma”nti uruvelakassapaṃ jaṭilaṃ uyyojetvā yāya jambuyā jambudīpo paññāyati, tato phalaṃ gahetvā paṭhamataraṃ āgantvā agyāgāre nisīdi. Addasā kho uruvelakassapo jaṭilo bhagavantamaṃ agyāgāre nisinnaṃ, disvāna bhagavantamaṃ etadavoca – “katamena tvamaṃ, mahāsamaṇa, maggena āgato, ahaṃ tayā paṭhamataraṃ pakkanto, so tvamaṃ paṭhamataraṃ āgantvā agyāgāre nisinna”ti? “Idhāhaṃ, kassapa, taṃ uyyojetvā yāya jambuyā jambudīpo paññāyati, tato phalaṃ gahetvā paṭhamataraṃ āgantvā agyāgāre nisinna. Idaṃ kho, kassapa, jambuphalaṃ vaṇṇasampannaṃ gandhasampannaṃ rāsasampannaṃ, sace ākaṅkhasi paribhuñjā”ti. “Alaṃ, mahāsamaṇa, tvamyeva taṃ arahasi, tvamyeva taṃ paribhuñjā”ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma maṃ paṭhamataraṃ uyyojetvā yāya jambuyā jambudīpo paññāyati, tato phalaṃ gahetvā paṭhamataraṃ āgantvā agyāgāre nisīdissati, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Atha kho uruvelakassapo jaṭilo tassā rattiyaṃ accayena yena bhagavā tenupasaṅkami; upasaṅkamitvā bhagavato kālaṃ ārocesi – “kālo, mahāsamaṇa, niṭṭhitaṃ bhatta”nti. “Gaccha tvamaṃ, kassapa, āyāma”nti uruvelakassapaṃ jaṭilaṃ uyyojetvā yāya jambuyā jambudīpo paññāyati, tassā avidūre ambo...pe... tassā avidūre āmalakī...pe... tassā avidūre harītakī...pe... tāvatimsaṃ gantvā pārīcchattakapupphaṃ gahetvā paṭhamataraṃ āgantvā agyāgāre nisīdi. Addasā kho uruvelakassapo jaṭilo bhagavantamaṃ agyāgāre nisinnaṃ, disvāna bhagavantamaṃ etadavoca – “katamena tvamaṃ, mahāsamaṇa, maggena āgato, ahaṃ tayā paṭhamataraṃ pakkanto, so tvamaṃ paṭhamataraṃ āgantvā agyāgāre nisinna”ti? “Idhāhaṃ, kassapa, taṃ uyyojetvā tāvatimsaṃ gantvā pārīcchattakapupphaṃ gahetvā paṭhamataraṃ āgantvā agyāgāre nisinna. Idaṃ kho, kassapa, pārīcchattakapupphaṃ vaṇṇasampannaṃ gandhasampannaṃ, sace ākaṅkhasi gaṇhā”ti. “Alaṃ, mahāsamaṇa, tvamyeva taṃ arahasi, tvamyeva taṃ gaṇhā”ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma maṃ paṭhamataraṃ uyyojetvā tāvatimsaṃ gantvā pārīcchattakapupphaṃ gahetvā paṭhamataraṃ āgantvā agyāgāre nisīdissati, na tveva ca kho arahā yathā aha”nti.

Tena kho pana samayena te jaṭilā aggim paricaritukāmā na sakkonti kaṭṭhāni phāletuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo yathā mayaṃ na sakkoma kaṭṭhāni phāletu”nti. Atha kho bhagavā uruvelakassapaṃ jaṭilaṃ etadavoca – “phāliyaṃ, kassapa, kaṭṭhāni”ti. “Phāliyaṃ, mahāsamaṇā”ti. Sakideva pañca kaṭṭhasatāni phāliyaṃsu. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma kaṭṭhāni phāliyaṃsu, na tveva ca kho arahā yathā aha”nti.

Tena kho pana samayena te jaṭilā aggim paricaritukāmā na sakkonti aggim ujjāletuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo yathā mayaṃ na sakkoma aggim ujjāletu”nti. Atha kho bhagavā uruvelakassapaṃ jaṭilaṃ etadavoca – “ujjaliyaṃ, kassapa, aggī”ti. “Ujjaliyaṃ, mahāsamaṇā”ti. Sakideva pañca aggisatāni ujjaliyaṃsu. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma aggī phāliyaṃsu, na tveva ca

kho arahā yathā aha’nti.

Tena kho pana samayena te jaṭilā aggim paricaritvā na sakkonti aggim vijjhāpetuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo yathā mayaṃ na sakkoma aggim vijjhāpetu”nti. Atha kho bhagavā uruvelakassapaṃ jaṭilaṃ etadavoca – “vijjhāyantu, kassapa, aggī”ti. “Vijjhāyantu, mahāsamaṇā”ti. Sakideva pañca aggisatāni vijjhāyimsu. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma aggīpi vijjhāyissanti, na tveva ca kho arahā yathā aha’nti.

Tena kho pana samayena te jaṭilā sītāsu hemantikāsu rattīsu antaraṭṭhakāsu himapātasamaye najjā nerañjarāya ummujjantipi nimujjantipi ummujjananimujjanampi karonti. Atha kho bhagavā pañcamattāni mandāmukhisatāni abhinimmini yatha te jaṭilā uttaritvā visibbesuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo yathayimā mandāmukhiyo nimmitā”ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma tāva bahū mandāmukhiyopi abhinimminissati, na tveva ca kho arahā yathā aha’nti.

Tena kho pana samayena mahā akālamegho pāvassi, mahā udakavāhako sañjāyī, yasmiṃ padese bhagavā viharatī so padeso udakena na otthaṭo hotī. Atha kho bhagavato etadahosi – “yaṃnūnāhaṃ samantā udakaṃ ussāretvā majjhe reṇuhatāya bhūmiyā caṅkameyya”nti. Atha kho bhagavā samantā udakaṃ ussāretvā majjhe reṇuhatāya bhūmiyā caṅkami. Atha kho uruvelakassapo jaṭilo “māheva kho mahāsamaṇo udakena vūlho ahoṣī”ti nāvāya sambahulehi jaṭilehi saddhiṃ yasmiṃ padese bhagavā viharatī, taṃ padesaṃ agamāsi. Addasā kho uruvelakassapo jaṭilo bhagavantaṃ samantā udakaṃ ussāretvā majjhe reṇuhatāya bhūmiyā caṅkamantaṃ, disvāna bhagavantaṃ etadavoca – “idaṃ nu tvaṃ, mahāsamaṇā”ti. “Ayamahamasmi, kassapā”ti bhagavā vehāsaṃ abbhuggantvā nāvāya paccuṭṭhāsi. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma udakampi na pavāhissatī, na tveva ca kho arahā yathā aha’nti.

Atha kho bhagavato etadahosi – “cirampi kho imassa moghapurisassa evaṃ bhavissati ‘mahiddhiko kho mahāsamaṇo mahānubhāvo, na tveva ca kho arahā yathā aha’nti, yaṃnūnāhaṃ imaṃ jaṭilaṃ saṃvejeyya’nti. Atha kho bhagavā uruvelakassapaṃ jaṭilaṃ etadavoca – “neva ca kho tvaṃ, kassapa, arahā, nāpi arahattamaggasamāpanno, sāpi te paṭipadā natthi, yāya tvaṃ arahā vā assasi arahattamaggaṃ vā samāpanno”ti. Atha kho uruvelakassapo jaṭilo bhagavato pādesu sirasā nipatitvā bhagavantaṃ etadavoca – “labheyyāhaṃ, bhante, bhagavato santike pabbajjaṃ, labheyyaṃ upasampada”nti. “Tvaṃ khosi, kassapa, pañcannaṃ jaṭilasatānaṃ nāyako vināyako aggo pamukho pāmokkho, tepī tāva apalokehi, yathā te maññissanti, tathā te karissanti”ti. Atha kho uruvelakassapo jaṭilo yena te jaṭilā tenupasaṅkami; upasaṅkamitvā te jaṭile etadavoca – “icchāmahaṃ, bho, mahāsamaṇe brahmacariyaṃ carituṃ, yathā bhavanto maññanti tathā karontū”ti. “Cirapaṭikā mayaṃ, bho, mahāsamaṇe abhippasannā, sace bhavaṃ mahāsamaṇe brahmacariyaṃ carissati, sabbeva mayaṃ mahāsamaṇe brahmacariyaṃ carissāmā”ti. Atha kho te jaṭilā kesamissaṃ jaṭāmissaṃ khārikājamissaṃ aggihutamissaṃ udae pavāhetvā yena bhagavā tenupasaṅkamiṃsu; upasaṅkamitvā bhagavato pādesu sirasā nipatitvā bhagavantaṃ etadavocuṃ – “labheyyāma mayaṃ, bhante, bhagavato santike pabbajjaṃ, labheyyāma upasampada”nti. “Etha, bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesam āyasmantānaṃ upasampadā ahoṣi.

Addasā kho nadīkassapo jaṭilo kesamissaṃ jaṭāmissaṃ khārikājamissaṃ aggihutamissaṃ udae vuyhamāne, disvānassa etadahosi – “māheva me bhātuno upasaggo ahoṣī”ti, jaṭile pāhesi – “gacchatha me bhātaraṃ jānāthā”ti, sāmāñca tīhi jaṭilasatehi saddhiṃ yenāyasmā uruvelakassapo tenupasaṅkami; upasaṅkamitvā āyasmantaṃ uruvelakassapaṃ etadavoca – “idaṃ nu kho, kassapa, seyyo”ti? “Āmāvuso, idaṃ seyyo”ti. Atha kho te jaṭilā kesamissaṃ jaṭāmissaṃ khārikājamissaṃ aggihutamissaṃ udae pavāhetvā yena bhagavā tenupasaṅkamiṃsu; upasaṅkamitvā bhagavato pādesu sirasā nipatitvā bhagavantaṃ etadavocuṃ – “labheyyāma mayaṃ, bhante, bhagavato santike pabbajjaṃ, labheyyāma upasampada”nti. “Etha, bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesam āyasmantānaṃ upasampadā ahoṣi.

Addasā kho gayākassapo jaṭilo kesamissaṃ jaṭāmissaṃ khārikājamissaṃ aggihutamissaṃ uduke vuyhamāne, disvānassa etadahosi – “māheva me bhātūnaṃ upasaggo ahoṣī”ti, jaṭile pāhesi – “gacchatha me bhātaro jānāthā”ti, sāmāñca dvīhi jaṭilasatehi saddhiṃ yenāyasmā uruvelakassapo tenupasāṅkami; upasāṅkamitvā āyasmantaṃ uruvelakassapaṃ etadavoca – “idaṃ nu kho, kassapa, seyyo”ti? “Āmāvuso, idaṃ seyyo”ti. Atha kho te jaṭilā kesamissaṃ jaṭāmissaṃ khārikājamissaṃ aggihutamissaṃ uduke pavāhetvā yena bhagavā tenupasāṅkamiṃsu; upasāṅkamitvā bhagavato pādesu sirasā nipatitvā bhagavantaṃ etadavocuṃ – “labheyyāma mayaṃ, bhante, bhagavato santike pabbajjaṃ, labheyyāma upasampada”nti. “Etha, bhikkhavo”ti, bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesāṃ āyasmantānaṃ upasampadā ahoṣi.

“Bhagavato adhiṭṭhānena pañca kaṭṭhasatāni na phāliyaṃsu, phāliyaṃsu, aggī na ujjaliyaṃsu, ujjaliyaṃsu, na vijjhāyaṃsu, vijjhāyaṃsu, pañca mandāmukhisatāni abhinimmini, etena nayena aḍḍhuḍḍhapāṭihāriyasahassāni honti.

“Atha kho bhagavā uruvelāyaṃ yathābhirantaṃ viharitvā yena gayāsīsaṃ tena cārikaṃ pakkāmi mahatā bhikkhusaṅghena saddhiṃ sahasena sabbeheva purāṇajaṭilehi. Tatra sudam bhagavā gayāyaṃ viharati gayāsīse saddhiṃ bhikkhusahassena. Tatra kho bhagavā bhikkhu āmantesi (saṃ. ni. 4.28) – ‘sabbaṃ, bhikkhave, ādittaṃ, kiñca, bhikkhave, sabbaṃ ādittaṃ, cakkhu, bhikkhave, ādittaṃ, rūpā ādittā, cakkhuviññāṇaṃ ādittaṃ, cakkhusamphasso āditto, yamidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ, rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi? Sotaṃ ādittaṃ, saddā ādittā...pe... ghānaṃ ādittaṃ, gandhā ādittā...pe... jivhā ādittā, rasā ādittā...pe... kāyo āditto, phoṭṭhabbā ādittā...pe... mano āditto, dhammā ādittā, manoviññāṇaṃ ādittaṃ, manosamphasso āditto, yamidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ, rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi āditta”nti vadāmi.

“Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuviññāṇepi nibbindati, cakkhusamphassepi nibbindati, yamidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Sotasmimpi nibbindati, saddesupi nibbindati...pe... ghānasmimpi nibbindati, gandhesupi nibbindati...pe... jivhāyapi nibbindati, rasesupi nibbindati...pe... kāyasmimpi nibbindati, phoṭṭhabbesupi nibbindati...pe... manasmimpi nibbindati, dhammesupi nibbindati, manoviññāṇepi nibbindati, manosamphassepi nibbindati, yamidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati, virāgā vimuccati, vimuttasmiṃ vimuttamiti ñāṇaṃ hoti, ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā”ti pajānāti”ti.

Imasmañca pana veyyākaraṇasmiṃ bhaññamāne tassa bhikkhusahassassa anupādāya āsavehi cittāni vimuccīṃsu.

29. Evaṃ ādittapariyāyadesanaṃ sutvā saha paṭisambhidāhi arahattaṃ sampatto nadīkassapo thero somanassajāto attano pubbacaritāpadānaṃ pakāsento **padumuttarassa bhagavatoti**ādīmāha. Tattha **aggaphalanti** uttamaphalaṃ, attanā ropitaambarukkhassa ādimhi gahitaphalaṃ vā. Sesāṃ suviññeyyamevāti.

Nadīkassapattheraapadānavañṇanā samattā.

3. Gayākassapattheraapadānavañṇanā

Tatiyāpadāne **ajinacammavatthohanti**ādikaṃ āyasmato gayākassapattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayaṃ kusalaṃ upacinanto ito ekatiṃsakappe

sikhissa bhagavato kāle kulagehe nibbatta viññutaṃ patto nissaraṇajjhāsayatāya gharāvāsaṃ pahāya tāpasapabbajjaṃ pabbajitvā araññāyatane assamaṃ māpetvā vanamūlaphalāhāro vasati. Tena ca samayena bhagavā eko adutiyo tassa assamasamīpenāgacchi, so bhagavantaṃ disvā pasannamānaso upasaṅkamitvā vanditvā ekamantaṃ ṭhito velaṃ olokeno manoharāni kolaphalāni satthu upanesi. So tena puññakammena devamanussesu saṃsaranto imasmiṃ buddhuppāde brāhmaṇakule nibbattitvā vayappatto nissaraṇajjhāsayatāya gharāvāsaṃ pahāya tāpasapabbajjaṃ pabbajitvā dvīhi tāpasasatehi saddhiṃ gayāya viharati. Gayāya vasanato hissa kassapagottatāya ca **gayākassapoti** samañña ahoṣi. So bhagavato saddhiṃ parisāya ehibhikkhūpasampadaṃ datvā nadikassapassa vuttanayena ādittapariyāya desanāya ovadiyamāno arahatte patiṭṭhāsi.

35. So arahattaṃ patvā somanassajāto attano pubbacaritāpadānaṃ pakāseto **ajinacammavattahantā**tiādīmāha. Tattha **ajinacammavattoti** tāpasapabbajitattā ajinacammaṇivāsanapāvuraṇoti attho. **Khāribhāradharoti** tāpasakāle tāpasaparikkhāraparipuññaḥājadharoti attho. Khārikatāpasaparikkhāre pūretvā. **Kolaṃ ahāsi assamanti** kolaphalaṃ assame pūretvā assame nisinnoti attho. **Agopayinti** pāṭhe kolaphalaṃ pariyesitvā assamaṃ gopesiṃ rakkhinti attho. Sesamaṃ sabbaṃ uttānatthamevāti.

Gayākassapattheraapadānavaṇṇanā samattā.

4. Kimilattheraapadānavaṇṇanā

Catutthāpadāne **nibbute kakusandhamhīti**ādikaṃ āyasmato kimilattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññaṇi upacinanto kakusandhassa bhagavato kāle kulagehe nibbattitvā viññutaṃ patto parinibbute sathari tassa dhātuyo uddissa salalamālāhi maṇḍapaṃ kāretvā pūjama akāsi. So tena puññakammena tāvatimsesu uppajjitvā aparāparaṃ devamanussesu saṃsaranto imasmiṃ buddhuppāde kapilavattunagare sakyaṛājakule nibbattitvā **kimiloti** tassa nāmaṃ akāsi. So vayappatto bhogasampattiyā pamatto viharati. Tassa ñāṇaparipākaṃ ñatvā saṃvegajananatthaṃ anupiyāyaṃ viharanto sathā paṭhamayobbane ṭhitaṃ ramaṇīyaṃ itthirūpaṃ abhinimminitvā purato dassetvā puna anukkamena yathā jarārogavipattīhi abhibhūtā dissati, tathā akāsi. Taṃ disvā kimilakumāro ativiya saṃvegajāto attano saṃvegaṃ pakāseto bhagavato pākaṭaṃ katvā laddhānūsāso arahattaṃ pāpuṇi.

42. So arahattaṃ patvā somanassajāto attano pubbacaritāpadānaṃ pakāseto **nibbute kakusandhamhīti**ādīmāha. **Brāhmaṇamhi vusīmatīti** pañcahi vasitāhi vasippattamhi bhagavati. Brāhmaṇassa sabbaguṇagaṇehi maṇḍitattā abhivūlhitattā brāhmaṇamhi kakusandhe bhagavati parinibbuteti attho. Sesamaṃ sabbaṃ uttānamevāti.

Kimilattheraapadānavaṇṇanā samattā.

5. Vajjiputtattheraapadānavaṇṇanā

Sahassaraṃsī bhagavātiādikaṃ āyasmato vajjiputtattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayaṃ puññaṃ upacinanto ito catunavutikappe ekaṃ paccakabuddhaṃ bhikkhāya gacchantaṃ disvā pasannamānaso kadaliphalāni adāsi. So tena puññakammena devamanussesu saṃsaranto imasmiṃ buddhuppāde vesāliyaṃ licchavirājakumāro hutvā nibbatti, vajjirājaputtattā **vajjiputtot**vevassa samañña. So daharo hutvā hatthisippādisikkhanakālepi hetusampannatāya nissaraṇajjhāsayaova hutvā vicaranto satthu dhammadesanaṃ sutvā paṭiladdhasaddho satthu santike pabbajitvā vipassanāya kammaṃ katvā nacirasseva chaḷabhiñño ahoṣi. Chaḷabhiñño pana hutvā aparabhāge aciraparinibbute sathari dhammaṃ saṅgāyituma saṅketaṃ katvā mahātheresu tattha tattha viharantesu ekadivasaṃ āyasmantaṃ ānandaṃ sekhaṃyeva samānaṃ mahatīyā parisāya parivutaṃ dhammaṃ desentaṃ disvā tassa uparimaggādhigamāya ussāhaṃ janento –

“Rukkhamūlagahanam pasakkiya, nibbānam hadayasmim opiya;
Jhāya gotama mā ca pamādo, kim te bilibilikā karissatī”ti. (theragā. 119) – gātham abhāsi;

Tattha **rukkhamūlagahananti** rukkhamūlabhūtam gahanam, gahanañhi atthi, na rukkhamūlam, rukkhamūlañca atthi, na gahanam, tesu rukkhamūlaggahaṇena ṭhānassa chāyāya sampannatāya vātātapaparissayābhāvaṃ dīpeti, gahanaggahaṇena nivātabhāvena vātāparissayābhāvaṃ janasambādhabhāvañca dasseti, tadubhayena ca bhāvanāyogyatam. **Pasakkiyāti** upagantvā. **Nibbānam hadayasmim opiyāti** “evam mayā paṭipajjitvā nibbānam adhigantabba”nti nibbutim hadaye ṭhapetvā citte katvā. **Jhāyāti** tilakkhaṇūpanijjhānena jhāya, vipassanābhāvanāsahitam maggabhāvanam bhāvehi. **Gotamāti** dhammabhaṇḍagārikam gottenālapati. **Mā ca pamādoti** adhikusalesu dhammesu mā pamādam āpajji. Idāni yādiso therassa pamādo, tam paṭikkhepavasena dassento “**kim te bilibilikā karissatī**”ti āha. Tattha **bilibilikāti** bilibilikiriyā, bilibilitisaddapavatti yathā niratthakā, evam bilibilikāsadisā janapaññatti. **Kim te karissatī**ti kīdisam attham tuyham sādhesati, tasmā janapaññattim pahāya sadatthapasuto hohīti ovādam adāsi.

Tam sutvā aññehi vuttana vissagandhavāyanavacanena samvegajāto bahudeva rattim caṅkamaena vītināmento vipassanam ussukkāpetvā senāsanam pavisitvā mañcake nisinnamattova “kiñci sayāmī”ti sīsam bimbohanamasampattam pādam bhūmito uggatam sarīrassa ākāsagatakkhaṇeyeva arahattam pāpuṇi.

49. Vajjiputtatthero aparabhāge somanassajāto attano pubbacaritāpadānam pakāsento **sahassaramsī bhagavāti**tiādimāha. Tattha **sahassaramsī**ti ettha “anekasatasahassaramsī”ti vattabbe gāthābandhasukhattham “sahassaramsī”ti vuttanti veditabbam. Sesam suviññeyamevāti.

Vajjiputtattheraapadānavañṇanā samattā.

6. Uttarattheraapadānavañṇanā

Chaṭṭhāpadāne **sumedho nāma sambuddhoti**tiādikam āyasmato uttarasāmaṇerassa apadānam. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto sumedhassa bhagavato kāle vijjādhāro hutvā ākāseṇa vicarati. Tena ca samayena satthā tasseva anuggaṇhanattham vanantare aññatarasmim rukkhamūle nisīdi chabbaṇṇabuddharamsiyo vissajjento. So antalikkhena gacchanto bhagavantam disvā pasannamānaso ākāso oruyha suvisuddhehi vipulehi kaṇikārapupphehi bhagavantam pūjesi, pupphāni buddhānubhāvena satthu upari chattākāreṇa aṭṭhamso, so tena bhīyosomattāya pasannacitto hutvā aparabhāge kālam katvā tāvatimsesu nibbattitvā dibbasampattim anubhavanto yāvātāyukam tattha ṭhatvā tato cuto devamanussesu saṃsaranto imasmim buddhuppāde rājagahe brāhmaṇamahāsālassa putto hutvā nibbatti, **uttarotissa** nāmam ahoṣi. So viññutam patto brāhmaṇavijjāsu nipphattim gantvā jātiyā rūpena vijjāya vayena sīlācāreṇa ca lokassa sambhāvanīyo jāto.

Tassa tam sampattim disvā vassakāro magadhamahāmatto attano dhītaram dātukāmo hutvā attano adhippāyam pavedesi. So nissaraṇajjhāsayatāya tam paṭikkhipitvā kāleṇa kālam dhammasenāpatim payirupāsanto tassa santike dhammam sutvā paṭiladdhasaddho pabbajitvā vattasampanno hutvā theram upaṭṭhahati.

Tena ca samayena therassa aññataro ābādho uppanno, tassa bhesajjathāya uttaro sāmaṇero pātova pattacīvaramādāya vihārato nikkhanto antarāmagge taḷākassa samīpe pattam ṭhapetvā udakasamīpaṃ gantvā mukham dhovati. Atha aññataro umaṅgacoro katakammo ārakkhapurisehi anubaddho aggamaggena nagarato nikkhamitvā palāyanto attanā gahitam ratanabhaṇḍitam sāmaṇerassa patte pakkhipitvā palāyi. Sāmaṇeropi pattasamīpaṃ upagato. Coram anubandhantā rājapurisā sāmaṇerassa patte bhaṇḍikam disvā “ayaṃ coro, iminā coriyam kata”nti sāmaṇeram pacchābāham bandhitvā vassakārassa brāhmaṇassa dassesum. Vassakāro ca tadā rañño vinicchaye niyutto hutvā chejjabhejjam anusāsati, so “pubbe mama vacanam nādiyī, suddhapāsaṇḍīyesu pabbajī”ti (theragā. aṭṭha. 1.uttarattheragāthāvāṇṇanā) kammam asodhetvā ghātukāmattāva jīvantameva tam sūle uttāsesi.

Athassa bhagavā ñāṇaparipākaṃ oloketvā taṃ t̥hānaṃ gantvā vipphurantahatthanakhamāṇimayūkhasambhinnaśītābhātāya paggharantajātihinṅgulakasuvaṇṇarasadhāraṃ viya jālāguṇṭhitamudatalunadīghaṅgulihatthaṃ uttarassa sīse t̥hapetvā “uttara, idaṃ te purimakammasa phalaṃ uppannaṃ, tattha tayā paccavekkhaṇabalena adhivāsana kātābbā”ti vatvā ajjhāsayanurūpaṃ dhammaṃ desesi. Uttaro amatābhisekasadisena satthu hatthasamphassena sañjātapasādasomanassatāya ulārapītipāmojjaṃ paṭilabhivā yathāparicitaṃ vipassanāmaggaṃ samārūho ñāṇassa paripākaṃ gatattā satthu ca desanāvīlāsena tāvadeva maggapaṭipāṭiyā sabbe kilese khepetvā chaḷabhiñño ahoṣi. Chaḷabhiñño pana hutvā sūlato utt̥hahitvā parānuddayāya ākāse t̥hatvā pāṭihāriyaṃ dassesi. Mahājano acchariyabbhūtacittajāto ahoṣi. Tāvadevassa vaṇo saṃrūhi, so bhikkhūhi, “āvuso, tādīsadukkhaṃ anubhavanto kathaṃ tvaṃ vipassanaṃ anuyuñjituṃ asakkhī”ti puṭṭho, “pageva me, āvuso, saṃsāre ādīnavo, saṅkhārānaṃ sabhāvo sudiṭṭho, evāhaṃ tādīsaṃ dukkhaṃ anubhavantopi asakkhiṃ vipassanaṃ vadḍhetvā visesaṃ adhigantu”nti āha. “Pubbajāṭiyā daharakāle makkhikaṃ gahetvā nimbasūlakaṃ gahetvā sūlāropanakīlaṃ paṭicca evaṃ anekajāṭīsatesu sūlāropanadukkhamanubhavitvā imāya pariyoṣāṇajāṭiyā evarūpaṃ dukkhamanubhūta”nti āha.

55. Atha aparabhāge pubbakammaṃ saritvā somanassajāto pubbacaritāpadānaṃ pakāṣento **sumedho nāma sambuddhoti**ādīmāha. Tattha anuttānapadaṇṇanameva karissāma.

57. Vijjādharo tadā āsinti bāhirakamantādivijjāsiddhiyā ākāśagāmisamattho hutvā caraṇavasena taṃ vijjaṃ rakkhitvā avināsetvā parihaṇavasena vijjādharaṇi āsiṃ ahoṣinti attho. **Antalikkhacaro ahanti** antaṃ pariyoṣānaṃ koṭiṃ likhate saṃkarissatīti antalikkhaṃ. Atha vā antaṃ pariyoṣānaṃ likhyate olokiyate etenāti antalikkhaṃ, tasmim̐ antalikkhe, ākāse caraṇasīlo ahanti attho. **Tisūlaṃ sukataṃ gayhāti** tikhiṇaṃ sūlaṃ, aggaṃ āvudhaṃ. Tisūlaṃ sundaraṃ kataṃ, koṭṭanaghaṃsanamaddanapahaṇavasena suṭṭhu kataṃ sūlāvudhaṃ gayha gahetvā ambarato gacchāmīti attho. Sesāṃ sabbaṃ heṭṭhā vuttanayattāva nayānuyogena suviññeyyamevāti.

Uttarattheraapadānaṇṇanā samattā.

7. Aparauttarattheraapadānaṇṇanā

Sattamāpadāne **nibbute lokanāthamhīti**ādikaṃ āyasmato aparassa uttarattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto ito catunnavutikappe siddhatthassa bhagavato kāle kulagehe nibbattitvā vayappatto viññutaṃ patvā sāsane laddhappasādo hutvā upāsakattaṃ nivedesi. So satthari parinibbute attano ñātake sannipātetvā bahupūjāsakkāraṃ saṃharitvā dhātupūjaṃ akāsi. So tena puññakamma devamanussesu saṃsaranto imasmim̐ buddhuppāde sākete brāhmaṇakule nibbattitvā **uttaroti** laddhanāmo vayappatto kenacideva karaṇīyena sāvattiṃ gato kaṇḍambamūle kataṃ yamakapāṭihāriyaṃ disvā pasīditvā puna kālakārāmasuttadesanāya abhivaḍḍhamānasaddho pabbajitvā satthārā saddhiṃ rājagahaṃ gantvā upasampadaṃ labhitvā tatheva caranto vipassanaṃ paṭṭhapetvā nacirasseva chaḷabhiñño ahoṣi. Chaḷabhiñño pana hutvā satthari sāvattiyaṃ viharante buddhupaṭṭhānatthaṃ rājagahaṭo sāvattiṃ upagato bhikkhūhi – “kiṃ, āvuso, pabbajjākiccaṃ tayā matthakaṃ pāpita”nti puṭṭho aññaṃ byākāsi.

93. Arahattaṃ pana patvā somanassajāto attano pubbacaritāpadānaṃ pakāṣento **nibbute lokanāthamhīti**ādīmāha. Taṃ sabbaṃ heṭṭhā vuttanayattā uttānatthamevāti.

Aparauttarattheraapadānaṇṇanā samattā.

8. Bhaddajittheraapadānaṇṇanā

Aṭṭhamāpadāne **ogayhāhaṃ pokkharāṇinti**ādikaṃ āyasmato bhaddajittherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle brāhmaṇakule nibbattitvā viññutaṃ patto brāhmaṇānaṃ vijjāsippesu pāraṃ gantvā kāme

pahāya tāpasapabbajjaṃ pabbajitvā araṇṇāyatane assamaṃ kāretvā vasanto ekadivasam sathhāraṃ ākāseṇa gacchantam disvā pasannamānaso añjaliṃ paggayha aṭṭhāsi. Sathhā tassa ajjhāsayaṃ disvā ākāseṇa otari. Otiṇṇassa pana bhagavato madhuñca bhisamuḷālañca sappikhīrañca upanāmesi, tassa taṃ bhagavā anukammaṃ upādāya paṭiggahetvā anumodanaṃ katvā pakkāmi. So tena puñṇakammaṇa tusitesu nibbatto tattha yāvatāyukaṃ ṭhatvā tato cuto aparāparaṃ sugatīsuveva saṃsaranto vipassissa bhagavato kāle mahaddhano seṭṭhi hutvā aṭṭhasaṭṭhibhikkhusatasahassaṃ bhojetvā ticīvarena acchādesi.

Evam bahuṃ kusalam katvā devaloke nibbatti. Tattha yāvatāyukaṃ ṭhatvā tato cavitvā manussalokesu uppanno buddhasuñṇe loke pañca paccekabuddhasatāni catūhi paccayehi upaṭṭhahitvā tato cuto rājakule nibbattitvā rajjaṃ anusāsanto attano puttaṃ paccekabodhiṃ adhigantvā ṭhitaṃ upaṭṭhahitvā tassa parinibbutassa dhātuyo gahetvā cetiyaṃ katvā pūjesi. Evam tattha tattha tāni tāni puñṇāni katvā imasmiṃ buddhuppāde bhaddiyanagare asīkoṭivibhavassa bhaddiyaseṭṭhissa ekaputtako hutvā nibbatti, **bhaddajī**tissa nāmaṃ ahosi. Tassa kira issariyabhogaparivārasampatti carimabhava bodhisattassa viya ahosi.

Tadā sathhā sāvatthiyaṃ vasitvā bhaddajikumāraṃ saṅgaṇhanatthāya mahatā bhikkhusaṅghena saddhiṃ bhaddiyanagaraṃ gantvā jātiyāvane vasi tassa ṇāṇaparipākaṃ āgamayamāno. Sopi uparipāsāde nisinnō sīhapañjaraṃ vivaritvā olokeno bhagavato santike dhammaṃ sotuṃ gacchantam mahājanaṃ disvā, “katthāyaṃ mahājano gacchatī”ti pucchitvā taṃ kāraṇaṃ sutvā sayampi mahatā parivārena satthu santikaṃ gantvā dhammaṃ suṇanto sabbābharaṇapaṭimaṇḍitova sabbakilese khepetvā arahattaṃ pāpuṇi. Arahatte pana tena adhigate sathhā bhaddiyaseṭṭhiṃ āmantesi – “tava putto alaṅkatapaṭiyatto dhammaṃ suṇanto arahatte patiṭṭhāsi, tenassa idāneva pabbajituṃ yuttaṃ, no ce pabbajissati, parinibbāyissati”ti. Seṭṭhi “na mayhaṃ puttassa daharasseva sato parinibbānena kiccaṃ atthi, pabbājetha na”nti āha. Taṃ sathhā pabbājetvā upasampādetvā tattha sattāhaṃ vasitvā koṭigāmaṃ pāpuṇi, so ca gāmo gaṅgātīre ahosi. Koṭigāmaṃvāsino ca buddhappamukhassa bhikkhusaṅghassa mahādānaṃ pavattesuṃ. Bhaddajitthero sathhārā anumodanāya āradhamattāya bahigāmaṃ gantvā “gaṅgātīre maggasaṃīpe satthu āgatakāle vuṭṭhahissāmī”ti kālaparicchedaṃ katvā aññatarasmiṃ rukkhamaḷe samāpattim samāpajjitvā nisīdi. Mahātheresu āgacchantesuṃ avuṭṭhahitvā satthu āgatakāleyeva vuṭṭhāsi. Puthujjanā bhikkhū – “ayaṃ adhunā pabbajito, mahātheresu āgacchantesu mānathaddho hutvā na vuṭṭhāsi”ti ujjhāyimsu.

Koṭigāmaṃvāsino satthu bhikkhusaṅghassa ca bahū nāvāsaṅghāte bandhimsu. Sathhā “bhaddajissānubhāvaṃ pakāsemī”ti nāvāya ṭhatvā “kahaṃ bhaddajī”ti pucchi. Bhaddajitthero – “sohaṃ, bhante”ti sathhāraṃ upasaṅkamitvā añjaliṃ katvā aṭṭhāsi. Sathhā “ehi, bhaddaji, amhehi saddhiṃ ekanāvaṃ abhiruhā”ti. So uppatitvā satthu ṭhitanāvāyaṃ aṭṭhāsi. Sathhā gaṅgāya majjhe gatakāle, “bhaddaji, tayā mahāpanādakāle ajjhāvuṭṭharatanapāsādo kaha”nti āha. “Imasmiṃ ṭhāne nimuggo, bhante”ti. “Tena hi, bhaddaji, sabrahmacārīnaṃ kaṅkhaṃ chindā”ti. Tasmim khaṇe thero sathhāraṃ vanditvā iddhibalena gantvā pāsādathūpikaṃ pādaṅgulantarena sannirujjhivā pañcavīsatiyojanaṃ pāsādaṃ gahetvā ākāse uppati, uppatanto ca pañṇāsāyojanāni ukkhipi. Athassa purimabhava ṇātakā pāsādagatena lobhena macchakacchapamaṇḍūkā hutvā nibbattā tasmim pāsāde uṭṭhahante parivattitvā patiṃsu. Sathhā te sampatante disvā “ṇātakā te, bhaddaji, kilamantī”ti āha. Thero satthu vacanena pāsādaṃ vissajjesi. Pāsādo yathāṭṭhāneyeva patiṭṭhahi. Sathhā pāraṅgato bhikkhūhi – “kadā, bhante, bhaddajittherena ayaṃ pāsādo ajjhāvuṭṭho”ti puṭṭho **mahāpanādajātakaṃ** (jā. 1.3.40 ādayo) kathetvā bahujanaṃ dhammāmatam pāyesi.

98. Thero pana arahattaṃ patto pubbasambhāraṃ saritvā somanassajāto pubbacaritāpadānaṃ pakāsetuṃ **ogayhāhaṃ pokkharāṇinti**ādīmāha. Tattha **ogayhāhaṃ pokkharāṇinti** puthunānānekamahoghehi khaṇitattā “pokkharāṇi”ti laddhanāmaṃ jalāsayaṃ ogayha ogahetvā pavisitvā ajjhogāhetvā ghāsahetukhādanatthāya tattha pokkharāṇiyaṃ pavisitvā **bhisam** padumapuṇḍarikamūlaṃ uddharāmīti attho. Sesam heṭṭhā vuttanayattā uttānapadatthattā ca nayānusārena suviñṇeyyamevāti.

Bhaddajittheraapadānavaṇṇanā samattā.

9. Sivakattheraapadānavaṇṇanā

Navamāpadāne **esanāya carantassāti**ādikaṃ āyasmato sivakattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto vipassissa bhagavato kāle kulagehe nibbattivā viññutaṃ patto ekadivasam bhagavantam piṇḍāya carantaṃ disvā pasannamānaso pattaṃ ādāya kummāsassa pūretvā adāsi. So tena puññakammena devamanussesu saṃsaranto imasmim buddhuppāde rājagahe brāhmaṇakulagehe nibbattivā **sivakotissa** nāmaṃ ahoṣi. So vayappatto vijjāsippesu nipphattiṃ gato nekkhammajjhāsayatāya kāme pahāya tāpasapabbajjam pabbajitvā vicaranto sathhāraṃ upasaṅkamitvā dhammaṃ sutvā paṭiladdhasaddho pabbajitvā vipassanāya kammaṃ karonto nacirasseva arahattaṃ pāpuṇi.

117. Arahattaṃ patvā somanassajāto attano pubbacaritāpadānaṃ pakāseno **esanāya carantassāti**ādimaṃha. Taṃ sabbaṃ suviññeyyamevāti.

Sivakattheraapadānavañṇanā samattā.

10. Upavānattheraapadānavañṇanā

Dasamāpadāne **padumuttaro nāma jinoti**ādikaṃ āyasmato upavānattherassa apadānaṃ. Ayaṃ kira purimabuddhesu katādhikāro tattha tattha bhava vivaṭṭūpanissayāni puññāni upacinanto kenaci kammacchiddena padumuttarassa bhagavato kāle dalliddakule nibbattivā viññutaṃ patto bhagavati parinibbute tassa dhātuṃ gahetvā manussadevanāgagaruḷayakkhakumbhaṇḍagandhabbehi sattaratanamaye sattayojanike thūpe kate tattha sudhotam attano uttarāsaṅgam veḷagge ābandhitvā dhajam katvā pūjam akāsi. Taṃ gahetvā abhisammatako nāma yakkhasenāpati devehi cetiyapūjarakkhaṇattham ṭhapito adissamānakāyo ākāse dhārento cetiyam tikkhattum padakkhiṇam akāsi. Taṃ disvā bhiyyosomattāya pasannamānaso ahoṣi. So tena puññakammena devamanussesu saṃsaranto imasmim buddhuppāde sāvattiyam brāhmaṇakule nibbattivā **upavānoti** laddhanāmo vayappatto jetavanapaṭiggahaṇe buddhānubhāvaṃ disvā paṭiladdhasaddho pabbajitvā vipassanāya kammaṃ karonto chaḷabhiñño ahoṣi. Athāyasmā upavāno bhagavato upaṭṭhāko ahoṣi. Tena ca samayena bhagavato vātābādho uppajji. Therassa gihisahāyo devahito nāma brāhmaṇo sāvattiyam paṭivasati. So theram catūhi paccayehi pavāresi. Athāyasmā upavāno nivāsetvā pattacīvaram gahetvā tassa brāhmaṇassa nivesanam upagañchi. Brāhmaṇo “kenaci maññe payojanena thero āgato bhavissati”ti ṇatvā “vadeyyātha, bhante, kenattho”ti āha. Thero tassa brāhmaṇassa payojanam ācikkhanto –

“Araham sugato loke, vātehābādhiko muni;
Sace uṇhodakam atthi, munino dehi brāhmaṇa.

“Pūjito pūjaneyyānaṃ, sakkareyyāna sakkato;
Apacitopaceyyānaṃ, tassa icchāmi hātave”ti. (theragā. 185-186) –

Gāthāvayaṃ abhāsi.

Tassattho – yo imasmim loke pūjaneyyānaṃ pūjetabbehi sakkādīhi devehi mahābrahmādīhi ca brahmehi pūjito, sakkareyyānaṃ sakkātabbehi bimbisāraṅkosalarājādīhi sakkato, apaceyyānaṃ apacāyitabbehi mahesīhi khīṇāsavehi apacito, kilesehi ārakattādinā araham, sobhanagamanādinā sugato sabbaññū muni mayham satthā devadevo sakkānaṃ atisakko brahmānaṃ atibrahmā, so dāni vātehi vātahetu vātakkhobhanimittam ābādhiko jāto. Sace, brāhmaṇa, uṇhodakam atthi, tassa vātābādhavūpasamanattham tam hātave upanetaṃ icchāmīti.

Tam sutvā brāhmaṇo uṇhodakam tadanurūpaṃ vātaharaṇca bhesajjam bhagavato upanāmesi. Tena ca satthu rogo vūpasami. Tassa bhagavā anumodanam akāsi.

122. Athāyasmā upavāno aparabhāge attano pubbakammaṃ saritvā somanassajāto pubbacaritāpadānaṃ pakāseno **padumuttaro nāma jinoti**ādimaṃha. Tattha **padumuttaroti**ādini pubbe

vuttatthāneva.

123. Mahājanā samāgammāti sakalajambudīpavāsino rāsibhūtāti attho. **Citakaṃ katvā**ti yojanubbedhaṃ candanarāsicitakaṃ katvā bhagavato sarīraṃ tattha abhiropayimsūti sambandho.

124. Sarīrakiccaṃ katvānāti ādahanāti agginā dahanakiccaṃ katvāti attho.

127-28. Jaṅghā maṇimayā āsīti manussehi katathūpe jaṅghā pupphavāhatthaṃ caritaṭṭhānaṃ maṇimayā indanīlamaṇinā katāti attho. **Mayampī**ti sabbe devā thūpaṃ karissāmāti attho.

129. Dhātu āveṇikā natthīti devamanussehi visuṃ visuṃ cetiyaṃ kātuṃ āveṇikā visuṃ dhātu natthi, taṃ dassento **sarīraṃ ekapiṇḍita**nti āha. Adhiṭṭhānabalena sakalasarīradhātu ekaghanasilāmayapaṭimā viya ekameva ahoṣīti attho. **Imamhi buddhathūpamhī**ti sakalajambudīpavāsīhi katamhi imamhi suvaṇṇathūpaṃhi mayāṃ sabbe samāgantvā kañcukathūpaṃ karissāmāti attho.

133. Indanīlaṃ mahānīlanti indīvarapupphavaṇṇābhaṃ maṇi indanīlamaṇi. Tato adhikavaṇṇatā mahāmaṇi indanīlamaṇayo ca mahānīlamaṇayo ca jotirasamaṇijātiraṅgamaṇayo ca **ekato sannipātetvā** rāsī katvā suvaṇṇathūpe kañcukathūpaṃ katvā achādayunti sambandho.

144. Paccekaṃ buddhaseṭṭhassāti buddhuttamassa pati ekaṃ visuṃ uparichadanena thūpaṃ akaṃsūti attho.

147. Kumbhaṇḍā guyhakā tathāti kumbhamattāni aṇḍāni yesaṃ devānaṃ te kumbhaṇḍā, paṭicchādetvā niguhitvā paṭicchādanato garuḷā guyhakā nāma jātā, te kumbhaṇḍā guyhakāpi thūpaṃ akaṃsūti attho.

151. Atibhonti na tassābhāti tassa cetiyassa pabhaṃ candasūriyatārakānaṃ pabhā na atibhonti, na ajjhottharantīti attho.

158. Ahampi kāraṃ kassāmīti tādino lokanāthassa thūpasmiṃ ahampi kāraṃ puññakiriyaṃ kusalakammaṃ dhajapaṭākapaṇjamaṃ karissāmīti attho.

Upavānattheraapadānavaṇṇanā samattā.

11. Raṭṭhapālattheraapadānavaṇṇanā

Ekādasamāpadāne **padumuttarassa bhagavatoti**ādikaṃ āyasmato raṭṭhapālattherassa apadānaṃ. Ayampi purimabuddhesu katādhikāro tattha tattha bhava vivaṭṭūpanissayāni puññāni upacinanto padumuttarassa bhagavato kāle tassa uppattito puretameva haṃsavatīnagare gahapatimahāsālakule nibbattitvā vayappatto pitu accayena gharāvāse patiṭṭhito ratanakoṭṭhāgārakammikena dassitaṃ aparimāṇaṃ kulavaṃsānugataṃ dhanāṃ disvā “imaṃ ettakaṃ dhanarāsīṃ mayhaṃ ayyakapayyakādayo attanā saddhiṃ gahetvā gantuṃ nāsakkhiṃsu, mayā pana gahetvā gantuṃ vaṭṭatī”ti cintetvā kapaṇaddhikādīnaṃ mahādānaṃ deti. So abhiññālābhiṃ ekaṃ tāpasāṃ upaṭṭhahanto tena devalokādhipacce uyyojito yāvajīvaṃ puññāni katvā tato cuto devo hutvā nibbatti. So tattha devaloke devarajjaṃ karonto yāvatāyukaṃ ṭhatvā tato cuto manussaloke bhinnaṃ raṭṭhaṃ sandhāretuṃ samatthassa kulassa ekaputto hutvā nibbatti. Tena ca samayena padumuttaro nāma bhagavā loke uppajjitvā pavattitavaradhammacakko veneyyasattaṃ nibbānamahānagarasaṅkhātakhemantabhūmiṃ sampāpesi. Atha so kulaputto anukkamena viññutaṃ patto ekadivasaṃ upāsakehi saddhiṃ vihāraṃ gato satthāraṃ dhammaṃ desentaṃ disvā pasannacitto parisapariyante nisīdi.

Tena ca samayena satthā ekaṃ bhikkhuṃ saddhāpabbajitānaṃ aggaṭṭhāne ṭhapesi, taṃ disvā pasannamānaso tadatthāya cittaṃ ṭhapetvā satahassabhikkhuparivārassa bhagavato mahatā sakkārena

sattāhaṃ mahādānaṃ pavattetvā paṇḍhānaṃ akāsi. Sattā tassa anantarāyena ijghanabhāvaṃ disvā “anāgate gotamassa nāma sammāsambuddhassa sāsane saddhāpabbajitānaṃ aggo bhavissatī”ti byākāsi. So sattāraṃ bhikkhusaṅghaṅca vanditvā uṭṭhāyāsanaṃ pakkāmi. So tatha yāvatāyukaṃ puññāni katvā tato cavitvā devamanussesu saṃsaranto ito dvānavutikappe phussassa bhagavato kāle satthu vemātikabhātikesu tīsu rājaputtesu sattāraṃ upaṭṭhahantesu tesam puññakiriyāya sahāyakiccaṃ akāsi. Evaṃ tatha tatha bhava taṃ taṃ bahuṃ kusalaṃ upacinitvā sugatīsuyeva saṃsaranto imasmim buddhuppāde kururaṭṭhe thullakoṭṭhikanigame raṭṭhapālasetṭhigehe nibbatti, tassa bhinnaṃ raṭṭhaṃ sandhāretuṃ samatthe kule nibbattatā **raṭṭhapāloti** vaṃsānugatameva nāmaṃ ahosi. So mahatā parivārena vaḍḍhanto anukkamena yobbaṃ patto mātāpitūhi patirūpena dārena saṃyojetvā mahante ca yase patiṭṭhāpito dibbasampattisadisam sampattiṃ paccanubhoti. Atha bhagavā kururaṭṭhe janapadacārikaṃ caranto thullakoṭṭhikaṃ anupāpuṇi. Taṃ sutvā raṭṭhapālo kulaputto sattāraṃ upasaṅkamitvā satthu santike dhammaṃ sutvā paṭiladdhasaddho sattavāre bhattachchede katvā kicchena kasirena mātāpitāro anujānāpetvā sattāraṃ upasaṅkamitvā pabbajjaṃ yācitvā satthu āṇattiyā aññatarassa therassa santike pabbajitvā yonisomanasikārena kammaṃ karonto vipassanaṃ vaḍḍhetvā arahattaṃ pāpuṇi.

179-180. Athāyasmā aparabhāge attano pubbakammaṃ saritvā somanassajāto pubbacaritāpadānaṃ pakāsento **padumuttarassa bhagavatoti**ādīmāha. **Sunāgo so mayā dinnoti** tadā mahādhanasetṭhi hutvā sabbaṃ sāpateyyaṃ dānamukhe vissajjanasamaye sattappatiṭṭho sundaro nāgo hatthirājā mayā dinno ahosi. Taṃ dassento **īsādantoti**ādīmāha. Īsādanto rathāisappamāṇadanto, so mayā dinno hatthināgo. **Urūlhavāti** rājāvahanayoggasamattho, rājāraho vā. **Setacchattoti** alaṅkāratthāya upaṭṭhahanasetacchattasahitoti attho. **Pasobhitoti** ārohapariṇāhavā rūpasobhāhi sampannoti attho. **Sakappano sahatthipoti** hatthialaṅkārasahito hatthigopakasahitoti attho. Itthambhūto hatthināgo padumuttarassa bhagavato mayā dinnoti attho.

181. Mayā bhattaṃ kāretvānāti mayā kārapitavihāre vasantānaṃ koṭisaṅkhānaṃ bhikkhūnaṃ niccabhattaṃ paṭṭhapetvā mahesino niyyādesinti sambandho.

183. Jalajuttamanāmakoti jalato jāto jalajo, kiṃ taṃ? Padumaṃ, padumena samānanāmattā uttamattā ca padumuttaro nāma bhagavāti attho. Sesam sabbattha uttānatthamevāti.

Raṭṭhapālattheraapadānavañṇanā samattā.

Chappaññāsama mahāvaggavañṇanā samattā.

Iti visuddhajanavilāsiniyā apadāna-aṭṭhakathāya

Ettāvātā buddhapacce kabuddhasāvakattherāpadāna-aṭṭhakathā samattā.

Nigamanakathā

Sīhaḍāpake appicchatādiguṇavantaṃ theravaṃsappadīpānaṃ ānandattherādīnaṃ sabbasattānaṃ taṇhāmānadiṭṭhādayo chedananiḅḅahavivecanādyatthaṃ sattahī māsehi ativiya ārādhanena laddhakosallena bodhisambhāraṃ gavesantena satidhitigativīriyaparakkamantena mahāsamantaḅḅasobhanena tipīṭakadharena paṇḍitena ābhattaṃ imaṃ apadāna-aṭṭhakathaṃ sabbo sadevaloko jānātūti.

Anena lobhādimalā pajānaṃ, cakkhādirogā vividhā ca dukkhā;
Kalahādibhayaṃ dukkhitā jātā, corādayonattakarā ca loke.

Nassantu me pañca verā ca pāpā, nassantu gimhe yathā vuṭṭhivātā;
Aṭṭhaṅgikamaggavarena patvā, nibbānapuraṃ paṭipādayāmi.

Sabbadiṭṭhiṅca maddanto, rāgadosādīpāpake;
Saṃsāraṃ chinditvā, upemi saggamokkhake.

Āṇākhettamhi sabbattha, avīcimhi bhavaggato;
Sabbe dhammānuyāyantu, tayo lokā utupi cāti.

Apadāna-aṭṭhakathā samattā.